




1533

2090

1077

CA V. 10.

constat
M. 1/2 30 Xr. 1000
Soud 24 Xol ---



Digitized by the Internet Archive
in 2011 with funding from
Open Knowledge Commons and Harvard Medical School

<http://www.archive.org/details/conspectuspathol00junc>

CONSPECTVS PATHOLOGIAE

AD
DOGMATA STAHLIANA
PRAECIPVE ADORNATAE

ET

SEMEIOLOGIAE

POTISSIMUM

HIPPOCRATICO-GALENICAE

IN


FORMA TABVLARVM

REPRAESENTATVS

AVCTORE

D. IOANNE IVNCKERO

PROF. PVBL. ORDINAR. ET INSTITVTI
ORPHANOTROPHEI PRACTICO.



HALAE MAGDEBVRGICAE
IMPENSIS ORPHANOTROPHEI
MDCCXXXVI

CONSPECTVS

PATHOLOGICAE

8A 90

AD

DOCTORATU STABILIANI

PRAGAE ADORNANT

ET

SEMIOTICAE

POTISSIMUM

HISTORICO-GABENICAE

IN


FORMA TABULARVM

REPRESENTATVS

AUCTORE

D. IOHANNI IVICKERO

PROF. PUBL. ORDIN. ET INSTITUT.



MUSEI HISTORICO-NATURALIS PRAGAE

MDCCCXXVI



PRAEFATIO.

ACcipe, beneuole Lector, alteram theoriæ medicæ partem, *pathologiam* scilicet et *semeiologiam*; illam quidem secedim, hanc autem tredecim tabulis repræsentatam. De pathologia prædicere conueniet, illam ea methodo esse conscriptam, vt, quam theoria medica, ad felicem praxin subeundam, inuoluat necessitatem, nexu quodam iucundo vbique perspicere liceat. Quum vero in *conspectu practico* pathologiam *specialem* per singulorum morborum differen-

PRAEFATIO.

tias, signa, subiecta et causas plenius iam exhibuerimus: tum ea hic repetere non modo superfluum, sed iniquum plane, ducimus. Interim generalior hæc tractatio ita adornata est, ut quosuis speciales morbos ad generales classes relatos, eorumque singulares rationes commoda euolutione & adplicatione illustratos peruide-re queamus. Morborum series respondet ordini, quem in conspectu practico obseruauimus: hac enim ratione tironum commoditati consulere solemus. Igitur præmissis quatuor tabulis, quæ de morbis generatim, deque eorum differentiis, subiectis & causis exponunt, tabula quinta vniuersalem quasi fontem aperimus, atque ex illo morbos tantum non omnes deriuamus. Plethoram subaudimus; quæ proxime humores consistentia lædit, & ominosam eorum spissitudinem celerem comitem inuitat. Vnde, quæ ex corpore impuritates quotidie proscribendæ essent, in illo retinentur, & sic vitiosa humorum qualitas, quam *cacochymiam* vocamus, mox accumulatur. Hanc ob causam tabula sexta de spissitudine sanguinis, septima autem de cacochymia agitur. Tria hæc vitia sunt hostes materiales, cum quibus per tres itidem motus & actus, ultra tenorem naturalem intensos, naturæ conflictandum est. *Primus actus* est simpliciter

PRAEFATIO.

citer *hæmorrhagicus*, vbi natura in subiectis, tenui sanguine præditis, ad plethoram imminuendam motus hæmorrhagicos suscipit, per naturales sanguinis fluxiones abundantiae detrahendo. *Alter actus est congestorius*, in quo quidem hæmorrhagica molimina itidem agnoscimus, sed spissi humores non raro efficiunt, vt illi motus sinistre succedant, & molestis tantum congestionibus ægros adficiant. Quo autem maiora impedimenta in hoc actu naturæ obiiciuntur, eo certius motum tonicum ad spasmos vsque & conuulsiones intendere solet. *Tertius actus est febrilis*, in quo sanguis abundans & spissus in serum resoluitur & cum reliqua praua qualitate per sudorem excernitur. Actum primum exhibet tabula octaua de hæmorrhagiis naturalibus; alterum explicat tabula nona de congestionibus & decima de spasmis atque conuulsionibus; tertium denique tabula vndecima de febribus exponit. Quem ad modum autem hi actus naturæ ad materiæ peccantis indolem & conditionem administrantur: sic in morbis lymphatico-serosis, de quibus duodecima tabula agit, & in primarum viarum vitiis, quæ tabula decima tertia pertractantur, motus, materiali noxæ oppositi, non adeo vehementes sed remissiores obseruantur. Materiæ enim peccantes plerumque ita sunt com-

PRAEFATIO.

paratæ, vt præceps damnum non adferant; præterea in locis partibusque commodioribus, & ad iniurias quasi perferendas aptioribus continentur. Quare iudicatu haud difficile est, cur in œdemate, cachexia, hydrope, scabie & in aliis lymphatico-ferosis corruptionibus, item in primarum regionum crassis & mucidis vitiis motuum augmentum rarius obseruetur. Quando autem causæ morbidæ adeo contumaces sunt vel saltem ita finguntur, vt natura spem eluctandi amittat: tum actus suos, post multa plerumque & irrita conamina, interdum plane omittit, & ex tædio motus resistentes abiicit; de quo motuum vitalium defectu tabula decima quarta agitur. Tandem animi morbi, & casus fortuiti, repentini ac sic dicti reseruati, tabulis vltimis explicati, pathologiam absolunt. Quod autem ad *Semeiologiam* attinet, illam *Hippocratico-Galenicam* non sine ratione adpellauimus: pleraque enim ex hisce auctoribus non modo desumpta, sed ipsissimis eorum verbis conscripta sunt. Quid autem causæ sit, cur hos viros fere solos hac in re sequamur, sequentia explicant momenta. *Hippocrates* in arte prognostica tam mirificam dexteritatem tamque insignem habitum adquisiuerat, vt Medicorum plerique eius industriam etiamnum hodie admirentur. Quoniam autem
plura


PRAEFATIO.

plura huius Antesignani loca satis obscura, & non nulla eorum ita comparata sunt, vt prædictiones cum recentiorum Medicorum experientia non vbique conueniant: tum alii, inter quos *Galenus* princeps est, per operosam explicationem *Hippocratem* defenderunt, alii autem, ob nodos fere indissolubiles, in alterum extremum prolapsi, Semeiologiæ studium vel prorsus neglexerunt, vel saltim incertum & fallax iudicarunt. Sicut autem media vbi-que via securissima est: ita Senis quidem industriam illiusque obseruationes merito venerari, errores autem per theoriæ defectum benignius excusare, & quæ discrepant, per climatis sui calidi ad frigidiora nostra collationem conciliare congruum erit. Quare *Hippocratis* & *Galen*i interpretis prædictiones, satis dispersas, cum industria collegimus, obscuris autem & dubiis locis notas passim adieci- mus, vt aliis ad vltiorem emendationem ansam præbeamus. Hic enim canon ille antiquus, quod omnia probanda, & quæ bona tantum modo retinenda sint, præcipue locum habet. Ceterum Semeiologiam hanc eo ordine conscripsimus, vt præmissa generaliori tractatione monstratum sit, quæ prognostica signa ex motibus primum vitalibus, nempe ex pulsu, respiratione & motu tonico alterato petenda sint. Deinde motus naturales

PRAEFATIO.

turales criticæ incudi reddendo de crifibus generatim expofuimus; poſtea de ſanguinis excretionē, ſudore, vrina, vomitu, aluinis deiectionibus, abſceſſibus & ſputo ſpeciatiim dictum eſt. Tandem indicauimus, quid prognosticæ veritatis ex motibus animalibus, voluntariis & externis corporis partibus haurire liceat. Sic vale, benevole Lector, & faue

AVCTORI.



TABVLA



TABVLA I.

DE

MORBIS GENERATIM.

I. DEFINITIO.

Morbus est corporis animati præternaturalis status, qui partium tam fluidarum quam solidarum crasin & mobilitatem lædit; coniunctus cum variis symptomatibus, quæ vel a causâ materiali morbifica, vel a motibus, noxæ materiali oppositis, plerumque auctis, rarius remissis, originem ducunt.

II. DIFFERENTIA.

1. Quemadmodum Pathologia, seu doctrina de morbis, alteram medicinæ theoreticæ partem constituit, quæ morborum causas, symptomata, effectus, nexum, sedem, indolem, atque decursum explicat: sic commode diuiditur in partem generalem & specialem.
 - 1) *Pathologia generalis* generatim tantum considerat ea momenta, quæ modo recensita sunt.
 - 2) *Specialis* morbos sigillatim pertractat, & quævis phænomena, circa illos occurrentia, curatius perpendit.
2. *Pathologia medica* longius differt a *physica*: hæc enim occupata est in sola & nuda causarum physicarum contemplatione, sine respectu ad læsi corporis restitutionem e. g.
 - 1) Considerat, quomodo corpus ad varias læsiones habile & dispositum sit; ac quo vsque illæ latius serpere variaque

schemata exhibere possint. In hoc campo pathologico quis noxias humorum qualitates, quis innumeros sapores, quis aëris vitia, & ciborum potuumque scrupulosas accusationes numeraret?

- 2) Inquirit porro in nexum, qui inter causas lædentes & corpus læsioni obnoxium intercedit; non minus euoluit illius fiendi modum, atque ita circa nudas materiarum proportionēs & his superstructas potestates perpetuo hæret. Quumque omnis eius opera versetur in iis, quæ corpori mixto & structo accidere possunt, *viui* autem rationem non habet: tum nihil sollicita est, de *motuum principio* eiusque respectu *finali*.
3. *Pathologia* autem *medica* his suppositis.
 - 1) Respicit generatim restitutionem corporis læsi.
 - 2) Considerat corpus tamquam *uiuum*, cuius partes organice non friuole, sed eum in finem constructæ sint, vt ad certos vsus, motibus exsequendos adplicentur; videlicet ad integritatis conseruationem, læsionis restaurationem & principalis finis, cuius causa omnia sunt, salutare complementum.
 - 3) Porro obseruat causam horum motuum *efficientem*, eorum gradus, proportionēs & directiones; num scilicet finali intentioni congrue respondeant, vel ex contraria parte auerruncandæ noxæ minus quadrent.
 - 4) Ex his probe ponderatis eruit tandem consilium therapeuticum, vt tam materiam lædentem debite corrigere & expellere, quam motus ad optati finis consecutionem dirigere studeat.
4. Hæc simul docent differentiam pathologiæ a *pathognomia* & *semiologia*. Hæ enim circa morborum diagnosin tantum hærent: illa autem, vti dictum, in morborum causas ita inquirat, vt simul ad eorum therapiam via paretur.
5. Quot modis & quibus speciatim respectibus morbi inter se differant, *Tabula speciali de differentiis morborum* indicabitur.
6. Eadem quoque tabula *symptomatum* ab ipso morbo differentia monstrabitur. Hæ enim distinctiones vti magnam lucem rei

rei medicæ adfundunt: sic, vt de iis seorsim & explicatius agamus, operæ pretium erit omnino.

7. Tandem morbus differta *vitio* sensu *physico* sumto. Ille enim plerumque temporarium quid, hoc vero semper fere perpetuum denotat. Nam claudus & monoculus vitiosi quidem sunt, ideo tamen non ægroti.

III. SVBIECTVM.

1. Quamquam morbi subiectum sit corpus animatum, non solum hominum sed etiam brutorum: tamen de priori tantum in pathologia agere conuenit, cum reliquorum animalium nosologiam veterinariæ cultores sibi vindicent explicandam, quemadmodum physici aliique vegetabilium morbis attendere solent.
2. Quoniam præterea subiectum morbi in vario sensu sumitur, & plures respectus inuoluit, ita, vt vberiore explicatione indigeat, necesse est, vt *tabula sequente de subiecto morborum* specialius agamus.

IV. CAUSSAE.

In tradenda morborum ætiologia ab antiquissimis temporibus magnus semper obseruatus est Medicorum dissensus.

1. *Hippocrates*, qui minus sibi constabat, morbos vix aliunde, quam ab aëre oriri alias credidit; mox vero omnes morbos ex bile & pituita prouenire docuit. Et in libro de nat. hum. tradit: corporis humani naturam sanguine, pituita, bile flaua & nigra constare, corpusque ipsum per hæc dolere & sanum esse.
2. Quid autem sentiendum sit de eo, quod *Hippocrates to Dioscor* in morbis vocitat, id varie a variis explicatur. Alii enim aëris peculiarem constitutionem; alii id, quod naturæ vires excedit; alii morborum prædictionem per illud denotari putant. Confer. *Iordan* tractatus de eo quod diuinum aut supernaturale est in morbis. Item *G. W. Wedelius*, qui ex locorum parallelismo euincit, *Hippocratem* per id voluisse, vt Medicus prænoscere & prædicere valeat, quinam in morbis morituri, qui euasuri sint; quo reliquis pateat, ægrum non Medici culpa, sed suo obisse fato. Verum enim vero quocum-

que modo explicetur, ethnicum tamen sensum το θεον Hippocratis vbique redolet, & non attingit illud diuinum, quod Medicus Christianus in morbis perspicit & veneratur, e. g. eo tempore quo θεον hoc sobrie explicandum meditor, puerperam eodem die, quo ante annum per nuptias, enormibus sceleribus maculatas, ciuitati scandalo fuit, purpura alba extinctam nouimus.

3. *Praxagoras* eiusque asseclae, quos inter eminet *Herophilus*, omnium morborum causam in humorum vitio esse contenderunt. *Erasistratus* autem plethoram & παρσυνωσις præcipuas morborum causas agnouit. Conf. *Galenus* liber de *Venæs. aduersus Erasistrat.* capit. III. eiusdem *Isagoge* cap. VIII. Sed vti *Galenus* in *Erasistrati* dogmata non semper æquus obseruatur: sic paremptoseos quoque explicatio benigniorem meretur interpretem. Non solum enim sanguinis e venis in arterias, quas aëre repletas putabat, transfusionem seu coincidentiam, sed reliquos quoque humores in locum alium præter naturam congestos, per talem paremptosin significasse videtur.
4. *Asclepiades* & *Methodicorum secta*, relicta pathologia humorosa, aliud sibi condiderunt ætiologiæ systema, dum solidis corporis partibus initia & elementa attribuerunt & ex his tum quæ natura consistunt, tum morborum causas deriuarunt. Vid. *Galenus* *Isagoge* cap. IX. & cap. XIII. De *Asclepiade* speciatim adferitur, quod omnis morbi causam in molis corporeæ extensione quæsuerit. Cum quo dogmate facile conspirare potuit *Methodicorum* de laxo, stricto & mixto hypotthesis, per quam vitia & nimix structuræ & solutionis & ex utroque participantes adfectiones vna cum suis causis explicare non fuit difficile.
5. *Pneumatici* quid speciatim de causis morborum senserint, adeo manifestum non est, nisi quod constet, *Athenæum* & *Archigenem*, huius sectæ antesignanos, credidisse, vniuersos morbos a spiritu, in statu quidem naturali omnia gubernante, in præternaturali autem offenso, ducere originem.
6. *Galenus*, *Praxagoram* secutus, humorosam pathologiam de nouo sibi sumpsit restituendam; habita simul ratione temperiei;

riei; ita nimirum, vt positis quatuor humoribus, sanguine, pituita, bile flaua & nigra, inculcaret, quemuis horum humorum, propter certam temperiem, certam quoque habere functionem: vitiata vero temperie, illico corrumpi functionem, vt animal vel in toto, vel in parte ægrotare cogatur. Hinc quatuor cardinales morbos secundum quatuor hasce causas, scilicet caloris, frigoris, siccitatis & humiditatis statuminavit. Ad specialiores quod attinet, de illis vid. *eius liber de causis morborum cap. VI-XI.*

7. *Græci* demum sequiores, *Arabes* & Latino-barbari, vti reliqua *Galenii* placita, ita & hanc eius doctrinam de morborum causis, seruii quodam obsequio propugnauerunt, vsque dum sub sæculi XVI. initium *humoristarum* seu *Galenicorum* dogmata conuellerentur.

8. *Paracelsus* scilicet contra vulgares Medicos surrexit, & mallei instar antiquorum systemata contundere adlaborauit: nihil tamen illis in reformatione sua fuit felicius. Dum enim veterum intemperiem & quatuor humorum qualitates refutauit, causas morborum tribus sic dictis chemicorum principiis, *sali* scilicet, *sulphuri* & *mercurio* inconcinne tribuit. Sic

1) *Sal* statuit

- (1) *dulce* in carnibus.
- (2) *falsum* in sanguine.
- (3) *Amarum* in bile
- (4) *acidum* in membrorum extremitatibus.

2) *Sulphur* adseruit

- (1) *rubrum* in carne, sanguine & præcipuis visceribus.
- (2) *flauum* in adipe, medulla & omento,
- (3) *album* in cerebro, ossibus & venis,
- (4) *viride* autem in bile.

3) *Mercurium* finxit.

- (1) *grauem* in carne.
- (2) *leuem* in pulmonibus.
- (3) *mediocrem* in ossibus, non sine aperta principii petitione,

9. Idem porro *tartarum*, tamquam veram omnium morborum causam, aliis obtrusit, ac eius cognitionem tantopore commendauit, vt Medici nomine indignum haberet illum, qui tartari morbos eorumque accessiones ignoraret. Species eius statuit quatuor; quæ sunt

1) *tartarus mortalis*.

2) *chronicus*, qui propter naturam fixam non mutetur, sed itidem ad mortem tendat.

3) *mansuetus*, qui tolerabiles dolores excitet.

4) *præteriens*, qui collectus facile excernatur. Interim tamen ad elementa, ad astra, ad complexiones, ad quatuor humores subinde recurrit, quia iam in suppeditatis principiis non satis tuto confidendum esse animaduertit. *Conf. Barchusen histor. medic. dial. XV. Wedelii diss. de morbis tartareis Ienæ 1695.*

10. Io. Bapt. van Helmont satis quidem acriter perstrinxit *Paracelsum*, eiusque morborum ætiologias præcipue explosit in tractatu, cui titulum posuit: *inuentio tartari in morbis temeraria*. Sed exiguo aut potius nullo rei medicæ emolumento. In locum enim pathologiæ tartaræ substituit friuolum illud *archæi indignantis, turbati, furibundi, meticulosi ænigma*, aliasque *fermentorum morbificorum fictiones & ideas seminales*, *Paracelsi* somniis nihilo certiores. Vid. Io. Frid. de Pré *diss. de morbis archæalibus Erford. 1702.*

11. Docuit autem, morbum quemuis, ab interna causâ obortum, fieri ab archæo ipso, qui materia quadam turbatus damnofo consilio ideam morbosam in se formet, & materiali suæ parti ita imprimat, vt morbus inde producat. Deinde tot esse morborum, quot idearum morbosarum species; harum vero numerum æqualem putauit numero diuersarum fordium in homine. De sede morborum decreuit, stomachum omnium esse sentinam, quia morbi ad vnum omnes adorientur animam sensituiam, quæ sedem suam in stomacho haberet.

12. Atque secundum illa *Helmontii* placita sanitatem putant esse archæi actionem secundum systema idearum naturale per instrumenta integra in corpore manifestatam, *morbum* autem actionem

nem eiusdem substantiæ spirituosæ & luminosæ simplicis, secundum ideam præternaturalem, eamque aut hæreditariam imaginatiuam, aut aliam quam-cumque peregrinam, organorum vitio productam, & ad interitum totius compositi excusam. Huius viri sectatoribus quoque solemne est, archæum vocare animam. Vid. *Lud. Frid. Jacobi diss. de anima causa morborum proxima Erford. 1691.*

13. *Robertus Fludd*, Anglus, repudiatis aliorum sententiis, paradoxo suo dogmate multorum quidem excitauit admirationem, sed pathologiam nullatenus perfecit. Is vero morborum causas malos spiritus, ad quatuor mundi plagas locatos, pronunciauit, utpote quibus ab irato Numine concessum esset, homines pœna dignos morbis diuexare. Quem in finem fide magis quam probabiliter cuilibet horum spirituum assignauit certum specificumque morborum numerum, quo sagittarum ad instar reos petere soleant.
14. *Otto Tachenius* ex pharmacopolæ ministro repente chemicus factus, paulo post Medicus, Venetiis quæstum fecit ex viperarum sale, variaque euulgauit Schediasmata, in quibus paradoxa sua chemica & medica cum publico communicauit. De anima credidit, quod generatim considerata sui quidem domicilii architecta sit: cuique autem morborum, cum singuli diuersi sint, suam esse animam opinatus est, & omnes propemodum a *fermentatione* seu acidi & alcali coniunctione exoriri voluit: supposito acido, tamquam cuiuslibet morbi causa princeps. Omnium præterea morborum modum vnum eundemque statuit, nisi, quod loca differentem mali denominationem postulent; cum acidum ab acido haud differat. Sic ex illius sententia acidum
 ad vrinam admissum facit stranguriam
 ad intestina, colicam
 ad iuncturas, articulorum podagram
 ad cutim, scabiem
 ad fauces, raucedinem
 ad extremitates vnguis, paronychiam.
15. Ceterum cum *Tachenio* fecit etiam *Wirdigius*, *Bontekoe*, *Ouercamp* & plures alii pathologiæ falsæ propugnatores. Imo
 &

& *Sylvius* ex parte, qui cruditates acido-biliofo-viscidas in primis viis, præcipue vero in duodeno hærentes, chronicorum maxime morborum atque symptomatum causam esse perhibuit. Quare absorbentium, alcalium fixorum & salium volatilium oleosorum vsum maxime commendauit. Sed mancā & male fundatam hanc esse, demonstrarunt *Frid. Hoffmannus* in *Exercit. acroamat. de acidi & visceri pro stabiliendis omnium morborum causis & alcali fluidi pro iisdem debellandis insufficiencia*. *Francof. 1689. Stablius de pathologia falsa Halæ 1698. Item Bobnius.*

16. *Augustus Hauptmannus*, Medicus quondam Dresdensis, singulare plane & nulli forte alias familiare diuulgauit placitum, dum morborum & mortis causam putredinem animatam seu verminosam adfereret. Videri potest eius meletematum pars in epistola præliminari, tractatui de viua mortis imagine mox edendo sacrata, qui tamen lucem numquam adspexit. *Conf. Lindenius renouat. p. 97. Stollii histor. med. p. 533. f.*
17. Hanc opinionem quasi recoctam proposuit recens quidam Medicus Anglus An. 1728. Parisiis, vbi, dogmate de acido, alcali & fermentatione reiecto, demonstrare adnitus est, quod omnis generis morbi ab insectorum diuersis speciebus suam trahant originem. Confer. eius schediasma: *systeme d'un Medicin Anglois sur la cause de toutes les especes de maladies, avec les surprenantes configurations des differentes especes de petits insectes, qu'on voit par le moyen d'un microscope dans le sang des differens malades, &c. Recueil par M. A. C. D. à Paris 1728. And. El. Büchneri miscell. physico-med. An. 1728. mens. Sept. p. 1339. f.*
18. *Thomas Willisius*, Prof. physices Oxoniensis, post vero practicus Londinensis, ante hos quinquaginta, & quod excurrit, annos floruit, scriptisque suis magnam inter Medicos adeptus est famam. Is quoque peculiare sibi consarcinauit medicinæ systema, cuius compendiosam recensionem fecit *Parchusen histor. medic. dial. XVII.* Tradidit autem duas in homine reuera adesse animas, natura distinctas, alteram quidem incorpoream, alteram vero corpoream, e sanguine vitali & spirituum animalium congerie conflatam, quarum illa
in

in phantasia resideat, hæc vero per vniuersum corpus distributa sit. Hominem per fermenti modum nasci, siquidem vitæ origo spiritui in corde, veluti puncto cuidam fermentanti, debeatur. Hominem porro per eundem modum nutrirî & mori. Quemlibet autem morbum virtute etiam fermenti, suas excitare tragœdias; quid? quod natura per fermenta quoque morborum moliatur curationes. Sanguinem in æquabili temperie & fermentationis motu seruatum, bonam efficere valetudinem; aduersam vero fieri, si quando humorum motio, solito aut maior fuerit, aut minor. Præter alia & hoc ipsi tribuendum, quod plurima in morbis chronicis symptomata ex spasmo & generis neruosi afflictione partiumque consensu deriuanda esse docuerit: postquam neruorum structuram per anatomen curatius peruestigauerat. Quam sæpe vero deceptus sit per anatomiam comparatiuam, id pridem monuit *Schelhammerus in addit. ad Conringii introduct. p. 209. f.*

19. Recentiorum non pauci in constituendis morborum causis via ab aliis, quos iam recensuimus, plane diuersa incedunt, & sicut motus, qui ad machinæ corruptibilis conseruationem in statu sano tendunt, a causis mechanicis seu rerum corporearum facultatibus earumque mutua actione et reactione deducunt: ita motus in morbis contingentes ex causis materialibus morbiis deriuant. Interim animam vt morborum fabrum passim agnoscunt, & vbi necesse est, in subsidium vocant.

20. Sed ex longe aliis fontibus *Stahlius* pathologiam suam deriuat: iudicat enim in morbis nihil *noui*, sed tantum aliquid aucti potissimum fieri. Videlicet vt motus ordinarii ordinariæ corporis necessitati prospiciant, & præcipue materiales noxas per quotidianas excretiones expurgent: sic auctis peccantibus materiis motus quoque secernentes & excernentes augeri, in causa autem vel vere perditâ, vel falso sic iudicata, nonnumquam remitti, aut plane omitti. Istâ vero explicatius *tab. de causis morbor.* trademus.

V. *VSVS.*

1. Vfus doctrinæ pathologicæ vti in se eximius est: ita supra indicatas differentias eo magis notasse iuuabit, quo plus interest, vt suum cuius debitum ponatur pretium.
2. Ex pathologia *Stabliana* præter alia id quoque commodi in cultores suos redundat, vt inde perspicere valeant, quam arctus inter physiologiam & pathologiam sit nexus: sicut enim illa motus naturales ordinarios, ordinariæ noxæ, quæ in corpore quotidie progigni solet, destinatos docet: ita hæc motus auctiores & extraordinarios in morbis contingentes minime vt hostes considerat, sed ab eodem rationali principio productos & hosti materiali oppositos esse clarius explicat.
3. Distincta porro solidaque cognitio caussarum morbos excitantium magni vfus est.
 - 1) Ad euitandas confusiones, quæ oriri possunt ex tot auctorum, qui circa morborum causas tantopere variant, comparatione.
 - 2) Præcipue ad provide distinguendum inter id, quod vera morbi causa est, & inter illud, quod propter morbi causam in morbo & sub illo extraordinarium observatur. Quibus probe cognitis, facile erit discernere ipsum morbum a symptomatibus tam actiuis quam passivis.
4. Peruestigatis causis verioribus prudenter porro diiudicari poterunt variorum circa hoc negotium fictiones, quarum pleræque primo statim obtutu semet refutant; si autem cum experientia comparentur, deprehenduntur plane absonæ. Veræ e contrario causæ egregie conspirant cum praxi & subiectis, vnde euincere licet, eas a *priori* quoque certas & demonstrabiles esse.
5. Cum tandem motus in morbis, ex sententia *Stablii*, nihil noui sint aut peregrini, sed naturalium solummodo augmentum plerumque salutare, licet molestum, quo principium vitale vtitur ad causam materialem morbificam subigendam & expellendam: tum hæc doctrina medicum reddit cautum, ne in hos tam vtilis tamque necessarios motus vilo modo peccet, aut naturæ intentionem turbet, multo minus eosdem
sup-

supprimere in animum sibi fumat. Hoc enim idem esset ac alicui cum hoste acriter dimicanti arma excutere & mortem accelerare.

VI. OBSERVATIONES.

1. Pathologiam discere volenti id inprimis suppeditandum est consilii, ut ad hanc non accedat, nisi sanis physiologiæ principii probe imbutus. Vti enim rectum norma esse solet obliqui: ita cognito illo hominis statu, qui sanus dici meretur, optime demum patebit, quando & cur idem læsus aut æger dici debeat.
2. Pathologia *physica* tametsi accuratissima, ad morborum curationem parum conferre valet, unde illius applicatio eo debet esse circumspectior.
3. Tunc autem *physicæ* pathologiæ in medicina aliquis esset usus, si caussarum *phylicarum*, quæ corpus lædere solent, naturam corrigere aliasque concurrentes circumstantias mutare valeremus. Sed quoniam vtrumque in medici potestate non est, consultum ducitur, pathologiæ magis *medicæ* quam *physicæ* amplam nauare operam; siquidem nexus inter causam lædentem & corpus læsionibus obnoxium, plus curiositati, quam exoptatæ restitutioni satisfacere deprehenditur, & nisi accesserit pathologiæ *medicæ* opera, neutiquam sanabitur corporis læsio.
4. Præterea quod pathologia plus quam simplicem morborum recensionem inuoluat, ex ipsa *definitione* iam elucet. A quo enim diligentius causas morborum eruere studuerunt Medici, ab eo aliam longe indepta est faciem; ut iam circa magis vera occupetur, circa talia nimirum, quæ vere existunt & frequenter fieri solent.
5. Magno autem subsidio fuit accuratior historiæ morborum indagatio, quæ a multis quidem post solertissimum historiæ morborum scriptorem, *Hippocratem*, frigide nimis culta & vix non neglecta est; sed *Petro Foresto* manum admovente insignia cepit incrementa. Vnde *Stablius* in *diff. de emendandæ historiæ clinicæ fundamentis thes. VII.* adfirmat, neminem quemquam tanta, quanta *Forestus*, industria & peritia hoc argumentum tractasse. Conf. *Stablii diff. de empiria rationali*

medica §. XVII. Ipse autem *Stablius* quanto studio, quantave accuratione in hoc negotio versatus sit, ipsius loquuntur monumenta. Vid. *Stollii hist. med. p. 521.*

6. Plena igitur & accurata historiæ morborum consignatio, ut plurima in pathologiam confert commoda: ita solícite attendenda ab illis est, qui hanc medicinæ partem cum fructu tractare & incongruum hysteron proteron euitare satagunt. Cognito enim subiecto obseruatisque momentis præcipuis & alicui morbo essentialibus, fidæ ac veræ demum erui possunt eius causæ, quod vel ex vnico hæmorrhagiarum exemplo addiscere licet.
7. Causam quidem huius depletionis efficientem diu esse crediderunt aliquam in sanguine *acrimoniam*, quæ subtiles tandem venulas corrodendo sanguini prorumpenti viam pandat. Sed experientiam huic opinioni refragari, attentis prædictis ex simplice hæmorrhagiarum historia notum est. Hac de re *tab. de hæmorrhagiis* explicatius dicemus.
8. Sic etiam in plerisque aliis morbis veræ historiæ pensatio amplæ utilitatis est, & præcipue ad genuinas eorum causas eruendas facem præferre solet. Cognitis enim morbi circumstantiis, nexum causarum vel mediocre iudicium superstruere potest.
9. Iam de *morbo ipso* exponendum erit. Quantum autem intersit conuenientem & in vera experientia fundatum de morbo conceptum habere: id pridem agnouerunt Medici. Quare *Thomas Erastus* dicere non veretur, quod in ea disquisitione, quid morbus sit, totius artis principium & finis consistat.
10. Discrepantia Physiologorum principia non possunt non conceptus quoque pathologicos confundere. Vnde sola morbi definitio instar Eridos pomi fuit apud magni nominis Medicos; sicut disputationes inter *Erastum*, *Argenterium*, *Iul. Alexandrinum*, *Fernelium*, *Io. Vallesum* & *Leon. Fuchsum*, vltro citroque acriter institutæ, fatis comprobant.
11. *Hippocrates libro de flatib.* morbum id esse dixit, quidquid hominem vexet; sed hæc definitio tam imperfecta est, quam eorum, qui antiquitus dixerunt: morbum esse primorum,
quæ

quæ secundum naturam constant, intemperiem. *Conf. liber Galeno adscriptus, de medicis definitionibus.* Item morbum in eo consistere, quod ab agente causa in subiecto post mutuam actionem & passionem maneat impressum; uti legas in *Laur. Iouberto f. 212.*

12. *Galenus* in morbo definiendo minime felicius fuit: ille enim vel per operationis, vel per structuræ læsionem eundem describit. Et alibi dicit: morbum esse adfectum præter naturam, qui actionem impediatur. *Vid. eius liber de diff. morb. cap. II. it. lib. de diff. symptomat. cap. I. & lib. I. de sanit. tuenda cap. V.*
13. Haec definitio quia multis adrisit, eam magis perpolire studuerunt, dum ad mentem antesignani morbum explicant, quod sit adfectus corporis, actionem eius primo & immediate sensibilibiter lædens. *Conf. Horstii opp. tom I. f. m. 233. Paul. Sorbait Isag. med. f. 43. Brunonis dogmata med. generalia p. 110.* Sed si consideremus, quod *νσος* & *παθος* apud *Galenum* aliosque Medicos græcos sint synonyma, quodque in plerisque morbis actiones, præcipue vitales, non lædantur, sed augeantur; tum facile patescit, & genus & differentiam huius definitionis claudicare.
14. Vrgent non nulli, morbum potius statum *contra*, quam *præter naturam* esse definiendum: sed siue materiale vitium, siue motus in morbis spectemus, a naturali statu ita non deflectunt, ut *contra naturam* absolute haberi possint. Præter ea vocabula technica, vsu recepta, valent ut nummi. Porro si consideremus vulgares de morbis conceptus & enunciationes, quibus motus molestos præcipue accusant, tantum abest, ut *contra naturam* morbus sit, ut potius *pro illa* militet. Certissimum enim est, morbum plerumque id dici, quod potius est medicina contra morbum. e.g. febres cuiuscunque indolis. *Conf. tab. de diff. morbor.*
15. Quod vero ad causas attinet; necesse omnino est, præter causas materiales, motuum quoque in morbis penitiores inire rationem: videlicet pensitare, a qua causa efficiente motus ita dirigantur, ut iam intensi, iam remissi, iam de nouo excitati adpareant, usque dum materialis noxa subacta & eli-

minata fuerit. Numquam enim memoria excidat, auctiorum motuum alium non esse finem, quam materiarum noxiarum excretionem. Quod adeo verum est, ut ii quoque Medici, qui sapientem motuum directorem in corpore non agnoscunt, sed puro mechanismo inhærent, directam eorum suppressionem iudicent perniciosam; quam rem cautiones de febribus præmature non suppressendis satis confirmant.

16. Quantum in morbis prærogatiuæ habeant motus *auctiores præ deficientibus*, nemo Practicorum ignorat. Vnde in motuum excitatione nimium sæpe, quam par est, non nullos occupatos videas. Qui sane conatus luculenter testantur, motum esse *actum* certis finibus destinatum, ac proinde a materia minime expectandum.
17. Itaque perpetuo recordari conuenit, in morbis, exceptis paucioribus, aliquid *actiui* concurrere, quod prudenter æstimandum, sobrie diiudicandum & ad finem salutarem synergetice promouendum sit.
18. Quamdiu autem aurea hæc veritas in artis & sanitatis detrimentum abscondita fuerit, Medicorum scripta passim testantur. *Hippocrates* quidem hanc naturæ energiam probe agnouit, diserte scribendo: naturam esse, quæ sanitatem in nobis tueatur & morbos pellat. *Vid. Stablii diff. de medicina sine Medico.* Sed multa post ipsum sæcula hoc vtilissimum dogma præteruiderunt.
19. Sicuti vero & energiam & synergiam naturæ in morbis agnoscere multum interest Practicorum; ne motus causæ *materiali* tribuant, qui sunt *efficientis & sapientis principii*; ita *actiua* hæc symptomata a *passiuis* follicite discernere conueniet, ut circumspæctus naturæ minister euadat & contra motus rationaliter institutos & finaliter agentes nihil quidquam temere fuscipiat.
20. Quo magis causæ *materiales* in morbis manifestæ sunt: eo maiorem sui exposcunt considerationem. Quo minus autem eadem adparent: eo magis motuum ratio habenda est; ea tamen discretionem, ne materias peccantes plane prætermittamus: sub ipsis enim motibus noxios humores generari certum est.

TABVLA II.

DE

DIFFERENTIIS MORBORVM.

I. DEFINITIO.

Differentia morborum est technica eorumdem diuisio, quæ a causis, subiectis, motuum gradu, aliisque circumstantiis desumitur.

II. DIVISIO.

1. Morborum diuisio, vti ferme videtur arbitraria: ita etiam ab auctoribus multifariam solet institui. Nos eos dispescimus in morbos potissimum

- 1) *Quantitatis*

- 2) *Qualitatis*

- 3) *Motuum*: minime inficiando, dari quoque morbos, qui vel maxime *mixtæ* dici debeant *indolis*.

2. Difficile præterea est, sed methodi causa inuentum, morbos motuum a prioribus ita separatim proponere, quasi his nihil cum illis esset commune: sed cum humorum tam *abundantia*, quam *spissitudo* insigne non solum augmentum, verum etiam notabiles sæpius motuum exacerbationes inducere soleant; tum inde discimus, morbos inter se admodum esse connexos.

3. Licet autem *motus*, materiae morbificæ subigendæ proportionatos, morbi *symptomatibus* adnumerauerimus, vti ex *definitione* tabulæ præcedentis patet; tamen *ανομαλῶς* agentes re vera morborum solent fieri causæ, quando v. g. fiunt

- 1) citra proportionem ad materialem noxam, atque vehementia sua malum morbi in deterius peruertunt, & sub nimio augmento nouas materias noxias generant, & iam præsentem adaugent.

- 2) Quando nulla materia adfligente variis in negotio vitali turbis ansam præbent; quod in animi pathematibus, &

ira

ira potissimum dispalescit; vbi experientia teste, colicam, febres biliofas, inflammationes, conuulsiones, paralyfin, apoplexiam prouocare solent.

- 3) Sæpe materia morbifica quidem adest, sed quieta & quasi sopita delitescit, vti obseruamus in calculo, arthritide, hæmorrhoidibus; accedentibus autem motuum exacerbationibus, per causas externas fuscitatis, illico dolores calculosi, arthritici & colica hæmorrhoidalis, apud tene-ros inprimis, sæuire incipiunt.
- 4) Non solum autem adcusandi sunt motus, quando, sub bona licet intentione, nimium excedunt & cum impetu administrantur, sed etiam, si ad debita organa secretoria & excretoria non dirigantur; vel iustas temporis periodos non obseruent & præpostere exercean- tur; vel quando erronee, timide, dubie aut tergiversando instituantur; vel plane deficient. Ex quibus abunde constat, ipsos motus, qui morbos curare debent, morborum causas fieri, si *ανωμαλως* & peruerse administrentur.
- 4 Considerandum insuper, quod motus a natura instituantur vario scopo: mox enim propter solam humorem *quantitatem* excedentem fuscipiuntur congestorii & euacuantes; mox autem propter *qualitatem* peccantem, resolutorii, con- quassatorii; mox propter vtramque vel simpliciter vrgen- tem, vel ob natam exinde læsionem, attritorii, colliquan- tes, abstergentes & per varia organa simul euacuantes, qui tamen hac occasione intensi-onis gradu, continuationis mensura, temporis opportunitate ita sæpe delinquant, vt vnus idemque morbus non numquam dici posset morbus quantitatis, qualitatis & motuum.
5. Quod si iam talem morbum quantitatis dixeris solum; ha- bebit alter, quod iure moneat; cum & qualitatis malum ad- pellare congruum sit. Nec reprehendendus esset tertius, qui ad morbos motuum eundem referret.
6. Exemplo sit adolescens septemdecim annorum, manifesto plethoricus, qui sub lautiori diætâ & otio non solum hu- morum abundantia, sed tanta etiam spissitudine adgrauatus fuit, vt per venas iterato apertas effluxum denegarent. In- cidit

cidit ergo in famosum malum hypochondriacum, & crebris conuulsionibus diu exagitatus tandem expirauit. Facta cadaveris sectione hepatis scirrhi & pulmonum tophi luculenter adparuerunt.

7. Hunc itaque morbum, cuiuscumque classi ex tribus indicatis aliquis adnumerauerit, nullus errabit. Tam difficile est, quoslibet morbos adeo accurate in classes redigere, vt nihil supersit, quod contra eiusmodi partitionem & diuisionem opponi queat. De hac re in primis testantur febres, vtpote quæ non raro quantitati & qualitati, iunctim peccantibus, a natura opponuntur. Solent autem auctores hic distinguere antecedens a consequente, vt causas morborum remotas & ordine primas a proximis seu ipsum morbum continentibus clarius disiungant.
8. Interim quia & methodi & systematis ratio postulat, vt morborum obuiorum nomina cum tironibus communicentur, hinc in tres modo dictas classes illos quidem huc ponemus, sed eam cautionem, quam modo præmisimus, repetemus, ne quis præceps nimis nos arguat de illegitima & non satis fundata morborum in classes diuisione. Licet enim ex plethora & spissitudine quam plurima mala deriuemus: tamen cacochymiam in multis subiectis simul concurrentem, nulli negamus; interim a potiori denominationem fieri debere iudicamus.
9. Quibus expeditis iam sigillatim enumerandi veniunt
 - 1) *Morbi potissimum quantitatis*, ad quos præcipue pertinent
 - (1) *Hæmorrhagiæ* variæ, tam legitimæ, quam anomalæ, in vtroque sexu occurrentes, nempe hæmorrhagia narium eiusque suppressio, sputum cruentum, hæmoptysis, vomitus cruentus, hæmorrhoidum fluxus ordinatus, nimius, suppressus, fluxus hepaticus, menses nimii, imminuti, suppressi, hæmorrhagia vteri, varices manantes, sudor sanguineus.
 - (2) *Congestiones* ad varia loca; vnde partim variæ dolorum molestiæ, partim autem stases, inflammationes, infarctus, scirrhi, exulcerationes sequuntur. Hinc cephalalgia sanguinea, serosa, clauus hystericus, cephalæa, vertigo

vertigo, ophthalmia, epiphora, hypopium, cataracta, otalgia, tinnitus & susurrus aurium, auditus grauitas, parotides, odontalgia, vari, gutta rosacea, rheumatismus, coryza, phlegmatorrhagia, grauedo, ptyalismus, branchus, defectus salivæ, raucedo, catarrhus, tussis, asthma, angina, prunella, aphthæ, palpitation cordis, inflammationes, phlegmone, erysipelas, abscessus, furunculus, panaritium, gangræna, phthisis, vomica, empyema, viscerum inflammationes, de quibus sub febribus. Malum porro hypochondriaco-hystericum, infarctus, scirrhi pulmonis, hepatis, lienis, horumque exulcerationes, glandularum indurationes, atrophia, nephritis simplex, calculus renum & vesicæ, renum exulceratio.

- (3) *Febres continentes*, seu *sanguineæ*: ephemera simplex, ephemera plurium dierum, synocha seu continens strictè dicta.

2) *Morbi qualitatis potissimum*

- (1) *Febres continuæ, intermittentes, chronicæ*:

α) *Continua primaria* s. febris continua simplex.

β) *Continua secundariæ* seu inflammatoriæ symptomati-
cæ: phrenitis, pleuritis, peripneumonia, paraphrenitis, hepatitis, splenitis, febris cholericæ, causus, catarrhalis benigna.

γ) *Malignæ*: e. g. catarrhalis maligna petechizans, petechialis, hungarica s. castrensis, miliaris, vrticata, scarlatina, variolæ, morbilli, dysenteria, pestis.

δ) *Intermittentes*:

Quotidiana simplex & duplex, tertiana simplex & duplicata, quartana simplex & duplex, quintana, octana. Quibus addendæ tertiana & quartana continua.

ε) *Febris lenta & hæctica*.

- (2) *Morbi lymphatico-ferosi*: oedemata, cachexia, chlorosis, anasarca, hydrops pericardii, ovarii, ascites, tympanites, hydrocele, phthiriasis, achores, crusta lactea, tinea, herpes, serpigo, scabies, scorbutus, stomacace, icterus, fluor albus, gonorrhœa, lues venerea,

rea, lepra, vlcera, cancer, fudor nimius eiusque fuppreffio, fudor foetens, ftranguria, dyfuria, ifchuria, incontinentia vrinæ, diabete.

- (3) *Morbi primarum viarum*: adpetitus excedens, anorexia, naufea, foetor oris, foda, cardialgia, flatulentia, colica, paffio iliaca, vomitus, obftructio alui, diarrhoea.

3) *Morbi motuum*

- (1) *excedentium*: vt *fpaftico-arthritici* morbi, hemicrania, cephalagra, gloffagra, pleuritis fpuria, hemicrania, chira-gra, gonogra, podagra. Porro *fpaftico-conuulfui* morbi: fpasmus cynicus, rifus fardonius, tetanus, emproffthotonus, opiffthotonus, catalepfis, priapifmus, fatyriafis, incubus, fingultus. Denique morbi vere *conuulfui* & *epileptici*.

- (2) *Deficientium*: paralyfis, paraplexia, hemiplexia, apoplexia, aponia, tremor artuum, catarrhus fuffocatiuus, leipothymia, fyncope, coma, lethargus, carus.

4) *Quarta in claffe continentur morbi fingulares e.g.*

- (1) *Morbi animi*: memoriz debilitas, melancholia, mania, erotomania, furor vterinus, noftalgia, hydrophobia, lycanthropia, noctambulatio, chorea S. Viti, tarantifmus, philtrum, ebrietas.

- (2) *Cafus referuati* reliqui. e.g. venena, fulmine tacti, ftrangulati, aqua fubmerfi.

- (3) *Morbi mulierum & infantum.*

a) *Grauidarum*

b) *Parientium.*

c) *Puerperarum.*

d) *Lactantium.*

e) *Infantum.*

10. *Differentia morborum accidentalis a variis petitur circumftantiis. Vnde*

1) *ratione ætatis*

offerunt fe morbi puerorum, adolefcentium, virorum, & fenum; qui fi in ea ætate fubiectis obtingunt, in qua ordinarie obtingere folent, *congrui* dicuntur, vt fi infantilem

lem aut puerilem corripiant variolæ & morbilli : si secus euenerit, *incongrui* audiunt, quando v.g. pueris aut adolescentibus hæmorrhoides fluunt aut viri variolas patiuntur, aut sanguinem e naribus fundunt. *Conf. Hoffmanni diff. de morbis incongruis Hale 1702. Schelhammer de morbis ætatum Ienæ 1694.*

2) *Ratione sexus*

notabilis quorundam morborum est differentia, quæ tamē ex antecedentibus facile dignosci possunt. *Conf. Adolphi diff. de morbis frequentioribus & grauioribus per sexus differentiam Lipsiæ 1727.*

3) *Ratione tempestatum sunt vel*

(1) *vernales,*

(2) *æstiuæ,*

(3) *autumnales, vel*

(4) *hiemales, quos sigillatim enumerat Hippocrates in aphorismis.*

4) *Ratione vitæ generis*

multi diuersique adfigere solent morbi, de quibus *Conf. tab. de subiecto morborum.*

5) *Ratione causæ, sunt*

(1) *hæreditarii, vt hæreditaria phthisis, arthriticis, auditus grauitas, calculus &c. Vid. Stahl's diff. de hæreditaria dispositione ad varios adfectus. Hoffmanni diff. de morbis hæreditariis eorumque origine Hale 1699.*

(2) *adscititii, ab humorum quantitate, qualitate aut motuum vitis suborti. Porro vel*

(3) *imateriales, seu ab imaginatione & animi pathematibus producti. Conf. F. H. Werckmeisteri diff. de imaginatione morborum causa Hale 1694.*

(4) *Materialis ad vnam quatuor classium no. 9. referendi.*

6) *Ratione adfuetudinis, quidam sunt*

(1) *recentes & transeuntes, alii vero*

(2) *habituales, inueterati, obfirmati, de quibus conf. Stahl's de morbis habitualibus.*

7) *Ratione inuasionis multos occupantis:*

(1) *epi-*

- (1) *epidemici*, qui ex communibus causis integras regiones inuadunt & oppido paucis parcunt.
 - (2) *Endemii*, seu certis regionibus aut locis proprii, vt maris accolis scorbutus, polonis plica, pannoniis tšömör, tirolensibus ~~strumæ~~ *Conf. Langii diss. de morbis endemiis Lipsæ 1694. Hoffmanni de morbis certis regionibus & populis propriis Hale 1705.* His contradistinguuntur morbi.
 - (3) *Sporadici*, qui nec certo populo proprii, nec vno eodemque tempore plures corripunt, nec apud omnes communem sui causam agnoscunt.
- 8) *Ratione ordinis*
- (1) *periodici*, qui præterlapsa certa mensium, hebdomadarum, dierum aut horarum periodo reuertuntur & subiecta inuadunt. *Vid. Stahlus de affectibus periodicis.*
 - (2) *Vagi contra*, qui vel sæpius vel rarius inuadunt, nulla temporis periodo obseruata.
- 9) *Ratione indolis variique respectus sunt*
- (1) *salutares*, quos firma stabilisque sanitas excipit, & qui grauiora mala auertunt, vt sunt hæmorrhoides ordinate fluentes, sudores spontanei, febres pleræque. *Conf. Alberti de salubritate morborum Hale 1723.* His opponuntur *lethales*, qui mortem non modo immanant, sed etiam inferunt.
 - (2) *Benigni*, quorum
 - a) symptomata non adeo grauiam multo minus lethalia sunt.
 - b) causæ etiam opera naturæ et Medici adhuc superari possunt, vnde
 - c) decursus plerumque placidus & tranquillus.
 - (3) *Maligni* vero habentur illi, in quibus contrarium per omnia obseruatur. *Contagiosi*, qui per subtilissima effluuia aut mutuam corporum contactum inuadunt & plures homines trucidant.
 - (4) *Magni* vocantur, qui viscera vitalia occupant & periculum portendunt, vt inflammationes internarum partium gangræna.

Leues, qui medelam facile admittunt & cito tolluntur.

- (5) *Curabiles*; qui autem ob causam inexpugnabilem aut concurrentis synergiæ naturæ defectum, Medici operam frustrant, ii dicuntur

Incurabiles. Conf. Stablius de incurabilibus adfectibus.

- (6) *Legitimi*, in quibus symptomata essentialia, quæ morbum, alias ordinate decurrentem, consequuntur, observamus. Vbi autem consueta symptomata desunt, morbi

Spurii vocari solent.

- (7) *Simplices*, quorum symptomata & habitus vnum tantum morbum adesse indicant.

Complicati autem, qui subiectum vno eodemque tempore adfigunt: quando v.g. cancro mammarum febris superuenit, aut phthisicus in acutam incidit. *Vid. Magirus de morbis complicatis Ultraiekti 1698.*

- (8) *Corrupti*, qui ex aliis legitime decurrere solitis post prægressos varios medicationis & diætæ errores ita degenerant, ut schema posthac longe peius induant & refractariam magis indolem ostendant. *Conf. Stablius de morbis corruptis. Qui autem contraria modo se habent, illi vocantur incorrupti.*

- (9) *Ratione sedis*, quam morbi causa occupat, sunt vel

1) *idiopathici*, qui causam morbificam in subiecto morbi specialissimo hærentem habent.

2) *Symptomatici*, qui corporis partes nondum læsas adfigunt propter aliam, quæ iam patitur, ut vomitus in capitis vulneratione & nephritide, tussis propter vitium in hypochondriis.

- (10) *Ratione constantis euphorie & ominosi recursus*

1) *curati ex fundamento*; vel

2) *recidivantes*, aut de nouo cum omnibus symptomatibus ingruentes.

- (11) *Ratione frequentie* vel

1) *vulgares & semper obuii*, ut febres, malum hypochondriaco-hystericum.

2) *Rari*,

- 2) *Rari*, vt hydrops pericardii, sphacelus autocratrice curatus, gonorrhœa epidemica citra delictum subiectorum, quam demonstrare non dubitat *Henr. Bassus in obs. dec. IV. obs. 5. Conf. Stablius de morbis raris.*
- (12) *Ratione mutata sedis vocantur*
- 1) *retrogradi*, quando v.g. partibus ignobilioribus relictis, nobiliores occupant & in vicem versam. Quibus oppositi omnes,
 - 2) qui ab hac indole alieni sunt. *Vid. Diss. de morbo retrogrado sub Stablii præsidio 1697 habita*
- (13) *Ratione subiecti specialissimi sunt*
- 1) *uniuersales*, totum corpus occupantes, ut scabies, febres malignæ, purpura, variolæ, scorbutus, lepra.
 - 2) *Particulares*, vt morbi oculorum, aurium, dentium, linguæ, &c. quorum ferme centuriam enarravit *Ioh. Maur. Hoffmannus in disquisitione corporis hum. anatomico-pathologica specim. XIX. XX.*
- (14) *Ratione artificis adhibendi alii dicuntur*
- 1) *medici κατ' ἐξοχην*, vt sunt omnes morbi interni.
 - 2) *chirurgici*, quales sunt morbi partium solidarum, speciatim
- a) *Conformatio præternaturalis quoad*
- (a) *magnitudinem*
 1. *excedentem*, quando quædam Corporis pars iusto maior est, vt caput, oculi, dentes, lingua, nasus.
 2. *Deficientem*, vbi contrarium obseruatur, vt manus pueriles in viro.
 - (b) *figuram imperfectam*, vt videmus in illis, quorum crura & pedes præternaturaliter introrsum vel extrorsum reflexa sunt, vel qui planas habent manuum volas & pedum plantas, aut quibus coaluerunt digiti.
 - (c) *situm* a naturali deflectentem vt anus, vagina, vterus propendens.
 - (d) *numerum*, quo referas sex digitis præditos, tres

tres mammas habentes, triorchides, aut illos, qui debito numero laborant.

b) *Læſio*

(a) *unitatis in partibus solidis*

1. *mollioribus*, in quibus utpote continuum lædi solet per contusiones, vulnere, rupturas & vlcera.
2. *Durioribus*, quæ fissuris, fracturis & carie adfici obseruantur sæpius

(b) *contigui*, vbi plures partes patiuntur, veluti in luxatione, & artuum distortionem palam fit. Licet in omnibus recensitis malis concurrere possit & sæpe debeat medicus: tamen plerumque soli chirurgi horum medelam in se suscipiunt, vnde etiam chirurgici morbi adpellantur.

(15) *Ratione dominantium inter homines vitiorum*, dantur e. c. morbi bibonum, de quibus *Conf. Diss. de morbis bibonum Altorfii 1720.* Morbi veneris cultorum. *Vid. Hoffmanni diss. de morbis ex nimia & intempestiva venere Hale 1728.*

11. Ceterum plures morborum differentias adcumulare operæ non duximus pretium: placuit quidem aliis, morbos vltèrius in *manifestos & occultos*, in *austrios & boreales*, in *fientes & factos*, in *planetarios*, & *sidereos* imo in morbos *vestitu*, vti *Ruinus*, & alios diuidere, sed exiguo cum discentium fructu; quare omnibus eiusmodi differentiis supersedere tuto possumus.
12. Vidimus hætenus morborum differentias; quare de *Symptomatibus* etiam eorumque differentiis quædam erunt adii-cienda.
13. Quemadmodum autem morbus non raro cum symptomatibus confunditur: ita notabilis etiam symptomatum inter se differentia non satis attendi solet. Equidem *genus symptomatis* recte omnes statuunt, quod sit præternaturalis actionum constitutio: vbi vero *differentiam & causas* explicant, sanam expositionem raro inuenies. *Vid. Antonidæ van der Linden Medull. medic. part. II. sect. III. p. m. 113. seq. ut vero ex hoc*

hoc labyrintho eo felicius nos extricemus, diuidemus symptomata in

- 1) *actiua*, quæ scilicet ab ipsis naturæ motibus therapeuticis, propter superandum morbum institutis, originem ducunt, & tamquam alterationes motuum excretoriorum in finem salutarem susceptæ iudicari debent.
- 2) *Passiua*, quæ vel a materia morbifica, vel ab ipsis motibus, morbo oppositis, proueniunt, & tamquam morbida ac vera actionum læsio considerata sunt.

15. Exemplo sit febris intermittens. Hanc natura adgreditur motibus, tamquam suis armis, quibus noxiæ materiæ intendit resolutionem, colliquationem, secretionem, abstersionem ac tandem excretionem: cum vero ordinarii motus minus sufficiant, ideo instituuntur auctiores. Quoniam autem in febre materia quædam viscida & tenax in primis viis, aut circa illas, hærens adest, ante omnia necesse est, vt illa præparetur, seu emolliendo, diluendo, conquassando mobilis & ad eliminandum apta reddatur. Atque hoc ipsum perperatur

- 1) largiore laticis aquoso-serosi adfusione
- 2) partium adfectarum & materiæ mutua allisione & quassatione.

16. Vtrumque vt obtineri possit, varii a natura suscipiuntur motus, variæque motuum alterationes, quæ, quid symptoma actiuum, quid passiuum sit, industrio obseruatori haud obscure indicant. Ita

- 1) *actiua symptomata* in hac febre habentur
 - (1) *constrictio peripheriæ* per intensioris motus tonici actionem, vt humores introrsum, nempe ad primas vias, materia febrili grauatas, reprimantur, & sic largior copia liquoris diluentis per poros & tunicas glandulosas materiæ emolliendæ adfundatur.
 - (2) *Vomitus*, per quem materiæ febrilis pars, excretioni apta, eliminatur.
 - (3) *Relaxatio peripheriæ & expulsio humorum* ex interioribus ad externas partes. Quia enim humorum coaceruatio in interioribus, infarctibus & stasibus ansam facile

porrigere posset, natura ad auertendam talem noxam conuenientes huic scopo motus suscipit; nempe motum progressuum magnopere auget, sanguinem spissum conuassando in serum resoluit, ad peripheriam expellit, cutim antea strictam relaxat, sudorem promouet. Et per sitim defectum compensat.

2) *Passiua autem symptomata hic habenda sunt*

(1) *respectu materiae febrilis*, flatulenta oppletio angustans & distendens, oris amarities & siccitas, foetor per os iam acidus iam nidorosus.

(2) *Respectu motuum vitalium*, & speciatim respectu

a) *habitus externi constricti* & humorum ad interiora *restricorum*: vasorum & totius habitus subsidentia, pallor & insigne frigus; spissitudo humorum, per moram in partibus interioribus producta,

b) *progressionis* humorum ad peripheriam: habitus externi & vasorum turgescencia, color floridus rediens, æstus, tamquam immediatus intensiorum motuum effectus.

c) *habitus externi relaxati*; finito paroxysmo ad animalem motum & sensuum exercitium non modo notabilis hebetudo, defatigatio & somnolentia, sed & impotentia obseruatur, ob prægressam toni intensiorem & insecutam vicissim relaxationem.

III. VSVS.

1. Ne imperitioribus sterilis videatur susceptus in proponendis morborum differentiis labor, monere expedit: quod utrique multum intersit futuri practici, morbos legitime & secundum *essentiales* differentias, quæ simul veras causas profundamento habent, distinguere. Nam his cognitis expeditior felicioque erit medicatio.

2. Ex simplici quoque hoc diagrammate elucescit, quod humorum *quantitas* plures morbos producere solet, quam eorundem *qualitas*. Illa enim cum superabundat & liberiorem per vasa progressum ac per poros transpressionem remouetur:

tur: tum vniuersa massa tardius circumagitata necessario spissescit, & qualitatis morbos progenerat plures; si in primis vitæ & diætæ ratio ad augendum & obfirmandum accesserint. Quo perspecto denique clarum est, quantitatem ceu fœcundam malorum matrem primum esse respiciendam.

3. Vnde & hoc fluit, illos suam perdere operam, qui qualitati solummodo variis artificiis mederi student, vbi quantitas adhuc peccans subfuerit. Frustra enim fructus malus succiditur radice inanente illæsa.
4. Quia porro Medicus facilius in motus quam in materiam agere valet; morbos motuum prudenter ac circumspicte moderetur, ne exoptatum medicationis suæ successum, perperam tractatis motibus, cum ægri periculo impediat. Nam his turbatis, natura facile ad extrema, aut nimium intendendo, aut plane eos omitrendo delabitur: quod si euitare didicerit, exitium inde habebit vsus practicum.
5. Prognosis denique hæc de morborum differentiis doctrina magis expeditam reddit. Vti enim certius curari possunt morbi congrui, adscititii, recentes, simplices, benigni, incorrupti: ita difficilior longe tolluntur incongrui, complicati, maligni & corrupti.
6. Ita *ætatum* morbos distinctius nosse, multum refert, sed fundamentum eorum perspicere in praxi prodest plurimum. *Vid. Stahlus de morborum ætatum fundamentis pathologico-therapeuticis.*

IV. OBSERVATIONES.

1. Solemne fuit superiorum temporum Medicis, *Galen*i ductum sequi & huius auctoris libros de differentiis morborum & symptomatum, fundamenti loco ponere; vnde multum legas de morbis *intemperiei, simularibus, organicis, simplicibus, compositis* &c. quos cum subsidio mnemoneutico operose exposuit *Io. Iac. Weckerus* cuius conferri possunt *Medicæ Syntaxes* *Basil.* 1562.
2. Plures Sæc. XVII. scriptores morbos non secundum *differentias essentielles*, sed corporis anatomice considerati generalissimam diuisionem disposuerunt. Exhibent enim *primo*

morbos capitis, deinde medii ventris, post hos infimæ cavitatis ac tandem ægritudines artuum. *Conf. Casp. Peucerus, Sennertus, Platerus, Horstius, Ionsfon* in suis operibus *systematicis*. Hinc factum est, ut febres vel in fronte vel, quia sedem earum cor credebant, in media cavitate collocarint.

3. Parum vero apte & minus scientifice hanc morborum divisionem factam esse, ex ante dictis iudicari potest. Immo dum podagram ad articulorum morbos simpliciter referunt, quia in illis se manifestat; communis inde in multorum animis subnatus est error, ac si reuera morbus esset chirurgicus, qui variis cataplasmatibus, emplastris, variisque vnguinosis debellari deberet remediis: quam in fauste vero talis medicatio semper cesserit, tristis experientia satis eloquitur. Quantum contra ad feliciorum podagræ curationem conferat, illud nosse, quod morbus quantitatis sit, prolixius demonstrare haud expedit.
4. Non præterea mirentur tirones, si omnes & singulas voces, quibus aut morbus aut singulare symptoma exprimi solet, in hac tabula congestas non legant. Non enim vocabularium nosologicum, sed præcipuos morbos introductionis loco adponere voluimus. Nam prolixius differere, quid v.g. sit alopecia, myopia, ectropium, chalazia, encanthis, rhyas, phlyctænæ, sudamina, esseræ, epinyctides, leuce, alphas, phyma glandularum & multa alia, instituti vetat ratio.
5. De quarta morborum classe, animi, mulierum & infantum morbos complectente, hoc observandum, quod non ideo postremo loco hi morbi positi sint, ac si cum prioribus nullam haberent cognationem, quam omnino habent maximam, uti facile probari posset; sed quia consuetudo systematum ita iam pridem tulit, eandem observare nulli dubitanimus.
6. Quod morbi *hereditarii* tam difficile tolli queant, id efficit inueterata in parentibus motuum consuetudo, quæ quasi ingenita antiquam retinet indolem. Sicuti enim consuetudo altera quasi fieri potest natura, quæ perquam difficile cedit: ita in his morbis plurimum Medicis faceßere negotium videmus. *Conf. Stablius de consuetudinis efficacia in actibus vitalibus secundum naturam & præter naturam.*

7. Quam-

7. Quamquam vero istius modi morbi generatim mature satis se manifestent: tamen occurrunt quædam subiecta, quæ ab eorum insultibus ad ætatem vsque iuuenilem libera manent; cum in aliis iam ab incunabulis eorumdem asperitatem obseruare liceat.
8. *Vernales* morbi medicationem promptius admittunt, quam autumnales & hiemales. Verno enim tempore aucto indies calore macrocosmi, microcosmus quoque ad vberiore transpirationem dispositus, humores a centro ad peripheriam pellit, atque ita eos secernendo & excernendo curationem expeditiorem reddit.
9. *Endemii* ob singularem pertinaciam & causas non naturales difficilius superantur, quam epidemici non maligni: obseruatum siquidem est, quod endemio malo afflictis, extra solum patrium consilium Medici salutare, promptius conducatur, quam quidem in ipsa patria.
10. *Morbi simplices*, salutare, benigni, per imperitam medendi methodum & peruersum ægrotorum regimen sæpe in complicatos, lethales & malignos degenerare, experientia comprobatur.
11. Languente aut prorsus denegata naturæ energia, omnis morbus, quantumuis leuior iudicatus, fieri potest incurabilis.
12. Non pauca exempla testantur, morbos ob veras causas minus perspectas, adeoque ab artifice non adgressas, nedum sublatas, habitos fuisse incurabiles, qui tamen, legitima methodo adhibita, postliminio curati sunt.
13. Ista autem de morbis. Iam de *symptomatibus* probe obseruandum: dari omnino *symptomata symptomatum*, hoc est, motus salutare, qui morbum oppugnant, illi ipsi quasdam procreant molestias, variæ sensationis variique euentus, uti sub *diff. 16.* sub symptomatibus *passiuis*, a motibus vitalibus oriundis, iam adnotauimus. Quæ res etiam aliter fieri nequit; nam in quouis certamine occurrunt molestiæ, quas subire tam victor, quam deuictus coguntur. Nec ille, qui vincit, a plagis, doloribus, æstu & defatigatione immunis est; quid? quod victores sæpe ita lædantur, ut morti fiant proximi. Ita

exercitus tam defensoris, quam adgressoris, omnibus, quas belli tempore peragant, regionibus ingentes creare solent molestias.

14. Nemini ergo admirationem moueat istud circa symptomata phænomenon, quod nempe alia ex aliis prodeant. Natura enim rei id ipsum sibi postulat, nec aliter hic agitur quam in moralibus, vbi omnia, sudoribus parta, multo labore tuenda sunt.
15. Notari præterea meretur, quod symptomata in veros abire morbos possint & sæpius soleant. Quando v.g. humores ad diluendam materiam febrilem in interioribus coaceruati & extra motum aliquamdiu constituti, ob indeptam indolem spissescentem passim stagnant & in visceribus ominosos infarctus producant, scirrhorum & subinde exulcerationum prodromos. Atque ita cognoscimus, morbo sua esse symptomata pedissequa, ex quibus sub certis circumstantiis, veri tandem progenerari possint morbi.
16. Disquirunt ceterum pathologi opera magis curiosa, quam utili, *an omne symptoma sequatur morbum?* quidam id negant, prætexentes, grauiam sequi posse symptomata v.c. officuli deglutitionem, citra præexistentem causam morbificam. Sed respondent alii, hanc ipsam deglutitionem satis esse causæ, vt solidarum partium læsionem inducat, quam sequi possunt non modo suffocationis periculum, sed inflammatio, febris, conuulsiones, vlcus, gangræna. Porro obiiciunt, si ventriculus, cibis nimium infarctus, molestam quantitatem in sano homine reiiciat, id esse symptoma sine morbo. Cui dubio ab altera parte ita satisficit: quod nimirum tale accidens adhuc sub latitudine sanitatis comprehendatur, neque re ipsa dici mereatur morbi symptoma.
17. Quæri præterea solet, *an symptoma consistere possit absente morbo?* quale quid obseruatur in ictericis, quorum color subflauus, post morbum aliquamdiu curatum, peripheriam adhuc fœdare solet; ex quo phænomeno in affirmatiuam eunt sententiam, & symptomatis, sublato iam morbo, adstruere nituntur existentiam. Verum, distinguunt alii in eiusmodi
casi-

calibus inter morbum *inchoate* & *consummate* curatum: quo itaque observato facile colligitur, ne hic quidem symptoma esse sine morbo.

TABVLA III.

DE

SVBIECTO MORBORVM.

I. DEFINITIO.

Subiectum morbi est homo seu corpus viuum eiusque partes tam solidæ quam fluidæ, quæ variis læsionibus secundum materialem sui constitutionem, mixtionis & structuræ, obnoxie sunt.

II. DIFFERENTIA.

1. Subiectum *generale* morbi hominem esse diximus; non quod animalia non æque ægrotare soleant, sed quia neque tam sæpe, neque tam varie, veluti homo, morbis laborant. Præter ea illis frequentius a causis externis, huic vero magis ab internis ægritudines oboriri solent; quemadmodum hæmorrhagiarum & febrium negotium id satis confirmat. Conf. *Stablius de frequentia morborum in corpore humano præ brutis*.
2. Subiectum *speciale* constituunt singula individua, quæ præ aliis promptius & frequentius, ægrotare solent.
3. Rationes individualis morborum frequentię & differentiæ, observamus varias. v. g.

1) *naturales*.

- (1) *Dispositio* ad morbos in vno individuo præ aliis generatim magis conspicua, in primis vero illa, quam plures quasi hæreditario iure a natiuitate acceptam habent.
- (2) *Ætas*. Quamvis enim cuius ætati suos esse morbos sciamus: tamen infantes & senes, ob deficientes partium solidarum robur tonicum ac inde dependentes actus se-
creto-

cretorios & excretorios impeditæ succedentes, variis expositi sunt malis, quæ reliquas ætates ordinarie non tangunt.

- (3) *Sexus*; de quo notandum, quod masculinus non adeo promte, nec tam frequenter morbis subiiciatur, quam quidem solet fæmininus, qui ob plurium circumstantiarum rationes multis morbis sibi propriis expositus est.
 - (4) Vtriusque sexus indiuidua; quæ plurimum sensibilia sunt, facilius morbis tentantur, quam minus talia. Huc pertinent, qui debiles & textura sua teneri sunt.
 - (5) Homines sanguinis & feri euacuationibus antea adfueti, posthac autem earundem vel impeditum successum vel suppressionem experti.
 - (6) Consuetudine ægrotandi & habitu quasi præditi.
- 2) *non naturales.*
- (1) Quod ad aërem attinet, illi, qui loca paludosa, maritima aut aliis noxiis exhalationibus insalubria incolunt, & impuram auram hauriunt, præ aliis, qui in montanis degunt, & aëre puro fruuntur, morbis expositi sunt.
 - (2) Illi, qui ciborum varietate & quantitate genium immodice demulcent, ipsumque ventriculum obruunt, & sic ad cruditatum genesin occasionem præbent. Immo & alii, diætam scrupulose & exquisitè legalem obseruantes.
 - (3) Qui meditationibus perpetuis incumbunt & ob frequentiores lucubrationes somno detrahunt, viriumque tam corporis, quam animi iacturam faciunt.
 - (4) Otiosis vitæque generi sedentario dediti & nihilo minus pleno victu fruentes.
 - (5) Animi pathematibus nimium indulgentes, speciatim ad iracundiam, tristitiam, terrorem & metum proni.
 - (6) Qui excernenda diutius retinent & retinenda iusto celerius euacuant.
 - (7) Omnes illi, quorum vitæ genus ad peculiare morbos disponit, vt sunt metalli fossiores, de quorum morbis *Vid. Fr. Hoffmanni diss. de Metallurgia morbifera Halæ*

1695. *Alberti de præservuandis metallicolarum morbis* 1721. *Schacher de morbis eruditorum*, *Wedel de morbis concionatorum*, *Bern. Ramazzini diatriba de morbis artificum*, ubi quinquaginta duo vitæ genera horumque morbos recenset.

4. Subiectum morbi *specialissimum* est pars corporis, in qua vel vera læsio, vel quæcumque alia causâ morbifica hæret, & propter quam motus excitatur.

III. VSVS.

1. Subiecta nosse & distinguere, tam eximium habet in praxi medica vsum, vt qui hæc probe dignouerit, planiorem ad curationem viam habeat.
2. Quoad diagnosin hoc inde artifex capit emolumentum, vt mala sexui & ætati propria non tamquam incongrua iudicet, sed prudenter illis medeatur; ducendo naturam eo, quo tendit, aut diuertendo motus, qui in salutarem quidem finem sæpe suscipiuntur, sed irregulari conamine multis molestiis anîm præbent.
3. In prognosi formanda multum iuuat subiectorum consideratio, e.g. morborum ætatum vel facilem spondere possumus solutionem, vel pertinacem prædicere continuationem, vel graues ominari insultus; de quibus minore certitudine differet, qui subiectorum quoad enumeratas circumstantias solidam non habuerit cognitionem.
4. Distincte cognitis subiectis facilis datur transitus ad eruendas & feliciter detegendas veras morborum causas, quæ, neglecta doctrina de subiectis, plus difficultatis secum vehunt.
5. Vti enim in morbo sexui & ætati congruo facilius obtinetur curatio; sic in alio incongruo restauratio difficilior succedit: hic enim alia supponit curatius indaganda, quæ respicere debet practicus ante, quam ad præsens malum operam suam dirigat.

IV. OBSERVATIONES.

1. Quemadmodum circa res specie vel genere easdem existere solent contraria, ita rationi quoque congruum est, idem,
E
quod

quod sanitatis, etiam morbi esse subiectum: vnde ex vero affirmatur, hominem id esse, seu corpus viuum.

2. Consentiunt hac in re Medici, & licet *Fernelius* tamquam singulare placitum foueat, partes tantum solidas esse proprium morbi subiectum, generatim tamen corpus viuum agnoscit. Quam inconueniens autem sit hæc adsertio, id pridem monstrauerunt *Cass. Hoffmannus*, *Iac. Panc. Bruno*, aliique. Refutatur præterea sola consideratione corporis structi, quod partes solidas vbique fluidis perfusas ostendit, vt neutiquam alterutræ solæ pro subiecto morborum venditari possint.
3. Subiectum morbi specialissimum, morbo adfectum, quo nobilius ac magis vitale est, eo grauiorem indicat morbum maiusque portendit periculum, & in vicem versam.
4. Subiecta, quæ hæreditariam ad morbos dispositionem habent, rarius ita curari possunt, vt aliis pancreaticæ valentibus fiant similes.
5. Homines præterea exquisita sensibilitate præditi, vt sibimet ipsis satis esse solent molesti: ita optima sæpe eludunt Medicorum consilia, siquidem remedia sæpe contrarios in his effectus edere obseruantur.
6. Quibus longa adfuetudine morbi quasi familiares sunt, ii facilius eos tolerant, quam qui raro aut numquam ægrotarunt; vnde ab vnica febre hos prosterni & subinde vita priuari videas, cum valetudinarii contra plures & diuersos morbos superare valeant.
7. Intemperantia & otium non tantum mala sunt morali sensu, sed etiam medico respectu; Inde enim plurima originem trahunt pericula, de quibus vid. *Hygiein. nost. tab. de cibo & potu & de motu ac quiete*.
8. Quod vero laboriosi interdum corripiantur morbo, hoc non mobili eorum vitæ generi tribuendum, sed causis, quæ rarius aliæ deprehenduntur, quam externæ. Quia enim multos diætæ errores perferre se posse sciunt, hinc multum quoque audent, sie stürmen auf ihre Gesundheit los vnd verlassen sich auf ihre gute natur. Dum itaque
 - 1) ventriculum primasque vias nimium quantum adgrauata habent,

habent, febre intermittente tentari solent. Quoniam vero agrestibus moribus omnia peragenda putant, morbum salutarem quantocyus depulsum optant, & bucalcos, agyras, vespillones, carnifices & omnis generis artifices conquirunt, qui morbum non curant, sed deteriorem reddunt.

- 2) Non raro etiam in acutas incidunt, quando nimirum tempore nundinarum, encæniorum, diebus item festis aliisque symposiis, præter cibos & alia potulenta spiritus insuper ardentes adeo immoderate ingurgitant, vt tantos diætæ errores non possint non grauiores subsequi morbi, si inprimis vehemens accesserit motus saltatorius.
- 3) Nec aliter se res habet cum malis eorum chronicis, quæ plerumque a causis externis oriri solent. Nam vbi v. g. tempore fœniseçii aut messis, vrente sole, inter strenuos labores, humores in corpore non calent, sed verius feruent, illi autem, a siti vexati, largissimis haustibus frigidam ingurgitant, atque ita variis infarctibus, stagnationibus, viscerum indurationibus occasionem suppeditant, hinc pertinaces quartanæ, hydrops, phthisis, lenta tabes eo certius prægressos errores excipiunt, quo magis ipsis solemne obseruatur, ineptissimas medicationes adhibere.
- 4) Plures valetudinarii fiunt post perpeßos violentos ictus, lapsus, contusiones, quas vel ab equis, vel sub rixis, certaminibus, laboribus & onerum gestationibus reportant; alii labem sibi contrahunt ex immodica post corporis præcipue exagitationem refrigeratione. Vt adeo morbis accidentaliter magis subiiciantur, raro ab interna causâ deriuandis. *Conf. Io. Henr. Fuchsi diff. de adfectibus rusticorum Duisburgi 1714.*
9. Illos tandem, qui pathematum vehementia abripiuntur, iure meritoque morborum subiectis præ aliis accenseri, quotidiana experientia confirmat, & podagrici, calculosi, hypochondriaci ad iram proni inprimis id confirmant.
10. Præterea obseruandum, quod pars sæpe corporis subiectum specialissimum morbi existat, cum tamen alibi causâ morbifica prognata sit. Ita in scabie cutis ambitum huius mali subiectum.

iectum constituere notum est; at corruptionem, serum & lympham foedantes, causam esse, inter artis peritos satis constat.

TABVLA IV. DE CAVSSIS MORBORVM.

I. DEFINITIO.

Causæ morborum sunt res, siue *veræ* siue *fictæ*, quæ corpus vitium ad morbos vel disponunt, vel illos vere producant.

II. DIFFERENTIA.

1. Quia causarum notabilis se offert diuersitas: necesse est, vt de iis distinctius exponamus.
2. Commode autem causæ distinguuntur in *naturales*, *non-naturales* & *præternaturales*. Quarum rerum aliæ *materiales* sunt, aliæ *imateriales*.
3. Ex *materialibus* maxime & generalissime adcusamus *plethoram*; quæ tamquam fecunda mater plurimos morbos generat. *Conf. tab. de plethora. Io. Hadr. Sleuogtii diss. de plethora Ienæ 1726.*
4. Ad causas *imateriales* primario refertur *peccatum*: nam ex venenato fonte omnia motuum vitia & ingentes naturæ errores promanant, id quod infra specialius monstrabimus.
5. Ad *naturales* causas pertinent:
 - 1) *Dispositio* illa *materialis*, secundum quam corpus præcipiti corruptioni expositum est; præcipue autem *sanguis* stricte dictus, qui, licet floridissimus, in sphacelofam tamen corruptionem, quotiescumque motu suo priuatur, præceps ruit, & cum reliquis humoribus idem vitium communicat.
 - 2) *Aetas*; cuius periodi differentes, differentes quoque & sibi proprios sistunt morbos, nisi quidem causæ externæ &

& accidentes aut vagabundi naturæ errores hunc ordinem turbent. Hæc veritas ingentem medicinæ lucem adspersit, licet a plerisque præteruideatur. Sic obseruamus ætate *infantili* & *puerili* motus humorum congestorios præcipue ad *caput* seu supremam cauitatem contingere; ætate *adoleſcentiæ* & *iuentutis* mediam cauitatem seu *pectus* occupare; ætate *virili* & *ſenili* infimam cauitatem seu *abdomen* cum *artubus* moleſtare.

(1) *Infantia.* In ætate *infantili* humorum congeſtiones ad caput fiunt largiores, eo fine

a) vt cerebrum & reliquæ partes perfectius efformentur.

b) vt cranii apertura seu fonticulus pulſatilis commodè claudatur

c) vt pili progerminent

d) vt dentitionis negotium promoueat.

e) Ab his congeſtionum cauſſis facile proueniunt ſtagnationes, ſtaſes, corruptiones lymphatico-feroſæ, præcipue ſi errores regiminis accedant, aut dentitionis negotium impeditè ſuccedat.

f) Speciatim achores, cruſta lactea, tinea, impetigo, parotides, obſtructio narium mucoſa, aphthæ, oculorum & aurium manatienes ſeroſæ.

g) Quo frequentius præterea intercurrunt eiulatus ſingultuoſi, eo maior ad caput compreſſio & circa illud ſanguinis obtingit reſtrictio, quam turgida facies eryſipelatodea & oculorum rubores clare reſtantur.

(2) *Pueritia.*

a) In hac ætate tantum abeſt, vt congeſtiones ad caput ceſſent, vt potius crebriores obſeruentur, & ad ſanguinis pernares eruptiones diſponere ſoleant.

b) Quoniam enim cerebri ad rationis, memoriæ & phantaſiæ actus, maior uſus eſſe incipit, & præterea ſanguis in hac ætate floridus ad agilitatem tonicam multum iuuat, partes copioſius adluendo eaſque lymphatico ſeroſarum portionum admiſſione diſtendendo & poros permeabiles efficiendo, aliter fieri ne-

quit, quam vt varia se manifestent congestionum incommoda.

c) Quod si memoriæ studium & plurimis consueta voracitas, crebræ item discursitationes iunctæ fuerint reliquis circumstantiis, frequentes sane capitis dolores nariumque hæmorrhagiæ eueniunt & ob leues causas recrudescunt.

d) In quibus autem subiectis spissitudo sanguinis regnat, aut meatuum angustia nimis turgescit sanguini sufficientem aditum denegat, & eruptionem ipsam impedit, in illis sanguis circa caput restrictus varias molestias producit, quales sunt dolores lancinantes, tendentes, vibrantes, æstus & ardores erysipelaceo inflammatorii, ophthalmia, odontalgia, parotides, cephalalgia acuta, adflictiones faucium anginodæ, febres ephemeræ.

e) Qui *sero* magis abundant, corruptiones lymphatico-ferosas & catarrhales molestias experiuntur: nempe his frequentes sunt coryzæ acres, grauedines, capitis, faciei & aurium internarum ulcerationes, tonsillarum tumores, torpor & somnolentia; cum quibus maxime conspirant scabiosæ in peripheria eruptiones.

f) Tandem si expressionum harum successus ex voto non procedit, aut externis medicationibus incongrue supprimitur, tunc interdum superueniunt conuulsiones, quæ hanc ætatem plus exercent, quam quæ transitoria sunt in periodo infantili.

(3) *Adolescentia & iuuentus.*

a) His ætatibus cessare solent hæmorrhagiæ narium & maior fit sanguinis inpetus ad *pectus*. Vnde mutatio vocis claræ, altæ, in raucam, asperam, grauem incipit, & vsque ad ætatem virilem increbescit.

b) Causa huius mutationis *instrumentalis* circa superiorem laryngis partem potissimum hærare videtur. Cum enim congestiones manifestam laxitatem inferant:

tum

tum mirum haud est, si glottidis arctus & tensius motus non magis possit exerceri.

- c) Hæmoptysin per has ad pectus congestiones naturam respicere, certum quidem est; sed licet bona sit illius intentio, mala tamen & periculosa *viarum* est inuentio. Nam sanguinis per hæc loca eruptiones in systemate pulmonum facile vlcerationes & phthifica consecutaria producant.
- d) Interim quando sanguis ad exitum hic non pertingit, tum itidem periculosum est, & humores congesti materiam anasamque præbent
- α) *interne* tussi siccæ & efferæ, palpitationi cordis, spasmodico, periodico & paroxyzanti asthmatis, cum variis moliminibus irritantibus, prementibus, stagnantibus aut parvis vomitis & phthifico hecicis vlcerationibus, immo latioribus inflammationibus peripneumonico-pleuriticis.
- β) *externe* adfligere obseruamus spasmos & tensiones modo tolerabiles, modo valde dolentes, circa ceruicem, nucham, scapulas, humeros & thoracem. Vnde adolescentibus & iuuenibus familiaris pleuritis spuria, quæ sub imprudente medicatione in veram transire solet.
- e) Vbi autem constitutio cholerico-melancholica, iracunda cum vita ad modum sedentaria in has ætates incidit: ibi malum hypochondriacum & molimina hæmorrhoidalia præmature quasi inuitantur.
- f) Ex eodem caussarum fundamento, circa iuuenilis præcipue ætatis declinationem, dolores lumbares accedunt, qui vulgo pro calculo haberi atque pellentibus remediis male tractari solent; quo ipso autem hoc efficitur, vt copiosior sanguinis ad renes congestio, relaxatio & expressoria constrictio renum tonica sequatur. Vnde in posterum largior humorum accessus, penitior ingressus, infarctus, stasis, inflammatio & nephritis originem sumunt. *Vid. Stablii diss. de morborum ætatum fundamentis pathologico-therapeuticis.*

(4) *Virilis ætas.*

- a) Hæc motus cum primis experitur hæmorrhoidales, ex eo fundamento, quia consueta magis negotii generationis exsecutio, huic ætati quasi propria, illos motus promouet, & hoc quidem eo certius, quo frequentius apud plures diæta lautior, vita otiosa, veneris abusus & animi pathemata intercurrere solent.
- b) Quando itaque hæmorrhoides sufficienter fluunt, pauciores sentiuntur molestiæ; vbi vero contrarium eminet: ibi experiri coguntur subiecta varios dolores spasticos circa illa loca, speciatim malum hypochondriacum, ischiadicum, hæmorrhoides cæcas, mictum cruentum, renum exulcerationes & calculi adflictiones. Decrescente autem ætate, dolores latius ad inferiora se extendunt & gonagram podagramque prouocant.

(5) *Senilis ætas.*

- a) Præter illa mala, quæ ætatem præcedentem affligunt, asthmaticis etiam spastico-vellicatoriis pathematibus & contracturis, immo apoplexiæ, pro temperamenti differentia, vel sanguineæ vel serosæ obnoxia est. *Vid. Stahlus de senum affectibus.*
- 3) *Sexus.* Vterque quidem sexus pluribus subiacet morbis; interim negari nequit, quod
- (1) *femininus* pluribus morbis, quam *virilis*, sit expositus, partim ob mensium negotium, partim ob grauiditatis statum, quem puerperii & lactationis periodi excipiunt; vbi singulares non molestiæ modo, sed grauiores quoque morbi adfligere solent, quorum expertes viuunt viri. Qui vero morbi mulierum sint, sigillatim enumeratos vide in *therapia nostra speciali tab. cxxxiv. seqq.*
- (2) *masculinus* quidem sexus peculiare patitur morbos, quos tamen ita non habet proprios, quin sequior sexus eosdem interdum incurrat, e. g. hæmorrhoides, podagram & reliquum arthritidis schema.

4) *Temperamenta.*

Horum ratio quantum ad peculiarium morborum genesin conferat, ex illis, quæ in *physiologia* diximus, elucescit. Hoc autem loco in tironum gratiam sequentia adnotasse iuuabit.

(1) *Sanguineum* vti admodum habile est ad alendam plethoram: ita si eius a natura tentetur imminutio, fit illud

a) vel *per sinceram* excretionem; vnde hæmorrhagiæ frequentes immo nimix, aut earum suppressiones; partim ob humorum spissitudinem, partim ob exilia vasa, quæ a partibus solidis oppressa, effluxum denegant, quas alia sequuntur mala sub ætatibus passim indicata.

b) vel *per consumtoriam* illius agitationem; atque hinc febres præcipue acutæ oriuntur. Intermittentes autem, quando ex aliis causis accedunt, earum paroxysmi admodum æstuosi obseruantur.

c) vel *per molestas translationes*: vnde variæ congestiones & harum incommoda pedissequa, de quibus *vid. tab. de different. morborum*

(2) *Cholericum* a sanguinei temperamenti incommodis multum participat & præterea ad prodigas euacuationes, ad febres acutas, biliosas, inflammatorias valde pronum obseruatur; in reliquis etiam morbis grauiora experitur symptomata, & motus insuper tonici alterationibus impetuosus, conuulsivus, præcipue expositum est.

(3) *Melancholicum*, ob vasorum amplitudinem, ad hæmorrhagias inclinat, minus tamen frequenter easdem experitur, propter humorum spissitudinem. Cum itaque ex voto non succedant, earum vices molesta molimina explent hæmorrhagica; præcipue si vitæ genus accesserit sedentarium, tum angustias præcordiorum, malum hypochondriacum aliaque pathemata hæmorrhoidalia, inflationes, infarctus, indurationes lienis, hepatis, nec raro deliria hypochondriaca, ac tandem hæcticam experiuntur.

(4) *Phlegmaticum*. Hoc ad plures morbos dispositum esse, peculiaris eius habitus, in *physiologia* descriptus, satis declarat. Generatim vero catarrhalibus afflictionibus magis, quam sanguineum, subiicitur. Vnde frequenter congestiones patitur serosas, quæ coryzæ, capitis, item faciei, faucium, tonsillarum & parotidum ulcerationibus ansam præbent. Præter ea tussi humida pertinaci & multis aliis malis corripuntur, v.g. cruditatibus ventriculi, vomitu, diarrhœis, flatulentia, cachexia, hydrope, œdemate, febribus intermittentibus & lentis magis, quam acutis. Senes vero phlegmatici ad morbos soporosos & apoplexiam serosam præ aliis inclinare solent.

6. Ex *non-naturalibus*.

- 1) *Aër*; cuius principes qualitates sunt calor, frigus, humiditas, siccitas. Quos vero effectus edere & quantopere sanitatis statum turbare possint, in *Hygieine* distincte proposuimus. Conf. *Balt. Nic. Burckhardi diss. de morbis aëreis Lugduni Batau. 1701.*
- 2) *Cibus & potus*. De horum quoque qualitatibus, abusu & malis inde manantibus, quantum satis visum, loco citato a nobis actum est.
- 3) *Somnus & vigilia*.
 - (1) a *somni excessu* augmentum plethoræ, quæ alias somni filia audit, torpor, humorum spissescencia, motuum vitalium segnities, impuritatum coaceruatio, flatulentia, somnolenta stupiditas & soporosa pathemata ortum ducunt.
 - (2) a *somni defectu* seu nimis vigiliis, virium consumptio, languor, debilitas, secretionum & excretionum, in primis transpirationis turbatio, febres, oedemata, deliria proueniunt.
- 4) *Motus & quies*. De hisce valet inprimis, quod *nimum* vitio non careat. Sed notandum hic est, quod morbi ex nimia quiete seu motus voluntarii neglectu multo sint frequentiores, quam illi, quos eius excessus prouocare solet.

Plura

Plura autem hic dicenda de nouo non repetemus ex *Hygieine*, vbi de hoc argumento prolixè exposuimus.

- 5) *Pathemata animi* cum notorie ad immateriales causas pertineant, eo etiam merito referuantur.
- 6) *Excernenda*, si in vtriusque sexus subiectis retinentur, non tantum morbos adferunt, sed etiam vitam subinde auferunt. Hinc locus quidem esset de excretionibus sanguinis, feri, feminis, lactis, imminutis aut plane suppressis verba facere; sed quia in *conspectu nostro med. theoretico-pract.* de his iam sigillatim egimus, harum rerum studiosos eo ablegamus. Pari ratione *retinenda* si excernantur, varia prouocare solent mala, quemadmodum sanguinis nimix profusiones, sudores excedentes, ciborum expulsio in lienteria, & chyli iactura in fluxu coeliaco abunde demonstrant.
7. *Ex præternaturalibus aliæ*
 - 1) *in corpore generantur*:
 - (1) *Vermes*. Hi omnis sexus & ætatis homines mirum quantum adfligere solent, in quocumque loco corporis hæserint. Nocent enim *viui*, quia præter obstructions intestinorum, vitia adpetitus & concoctionis, cardialgiam, vomitus, diarrhœas, colica pathemata & atrophiam inducunt; &, quod potissimum, ad conuulsiones exstimulant. *Mortui* autem & putrescentes febribus malignis materiam & occasionem suppeditant. Vt perniciem illam non attingamus, quam inferunt, cum aliis morbis complicati, siue acuti illi fuerint, siue chronici. Vid. *Boneti sepulchret. tom. I. lib. I. sect. I. obs. 116-120. lib. II. sect. VIII. obs. 19. 25. tom. II. lib. III. sect. VII. obs. 15.*
 - (2) *Calculi*. Horum prouentus non solum in renibus & vesica urinaria frequens est & copiosus, sed alibi etiam in corpore generari, ex cadauerum sectionibus constat. Vbicumque vero lateant, semper curationem difficilem reddunt. Comites enim habent pertinaces obstructions & plerumque vlcerationes, quibus facile conuulsiones & grauissima accidunt symptomata, Testantur hoc tot obser-

uationes de calculis cerebri, bronchiorum, pulmonum, cordis, vesiculæ felleæ, hepatis, ventriculi & intestinorum, e quibus subinde vltra ducentos per aluum excreti sunt. Vid. *G. Horstii opp. tom. II. lib. IV. obs. 47. Franckenau de studiorum noxa p. m. 582. Io. Maur. Hoffmanni disquisitione corp. hum. anatomico-pathol. specim. XIV. §. 18.*

- (3) *Flatus*, in primis intestinorum tonum seu motum peristalticum alterantes, quam molesti sint, id varia, quæ inde pendent, pathemata comprobant, vt sunt: dolores distendentes, intestinorum quasi rupturam minantes, colica flatulenta, alui obstructio, cardialgia, angustia præcordiorum & ructus; quæ singula quibusuis molesta sunt, grauius tamen adfligunt hypochondriacos, hystericas & quæ lochiorum ataxias expertæ sunt, de quibus in pathologia speciali iam egimus. *Conf. Stablii diss. de flatulentia.*
- 2) *Aliæ extrinsecus corpori insinuantur*:
 - (1) *Miasmata* contagiosa, vna cum aëre infecto hausta aut in conuersatione cum ægris contracta: vnde morbi epidemici, maligni & valde acuti.
 - (2) *Venena adsumta* ex quocumque tandem regno fuerint; narcotica item, drastricta *αυω* vel *κατω* aut vtroque modo simul operantia. Omnia, quæ huius census sunt, partibus tam solidis quam fluidis perniciofa fiunt, motus vitales vehementer turbant, & hos nunc exacerbandō, nunc sistendo, nisi ars mature succurrat, vitam tollunt.
 - (3) *Alia fortuito deglutita*, v. g. officula, spinæ, vitri fragmenta, aciculæ, hirudines, sperma ranarum, bufonum, nummi, fructus ignoti & res aliæ, quæ vel ex errore vel adpetitu peruerso adsumuntur, & morbosos effectus exerunt.
8. *De immaterialibus morborum causis*, quæ in vitiis motuum præcipue consistunt, plenius nunc agendum erit.
 - 1) *Peccatum iure meritoque primum hic obtinere locum supra diximus.* Per hoc enim mors in mundum penetrauit, & hic venenosus aculeus, corpus, quod inhabitat, multifariam

multifariam lædit. Si enim peccato corruptus homo non esset, nullum in corpus nostrum ius morbi haberent, immo ne quidem existerent. Præcipue autem ex venenato hoc fonte fluunt, quæ in animi pathematibus & reliquis noxia deprenduntur.

- 2) *Animi pathemata*; quorum vehementia tanta est, vt non solum illi subiecto, in quo excitata sunt, noceant, sed etiam in aliud corpus transferri possint, quod lactentes post iracundiam matris aut nutricis satis experiuntur. Sed de his patheticis motuum vitalium alterationibus & pessimis earum effectibus in *Consf. Hygieines* plenissime exposuimus.
- 3) *Sensuum internorum abusus* immediate pathemata producit, imo iam fouet, quia semper aliquod illorum subest & subiecta ad immoderatam adplicationem sollicitat. Sicut autem sensuum internorum nimia intensio sanitati generatim inimica est: ita speciatim de illorum nōxa dicemus.
 - (1) *Phantasia* quando nimium exercetur, appetitus proflernitur & digestionis ac nutritionis negotium sufflaminatur. Vnde habitus euadit macilentus, vires fatiscunt & non raro vomitus, obstructions alui, febres & deliria succedunt. Quid phantasia valeat in foetus formatione turbanda, omnibus notum est. Præterea imaginatio in sensibilibus sæpe vomitus, catharses, febres tam intermittentes, quam acutas producere solet. Constat de viro quodam, eum toties coryzam pati, quoties aliquem coryza laborantem adspexit. *Conf. Irenæi Vehr diss. de phantasia morborum parente & medico Francos. ad Viad. 1681. Fr. Hen. Werckmeister de imaginatione morborum causâ. Halæ 1694. Alberti de valetudinariis imaginariis. it. de therapia imaginaria.*
 - (2) *Memoria* eosdem pæne effectus exserere solet; vnde occurrunt, qui impense rogitant, ne in sermonibus mentio fiat perpeffi morbi, aut olim sumti medicamenti cathartici, emetici. Et alii ex sola narratione ante actorum, aut iniuriarum calamitatumque perlatarum, ira accendi, febre corripri, aut colica affligi obseruantur.

- 4) *Propensio naturæ ad male operandum*, cuius fundamentum in lapsu & peccato positum est. Nam ex hoc fonte fluunt
- (1) *crassa ignorantia*, ut sæpe consilium deficiat, nec superpetat, qua ratione, qua proportionem & quamdiu in morbis operandum sit.
 - (2) *malitiosa tergiversatio*, sub qua ad motus erroneos, interruptos, & insufficientes pronior est, quam ad legitimos, constantes & adæquatos.
 - (3) *Impotentia*, quæ in multis motuum anomaliis crebro se prodat, quæque efficit, ut sæpius a morbo, cuius magnitudini valide satis resistere non potest, natura vincatur.
 - (4) Damna, quæ ex his tribus vitiis in praxi observanda se offerunt, nunc indicabimus.
 - (5) *Intempestivi* sæpe cientur motus.
 - (6) Nimum trepidantes & *insufficientes* respectu materiæ, graduum, durationis, cum summo vitæ periculo suscipiuntur. Nulla enim, exceptis læsionibus viscerum fonticis, materia tam pestilens, tamque maligna ac deleteria est, quam natura non valeat superare per motus ordinatos, proportionatos & constantes. Tot namque a morbis malignis & febribus acutis inflammatoriis autocratie, seu sine ullo artis adminiculo curantur, ut satis inde elucescat, mortem sub his morbis non tam materiæ, quam potius vitali principio, morbum male oppugnantem, esse adtribuendam.
 - (7) *Errores in eligendis & adplicandis* organis contingunt. Interdum enim electio tam erronea est, ut necessario funestus sequi debeat eventus. Alio tempore legitima quidem eliguntur organa, sed male adplicantur, sub motibus nimirum iam valde impetuosius, & pertinacibus, iam iusto remissioribus, quo utrovis modo nihil, quod salutare esse poterit, obtinetur.
 - 5) Ex *immaterialibus* rebus duæ restant consideratu dignissimæ, nempe *sensibilitas & consuetudo*. His enim neglectis multa in morbis phænomena non possunt explicari.

(1) Ad

- (1) Ad *sensibilitatem* quod attinet, non adcuramus illam, quæ omni homini inest, sed quam indiuidua nonnulla habent singularem. Hæc uti non semper in debilitate quadam aut teneritudine, ut quidam volunt, sed potissimum in exquisita actiuitate, intenta organorum adplicatione, attenta obseruatione, perceptione, æstimatione & huic superstructa motuum alteratione consistit: ita ad morbos varios, graues, intricatos, non solum disponit, sed eos quoque introducit & sustentat. Maior longe exemplorum, quæ id probant, est numerus, quam ut in medium hic proferri expediat. Hoc tantum notamus, quod temperamentum & sexus multum omnino hic contribuant.
- (2) Ceterum obseruanda est illa sensibilitatis diuersitas, qua quidam facile morbos cutaneos incurrunt, cum alii capitis & faciei potius experiantur afflictiones; nimirum congestiones, inflammationes, tumores.
- (3) Sunt porro, qui promte satis variis primarum viarum molestiis, cardialgia, vomitu, colica, diarrhœa vexantur, si vel minima adfuerit suspicio aut æstimatio commissi alicuius in diætam legalem peccati, adeo, ut ne medicamenti quidem aliquid effici possit. Quo etiam illa in praxi obuia difficultas spectat, quando quidam emplastra, vnguenta, pulueres, pilulas & varia odorifera cane peius & angue auersantur, & libentius pati, quam curari volunt. Septem singularia sensibilitatis exempla recensentur in *Conspectu therap. general. tab. I. obs. 23.*
- (4) *Consuetudo ægrotandi* seu prompta motuum extraordinariorum, ob leuiores causas, suscepta repetitio & habitualis quasi continuatio, citra materialem noxam, aut vere præsentem, aut eiusmodi motibus minus dignam; sensibilitate & præpostera æstimatione subinde colludentibus. Hinc sæpe post febrilem materiam, quamuis sufficienter euacuata, nihilo minus obseruatur motuum continuatio, nec necessaria, nec utilis, sed ex consuetudo tantum facta; quemadmodum hoc subiecta
variis

variis negotiis hæmorrhagicis implicata præ aliis euincunt, si præcipue moralis eorum indoles conspirat, secundum quam multi adeo præcipitem in agendo alacritatem ostendunt, vt agendi cupiditate ardeant, nec adquiescere possint ante, quam intentioni suæ crebro motuum exercitio satis fecerint. *Conf. Alberti diss. de consuetudine & insuetudine agrotandi.*

9. De Metaphysicorum tandem quatuor caussarum generibus hoc obseruandum, quod

1) *caussa materialis* hic nobis denotet materiam vel læsionem, quæ corpori statum morbidum inducere & naturam ad præternaturales motus exstimulare potest.

2) *Causa formalis* autem dicitur essentialis determinatio, per quam materia illud fit, quod esse debet & per quam ab aliis distinguitur.

3) *Causa efficiens* est illud in corpore agens principium, a cuius vi sola actio & motuum, propter causam materialem institutorum, initium ac continuatio dependent. Cum vero *efficiens* instrumentis certis vtatur, sciendum, quod *caussæ* eiusmodi *instrumentales*

(1) vel *materiales* sint, vt partes corporis organicae,

(2) vel *imateriales*, nempe ipsi motus.

4) *Causa finalis* illa habetur, propter quam *efficiens* agit.

10. Hæ ipsæ vero caussæ ad morbos quidem frequenter applicantur, sed ob diuersas auctorum hypotheses ita passim confunduntur, vt alii *materiali* caussæ tribuant, quod alii ab *efficiente immateriali* deducunt. Sic porro formalis ratio, quæ *efficientem* cum *finali* connectit, ob eandem principiorum diuersitatem, diuerso plane modo explicatur.

11. Ceterum caussæ sunt respectu *ordinis* vel *propinque*, vel *remotæ*.

1) *Propinque* iterum sunt

(1) vel *antecedentes*, quæ in corpore delitescunt & a remotis excitatæ, *proximam* constituunt.

(2) vel *proximæ*, quibus vtpote positæ morbi effectus ponitur.

(2) *re-*

- 2) *remotæ* seu *procatardicæ*, quæ latentem in corpore dispositionem excitare valent, vt morbus fiat.
12. Litigant auctores de caussa *proxima* & *continente*, quam hi pro vna eademque declarant, alii autem curate eas ab inuicem distinctas volunt; paruo cum rei medicæ emolumento. Eo etiam pertinet illa controuerfia: an vnius morbi plures esse possint caussæ antecedentes? vtrum antecedentes extendi queant ad remotas? & quæ huius census alia sunt oppido sterilia.

III. *VSVS.*

1. Cum morbos curare idem sit, ac eorum caussas tollere; sponte consequitur, eum, qui veras caussas non perspicit, cæca empiria vel ventum ferire, vel satis impeditæ curationes instituere.
2. Magni vsus esse hanc de caussis doctrinam & penitiorem earundem cognitionem, ne antiquos quidem scholæ medicæ antistites fugit. Hinc Medicum ad morbum sanandum sufficere crediderunt tantum, quantum ad cognoscendam causam suffecerit. *Conf. Hippocrates de arte.* Et in libro de flatibus adfirmat, quod Medicus, caussis cognitis, potens demum sit, ea corporibus adferre, quæ illis conducant.
3. Singularem vero vtilitatem exserit hæc doctrina in formandis *indicationibus*, quæ numquam conuenientiores excogitari possunt, quam vbi morbi caussa vere perspecta fuerit.
4. Præter ea cognita caussa, certior formari poterit *prognosis*. Exemplo sint morbi ætatum & temperamentorum generatim. Nam
 - 1) *ratione temperamenti* Medicus hominem intuens præfagire quodam modo potest, quibus morbis esse possit expositus. Sic
 - 2) *ratione ætatum* diiudicat, quibus vniquam obnoxius fuerit, quibus nunc & in posterum futurus sit. Qui enim vna ætate alicui morborum generi subiecti sunt, illi sequentibus ætatibus, aliis iterum pathematibus, quæ

ad id genus pertinent, corripī solent. *Vid. Stahlus de morbor. æt. fund. cap. I. & II.*

5. Rem porro illustrabimus per convulsionum negotium. Quando enim in subiectis iunioribus plethora cum humorum spissitudine, horum motuum causa est, tum venæsectione & debitarum excretionum promotione facilius curabuntur, quam aliis quibusvis decantatis antispasmodicis, antepilepticis specificis. In quibus autem vermes in causis sunt, aut commotiones patheticæ, aut febres, in iis longe aliter procedendum est.

IV. OBSERVATIONES.

1. Ex indicatis cognitionis causarum visibus patet, earum scrutationem pathologiæ studiosis eum in finem commendandam esse, ut mature tam veterum, quam recentiorum aberrationes perspicere & a fictis vera dignoscere discant.
2. Licet recentī ævo frequentes cadaverum sectiones non nihil ad ampliorem causarum materialium notitiam contulerint; futuro tamen practico cauendum est, ne morborum producta pro ipsis causis temere adripiat, & sibi aliisque imponat. Nam defunctorum anatome potius mortis, quam morborum causas detegere solet.
3. Naturalis dispositio corporis ad ægotandum primum locum in causis naturalibus occupat; sed observatu valde dignum est, quod nihilo minus singuli quique homines per totam suam vitam rarius ægotent, licet tam a priori, quam a posteriori clare demonstrari queat, quod vi huius dispositionis per quam facile morbis corripī possint. *Vid. Stahlus de infrequentia morborum personali.* Quod vero actu tam sæpe non ægotent, hoc vitali energiæ tribuendum est. Hanc natura præstat
 - 1) remotione & depulsione quarumcumque particularum e nexu suo secedentium, ne immanente actiuitate fermentationis solutionem perpetrare possint.

2) re-

- 2) *restauratione* quotidiana, qua id, quod sub motibus fa-
tiscit & per eosdem eliminatur, commode suppletur
atque hisce modis impeditur, quo minus dispositio in
verum morbum transeat.
4. *Aetas & temperamentum*, quatenus certorum morborum
causæ existunt, & symbolizantes alios sequente ætate inui-
tant, tanto attentius obseruari merentur, quanto fre-
quentius præteruideri solent. Inter antiquos *Hippocrates*
magnam ætatibus vim attribuit in morbis, quoniam ad fa-
ciliorem difficilioremque curationem eorum notitiam
multum conferre credidit & morbos quosdam ætatis mu-
tatione sanari recte monuit. *Galenus in comment. ad Hippo-
crat. de humoribus* f. m. 28. cum ætatibus humorum quoque
migrationes fieri docuit.
5. Et ista quidem veteres. Recentiores autem practicos ab
eo tempore, ingens istarum rerum obliuio cepit, a quo
alienis fictionibus ab *Helmontio*, *Sylvio*, *Tackenio* & iei-
unæ mechanico-automaticæ pathologiæ statoribus prola-
tis ingenti feruore inhiarunt. Quo ipso etiam factum est,
vt omnibus omnia quasi communia facerent, & hæmor-
rhagias in primis, admodum peruerse tractare, minus dubi-
tarent, quia earum causas, & secundum ætates depen-
dentiam non perspexerunt. *Conf. Stahlus de nouitatibus me-
dicis in genere.* §. XV - XX.
6. De causis *non-naturalibus* generatim obseruandum, quod
omnino morbis causam præbere valeant, raro tamen sub
alia conditione, quam si subiecta iis abutantur, & incon-
gruum vitæ genus concurrat.
7. *Præternaturales* eo maius periculum inuoluunt, quo nobi-
liores sunt partes, quas infestant.
8. Causæ *imateriales* quia vitæ instrumenta immaterialia,
nimirum *motus*, maxime lædunt, turbant & peruertunt,
citius ac vehementius nocere solent, quam *materiales*.

9. De peccato speciatim hic notandum, quod res e longinquo petita haud sit, si morborum caussis immaterialibus primo loco inferatur. Ethnico enim animo circa hanc doctrinam versari, & omnia mala certis tantum materiis adscribere, Medico christiano valde foret indignum.
10. In *tabula de differentiis morbor.* iam docuimus, dari *motus* *motuum*, vario modo *ανωμαλως* agentium; & supra sub *different.* denuo quædam addidimus; ex quibus palam fit, quod motus, sine quibus alias nulla morbi curatio siue autocratica, siue artificialis fuerit, absolui potest, nihilo minus grauium morborum & funestorum euentuum causa fieri soleant; si contra ordinis, quantitatis & temporis normam peccauerint. Nec adeo mirum hoc est, licet maxime videatur paradoxon, quod ipsa medicina naturæ, seu motus conseruatorii interdum destructorii & mortiferi fiant: cum idem plane obseruare liceat in spiritalibus, veluti *S. Paulus in epist. ad Rom. cap. VII, 10. 13.* conqueritur, optimam nimirum legem, quæ ad vitam data sit, cessasse in mortem, quia peccatum se se immiscendo pessimos hosce effectus produxerit.
11. Præterea probe tenendum, naturam sub hisce quoque anomalis motibus nihilo fecius eo respicere, vt corpus suum conseruet; licet veram methodum deferendo opus suum debite non absoluat. *Vid. Stablius de erroribus naturæ medicis.*
12. Ceterum ipsi morbi aliorum morborum causæ sæpius fieri solent; id quod pessimis consecretariis suppressarum hæmorrhagiarum & febrium male curatarum exemplis demonstrari potest, quas non numquam repentinus phlegmonædes tumor, interdum dolores articulationum, vera œdemata, hydrops & febres acutæ excipere solent. *Conf. Stablius de morbis consequentibus. Frid. Hoffmannus de morbis ex aliis prodeuntibus. Halæ 1716.*
13. Tandem auditu ingratum, sed longe verissimum est, medicationes, imprudenter adhibitæ, grauiorum morborum

rum fieri causas; de quibus tamen prolixè hic commentari non licet, quia amplior campus est, quam ut vnius obseruationis cancellis includi possit. Interim conferri merentur *Frid. Hoffmannus in diss. de imprudenti medicatione multorum morborum causa Halæ 1715. it. de Medicis morborum causa 1728. Nenteri theoria hominis ægroti sect. II. cap. XIII.*

TABVLA V. DE PLETHORA.

I. DEFINITIO.

Plethora est sanguinis abundantia, debitam proportionem, quæ ad quotidianum & necessarium vitæ usum exquisitè requiritur, excedens, corpusque humanum ad multa morborum genera disponens.

II. DIFFERENTIA.

1. Quamuis indicata sanguinis copia verus morbus non sit: merito tamen de illa in pathologia, tamquam de præcipuo plurimorum morborum causa, tractari debet, quia cognita causa, expeditior esse solet morbi diiudicatio & medela.
2. Plethora ab auctoribus distinguitur in *simplicem* & *complicatam*.
 - 1) *Simplex, legitima, naturalis*, quam & *polyhæmiam* vocant, est
 - (1) vel *ad vasa*, quando nimirum sanguis in corpore minus spongioso ita abundat, ut vasa turgida & distenta efficiat.
 - (2) vel *ad habitum*, quæ in subiectis, vasis minoribus præditis, partes porosas intimius penetrat, ut inde habi-

tus ob sanguinem per cutim quasi transparentem floridus ac rubicundus reddatur.

- (3) vel *ad vires*, quando viribus grauis euadit & actiones tam vitales, quam animales impeditiores reddit, cum artuum grauitate, lassitudine & torpore: & hæc quoque dici solet *urgens*.
- 2) *Complicata, spuria, præternaturalis*, dicitur, in qua, præter spissitudinem, aliorum quoque humorum impuritates commixtæ obseruantur; vnde quid sit *plethora biliosa*, quid *serosa*? facile colligitur.
3. Ratione consequentium molestiarum, magis toleratur
- 1) *plethora sibi relicta*, quia statum vere morbidum non inuoluit; e contrario autem
- 2) *plethora commota* varias sæpe congestiones, infarctus, inflammationes & febres producit.
4. Differt plethora ab *habitu pleno*, *ευσαρκω*, qui frequenter quidem plethoræ sociatus apprehenditur, sed sine insigni plethora subinde occurrit.
5. Neque confundenda est plethora cum *πλησμονη*, quoniam hæc non humorum aut sanguinis, sed proprie ciborum bene nutrientium abundantiam & satietatem denotat. *Vid. Hippocrates lib. IV. de rat. vict. sect. III. f. 41.*
6. Quæ ceterum non nulli adferunt de plethora *uniuersali* & *particulari*, oppido sterilia sunt: quemadmodum illa plethoræ distinctio, qua in *abundantem* & *exundantem*; item ad *iustitiam* & *pondus* dispertitur, iam sub *differentiis* supra positis comprehenditur.

III. SIGNA

1. Plethoræ sibi relicte.

1) Bonæ valetudinis & roboris præsentia.

2) Color faciei

in *sanguineis* floridus & rubicundus,

in *cholericis* & *melancholicis* vasorum iustatione & adspectu viuidiore manifestus.

3) Ad-

- 3) Appetitus optime sibi constans.
- 4) Somnus quietus & in loco temperato profundior, quam in calido, vbi facile reddi solet inquietus.
- 5) Pulsus plerumque magnus & plenus.
- 6) Artuum grauitas & facilis eorum obdormitio.
- 7) Torpor ad motus voluntarii exercitium & prompta defatigatio, cum sensu contusorio, a partium fibrosarum distensione; cui sæpe peculiaris illa accedit sensatio in cute, quasi seta pungerentur.
- 8) Oculorum humiditas fere continua.
- 9) Sudatio facilis, etiam sub leuiore corporis motu.
- 10) Frigoris & æstus singularis & promptus sensus, maxime in feminis, quæ sæpe frigus in capite persentiscunt, ac si glaciei frustum vertici incumberet.

2. *Plethoræ commotæ :*

- 1) Plethoram siue per calorem atmosphæræ, siue per motum voluntarium, potus spirituosos aut animi pathemata commotam sequitur somnus inquietus, interruptus, cum corporis crebra iactatione & in quibusdam cum pauoribus.
2. Insomnia anxia de corporis proprii immobilitate & grauitate, de oneribus prementibus, incendiis, suppliciis cruentis; aut transitu per flumina rubra & quæ sunt alia. De quibus scite iam *Galenus* monuit: quod plethoræ & sanguinis euacuationem isthæc indicent, *Vid. eius liber de dignotione ex insomniis.*
- 3) Vertiginosa afflictio magis, quam alias in grauescens cum transitoria vitus obnubilatione & aurium tinnitu.
- 4) Difficilior & anhelosa respiratio.
- 5) Aestus & palpitatio cordis diutius continuans.
- 6) Quibus omnibus subinde efferæ accedere solent hæmorrhagiæ.

IV. *SVBIECTA.*

1. Iuniores magis quam senes, & sexus femininus præ virili-

2. Ho-

2. Homines de temperamento sanguineo plurimum participant potius, quam alii.
3. Otiosi aut vitæ saltem sedentiæ dediti.
4. Victu videntes lautiori, pleno & polyhæmix admodum veli anti.
5. Illi, qui naturalium excretionum sanguinis suppressiones patiuntur, aut artificiales negligunt.
6. Tandem & illi, qui laborioso vitæ generi, alias adueto, nuncium mittunt, & in otio genium demulcere student.

V. CAUSSÆ.

1. *Procatartice* causæ ex iis, quæ in subiectorum denominatione adlata sunt, facile perspiciuntur.
2. *Antecedentes*

1) *Naturales, sunt*

(1) *Aetas.*

a) Quantum ad *tres* priores attinet, non temere prætermittenda est illa de abundantia sanguinis necessitate observatio. Nam corpus, cuius partes inde a natiuitate notabili augmento crescere, secundum omnes dimensiones extendi & ad futuros vsus aptæ firmæque reddi debent, indiget materia huic negotio idonea & conueniente, quæ aliunde sumi nequit, nisi ex sanguine eiusque lymphâ nutritia.

b) Perficitur autem corporis incrementum perpetua partium extensione & dilatatione, ad quam necessario maior sanguinis copia requiritur, quam in præsens partium continentium capacitas exquisitè admittit, quia sufferciendo & sustentando extensionis actus iuuari ac promoueri debet. Quantum vero quotidie pro incremento extensum est, tantum sanguine iterum expleri debet, alias subsequeretur extensi collapsus, & corporis augmentum foret impeditum: vnde ineptitudo ad functiones vitales & animales per plurium annorum intervallum succederet, contra naturæ scopum & intentionem. Et quia tribus primis

atati-

ætatibus natura nouæ indies ac vltioris extensionis studiosa est, sanguinis quoque parandi negotium quam maxime viget. Atque hinc ratio patet, cur appetitus in iunioribus tantus sit, vt apud quosdam in voracitatem degeneret.

(2) *Sexus*

- a) *Masculinus.* Licet in hoc corporis incrementum iam absolutum sit, tamen labores, quibus præ se- quiori destinatus est, requirunt, vt semper sufficiens & paulo abundantior sanguinis copia adsit, ne humorum imminutio, sub quotidianis motibus consumptoriis, virium debilitatem post se relinquat, & varia sanitatis impedimenta producat.
- b) *Femininus* abundantia quadam sanguinis omnino gaudere debet, ob arduum & instans generationis ac nutritionis negotium, ne foetui desit, vnde alatur. Et quoniam temperamenti ratio in hoc sexu generatim conspirat, plethoram in feminis tam ad habitum quam ad vires præcipue obseruare licet.

(3) *Temperamentum*

Sanguineum, in primis si purum est, aut reliquorum tenet principatum, admodum habile obseruatur ad producendam & fouendam plethoram. *Conf. Physiologia tab. de temperamentis; collata diss. Stahlî de temperamentis physiologico-physiognomico-pathologico-mechanice enucleatis.*

2) *Non naturales.*

- (1) *Cibus & potus.* Horum vsus simpliciter adcusandus non est, tamquam plethoræ causâ; sed immoderatus abusus, seu gulæ cultus, qui per ciborum varietatem & saporum illecebras semper in nimium tendit, præcipue apud illos, qui non tam de vita alenda, quam de corpore faginando solliciti sunt.

- (2) *Motus voluntarii neglectus & quietis somnique intemperans studium,* si victui pleniori accedant, plethoram

ad excessum vsque apud plures augere solent. Vbi præcipue hoc obseruandum, quod natura, intentione admodum prouida hic agat, dum plethoram etiam in iis auget, quorum corpora pridem formata sunt, & præter conseruationem, nouo incremento haud indigent. Quia enim ipsa vita per continuas secretiones & excretiones conseruatur, sub quibus notabilis semper humorum pars fatiscens decedit; hinc adpetitus viget & consumptarum portionum restauratio sine vlllo sanitatis incommodo contingit. Quoties vero dicti motus vitales segnius exercentur, tum ob motus voluntarii intermissionem, quos tamen *natura* in hoc negotio *supponit*, toties inualefcit plethora, adgrauantur vires & ipsa sanitas periclitatur.

(3) *Excernenda* consueta, si retenta fuerint, eximie plethoram adaugent, aliaque inde pendentia incommoda multiplicant, quod innumeris exemplis probari potest eorum, quibus narium hæmorrhagiæ, hæmorrhoides, menses, consueti sudores, diarrhœæ, coryzæ & anniuersarii vomitus supprimuntur; & quos vicissim retentorum molestiæ adfligunt. Hæc breuiter *Galenus* complectitur, dum in causis plethoræ habet *superiorem vitam in otio copiosioribusque esculentis ac poculentis traductam & excretionum consuetarum retentionem. Vid. eius liber de plethora cap. I. f.m. 50.*

3. *Efficiens causa* est prouida natura, quæ optima intentione plethoræ generationem, etiam post plene absolutum corporis incrementum, porro continuat, minime autem vt inde corpus adgrauetur & vita tot exponatur periculis, sed vt eius conseruatio, motibus vitalibus perpetranda, & voluntariis adiuuanda, expeditius fiat ac diutius continuari possit. Agit hoc principium vitale tanto promptius, quanto liberius huic negotio a pluribus annis iam adsuevit, & consuetas semel intentiones & sub his certos motus difficilius intermittere solet. Nam homo præ aliis animalibus hanc habet indolem, vt magno nisu, ingenti desiderio & pertinaci intentione id agat, expetat ac moliatur, quod iam olim sæpius ob-

obtinuit, vt pridem inculcauit *Stablius de venesectionis patrocinio sect. II. cap. IV. p. 22.*

4. Ex quibus omnibus inter se collatis & debite expensis, elucescit, quod tam in corpore augendo, quam complete formato abundantia quædam sanguinis, ob certos fines, in promtue esse debet, adeoque natura erroris haud sit adcusanda.
5. Vnde magno conatu nihil certe egerunt, qui cum *Helmontio* plethoram negare sustinuerunt. Quodenim dicant,
 - 1) Deum nihil agere frustra, hoc quidem verissimum est.
 - 2) Quando autem de natura idem adfirmant, id non absolute & semper verum est. Naturam enim sæpe frustra, hoc est, sine probabili nedum necessario fine & vsu aliquid agere, probari potest exemplis
 - (1) *Adpetitus*, secundum cuius stimulum plerique hominum longe plus edunt, quam necessitas postulat; & si cibis simplicioribus vesci obtingeret, vix quartam eorum partem adsumerent.
 - (2) *Pinguedinis nimie*. Huius enim nullus vsus, nec vlla necessitas est, cum corpori potius magnum inde onus accedat & varia mala partim producat, partim curatu difficiliora efficiat, vt nullum sit dubium, naturam in quibusdam subiectis etiam in plethoræ nimio augmento omnino frustra agere.

VI. VSVS.

Vsum habere plethoram naturalem sub causis distincte proposuimus. Quantæ vero noxæ e plethora indies augescente corpori & sanitati succrescant, e *tab. de differentiis morbor. ibid.* sub morbis *quantitatis* perspicui potest. Quare inculcandum hic ducimus multiplicem vtilitatem, quæ in Medicum ex negotii plethorici solida cognitione redundare potest. Hac enim probe imbutus

1. Facile diiudicabit vanas opiniones eorum, qui, *Helmontio* præeunte, rhetorice magis quam vere plethoram negant & sanguinem pro vitæ thesauro ac balsamo habent, cuius numquam ad vitium vsque possit dari excessus. Sed de contra-

rio conuincimur per scholæ medicæ documenta, & tot plethoricorum subiecta, quæ in praxi offeruntur.

2. Neutiquam se patietur seduci ab axiomate illo vano & friuolo: *si datur plethora, poscit euacuationem, non venæsectionem.* Huius enim parœmiæ patroni, quam ieiuni sint tam in vniuersa œconomîæ animalis theoria, quam in ipsa praxi, vel ex eo colligitur, quod iam veteres agnouerint, sudorifera pariter ac purgantia minori efficacia in corpus plethoricum agere. *Conf. Stablii Venæsectionis patrociniū Sect. II. cap. I. Vid. etiam Galenus de Venæsect. aduers. Erasistrat. cap. VI.*
3. Perspicere valebit veram ætiologiam, cur multi manifesto plethorici, in quibus sanguinis conficiendi negotium ob temperamenti rationem & diurnam consuetudinem tam promte succedit, sine vlllo plethoræ incommodo vitam in seram vsque ætatem transigant, cum alii abundantîæ molestias perpetuo experiantur. Prius contingit illis, qui validis motibus adfueti iisdem quotidie vacant; posterius obseruatur in litteratis aut artificibus lepturgis, qui omnes vitæ sedentariæ dediti sunt.
4. Cognoscat, quo modo plethora consiliis potius salutaribus, quam auxiliis pharmaceuticis, commode minui & plena euphoria conseruari possit.
5. Porro intelliget, quod plethora, præcipue cum spissitudine complicata, non solum per se sanitati nocere & morborum agmini vias pandere possit; sed etiam alios morbos, quibus accedit, contumaciores reddat. Manifestat se huius rei veritas in illis casibus, vbi specialis quædam corruptela e corpore eliminanda est. Tunc enim non tam liber nec tam frequens aditus ad colatoria & secretoria vasa datur; vnde necesse est, vt febriles commotiones maiori cum impetu & duratione peragi debeant, si natura fermentatiuas portiones, remouere & vltiorem corruptionem præcauere velit. Hoc & vulgus in epidemica grassatione iam animaduertit, dicens: die vollblütigen Leute werden am heftigsten angegriffen.

6. Ex fluxionibus spontaneis seu hæmorrhagiis, tacite & tranquille erumpentibus, addiscet indicationes formare, intentioni naturæ conformes. Naturam enim sequi eamque eoducere, quo motibus legitimis & securis tendit, ministerio medico incumbit. Vnde quam maxime quoque cauebit, ne salutares eiusmodi plethoræ imminutiones turbentur aut supprimantur.
7. Plethoram ex suppressis fluxionibus auctam & commotam maiori longe circumspectione tractabit, quam aliam simplicem ebullitionem: quia motus plethoricorum orgastici, si in primis ab animi pathematibus excitati fuerint, magnis anomaliis ansam præbere, & acutas febres producere solent.
8. Tandem & hoc comperiet, plethoræ incommoda longe citius & certius tolli posse per fluxiones naturales, quam per artificiales, quæ si circumspecte satis non instituantur, malum in peius vertere solent.

VII. OBSERVATIONES.


1. Cum pauci sint plethorici, qui abundantiam sanguinis commode tolerare possint; plurimi vero occurrant, quibus a plethoræ molestiis perpetuo vexari contingat: multum disquiri solet de remedio efficaci, quod plethoræ prouentum impedire & tot malis homines liberare valeat.
2. Dubitant plerique de tali remedio, propria experientia edocti, quod, etiamsi fudorifera, purgantia & venæsectiones adhibeantur, tamen incommoda minus cessent, sed in annos maiora sumant incrementa.
3. In *Hygieine nostra tab. V. p. 503.* & in *conspectu theoretico-practico tab. de plethera* distincte proposuimus, quod parcius vitæ a priori, & motus laboriosi a posteriori methodus sint plethoram minuendi & præcauendi longe præsentissima, breuissima & certissima. - *Conf. Galenus de consuetudine cap. V.*
4. Non enim necessitatis res est, ut omnes in statum plethoricum, vires grauantem & reliquo vitali negotio molestum, deueniant. Quamuis enim quotidie edamus, & per nouum chylum ad humores augmentum admittamus: non tamen iusta hu-

morum proportio turbatur, si per motum sanguinis ordinarium & per corporis exercitia magis adiutum & intensum tantum humorum iterum consumitur, & in serum resoluitur, quantum ex quotidiano cibo singulis diebus in venas admissum est.

5. De veteris Germaniæ incolis constat, quod vix alios morbos nouerint, quam qui ex vulnerationibus & contusionibus ortum duxerunt. Nunc autem, immutata viuendi ratione, dudum desit ista felicitas; iam enim non morbos, sed morborum catalogos recensere possumus. Ita ætas posterior Germaniam a barbariei contumelia quidem vindicauit, sed vna cum ciuilitate mollietatem, ignauiam & morborum agmina introduxit.
6. Plethoræ subiectis supra adnumerauimus illos, qui e laborioso vitæ genere transitum fecerunt in otiosum, quietum & faginando ventri adcommodatum. Videtur hoc adsertum quibusdam sufficienti fundamento carere, & potius statuum esse: quod illi, qui tamdiu sub certo vitæ genere incolumes vixerint, tam confirmata sanitate gaudeant, ut roboris penu tamquam in futuros euphoricæ usus collecta solummodo frui, & porro valentes permanere possint, licet viuendi præsens ratio a priori deflectat.
7. Sed quorum animis huiusmodi opinio infidet, illis obseruandum commendamus,
 - 1) quod omnis mutatio e meliori in peius, qualis hæc est, e motu in otium, vere sit periculosa.
 - 2) quod natura in laboriosis iam adsueuerit eadem proportionem cibos adsumere, & sanguinem restaurare, qua antehac quotidie consumebatur. Si iam labores neglecti fuerint, eam ipsam consuetudinem tam in cibis adpetendis, quam in augendis humoribus firmiter porro obseruat: atque hinc plethora & quæ eam sequi solent grauiora oriuntur incommoda. Nemo itaque athletico habitu sub quotidianis exercitiis præditus, falso sibi blandiatur, ac si neglectis laboribus eundem diu retenturus sit.

8. Quod

8. Quod ad remedia subsidaria attinet, quibus plethoræ imminutionem intendimus, nempe ad venæsectionem & scarificationem, non pertinent illa ad pathologiam, sed ad therapiam specialem, vbi explicatius de illis diximus.
9. Male ceterum consulunt plethoricis illi, qui secundum illud diæterium, *plethora, si datur, non venæsectionem, sed catharticam euacuationem postulat*, curationem suscipiunt. Talis enim methodus *πλεθυσμωνη* congrua esset, non plethoræ, vt Hippocrates iam docuit *lib. IV. de rat. vict.*
10. Itaque qui plethoræ negotium *perspectum* & secundum suam originem, indolem & effectus solide cognitum habet, hos facile errores effugiet, & præterea sollicitus erit, vt nihil temere & nihil ex præiudicio agat, sed in hoc negotio naturam præeuntem, rationem suffragantem & experientiam confirmantem constanter sequatur. *Conf. Frid. Wilh. Klossii diss. de plethora eiusque præter naturam in corpus humanum productis effectibus. Argentorati 1724. Io. Andr. Fischeri diss. de plethora multorum morborum causa. Erford. 1723.*



TABVLA VI.

DE SPISSITVDINE SANGVINIS.

I. DEFINITIO.

Spissitudo massæ sanguineæ est iusto crassior illius consistentia, quæ a plethoræ abundantis vicio & motuum defectu plerumque originem ducit, ac variorum morborum causam constituit.

II. DIFFERENTIA.

1. Ratione *quantitatis* spissitudo vel

- 1) *vniversalis* est, quando vniuersa humorum massa in toto corpore debitam fluxilitatem amisit & spisslescentia laborat.
- 2) *particularis*, quæ in certis tantum locis obseruatur, v. g. in vena portæ & visceribus cum illa connexis, quemadmodum in hypochondriacis & hystericis id frequenter occurrit.

2. Ratione *qualitatis* seu indolis

- 1) *Simplex* & pura dicitur ea spissitudo, quæ a dyscrasia & specificis impuritatibus libera est.
- 2) *complicata* autem spissitudo, quæ speciali inquinamento siue venereo, siue scorbutico, siue alii maligno iuncta est. Non vero de hac, sed de illa in præsentī agendum incumbit.

3. Ratione *durationis* est, vel

- 1) *incipiens* & correctionem facile-admittens, vel
- 2) *diutius adfligens* & *altius radicata*, quæ continuatam medicationem & perenne motuum exercitium efflagitat.

III. SIGNA.

Sunt maximam partem eadem, quæ in plethora se offerunt; in primis

primis autem obseruantur in illis, qui sanguinis spissitudine laborant, nempe

1. Animus anxius & ad agendum torpidus, abiectus & citra causas morales externas meticulosus & infractus. Hinc apud practicos solenne est dictærium: *schweres Blut, schwerer Muth.*
2. Grauitas artuum & totius corporis; vnde lassitudo sine præuio motuum exercitio.
3. Respiratio impeditior & sub motu leuiore angustationis sensus circa præcordia cordisque palpitatio.
4. Somnus anxius, parum reficiens & terrificis infomniis stipatus.
5. Crebræ pulsus & motus tonici alterationes, a quibus deinde caloris & coloris mutationes oriuntur, quæ corporis habitum modo strictiorem & pallescentem, modo magis turgidum & coloratum reddunt.
6. Secretionum & excretionum tardior successus.
7. Sanguis per venæ sectionem aut scarificationem eductus, respectu coloris, nigricat, respectu autem consistentiæ admodum crassus firmiterque cohærens est: vnde nec serosam portionem tam cito dimittit, & sæpe e vena secta fluere recusat.

IV. SVBIECTA.

1. Ratione *ætatis*:

- 1) Senes ordinarie præ iunioribus. Vid. *Stablii dissert. de senum adfectibus* §. XXV.
- 2) Iuniores tamen, quibus maturius hæmorrhagiæ naturales suppressæ sunt, aut qui artificiales depletiones neglexerunt, sæpe in eum delabuntur statum, vt ratione spissitudinis humorum longe deterioris esse soleant conditionis, quam ipsi senes.

2. Ratione *sexus*

Feminæ præ viris, & in illis præcipue, quæ sessili opera suos labores perficiunt, aut plane otiosæ sunt, quod apud illas obserues, quæ de quotidiano victu numquam esse debent sollicitæ.

3. Ratione *temperamenti*:

Temperamentum melancholicum & fanguineo-melancholicum magis spissitudini fauent, quam cholericum & fanguineo-cholericum.

4. Ratione *vitæ generis*:

1) generatim illi, quibus viuendi ratio otiosa aut vegetiorum motuum expers est, cuius assiduus comes plethora esse solet.

2) Speciatim litterati, artifices & opifices, qui sedendo artis pensa absoluunt.

5. Ratione *climatum*:

Illi, qui septentrionalia incolunt, magis dispositi sunt ad humorum spissitudinem, quam qui in meridionalibus commorantur, tam ob aëris & diætæ, quam corporis & temperamenti rationem.

V. CAUSSAE.

1. *Causa primaria* est abundantia sanguinis; licet optimi, tamen ad spissitudinem valde proni. Huius enim excedens in corpore quantitas motus proportionem lædit, speciatim

1) *circulatio* tam frequenti circuitu absolui nequit, cum maior quantitas tardius, minor autem citius circumagi valeat. Vnde

2) *energia* impulsus manifesto læditur, prægrauatur & infringitur. Nam sublata proportionem humorum ad motus, aufertur quoque debitus mouendi vigor.

3) *Vitæ & meatus* nimia oppletionem semet ipsos offerciunt & quasi obstipant, ac necessariæ procedendi facilitati nouum impedimentum obiciunt. Atque hinc

4) maior in dies motus progressiui torpor inualefcit; humorum fluxilitas perit; secretionum & excretionum successus fit impeditior, superfluum redundantia, iustæ craseos immutatio & ipsa tandem spissitudo vera subnascitur.

2. *Causæ secundariæ* duæ sunt, quæ culpa voluntatis humanæ, rectius non instructæ, aditum inueniunt:

1) Escu-

- 1) Esculentorum largior ingestio & potus diluentis minus proportionata adsumtio.
- 2) insufficiens motus voluntarii exercitium, aut omnimoda neglectio, Quantum vero progressuum motum iuuat voluntarius, qui attenuatorius, transpullorius & per arētos fibrarum poros transpressorius est, in *Hygieine nostra* diximus. *Conf. Stablius de proportionē humorum ad motus §. XIV. & diff. eiusd. de Viribus §. IX.*
3. *Causæ procatareæ* si iam recensitis accedunt, spissitudini maius incrementum addendo ad altius radicandum inferuiunt. Tales autem sunt
 - 1) Animi pathemata, speciatim tristitia, metus, terror: de quibus vid. *Stablius de passionibus animi corpus humanum varie alterantibus.*
 - 2) Diæta sicca & crassa, acidorum & spiritus vini abusus, qui in primis humores reddit lentos; iisque coagulum inducit; cuius rei testimonium luculentum sanguis e secta vena profluens suppeditat. Nam strenui spiritus vini potatores cruorem spissum, tenacem & quodammodo albicantem emittunt.
 - 3) Refrigeratio immodica, siue per aërem imprudentius admissum, siue per frigidorum ingurgitationes facta, corpore inprimis vndique calente.
 - 4) Sudores nimii sedentariorum, per quos portionis diluentis aquoso-serosæ insignis iactura fieri & spissitudo consequi solet. Laboriosi autem per copiosum potum hanc iacturam compensant.
 - 5) Sanguis hæmorrhoidalis & menstruus, præter naturam retentus, *Conf. supra subiecta.*

VI. VSVS.

1. Ipsa omnino spissitudo nullum habere potest vsum, quia tot malorum fomes est; sed penitior causarum cognitio eo maiorem in omni praxi adferet vtilitatem, quo nocentior earum esse solet ignorantia.
2. Præcipuum huius doctrinæ vsum *Stablius* ponit in eo, vt probe cognoscatur, veras & communes causas esse illas, qua-

rum supra iam mentio facta est sub *caussis* n. 1. & 2. non vero alias quasuis aliunde adductas; quoniam eadem quotidie in subiectis occurrunt; quæ spissitudine adfecta obseruantur. *Conf. Stablii diss. de proportionione humorum ad motus §. XIV.*

3. Aliæ e contrario causæ, quas *occasionalium* nomine recensuimus, minoris sunt efficacix per se, & solæ tantummodo agentes: at vbi efficaciores iam adfligunt, maius omnino pondus addere valent. Videmus enim plures animi mœrore adfectos, terroribus expositos, diætâ vili vtentes, refrigerationibus corpora sæpius exponentes, nimium sudantes, sed citra insequens spissitudinis vitium, quia omnes hos errores alio emendant modo, atque metuendam noxam motibus plerumque validis tuto auertunt.
4. Quia præterea causam *primariam* esse diximus plethoram; clarum satis est, spissitudinem certo præcaueri posse, si ipsius plethoræ inhibeatur prouentus, omnesque præcidantur occasiones, quæ ad illius nutrimentum & augmentum aliquid conferunt.
5. Porro his edocemur, corporis motum longe quidem efficacissimum esse spissitudinis remedium, circumspecte tamen adplicandum. Qua de re *vid. Conspect. med. theoretico-pract. tab. III. obs.*
6. Denique his causis rite pensatis agnoscimus, spissitudinem nequaquam subnasci e vulgari & erronee supposita acrimonia. Acrisia enim plerumque penetrant & resoluunt; vbi autem aliquando acrimonia cum spissitudine concursat, ibi potius illius effectus est etiam causa.

VII. OBSERVATIONES.

1. Quibus *Tackeanianum* placitum, vtut ferme exoletum, hodiernum adhuc placet, secundum quod omnes morbi ex acido quodam specifico & salinis potentiis, ad morbos excitandos aptis, deriuantur; illi & spissitudinem sanguinis inde pululare opinantur, iudicantes, abundantiorē acrimoniæ prouentum in corpore humano alium effectum edere haud posse, quam inspissantem & coagulantem.

2. Verum enim vero, vti primum fundamentum, cui *Tackenius*, eiusque hyperaspistes *Sylvius*, theoriam falsam secure superstruxerunt, friuolum maximeque lubricum est: ita vtriusque dogmata tot laborant difficultatibus, vt solis inuentoribus relinquenda esse, pridem eruditi statuerint; quia nec commode conciliare nedum demonstrare eadem valuerunt; cum salium contrarius effectus quibuslibet ob oculos versetur.
3. Fundamentum autem illius hypotheseos locus quidam *Hippocratis* præbuit, qui, si quisquam alius, profecto valde obscurus est. Dicit enim inesse homini amarum & falsum & dulce & acidum & acerbum & insipidum atque mille alia, quæ pro copia & viribus varias habeant facultates. Et hæc quidem mixtione & mutua inter se contemperatione neque cerni posse, neque molestia quemquam adficere. At vbi horum quidpiam secretum fuerit, & per se exstiterit, tunc & conspicuum fieri & hominem molestia adficere. *Vid. lib. de medic. prisc. Sect. I. f. m. 14.*
4. Si iam secretionem intra corpus factam intelligit; falsum est, quod secretum, v. g. dulcis chylus, amara bilis, falsa vrina &c. post sui secretionem conspicua fiant, quia per notabilem moram adhuc in corpore retineri possunt, licet pridem secreta. Immo potius *non secreta* per effectus fieri possunt conspicua; quod œdemata & icterus clare euincunt. Si autem per verbum *αποκριση*, quo in textu vititur *Cous*, materiarum sapidarum excretionem & extra corpus eliminationem putat, iterum sibi contradicit. Nam excretum & e corpore reiectum, nullo modo illud lædere & molestia adficere potest; quemadmodum hostis absens nocere non solet. Atque ex his, pericopes huius perplexæ obscuritas satis superque cognosci potest, quæ proinde indigna est, vt ad nouam pathologiam acidam & falsam procudendam adlegatur & fundamenti loco substernatur. Ceterum verum est, quod peccantes qualitates in *mixtione* tantum non noceant, quantum quidem in *dissolutione* seu *secretione*, generatim sumta.

5. Non autem prolixius vrgebimus difficultates, quæ hoc *Tackenio-Sylvianum* placitum porro premunt, quia manifesto laborat generalitate *subiecti, temporis, loci, præiudicio experientie* & quæ sunt huius generis plura, de quibus *vid. Stahlus de pathologia falsa*.
6. Quod vero spissitudo plerumque mater quasi sit acrimoniæ, vti reliquarum impuritatum, probari luculenter potest
- 1) *generatim* per deductionem sub *caussis* suppeditatam. Nam motus progressui segnities, quæ ab abundantia & humorum spissitudine dependet, magnum impedimentum adfert vniuerso secretionum negotio; quo demum languente etiam excretionum successus valde retardatur. Hinc serum falsum & acre, sulphureis particulis foetum, halituosum, orgasticum, magnam partem retinetur, & variarum corruptionum in humoribus causa existit.
 - 2) *speciatim* per scorbutum; in quo spissitudo præcedit, & hanc grumofam sanguinis coagulationem sequitur, semiputrida corruptio. Hanc dum natura corrigere adnititur, motus excitat vehementiores; & sub his motibus tensoriis, pressoriis, arthritico-spasticis, contra hoc malum institutis, motus intestinalis augeri & materiæ eiusmodi sulphureo-salinæ acres largiter generari solent, vti in *physiologia* demonstraui.
7. Quot ceterum incommoda immo & grauiore morbi ex humorum spissitudine prouenire soleant, id *ως εν συννοψει* cognosci quidem potest e *tab. de differentiis morborum*, vbi qualitatis morbos sigillatim enumeraui. Hic vero in tironum gratiam generatim monere sufficiet, quod a spissitudine, tamquam a causa materiali, oriuntur
- 1) suppressiones depletionum sanguinis naturales,
 - 2) multarum impuritatum coaceruationes,
 - 3) malum hypochondriaco-hystericum & polymorpha illa incommoda, ab eadem causa oriunda.

- 4) Variæ congestiones, stagnationes, stases, inflammationes, corruptiones, infarctus & læsiones viscerum chronicæ, quibus discutiendis & auferendis, variis motibus natura vitur, constrictoriis & propressoriis; vnde
- 5) tot motus tonici exacerbationes & spasmodorum genera, immo sæpe conuulsiones.
- 6) Melancholia hypochondriaca & hysterica & non raro ipsa mania.
8. Spissitudo præterea vniuersalis difficilior longe curationi auscultat, quam illa, quæ nuper circa quædam viscera suborta est; si imprimis temperamenti ratio conspirat & vitæ genus illam promouet.
9. Subito autem per repentinas corporis refrigerationes inducta, fieri solet lethalis; quemadmodum eius exemplum memoratu dignum *Nenterus attulit in pathologia p. 80.* Nec facile alium, quam funestum euentum sortitur illud spissitudinis vitium, quod philtis & venenis originem debet.
10. Neque prætereundum, quod spissitudinem vix auferre liceat, si humorum quantitas prius non imminuta fuerit. Nam ad spissitudinem feliciter resoluendam, liberior requiritur progressiuus motus; qui obtineri nequit, nisi spatio ad mouendum maiori, in vasis antea nimium repletis, concesso, & turgescencia eorum sublata: quod ipsum plus adferet commodi, quam salium volatiliū ingens quantitas deglutita. *Conf. Fr. Hoffmanni exercitatio acroamatica de acidi & visceri insufficiencia cap. V. p. 21. cap. XII. p. 66.*
11. Porro obseruandum, quod inualecente licet spissitudine, veræ tamen vasorum sanguiferorum obstructions longe rariores sint, quam quidem vulgo creditur. Quod vero tam difficile etiam in minoribus vasis contingant, id motus perpetuo resistentes efficiunt. *Conf. Stahlus in diss. de obstructione vasorum sanguiferorum §. VIII XI.* qui solide §. L. inculcat, quod illa mala, quæ alii a passiva obstructione deducant,

cant, potius sic dictæ regurgitationi, seu curate loquendo, sanguinis a maioribus vasis versus minima *restrictioni* attribuenda sint.

12. De curatione tandem velut in transitu generatim hoc notamus, quod illa plerumque opinione soleat esse impeditior. Vti enim talia subiecta in moralibus tam ad agendum, quam in agendo, trepida, timida, turbulenta esse & præpostero impetu aut tergiuersatione negotium adgredi obseruantur: ita & in vitalibus eundem morem seruat natura, & hoc quidem eo certius, quo maior esse solet labor obiectus, breuior opportunitas agendi, præsentius periculum & incertior totius conatus exitus. *Conf. Stablii theoria p. 645.*



TABVLA VII.

DE CACOCHYMIA.

I. DEFINITIO.

Cacochymia est malus humorum status, seu massæ sanguineæ & debitæ eiusdem craseos per varias impuritates deprauatio, a suppressis potissimum excretionibus originem ducens.

II. DIFFERENTIA.

1. Differunt auctores in genere ponendo. Qui *Galenum* sequuntur in lib. de plethora cap. XI. & cacochymiam prauorum humorum copiam esse putant, non plus rationis habent, quam qui contrarium adfirmant; quod nimirum adficiendi modus in cacochymia non dependeat ab ipsa abundantia, sed a vitiosa qualitate.
2. Cacochymia, stricte sumpta, eam denotat sanguinis crasim, cui particulæ heterogeneæ, sulphureo-salino-mucosæ copiosius intermixtæ sunt. In latiori autem significatu, præter dyscrasiam mixtionis, consistentiæ quoque vel iusto spissioris, vel tenuioris vitium simul comprehendit.
3. Ratione quantitatis est vel
 - 1) *uniuersalis*, quæ uniuersam sanguinis massam foedat; vel
 - 2) *particularis*, quæ certam corporis regionem aut peculiare viscus occupat. Hinc passim legitur de cacochymia cerebri, pulmonum, renum, vteri.
4. Ratione indolis
 - 1) *generalioris*:
 - (1) *Simplex* dicitur illa, quæ alii morbo sociata non est, qualis tamen rarius obseruatur.
 - (2) *Composita* seu *complicata*, quæ cum aliis morbis coniuncta occurrit; e. g. si cacochymicus simul sit hypochondriacus, aut vexetur spasmis & plethoræ vitio.

2) *specialioris:*(1) *Benigna & quidem*a) *Salsa*, qualem obseruamus in scabie.b) *aquoso-serosa*, in leucophlegmatia, anasarca, hydrope.c) *mucosa* in subiectis phlegmaticis, pueris & senibus.d) *biliosa*, in ictero.(2) *Maligna*, seu vt aliis placet, *putrida*, qualis in leprosis & venerea lue infectis manifesta est.

7. Cum in cacochymia attendatur vitium *crasseos* in sanguine, tamquam illius proprium: tum facile erit, eam a *spissitudine* distinguere, vtpote in qua *consistentie* vitium in primis manifestum est.

6. A *Cachexia*, cum qua omnino adfinitatem habet, in eo differt cacochymia, quod in hac partes magis fluidæ, in illa vero tam fluidæ quam solidæ adficiantur.

7. Præterea distinguenda est *impuritas* sanguinis cacochymici a vera eius *corruptione*, quæ per varias se prodit exulcerationes, de quibus dicetur in sequentibus.

8. Quæ ceterum alii adferunt de cacochymia *primæ, secundæ & tertiæ coctionis*, illis fusius exponendus hic merito superfedemus.

III. *SIGNA.*

1. Adpetitus læsio.

2. Somnus interruptus.

3. Habitus corporis pallidus, tumidus & subinde liuescentia conspicuus.

4. Secretionum & excretionum impeditus successus, in primis autem, sudoris & aluinæ eiectionis.

5. Vrina pallida, & non raro turbida.

6. Lassitudo in toto corpore quasi vlcerosa, vt Iouertus tradit in *Isagoge methodi therapeutices* f. 410.7. Præter alia incommoda, expulsionones, obseruante *Stablio*, vlcerosæ, subtiles, acres & serpiginosæ.

8. Animi languor & virium imminutio.

IV. *SVB-*

IV. SVBIECTA.

1. Homines potissimum desides & otiosi.
2. Spissitudine iam adfecti.
3. Diæta crassa & vili vtentes.
4. Variarum excretionum suppressiones passi.
5. Cum personis scabie aut lue venerea infectis multum commercii habentes.

V. CAVSSAE.

1. Causæ materiales antecedentes & proximæ e subiectorum recensione tam clare patent, vt ferme superfluum videatur, plura de eodem argumento hic commentari.
2. Interim hoc notasse iurabit, quod fictiones illæ de tot salium prouentu in corpore humano, nihil minus, quam veras cacochymix causas constituent; cum illa *Hippocratis* verba, quibus pathologia falsa innititur, reuera in non satis clare intellectis reputanda sint, quidquid etiam viri docti commententur. *Vid.* quæ in *tab. de spissitudine* de hac infelici phantasia, vt *Stablius* eam vocat, iam monuimus.
3. Et ne quid huius ænigmatis salini in animis discentium reliquum maneat, omnibus considerandum proponimus pauperiores de plebe, qui tali victu vtuntur, qui salium *Tackeniæ* *generum* genesi, si quidquam aliud, admodum fauet: sed tantum abest, vt illi in magno gradu cacochymici sint, vt potius constantiori valetudine vtantur, quam hi ipsi, qui salina quam maxime auersantur.
4. Quod si autem de verioribus disquirendum sit causis; hoc probe notandum tironibus est: plethoram etiam in hoc malo, vt in pluribus *qualitatis morbis*, solidum & primum fundamentum ponere. Facilis enim est abundantium humorum degeneratio in spissitudinem & ex hac in veram cacochymiam prolapsus.
5. Cum præterea vitæ otiosæ & plethoræ confectaria in superioribus tabulis perspicue iam tradita sint; eadem, licet huc quoque pertinentia, non repetemus: id solum addituri, quod proportionis tam humorum ad motus, quam motuum

ad humores læſio *proximam* cacochymiaſ cauſſam conſtituat. Hac enim obtinente, nulla ſecreto debite perpetratur, & excretiones quoque languent. Vnde fit, vt impuritates quæuis retineantur, & vniuerſam craſin conſpurcent atque lædant.

6. Suboluit hoc pridem quibusdam Medicorum, qui aperte conſeſſi ſunt, cauſſam efficientem genericam omnium cacochymiarum eſſe, quod ſecernenda naturalia debito tempore, modo & quantitate non ſecernantur a maſſa ſanguinea. *Vid. Iac. Pancr. Brunonis dogmata medicinae generalia. p. 185.*

VI. VSVS.

1. Ex cacochymiaſ pertractatione, ſi in primis ſubiecta probe conſiderentur, id præcipue vtilitatis in Medicum redundat, vt certiſſimus eſſe poſſit, cacochymiam re ipſa non eſſe productum fictæ ſalſedinis, ſed prægreſſarum anomaliarum in vitalibus noxium conſectarium.
2. Quo generatim cognito hoc malum per cauſſarum verarum ſublotionem curabit, maximeque rationem habebit conſuetarum alias hæmorrhagiarum, earumque imminutionis aut ſuppreſſionis. Nec inſuper habebit euacuationes artificiales, antea adhibitas & poſtmodum neglectas. Penſitabit porro diligentius ætatem, vitæ genus & quidquid ad cacochymiaſ malum conferre aliquid poteſt.
3. Atque ita conuenientiſſimas formabit indicationes, quarum fructum, ſi prudenter & tempeſtiue eaſdem adplicaue-rit, in ipſa curatione videbit longe vberriſſimum.
4. Religioni contra ſibi ducet, *ſalibus volatilibus* malum oppugnare, quia grauioreſ noxas certiſſime inferunt. *Conf. F. Hoffmanni exercit. de acido & viſcido cap. V. vbi noxam volatiliſ aliquid caſibus confirmat.*
5. Poſthabita igitur ſalſa tam pathologia, quam therapia, in diiudicanda & percuranda cacochymia multo felicius ager, quam ſi vtriuſque chimæras praxi intulerit, & *Andabatarum* more cum deprauatis humoribus dimicauerit.
6. Profecto enim vani & ſcopum therapeuticum minus attingentes

gentes sunt illi conatus, qui præiudicio creditæ falsæ ædificæ acti, quidvis potius solent tentare, quam in cacochymia curatione depletionum sanguinis & salutarium secretionum ac excretionum sollicitè promouendarum rationem habere; subiectorum disfidiam in laborem vertere & vicariis euacuationibus artificialibus, naturales supplere.

VII. OBSERVATIONES.

1. Cacochymia in foro medico varia fuit fortuna. Nam *Helmontius* eiusque admiratores eo processerunt audaciæ, ut cacochymia existentiam plane negarent; sed perperam: quod enim rarius occurrit, id minime videtur negandum. Aliis contra tutissimum quasi ignorantia enatum fuit asylum. Si enim, quid ægrum male habeat, diserte definire non valeamus, neque causam mali vllatenus perspicere possumus, ad cacochymia, maxime scorbuticæ, nomen confugimus.
2. Tam dubiam & perplexam reddiderunt spissitudinis & cacochymia pathologiam! Sed vtinam latius se non diffunderent, neque ad alios morbos adplicarentur erronei hi conceptus. A quo enim in materiis morborum vnice defixi hæere cœperunt Medici, nec motus materiae oppositos prodignitate considerarunt, varia in theoriam medicam introducta sunt monstra falina, sulphurea, mercurialia, verminosa, astralia, spirituosæ.
3. Varie quidem se vertunt & obiectam ignorantiam amoliri student, interferentes litem esse theoreticam, quæ nihil in recessu habeat, si modo restituatur æger. Verum enim vero, sicut eiusmodi falsis hypothesibus falsæ quoque indicationes & indicata plerumque superstruuntur: ita natura cum duplici hoste, cum morbo scilicet & incongruo medicamine, certare debet, & non raro sub peruersis eiusmodi inuentionibus succumbere cogitur.
4. De expulsionibus vlcerosis, acribus, erysipelatodeis & furunculis spontaneis, quarum mentio sub *signis* iam facta est, hoc porro obseruandum, quod vulgo vniuersalioris cacochymia producta credantur, cum tamen non nisi *emittentium*

excretionum, & in primis sanguinearum, effectus sint, aut reliquæ; vt pridem obseruauit *Stablius in diss. de erroribus practicis cap. V. p. 30.*

5. Et hæc ipsa obseruatio non plane noua, sed perantiqua est. Obseruarunt enim veteres, quod cacochymicis speciatim interdum aliquid internorum viscerum exulceretur; potissimum tamen cutis, quia in hanc excrementa, in reliquo corporis habitu collecta, a natura expellantur. Vnde cancri, phagedænæ serpentes, erodentes, carbunculi & vlcera chironia & thelephia vocata, oriri soleant. *Vid. Galenus lib. III. de temperamentis cap. III. f. m. 22.*
6. Cacochymia præterea vniuersalis, & cum aliis morbis minus complicata, quando occurrit, facilioris ac certioris curationis spem relinquit, quam particularis & cum nobilioris visceris labe coniuncta; quæ vti frequentior est: ita curatu quoque obseruatur difficilior.
7. Plura ceterum, quæ obseruatu quidem digna essent, commemorare hic intermittimus; partim quia in *Conspectu nost. theoretico-pract. tab. IV. de cacochymia*; partim etiam in *tabulis præced. de plethora & spissitudine* iam iam communicauimus.



TABVLA VIII.
DE
HAEMORRHAGIIS NATV-
RALIBVS.

I. DEFINITIO.

Hæmorrhagia naturalis est principii agentis negotium vitale, quo sanguinem sincerum, & plerumque vere abundantem, per varia diuersarum corporis regionum loca euacuat; non quidem ob prægressam violentiam externam, sed ob internas directiones & tacitas commotiones, eo fine susceptas, vt plethora minui, motus progressiuus expeditior reddi, & plura mala præcaueri possint.

II. DIFFERENTIA.

Ex hæmorrhagiis, variis respectibus consideratis, variæ nascuntur differentiæ. Ita occurrunt

1. *Naturales*, quæ & *actiue* adpellantur; hoc nominis inde ferunt, non quod de hominis natura ac essentia sint; sed quod natura illis, tamquam adæquato remedio vtatur, molestant humorum abundantiam subtrahendi & sanitatem conseruandi. Si naturales essent priore sensu; tum omnes homines, cuiuscumque sexus & ætatis, hæmorrhagias paterentur; quod tamen aliter fieri per experientiam nouimus. Harum aliæ sunt

1) *ordinariæ*, quæ per consueta excretoria & viam quasi ordinariam fluunt, vt sunt *nares*, *uterus*.

2) *extraordinariæ*, quæ per vias prorsus insolitas prorumpunt, quemadmodum ex obseruationum scriptoribus constat, quod notatu dignæ hæmorrhagiæ spontaneæ acciderint per oculos, palatum, aures, gingiuas, brachium, umbilicum, suras, digitos pedis & vniuersam cutem, vt

in sudore sanguineo tam particulari, quam vniuersali solet obtingere.

2. *Præternaturales* seu *passivæ* hæmorrhagiæ habentur illi sanguinis fluxus, qui a causis externis, quæ violentiam inuoluunt, suscitantur. Atque ita clarum est, omnes quoque hæmorrhagias, arte productas, sub his comprehendi. *Conf. tab. nostr. chirurgic.*
3. *Respectu ætatum* ita differunt, vt sanguinem excernant
 - 1) *Iuniores* per nares.
 - 2) *Aetas media* per pulmones.
 - 3) *Prouectiores* per hæmorrhoides, ventriculum, renes & vesicam. Quo ipso differentia secundum varia excretoria simul indicata est.
4. *Respectu sexus*
 - 1) *sexui* feminino propria sunt: menstrua sanguinis per uterum excretio, lochia & aliæ uteri hæmorrhagiæ. Quamuis non desint subiecta, quæ etiam alias experiantur hæmorrhagias, narium scilicet, hæmoptysin, vomitum cruentum, mictum cruentum, hæmorrhoides & varicum manationem.
 - 2) *Masculino* interim magis familiares sunt hæmorrhagia narium, hæmoptysis, hæmorrhoides, mictus cruentus. Rarius patiuntur vomitum cruentum aut varices manantes.
5. *Ratione temporis* aliæ sunt
 - 1) *periodicæ*, vt menses & in quibusdam hæmorrhoides aut narium hæmorrhagiæ. Vt hæmoptyseos menstruæ exempla in quibusdam feminis, præcipue grauidis, sigillatim non recensamus.
 - 2) *vagæ*, vt plerumque narium hæmorrhagiæ & apud plures hæmorrhoidum fluxiones esse obseruantur.
6. *Ratione indolis*, ex nouem hæmorrhagiarum speciebus
 - 1) *Salutares* & neutiquam vt morbi considerandæ sunt *quatuor*, nempe
 - (1) *Hæmorrhagia narium*, si congrua ætate, debita quantitate & cum euphoria fluat. Si vero
 - a) ni-

- a) nimio impetu aut nimis laborioso molimine prorumpit,
 - b) iustam mensuram excedit, & virium iacturam infert,
 - c) in acutis parce & magis symptomatice quam critice fluit, aut
 - d) maturius supprimitur, tunc morbis iure meritoque accenseri solet.
- (2) *Hæmorrhoides*, sufficienter & quantum licet periodicæ fluentes: quæ tamen si
- a) nimix sint, vel
 - b) in fluxum hepaticum, vel
 - c) hæmorrhoides albas, aut
 - d) cæcas degenerent, aut
 - e) plane deficient, salutares dici nequeunt.
- (3) *Menses*, criticam periodum seruantes & debita quantitate profluentes, femininæ sexui semper conducunt, & ad sanitatis conseruationem plurimum conferunt; sed
- a) excessus præternaturalis,
 - b) eruptio dolorifica,
 - c) emanatio,
 - d) obstructio, retentio, præmatura cessatio,
 - e) decoloratio, ob vere morbosam indolem, vt morbi considerari debent.
- (4) *Lochia*, partum excipientia & legitime fluentia, puerperarum sanitati optime prospicunt. At
- a) nimia,
 - b) imminuta &
 - c) præmature suppressa ad præternaturalium pathematum classem referri omnino debent. De singulis autem vid. tab. special. in conspectu nostr. pract.
- 2) *Minus salutes*, & ob grauiora consecretaria magis noxiæ habentur quinque sequentes :
- (1) *Hæmoptysis*
 - (2) *Vomitus cruentus*
 - (3) *Mictus cruentus*

(4) *Hæmorrhagiæ uteri largiores,*

a) abortum vel præcedentes vel subsequentes,

b) post legitimam mensium cessationem erumpentes.

(5) *Varices manantes* tam virorum quam feminarum; de quibus *Conf. Stablii theoria p. 766.*

2) Hæ ergo sunt differentię *essentiales*; quæ adhuc porro *accidentales* constitui possent, sunt illæ, quæ a consuetudine individuali pendent, quas curiosius recensere superfluum ducimus.

III. SIGNA HAEMORRHAGIARVM.

A. *Generatim.*

1. *Hæmorrhagia naturalis*, ab internis causis oriunda, sine vllis exquisitis sensibilibus commotionibus nedum impetu aut tumultu, sed tacite & tranquille plerumque succedit.
2. Si tamen aliquis sensus præcedit, aut concurrit, consistit ille potissimum in quadam tensione circa loca illa, per quæ eruptio fieri obseruatur, vnde maior sensim distensio, dolorem produciens.
3. Propius ante eruptionem in constitutione corporis, ad hæmorrhagias idonea, peculiaris quædam sentitur grauitas fatigans & lassitudo, impotentiam quamdam mouendi inuoluens.
4. Habitus corporis externus, circa illa loca inprimis, in quibus stricturæ tonicæ, sanguinem ad excretionem propius dirigentes fiunt, pallidus & extenuatus adparet.
5. Sicubi autem plethora vrgens fuerit, eruptio non solum difficilius contingit, sed dolores quoque pungentes, lancinantes adfligunt in illa regione, in qua natura sanguinis depletionem intendit.
6. Excretiones quotidianæ ac ordinariæ impeditius succedunt, quamdiu natura sanguinis imminutiones molitur.
7. Quamprimum vero euacuatio sufficiens secuta est, quævis molestiæ dolorificæ cessant, & sudoris, vrinæ ac alui excretionibus cum euphoria vigent.

B. Speciatim

Hæmorrhagiæ narium. Hæc quia tacite & inopinato contingit, quemadmodum in multis solet, peculiaria signa Medicis obferuanda vix relinquit: vbi vero paulo impeditius succedit, pluribus signis manifesta fit. Vnde

1. *circa caput* obseruantur

- 1) congestiones sanguinis, speciatim versus alterutrum capitis latus.
- 2) vasorum colli & temporum inflatio.
- 3) ceruicis dolor.
- 4) facies turgida & genarum rubore conspicua.
- 5) oculorum prominentia, siccitas & rubedo.
- 6) aurium sonitus & sibilus.
- 7) dolor capitis grauatiuus.
- 8) mentis subinde vacillatio.
- 9) vertigo & adparens veluti ante oculos scintillatio.
- 10) pruritus narium, quem mox excipere solet sanguinis proruptio, sæpe etiam sine scalpatione
- 11) Insomnia varia, de quibus *vid. tab. de plethora.*

2. *In partibus remotis* ob tonum magis auctum

- 1) tensio quædam in hypochondriis & in primis dextro.
- 2) sudoris suppressio.
- 3) vrinæ imminutio & tenuitas.
- 4) adstrictio alui.
- 5) sensus inferiorum partium ad tactum frigidulus.

Hæmoptysæos

1. Congestio sanguinis ad pectus vberior.
2. Coarctatio thoracis & molestus sensus spasticus ad scapulas, humeros & hypochondria se extendens.
3. Angusta respiratio.
4. Capitis oppletio temulenta & grauatiua.
5. Primarum viarum distensio & borborygmi intercurrentes.
6. Somni debilitas vel defectus & tacita quædam anxietas seu animi deicctio.
7. Horripilationes in extremis & pectori vicinis regionibus.

8. Tacite & sæpius ex improviso, sine tussi, prorumpit sanguis, in iis præcipue, qui antea narium hæmorrhagias passi sunt.
9. Interdum tamen præcurrit & concurrit raucedo, pruriginosa titillatio & tensio stagnatoria tam exquisiti sensus, ac si nucleus tracheæ impactus esset. Et de his curiose observatum est, quod sanguis, quem in hæmoptysi excernunt, ex superiore parte & ipsi laryngi propiore expressus sit.
10. In quibus autem sanguis profundius intra bronchia penetrat, in illis similis sensus pressorius, & in profundiore parte renisus, diutius non solum præcedit, sed dolore etiam subiecta adficit.
11. Tussis vero, si quidem in quibusdam præcedit, clangosa observatur, sine asperitate aut impetu, & hæc sub ipsa sanguinis excussione plane cessat. Quæ vero concurrit & excretionem comitatur, illa non ab aliqua efficacia excussoria oriri solet, sed a sanguinis erumpentis in profundum pulmonis admissione, quæ sub proximis respirationibus contingit, deriuanda est. Vnde impetu vicissim excuti debet, ne corruptionem subiens pulmonum fabricam lædat.
12. Ad ipsum tandem sanguinem quod attinet reiectum, ille floridus & intensius rubentis coloris est, præterea spumofus & notabili copia plerumque conspicuus. Nam ab una alteraue vncia ad libram interdum & quod excedit, fieri solet augmentum.

Vomitus cruenti

1. Angustiae circa præcordia, subiectis alias familiares, imminente propius vomitu manifestius & sensibilius observantur; promptissime autem se exserunt, si per validiores motus, potus spirituosos aut animi pathemata exacerbantur.
2. Insultus spastici, hypochondrium sinistrum coarctantes, & per intervalla præviæ adfligentes.
3. In quibusdam manifestat se vertiginosa capitis adflictio, lipthymia & deliriis concurrentibus.
4. Sequitur porro nausea simplicior, quam

5. Conatus vomendi excipit, ordinario longe vehementior.
6. Non numquam reiciuntur cibi prius; ut plurimum tamen sanguis congrumatus in largiori copia, plus minus nigricans, euomitur.
7. Quo propius instat paroxysmus, eo sensibilius adfligunt spastico-cardialgica pathemata.
8. Alui præter ea non tam siccitas, quam vera occurrit constrictio, & quidem non tantum inferiorum intestinorum, sed superiorum quoque. Vnde ab adsumtis tali tempore cibariis graues pressiones & angores oriuntur.
9. Sanguis autem non eo ipso momento, quo in ventriculum exprimitur, simul per proximam œsophagi & oris viam reiiicitur, sed intercedentis quietis tempore in ventriculo colligi sentitur, per conatus de nouo succedentes demum elidendus.
10. Qui hoc modo excernitur sanguis, plus rubet, si post moram in ventriculo non adeo longam excussus fuerit: magis vero nigricat, & tenacem spissitudinem induit, si diutius ibi hæserit, ob aciditates, maxime sanguinem coagulantes, & piceum quasi colorem grumis inducentes.

Hæmorrhoidalis fluxus,

1. *Imminentis*

- 1) Sentiantur ordinarie congestorii motus spastici vel mitiores, vel vehementiores circa hepar, ventriculum, lienem, mesenterium & ipsa intestina: immo exferunt se varii dolores circa lumbos & coxas, qui ad femora nonnumquam & pedes se extendunt.
- 2) Quidam recensitas molestias ante hæmorrhoidum pruritionem non sentiunt, sed hæmorrhoidibus iam fluentibus superuenientes experiuntur.
- 3) Interim, ubi optime succedit, etiam sine sensu sanguis profunditur; quos vero mediocris sensus adfligit, ille tenesmodos existit, velut irritationis alicuius, quæ expressionem sollicitat.

- 4) Alii tamen exquisitum sæpe sensum percipiunt tamquam intus hærentis rei durioris, & vt vulgo loquuntur, instar nuclei profundius circa intestini exitum impacti.
- 5) Quanto altius introrsum eiusmodi sensus hæret, tanto impeditius obseruatur vniuersus huius excretionis successus.

2. *Præsentis*

- 1) Celebratur isthæc excretio cum alui quidem depositione: sed sanguis non tam cum ipsis scybalis excernitur, quam vltimo loco post ipsorum reiectionem, sub ipsis postremis desidendi conatibus vacuis, sine molestia.
- 2) In quibus hicce fluxus libere procedit & frequentius reuertitur, illi sanguinem excernunt fluxilem & floridum; qui tamen magis nigricat spissiorque deprehenditur in aliis, quibus idem rarius contingere assolet.
- 3) Ex obseruatione *Forelli* illi, quibus parcius fluunt hæmorrhoides, faciem ostendunt e flauo viridescentem, & vrinas reddunt crassas, quarum sedimentum rosei coloris est, & interdum tartaream concretionem exhibet.

Mictus cruenti

1. Mictus cruentus, qui a nulla vi externa illata, neque a calculi acumine vias vrinarias lædente, aut fortioribus diureticis productus est, sed sponte sua cooritur, ille tacite, dum vrina redditur, citra sensibiles molestias aut dolores succedit, nisi quod aliquando spasticæ sensationes & grauatiuæ in lumbis & circa inguina tensiones percipi soleant.
2. Sicubi autem cum dolore successerit ista euacuatio; ibi iusta suspicio subest, vel de calculi præsentia, vel de sanguine saltem congrumato & in vreteribus hæsitante, qui cum maiori demum nisu & non euitando dolore exprimitur.
3. Aluus, vti sub aliis moliminibus hæmorrhagicis, adstricta est.
4. Sanguis in ipso mictu spontaneo vna cum vrina excretus floridus est, & in notabili quantitate prodit; subinde tamen colorem ab vrinæ falsedine mutatum ostendit.

5. Cum

5. Cum diutius sanguis in vteribus congestus hæserit: tum coagulatur & in figuram vermis teretis concrescit, inque eadem forma eliditur.
6. Vrina, subcruenta & ichorosa materia permixta, non est mictus cruenti, de quo hic agitur, signum sincerum, sed exulcerationis in vesica aut vrethra factæ indicium.
7. Quod si sanguinis per vrinarias vias excretio, citra vllam vforum læsionem aut prægressam calculorum elisionem, contigerit; tunc ex hæmorrhoidibus prouenire haud inepte concluditur. Certior autem euadit res, si subiecta de præsentente hæmorrhoidum suppressione conquerantur, & ipse mictus periodice recurrere obseruatur.

Menstrui fluxus

1. Cum pubertatis initio hic fluxus ordinarie sua sumit primordia. Quamuis negandum non sit, quod aliquæ otiosam vitam agentes & plena vinosaque diætâ enutritæ, iam duodecimo anno hunc fluxum experiantur, vt sæpe obseruauimus.
2. Si recte sibi constat, placidissime prodit & succedit, vt ferme nullum sensum coniunctum habeant, nisi simplicem & vltimum manationis.
3. Sensibiles tamen aliquam fatigationem & respirandi difficultatem sub insolitis motibus persentiscunt; quemadmodum animo esse solent fastidioso & impatiente, frigoris quoque & caloris alternationes incommode ferentes.
4. In habitu corporis externo obseruatur partium subsidentia; vasa alias sanguine turgentia, nunc disparent; oculi magis introrsum retrahuntur & genæ cum labiis pallefcunt.
5. Ipse fluxus pro ratione temperamenti, vitæ generis aliarumque circumstantiarum, in his paucioribus in aliis pluribus diebus durat, adeo vt certus dierum numerus definiri nequeat. *Conf. therap. nostr. special. tab. XIV. & physiol. tab. XXIV.*

Lochialis fluxus

1. Sanguis maximam partem grumofus prioribus puerperii diebus

bus larga satis quantitate e genitalibus prodit : circa quintum vero diem grauem spirat odorem, & sequentibus moderate manat, sensimque tenuior ac subcruenta succedit. Subsequitur tandem excretio magis serosa, coloris & odoris expers, usque dum penitus cesset.

2. Periodus dierum, quibus hic fluxus, etsi ceteroquin legitime & cum euphoria decurrat, durare solet, curate circumscribi nequit, quia pro subiectorum conditione admodum inæqualis est, cum in his cito absolui, in aliis autem diutius & ad decimumquintum usque diem continuare soleat.

Hæmorrhagiæ uteri signum manifestissimum est, quando nimirum sanguis

1. Vel in grauiditatis statu largius prorumpit, & facile fluxum abortiuum inuitat, uti in *conspect. theoretico-pract. tab. XVI & CXXXIV* ostendimus :
2. Vel quando extra illum statum & iam post quinquagesimum annum plethoricis præcipue mulieribus e genitalibus copiose effluit.

Varicum manantium signum datur euidentissimum, quando varicum ruptio & sanguinis inibi collecti profusio contingit. De pluribus signis non est, quod multum simus solliciti, cum ipsa hæc hæmorrhagiæ species signum sit hæmorrhoidum non rite succedentium : de quibus infra dicemus.

IV. SVBIECTA HAEMORRHAGIARVM

A. *Generatim*

1. Respectu *ætatis*, iuniores.
2. Respectu *indolis*, illi præcipue, qui alacres, vigiles, sensibiles & ad patheticas animi commotiones faciles immo præcipites sunt.
3. Respectu *constitutionis*, fani, in quibus adpetitus optime viget & sub pleniori victu sanguis ad abundantiam usque generatur.
4. Respectu *temperamenti*, choleric-melancholici & melancholico-

lico sanguine, quorum vasa paulo capaciora viuiddiori impulsi tam restagnationis, quam expressionis, præ reliquis apta sunt.

B. *Speciatim*

Hæmorrhagiæ narium

1. Homines plerumque intra secundum & tertium septenarium constituti.
2. Virilis sexus præ feminino.
3. Hæreditaria impressione ad id dispositi.
4. Febribus laborantes, qui critica hac euacuatione leuari solent.
5. Interdum etiam scorbutici.

Hæmoptyses.

1. Ordinarie adolescentes, vti iam *Hippocrates* obseruauit.
2. Ratione *sexus*, virilis frequentius, quam femininus.
3. Ratione *temperamenti* cholerico-sanguinei, cholerico-melancholici & melancholico-sanguinei, quorum venæ plus sanguinis, quam ipsi pori, continent.
4. Ratione *vite generis*.
 - 1) Illi, qui ex laboriosa in otiosum aut saltem sedentarium transuerunt.
 - 2) Illi, qui multum clamando & cantando pectus percellunt aut varia instrumenta musica inflando maiorem sanguinis copiam ad pulmones adliciunt.
5. Denique illi, quibus
 - 1) aut naturales aliæ hæmorrhagiæ præmature cessarunt, vel quoquo modo suppresso sunt, aut
 - 2) qui artificiales consuetas neglexerunt.

Vomitus cruenti.

1. Femine magis quam viri, & quidem ex illis
 - 1) Adultæ & intra ambitum euacuationis menstruæ versantes potius, quam puellæ iuniores.
 - 2) Plethoricæ, temperamenti sanguineo-cholerici & animi agilioris ac præcipitis,

- 3) Prægnantes interdum ex mensium retentione.
- 4) Quibus ante consuetum terminum menses cessarunt

2. Viri autem si corripuntur,

- 1) Hypochondriaci sunt.
- 2) Illi inprimis quibus hæmorrhoides emanserunt.
- 3) Qui venæsectionis alias consuetas neglexerunt.
- 4) Aliquando scorbutici.
- 5) Qui febre quartana diu laborarunt.
- 6) Quibus antiqua ulcera consolidata sunt.

Hæmorrhoidalis fluxus.

1. Ratione *sexus* viri plethorici multo frequentius hunc experiuntur fluxum, quam quidem feminæ
2. Ratione *ætatis*, virilis & senilis hoc fluxu gaudet. Quæ enim obseruationes pueros & adolescentes hæmorrhoidarios sistunt, vel aliquid insoliti referunt, vel dispositionem hæreditariam manifesto indicant.
3. Ratione *temperamenti*, sanguineo-cholericis et sanguineo-melancholicis maxime ad hæmorrhoides dispositi sunt, ita tamen vt reliqua non penitus excludantur.
4. Ratione *prægressorum motuum hæmorrhagicorum* illi, quibus sanguis e naribus fluxit, & qui congestiones ad pectus & hypochondriaca pathemata experti sunt. Si reliqua conspirant, hæmorrhoides omnino in ætate consistente & ultra fluentes habent.
5. Ratione *diætæ* illi, qui vino, aromatibus & allio abutuntur, & equitationibus grauiter se exercent.

Mictus cruenti.

1. Senes potissimum vegeti ac plethorici, rarius feminæ.
2. Quibus hæmorrhoides suppressæ sunt.
3. Diætæ plena vtentes et veneri multum indulgentes.
4. Illi, qui diureticis fortioribus tractati aut externas violentias perpeffi sunt. *Vid. causas.*

Menstrui fluxus subiecta sunt solæ feminæ quæ pubertatis terminum attigerunt, & de reliquo nec foetum in vtero gerunt,
nec

nec infantem lactant. Hic in illis, si rite & naturaliter omnia cedunt, ad septimi vsque septenarii finem periodice fluit, & cessante generandi energia, simul cessat.

Lochiorum subiecta cum puerperæ sint, pluribus rem notam explicare non opus est.

Hæmorrhagiæ uterinæ.

1. Abortientes.
2. Ad menses nimios proclives.
3. Commotionibus quibusvis patheticis expositæ & facile eis indulgentes.
4. Feminæ plethoricæ, quæ non amplius fluxum menstruum patiuntur, aut peculiari vteri læsione aliisque impuritatibus laborant.

Varicum manantium

1. Homines plethorici & ad hæmorrhoides dispositi.
2. Inprimis illi, quibus hæmorrhoides post laboriosa molimina impeditæ fluunt, aut emanent.

V. CAUSSAE.

1. Hæmorrhagarum causæ generatim ab auctoribus *passive* explicantur. & licet in speciali determinatione dissentiant: tamen in eo mire conspirant, quod omnes ferme a *materia-libus* causis illas deriuent.
2. *Causam materialem antecedentem* plethoram esse, saniores quique ultro largiuntur, e.g. *Ioubertus, Ilorstius, Wedelius, Theod. Zuingerus*, & *Frid. Hoffmannus* qui plethoram quidem admittit, sed non tam sanguineam, quam magis serosam. *Conf. med. rat. System. tom. IV. part. II. p. 5.* Quod vero ad paucos *Helmontii* & *Musitani* affectus, plethoram negantes, attinet, illi in censum non veniunt.
3. *Causam proximam* hæmorrhagarum, & *speciatim narium*, illam pariter sine controuersia concedunt venularum apertionem vel

- 1) per *αναστομωσιν* seu orificii reclusionem.
 - 2) per *διαρροσιν* seu rupturam.
 - 3) per *διαερωσιν* seu erosionem.
 - 4) per *διαπηδησιν* seu transfudationem.
4. Aliqui nullo respectu habito ad alias, quam *externas* causas, his folis hæmorrhagiam narium adtribuunt; unde tenellas & prominentes in naribus venulas facillime disfilire aiunt sub sternutatione, frictione, scalptione, muc excussione & alia quauis violentia. Sed aliis in *humorum qualitate* apertionis causam vnice quærere, placet, licet in diuerfas iterum abeant partes.
5. *Causa* igitur *efficiens* a multis constituitur
- 1) *Acrimonia sanguinis*, quæ per modum erosionis tanto facilius venulas aperire creditur, quanto manifestior tene-ritudo vasorum & perpetua humectatio emolliens in nari-bus obseruatur. Sed fictionem hanc satis refellunt ratio-nes sequentes. Nam
 - (1) Hæc acrimonia sanguinis aut *vniversalis* esset aut *parti-cularis*. Si *prius*; quæritur,
 - a) Cur non pluribus in locis, vbi æque subtilia vascu-la occurrunt, aut
 - b) Multo crebrius in vno eodemque subiecto, eiusmodi erosiones & sanguinis eruptiones contingant? quod tamen secundum hoc acrimoniæ placitum necessario euenire deberet. Si *posterius*; frequentiores videre-mus partium maxime internarum corruptiones & exulcerationes; unde nihilo minus vniuersa humo-rum massa sensim acrimonia inficeretur.
 - (2) Si acrimonia tanta præsto esset in sanguine, vt vena-rum tunicas corrodere valeret; quid causæ est, quod neruorum propaginibus, per vniuersum corpus copio-se dispersis, tam beneuole parcat, quibus tamen, teste pathologia falsa, omnis acredo maxime inimica est. In subiectis enim, hæmorrhagias narium expertis, neque acutos dolores vellicantes, neque conuulsiones, quæ fre-

frequentissimæ esse deberent, facile obseruantur, sed in plerisque euphoria & noua post hæmorrhagias obtinet alacritas.

(3) Refellit acrimoniam porro subiectorum consideratio. Ordinarie enim sunt pueri aut adollescentes vndiqueque sani, vegeti, qui nihil morborum alunt; siue spectemus actiones, siue etiam sanguinem, sponte emissum aut venæsectione eductum, sensibus exploremus, in quo utpote nihil suppositæ continetur acrimonix.

(4) Futilitatem hypotheseos aperte etiam prodit illa circumstantia, quod lue venerea infecti perquam raro hæmorrhagias narium patiantur; cum tamen in illis humorum lymphatico salualium corruptio & acrimonia per partium exsanguium & glandulosarum erosionem se satis manifestet, ad hæmorrhagias narium autem minus extimulet.

(5) Cuius tandem indolis esset illa statis periodis reuertens & vascula corrodens acrimonia? In his enim post octiduum, in istis post dies quindecim aut viginti, in aliis post mensem elapsum contingunt hæmorrhagiæ; & hac ratione intelligentia præditam concipere nobis deberemus acrimoniam.

(6) Omnem quidem mouere lapidem voluerunt viri docti passim, ut acrimonix adsertum tueri possent, sed plane in cassum; licet distinctius explicare illud adgressi sint. Ita placuit quibusdam statuere: quod *tria* in primis sint, quæ hæmorrhagias excitare soleant:

a) *Bilis*,

b) *Lympha*,

c) *Sal* vtriusque commune, modo *lixiuiosum*, modo *acidum*, modo *salsum*. Atque sic speciatim

a) A bile deriuant hæmorrhagias febricitantium, in primis si lympa bili, utpote quam pro primo fluxili habent, velificetur, ut in variolis & morbillis. Vel si lympa sanguini incoquatur penitius, ut in arden-

tibus. Eo enim freno excusso, acrior sanguis partibus illabitur, & poros promte findit. Hinc etiam *hæmorrhoides* arcessunt, in quibus bilem circa lienem, mesenterium & intestina ad separationem minus dispositam & iusto acriorem supponunt, quæ ad vasa extima vliginosa decumbit, & sub motu fortiori & diætâ vinosa, humores rarefaciente, sanguinem dimittit.

ε) *Lympha* falsa seu sale, lymphæ immerso, & sanguini eximiam fluxilitatem conciliante, deducunt hæmorrhagias scorbuticorum, fluxum hepaticum, menses & lochia nimia: bile tamen non prorsus exclusa. Ab utroque provenire adfirmant sputum cruentum.

γ) *Sali* vero cuidam peregrino, falso, muriatico adtribuent fluxiones feri, seminis, salivæ, lacrymarum.

2) *Obstructio vasorum.* Hanc plures adoptarunt, cum animaduertissent, quam friuola esset illa de acrimonia opinio. Sed quamquam multis visum sit, eam pro adæquata hæmorrhagiarum causâ venditare: tamen

(1) Laborat hoc placitum principii petitione.

(2) Penitus infringitur per multiplicem experientiam, & menstruum mulierum fluxum, quem a menstrua obstructione deriuare ipsi erubescunt obstructionis patroni.

(3) Maximæ hoc placitum difficultates premunt, e quibus eiusdem patroni se extricare non valent. Nam

a) Determinare nequeunt, vbi locorum eiusmodi obstructio occurrat.

b) Si vero certi quid statuere audent, refutari illud potest facillime. Quod nemo solidius præstitit, quam ipse *Stablius in diss. de obstructione vasorum sanguiferorum.*

(4) De *arteriis* autem vt primum dicamus, harum obstructionem eo minus adlegare conuenit.

a) Quia sanguis, vti in aliis, ita in narium hæmorrhagia rarissime ex iis profluit, sed ex venis, quod vel spontanea consolidatio conducet.

b) Si

- b) Si reuera contingeret arteriolarum obstructio, hoc eueniret, vt minutæ venulæ, quæ continuo ductu, vt *αναστομωσεων* patroni volunt, sanguinem ab arteriis accipiunt, inanirentur vacuæque restitarent, ob denegatum & per obstructionem præpeditum influxum. Sed contrarium testatur venarum insignis inflatio, quæ valde conspicua est in illis, quibus hæmorrhagiæ imminet.
- c) His accedit difficultas illa, quam perpetua sanguinis per arterias propulsio obiicit & obstructionem valide impedit.
- d) Porro sanguis ex arteria obstructa in porosas partes penetrare non posset, & sic in certis ramulis hærere deberet, quoniam ob nouum perpetuumque adpulsum a tergo, omnis retrocedendi sublata esset libertas. Inde vero creberrimæ stases & corruptiones inflammatoriæ ac sphacelosæ orirentur; quas tamen rariores esse nouimus.
- (5) De *venis* itidem clarum est, quod istæ nullo pænemodo obstrui possint. Nam
- (a) Sanguis, qui in venas intrat, prius fuit in minimis arteriis; si vero has penetrauit, in illis multo expeditius refluat vltcrius, quia e minimis in maiora vasa facillimus esse solet progressus.
- b) In orificiis speciatim esse nequit obstructio, alias sanguis per illa erumpere non posset.
- c) In maioribus autem vasorum ramis, qua ratione fieri & post celebratam hæmorrhagiam tolli iterum posset, ne mente quidem concipere nedum serio affirmare licebit.
- 3) *Transudatio* tertium figmentum est, ab illis fundamenti loco habitum, qui acrimoniæ & obstructionis vasorum futilitatem perspexerunt. Per transudationem vero e.g. hæmorrhagiam narium ita fieri statuunt, vt sanguis nimium resolutus & valde subtilis vasculorum poros penetrare verumque

rumque profluuium producere possit. Verum enim vero vanam & hanc esse adsertionem, ostendit

- (1) Sanguinis siue sponte excreti, siue per artem educti consistentia spissiuscula & gelatinosa, quam passim a Medicis ein gesundes und substantiöses Geblüt nominari audias.
- (2) Sanguinem tantopere resolutum, vt etiam per membranas venarum transfudare posset, illico fermentescens tanta exciperet dissolutio, cum qua nec vita nec sanitas villo modo consisteret.
- (3) Nemo horum Pathologorum definire valet, quid nam illud sit, quod in tanta resolutione hæmorrhagiis modum, mensuram & quasi limites ponat, vt sponte post aliquam superflui sanguinis portionem emissam iterum cessent, cum necessario tamdiu durare deberent, quamdiu præsto esset resolutio. Et si post hæmorrhagias demum coagulari sanguinem dicant, quis quæso fiendi erit modus & quomodo illum demonstrabunt?
- (4) Præterea constat ex physiologicis, materiam, nutriendo corpori humano destinatam, non esse aquosam, sed lymphaticam, paullulum spissam & gelatinosam. Si vero hæmorrhagiarum subiecta tam valde resolutum haberent sanguinem, tum neque commode nutriri, neque sani esse possent. Sed contrarium in aprico est.
- 4) *Aequilibrium* ergo in auxilium vocatum est ab aliis, postquam prudenter obseruassent, quod ficulneis reliquorum fundamentis, ex mechanica & physiologia tam facile conuellendis, nihil solidi inædificari posset. Atque hi contendunt, hæmorrhagias tum fieri, cum circulationis æquilibrium sublatum sit. Quia vero tale æquilibrium, sanguis in tam diuersis vasis contentus non exhibet, ad illud prouocare incongruum est. Nam sanguinis motus non ab eius grauitate, sed a tonico systaltica cordis constrictione & mutuo motus tonici adiumento dependet.
- 5) Omnium tandem harum fictionum pertæsi recentiores, acriter

acriter passim inuehantur in easdem, sollicita mente interim cogitantes de tali hæmorrhagiarum causa, quæ ad omnes species non modo commode applicari, sed ad veritatem etiam accedere propius posset. Et hanc esse credunt *motum ab extra ad intus conuersum*: vnde *circulationis inequalitas*; & ex hac hæmorrhagiæ oriuntur. Putant nimirum, partes externas fibrarum contractione ita reddi angustas, vt sanguis per venas refluere nequeat, sed ad alia inconuenientia loca transferatur; ac tum quidem lateralia arteriolarum vasa, quæ ordinarie non sanguinem stricte talem, sed tantum tenuem lymphaticum humorem vehunt, necessario distendi & tandem aperiri debere. Cum vero periodica & menstruatim recurrens circulationis inequalitas rationibus solidis demonstrari nequeat, nihil ponderis eidem inesse per se iam liquet.

6. Sed aliena relinquentes dicimus, quod

1) *Causa materialis* hæmorrhagiarum

(1) *remotior* sit ætas, cuiuslibet speciei illarum seorsum apta.

(2) *propinquior* plethora, non quidem simpliciter talis, sed per varios modos commota; alias omnes plethorici hæmorrhagias paterentur, quod tamen non contingit.

2) *Causa formalis* est sanguinis abundantis ad loca hæmorrhagica maior per motum tonicum restrictio: vnde vasorum inflatio, distensio & perruptio.

3) *Causa efficiens* est ipsa natura, quæ omnes motus in corpore suscitatur, moderator & continuatur.

4) *Causa finalis* est plerumque superflui sanguinis imminutio, vt sanitas illibata conseruari & varii morbi-auerti possint.

5) Atque hæc generalis ætiologia facile nunc applicari potest ad specialem *namque hæmorrhagiam*.

7. *Hæmoptyses*

1) *Causa materialis*

(1) *remota* est ætas iuuenilis, ordinarie intra annum xviii-xxv constituta. Iuuenibus enim, obseruante Hippocrate, eueniunt sanguinis spuitiones *Aphorif. 29. sect. 3.*

- (2) *propinqua* est plethora. Qui enim hæmoptysin patiuntur, neque tamen plethoram, neque ætatem conspirantes habent, illi per externam violentiam in hoc malum coniecti sunt, & passivæ sanguinem e pulmone excernunt.
- (3) *proxima* est ruptio vasculi sanguiferi vel unius vel plurimum.
- 2) *Causa formalis* est sanguinis vberior in pectus, pulmonem & asperam arteriam directio, congestio, restrictio & in iisdem locis retentio; unde vasorum nimia distensio & inflatio, quæ accedente motu siue voluntario siue tusiente subtilia vascula ad crepaturam sollicitat & sic sanguinis profluuium producit.
- 3) *Causa efficiens* est principium vitale, quod bona quidem intentione hic operatur, sed quia in *vis* errat, tum per hæmorrhagiam hanc ominosis euentibus ansam porrigit. Iam liceat speciatim subiungere Medicorum placita, de quibus supra generatim exposuimus. Sic superioribus sæculis præcipue accusarunt
- (1) *Salium acrimoniam*,
- (2) *Efferuescentiam & rarefactionem*, ita quidem, ut sal duplex, acidum & alcali volatile, suo concursu, actione & reactione, reliquas particulas per motum intestinum nimis commoveat. Vnde impetuosæ efferuescentiæ, vehementes tempestates, tumentes inundationes ac vortices contingant, & sanguis, velut procellosum æquor, præscriptos fines transiliat, venarum arteriarumque fibrosam texturam in pulmonibus teneram soluat, diuellat & sic hæmoptysin prouocet.
- (3) Recente autem ævo, spretis eiusmodi fabellis, *inæquali sanguinis circulo* & quidquid eum inæqualem reddere potest, hæmoptysis adscribitur. Huc refertur
- a) *motus* partium sulphurearum aëreo-ætherearum intestinus, expandens, a quo potentia systaltica & elastica in vasis minuatur; unde stagnatio & ruptura contingat.

b) *stri-*

- b) *strictura* partium internarum & externarum spastica.
- c) *Obstructio* vel infarctus visceris alicuius; quoniam vi legum hydraulicarum, intercepto alicubi libero sanguinis per vasa transitu, impetus eius crescat, & vbi minorem resistantiam inueniat, copiose confluat, & vasa tandem perrumpat. Cum vero de mere passivis causis supra iam actum sit, illis non immorabimur.
- 4) *Causa finalis* sæpe quidem simplex superflui sanguinis depletio est: non raro autem natura aliarum euacuationum consuetarum & suppressarum defectum supplere contendit, id quod euidenter patet in illis grauidis, quæ durante grauiditate menstruas patiuntur hæmoptyses, & hæmorrhoidariis post talis fluxus suppressionem idem sæpe contingit.
- 5) *Causæ procatartice* variæ se offerunt, v. g.
- (1) immoderata animi excalescencia.
 - (2) Motus corporis vehemens, æstuosus, insuetus, vt sunt fortiores cursitationes, saltationes, colluctationes, prolixæ declamationes. Hinc olim lanistas & athletas, hodie autem pro concione dicentes sæpe hæmoptysi tentos nouimus.
 - (3) Referri huc debent ponderum cum spiritus retentione eleuationes, inebriationes, aliquando laboriosæ tusses aut vomitiones.
 - (4) Diæta vinosa, tempestas calida,
8. *Vomitus cruenti*
- 1) *Causa materialis*
- (1) *remota* est sanguineæ excretionis per reliquas venæ portæ propagines, maxime ob spissitudinem, impeditus successus. Hinc hæmorrhoidibus & mensruis vel parce fluentibus, vel plane suppressis, hic vomitus vestigia legit.
 - (2) *Causa proxima* est vasis disruptio.
 - 2) *Causa formalis* est sanguinis hypochondriaci ab aliis venæ portæ ramificationibus, tonice constrictis, ad venæ spleni-

cæ extremitates seu vasa breuia restrictio, detentio & restagnatio. Quo arctius autem alii venæ portæ rami stringuntur, eo magis reliqua moles sanguinis in splenicum ramum incumbit, quæ facta prius tenerioris vasculi perruptione & insequente sanguinis in ventriculum stillicidio per proximam viam reiecitur.

3) *Causa efficiens* secundum quidem placita vulgaria ex ante dictis nota est, quare falsæ pathologiæ fercula sæpius adponere non est animus, ne nauseam excitemus legentibus. Quæ autem vera sit huius vomitus *caussa efficiens*, ex antecedentibus causis, præcipue ex formali facile concludere licebit, quod sit aliquod principium, rationaliter & finaliter agens.

4) *Causa finalis* est molesti sanguinis, cui per alia excretoria exitus denegatur, imminutio, ne abundantia sua multis modis sanitatem vitiet.

5) *Causæ procatartice*

(1) *internæ*: tacita iracundia, terror, hæmorrhoidum & mensium repentina suppressio.

(2) *externæ*: emetica fortiora, lapsus, contusiones, compressiones abdominis violentæ; quæ tamen minori potentia agunt, quam internæ.

9. *Hæmorrhoidalis fluxus*

1) *Causa materialis* itidem est plethora.

2) *Causa formalis* sit sanguinis ad venas hæmorrhoidales tam internas, quam externas restrictio, quæ vasa turgida reddendo ansam præbet, ut sub desidendi conatibus vena perumpatur & aliquam sanguinis quantitatem dimittat.

3) *Causa efficiens* est prouida natura, quæ humoribus, sanitati molestis, semper inuigilat, & per varia excretoria illos exprimere studet.

4) *Causa finalis* est plethoræ & speciatim sanguinis venam portæ adgrauantis, imminutio & sanitatis a pluribus malis præseruatio.

5) *Causæ*

5) *Causæ occasionales.*

- (1) Adſuetudo & diſpoſitio hæreditaria.
- (2) Aliarum euacuationum naturalium per ætatis rationem aut alias cauſas fortuitas ceſſatio, aut vero artificialium neglectus.
- (3) Spirituoſorum, aromatum, aloëticorum & aliorum calidorum abuſus.
- (4) Vita ſedentaria, ſub qua, compreſſo abdomine, truncum venæ portæ, qui pone ventriculum ad hepar adſcendit, premendo coarctant, adeoque libero ſanguinis tranſitui obicem ponunt, & copioſiori reſtitutioni, ſpiſſitudini ac vaſorum diſtenſioni anſam præbent: unde alias quærere vias ſollicitatur natura. *Conf. Stahlî diſſ. de hæmorrhoidum internar. motu & ileo hæmatite Hippocr. cap. IV.*
- (5) Reliqui corporis in virili ætate maior firmitas & partium, per quas, teneriore adhuc ſtructura, promptior perruptio patere potuerat, notabilis denſitas, leniores alias & tacitas expreſſiones interuertens.
- (6) Pertinax alui obſtructio, tempeſtas calida, animi pathemata & refrigerationes quando in ſubiectis, ad hanc excretionem diſpoſitis, concurrunt, ſuam quoque congerunt ſymbolam.

10. *Mictus cruenti*1) *Cauſa materialis*

- (1) *remota* eſt abundantia ſanguinis
 - (2) *propinqua*, ſanguinis per hæmorrhoides excernendi a natura minus congrue ad renes facta translatio.
 - (3) *proxima* eſt vaſculi venoſi in renibus, interdum in veſica, diſruptio.
- 2) *Cauſa formalis* eſt ſanguinis abundantis ex iſchiadicis venis ad emulgentes vberior congeſtio & reſtrictio, qua facta, vaſa diſtenduntur, ac facile rumpuntur.
 - 3) *Cauſa efficiens* mictus cruenti ſpontanei & tacite prorump-

pentis est eadem, quam in præcedentibus iam explicatam dedimus. Tritam vero fictamque aliorum acrimoniam fermentatiam attingere abstinemus.

- 4) *Causa finalis* est bona quidam intentione, sed per insolitas prorsus vias suscepta excretio vicaria.
- 5) *Causæ procatasticæ.*
 - (1) Animi pathemata.
 - (2) Veneris abusus.
 - (3) Diæta vinosa, aromatica.
 - (4) Euacuationum naturalium defectus & artificialium neglectus.
 - (5) Equitatio vehemens & diuturna.
 - (6) Lapsus & ictus in regionem lumbarem, multa ac dura verbera.
 - (7) Calculi, renes & vterus lædentes & exulcerantes.
 - (8) Diureticorum fortiorum improvida applicatio & abusus.

II. *Menstrui fluxus*

- 1) *Causa materialis*
 - (1) *remota* est plethora, iunioribus feminis speciatim familiaris.
 - (2) *propinqua* est maior sanguinis versus vterum collecta quantitas, quæ fœtus nutriendi causâ a natura eo dirigitur.
- 2) *Causa formalis* sunt motus illi tonico-spastici, qui sanguinem a peripheria ad vterum cogunt & per continuata molimina congestoria & propressoria venarum hypogastricarum & hæmorrhoidalium propagines distendunt ac per-rumpunt, ut sanguis per genitalia tranquille effluat.
- 3) *Causa efficiens* quibusdam videtur
 - (1) *Plethora*, cui menstruam talem euacuationem intrepide adscribunt. Sed huic adserto sequentia obstant:
 - a) Minus plethoricæ, & quæ mendicando sæpe victum parare sibi coguntur, eundem fluxum æque ac diuites, plethora vere adgrauatæ, patiuntur.

b) *Aliæ*

- b) Aliæ iterum valde plethoricæ aut obstructum hunc fluxum aut suppressum adculant.
- c) Tandem laboriosæ promptius & largius hanc excretionem experiuntur, quam otiosæ; vnde hoc de plethora placitum admodum conuellitur: Secundum istud enim laboriosis, vtpote per frequentem corporis motum sanguinem quotidie consummentibus parcius, otiosis vero multo largius fluere deberent menses.
- (2) *Influxus lunæ* magis placuit aliis. Et hi per principii petitionem adstruunt, quod sicuti luna fluxum & refluxum maris concitet: ita & in muliebri corpore superflui sanguinis expulsionem producat. Sed
- a) Nemo solidis rationibus demonstrare valuit, qui fiat, vt luna mulierum corpora potius, quam virorum sub certis phasibus tam insigniter adficiat ac alteret.
- b) Si etiam per fictionem hoc muliebri corpori concederetur, neutiquam tamen explicari posset fiendi modus, quo luna in corpus influat & menstruatim alteret. Sed falsitatem prodit, quod multas feminas purgari sciamus non ad lunæ phases, sed ad menstruam viginti octo dierum mensuram. Tacemus promiscuam huius hæmorrhagiæ excretionem in pluribus obseruandam.
- c) Porro stante hac opinione, omnes eiusdem ætatis femellæ in vno eodemque climate habitantes, sub eadem phasi lunari purgari deberent, quod tamen suppositum per experientiam refutatur.
- (3) *Fermentum* speciale, vtero proprium & domesticum, finxerunt alii; quod nempe per viginti, & quod excurrit, dies otiose in vtero stertat, debito autem tempore euigilet, efferuescat & particulas, ad maturitatem & turgescientiam deductas, excretioni paret, extremitates vasorum irritando, concutiendo, oscula aperiendo & verum fluxum inducendo. Verum & hanc fermentantem chimæram refellere nullius negotii res est. Nam
- a) Demonstrari nequit, vnde fermentum hoc circa annos pubertatis oriatur.

- b) Vbi antea delituerit, aut quomodo generatum sit.
 - c) Quid causæ sit, vt in his decimo quarto, in alio is vero post vicesimum demum annum in actum deducatur, in quibusdam vero numquam plane se exlerat, sine sterilitatis incommodo.
 - d) Cur in nonnullis per mensem bis efferuescat.
 - e) Per quod medium quouis mense excitetur.
 - f) Quo se recondat finita menstrua purgatione & grauiditatis ac lactationis tempore.
 - g) Vtrum quouis mense de nouo generetur, vel semel generatum in vtero semper duret.
 - h) Vtrum in mensium suppressione morbum quoque patiatur, aut penitus aufugiat.
- (4) Sed *tardior sanguinis progressus in feminis, languidior perspiratio & sanguinis superflui coaceruatio*, ceu plethoræ fundamentum, a recentioribus præfertur omnibus iam recensitis placitis; & secundum hoc adfertur requiritur:
- a) Certa sanguinis abundantis mensura, ad efficiendam eruptionem per vteri vasa.
 - b) Certa temporis periodus ad colligendam hanc copiam; vt si collecta fuerit, quanta ad concitandum spasmodum & vteri vasa perrumpenda suffecerit quantitas, perruptio sequatur. Cum vero viginti & octo dies ad id requiri experientia doceat: tum nec citius, nec tardius illa contingere posset.
- (5) Verum enim vero, & isti sensim eo prolabantur, quo plethoræ patroni se abripi passi sunt. Et nihil durius omnique fundamento magis destitutum adferri potest, quam
- a) Materię spasmodorum concitationem & vasorum periodicam perruptionem adtribuere.
 - b) Omnibus sine discrimine æqualem superflui sanguinis copiam, intra mensem collectam, vindicare. Si enim verum est de laboriosis; de otiosis statuendum, quod

quod potius *bis*, immo *quater* hunc fluxum pati deberent, quia sub otio & lauta diæta quadruplo maiorem copiam plethoræ accumulant, quam aliæ, quæ laboribus vacant.

- (6) Rectius autem adseritur, *causam efficientem* esse idem illud principium rationale, quod ad foetum quidem nutriendum sanguinem copiosius versus vterum dirigit; si vero intentione illa exciderit, vti extra grauiditatem fieri solet, tum abundantes humores per menstruam profusionem imminuit.
- (7) Ceterum *Stahlius* vero simile iudicat, excretionem hanc menstruam aliquid *critici* fouere. *Conf. eius programma de fluxus muliebris quatenus menstrui causa.*
- 4) *Causa finalis* est sanitas, quam natura sanguinis superflui subtractione obtinere & hoc ipso multa grauiora mala auertere studet.

12. Lochiorum

1) *Causa materialis*

- (1) *remota* est plethora, durante grauiditate aucta.
- (2) *propinqua*, partus.
- (3) *proxima*, tot vasorum sub secundinarum secessione disruptio.

2) *Causa formalis* est abundantis sanguinis vberior post partum ad vterum collectio & cooperantibus moliminibus spasticis per vascula iam aperta excretio.

3) *Causa efficiens* est principium agens, quod per labores partus ad commouendum, & quod corpori noxium esse posset, vltius emouendum, excitatum est. Vnde huius fluxus initium quidem passiuis causis innititur, vltior autem illius directio actiue explicanda est; id quod variæ circumstantiæ comprobant. v. g.

- (1) Continuatio istius fluxus per plures dies, quæ aliis vulnerationibus minus tolemnis est.
- (2) Coloris & consistentiæ mutatio. Primis enim diebus sanguis grumosus, deinde tenuis & leuiter rubicundo

colore infectus succedit : tandem vero serofus latex subsequitur & fluxionis finem facit.

(3) Si passiva esset lochiorum excretio, maturius multo cessaret, quia vtero subsidente, orificia quoque vasorum hiantia & manantia per stricturas & corrugationes illico comprimerentur ipsamque lochialem hæmorrhagiam breui sisterent.

(4) Nulli plane est proportio inter quantitatem superflui excreti & læsionem subtilium vasculorum, quorum *pars quedam* solummodo in extremitatibus minus profunde læsa est; nihilo tamen minus tam notabilis excernitur sanguinis & humoris serosi copia, quod non fieret, si actiua non subesset excussio. Vt alterationes patheticas non vrgeamus, quibus hic fluxus contra morem passiuarum hæmorrhagiarum facile supprimitur.

4) *Causa finalis* est plethoræ imminutio & vteri sufficiens expurgatio.

13. *Varicum manantium* causas distincte cognoscere licet ex illis, quæ sub hæmorrhoidalis fluxus subiectis supra commentati sumus, quare noua repetitione supersedemus.

VI. OBSERVATIONES.

1. Hæmorrhagiarum negotium ad dignitatem a recentioribus Medicis non pertractatur. Vnde plura inuenias in antiquorum, quam illorum monumentis, qui sæculo XVI & XVII. de hæmorrhagiis commentati sunt. Qui neglectus effecit, vt contra veterum obseruationes, hæmorrhagiæ naturales tamquam malum consideratæ, &, exceptis catameniorum lochiorumque fluxibus studio suppressæ sint.
2. Ansam autem, hæmorrhagias tam peruerse tractandi, dederunt putatitiæ illæ causæ acres, fermentescentes, obstruentes, rarefacientes, quas dum tollere in hæmorrhagiarum curatione adlaborant, hæmorrhagias salutare vehementer perturbant, atque hinc therapix suæ finem non raro infaustum experiuntur.

3. A quo vero *Stablius* hæmorrhagiarum causam agere ac plerarumque salubritatem in œconomia vitali secundum naturæ intentionem finalem demonstrare suscepit ; aliam longe faciem indepta est isthæc doctrina. Nam
- 1) Medici, alias parum de hoc momento solliciti, earum vtilitatem magis animaduertere, fictas causas perspicere & de aliis cogitare cœperunt.
 - 2) Plures, *Stablii* vestigia prementes, eandem doctrinam non modo commentationibus illustrarunt, sed multis quoque obseruationibus practicis locupletarunt.
4. Potiora igitur & magis profutura cum tironibus communicanda duximus; eo ordine obseruato, quo in signorum subiectorum & causarum recensione iam ante vñ sumus.
5. De hæmorrhagiis generatim notandum, quod naturales per initia, antequam adsuétude insolescant, plerumque moderatæ sint: ita quidem, vt placidissime fluant, neque quantitate, quæ vnica continua fluxione emittitur, facile excedant. Quæ sine peculiari sensu cœperunt, illæ etiam sponte ac tacite iterum desinunt.
6. Notatu porro dignum est, quod insignis alteratio, nedum debilitatio, subsequi non soleat hæmorrhagias spontaneas, etiamsi multum sanguinis excernatur; modo illud repentino impetu non fiat, post hæmorrhagias autem passiuas & artificiales de debilitate querelas non raro audire licet.
7. Nec prætermittendæ sunt illæ circumstantiæ, quæ naturalibus sanguinis excretionibus familiares sunt. Nimirum
- 1) Quædam obseruata temporis mensura reuertuntur.
 - 2) Quo magis stas adsuescere solent periodis, eo moderatius succedunt.
 - 3) Statæ periodi redeundi & certam quantitatem excernendi a materialibus turbis non valde alterantur, ab animi autem pathematibus perquam prompte illas mutari experientia edocemur.
 - 4) Sed licet earum successus a quapiam indicatarum causarum

rum mutetur : manet tamen adfuetæ periodi obferuatio, quæ per varia molimina fe prodit.

8. Qui hæmorrhagias moderatas, faciles & ftatas experiuntur, illi a pluribus morbidis pathematibus immunes, immo verius alieni viuunt. Præterea fi aliis incommodis fanitati moleftis hæmorrhagiæ superueniant ftatisque periodis redire continuant; tunc & illa mitigantur placideque tolluntur.
9. Quibus ægris morbi ex fupreffis hæmorrhagiis accedunt & recedunt, illi minus periculofis minusque turbulentis aliis morborum generibus laborant & facilius pariter emergunt, ac generatim viuaciores exiftunt, quam alii, qui hæmorrhagiis minus adfueti funt.
10. Quemadmodum vero hæmorrhagiæ periodicæ, adfuetæ, & in locis congruis erumpentes, variam vtilitatem habent: ita impeditæ fuccedentes, aut per incongrua artificia male tractatæ & fuppreffæ, longe grauiora mala poft fe trahunt: natura enim, nihil mitigata, a contentiofis fuis moliminibus non facile ceffat, fed potius intentionem, quam per confuetudinem, quæ omnis directionis motuum tyrannus eft, confirmatam habet, tanto pertinacius profequitur.
11. Rationi physiologicæ confonum eft, quod fanguinis, nimium abundantis, depletiones neceffariæ fint, & occafionem fubtrahant grauiorum periculorum, refagnationum, ftafium, inflammationum, abfceffionum aut ipfius fphaceli. Cum hic facilius fit cauffæ actiua præoccupatio & euitatio, quam mali effectus otiofa expectatio & anceps expugnatio. Quos ceterum effectus directos *Stalhus* prolixè enarrat, illos vide in *theoria* p. 715.
12. Insuper obferuandum, quod fecundum naturæ agentis intentionem omnes hæmorrhagiæ falutarem finem quidem refpiciant, fed fæpe minus falutares ac valde ominofæ euadant, ob excretoria parum circumfpecte electa; quod ipfæ fanguinis excretiones per pulmones, ventriculum & vias vrinarias fufceptæ fatis comprobant. Ob aliquos tamen naturæ errores vniuerfum hæmorrhagiarum negotium damnare velle, iniquum effer iudicium.

13. Si præterea caussæ hæmorrhagiarum præsto sunt, ipsæ vero actu non succedunt; tunc euentus, ipsis hæmorrhagiis quouis respectu grauiores, sequuntur: congestiones nimirum, dolores, æstuationes, inflammationes, suppurationes, sphacellationes, spasmi, palpitationes, conuulsiones, febres diuersæ indolis & dubii sæpe exitus. Male autem succedentis hæmorrhagiæ consecutaria satis molesta recensuit *Stablius in Pathologia* p. 716. quo breuitatis causa remittimas.
14. Simplicissima igitur methodus & via maxime commoda est, sanguinem per sinceram euacuationem imminuendi, soluta vnitatem extremorum vasculorum in locis nihil periculi portendentibus. Hac enim ratione cito & sufficiens excerni poterit sanguinis copia, qui alias non nisi in serum resolutus, lentis successibus subtraheretur.
15. Vti ceterum nulla necessitas simpliciter physica hæmorrhagiæ actum producere valet: ita moralis potius vtilitas easdem directe vtilis imo necessarias reddit. Et dum natura præseruandi gratia eas suscipit, damna illa aufert, quæ ab eius intermissione corpori alias imminet.
16. De hæmorrhagia narium obseruandum commendamus, quod plethora commota tam materiam, quam occasionem ad illas suppeditet, vt non tantum vere coarctantur, sed magis vel minus statæ fiant. Interim non sub ipsis statim commotionibus ex auctiori motu intestino turgescunt, sanguis exprimitur, sed tum demum, cum impetus ille euidenter subsemit, quod in dispositis & ebrietati deditis euenire videmus, vtpote in quibus altero, post crapulam excussam, die sanguis stillare solet e naribus.
17. Et quamuis regulariter pueri & adolescentes narium hæmorrhagiis exposti sint: tamen multa harum ætatum subiecta plethorica hæmorrhagias non patiuntur, nisi vel peculiaris dispositio hæreditaria, vel aduersitudo fortesque commotiones plethoræ accefferint.
18. Attendi quoque illa meretur circumstantia, quod, vti externæ violentiæ etiam leuiori gradu nares ferientes, ad sanguinis promptum profluuium disponere possint: ita sub plethorica

thorica constitutione, datis etiam aliis internis occasionibus, eundem exitum natura adfectet. Et licet non adsequatur: sedulo tamen molitur & aliis incommodis molestam scenam instruit. Cuius generis sunt lassitudo, grauius tenfiones, vertigines, congestiones, & ex his pullulantes vasorum inflationes, oculorum rubores, ophthalmiæ, capitis dolores tensorii, puforii, æstuosi, cum oculorum dolore plane singulari, qui bulbi ocularis intima adficit & ægros liberioris lucis impatientes reddit.

19. Hæmorrhagiæ narium si ætatibus, iuuenili, virili & sequentibus eueniunt, tunc id fieri solet, vel

1) ob diurnam vnius loci adfuetudinem, vel

2) per palindromen. Cum nimirum subiecta primis ætatibus narium hæmorrhagiæ adfuenta, alias posthac sanguinis excretiones experta sint, quæ si minus ex voto succedant, tum talis contingit recursus ad antiquum & ordine primum emunctorium, quemadmodum sub mensum & hæmorrhoidum ataxiis sæpius obseruare licet. *Conf. Stahlus de consulta hæmorrhagarum utilitate.*

20. Hæmorrhagiæ narium criticæ, quando ambitu temporis ad horas vsque exquisito largiter profluunt, tunc vniuersalis euphoria sequi solet, cum totius febrilis impetus sedatione. Quando autem debito quidem tempore, sed insufficiente quantitate succedit, salutarem febris mitigationem non præstat. Et quanto magis ab hac liberali & larga fluxione defleat, eo peius cedit totum negotium, circa vltiorem motuum successum proportionate instruendum.

21. Tandem notandum, quod secundum vulgarem opinionem, hæmorrhagia narium pro re præternaturali habeatur, qua omnino tamquam magis noxia quam vtili carere possimus. Sed hi non sollicitè distinguunt commoda hæmorrhagiæ bene succedentis a molestiis, quæ impeditum eius exitum subsequi solent, alias & menses & lochia damnare debemus. *Conf. Io. Fr. Depre diss. de Hæmorrhagiis naturalibus iuxta intentionem naturæ prudentia med. dirigendis Erford. 1725.*

22. De Hæmoptysi constat, eam rarius multo contingere, quam
narium

narium hæmorrhagiam, eamque sæpius a causis internis, quam violentis externis ita fieri, veluti ex subiectorum & causarum recensione perspicere licet.

23. Raro autem euenire hanc hæmorrhagiæ speciem merito adfirmamus, quia e numerosissima hominum multitudine *paucioribus*, & his ipsis per totam vitam paucis breuibisque insultibus: vtut pulmonis habitus & texturæ teneritudo præ reliquis ad hanc excretionem disponere videatur.

24. De *tussi*, quam passim causis hæmoptyses adnumerant, experientia teste nouimus, quod plurimi, qui vehementer illa laborant, hæmoptysin nequaquam incurrant, etsi circumstantes eandem sæpe ominari velint.

25. Nisus autem corporis fortiores, tollendorum onerum causa suscepti, sanguinis expressionem per pulmones subinde prouocant: et hoc non tam per spiritus diuturniorem retentionem, quam per repentinam eius elisionem. Sanguis enim in arteriam pulmonalem adactus & relaxata huiusmodi contentione in vasa subito irrumpens, vero similis talem perruptionem producere valet.

26. Hæmoptysis præterea, licet respectu generali, tamquam simplex sanguinis exoneratio considerata, & plethoricæ constitutioni subueniens, ceu utilis pronunciari possit: tamen ratione fabricæ pulmonis, qui ob continuum respirationis actum, imprimendarum stasium valde capax, & corruptioni tenerrimæque texturæ colliquationi obnoxius est, non modo inutilis, sed vere erronea, morbida & periculosa haberi debet.

27. Bene quidem succedere dicitur hæmoptysis, si

1) sanguis facile,

2) citra nimis prodigam eius iacturam, egestus fuerit, &

3) tranquille iterum cesset, neque notabilem ac diuturnam tussim post se relinquat, neque

4) de nouo reuertatur. Atque ex his elucescit, quænam hæmoptysis male succedens audiat.

28. Sed licet secundum positas condiciones cesserit hæmoptysis:
tamen

tamen ne sic quidem periculo caret successuræ sanguinis extravasati detentionis, qui vna cum parte, eum continente, vlcerosæ corruptioni & phthisi proxime subiacet.

29. Ceterum diffidendum non est, quod defectum hæmoptypoicos quædam sequi soleant mala.

1) Quando enim non omnis extravasatus sanguis funditus e pulmonibus euacuatur, tum intra subtiles vesiculas obhærescens corruptionem inuitat.

2) Molimina hæmoptypica, ad sinceram eruptionem non pertingentia, facile producant asthmata spuria, peripneumonias, anginas & interdum phthises.

30. Horum itaque respectu, excretio expeditissime actu succedens minoris omnino periculi censetur, quam grauia illa confectaria, quæ pertinacia molimina hæmoptypica sequi solent.

31. Longe tamen optimum & sanitati conducentissimum est, si aliis quibuslibet sanguinis ventilationibus, siue naturalibus, siue artificialibus, hæc tam ominosa hæmorrhagiæ species mature possit præoccupari.

32. De Vomitu cruento pridem obseruatum est, quod hæc sanguinis excretio ipsa hæmoptypici rarior sit.

33. Semel autem atque iterum succedens perquam facile recurrere solet, in illis præcipue, in quibus negotium menstruæ exonerationis adhuc viget. Et hisce adnumeramus etiam illas, quæ statum mensium fluxum non experiuntur, causam vero tam necessariæ excretionis in corpore suo fouent.

34. Vomitus iste in subiectis feminini sexus promptius euadere solet *periodicus*, quam in viris, & in his plerumque maius periculum portendit, quam in illis. In quocumque vero sexu ita semel inolescitur, vt frequente & copiosa eruptione excedat, in illo, sub adstringentium maxime abusu, facile cachexiam, hydropem, hæcticam, colicas conuulsivas aliæque spastico conuulsiva pathemata post se trahit.

35. Aliquid tamen difficultatis habere videtur ista sanguinis per ventriculum excretio, siquidem cursus eius, a partibus per
venas

venas refluus, eidem minus fauere animaduertitur. Verum si consideremus valvularum in vena portæ absentiam, & copiosiores restagnationem, quam strictura tonica, ipsi basi splenico hæmorrhoidalis rami impendens, sustinet, ex ipso facto rem vtique fieri posse perspicimus.

36. Quod ceterum de hæmoptysi monuimus *obs. 26.* id etiam de vomitu cruento maxime valebit.

37. De *Hæmorrhoidibus* adnotasse iuuabit, quod tam vniuersum hoc excretionis negotium, quam ipsæ speciatim venæ, sanguinem fundentes, dici soleant *hæmorrhoides*, & quidem

1) *internæ*, quæ venæ portæ eiusque rami dextri, interdum & sinistri, propagines sunt, ac profundius intra corpus, intestini recti longitudinem ambiunt & perreptant.

2) *externæ*, quæ intestini oram & limbum, quatenus cuti connexus est, percurfant, & venæ cauæ, seu curatius determinando, venæ iliacæ & huius rami *interni*, qui & hy-pogastricus dicitur, soboles existunt.

38. Veteribus solæ hæmorrhoides internæ fuerunt cognitæ; per experientiam tamen & illud innotuit, quod exitus fluxus hæmorrhoidalis subinde magis extrinsecus & velut per superficiem intestini recti seu eiusdem orificii factus sit. *Vid. Stahlii diss. de motu sanguinis hæmorrhoidali & hæmorrhoidibus externis.* Recentiore ævo vtrarumque existentiam demonstrarunt *Vesalius, Laurentius, Bartholinus, Verheyen* & alii.

39. *Tempus*, quo exoriri solent hæmorrhoides, ordinarie iuuentutis est periodus; exitum vero fortitæ exquisitos sæpe seruant circuitus, ea tamen differentia, vt

1) *internæ* maturius prorumpant,

2) *externæ* autem serius, vtpote quæ virilis, interdum vero senilis ætatis confinia expectant & periodos rariores, sed satis statas formant; ita quidem, vt

(1) *internæ* in viris præcipue menstruatim ferme profluant,

(2) *externæ* autem tempore verno & autumnali potissimum erumpant.

40. *Mensura* pro differentia subiectorum & hæmorrhoidum fluentium variat. Sic
- 1) *internæ* & *statae* in primis largius fluunt, & facile ad prodigam euacuationem perueniunt. Sponte autem non facile fluunt, sed pressionem seu nisum, sub sæcum excretionem adhiberi solitum, plerumque præstolantur. Conf. *Stablius de hæmorrhoidum internarum motu & ileo hæmatite Hippocratis.*
 - 2) *externæ*, uti rariores periodos habent: ita ob minora vasa parcius etiam sanguinem reddunt.
41. *Ratio* autem, cur per indicata loca speciatim hæc fieri soleat euacuatio, absolute sufficiens dari nequit, nisi quis illam respicere vellet occasionem, quam adparatus genitalis ei præbere videtur. Quam sententiam confirmant
- 1) *subiecta, malo venereo infecta*, in quibus venereorum inquinamentorum cum locis hæmorrhoidalibus conspiratio satis manifesta observatur, siquidem peculiare circa orificium intestini recti ulcerationes experiri coguntur.
 - 2) *Veneris luxurians abusus*, quem podagam, cum hæmorrhoidali negotio firmiter connexam, promte sequi solere, etiam vulgus nouit.
 - 3) Hoc ipsum magis illustrat ortus communis vasorum membri virilis & hæmorrhoidum externarum a venis iliaceis internis.
42. Si porro ætatem consideremus, qua hæmorrhoides ordinarie erumpunt, eam annorum periodum esse obseruabimus, in qua aliæ excretiones non amplius libere succedunt; & sicubi conatibus hæmorrhoidalibus euentus minus respondeat tum ad pristina loca, quamuis remotiora, moliminum fit reuersio.
43. *Effectus* hæmorrhoidum, expedite succedentium, varii sunt. Nam
- 1) *generatim* per depletionem sanguinis abundantis & periculose commoti regurgitationes intempestiue ad alia loca præcauentur.

- 2) *speciatim* obtinetur ventilatio impediti progressus sanguinis circa venam portae, & praeoccupantur grauiora illa incommoda hypochondriaca, quae ex humorum congestionibus & susceptis moliminum motoriorum contentionibus ad perrumpendum subnascuntur.
44. *Euentus* autem minus prospere succedentis euacuationis haemorrhoidalis pendent ab eius
- 1) *excessu*, quando maturius iusto fluere incipit, & diutius continuat, adeoque mensuram excedit & vires labefactat.
 - 2) *defectu*, quando vel
 - (1) per aetatis rationem & ob manifesta molimina haemorrhoides omnino expectantur, ad exitum vero non pertingunt; vel
 - (2) post liberum sui successum & iam adfuetam periodicam euacuationem iterum supprimuntur, manente interim intentione exonerandi, & pertinaciter continuantibus moliminibus, quae naturae scopo subseruiunt. Vterque horum defectuum plurima parit incommoda, grauiora tamen posterior, quam prior. *Conf. conspect. medicinae theoretico-pract. tab. XIII. Stablii theoria p. 756.*
45. Vti ceterum annosiores in decernendo circumspiciunt, nec facile, nisi praemissa deliberatione, opera sua moliuntur, & scopi consulto propositi admodum tenaces obseruantur: ita in hoc conamine haemorrhoidario, ad eximios vsus tam efficaci, ausibus suis contumacius insistent & impeditum successum minime tolerant, nedum obliuiscuntur.
46. Interim de iuuenili pariter aetate praetermittendum non est, quod subiecta, a tentaminibus haemorrhoidariis repulsa, ad repentinos translationum impetus versus interiora promptissime delabantur, & veras viscerum inflammationes subeant. Quod adnotasse iuuabit, ut eo magis innotescat, praecipuam hanc esse causam, cur iuniores a podagra, cito retroacta, insequentibus internis inflammationibus, morti saepius succumbant, quam senes.
47. De *micu cruento actiuo* quem vtriusque sexus subiecta patiuntur, notandum est, quod pluribus viris eueniat, quam

feminis : illi enim eundem per occasionales causas sæpius prouocant.

48. De mictu autem cruento *passiuo*, qui in primis a calculo acuto, renes, vterus & vesicam lædente, prolicetur, experientia constat, quod calculosorum ne vicissim quisque adlegari possit, qui vniquam eum perpeffus sit, multo minus frequentem aut periodice redeuntem habuerit.
49. Quam eximie porro hic fluxus conspiret cum hæmorrhoidibus, vel inde patet, quod in quibusdam subiectis illarum suppressionem paulo post excipere soleat. Quæ observatio practicos docet, vt ab importunis & repentinis adstrictionibus sibi sedulo caueant, ni malum in peius conuertere velint.
50. Vti enim in pulmone hæmoptysin, per adstringentia oppressam, ulcerationes sequi scimus : ita id ipsum in renibus accidere certum est ; id quod subcruenta & turbulenta materia, quæ post moram in vrina ad fundum secedit, & mucum viscidum sanguine imbutum, seu gelatinam rubicundam refert, satis confirmat.
51. Quamuis autem mictus cruentus in non nullis hæmorrhoidum vices explere videatur : tamen vere vtilem eius effectum ostendere non licet ; ob alia pericula, & deteriores euentus, qui plerumque vestigia huius excretionis premere solent. Contumax enim hoc malum est, & nisi tempestiue mitescat, aliaque ventilatione prudenter compenseetur, ad quosuis excessus certo propendet.
52. Senes ceterum, quos mictus cruentus corripit, intra pauciores annos e vita secedere obseruantur.
53. De fluxu menstruo mulierum iam antiquitus innotuit, quod sexui huic adeo proprius sit, vt ne reliqua quidem animalia, si simiarum & paucissimas canicularum femellas excipiamus, eundem patiantur.
54. Quam primum ergo ad concipiendum idonea existit femina, hunc fluxum experitur ; nisi status morbidus eundem impediat.


55. Quam-

55. Quamdiu vero embryonem in vtero gestat, aut infantem lacte suo nutrit, huic euacuationi ordinarie obnoxia non est, neque insigne aliquod incomodum sentit, nisi subiectum sensibile fuerit. His autem circumstantiis sublatis, & reliquo sanitatis statu illaeso, singulis mensibus spontanea hæc contingit euacuatio, ita, vt e genitalibus sanguis placide & per aliquot dies continuo effluat.
56. Naturalis huius fluxus cessatio, quæ circa quinquagesimum ætatis annum ordinarie obtingit, certum indicium est, quod generationis negotium itidem cessare soleat.
57. Periodica ceterum isthæc euacuandi ratio, occasionem dedit *Stablio*, vt periodis criticis menstruæ excretionis causam adsignaret, dum videlicet eccrises materiarum non admodum vrgentium in tertii septenarii finem reservare natura soleat, quarta autem hebdomade proportionate expellat. *Vid. eius theoria p. 772. & supra causas.*
58. De *necessitate* huius excretionis non dubitant, qui perspiciunt, quod abundans in muliere sanguis, interpositis ita subtractionibus, quam commodissime imminui possit & debeat in illo statu, vbi in vsus alias destinatos conuerti nequeat.
59. Sanguinem, menstruatim excretum, deteriorem esse reliquo in corpore restitante, veteres quidem, sed sine vlllo fundamento crediderunt; & his quidem condonandum. Sed recentioribus quibusdam vix danda est huius opinionis venia; quia motus circulatorii theoria solidiorem ingenerare debuisset conceptum. Nullus enim demonstrare valet, cur sanguis excretus e venis, quæ vterum eiusque vaginam perreptant, peior esse debeat, quam alius, qui in narium hæmorrhagia effluit. Interim per moram in vtero & partium spermaticarum commixtionem inquinamenta leuora contrahere potest.
60. *Effectus* huius fluxus ad sanitatem conservandam prolixè non enarrabimus, neque pathematum illorum, quæ ex eius defectu promanant, recensionem instituemus, quia id iam egimus in *conspectu theoretico-pract. tab. XIV, XV.*

61. Hoc vero inculcandum est, quod inter vterum, hypochondria & primas vias eximius sit consensus : unde etiam adiuncta, concoctionem turbantia, mensium suppressionem inducere valent, e.g. panis calidus, frixa farinacea, varia liborum genera, & alia dulcia acrius fermentantia.
62. Ratio autem tam insignis consensus fundata est in vasorum splenico-hæmorrhoidalium distributione. Nam ventriculus a sinistro ac inferiori venæ portæ ramo, qui splenicus audit, omnia sua vasa; vterus autem aliqua & speciatim ab hæmorrhoidali accipit. Si iam ventriculus sub ipso mensium fluxu, aut eo propius imminente, per ingesta incongrua grauatus fuerit; tunc illico in viis oriuntur stricturæ tonico spasticæ, adsumtis illis dyspeptis subigendis oppositæ, quæ, quia per consensum vteri vasa simul constringunt, & catameniorum fluxum promte pariter intercipiunt.
63. Quod tandem infantes hunc fluxum interdum experiantur, pro signo morbosæ valetudinis, saltim ominosæ festinationis habendum est. Dum enim natura actiones in futura tempora differendas anticipat, intempestiue etiam, tamquam vniuersa periodo plane absoluta, iterum cessare solet. Hinc mirum non est, si ætate immatura tales puellæ e vita discedant.
64. De vetulis autem menstruatis hic agere, nihil attinet; quia non rariores obseruationes communicare, sed hæmorrhagarum naturalium rationem explicare decreuimus.
65. Ita & *lochialis fluxus* necessitatem ac vtilitatem multis inculcare non laborabimus, cum id a nobis alibi iam actum sit. *Vid. Conspect. medic. theoretico-pract. tab. XVI & XVII.* Quantum vero in recessu habeat ista puerperarum euacuatio, e grauibus illis malis cognoscere licet, quæ eius defectum pressò pede sequi solent; quorum præcipuum est, febris acuta inflammatoria, valde periculosa.
66. E *varicibus manantibus* obseruare poterunt tirones ingentem energiam moliminum hæmorrhoidalium, ad illum effluxum contententium. His enim non modo vomitus cruentus &
- tota

tota mali hypochondrici adfluctio, sed etiam varicum manatio aliaque mala circa femora, genua, tibias & pedes spastico-podagrica, suam debent originem.

67. *Effectus varicosæ manationis* interdum fuit laudabilis. Nam *Hippocrates lib. VI. sect. VI. apboris. XXI.* & *Galenus in comment. III. ad Hippocrat. de hum. f. m. 37.* diserte commemorant, melancholiam & insaniam ab hæmorrhoidibus & varicibus manantibus medelam impetrasse.
68. Penitius tamen rem considerantibus facile patebit, quod
 1) locus huic euacuationi minime quadret.
 2) ad magis erysipelaceo-ulcerosas peruersiones tendat.
 Vnde
 3) totum negotium, quomodocumque etiam cedat, nihil veri commodi promittit, sed plus contra noxæ minatur.
69. Interim etiam huius euacuationis impeditus successus alia iterum incommoda post se trahit. Vbi enim post varia contentiosa molimina verum per varices profluuium non sequitur, ibi subiecta, pro diuersitate texturæ, varias subire coguntur adfluctiones œdematosas, erysipelaceas & spasticas, doloribus ardentibus stipatas.
70. De hæmorrhagia cerebri, quæ ob copiosam sanguinis versus caput congestionem, vasorum distensionem & perruptionem interdum sequitur, ac post functionum vitalium & animalium turbationem, mortem inferre solet, egit *Fr. Hoffmannus in diss. de hæmorrhagia cerebri Hale 1730. in medic. rat. syst. tom. IV. part. II. cap. VII.* Vid. *Conspect. theoretico-pract. tab. de apoplexia.*



TABVLA IX.

DE CONGESTIONIBVS.

I. DEFINITIO.

Congestiones sunt speciales principii vitalis motus, quibus sanguis versus loca, hæmorrhagiis alias destinata, aut in remotiores ab illis regiones congeritur, copiosius ibidem colligitur & cum euacuandi intentione, concurrentibus variis molestiis, restringitur.

II. DIFFERENTIA.

1. Quantopere natura per varias tam directe vtilis quam vere periculosas hæmorrhagias sanitatem conseruare nitatur, tabula præcedente *de hæmorrhagiis naturalibus* iam exposuimus. Quia vero in multis sine suo non potitur, sed conatus hæmorrhagicus in nuda sæpe congestione & humorum ad loca hæmorrhagica, cominus vel eminus facta, restrictione consistit: tractationem istam doctrinæ de hæmorrhagiis naturalibus iusto ordine subiungendam esse res ipsa docet.
2. Cum congestiones motus esse dixerimus, omnis vero motus actus sit: sponte consequitur, tales motus conuenientius exprimi per *congestionem*, quam per *decubitus*, *regurgitationem*, *stagnationem*, *obstructionem*, aliosque terminos vulgo receptos. Congestio enim *actiuam* notionem inuoluit, & humorum ad certa loca compulsionem & restrictionem sub se complectitur: reliqui autem *passiuum* habent significatum. Nam
 - 1) *Decubitus* & *regurgitatio* præcipue, quam vno alteroue canali obstructo in operibus hydraulics contingere nouimus, ad explicandum congestionis negotium incongrue prorsus adhibentur & rem nullo modo exhauriunt.

2) *Sta-*

2) *Stagnatio*, quæ humorum copiose adpulforum impeditio-
rem regressum, non vero subsistentiam denotat, etiam
non æquipollet congestioni, quia proximum huius conse-
quens esse solet.

3) *Staseos & obstructionis* vocabula huc plane non quadrant,
quia tam progressiui motus, quam humorum qualitatis ni-
miam alterationem supponunt, quorum tamen vtrumque
in simplici congestione abest; *stasis* præterea stagnationes
potius excipit, *obstructio* autem quantis difficultatibus pre-
matur & quam rarissime locum inueniat *tab. de hæmorrha-
giis* iam docuimus:

3. Ratione *indolis* congestiones sunt

1) *complete* seu tales motus, quibus natura humores ad ea
loca dirigit, per quæ euacuatio sanguinis fieri potest & so-
let e.g. ad nares, hæmorrhoides, vterum, pulmones.

2) *Incomplete & rheumaticæ*, quæ respectu quidem finalis in-
tentionis a completis haud differunt, verum ratione loco-
rum, quæ occupant, & euentuum specialium, omnino
ab inuicem se distinguunt. Licet enim tales sint connisus,
hæmorrhagiarum adparatui qui respondeant: ad specialissi-
mum tamen eruptionis locum neutiquam sunt determina-
ti, sed *eminus* tantum contingunt, & latiore ambitu vici-
niam occupant. Hinc congesti sanguinis eruptio eo mi-
nus exspectari potest, quo longius illa ab excretoriis hæ-
morrhagicis remota est.

4. Ratione *loci* ac *ætatis* sequentem in modum differunt.

1) *In iunioribus* diriguntur congestiones ad *caput*. Hinc fru-
strato sine, oculorum auriumque manationes, achores, cru-
sta lactea, impetigo, parotides, aphthæ, cephalalgia, cla-
uus hystericus, clauus hæmorrhoidalis, de quo commen-
tatus est Heisterus in peculiari *diff.* & quadam *epistola* de
morte Silii Italici ex clauo insanabili; cephalæa, vertigo,
ophthalmia, otalgia, odontalgia, coryza, grauedo, phleg-
matorrhagia, aliaque incommoda sequuntur.

2) *In mediæ ætatis subiectis* magis infestatur *pectus*, quod te-
stari

stari solent tussēs, branchus, rauco, angina, asthmata, palpitationes cordis, pleuritis spuria, vera, peripneumonia, vomica, phthisis pulmonum & empyema.

3) *In ætate consistente* congestionibus obnoxium obseruatur *abdomen*, vnde infarctus hepatis, lienis & subinde alterutrius visceris inflammatio, malum hypochondriaco-hystericum, atrophia, nephritis & calculosa pathemata. De quibus singulis conferendæ sunt *tabule speciales in conspectu med.theoretico-pract.*

4) *In ætate proxima senili* præter abdomen etiam *artus incompletis* præcipue exponuntur congestionibus. Hinc variæ illæ afflictiones spastico-arthriticæ tam superiorum quam inferiorum artuum, de quibus *vid. tab. sequ. de spasmis & convulsionibus.*

5. Ratione euentus, congestionum

1) Aliæ per veram sanguinis euacuationem resoluuntur.

2) Aliæ magis serosam materiam excernunt. Nam licet a directis contentionibus congestoriarum sanguinis adpulsionum enascantur, spissior tamen rubicunda portio remanet, tenuiores autem serosæ tantum excutuntur. Hoc modo fiunt catarrhi cum seroso mucidarum, falso-acrium humiditatum effusione, coryza, tussis humida, diarrhœa, largior urina eruptio.

3) Aliæ, dum nulla excretionis species succedit, portiones serosas in circumiacentes partes altius diffundunt, & vel in externis partibus tumores rheumatico-acres formant, vel in partibus internis stagnationes & veras stases producant; quemadmodum *in therapia speciali tabulis de inflammatione & febribus inflammatoriis* ostensum est.

III. SIGNA

I. Congestionum completarum

Quamquam non pauca sint congestionum completarum signa, quæ cum hæmorrhagarum generalibus signis, *tabula præced. traditis*, coincidunt: tamen illa, quæ tamquam effectus

fectus congestionum se produnt, hic seorsum tradere iuuabit, ita quidem, vt videamus, quænam se offerant

1) *In partibus adfectis*, in quibus vtpote obseruatur

(1) Notabilis humorum infarctus, a quo inflationes & distensiones dependent vasorum plane exilium, quæ alias visum subterfugiunt.

(2) Congestiones acriores, quæ altius se exserunt, & calorem, qui naturali auctior est, dolorem insuper excitant acutum, æstuosum, tensuum, instantem, interdum lancinantem, fremebundum, pungentem, qui pulsui respondet.

(3) Ante recensitarum molestiarum solutio & cessatio contingit, dum hæmorrhagia a natura per congestiones intenta libere succedit; id quod etiam vulgus nouit, qui optabili prognosi a talibus hæmorrhagiis euphoriam & capitis corporisque leuitatem vna cum actionum vitalium & animalium alacritate certo sibi pollicetur.

(4) Si vero contrario euentu ad exitum hæmorrhagia non pertigerit, tunc consecutaria satis molesta succedunt, quæ in aliquibus dolores acutos & tumores; in aliis autem veras inflammationes & vlcerosas manationes post se relinquunt.

2) *In partibus remotioribus aut oppositis* obseruatur constrictio quædam spastica: vnde habitus exsanguis & pallidus adparet, ob vasorum, quæ penitus euanescere videntur, subsidentem adspectum. Hinc mirum non est, si frigus & vera subinde refrigeratio sentiat.

2. *Incompletarum seu rheumaticarum.*

1) Ea, quæ in congestionibus completis occurrere signa solent, etiam in rheumaticis se produnt, imprimis simplicioribus.

2) Congestiones autem incompletæ, quæ per accidens indolem peiorem induunt, symptomatibus stipantur solito grauioribus, Nam

- (1) fortius subiecta inuadunt.
 - (2) humorum adfluxus obseruatur impetuosior. Vnde
 - (3) maior restagnatio & partis adfectæ longe molestior inflatio, distensio & ad motum ineptitudo.
 - (4) accedit exquisitus sensus tensorius, vibratiuus.
 - (5) calor insignis, æstuans, acris, inquietus & inflammatorium dolorem æmulans.
- 3) His frequenter se iungunt motus tonici sensibiles alterationes, quæ per frigoris & ætus volatici vicissitudines admodum manifestæ fiunt, & minus exercitatis sæpe imponunt, ac si verior febris adesset typus. Verum, re curatius expensa, febris tam facile non complicatur, nisi valde exacerbatæ fuerint reliquæ.
- 4) Mitiora ceterum esse solent cuncta in congestionibus rheumaticis *externis*, adhuc sinceris: vehementiora autem in *externis phlegmonoidis*; vehementissima in iis, quæ interiores corporis partes occuparunt.

IV. SVBIECTA

I. *Congestionum completarum sunt homines*

- 1) Plethorici, qui præ reliquis expositi sunt congestionibus.
- 2) Ex horum vero numero ii inprimis, qui vitam sedentariam agunt & victu lautiori fruuntur.
- 3) Porro & illi, qui sanguinis euacuationibus largioribus & sinceris libere ac frequentius adfueti fuerunt, eas vero non amplius experiuntur.
- 4) Quibus merito accenferi debent alii, qui artificiales quoque depletiones, antea adfuetas, vt sunt venæsectiones & scarificationes, neglexerunt, aut alias ferofas minus succedentes experiuntur, vel data opera impediunt; quod fieri solet, quando fonticulos improuide coalescere sinunt, setacea non reiterant aut vesicatoria omittunt.
- 5) Subiecta tandem vegeta cuiusuis ætatis, sexus & temperamenti. Minime tamen quilibet homo ad quamcumque con-

congestionis speciem propendet, sed ordinarie ad eam solum, quæ cum eius ætate propius conuenit.

2. *Congestionum incompletarum seu rheumaticarum.*

- 1) Subiecta harum eadem esse obseruantur, quæ iam delineauimus.
- 2) Si vero ratione temperamenti specialius aliquid determinandum est, sanguinei & phlegmatico sanguinei, laxo & spongioso habitu præditi, facilius iisdem corripuntur, quam alii, quorum habitus strictior densiorque existit.
- 3) Et hisce subiectis eueniunt eiusmodi congestiones tanto promptius, quanto certius ac manifestius plethora commouetur, & ipsi motus congestorii cum negotio hæmorrhagico conspirare deprehenduntur.
- 4) Sensibiles pariter & ad animi pathemata pronos facile congestiones pati, experientia docet; maxime si aliqualis iam subsit adusuetudo.
- 5) Quando autem laboriosi congestionibus vexantur, tum alias, & plerumque externas, causas concurrentes, a sola plethora minime prouenientes, deprehendimus. *Vid. infra Causas.*

V. CAUSSAE

1. *Congestionum completarum.*

- 1) *Causa materialis* est vel sanguinis abundantia, præcipue impetuole commota, vel humorum spissitudo aut qualitatis quodcumque vitium aliud.
- 2) *Causa formalis* est humorum, tam e porosarum partium meatibus, quam e valis intercurrentibus, copiosius versus loca hæmorrhagica directorum, restrictio, per motum tonicum adactio & diuturnior ibidem retentio.
- 3) *Causa efficiens.*
 - (1) Secundum *veteres* obscure ac perplexe nimis describitur per *electiuam missionem* & quisquiliarum ad idonea excretoria projectionem, a spiritu vitali perpetranda.

- (2) Secundum recentiores autem sunt,
- a) qui *causam efficientem* venditant, vel *fermentationem*, humores turgescientem, vel etiam *coagulationem*.
 - b) alii contra malunt supponere acres humores, siue copia, siue intemperie peccantes, qui intra minima tunicarum & membranarum neruorum vasa congesti, ibidem stagnant & violentia quadam eas distendant, vellicent, adrodant, eoque ipso vberiori sanguinis adfluxui ansam porrigant.
- (3) Verum, vera efficiens causa merito habetur principium illud rationale, in corpore agens & eius conseruationi studens: cuius quidem operandi energia, & per factas congestiones superfluum exonerandi intentio, a vehementibus plethoræ commotionibus plerumque prouocatur, sed euentus rarius respondet intentioni.
- 4) *Causa finalis* est molestæ humorum abundantie imminutio & sanitatis conseruatio.
- 5) *Causæ occasionales* sunt variae, v.g.
- (1) Aer humido-frigidus, imo etiam humido-caldus aut solis æstus capiti denudato admissus.
 - (2) Largior vini & spirituosorum ingurgitatio.
 - (3) Corporis vehemens & impetuosa exagitatio.
 - (4) Conclauia prope terram exstructa & humida, vbi parietum perpetuus mador obseruatur. Talia si calefiunt, calor caput, frigus autem crura & pedes afficit; sub quibus circumstantiis toni relaxationes, strictiones & congestiones prouocari solent.
2. *Congestionum incompletarum seu rheumaticarum* causæ, quia notabili discrimine a causis completarum non differunt, earum recensionem instituere non expedit. De occasionalibus autem pauca quædam addere iuuabit. Nimirum
- 1) Quod *dyscrasia* humorum rheumatismo cooriendi occasionem præbere soleat, quemadmodum erysipelata &

apostemata, acrius sponte orta, & segnes apostases febriles satis comprobant.

- 2) *Violentia*, partibus externe inducta, eandem habet efficaciam. Illi enim, qui contusiones, dislocationes, vulnera & fracturas perpeffi, aut cum diu manantibus vlceribus, inflammationibus, ambustionibus, tardius curatis, conflictati sunt, frequentius rheumatismis tentantur; qua occasione sæpe partium languor & flacciditas remanet, cui in recipiendo humorum adfluxu tum aliquid tribuendum est. Verum memoriæ, vt ita loquamur, vitali, seu æstimationi & sensibilitati naturæ plurimum omnino adscribendum est; id quod potissimum confirmant vulnera cicatrice firmiore sanata, vbi relaxatum tonum minime accusare licet.
- 3) *Dispositio* porro *hæreditaria* & *adfectudo* ad frequentiores insultus rheumaticos non parum conferunt. Vnde si vel levis tempestatum mutatio vel animi commotio accefferit, tum rheumatismo promte adfliguntur illi, cum quibus ita comparatum est.

VI. OBSERVATIONES.

1. Congestionum doctrina ante *Stahlianum* non satis obseruata, multo minus pro dignitate explicata & adplicata fuit. Nam quoniam *Antiqui* arduum hæmorrhagiarum negotium parum sibi perspectum habuerunt, in congestionum quoque theoria non nisi hospites manere potuerunt. Porro quia proximè superiorum sæculorum Medici in veterum placitis maximam partem adqueuerunt, nec vltius in congestionum indolem, subiecta & causas penitus inquirere adlaborarunt; præterquam quod per obstructionis figmenta illas, tamquam passivè contingentes, explicare voluerint: tum iniquo plane fato accidit, vt plures nostri æui doctores opinionibus antecessorum suorum præberent adsensum.
2. His strictim prælibatis, obseruamus, quod *loca*, congestionibus obnoxia, seu terminus *a quo*, *in quo*, *per quem* & *ad quem*, sint omnes corporis porosæ partes, tam externæ, quam

quam internæ, in regionibus cum late patentibus, tum in particularibus & minimi ambitus membris; id quod eruptiones, quæ ex vna tantum nare vel ex oculo vno contingunt, vtique confirmant.

3. *Materia congestionum sæpe esse solet serosa & mucida, quæ vulgo catarrhalis dicitur, & corruptelæ acri, seroso-salsæ propinquior est, licet originem ab ipso sanguine trahat & aliena larua se manifestet. Vnde & vulgus loqui nouit von gesaltzenen Flüssén.*
4. Dum enim massæ sanguinæ, ad talia loca adpulsæ, ob spissorem consistentiam, liber altiorque aditus non conceditur; tum tenuiores tantummodo eius portiones penetrant & partibus adfectis intimius insinuantur.
5. Atque ex his cognosci potest, qua ratione e contentionibus illis, quæ simplicem excretionem sanguinis respiciunt, aliæ, & quantum ad materiæ schema attinet, dispares consecutiones oriri possint, tam excretionum seroso-mucidarum, quam restagnationum, veluti in asthmate humido & tumoribus œdematosis, scirrhis ac glandulosis contingere assolet.
6. Vnde pro incongrua plane habenda est illa *medicatio*, quæ in sola materiæ serosæ, e reliqua massa secedentis, subtractione aut ad alia emunctoria deriuatione occupata est, veram autem materialem causam præteruidet, neque respectus naturæ finales eiusque intentionem efficiendi attendit, quæ vtpote superflui sanguinis exonerationem respicit, ideoque humores ad loca, huic scopo qualitercumque idonea, compellit. Hoc naturæ propositum manifesto arguunt insultus congestorii statim & periodici immo & vagi, qui hæmorrhagarum mores, ob mutuam dependentiam, maxime imitantur. *Conf. Stablii diss. de rheumatismo §. LXXII.*
7. *Effectus congestionum incompletarum quod concernit, numquam fere ii sunt vtilés, multo minus eorum euentus. De quibus conferenda Stablii theoria p. 822. 824. § 1240. sequent.*
8. Ratio autem, cur minus vtilés sequantur effectus, hæc est: quia finali naturæ destinationi raro admodum respondent,

vt nimirum sincera sanguinis contingat eruptio. Nam ipse sensibilis congestionum adparatus, qui vel iusto maiorem impetum arguit, vel diffusius se extendit, successum intentionis impeditiorem non tantum præfagit, sed vere etiam talem reddit. Et hoc imprimis valet de effectibus *indirectis*. Quos enim *directos* adpellamus, eorum enumerationem vide sub *signis*.

9. *Euentus* porro congestionum cum generatim insolitæ humorum stagnationes esse soleant circa illas partes, ad quas congestio directa, immo diffusa est: tum mirum non est, si ex tali stagnatione, pro materiæ quantitate, impulsus impetu, humoris mobilitate aut dyscrasia, varia incommoda orientur, quæ vel leuiora, vel magis fontica existunt; prout meatuum dispositio, sensationis vehementia, prouocatio retrogradarum stricturarum, aut plenaria in parte occupata detentio atque stasis concurrent.
10. Quamquam congestiones omnibus accidere possint: tamen de illis, quemadmodum de aliis quibusuis morbidis pathematibus, constat, quod non promiscue singulis hominibus eueniant; immo si numerus conferatur eorum, qui illas patiuntur, cum multitudine aliorum, qui ab iisdem immunes viuunt, ille sane exiguus deprehendetur. Præterea illi, qui congestionibus omnino exercentur, notabili sæpe temporis interuallo liberi agunt, nec, vbi tentati fuerint, diu admodum ab illis detinentur.
11. Cum igitur e moliminibus, adeo incompletis & finem hæmorrhagicum eminus tantum respicientibus, variæ subnascantur aberrationes: quæri non inepte posset, cur natura tam incompletos & ad exsequendam intentionem neutiquam sufficientes actus suscipiat? Ad quam quæstionem, tamquam de re non adeo plana, vt respondeamus, dicimus: vero videri simillimum: hos motus eminus tantum ita adornari, vel ob spem abiectam liberalioris hæmorrhagiæ successus, tamquam obtinendi finis, vel ob alias difficultates, *obs. 9.* enarratas.
12. Hæmorrhagia *actiua* contingere non potest, nisi congestio quædam prægressa fuerit; creberrimæ autem congestiones,

præcipue incompletæ, fiunt, quas neque sincere sanguinea; neque serosa euacuatio subsequitur. *Conf. Stablii dissert. de motibus humorum spasmodicis, a motu pulsus ordinarii diuersis. Hale 1697.*

13. Tabula quidem præcedente ætiologiam hæmorrhagiarum non tantum generalem exposuimus, sed etiam ad quasuis earum species specialem adplicationem fecimus: cur autem eandem normam neque hac neque sequentibus tabulis obseruauerimus, sequentes rationes prohibuerunt.

1) Pauciores sunt species hæmorrhagiarum, perplures autem congestionum. Quare in illis quidem speciales causas subiungere facile fuit, in his autem non nisi multa prolixitate ætiologiam specialem tradere potuissimus.

2) Quæ prolixitas vti pathologiæ generalis scopo aduersatur: sic delineationes generales eidem satisfacere, & ad speciales congestionum morbos facile adplicari possunt.

3) Quod si vero difficultas quædam vllibi obfistere videatur: *conspæctus noster theoretico-præcticus*, vbi singulorum morborum causas exposuimus, difficultatem illam remouere poterit.

14. Interim vnius morbi, ad sinistrum congestionis euentum pertinentis, mentionem faciemus, nempe *rhachitidis*, cuius causæ neque in conspectu nostro practico, neque in aliis, quantum scimus, auctoribus complete traduntur.

15. Equidem *Mayow* curiosum de rhachitide tractatum conscripsit, atque in eo *Glissonii* ætiologiam pro ingenioso commento declarauit. Num vero in causâ huius morbi explicanda felicior fuerit, Lectoris iudicio relinquimus. Sequentia autem momenta huius auctoris ætiologia complectitur.

1) Primum quidem supponit, rhachitidis morbum generatim consistere *in nutritione musculorum inæquali*.

2) Ossâ autem in his ægris, æque ac in sanis, *vniformiter* nutriri, adeoque ab illo vitio excipienda iudicat; subiuncta ratione, quod ad ossium, sensus expertium, partes nutriendas

triendas *solus sanguis* sufficiat, ad musculorum vero incrementa succus simul nerueus requiratur.

3) Deinde bona fiducia pro concessio habet, partes musculosas & neruosas, propter succi neruei nutritii defectum, haud quaquam crescere, sed potius extenuari.

4) Cum ergo, iudice auctore, *os tibiæ* æquali vigore crescat, muscoli autem, *suram* constituentes, & supra infraque eidem ossi adfixi, pari passu non crescant, sed, veluti chorda plectrum, retrorsum detineant, vt recta non possit extendi: tum necesse putat illius, instar arcus, incuruationem.

16. Verum enim vero blandis hisce fictionibus sequentia obstant dubia.

1) Pro lubitu supponit, ossa solo sanguine nutriri, cui autem supposito recentiorum obseruationes contra dicunt, & e partibus potius gelatinosis, lamellarum forma mutuo sibi impositis, incrementa sumere docent. *Conf. Abrah. Vaterus in osteogenia naturali & præternaturali thes. II. IV. f. Wittebergæ 1733.*

2) Deinde fingit quidem, sed non probat, succum neruosum esse *nutritium*, ideoque ad augendas partes musculosas necessarium.

3) Porro hunc succum in rhachitide musculosis partibus deficere dicit, causam vero, cur deficiat, minime demonstrat.

4) Denique, vt reliqua taceamus, sine fundamento adferit, ossa ipsa in hoc morbo *a priori* non adfici, sed *a posteriori* tantum incuruationem pati.

17. Vt vero ad simpliciores ac veriores rhachitidis ætiologiam peruenire possimus, sequentia meditanda commendamus.

1) Rhachitis est productum ac confectarium atrophix.

2) Atrophix causa *materialis* consistit in vitiis vasorum lacteorum, modo primi, modo secundi, modo vtriusque generis.

- 3) Harum viarum quo plures sunt obstructæ, eo magis debitum corpori nutrimentum subducitur.
- 4) Huic igitur vitio materiali, interitum minitanti, natura sese opponit *armis duobus* consuetis, nempe motibus actis in solidis & fluidis partibus.
- 5) In partibus *solidis*, præcipue in extremis artubus & in spinæ dorsi tractu instituuntur *motus spastici*, quale motuum spasticorum schema in aliis quoque morbis, e.g. in febribus paroxyzantibus, obseruamus.
- 6) Per hos spasmos, in peripheria institutos, partes *fluidæ* introrsum, & quidem speciatim ad periclitantia loca, diriguntur, vt vitii materialis abstersio, resolutio, discussio & euacuatio obtineatur.
- 7) Hæc rigida autem & spastica musculorum agitatio, bono fine suscepta, rhachitidis proxima est causa. Duo enim vitia immediate per illam producuntur.
 - (1) Primum quidem, *teneræ* infantum cartilagineæ & osseæ partes e.g. tibiæ, spinæ dorsi, per tales spasmos sensim disiunguntur, flectuntur & incuruantur; quod, quia in *robustioribus* fieri non potest, rhachitidem in reliquis ætatibus rariorem obseruamus, nempe in causis violentis & angustis virginum cataphractis.
 - (2) Deinde dolores, qui per hos spasmos in exterioribus partibus excitantur, ansam præbent, vt natura nunc motu humorum contrario agere illosque ad dolores demulcendos extrorsum ducere cogatur. Sic interne quidem atrophix solutio interdum contingit, externe autem tumores & superaccretiones proueniunt, præcipue circa sensibiles iuncturarum partes, carpi, tarfi, rotulæ, spinæ dorsi, aliaque vitia producuntur, quæ germanice gedoppelte Glieder, Hocker, ausgewachsene Hüfte vocantur.

TABVLA X.
DE
SPASMIS ET CONVULSIONIBVS.

I. DEFINITIO.

Spasmus est motus tonici excedens incrementum, quod in partibus fibroso-musculosis, præcipue artuum, musculi vel partem, vel eum totum aut plures simul occupat, eosque vna cum membro, cui mouendo destinati sunt, adeo rigidetendit, attrahit atque in tali rigiditate aliquamdiu detinet, vt ea mouere in ægri haud sit potestate; sub qua molestia durities rigida percipitur cum exquisito doloris sensu, qui partis quasi rupturam minari videtur.

Convulsiones sunt motus tonici summæ exacerbationes, quæ in partibus musculosis & tendineo-neruosis se exerunt per repentinas & non raro violentissime susceptas reciprocas membrorum agitationes, quibus natura illud, quod corpori molestum vel fingit, vel fere sentit, extrema vi & pertinacia excutere contendit.

II. DIFFERENTIA.

1. Quemadmodum ipsæ congestiones auctiorem motus tonici gradum inuoluunt: sic connexionis ratio huius cum præcedente tabula satis patescit. Cumque per motus congestorios ad partes tam internas, quam externas humores copiosius adacti & restricti sæpe libere satis retrocedere non valeant & sic spissiores reddantur: tum fit, vt variæ inde exoriantur molestiæ veraque damna, quibus natura se opponit, iam motibus inflammatoriis, iam febrilibus, iam spasticis & convulsivis.

2. Spasmi sunt vel *uniuersales* vel *particulares*.1) *Uniuersales* totum corpus occupant, quorum species sunt

(1) *Tetanus*, qui corpus, quantum quantum est, ita rigidum reddit, vt illud in situ recto immotum plane relinquat.

(2) *Emprosthotonus* corpus antrorsum violenter incuruat, vt genua ad caput adducat.

(3) *Opisthotonus* contrario motu agit, & capite ceruiceque versus posteriora retractis, corpus tantopere retrorsum inclinatur, vt perreptare volenti sub dorso, arcuatim reflexo, spatium relinquatur.

(4) *Catalepsis* spasmorum vniuersalium rarissimus, corpus in eo situ, in quo illud corripit, rigidum detinet, seruatis iisdem gestibus, quos oculi, os & alia quæuis membra ipso inuasionis momento exercuerunt.

2) *Particulares*.(1) *In capite*

a) *Spasmus cynicus* est rictus seu contumax oris torsio, per plures subinde horas sine delirio continuans, & exitus vel conuulsuos, vel hemiplecticos aut apoplecticos superuenientes sæpius portendens.

b) *Risus sardonius* a priori re ipsa non differt, nisi quod mentis alienationem aut nonnumquam plenam eius abolitionem sibi habeat coniunctam.

c) *Spasmus occipitis* in parte infima adfligens & feminas maxime corripiciens, anonymus est. Hic musculos, capitis erectioni & ad latus vtrumque conuersioni destinatos, infestat eosque tam rigidos reddit, vt non modo circumflectendi impotentiam inducat, sed dolorem quoque in illis excitet peculiarem, quasi animal secundum longitudinem ceruici adhærens, eam expansis & altius infixis vnguiculis firmiter comprehensam teneret. De his masculis legatur *Verheyen in anat. tract. VI. cap. III. Heisterus in comp. anat. p. m. 185.*

(2) *In*

- (2) *In collo* singularis adfligere solet spasmus, qui homines inter dormiendum corripit, & ab incommodo capitis situ vnice vulgo deriuari solet.
- (3) *In œsophago & ventriculo* obseruantur itidem spastica quædam constrictiones, quæ deglutitionem sæpe remorantur, aut tantopere impediunt, vt nihil vltra ventriculus admittat, vel, quod huc vsque ægrius recepit, non nisi cum contentione nauseabunda ferat, concurrentibus anxietatibus, quæ subiecta nimium quantum angustant, vt sæpe dicant: es sey ihnen nicht anders, als wenn es das Hertz abdrücken wolte.
- (4) *In thorace,*
- a) *Incubus* seu spastica musculorum thoracis contractio, sub nocturna quiete coorians, respirationem laboriosam reddens, & fere totius corporis motum tantisper sufflaminans; de quo fusius in *therapia special. tab. LI.* dictum est.
 - b) Alii *spasmi anonymi*, acres, ab *incubo* & *asthmate conuulsiuo* plane diuersi; qui ob sui energiam, qua respirationem potentius intercipiunt, non nullis videntur ad *apoplexiam* magis, seu ad *catarrhum suffocatum* referendi. Certum enim est, quod in tali casu respiratio pæne abolita magnum sanguinis circulationi præiudicium adferat, vt facile ex suffocatione, per respirationem interceptam orta, tanta porro humorum regurgitatio & restagnatio in capite euenire possit, quæ variis circa crebri ambitum effusionibus, vel sanguineis, vel vero serosis ansam dare, & veram apoplexiam inducere valent. Exempla huius spasmi thoracici, per triduum durantis vide in *Stahl's theoria p. 883.*
 - c) *Asthma conuulsiuum*, saluis reliqui corporis motibus, thoracem tantum occupat, & vigilantibus euenit, neque respirationem tantopere cohibet, aut vocem claram supprimit, vti in *incubo* fieri solet. Interim si *idiopathice* magis, quam *symptomatice*, infestat, periculo

riculo *incubum* longe superat, quia *ancipitis* & fere acuti euentus esse deprehenditur.

d) His alii porro cordis *palpitationem*, *cardialgiam* & *singultum* iungunt.

(5) In *abdomine*

a) *Intestinum colum*, maxime illorum, qui colica flatulenta vexantur, pertinaci ac rigida sæpe tractione & spastica distensione correptum obleruatur, præcipue ob flatum in eo expansum, quod comprobant

α) Progressus illi flatulenti, ubi tales bombi, ex vno claustro in aliud spatium erumpentes, tundentem talem impetum formant, vt subiecta queri audias de sensu dolorifico peculiari, ac si lapis per intestina volutaretur & abdominis immineret crepatura.

β) Constrictio spastica ad intestinum vsque *rectum* in altioribus doloribus colicis se extendens, quæ tanta esse solet, vt etiam cannulæ clysticæ transitum prorsus deneger.

γ) Stricturæ *coli* firmissimæ in seclis demortuorum cadaueribus obuix, quibus sæpe portio illius flutu adeo rigide distenta & vtrimque constricta tenetur, vt neque æreus eiusmodi halitus, nedum stilus renuior, nisi vi adactus, penetrare possit.

b) In *vesica*, eiusque sphinctere speciatim, vehementes se exserunt spasticæ stricturæ, quæ, dum stranguria & calculus commotus adiligunt, varios cruciatu inferunt.

c) In *pene* occurrit *priapismus* seu violenta illa ac inuoluntaria tensio & spastica erectio, quæ cum graui & anxio dolore stipata, a *satyriasi* omnino differt, cuius quippe origo a libidinosis phantasiis deriuanda venit, & erectionem transitoriam infert.

d) In *orificio vteri* spasmos singulares sibi repræsentant theoretici quidam in *dystocia*, quos tamen adeo facile

cile nemo attentus practicus sibi conceperit. Quia multiplici experientia iam confirmatum est, quod in tali casu imprudens regimen & ineptum stupidarum obstetricum imperium, quo parurientes ad præmature excludendum fœtum compelluntur, maxime ad-
cusandum sit, & plerumque solum peccet.

e) *Tenesmus*, seu vrgens desidendi conatus, non immerito accensetur spasmis, quia indolem vere spasticam quouis intuitu refert, quidquid statuunt alii, quibus ad convulsionum familiam eundem referre placet.

f) *Tympanitis* autem minus congrue ad spasmos relata est. In omnibus siquidem pathematibus flatulentis toni potius remissio observatur, quam maior intensio; alias non concederetur spatium flatibus, partes tam moleste distendentibus.

(6) In *artubus* tandem superioribus æque ac inferioribus vehementes adstringunt spasmi, qui non simplicis, sed simul arthriticæ indolis sunt, quos sigillatim paullo post recensebimus.

3. Enumeratis spasmis vniuersalibus & quibusdam particularibus adhuc alia subnectenda erit spasinorum differentia, secundum quam alius est

1) *Repentinus*, qui celeriter musculum contrahit & ita rigidum aliquantisper detinet, vt pro arbitrio membrum correptum insecti aut moueri nequeat. Quam speciem *spasimum flatulentum* & *spasimum* *κατὰ ἔξοχην*, immo & *Crampum*, den *Krampf*, adpellare moris est. *Conf. Musitani trutina lib. I. cap. XI. p. m. 131. Brunonis lexic. med. p. m. 258.*

2) *Lentus*, cuius inuasio tam repentina non est: is diuiditur bifariam, ita vt alius dicatur

(1) *Spasmus muscularis* seu *tendinalis*, qui totum aliquem musculum adficit & doloribus tensiuis ac grauatiuis excruciat, sæpeque membrorum contractura scenam claudit.

- (2) *Fibrillaris*, qui musculi aliquam tantummodo portionem & non raro paucas eius ac singulares fibras occupat. Cuius generis spasmus in arthriticis doloribus proprie agnoscendus est: qui tamen a cruciatus impetu tum remittit, cum e paucioribus fibris in vniuersum musculum diffunditur.
4. His commode subiunguntur reliqui particulares *spasmi arthritici*, in systemate medico peculiari denominatione notati, quos, a supremis incipiendo & ad infima progrediendo adumbrabimus. Occurrunt autem
- 1) *In capite*
 - (1) *Hemicrania* seu dolor ille pertinax & acerbus, qui dimidiam capitis partem occupat, de quo *vid. conspect. med. tab. XLVII.*
 - (2) *Glossagra* seu spastico - arthritica linguæ afflictio.
 - (3) *Trismus* autem, quo mandibularum & musculorum temporalium spasmus exprimitur, qui inuitis nobis dentes cum sonitu concutit, inepte huc refertur, quia potiori iure ad spasmos simplices pertinet.
 - 2) *In thorace pleuritis spuria*, de qua plenius actum est in *consp. med. tab. XLVIII.*
 - 3) *In coxis coxagra* seu *malum ischiadicum*, cuius plenior tractatio repetenda e *l. c. tab. XLIX.* & *Io. Christ. Stockii diff. de coxagra lenæ 1731.*
 - 4) *In artubus*
 - (1) *Superioribus*
 - a) *Arthritis*, humeris & scapulis infesta.
 - b) *Chiragra* quæ manus earumque digitos male afficit.
 - (2) *Inferioribus*
 - a) *Gonagra*, quæ genua spasmis diuexat.
 - b) *Podagra*, famosus ille cruciatus spasticus, qui tibias, malleolos, metatarsum & digitos vehementer adfligit.
 - (3) *In utrisque* vel simul, vel in alterutris per interualla, *arthritis* vel *vaga* vel *fixa* suam exercet tyrannidem.

5. Porro addendæ sunt aliæ quædam spasmodum species, minus celebres, v. g.

1) Spasmus ille, proprio cognomine destitutus, qui sæpe ipso momento, quo manus aliquid complecti debent, eas corripit vt officio in præsentī nequeant fungi; vel etiam si nimis firmiter complexæ fuerint, in eodem situ detinet, quo antea comprehensum tenuerunt obiectum.

2) *Spasmus fixus*, a *Paracelso* ita vocatus, nusquam tamen in ipsius scriptis perspicue explicatus: iam enim arthritidem & podagram; iam vero contracturas hoc nomine indicat, vt nescias somnians ne, an vero diuinans de eo locutus sit, vt pridem *Stablius* monuit in *diff. de spasmodis cap. II. p. II.*

6. Neque prætereundum videtur, quod aliqui, a finali duorum morborum terminatione & sono decepti, eosdem ad arthritico-spastica pathemata referre non dubitent. Illi vero sunt

1) *Mentagra*, e qua incauti quidam menti spasmodum confingunt, cum tamen scabiei siccæ ac pruriginosæ sit species, quæ squammis & furfuribus mentum fœdat. Vnde *mentagram Lichenes in mento* vocat *Galenus de compos. med. sec. loc. lib. V. cap. VIII.* qui morbus ante *Tiberii* principatum Romæ fuerat incognitus.

2) *Pudendragra contracturalis*, quæ fœdum illum morbum venereum denotat. *Conf. Io. Geo. Stussii diff. de pudendragra contracturali Ienæ 1716.*

7. Indicatis iam differentiis, secundum quas spasmi inter se distinguuntur, breuib; etiam expediendum erit, in quonam ab ipsâ ordinaria tensione musculorum in statu secundum naturam; præter naturam autem ab ipsis convulsionibus differant. Notandum ergo

1) *Ratione formalitatis*, quod

(1) *Motus muscularis* extensorius & contractorius naturalis semper voluntarius sit, nec vllum dolorem inferat.

(2) *Spasmus* contra simplicior, rigida ac inuoluntaria est partium musculosarum tensio.

(3) *Convulsio* autem perpetratur motu reciproco musculorum

rum antagonistarum, nempe talium, qui in officio sibi inuicem sunt oppositi.

2) *Ratione sensationis*

- a) *Spasmus* sensum plus minus dolorificum coniunctum habet.
- b) *Conuulsio* vero, quamdiu eius actus durat, minus est dolorifica.

3) *Ratione durationis*

- (1) *Spasmus* magis statarius est & immanens, sed
- (2) *Conuulsio* vaga & instabilis.

4) *Ratione ominis*

- (1) *Spasmus* minus periculi, plus tamen molestiarum inuoluit.
- (2) *Conuulsio* autem ob vehementiam longe maius minitatur damnum.

8. Differunt porro auctores ratione methodi. Quidam enim spasmos vniuersales, &, qui proxime hos excipiunt, particulares, quos motuum spastico conuulsiuorum nomine exprimunt, ipsis potius conuulsionibus, quam spasmis adnumerare malunt, quia reliquas adfectiones spastico-arthriticas vehementiæ gradu longe superant. Cum vero in re arbitraria nemo facile reprehendendus sit, licebit cuiuis hanc doctrinam, obseruato bono ordine, varia proponere methodo.

9. Ad conuulsionum tandem differentias quod attinet, notari meretur

- 1) *Idiopathica*, quæ stato tempore recurrens, ex idealimaxime causâ, circa præcipuas lunæ phases, sine aliorum morborum complicatione, homines misere excruciat; quo nomine *morbis sacer* seu *epilepsia*, quæ etiam *morbis comitialis* itemque *caducus* dicitur, inde ab antiquo satis iam innotuit, & hodie pariter in terrificis malis habetur.
- 2) *Symptomatica*, quæ causas materiales, mox grauiores mox leuiore, pro fundamento agnoscit.

III. SIGNA

1. *Spasmodorum.*

- 1) *Uniuersales* illi spasmī, dum adfligunt, molestissima sua præsētia omnium signorum enarrationem exhauriunt.
- 2) *Particulares* repentini, præter motum impeditum & dolorem transeuntem, parum obseruandum relinquunt.
- 3) *Lenti* autem, in quacumque tandem parte se exseruerint, plura suppeditant.
- 4) Dolor itaque exquisitus valde, tensiuus, tractorius & constrictorius obseruatur.
- 5) Nonnumquam adfligit cruciatus, qui sensum lancinantem, compungentem, distendentem & parti adfectæ quasi rupturam minantem infert.
- 6) Antecedunt subinde horripilationes concurruntque æstus volatici.
- 7) Ipsi dolores adeo continentes non sunt, vt a primo inuasionis momento eadem continuarent vehementia, quippe qui per vices, si non penitus; tamen magnam partem remittunt.
- 8) Membra actu spasmo correpta pro lubitu ægrotantis moueri nequeunt; immo & remittente malo ægrius, & non sine sensu lassitudinis, contusionis & debilitatis mouentur.
- 9) Interdum membra adfecta rubent, calent & aliquando tument, partes vero vicinæ magis pallent & in vicem versam.
- 10) Animus supra modum tædiosus, anxius & leuissimarum etiam rerum impatientissimus est.
- 11) Somnus partim deficit, partim inquietus & parum reficiensprehenditur.
- 12) Vires languent & adpetitus, si non prostratus, vagustamen & electius obseruatur.
- 13) Excretiones parcius & minus ordinate succedunt.

2. *Convulſionum.*

- 1) In quibusdam præcedit extremorum refrigeratio, oſeitatio & præcordiorum anxietas.
- 2) Partes corporis vel omnes vel nonnullæ repentinis atque reciprocis agitationibus vehementer varieque concutuntur. Hinc
 - (1) Dentibus frendent, caput iactant, oculi ſuperiora verſus torquentur, vt ſolum tunicæ adnatæ album conſpici poſſit.
 - (2) Brachia retorquentur ad tergum.
 - (3) Manibus auram feriunt.
 - (4) Pectus attollunt.
 - (5) Dorſum incuruant.
 - (6) Pedibus terram quatiunt, &
 - (7) Totum ſubinde corpus rigidum atque immotum tenetur.
- 3) Pollices manuum porro colliguntur in pugnum.
- 4) Spuma, ſi grauior fuerit conuulſio, aut mucus ſaltem ſaliualis ſub paroxyſmo ex ore fluit.
- 5) Præterea formant hi motus breues quaſi paroxyſmos, ſeu parua remiſſionis interualla, quibus elapſis maiori vi de-nuo inuadunt.
- 6) Vbi conuulſiones inualuerunt, partes non ſolum motu exagitantur, ſed ſitu quoque torquentur ac diutius ita re-tortæ perſiſtunt.
- 7) Sub iſſis conuulſionibus rationis & ſenſuum uſus nul-lum adparet veſtigium, & poſt illas remanet ſæpe ante-actorem obliuio.
- 8) Quædam ſubiecta narium experiuntur hæmorrhagias, in aliis cietur vomitus, aut ſequitur diarrhœa, feminis pro-fuſio & ſæpe vrinæ excretio.
- 9) Conſequuntur tandem ſitis ingens, corporis laſſitudo, perturbatio capitis vertiginofa, ſudor olidus immo fœto-re grauis.

IV. SVBIECTA

1. *Spasmodum*

- 1) Homines plethorici, in quibus humores abundantes simul spissi sunt, & habitus corporis diffusus & spongiosusprehenditur; speciatim temperamentum sanguineum & sanguineo-cholericum. In his enim humorum progressus, quando laboriosior est, facile spasmis ansam præbere solet.
- 2) Quibus iungenda sunt subiecta plethorica graciliora.
- 3) Hi autem homines eo certius obnoxii fiunt spasmis, si antea vel naturalibus, vel artificialibus sanguinis euacuationibus adsueta fuerint, earumque successum & usum aut amiserint aut omiserint.
- 4) A parentibus, spasticas adfectiones passis, prognati adeoque hæreditaria dispositione præditi & prædispositi.
- 5) Veneris & Bacchi cultores strenui.
- 6) Præcipiti iracundiæ indulgentes.
- 7) Crebrioribus rheumatismis alias adfecti.
- 8) Homines ordinarie ætatis prouectioris præ iunioribus. In illis enim humorum crasis & ipsa loca musculosa, excretionibus dicata, per diætam, labores & animi pathemata efficacius alterantur viaque spasmis facilius sternitur, quam in his.
- 9) Vulneribus profundius læsi.
- 10) Tandem & illi, qui febribus acutis detinentur & in vitæ periculo versantur.

2. *Convulsionum*

- 1) *Ratione ætatis*, infantes & pueri præ aliis ætatibus.
- 2) *Ratione sexus*, subiecta feminina magis, quam virilia.
- 3) *Ratione habitus corporis*, homines succulenti, *συσσαιοι*, plethorici, quorum sanguis notabili spissitudinis vicio laborat.
- 4) Iracundi & caussis procatarepticis variis expositi, vti paulo post exponemus sub *caussis*.

V. CAVSSAE

1. *Spasmodum.*1) *Caussa materialis* exhibet

- (1) Vel plethoram,
- (2) Vel spissitudinem humorum,
- (3) Vel aliud qualitatis vitium,
- (4) Vel læsionem partis cuiusdam solidæ.

2) *Caussa formalis* consistit in notabili augmento motus tonici, qui in locis & circa illa, in quibus sanguini, per fibroso-porosas partes progredienti, remora iniecta est, solito fortius intenditur & ad dolorem vsque augetur, ac in tali vehementiore tensione aliquamdiu detinetur, immo pertinaci conatu readsumitur.3) *Caussa efficiens.*

(1) *Veteres*, ad ductum *Hippocratis sect. VI. aphorif. 39.* & *Galenii* in multis operum suorum locis, causam efficientem habebant vel *repletionem* vel *inanitionem*. Illustrabant hoc adsertum chordarum exemplo in citharis, quæ sub æris temperie austrina humida tantopere tenduntur, vt facili negotio disrumpantur. Et vbi e contrario aquilonis flatus omnia penetrat & exsiccat, chordæ pariter arefactæ nimis contrahuntur, subitamque disruptionem subeunt. *Vid. Galenus de trem. cap. VIII. f. m. 70.*

(2) *Recentiores*, cum placiti veterum insufficientiam & adhibiti similis illustrantis claudicationem perspicerent, altius rem repetendam esse indicarunt. Vnde in subsidium vocata

a) *Obstructio* fibrarum partis alicuius. Finxerunt sibi nimirum fibras cauas; deinde supposuerunt earum obstructionem, quæ impediret sanguinis liberum progressum, a quo tandem turgescientiam, fibrarum tensionem & distensionem in latitudinem earumque abbreviationem secundum longitudinem deriuarunt, applicato simul axiomate mechanico: *quod linea longa, incuruata fiat breuior*. Euanescebat autem hoc

fig-

figmentum sua sponte, quia in musculis, spasmo affectis, nulla distensio, sed absoluta condensatio & compressio obseruari potest.

b) *Acrimonia*, commune illud idolum, quod fere cuiusuis morbidi mali causa efficiens esse cogitur. De hac ita statuunt: quod particulæ, speciatim acres, tartareæ, nitroso-sulphuræ, ponticæ & acidæ, sanguini aut lymphæ immixtæ, per motum progressiuum cum neruoso genere communicentur, & postquam sensiles neruorum fibrillas adgressæ sint, eas vellicent ac nimium irritent; quo facto tandem crispentur, abbrevientur & sub his spasticis anomaliis obrigescant. Sed toties iam in antecedentibus profligatæ acrimoniæ hic immorari non expedit.

c) *Recentissimorum* sententia a præcedente parum recedit. Licet enim negent, quod in causa sit humor quidam crassior, acris, salsus & scorbuticus: substituant tamen subtilem, volatilem, sulphureo halituosum vaporem, qui sæpe numero in exigua quantitate in sanguinis massa oberret & facile nimis neruorum partium minimos poros intimius subintrare valeat. Sed quo minus & hisce placitis subscribamus, obsunt rationes *tab. de hæmorrhagiis* fusius prolatae.

d) Relicta igitur sua cuiusuis opinione, rectius docemus: causam efficientem esse vitale principium immateriale, quod vitæ & sanitati conseruandæ studiose incumbit, & per motus quoque spasticos, quamuis erroneos, non tamen irracionales, sine sibi præfixo potiri contendit.

4) *Causa finalis* est vel plethoræ imminutio; vel spissitudinis resolutio; vel humorum qualitate peccantium excussio & ulterior propulsio; ut metuendæ staseos & corruptionis periculum auerti & per violentos hosce motus præoccupari queat; vel denique læsæ partis solidæ absterisio & consolidatio.

5) *Causse procatartica veterum*

(1) *Respectu repletionis sunt*: vita otiosa, ebrietas, fluxus humoris pituitosi, inflammatio partis nervosæ, suppressio alicuius excretionis consuetæ, vulnus, contusio, laxatio, nervi punctura, venenatorum morsus, subitus terror, excandescencia.

(2) *Respectu inanitionis*: nervorum ficcitas, labor nimius, immodicæ vigiliæ, febris ardens, sudor prodigus, vomitus, alui deiectio, immodicum sanguinis profluvium, venus nimia, cauteria, vesicatoria nervis adplicata.

(3) *Sed recentiores iustius accusant*

a) hæreditariam dispositionem, animi vehementiora pathemata, ut sunt terror & ira.

b) Motum corporis impetuose susceptum & pari vehementia continuatum.

c) Adsumptionem medicamentorum calidorum & volatiliū: imo & emeticorum ac catharticoꝝ drastice operantium vsum.

d) Dietam aromaticam & largiorem vini ingurgitationem.

e) Tempestatem humido-frigidam, quæ vti rheumatismis inducendis, ita & spasmis prouocandis apta est.

2. *Convulsionum.*

1) *Causse materiales* sunt varia mala, quæ vel cum plurimo periculo complicata sunt, vel minus salutariter succedunt. Interdum esse solent molestiæ, crasso modo haud sensibiles, & qualemcumque quidem elisionem promerentes, tanta vero motuum exacerbatione neutiquam dignæ. *Plura vide sub causis occasionalibus.*

2) *Causa formalis* est partium musculosarum & tendineo-nervosarum per motum tonicum exacerbatum raptim atque reciproce instituta tractio per momenta remittens iterumque reuertens.

3) *Causa efficiens* multis hodie est altius radicata acrimonia, nervo-

neruorum systema irritans. Sed hanc opinionem fundamento destitutam esse, ingens casuum numerus comprobabat, in quibus vera acrimonia vel in *proxima potentia*, ut loqui solemus, vel iam ipso *actu* praesto est, nullo tamen insequente effectu conuulsivo; uti experientia in tot variolosis testatur. Quam ob rem malunt recentiores substituere varias musculorum contractiones & hinc dependentes influxus liquidi neruei, quod a sensorio communi varie iterum in nervos exprimatur; additis simul causis occasionalibus, quæ cerebri medullam ad has expressiones sollicitent. *Vid. Boerhaave Aphorismi de cog. § cur. morbis §. 1074.*

- 4) Sed maiore certitudine etiam hos motus naturæ, quæ extrema vi aliquid expellere intendat, tribuimus; licet motuum gradus & continuationis vehementia nequaquam adprobanda neque potiundo fini congrua sit. Plus enim plerumque subest rationis moralis & causæ idealis, quam physici impulsus aut crassæ materialis irritationis. *Conf. Stahl's theoria p. 895. 899. 901.*
- 5) *Causa finalis* est rei vel vere molestæ & periculosæ, vel talis modo visæ, motibus & viribus summe intensis, amolitus & excusio.
- 6) *Causæ procatasticæ.*
 - (1) Dispositio hæreditaria.
 - (2) Animi pathemata, ut ira, terror, amor vesanus & intentum rerum venerearum desiderium.
 - (3) Certæ temporum periodi & inprimis phasæ lunares; de quibus tamen causarum nexum detegere & firmis rationibus probare nemo hactenus potuit; licet varia passim in medium proferantur.
 - (4) Sanguinis insignis crassities, quam, ceu causam coniunctam & potenter concurrentem, hic nominare utique conuenit.
 - (5) Retropulsio vlcerosorum seroso-lymphalium humorum, circa capita inprimis infantum & puerorum a frigore, improvide admissa, ortum ducens.

- (6) Scabies per incongrua artificia ad interiora repulsa.
- (7) Tusses infantum humidæ cum materia valde tenaci. Quæ cum tam facile excerni nequeat, tusiendi tamen vehementia continet : tum respiratio in tenellis intercipitur & conuulsiones succedunt, donec illa redierit.
- (8) Vermes, qui in tenera ætate magis conuulsivis quam spasticis motibus ansam præbent. Sensibilis enim infantum natura ad extremos motus, in leuioribus quoque causis, mox confugere solet.
- (9) Morbi acuti & febres, præcipue exanthematicæ, illegitime decurrentes, conuulsiones plerumque habent comites.
- (10) Dentitionis negotium difficile succedens.
- (11) Corpora solida peregrina carnosius partibus infixæ, ut sunt spinæ, festucæ, aciculæ, clavi, vitri fragmenta, glandes plumbeæ.
- (12) Calculus verus, a quo sæpe in femore aut crure lateris adfecti conuulsiones oriri solent. Quem effectum sanguis quoque grumofus aut sanies, sub cranio latitans, nonnumquam edere solet.
- (13) Ebrietas aut spirituosorum abusus.
- (14) Vulnere & partium tendineo-neruofarum contusiones.
- (15) Hæmorrhagiarum quarumvis consuetarum retentio aut suppressio.
- (16) Morsus animalium ira percitorum.

VI. OBSERVATIONES.

1. Solemne fuit non tantum *Hippocratis*, sed etiam *Galen*i, interpretibus latinis, vocabula τὸ σπασμὸς & τῶν σπασμωδῶν per minus aptas voces *conuulsiones* & *conuulsivorum* vertere. Et hoc quidem tam vnanimi egerunt consensu, ac si ex pacto & veluti certatim id sibi sumissent peragendum. Recentiores, quod mirandum, antiquos tam serua æmulatione imitati sunt,

vt *spasmus* non aliter, nisi per conuulsionem, exprimere voluerint; id quod præter scriptores systematicos, ipsi Medici lexicographi *Bruno* & *Blancardus* adfirmant.

2. Hæc autem vulgaris & incongrua interpretatio sequentia habet incommoda. Nam

1) Apertam vim infert voci *σπασμς* eiusque etymologiæ, vtpote quæ tensionis & tractionis, non vero subitæ velli-
cationis, multo minus reciproæ conuulsionis significatio-
nem admittit.

2) Non exiguam parit isthæc versio confusionem in animis
lectorum, qui adcuratoribus acroasibus adfueti sunt; vt,
dum vel *Hippocratis* vel *Galen*i monumenta in latinum
versâ euoluunt, scire nequeant, quid proprie scriptores
illi voluerint. Nam distincte de *spasmis* agi, textus seu
oratio indicat; vbique autem *conuulsionis* & *conuulsiuorum*
nomina vsurpata oculi cernunt. Hinc mens dubia, nihil
melius edocta, relinquitur, cum paucissimi græcis opta-
ti sint, aut exemplaria græca ad manus habeant.

3. Igitur, ad euitandam confusionem, satius est, græcam *spa-
smi* vocem retinere, & per *conuulsionis* nomen peculiarem
toni exacerbationem designare. Atque hoc quibusdam ma-
iorum nostrorum iam placuit, & a multis quoque recentio-
ribus non immerito probatur ac retinetur.

4. Supra, velut in transitu, iam monuimus, quod vniuersus
motuum spasticorum & conuulsiuorum adparatus generatim
quidem rationalis & propter certum finem institutus, reue-
ra tamen erroneus sit, & speciali rationalitate careat; quia
congruam proportionem inter materiæ quantitatem & qua-
litatem & inter, organi electionem, motuum directionem,
gradus, & continuationem inuenire non licet. Quod mi-
rum nemini videri poterit, qui repetere voluerit ea, quæ in
tab. de causis morb. sub causis immaterialibus iam edisserui-
mus. Collata *diff. Stahl*i de erroribus naturæ medicis.

5. Equidem isthæc adfertio de spasmis erroneis, non tamen ir-
rationalibus, multis negotium facescit, quia concludunt: a

principio rationali fieri non posse, vt certum finem sibi habeat præfixum, vera tamen media ignoret, aut illa aliter adhibeat, quam quidem fini illi obtinendo vere conueniat; cum apud prudentes quosuis inuentionis adparatus cum intentione conspirare soleat.

6. Sed ita quidem esse deberet, si in statu perfectionis actiones suas ederet anima. Verum enim vero, in statu post lapsum valde corrupto aliter longe fieri, tam in vitalibus, quam animalibus functionibus, comperimus. Certum enim est, quod res illas, quibus actiones suas, secundum necessitatem corporeæ proportionis, adcommodare debet,

1) Sæpe nec recte intelligat, nec debite perpendat, & ex defectu cognitionis eorum, quæ agi debent, & quomodo peragenda sint, circumspecte & rationaliter satis agere non *possit*.

2) Interdum vero, quod iustum & cum corporali proportionem conueniens esset, suscipere non *velit*. Dilucescit hoc ex innumeris casibus moralibus, qui abunde confirmant, quod

(1) ex obiecti mouendi & principii mouentis proportionibus, inuicem sibi minus respondentibus, ingentes turbæ, contentiosa molimina & pertinacissimæ executiones suscipi soleant. Hoc in vitalibus æque obseruamus, vbi non raro materiæ, periculosæ efficacæ, & placidis motibus ad certam partem dirigendæ, ab aliis vero circumspecte abigendæ, impetuosis commotionibus inuadantur, & noxa in vniuersum corpus dissipata, ipsam tandem vitam pessündent.

(2) Ita porro ratio, meliora probans, nihilo minus deteriora sequitur in moralibus quam sæpiissime; nihil ergo insoliti esse censebimus, si idem in vitalibus deprehendamus.

7. Veritatem istam vberius illustrabit subiectorum consideratio respectu temperamenti. Cum enim error, ex morum seu voluntatis vitio, in eiusmodi temperamentis communissime in motus recidere soleat exacerbatos, spasticos & convulsuos;

uulsiuos: tum paradoxon nulli videbitur, si talibus subiectis, ad operosa negotia suscipienda & cum industria ac constantia prosequenda minus aptis, spasmi eueniant. Vti enim sunt animi impatientis & præcipitis, vt, ne diu laborandum sit, vno potius impetu opus peractum optent: ita impeditiones successus & exitus difficiles reformidant & declinant. Sub crebris tamen tergiuersationibus de nouo aliquid moliri iterum audent.

8. Si insuper *consuetudinis* efficacia & repetita ad spasmos excitandos promptitudo accesserit, tanta sensim inducitur facilitas & in agendo leuitas, vt post modum, citra sufficientem materialem & proportionatam causam, immo sæpius ob solas patheticas commotiones, aliunde ex occasionebus morali- bus oriundas, vel ob membri situm paulo distortum, vel eius compressionem strictioremque ligaturam, vehementes spasmi fuscitentur, & magna cum pertinacia, pro more ætatis prouectionis, continuentur.
9. De *convulsionibus*, non tamen *idiopathicis* seu *epilepticis*, quæ nuda adfuetudine ita inualuerunt, sed de *symptomaticis*, obseruandum est: quod tam facile non oriuntur, nisi aliquis labor & naturæ sollicitudo, per motus secretorios & excretorios aliquid periculosi, e corpore excutiendi, euidenter adsint.
10. Fundamentum horum tentaminum in eo consistit: quia natura, post ordinarios & magis proportionatas excretionum methodos, ex voto non succedentes, vltimum tandem eumque fortissimum modum adhibet, quo illud, quod sanitati ac vitæ periculosum est, subigat & expellat; qui si pariter intentioni haud satis fecerit, ab omni labore ultro desistit & fatis cedit.
11. Quod vero pro subiectis, infantes & pueros convulsionibus potissimum obnoxiiis declarauerimus; id tirones non ita interpretentur, ac si, ob systematis nervosi *debilitatem*, illis ætatibus hoc frequentius & promptius, quam aliis robustioribus contingat, sed quod

1) exquisitior sensibilitas &

2) pla-

- 2) placidæ magis methodi infuetudo & imperitia in caussa sint, cur extraordinariis periculis, tenellum corpus affligentibus, non æque extraordinarios & magis proportionatos, sed excedentes potius & exacerbatos motus opponant, qui sæpe malum minus in pessimum conuertere obferuantur.
12. *Effectus* itaque quarumcumque conuulsionum, corpori vere utilis, nullus plane subsequitur. *Euentus* autem pro obiecti & subiecti diuersitate omnino differunt. Nam
- 1) *acutis* superuenientes, siue sub initium & incrementum morbi, siue in statu aut decremento inuadant, ancipitem plerumque sortiuntur euentum.
- 2) in *chronicis* malis si ingruant, nec impetu excedant, nihil ordinarie periculi portendunt: immo si aliis etiam morbis superueniunt, in subiectis, quæ conuulsionibus chronice iam adsueuerunt, minus omnino periculosæ sunt.
13. Quod præterea motus conuulsiui, speciatim epileptici, secundum temporis mensuras, lunæ phasibus circumscriptas, tam facile recurrant, hoc ipse *Stablius*, qui in detegendis variorum motuum abstrusis rationibus alias felicissimus fuit, pro re explicatu difficillima habuit, doctamque suam ignorantiam vltro confessus est.
14. Hoc forte, vna cum aliis circumstantiis, quales sunt variæ membrorum agitationes, adspectu terribiles, ansam ignaris veterum medicastrois dedit, vt conuulsionem idiopathicas, ob vehementiam & pertinaciam infames, *morbum sacrum* adpellauerint, interficientes, eum a diis immitti, & vel a *Cybele*, *Neptuno*, *Apolline*, *Nomio*, *Marte*, *Hecate*, vel *heroum* inuasionibus originem habere, ac proinde expiationibus solum esse curabilem.
15. Adposite vero monuit *Hippocrates in libro de morbo sacro*, quod illorum temporum arrogantes ostentatores hoc ita excogitauerint, vt obtentu diuinitatis ignorantiam suam tegerent; siquidem se curatione nihil profuturos præsciebant.
- Quod

Quod si vero & expiationum solemnia irita fuissent, omnem tandem culpam in ipsos deos deuoluerent, vtpote quibus hominem ita multatum videre placeat.

16. Quæ ceterum de epilepsia speciatim obseruanda essent, illa repetenda erunt e *conspectu med. theoretico-pract. tab. LV.*

TABVLA XI.

DE

FEBRIBVS.

I. DEFINITIO.

Febris est naturæ medicatricis actus, salutari fine susceptus, quo materiam quamdam, putredini concipiendæ & concitandæ aptam, siue vere præsentem, siue idealiter suppositam, per motus vitales solito auctiores, varietate alteratos & modificatos *generatim*, *speciatim* vero per actus secretorios & excretorios certo ordine, mensura, paroxysmo & periodo eliminare contendit.

II. DIFFERENTIA.

1. Cum hæmorrhagarum excretionum defectus per congestiones non commode satis resarciri, sed ominosa sæpe humorum, in stasin & inflammationem dilabentium, sequi soleat coaceruatio, cui nec spasmi nec conuulsiones villo modo mederi valent: tum febrilium motuum adparatu natura succurrere cogitur, vt illud, quod vel quantitate vel qualitate peccando mixtioni animali periculosum est, præoccupet, auertat & eliminet.
2. Quibus monitis, declarandum porro erit, quomodo febres inter se differant; & quia varii sunt respectus, secundum quos considerari solent: ideo variæ pariter subnatæ sunt differentiæ, quarum maxime vulgaris illa est, quæ febres in *ca-*

lidas & frigidas dispescit, sine vltiori concurrentium circumstantiarum pensitatione.

3. Sed medicinam facere volentium interest, differentias curatius nosse, iisque cognitis practicum inde elicere vsum. Sunt autem febres

1) *ratione successus*

- (1) *Continentes*, quæ eadem vehementia, qua subiectum corripuerunt, ad exitum vsque durant, citra vllam remissionem, nedum intermissionem. Huius generis sunt

a) *simplices*, vt

α) *Ephemera simplex* seu diaria.

β) *Ephemera plurium dierum*.

γ) *Continens* κατ' ἐξοχὴν dicta, & alias *synocha* appellata.

b) *Compositæ*: quales sunt *synochæ* sic dictæ *putridæ*.

- (2) *Continuæ*, quæ, vt veteres descripserunt, ad integritatem prius non veniunt, quam morbus ex toto solutus est, & in quibus quouis die statæ exacerbationis inducias obseruare licet. In his aliqua quidem febrilium motuum *remissio*, sed *intermissio* numquam obtingit. Ad hanc classem pertinent

a) *Continua simplex*.

b) *Febres catarrhales*.

c) *Febres biliosæ*.

d) *Febres inflammatoriæ*.

e) *Febres exanthematicæ benignæ & malignæ*.

f) *Continua tertiana*.

g) *Continua quartana*.

h) *e chronicis lenta & hectica*.

(3) *Intermittentes*

- | | |
|---------------|---------------------|
| a) Quotidiana | } simplex & duplex. |
| b) Tertiana | |
| c) Quartana | |
| d) Quintana | |

e) Se-

- e) Septimana
- f) Octana
- g) Ennatæa seu nonana veterum.

2) Ratione *ambitus*

(1) *Acutæ*, quæ cum vehemente actiuitate & celeri efficacia inuadunt & decurrunt, ita tamen, vt ad diem vsque septimum, plerumque autem decimum quartum protrahantur. Cuius census sunt

- a) *Continuæ*, paulo ante recensitæ.
- b) Febres typhodes, quarum tres species descripsit Hippocrates de internis adfectionibus Sect. VI. f. m. 114. seq.

(2) *Peracutæ*, quæ diem septimum non excedunt, sed vel eo ipso die, vel citius iudicantur, vt: pestis, caufus, febris leipyrica aliæque interdum malignæ, quas die quarto aut quinto ægrum interimere compertum est.

(3) *Chronicæ*, quæ tardius mouentur & vltra quadragesimum diem extendi solent, vt: lenta, hæctica & subinde intermittentes.

3) Ratione *ordinis* sunt

(1) *Febres essentielles, primariæ, idiopathicæ*, quæ

a) Propriam indolem, causasque directas habent & vnum pathema constituunt.

b) Ordinatis progressibus & successibus innituntur. Vnde

c) Ambitum peculiarem obseruant certamque exitus sui mensuram habent, ac re ipsa specificum quiddam sistunt, vt *continentes*, quæ toto suo adparatu certam excretionis speciem adornant. Conf. Stahl's diff. de febribus secundariis §. III.

(2) *Febres accessoriæ, secundariæ, deuteropathicæ*, quæ & *sympathicæ* & vulgo, sed minus adposite, *sympomaticæ* dicuntur. Per has intelligunt tales, quæ

a) Alteri morbo ita accedunt, vt quomodo per se ori-

ri debeant, nulla probabilis, nedum euidens ratio physico-mechanica occurrat.

b) Vnde illarum progressus & successus non alius, nisi fortuitus est, prout complicati illius mali indoles admittit. Hinc etiam

c) Exitus secundum incertam hanc proportionem receptiuitatis alterius pathematis vel certus, vel, quod plurimum contingit, potius incertus est. Huc referuntur febres

α) *Rheumaticæ*

β) *Biliofæ*

γ) *Inflammatoriæ*, quæ internarum partium aut viscerum vitalium stasibus, inflammationibus, vlcerationibus & scirrhis superueniunt. e. g. *Phrenitis* meningum, *Paraphrenitis* diaphragmatis, *Pleuritis* membranæ pleuræ, *Peripneumonia* membranæ pulmonem cingentis & ipsius pulmonis, *Hepatitis* hepatis, *Splenitis* lienis inflammationi accedunt.

δ) *Inflammatoriæ* veterum, vt *Leipyria*, in qua ob magnitudinem inflammationis, quæ viscera obsidet, parum sanguinis in totum corpus permeat, plurimum vero in partibus adfectis intercluditur, vnde thorax & venter calent, extrema vero frigent. Vid. *Hippocrates Sect. V. f. m. 263. 268. Galenus Hippocrat. in comment. II. f. 28.*

Asodes, quæ multa anxietate corripit.

Phricodes, seu horrida, cuius inuasio fit cum insigni & admodum molesto horrore.

ε) *Catarrhales*

Benigna, quæ lymphæ læsioni, siue a qualitate siue a motu coortæ, opponitur.

Maligna petechizans, in qua natura materiæ cuiusdam acris & agilis, in lympa hærentis, eliminationem intendit.

ζ) *Hungarica*, miasmatis maligni expellendi causa concitata.

η) *Ex-*

- n) *Exanthematicæ*:
 Petechialis, Miliaris, Purpura vitricata, Febris
 scarlatina, Variolæ & Morbilli.
- 9) *Febres dysentericæ*.
- i) *Chronicæ*.
- x) *Febres ita dictæ vulnerariæ*.
- 4) *Ratione finis*, a natura intenti, aliæ febres sunt
- (1) *Quantitatis*, seu minuendæ quantitati sanguinis abundantis destinatæ, vt continentes.
 - (2) *Qualitatis*, seu corrigendi & expellendi gratia susceptæ, quales sunt *secundariæ*, sigillatim descriptæ, & intermittentes.
 - (3) *Vtrique scopo* inseruiunt
 - a) rheumaticæ & sæpe
 - b) intermittens quotidiana.
- 5) *Ratione caussarum materialium*, propter quas febres fiunt, differentia cum immediate prægressa magnam quidem partem coincidit; ne tamen aliquid desit, obseruent tiro-nes, quod intuitu caussarum aliæ febres sint
- (1) *Sanguineæ*, vt continentes.
 - (2) *Bilioæ*, vt febris cholericæ & causus.
 - (3) *Mucosæ*, vt catarrhales.
 - (4) *Inflammatoriæ* supra enumeratæ.
 - (5) *Lochiales*, lochiorum vel imminutioni vel suppressio- ni superuenientes.
 - (6) *Lactææ*, ad lactis secretionem, quæ ob mammarum stri- cturam difficiliter sæpe succedit, promouendam susce- ptæ. Et quamuis de his bene monuerit *Stahlius in pro- blemat. pract. febr.* quod potius *motus febriles* dicendi sint, quam veræ febres typicæ: certum tamen est, quod fa- cile nimis in veras febres exardescere soleant.
- 6) *Ratione indolis* sunt
- (1) *Legitimæ*, quæ consuetis anni temporibus adfligunt, & dierum interualla, tam paroxysmis quam crisi- bus de- finata, decenter obseruant ac opportune finiuntur.

- (2) *Illegitimæ* seu *anomala*, *nothæ*, quæ intuitu momento-
rum, in legitimis occurrentium, a tramite penitus de-
flectunt, & symptomata insuper insolita ac grauia sibi
iuncta habent.
- (3) *Benignæ*, quæ ordinarie viscerum læsiones post se non
relinquunt, nec ægros interimunt, vt sunt intermit-
tentes, & ex acutis resolutoria seu continentis, ca-
tarrhalis benigna &, respectu absentis contagii, etiam
inflammatoria.
- (4) *Malignæ*, quæ simul contagiosæ sunt & cito iugulant,
aut ominosam labem internis partibus adfricant, vt
sunt febris petechialis, castrensis, dysentericæ. In-
terim quædam
- a) Ex *benignis* ratione exitus merito pro malignis habe-
ri debent, vt sæpe animaduertimus in febribus in-
flammatoriis. Et contra
- b) Ex *malignis* reuera quædam eodem respectu beni-
guæ euadunt; quia multi emergunt, nec tamen vi-
scerum læsionibus corrupti sunt.
- (5) *Per malignæ*, vt pestis & sudor Anglicanus.
- (6) *Simplices*, quæ propriam & ordinarie sibi conuenien-
tem indolem vnice referunt.
- 7) *Compositæ*, in quibus complicatio est, vel
- a) Febris intermittens & continuæ, vt
- | | |
|------------|------------|
| quotidiana | } continua |
| tertiana | |
| quartana | |
- b) Febris continuæ & continentis.
- c) Febres duplicatæ, vt
- | | |
|------------|----------|
| quotidiana | } duplex |
| tertiana | |
- 8) *Ratione prægressæ medicationis* aut obseruati regiminis, aliæ
sunt
- (1) *Corruptæ*, refractariæ, quæ ex aliis, quarum decur-
sus

fus legitimus esse solet, prognascuntur, aut verius in tales degenerant, ob varios errores in medicatione aut diæta commissos.

- (2) *Non corruptæ*, quæ sub consueto schemate decurrunt ac debite finiuntur.

9) *Ratione ordinis* aliæ sunt

- (1) *Typicæ*, quæ in progressu typos suos exacte seruant & totum ambitum decente ordine explent.

- (2) *Erraticæ*, in quibus verus typus obseruari nequit; unde pariter indicare difficile est, num ad intermittentes an vero ad continuas referendæ sint.

10) *Ratione originis & grassationis* sunt

- (1) *Endemicæ*, certæ cuidam regioni propriæ, qualis febris pestilens in Aegypto; intermittentes tertianæ & quartanæ in Belgio.

- (2) *Epidemicæ*, quæ ex communi quodam siue aëris contagio, siue alimentorum vitio, certis temporibus populum corripunt.

- (3) *Sporadicæ*, quarum causa in singularibus indiuiduis quærenda; dum v.g. iracundiam febres ardentes biliosæ sequuntur: quemadmodum intensa sitis, sub impetuoso corporis motu excitata, & frigidorum potuum ingurgatione restincta, febres inflammatorias prouocare solet.

11) *Ratione tandem sperandæ restitutionis* veteres dispescere solebant febres omnes *bifariam*, nempe in

- (1) *Scheticas*, quæ sunt febres ἐν ἁπλοῇ seu dispositione existentes, quæque altas radices nondum egerunt, adeoque facilius discutiuntur.

- (2) *Hecticas*, ἐν ἐξῆς seu habitu constitutas, quæ ita iam confirmatæ sunt, vt remoueri nequitiam possint. *Vid. Galenus de meth. med. lib. VIII. cap. I.*

4. Perspectis differentiis, quas febres habent inter se, porro videndum, quomodo ab aliis rebus sibi valde adfinibus & imprimis ab actibus vitalibus conseruatoriis ordinariis curate distin-

distinguendæ sint. Vbi probe notandum, quod febriles actus extraordinarii locis, modis, organis & directione a positiue vitalibus minime differant, sed solo intensiõis gradu, qui necessario maior sit oportet, quia extraordinariæ vrgenti necessitati opponendus.

5. Is autem intensior motuum gradus conspicuus est
 - 1) In augmento circulationis sanguinis, pro secretionibus & excretionibus *maiori* copia & *breuiori* tempore perpetrandis, secundum materiæ quantitatem & qualitatem.
 - 2) In vberiore directione huius auctioris motus progressiui & tonici ad conuenientia loca.
 - 3) In sollicita harum rerum administratione, quæ intentis effectibus & reliquis proportionibus ad amussim quadrat. *Conf. Stablii diss. de febrium therapia p. 14. it. de febris pathologia in genere thesi IV.*
6. Nec minus dispiciendum erit, qua ratione febris ipsa respectu *temporis* differat. Vbi notandum, nos hic non loqui
 - 1) de tempore generatim, in quo omnia sub sole fiunt.
 - 2) neque de toto febrium ambitu, de quo iam supra actum est.
 - 3) neque de tempore ratione subiectorum aut anni tempestatum præcipuarum. Nam vtrumque momentum in *tab. de differentiis morborum* distincte explicatum est. Sed
 - 4) consideramus hic febrium, inprimis acutarum, tempus, intuitu specialis decursus seu exitus, quem secundum statuta dierum & horarum interualla obseruant, tam inualescendo, quam decrescendo; & totum illud tempus, quod quælibet febris pro speciei suæ genio, prius quam desinat, absoluere solet, dicitur *periodus*, quæ in *valde acutis* septenis imo & paucioribus diebus circumscribitur, in *acutis* vero aliis ad decimum quartum & inde ad vicesimum primum extenditur. Vbi tamen temere non præteruidendi sunt semiseptenarii, quartus præcipue & vndecimus dies. *Vid. Stablii theoria p. 926. & diss. de febris in genere historia thesi IX. p. 25.*

7. Hæc ipsa autem periodus in specialiora iterum diuiditur tempora:

- 1) Primum dicitur *initium* seu tempus inuasionis.
- 2) Alterum: *incrementum*, in quo febris sensim augetur, vt non modo æger, sed etiam adstantes id obseruare possint. Ista duo tempora in acutis includuntur septenario primo; in aliquibus tamen die quarto exitus salutare ostendi nouimus, qui die demum septimo absoluuntur.
- 3) Tertium tempus dicitur *status*, seu æqualis incrementi progressus, cuius vltimus gradus *ακμή* vocatur, & describitur secundo septenario aut dimidia huius parte.
- 4) Quartum vocatur *declinatio*, in qua febrilis labor sensim decrescit, & vires successiue restaurari incipiunt, quod in tertium septenarium incidit; licet non desint, quæ ad septenarium vsque quartum vel quintum protrahantur. Hæc febris declinatio contingit vel

(1) Per *κρίσις*, seu cito & quasi simultaneo actiuitatis curriculo; id quod sæpe in acutis contingit. Vocatur autem

a) *Crisis exquisita* illa, quæ per *ἐκκρίσις* copiosam eamque simultaneam conspicua est.

b) *Crisis minus exquisita*, quæ sine *ἐκκρίσει* quidem sed cum sensibili tamen mutatione in melius fieri solet, succedentibus aliis excretionibus debitis, sincere & constanter administratis, licet minime simultaneis.

(2) Per *λύσις* seu successiuam totius impetus dissolutionem, quæ in intermittentibus maxime locum habet. *Conferatur semeiologia de crisis.*

8. His itaque prælibatis vltius progredimur, visuri, quænam in febribus porro obseruanda veniant ratione earum *successus* & specialium momentorum, quæ itidem relationem habent ad tempus. Vbi se offert

- 1) *Typus* febris seu complexus motuum, qui febris speciem, indolem & progressum indicant. Hic typus duplici modo se manifestat, vel

- (1) per indefinentem motuum febrilium continuationem,
- (2) per respirandi & requiescendi alternationes, sub quibus contingere solet aliqualis motuum
 - a) vel *remissio* seu sepositio, vt in continuis,
 - b) vel *intermissio* temporaria, vt in intermittentibus.
- 2) *Paroxysmus*, qui licet multum cognationis habeat cum *typo*: respectu tamen excretionum, quas in illo respiciamus, ab hoc distinguendus. Est autem paroxysmus febrilis impetus repetitio seu nouus adparatus motuum totius massæ sanguineæ, qui eo fine readsumitur, vt materiæ febrilis portio quædam secreta per conuenientem excretionem eliminetur. Hinc in quouis paroxysmo tria obseruanda sunt:
 - (1) Duratio
 - (2) Remissio & sub hac succedens
 - (3) Excretio, & huius iterum conueniens duratio seu excernendi modus, qui esse solet
 - a) vel *simultaneus*,
 - b) vel *successiuus*, in quo porro consideranda sufficiens promotio, quæ patratur
 - a) per *leuem halituosam* excretionem materiæ seu miasmatis febrilis, quod ob sui subtilitatem aliis crassioribus excernendi modis plane non idoneum est.
 - β) per *diuresin*, in omni febre vtilem & necessariam, de qua *vid. infra obs. 18.*
 - γ) per *aluum*, quæ licet nulli feбри directe & essentialiter propria sit: tertianæ tamen in subiectis consistentis ætatis & petechizantibus magis, quam aliis frequens est. *Conf. Stahliani diss. de tertiana febris genium vniuersum manifestante p. 17.*
 - δ) per *emesis*, quæ tertianæ legitimæ ferme propria est; sed nulli alii feбри directe utilis, nedum necessaria. Vnde raræ admodum sunt *critici vomitus* & *critice diarrhææ*.

ε) per

- ε) per *hæmorrhagiam*, quæ passim in variis febribus euenire solet; de qua tamen notandum, quod, si extra synocham contigant, magis indiuiduorum, quam speciei febris habenda sit ratio. Synochæ autem simplici, hæmorrhagica excretio velut essentialis existit, & quidem cum salutari successu, qui in aliis febribus sæpe deest.
- ζ) per *exanthemata* cutanea, determinatis & criticis temporibus erumpentia.

III. SIGNA

1. Signa generalia hic solum tradituri sumus: quia partim pathologiæ generalis scopo ita congruit, partim quia specialia & cuius febris propria in *Conspectu nost. med.* singularibus tabulis ea iam exhibuimus.
2. *Essentiale* signum constituunt motus sanguinis progressiui sensibiles alterationes, quæ in omni febre præsto sunt. Respectu
 - 1) *motus efflui* seu pulsorii tamquam signum in febribus vere pathognomicum & tactu facile explorandum, occurrit pulsus *celer & frequens*, quorum realis distinctio videatur in *Semeiologia*.
 - 2) *motus refluui* seu *tonici*, variæ intensiones & relaxationes obseruantur, quæ iterum certa signa suppeditant *num. seq.* sigillatim enarranda.
3. *Accidentalialia* signa habentur, quæ non tam ad motus febri-les absolute quid conferunt, sed potius consuetudine cum illis cohærent. Hinc obseruatur
 - 1) *Ratione citatioris motus progressiui*
 - (1) *calor*, naturali multo intensior.
 - (2) *Inflatio vasorum* valde conspicua; vnde
 - (3) *Color floridus & rubicundus*.
 - (4) *Sitis* in his magis auctior, in aliis remissior.
 - (5) *Dolor* pulsatilis.

- 2) *Ratione motus tonici*, per vicissitudines valde alterati,
 - (1) *Vasorum subsidencia*,
 - (2) *Color pallidus*,
 - (3) *Peripheriæ constrictio*, &, quamdiu hæc obtinet,
 - (4) *Frigus & extenuatio*,
 - (5) *Oppletiva angustatio interna*
 - (6) *Respiratio anxiosa & suspiriosa*. Remisso autem tono
 - (7) *Habitus externi sequitur inflatio*, vt iterum turgidus & color exandescens adpareat, nec *respiratio* tam difficilis sit.
- 3) *Ratione effectuum*, hæc motuum alterationes subsequen-
tium, notandum: quod vna aut altera illarum excretio-
num, quas supra *sub different. num. 8.* recensuimus, pla-
cide tandem prorumpat & ordinarie quidem
 - (1) *lenis diapnoë*, interdum & larga diaphoresis. Item
 - (2) *vrinæ coctæ* sufficiens emissio, secundum colorem & consistentiam a sana differentis.
- 4) *Ratione rerum non naturalium*
 - (1) *adpetitus* prostratus, immo nauseabunda auersio & absti-
nentia a cibis obtinet. Potus vero ob gustus depraua-
tionem raro sapit. Vnde vaga eius electio & frequens
electi repudiatio.
 - (2) *somnus* nocturnus paucus, interruptus & ferme nullus
est, qui vero interdiu obrepit, brevis est.
 - (3) *Impotentia* adest ad motum voluntarium & quasuis fun-
ctiones animales, ob vires iam non externo sed inter-
no negotio adplicandas adeoque certo respectu defi-
cientes.
 - (4) *quietis loco sensus* potius dolorificus affligit. Es ist
alles wie zer schlagen am Leibe, und haben auch vom Ru-
hen keine Erquickung.
 - (5) *animus impatiens* est, & ob summam sensibilitatem &
solicitudinem facile irritabilis & morosus.
 - (6) *Sensus* tandem externi extraordinarie vigent & solito
acutius percipiunt. Vnde promptissime lædi aut saltem
grauari possunt.

IV. SVBIECTA.

1. Subiecta febrium generatim sunt *homines* : hi enim soli non tantum facile, sed varie etiam, pro febrilis materiæ conditione diuersa, diuersis febrium speciebus corripiuntur.
2. Quæ enim in contrarium v.g.
 - 1) de *canibus*, media æstate, aut tempore hiberno in calido conclauis horrido tremore concussis, a cibo abstinentibus & languore correptis, adferri possent; ea ita compatata sunt, vt
 - (1) neque sufficientem similitudinem paroxysmi febrilis ostendant, neque
 - (2) pluribus diebus noua repetitione typica continuentur; vt adeo nihil solidi contra adlatam adsertionem inferri queat. Eodem modo se etiam habet cum altera obiectione, quam
 - 2) ab *equis* desumunt, quos subinde morbus cum horrido per vniuersum corpus tremore inuadit, vt reuera frigeant. Sed hoc quoque malum equinum a vera febre differt
 - (1) *respectu continuationis*, in qua horror & frigus vniformiter durat & desinit, vti primum cepit.
 - (2) *respectu exitus*. Vbi enim hocce malum, quod veterinarii *den Fiebel* vocant, præualefcit, equos temulente procumbentes & apoplecticis similiores intra nycthemeron occidit. Igitur hæc singula thesin de febrium subiecto, in humano genere solum quærendo, minime infringunt.
3. Interim non perfunctorie considerandam iniungit *Stahlius* hanc ipsam febrium conditionem, secundum quam in subiecta humana vnice cadant: immo curatius pensitanti clarum erit, quod ferme ita euenire oporteat. Nam
 - 1) *actus secretorii & excretorii*, noxiæ febrili materiæ eiciendæ *destinati* &
 - 2) sub vario schemate febris continentis, continuæ, intermittentis, *suscepti*;

- 3) cum respectiua proportionione tam
 - (1) materiæ ad vias, quam
 - (2) efficaciz illarum ad præceptum periculum vitæ inducendum, *administrati*, necessario postulant & firmiter supponunt *energiam* tam rerum, quam actionum, *æstimantem*; & hanc in hominibus longe eminentius, quam in animalibus, quæ vulgo bruta dicuntur, animaduertimus. Vnde
- 4) Hominem specie plures & numero etiam frequentiores febres corripunt in vtroque sexu; licet nobiliorem facilius, quam ignobiliorem, infestari, experientia edoceamur.
4. Quod ad *ætates* attinet, certum est: adolescentes & iuvenes promptius in febres incidere, quam prouectiores.
5. Ratione autem *temperamenti* longe prouectiores existunt ad concitandos motus febriles *Sanguinei*, *Cholerici*, & quibus ex his mixtum temperamentum est, præ melancholicis & phlegmaticis.
6. Vti enim in illis in statu sano vitales motus ad eiiciendam corruptelam ordinariam, quotidie subnatam, promotores obseruantur: ita in statu præternaturali, vbi rebus vniuersis, humoribus nimirum, organis, viis & intentione ad promptitudinem motuum excretoriorum satis expeditis, extraordinaria insuper sensibilitas seu intensior actiuitas, vigilantia & scrupulosa æstimatio accesserit; ibi facile febriles motus suscipi possunt, & indoli materiæ proportionati, satis frequenter solent.
7. *Melancholici* contra pensitabundi, perpetuo solliciti, & de euentu rerum paulo difficiliorum male sperantes, nihilque facile audentes, a febribus vtplurimum immunes viuunt, sed aliis pathematibus diuturnis & semiotiosis magis subiiciuntur.
8. *Phlegmatici* pariter segniores, tædiofi ac somnolenti a vegetioribus motuum febrilium contentionibus abhorrent, variisque morborum serosorum generibus languidioris successus promptius vexantur, & non raro succumbunt.

9. Ita etiam ad febres valde proclives sunt homines, ad *iram præcipientes*, & in irascendi adfuetudine velut obfirmati; licet cholerico temperamento haud fuerint. Nam probe notandum:

1) aliud esse dispositione materiali & corporis structura aptum & procliuem existere ad motus extraordinarios, &

2) aliud, animi habitum, corporeæ illi dispositioni accommodatum, & repetitis actibus adfuefactum habere, vi cuius, actiones *morales* eadem promptitudine exiguntur, qualem in *vitalibus* exercere homo alias iam consuevit. Ex quibus palam fit atque per experientiam confirmatum est, quod plures cholicorum minus sint iracundi, aut ad vitium usque præcipientes; cum contra *melancholica* & *sanguinea* vtriusque sexus subiecta offendantur, quæ vno die sæpius ira excandescant, & in hoc adfectu multos cholicos longe post se relinquant; quare & illa febribus facile corripitur nihil paradoxon.

10. Porro homines manifesto plethorici, habitu athletico, lubrico &, vt *Hippocrates sect. I. aph. III.* declarat, non diu durabili præditi. Nam hi facilius infestantur & sub febris successu diutius ac vehementius æstu in paroxysmis adficiuntur. *Conf. Stablii diss. de historia feb. p. 12. & Galenus de diff. febr. lib. I. cap. III. f. m. 30.* diserte scripsit: *nihil mirum, si ex plethoris febres eueniant.*

11. His proxime tandem iunguntur, in quibus consuetæ sanguinis excretiones naturales imminutæ, suppressæ, aut artificiales neglectæ sunt. Humorū siquidem coaceruatio & subsequens status plethoricus sæpius requirit notabilem sanguinis subtractionem & colliquationem. Vnde febres resolutoriæ, *Schmelz Fieber bey vollblütigen Personen.*

V. CAUSSAE.

1. Causa materialis

1) *Generalis* in non paucis febribus omnino plethora est, præcipue commota. Dantur autem etiam plures febres, quæ a vitio qualitatis dependent.

2) *Spe-*

2) *Specialis*, seu res illa corporea, *propter* quam motus febriles, tamquam medicina noxæ opponenda, suscipiuntur, est materia, quæ tam sanguinis, quam reliqui corporis mixtionem, penitissima, fermentatiua, putredinosa corruptione euertere potest. Quod adsertum clarius euadet, si per præcipua febrium genera eundo eius veritatem speciali deductione monstrauerimus. Ita

(1) *in febribus pestilentibus* subtilem eiusmodi materiam, in forma tenuissimi vaporis vagantem, subesse & corporibus se insinuare, experientia abunde docuit. Quod vero indolem habeat tam ad subeundam, quam concitandam putredinem, id a *posteriori* seu ab effectu cognoscitur. Nam

a) *In viuis*, si corruptela pestilens intimius penetrat & arctius in partibus, præcipue musculosis, impacta detinetur, *anthracem* format seu tumorem, qui repente in *gangrenam* & mox in præcipitem *sphacelum* degenerat, qui ipse summe agilis ac fermentescens putredo est.

b) *In mortuis*, ab efficacia materiæ pestiferæ victis, cadauera præcipiti putredine ita corrumpit, vt pleraque ipsorum ne quidem rigorem illum subeant, qui alias mortem ordinarie subsequitur. Hinc spumida inflatio & in quibusdam floridus genarum rubor, qui harum rerum ignaris magnam admirationem adfert.

(2) *In contagiosis febribus* materia peccans gradu actiuitatis mitior quidem apprehenditur; sed quia subiecta eiusmodi contagio enecata celerrime computrescunt, energiam æque putredinosa-fermentatiuam satis demonstrant.

(3) *In variolis* summe quidem maligna non est illa materia, sed gradu omnino differt. Interim tamen putredini proximam esse, vel inde constat, quod talis corruptela, quæ suppurationibus fomitem præbet, & sollicita naturæ machinatione in pus conuertitur, sibi relicta, directe

directe in sphacelum ruat, neque inter suppurationem & mortem tertium aliquod medium detur.

- (4) In *febris sanguineis* putredo quidem corruptionem minitans præsens non est, sanguis tamen *ante* aut *proxime* valde commotus, adeoque ad subeundas altiores irruptiones, stases, inflammationes & putredinem admodum habilis, solo hoc respectu, causa materialis fit, *propter* quam febris præoccupandi & subtrahendi scopo suscipitur ante, quam periculum inualescat, & sanguis putrefactiuam energiam concipiat, quæ difficiliter longe & ancipiti prorsus conamine expugnatur.
- (5) In *febris inflammatoriis*, quæ ratione tragici euentus pestilentibus vix cedunt, vti e viscerum nobiliorum & partium externarum profundius vulneratarum inflammationibus euinci potest, materia itidem causam *proximam* putredinosæ corruptionis constituit: vti pridem demonstrauit *Stablius in diss. de inflammationis vera pathologia*. Quod ipsum etiam notandum de *febris biliosis, petechialibus, dysentericis*, & quæ familiari illo symptomate, aphthis nimirum & prunella, stipatæ sunt; quarum indoles inflammatoria gangrænodos procliuatatem in celerem putredinem satis superque prodit.
- (6) In *hecticis & lentis* recte ab auctoribus accusatur
- a) vel *ulceratio* actu existens in viscere aliquo nobili & vberiori sanguinis accessui patente.
 - b) vel *scirrhusa* constitutio, quæ in veram ulcerationem indies magis propendet & putredinosæ corruptionis periculo vtique obnoxia est, quam quidem natura inflammatorio actu aliquamdiu oppugnat, vbi autem a magnitudine læsionis vincitur, tandem morte laboribus finem imponit.
- (7) In *intermittentibus*, vbi in primis viis seu ventriculo & intestinis, aut vero in hepate, liene, pancreate aliisque glandulis materia febrilis hæret, alia primo intuitu videri posset causa, quam putredinosa eiusmodi corruptela. Verum enim vero, illa ipsa materia, in dictis

locis hærens, ad similem corruptionem dispositionem habet longe certissimam. Et quod amplius est, in hisce febribus nouum semper talis materiæ subnascitur augmentum sub paroxysmo frigoris, in quo diurna sanguinis ad loca adfecta coaceruatio & circa vasa interiora magis capacia restagnatio obtinet. Vnde spissitudo, penitior impactio, metuenda stasis & proxime euentura corruptio; cui præoccupandæ & auertendæ vniuersus motuum adparatus destinatus est.

2. *Causa formalis*

1) *generatim* est motus sanguinis progressiuus solito auctior, pro motibus secretoriis & excretoriis breuiori tempore & maiori copia perpetrandis, prout nimirum materiæ quantitas & qualitas id requisierint.

2) *speciatim*

(1) *varie directiones tonicae* versus loca adfecta & colatoria.

(2) *utrorumque* conueniens & efficax *proportio* ad prosequendas operosiores & extraordinarias, successiuas tamen, secretiones & excretiones salino-sulphureorum apospasmatum, ad lubeundam fermentationem & concitandam veram corruptionem putredinosam idoneorum.

3. *Causa efficiens*

1) Secundum placita *veterum* habetur

(1) *Calidum & amarum*, calidum & acutum, aut falsum & calidum aliaque innumera; immo & frigidum aliis facultatibus iunctum. *Conf. Hippocrates de med. prisc. sect. I. f. m. 16.*

(2) *Humorum abundantia*; si v. g. humor alius alio fuerit copiosior, tum febrem homini suboriri adferit idem *fenex Cous lib. IV. de morbis sect. V. f. 64.*

(3) *Bilis*, de qua idem diserte docuit, quod febrium continentium, quotidianæ, tertianæ & quartanæ causa sit. *Vid. eisd. liber de natura hominis sect. III. f. 10.* Cui pleno consensu adplaudit *Laur. Ioubertus in Decad. II. paradox.*

radox. III. f. 97. qui omnium febrium causſam efficien-
tem bilem conſtituit.

(+) *Affectis Galeni* veteribus quintuplex cauſſa efficiens
placuit; nimirum

a) *additamentum materiæ*, ad concitandam febrim aptæ,
v. g. ingeſtio ſpirituoforum, aromaticorum calido-
rumque potuum.

b) *Motus nimius*, vel

α) a cauſſis internis ſuſcitatus, veluti accidere ſolet
in adfectum vehementia; vel

β) per impetuoſum corporis exercitium productus.

c) *Adſtriſio*, quam per glutinoſitatis arefactionem &
hinc euenientem vaſorum ac meatuum corrugatio-
nem explicant; quibus ita conſtriſtis, humores in
interioribus magis coaceruati, febrem incendere per-
hibentur.

d) *Putredo*.

e) *Calor* ab extra corpus adſtigens & febres prouocans.
Conf. Galenus de præſagio experientia confirmato f. m. 75.
quæ diſtinctius explicata legas in eius *lib. de cauſſ.*
morb. cap. II. f. m. 6. Et iſthoc placitum pluribus ſu-
prioris ſæculi doctoribus adeo placuit, vt de alia
cauſſa ne cogitauerint quidem. *Vid. Greg. Horſtii opp.*
tom. III. exercit. I. de feb. quæſt. VIII. Semmertus de fe-
br. lib. I. cap. II. Paul. de Sorbait Iſag. præſ. f. m. 496.
qui prolixa commentatione hanc iplam opinionem
exornare ſtudit.

2) *Secundum placita recentiorum*

(1) *Fermentum* quoddam febrile ſupponitur; cuius tamen
futilitatem paulo poſt monſtrabimus.

(2) *Circulatio ſanguinis*, in capillaribus vaſis hinc inde im-
pedita, ab aliis adfertur, qui, poſthabito aliorum fer-
mento, rem acu tetigiffe autumant. Quodſi autem
quæras: quænam illæ cauſſæ ſint, quæ circulum ita im-
peditum reddant? accusari audias vel

- a) *vitium feri sanguinei*, acorem, crassitiem & visciditatem adepti; vel
 - b) *vitium pororum cutis* ac vasculorum capillarium a frigore externi aëris aut ab aqua frigida constrictorum; vel
 - c) *vitium humorum adeo corrosiuorum*, vt sanguini nimiam fluiditatem & malignam dissolutionem concilient.
- (3) Qui *Cartesianis* opinionibus delectantur, ii rem *augustinæ* expediuisse existimant, dum febrem, ceu præternaturalem calorem, a violenta & celerrima ætheris per poros sanguinis traiectione prouenire putant; quemadmodum circulus & naturalis calor ab intestino motu particularum elasticarum sanguinis & spirituum animalium dependere iudicant. Sed falsitatem huius opinionis ex iisdem principiis bene demonstrauit *El. Camerarius in syst. cautelar. p. 205. 209.* Vt cumulum principii petitionum disiicere iam non adgrediamur.
- (4) Hinc *recentissimi æui* auctoribus in aliam ire sententiam visum est: ita quidem, vt *causam efficientem* febris omniumque phænomenon statuerent velociorem cordis contractionem, quæ a reciproco & velociore liquidi neruei ac cerebellofi in musculos & caua cordis influxu producatur. Causam vero velocioris influxus deriuant ex rerum non-naturalium abusu. Quare hoc suppositum ab adserto *Galenii* parum aut nihil differt. *Conf. Bærhaave aphorif. de cognosc. & cur. morb. §. 570-586. C. L. Wucherer discurs. de statu Corp. hum. præternat.*
- (5) Et hac via incedunt alii quoque doctores acroamatici, qui causas materiales faciunt motuum efficientes, & ab illarum actiuitate neruolarum partium systema ad spasmos irritari & ad intensiorem contractionem sollicitari statuunt. Vnde febrem tamquam spasmodicam vniuersi systematis neruosi & vasculosi adfectionem considerant, cum qua omnium functionum læsio coniuncta sit.

(6) Sed

(6) Sed missis his opinionibus, quæ ne veri quidem similitudinem habent, ex vero pronunciamus, quod, vti causâ efficiens omnium motuum, secundum naturam fientium, natura humana est, seu anima rationalis: ita præternaturales eidem, tamquam causâ principalî, corporis sui organici conseruationi intentæ, iure tribuuntur. *Conf. quæ in physiolog. de motore corp. prolixè iam differuimus. Vid. § infra ætiologia paroxysmi.*

4. *Causâ finalis*

est materiæ febrilis, quæ partibus vitalibus tam fluidis, quam solidis, intimiorem corruptionem inferre posset, eiusque energiæ ante, quam in effectum transeat, proportionata præ-occupatio & expulsio, vt corporis & vitæ conseruatio obtineatur.

5. *Causæ occasionales.*

- 1) *Aër* impurus, putridis ac variis miasmaticis exhalationibus inquinatus; qualis esse solet tempore æstiuo circa lacus, paludes & loca cadaueribus, post prælia non satis profunde defossis, repleta.
- 2) *Aëstus* nimius, cuius pestiferum affectum olim expertæ sunt *Athenæ*, vbi horrendam stragem edidit pestis, immodicum calorem insecuta, testibus *Thucydide* & *Galeno*, cuius *vid. lib. I. de diff. febr. cap. IV.*
- 3) *Refrigerationes* crebræ & vniuersales, in primis post vehementiorem corporis motum.
- 4) *Cibus* promptæ putredini obnoxius, dyspeptus, aut qui sanguinem motu intestino acrius exagitat.
- 5) *Potus* spirituosus, largiter adsumtus, & ad temulentiam vsque ingurgitatus.
- 6) *Vigiliæ* frequentes, præcipue minus adfuetæ.
- 7) *Motus* corporis impetu exorbitans, quem sanguinis intensior æstus & organica expansio excipit.
- 8) *Vita otiosa*, qua variæ impuritates facile coaceruantur ac retinentur, donec tandem, periculum minitantes, per

febrem, tamquam per actum purgatorium, e corpore proscribantur.

- 9) *Animi pathemata* e.g. ira, terror, tristitia; quorum maior longe vis est in febribus concitandis, quam vulgo creditur.
 - 10) *Consuetudo* & indiuidualis procliuitas ad motus extraordinarios promte suscipiendos & continuandos.
 - 11) *Excernenda* præter naturam retenta, de quibus num. 8) diximus.
 - 12) *Contagium* & cum infectis iugis conuersatio.
 - 13) De his autem omnibus ac aliis procatareticis causis monuit iam *Galenus loc. num. 2) cit.* quod sine prædisposita aptitudine subiecti agere & veram febrem excitare non valeant.
6. *Aetiologia effectuum* seu, vt vulgo audiunt, *symptomatum*, quæ inseparabili potius nexu cum febre cohærent, quam vt aliquid ad illam conferant, opportune subiungitur causis, vt eo distinctius pateat, quæ symptomata passiuæ materiæ febrili, & contra, quæ soli vitali principio, ad certum finem agenti, adscribenda sint. Præter celerem itaque pulsum & secretiones ac excretiones auctiores præcipuum accidens est,
- 1) *calor*, qui sensibus externis obuius existit, & a nulla febre abesse potest; quia in omni febre, legitime decurrente, certæ ecrrises sequi debent, quæ sine auctiore motu, adeoque & sine calore numquam expectandæ sunt. Neutiquam ergo imaginarium accidens est, veluti *Bontekoe* aliis persuadere voluit; cum non æger solum, sed quiuis eum attingens, nullo negotio auctum calorem percipiat. Verum præterea est, quod febriens eum longe sentiat intensiorem, quam physico gradu existit, ob maiorem sensationis actiuitatem, tempore febris valde manifestam, Itaque de febrili calore notamus: quod
 - (1) *caussa eius non sit aliqua materia primi vel secundi elementi ad Cartesii mentem; multo minus Peripateticorum elementum ignis, vel Willisii spiritus lucidi, aut, secundum*

dum recentiores, *ætheris tenuissima species*. Hæc enim omnia ad excitandum calorem plus non valent, quam chemicorum figmentum de *sulphuris* in sanguine *figura ramosa*, quam in subsidium aduocarunt *Beckius*, le *Mort* horumque affectæ, quibus omnibus sua placita relinquuntur.

(2) *Verior autem conceptus de calore is est:*

a) *Subiectum caloris* est sanguis, stricte dictus, qui postquam semel incaluit, etiam reliquas partes calefacit & varios dolores distendentes ac æstuentes post se trahit.

b) *forma caloris*: tenerrimi ac citatissimi *motus intestini* species, quo illius particulæ iuxta & inter se inuicem crebro celeriterque agitantur. Is vero *intestinalis* motus porro concitatur

α) *generatim* a motu *progressiuo* & per subtiles poros angustosque meatus sanguinem propellente.

β) *speciatim* a sanguinis allisu & attritu ad solidos parietes, fibras nimirum, quæ pororum ac meatuum sunt intersepimenta.

2) *Frigus*, quod in pluribus contingit, plerumque derivatur

(1) a *sanguinis serosa vapidaque dispositione*; quia vero ista non semper ita occurrit; hinc a *sanguinis* quoque æstu, sub stasi eiusque tardiore motu, qui frigus *primatiue* peripheriæ imprimat, dependere illud credunt. Et ex hoc supposito porro docent: frigus, corporis ambitum occupans, non provenire ab extremorum vasculorum constrictione & sanguinis ex iisdem expressione & ulteriori retrocessione, sed ab interiorum partium grauiore labore & turbati sanguinis spissioris confusione; vnde spasmus interius excitati ad cutis quoque ambitum diffundantur & frigus inducant.

(2) Sed ab humorum a peripheria ad interiora *repressionem* frigus oriri, fufius demonstrauius in *physiol. tab. de motu*

motu tonico. Qui actus, cum sine manifesta partium constrictione & vaforum inanitione fieri nequeat: tum facilius erit *palloris*, *sensus oppletui* & angustantis, *segnioreque circulationis* explicatio. Hæc autem sub frigore eo certius eueniunt in illis casibus, in quibus vel

- a) fomes totius febris circa interiora hæret & copiosam adfusionem humorum postulat, pro iuuanda secretionem & excretionem; vel ubi
- b) excretio peripherica impedita aliam excretionis speciem necessario requirit.

3) *Inadpetentia ciborum* non contingit passivè a causâ nuda physica, sed considerationem moralem & principii agentis respectum finalem inuoluit. Nam

- (1) febris motibus absolvitur colliquatoriis & purgatoriis; ideo tempore necessariæ exonerationis *multum ingerere* & primas vias amplius onerare, non modo absolum, sed naturæ intentioni e diametro esset contrarium.
- (2) Deinde *alienum* plane foret, quantitatem sanguinis v. g. in synochis, nouo indies prouentu augere. Neque
- (3) *fieri posset*, vt sub tanta motuum concitatione sanguis nouus tranquille satis perficeretur. Immo
- (4) *temerarium* tandem videretur, eo tempore, quo putredinosæ corruptionis semina præsto sunt, & magna naturæ contentione subiguntur, tales materias suppeditare, quæ proxima dispositione ad putredinem aptæ sunt: cuius modi chylus est, quem fercula, ex animalibus parata, subministrant. *Conf. Stablii de abstinentiæ & nausea carniû in morbis præcipue acutis.*

4) *Sitis* quoque non est symptoma passivum aut fortuitum, sed *actiuum* & rationale, non quidem, vt ignis in corde accensus exstinguatur, sed vt

- (1) humores diluantur.
- (2) viæ partium humectentur.
- (3) motus progressiuus generatim expeditior fiat, speciatim vero

(4) se-

- (4) *secretiones & excretiones promoueantur & facilius absoluantur.* Patet ergo ratio, cur in paroxysmo frigoris subiecta quædam potui tantopere inhient, curque contra in continuis febribus nonnulli æari rarius bibant; vbi enim parciior humiditatum est dissipatio, ibi languidior bibendi adpetitus, & in vicem versam.
- 5) Sic quoque *vigilie* non oriuntur a copiosiore spirituum animalium influxu in organa sensoria, vti prolixè in *Hygieine nostra* demonstrauius; sed ab extraordinaria *actiuitate*, quam in negotio extraordinario, intente dirigendo, ac circumspècte prosequendo, natura exserit, & agere ita debet, quia
- (1) *incertitudo euentus* sæpius subest, propter res accidentales
- (2) *sollicitudo*, diffidentia, immo suspicio externarum læsionum & interuersionum, quæ forte obtingere possent, somnum excutiunt omnemque securitatem procul esse iubent. Hinc somnus vel nullus, vel paucus, vel sæpe interruptus.
- 6) *Impotentia* ad motus voluntarios iuste ac rationaliter concurrat in febribus. Nam
- (1) in acutis præcipue vita non raro valde periclitatur: hinc *αλλοτρεια* & quæ ad morbum felicius tollendum nihil conferunt, vti fere fit sub motibus voluntariis, suscipere, *αλογον* omnino videtur.
- (2) deinde agitatio corporis blandas secretiones haud mediocriter impedit; quemadmodum sedendo, ob vasa iliaca & cruralia compressa, ex ratione physico hydraulica plus sanguinis ad caput regurgitare solet. Præter ea
- (3) rationi conforme est, tanto plus energię motuum animalium decedere, quanto intensius actibus vitalibus iam operari natura debet.
- 7) *sensibilitas* autem seu sensuum externorum exquisita actiuitas tunc manifestior est. Longe enim exactius *sentiunt*

subiecta durante febre, quam alias; *auditus* est solito acutior; *olfactus* subtilior; & *visus* promte nimis a luminis radiis læditur; *solus gustus* deprauatus est, de qua re in *Semeiologia* plura dicemus.

- 8) *paroxysmi* tandem eorumque statim reditus causæ adhuc explicandæ sunt, ita tamen ut potiora quædam aliorum placita iterum præmittamus. Opinabantur nimirum Medici

(1) *antiquiores* paroxysmorum reuersionem deriuandam esse ab iterato flammulæ vitalis in corde factò incendio, & scintillarum per sanguinis latifundium oberrantium inflammatione.

(2) *recentiores* in duas potissimum abeunt sententias, quarum prior statuit,

a) *fermentationem* materiæ febrilis periodice ita fieri secundum commensurata tempora, quoties nimirum tanta eius in interioribus de nouo collecta sit, quanta ad alterandam circulationem sanguinis & concitandum paroxysmum suffecerit. Sed isthæc intellectui & explicatu sunt difficillima. Nam

a) *Fermentum* & *materia fermentationis* omni verisimilitudine destituta & a nullo umquam demonstrata, sed nude supposita sunt; quare plerosque etiam recentissimi æui Medicos eorum pudet, ut nec refutatione digna illa censeant.

b) Ipsa hæc fermentatio, putredini veterum surrogata, ab hac re vera non aliter differt, nisi ut genus a specie. Quod si vero fermenti defensores aliam fermentationem intelligerent, quam putredinosam: tunc in corpore animali illam non inuenirent.

γ) Inextricabilis occurrit difficultas, qua ratione per interuallum, duobus paroxysmis interiectum, præcise tantum materiæ, non plus nec minus, colligatur, quantum suscitando nouo paroxysmo satis sit.

fit. Maxime autem omnium hanc premit sententiam, quod materia illa conscia esse non possit temporis & horæ, quibus iterata exacerbatio contingere solet.

δ) Porro infringit hanc opinionem experientia, qua teste, paroxysmi æqualiter reuerti obseruantur in subiectis infantilis & puerilis ætatis, æque ac in senibus; cum tamen longe parcior quantitas talis materiæ in paruis illis corporibus supponenda esset, quæ in adulto paroxysmum excitare neutiquam ex hypothesi valeret.

ε) Præterea si vel maxime certæ materiæ, de nouo in corpore renatæ, paroxysmi repetitionem tribuere vellemus, expediendum prius & scientificè demonstrandum esset: quantum materiæ accurate ad paroxysmum requiratur. Vtrum v.g. paucior eius copia leuiiores & breuiiores non possit efficere paroxysmos? Cur leuiiores paroxysmi nihilo secius paria reditus tempora obseruent? Qui fiat, vt materia, secundum sanum iudicium præcticum, per diaphoresin, diuresin & catharsin penitus sublata, paroxysmi sæpe ex nuda consuetudinis pertinacia continuent? Quid materiæ tum accadat, quando v.g. paroxysmus casu supprimitur, ita vt amplius non redeat; quod in subito terrore, insperato gaudio, acerbâ tristitia & aliis fortuitis occasionibus, v.g. incendii rumore, hostili inuasionē, nuncio de amicorum obitu, inopinata capituitate, verberibus & aliis paroxysmum sedantibus moralibus ac politicis causis, diu obseruatum est. Denique cur, si in somni tempus inciderit, impetus longe sit tolerabilior & duratio breuior, quam extra illud tempus? & cur sub his circumstantiis sæpe prorsus emanat?

ζ) Minime omnium per hanc hypothesin explicari potest, quid efficaciam subito addat materiæ, vt paroxysmus *maturius* excitetur, quando intempestiue carnes adsumserint febrientes, vel ferculorum nidore,

sibi tunc temporis valde nauseoso, capti sint, vel ex nudo ciborum adspectu aut sola eorum mentione, febris promte recurat.

- 7) Porro quid sibi velit paroxysmus, sponte post annum recrudescens & eodem die, hora eadem, qua ante annum inuaserat, sine manifesta causa, corripiens?
- 8) Tandem quis curate definiret materię fermentescentis indolem & energiam, quod in *continuis* exacerbatio circa *vesperam*, in *intermittentibus* autem vel quotidie *semel* aut *bis*, vel post vnum nychthemeron *semel* aut *bis*, post duo nychthemera *semel* & tardius v.g. in quintanis, octanis contingat. Quę enim *Car. Musitanus* in *pyretologia* sua seu nouo *systemate de febribus* cap. XX. attulit, ita sane comparata sunt, vt valde incongrua sint, & principii petitione perpetuo laborent. Potius conferendus est *Staklius* in *theoria* p. 938. f. & *diff. de tertiana*, *febris* *genium* *uniuersum* *manifestante* cap. V.
- b) Alii contra *obstructioni*, seu *sanguini* confuso, spisso & per tenuissima vascula ferri minus apto, tribuunt totum paroxysmi negotium, adfirmantes, quod ob illius crassitiem circulatio euadat laboriosior & ab irritatione, cordis pulsatio celerior ac frequentior. In primis autem volunt, pulsus celeritatem non testari de celeri sanguinis motu, sed de onere potius & obice opposito. Unde & paroxysmum tum solui credunt, cum circuli inæqualitas ad æquabilitatem redierit, apertis vasculis antea obstructis.
- c) Verum eadem difficultates nouum hoc placitum premunt, quę fermentationis futilitatem.
 - a) Quis enim demonstrauerit sanguinem v.g. in tertiana pro paroxysmorum numero, quater, septies, duodecies aut pluries inspissatum ac iterum resolutum fuisse.
 - ß) Et quę tum vera esset causa toties repetitę inspissationis?

- γ) Quæ causâ statim secundum horologia reditus?
- δ) Quæ tandem vascula illa, a spisso sanguine ante paroxysmum obstrueta, post illum aperta? Num arteriosa, an venosa? *Conf. tab. de hæmorrhagiis nat.*
- ε) Cuius denique sit indolis, consistentiæ, quantitatis, illa *materia obstruens*, quæ in quotidiana duplici vno die b's vascula obstruat, in tertiana vero simplici post vnum nycthemeron semel id faciat?
- d) Nos itaque causâ paroxysmi adserimus illam ipsam esse, quam efficientem februm supra iam diximus, scilicet immaterialem, sapientem & ad certum finem operantem; quia
- α) *motus* ipsi febriles, qui propter materiam, parti vitali corruptionem minantem, suscipiuntur, iustam æstimationem tam partium & actionum, quam periculationum, euentuum & intentionum, pericula auertendi, supponunt, quæ de materia prædicari nequeunt.
- β) *Intentionis* autem exsecutio requirit porro, vt materia noxia mobilis & secretioni apta reddatur, ad convenientia loca & colatoria propellatur, actu secernatur & debito modo excernatur. Quæ momenta iterum causâ longe nobiliorem, quam materialem arguunt.
- γ) *Alterationes paroxysmi* & interuersiones, ab animi pathematibus inductæ, pariter hanc thesin confirmant, vt paulo ante iam monuimus.
- δ) Cum vero in continuis *nulla*, in intermittentibus autem *notabilis* per plures horas, immo vnum alterumque diem, *intermissio* motuum occurrat; nulla videtur certior ratio, quam principii agentis iustæ æstimatione, quæ indoli materialis noxæ superstructa est. Nimirum, si periculum inde metuendum fuerit præceps, tunc nullus intermissioni conceditur locus, vt in continentibus & continuis, licet in his aliqualis

remissio obseruetur. Vbi vero noxa lentioris est energiae, ibi per vices aliquid laboris impenditur & vniuersum negotium lenta festinatione absoluitur.

VI. OBSERVATIONES.

1. Febris *denominatio* cum ipsa *re*, seu motibus secundum naturæ intentionem susceptis, & materiae quantitati ac qualitati proportionatis, optime conuenit. Deriuamus enim illam ab antiquo *februo*, quod idem sonat, ac *lustrum*, *expurgo*. Solebant scilicet *Romani* per duodecim continuos *Februarii* dies solemnes expiationes & lustrationes celebrare, quas *februa* dixerunt; eo fine instituta, vt damna quæuis, a *Manibus* defunctorum metuenda, depellerent ipsasque animas placarent.
2. Perperam igitur *Paul. de Sorbait* a *feritate*, & *Laur. Ioubertus* aliique a *ferueo* deducunt, vt suppositæ fermentationis sanguinis partes tueri possint; maxime quia græca denominatio, ab igne desumpta, & veterum de febre conceptus, per multa sæcula placuit, & hodie passim suos obtinet patronos.
3. Secundum enim *veteres* febris est *ignis a thorace incipiens & flammam ad caput mittens*; seu caloris naturalis in igneum conuersio & in corde accensio, quæ spirituum ope per arterias in vniuersum corpus diffusa, actiones lædat. Alii perhibent esse intemperiem aut cordis feruorem, præter naturam calidum, a sanguinis fermentatione vel benigna vel maligna prouenientem, & vel sine coagulatione & congelatione, vel cum his complicatum. *Conf. Galeni comment. in Hippocrat. de victus ratione in acutis f. m. 176. Sennertus de febrib. lib. I. cap. I. Ioubertus decad. I. paradox. VI. f. 47. Willisius, Wedelius*
4. Quamuis vero in omni febre æstus præternaturalis obseruetur: æstus tamen non ipsam febrem constituit, sed est accidens inseparabile, ob rationes supra indicatas. Vnde neque *Græcorum πυρετος*, neque recentiorum deriuatio a *feruendo*, comparationis tertium ostendit, quemadmodum altera a *febris* iponte fluens egregie id subministrat.
5. Sicuti enim *Romani* februatione sua religiosa mortuorum animas

mas e sepulcris reuerfas & in ædibus oberrantes ex illis abigere & inde pendentia pericula præcauere studuerunt: ita natura quoque per febrem

- 1) *generatim* corporis viuientis purgationem præstat,
- 2) *speciatim* vero corruptelam veluti sepulcralem putridamque hoc actu eliminat, & imminens inde mixtionis animalis periculum auertere contendit.

6. Febris non est pathema, quod tam facile tamque crebro vnicuique homini per totum vitæ tempus eueniat, multo minus diuerfarum specierum febres frequentes esse solent vni indiuiduo. Sed si a vulgari schola medica allegatæ causæ valerent: quilibet profecto homo qualibet hebdomade febrem promte incurrere cogeretur. Quia tamen teste experientia hoc non fit; in apico est, quod causæ, febres prouocantes, rariores sint, quam vt quotidie efficaciam earum experiamur.

7. Immo multi medios inter diætæ errores vitam transigunt, qui vel alimentis fruuntur salinis, acidis, tartareis, fermentantibus, spirituosiss, acribus; vel frigoris, caloris, sudoris & aëris notabiles subeunt alterationes, quorum tamen pluri numquam, pauci autem rarius febre corripiuntur.

8. Interim antiqua illa traditio, quod putredo sit causâ febrium, non plane sine ratione formata videtur; si modo dextre & rei veritati congrue fuisset explicata. Quo respectu febris causâ dici possit, supra iam sub *causâ materiali* indicauimus; eo vero sensu, quo veteres illam interpretati sunt, tamquam actu præsentem & copiosius in corpore diffusam corruptionem, admitti nequit, quia oppido falsum est. Nam vbi latius putredo in humores diffunditur, ibi motus mature cessant & corpus corruptioni vltro relinquuntur.

9. Animaduenerunt hoc recentiores quidem, sed minus feliciter antiquam theoriam per fermentationis placitum emendarunt, quod supra iam sub *ætiol. paroxysmorum* notatum est. Vbi tamen valde mirum, quod in tanta contentione pro energiis & respectibus mechanicis nemini in mentem venerit.

- 1) *Physica & vere mechanica dispositio* corporis, & speciatim sanguinis, ad motum putredinosæ fermentationis subeundum apti.
- 2) *Circulatio humorum* atque secretiones & excretiones, tamquam verus mechanicus modus, impediendæ tali fermentationi putrefacienti aptus & destinatus. His enim temporibus in comperto habemus, quod abortis in corpore eiusmodi circumstantiis, quibus putredinosa corruptio proximo gradu euenire posset; certo etiam superueniat febris: veluti in peste, febribus malignis, variolis & ipsis quoque sanguineis seu continentibus fieri assolet.
10. Febris itaque, si curate loquamur, non est *morb*us, sed, uti ex *definitione* dilucide patet, *motus*, materiæ febrili ac morbificæ rationaliter oppositus & prorsus salutaris; nisi vel materiæ vel læsionis magnitudo, aut ipsius naturæ anomala agendi ratio, siue in excessu, siue defectu, id impediuerint. Quod adeo solide demonstrauit *Stablius in diss. de febre nunquam per se lethifera*, ut nihil egisse videantur, qui de *laude febrium suspecta* commentando, hanc veritatem aut satis non intellectam, aut ex præiudicio non admissam, infringere studuerunt.
11. *Effectus* interim *febrium* uti non in omni indiuiduo vnus idemque esse solet: ita distincte de illo notasse iuuabit, quod
 - 1) *bonus ac salutaris* sit, si febres non incidunt
 - (1) in corpus antea iam diu valetudinarium, quod v. g.
 - a) *pectoris vitii*s multum laborauerit.
 - b) Insignibus *capitis incommodis* subiectum fuerit.
 - c) *Hepatis* exstantiores læsiones habuerit. Hæ enim partes teneriores, si semel læsæ sint, facilius sub auctiore sanguinis commoti circulo, altioribus irruptionibus & humorum stasibus subiacent ac veras inflammationes incurrunt. Et ex hoc fundamento phthisicis, hecticis, asciticis & aliis, qui viscerum labe correpti sunt, præcipue si ætate prouectiore fuerint, febres periculosæ esse solent,

(2) Si

(2) Si ipsi motus febriles promte succedant & sine trepidatione aut tergiuerfatione ad finem vsque proportionate administrentur.

(3) Si vires, per extraordinariam hanc intensiorem fatigatæ, studiose reparantur. Tum enim febres non modo pristinae sanitati nullum adferunt præiudicium, sed nouus potius subsequitur vigor nouaque euphoria. Vnde & vulgus dicit: *ich bin nie gesunder gewesen, als nach dem Fieber.*

2) *Infelicio* contra *effectus* obseruatur, vbi tres enarratæ conditiones defuerunt.

12. *Euentus* vero irregulares & funesti eo sollicitius ab ipsa febre distinguendi sunt; quo frequentius tam practici, quam vulgus, hic impingere solent; feбри tribuendo illud, quod a longe alia causa ortum est, ac minime febris culpa essentiali, sed accidentali tantum ita euenit. Quando e.g.

1) *materia*, seu morbus, ipsa medicina, nempe febrilibus motibus, potentior existit

2) *vix* non obtemperant.

3) *motus therapeutici*, vel a *priori* malo subigendo proportionate ac satis vegete constanterque instructi non fuerunt: vel a *posteriori* variis modis turbati, impediti aut interuersi sunt; vbi multum valent

(1) *pathemata* animi,

(2) *consuetudines* heteroclitæ & insuetudines,

(3) *temperamentum*, *ætas* & *ratio vitæ generis*. Cum enim febres solito operosiores motuum adparatum, intentam virium adplicationem ac insuper vigoris constantiam postulent; homines vero sæpius per temperamenti & vitæ rationem sub lætis negotiorum successibus, otiose ac secure viuentes, adeoque ad promte inuenienda consilia in rebus dubiis & ancipitibus minus exercitati, perferendis vero & depellendis periculis minime apti nedum adueti sint: tum mirum non est, si alias sani, subito autem febre correpti, impetuose,

confuse, erronee, aut fastidiose, segniter, cum multa trepidatione & tergiuersatione, utpote de exitu prorsus incerti, motus adornent & infeliciter satis prosequantur.

13. Nec est, ut quis forte culpam in medicamina, non satis mature aut prorsus non oblata, reiiciat. Nam

1) maior longe numerus est illorum febrientium, qui sine Medicis eorumque formulis conualescunt, quam aliorum, qui inter colluctationes cum artificii Medicorum tandem emergunt. Immo

2) teste experientia grauius præ aliis adfliguntur ii, quos sub practicorum imperio sudare oportet, quia hi plerumque medicamentis suis ea sibi expugnanda sumunt, quæ vulgo in febre potiora habentur incommoda, ut sunt; calor præternaturalis, sitis, certarum excretionum molimina, periodicæ exacerbationes & similia. His vero dum mederi contendunt, morbum non tantum reddunt grauiorem, & reliqua symptomata exasperant, sed id porro efficiunt, ut morbus sæpe deterior reddatur, immo morte tandem finiatur.

14. Firma igitur est veritas, quod paucissimi, si modo vlli, directe a febre moriantur, plures autem *sub & cum febre* intereant aliis morbis, quibus febris quidem superuenit, sed vincere eosdem nequiuit; idque tanto certius, quanto manifestius in decursu suo, quocumque tandem modo, impedita fuerit.

15. Ex quibus simul iudicium ferre poterimus de tritis quorundam practicorum loquendi formulis: quod scilicet *nemo moriatur sine febre*, immo ne quidem *ægroret*. Sed magna intercedit differentia

1) inter veram febrem seu periodicas exacerbationes cum motuum vitalium manifesta, constante & plus minus ordinata alteratione; & inter quaslibet alias æstuosas & refrigercentes vicissitudines & inæquales tam pulsus, quam toni motitationes, quæ tum in aliis morbis, qui febres non sunt,

sunt, tum ante vltimum agonem seu in ipsa moribunda anxietate obseruantur.

- 2) Deinde si etiam vulgare illud effatum, quod scilicet in omni morbo sit febris, concedatur, sponte tamen pro confirmatione nostri adfertur sequetur, nimium quantum plures conualescere, quam quidem mori: cum homo per vitam sæpius ægrotare possit, sed semel tantum e vita secedat.
16. Præterea de primo febris tempore, seu eius *initio*, aliquid monendum; nempe quod in illo definiendo practici dissentiant. Sunt enim,
- 1) qui illud tribus tantum horis,
 - 2) alii dimidio, aut ad summum integro die, ab eximia illa ægroti dysphoria circumscribunt. Sed oppido incerta res est, quæ tam exacte determinari non potest,
- (1) quia ipsi febrientes sæpe falluntur, dum febres ipsis imponunt & tacitis initiis se insinuant; & hoc
 - (2) tanto magis, si v. g. virium lapsum & lassitudinem aliis causis adscribere forte liceat, vt sunt: vigiliæ, tristitia, terror, laboriosa corporis exercitia, in quibus casibus anceps negotium est, veri initii rationem inire.
17. Notatu tamen dignum est, quod hoc ipsum initii tempus in febribus *primariis* vniuersæ febris rationem ita habeat, vt, si consuetæ huic speciei excretiones tunc instituantur ac promoueantur; tota febris vel eo ipso initiali insultu soluatur, vel ita mitescat, vt post modum longe tranquillius decursum prosequatur: quod alias nullo modo sperare licuisset. Quando autem hoc temporis initium in *paroxysmatis* febribus cum primo paroxysmo semel præteriit; tum nulla spes remanet, eam in prima quasi herba per aliquod remedium suffocatum iri, nisi deterioribus ægrum exponere velimus symptomatibus. Diese Tage können nicht verkürzt, sondern nur erleichtert werden.
18. Hæc autem consideratio hanc habet vtilitatem, vt practicum moneat, ne, prætermisso hoc principio, temere aliquid

tentet aut speret; quia febris, in progressu semel constituta, typum speciei suæ solemnem prosequatur. Quod si vero per incongrua artificia interpelletur, tum æger præpostere agentis Medici peccatum sæpe vita luere cogitur.

19. Tametsi autem istud initii tempus transierit: medico tamen nihilo secius incumbit, vt sequentium temporum actiones febriles, per successivas & proportionatas secretiones ac tempestivas materiæ noxiæ excretiones, absolundas prudenter moderetur ac iuuat, quo noxiæ efficacia infringi, radicitus tolli & salutaris exitus cum vitæ conseruatione obtineri possit.
20. Cardinem curationis in his versari, ratio docet & experientia confirmat. Sicubi enim diaphoresis & diuresis rite sufficienterque non succedunt, Medicus plerumque animum despondet & sinister ex tus de harum excretionum necessitate & pretio testatur. Hinc veterum practicum adsertum videtur subnatum: quod scilicet *nulla febris bona fide cesset, quæ sine sensibili sudore desinat*. Ita quoque urinam iusto tempore excretam & de isto signo præditam, non solum studiose obseruant, sed impense exoptant artifex, ægrotus & adstantes.
21. Vbi tamen notandum commendamus tironibus:
 - 1) quod salubres eiusmodi secretiones & excretiones in febribus, legitime decurrentibus, non promiscue, sed statim febris temporibus contingant, in quibus materiæ, ad emouendum præparatæ, habitudo & motuum proportio sibi inuicem respondent, quod ipsum
 - (1) respectu *sudoris* & *urinae* sub paroxysmorum effectibus, vbi potissimus impetus iam desit, accidere solet; siquidem peracta demum resolutione humorum, eorundem secretio & excretio succedere potest, si in primis conueniens regimen obseruatum fuit.
 - (2) respectu *hæmorrhagiarum* notetur, quod illa, tamquam excretio magis secundum naturam, operosa præparatione & secretionem non indigeant. Hinc per prima febrium

brium initia vel vero criticis diebus, veluti vltimum reliquorum laborum complementum, succedere solent.

- 2) Quod iusto maturius contingentes sint inutiles immo noxia. Præpostere enim ac frustra motu percellitur materia, quæ antea non satis mobilis reddita est. Vnde per immaturas eiusmodi siue sponte coortas, siue per artificia prouocatas excretiones

(1) motus energia consumitur,

(2) vires perduntur,

(3) typi variæ titubationes insequuntur, cum exitu laborioso & non raro funesto.

22. Quæ obseruatio vsum in praxi suppeditat eximium. Nam

1) caute agere docet, ne mouere aliquid in animum nobis fumamus ante, quam satis mobile sit.

1) Non desperandum, si nec largum sudorem, nec vrinam valde alteratam videamus. In febribus siquidem, quæ materiam paucam & subtilem pro fomite habent,

(1) *vrina* per aliquot dies nihil alterata comparet, verum sub declinatione potioris paroxysmi consistentiam mutat, turbatur ac sedimentum deponit.

(2) *Sudor* pariter primis diebus ordinarie ferme nullus obseruatur, sed sub incrementi aut status finem consequitur, & quidem adeo placide & promte, vt vel leuissime tectis & quiete decumbentibus sufficienter erumpat, quem antea nec æstus, nec medicamenta prolicere potuerunt.

23. Sed probe tenendum, quod excretiones diarrhœticæ ac diureticiæ non promiscue, sed sub certo respectu optentur.

1) *Sudatio* enim *largior* febribus generatim parum prodest; sed placida materiæ halituosæ & orgasticæ per diapnoën exulsio in votis est.

2) *Vrinæ* eadem est ratio, cuius liberiores copiosioresque exitum nemo desiderat, nisi simul materia noxia, rite præparata & ad emouendum apta, cum ipso lotio excernatur.

tur. Hinc veteres non inepte talem excretionem pro *signo coctionis* habuerunt, & tamquam primum effectum factæ separationis & secretionis declararunt, quem natura ulteriore excretionem prosequi debeat.

24. Has autem ordinatas ac tempestivas excretiones, febribus essentielles, directe viles & salutares esse, notabilis & proxime insequens euphoria clare comprobatur, quæ vel

1) *Λυσες* seu *partitis vicibus* contingit, & tum caloris impetus successiue deferuescit, paroxysmi decrescunt, & breui finiuntur. Vel

2) *Κρίσις* seu *uno labore* obtinetur, vbi materia prius præparata & viæ aptius dispositæ sunt, ad subeundas exonerationes copiosas & vno impetu perpetrandas. Quam euidentem vero harum crismum effectus sit, ex sequentibus intelligitur. Nam

(1) intensio exacerbationem remittit,

(2) *pulsus* in gradum naturalem mutatur,

(3) *alacritas animi* redit,

(4) *somnus* fit tranquillus & reficiens,

(5) appetitus noua energia succedit, & sitis exstinguitur,

(6) vires notabili augmento indies reparantur. Quæ vero excretiones ante dies criticos contingunt, ex sublestæ sunt fidei; vel enim proximo die critico sensibilius se exferunt, & quasi confirmantur, vel periculosum sortiuntur euentum.

25. Opportune hic, vbi de excretionum bonis effectibus actum est, alia magni momenti obseruatio subiungitur, quæ de *modo* excernendi, quem natura in febribus acutis malignis & contagiosis seruare solet, exponit. Videlicet motus adeo placide & tranquille administrantur, vt si *pulsus* inprimis spectetur, is ad sanum proxime accedere videatur. Mirantur hoc phænomenon plures prædici & naturam erroris aut negligentiae adculant. Vnde ad excitantia & calida alexipharmaca properant, & materiam deleteriam a corde, vt
rhetor-

rhetoricantur, per coactos sudores propellere intendunt. Sed magnum hunc *απειρίας* practicæ errorem mors sæpius obsignat.

26. Quod vero natura, placide agendo, nullum hic errorem committat, sed secundum necessitatem organico-mechanicam prudenter agat, e sequentibus elucescit. Nam

- 1) *materia* illa maligna mole exigua est, ac *subtilis* valde, quæ inuisibilis halitus forma corpori insinuatur.
- 2) ob summam hanc subtilitatem crassioribus excretionibus *ninus idonea* est; unde
- 3) motuum vitalium nimia *intensio* locum non habet, vtpote quæ excretionis diapnoicæ successum placidum impedit. Superest ergo, vt
- 4) *materia subtilis & halituosa* methodo conueniente per colatoria exhalando magis, quam transudando eliminetur. Quoniam vero nullum totius corporis colatorium tam tenui miasmati secernendo & excernendo magis proportionatum est, quam ipsa peripheria, poris refertissima, ad hoc quoque negotium optime adhibetur. Si enim ad alia organa secretoria, arctiore ambitu circumscripta, noxiam materiam natura adpelleret; tunc illa
 - (1) eiusmodi materiam nullo modo comprehenderent, tantum abest, vt excernere possent.
 - (2) *materia noxia* longe citius effectum deleterium ederet, quam ex sanguinis massa ad vnicum illud organon peruenire posset. Hinc
- 5) necesse est, vt in malignis & contagiosis febribus, quarum causam continentem tam tenue miasma constituit, motus naturæ tranquille ac moderate instituantur; ne quid *materiæ*, quantocyus excernendæ, poros cutis, ob circuli sanguinis celeritatem, præterlabatur & hac ratione diutius in sanguine periculose oberret.
- 6) Ceterum vel his obseruationibus patescit, quam incongrue vulgaris pathologia non solum generatim omnes actus febriles pro turbulentis & symptomaticis concussionibus inter-

interpretetur, sed etiam speciatim *tempora* horum motuum ab iisdem violenter agentibus causis materialibus deducat. Cum enim experientia nos doceat, quod febres malignæ præ aliis acutis placidos motus exhibeant & non tam organis eorumque sensui, quam potius mixtioni humorum tacitis quasi & clandestinis commotionibus noceant: tum certo concludimus, actus febriles a materia, vehementissime excitante, minime deriuandos esse. Alias enim in malignis, quarum materiam peccantem præ aliis summe actiuam omnes agnoscimus, motus deberent esse vehementissimi.

- 7) Itaque a sublimiore causa motus deducimus, nempe a sapiente natura, quæ pro materiæ peccantis conditione hosce motus instruit, & præcipue in malignis placite eos administrat, ne miasma subtile per vehementes commotiones adhuc subtilius, adeoque ad nocendum efficacius reddatur. *Conf. Stahl's dissert. de febrium pathologia in genere thes. IX. de febrium therapia Sect. III. de viribus §. XXII.*



TAB.

TABVLA XII.

DE

MORBIS LYMPHATICO-SEROSIS.

I. DEFINITIO.

Morbi lymphatico-serosi audiunt illi, qui ex lymphæ & serofo-
mucidis humoribus vitiatis proximam originem ducunt, &
tam solidarum partium tonum ac texturam, quam fluidarum
secretiones & excretiones lædunt. Vnde variæ stagnatio-
nes, stases & corruptiones producuntur.

II. DIFFERENTIA.

1. Quoniam aliquot tabulis morbos præcipue *quantitatis* gene-
ratim indicauimus: ideo ordo postulat, vt *qualitatis* vitia ea-
dem methodo proponamus; strictim nimirum de iis disse-
rendo, siquidem specialem singulorum tractationem in
Consp. med. theoretico-pract. iam exhibuimus.
2. Morbi de quibus acturi sumus merito *lymphatico-serosi* di-
cuntur. Quo enim diutius lymphæ in feri acris consortio
versatur, eo certius illi in perniciem cedit. Nam gelatino-
sa lymphæ indoles vti ad serum tenue adsumendum per
quam idonea est, sic inde mucido-viscidam, lentam, pul-
posam & saponiformem consistentiam indipiscitur ac serum
reciproce inspissat, partibusque solidis sensim labem ad-
spergit.
3. Quidam ex his morbis dici possunt
 - 1) *vniversales*, quia vniversam humorum massam & totum
corporis habitum adficiunt, vt:
 - (1) *cachexia* eiusque species *chlorosis*
 - (2) *anasarca*
 - (3) *leucophlegmatia*

- (4) *scabies vniuersalis*
- (5) *lepra*
- (6) *scorbutus*
- (7) *icterus*
- (8) *lues venerea*
- (9) *sudor vniuersalis nimius aut suppressus.*

2) *Particulares, qui in certis corporis regionibus aut partibus conspicui fiunt, vt*

- (1) *œdema manuum ac pedum*
- (2) *ascites*
- (3) *tympanites*
- (4) *hydrocephalus*
- (5) *hydrops medullæ spinalis*
- (6) *hydrops pectoris & pericardii*
- (7) *hydrops omentalis, renalis, ouarii*
- (8) *hydrocele*
- (9) *hydatides viscerum*
- (10) *pollutio nocturna*
- (11) *gonorrhœa benigna & maligna*
- (12) *fluor albus benignus & malignus*
- (13) *stranguria*
- (14) *dysuria*
- (15) *imminutio vrinæ*
- (16) *ischuria*
- (17) *incontinentia vrinæ*
- (18) *diabetes.*

4) *Ratione frequentiæ*

- 1) *quidam ferme quotidie occurrunt, vt: scabies, chlorosis, cachexia, stranguria, pollutio nocturna, &, vt pessimi nostrorum temporum mores ferunt, gonorrhœa virulenta, fluor albus malignus, lues venerea, & in certis oris maritimis scorbutus.*
- 2) *rariores sunt: œdema, icterus, hydrops ascites, leucophlegmatia, anasarca, imminutio vrinæ, dysuria, ischuria, incontinentia vrinæ, sudor vere nimius.*

3) *ra-*

- 3) *rariissimi*: lepra, hydrocephalus, hydrops medullæ spinalis, pericardii, omenti, ouarii, renum, hydatides, diabetes.
5. *Ratione successus* in medicando ita cum multis horum morborum comparatum est, vt vere refractarii sint & arti aut difficile admodum, aut plane non cedant; quæ prognosis ad leuiiores quoque huius classis morbos e. g. pollutionem nocturnam, stranguriam, scabiem ordinariam & subinde icterum atque anasarcam se extendit.
6. Quo modo ceterum inter se differant morbi lymphatico-seroli; id specialibus tabulis in *Consp. med.* docuimus.

III. SIGNA.

In tradendis signis ad specialia hoc loco descendere non est animus; partim quia pathologiæ generalis ratio id non postulat, partim quia in alio *tractatu*, qui pathologiam specialem cum therapia iunctim exhibet, ea iam suppeditauimus. In præsentē igitur eorum recensione ita versabimur, vt strictim indicemus *præcipua* signa

- I. Illorum morborum, qui notabili *tumore* & præternaturali *colore* externum corporis habitum defœdant, quos inter
- 1) *œdema*, quod tumore, in primis pedum, frigido ac pallido se prodit, & in simplici statu sine dolore adsigit; vbi vero ad summum peruenit tumor, ibi hinc inde rufescit & dolorem habet coniunctum.
 - 2) *Cachexia* ex vniuerso habitu deprauato facile cognoscitur, quia respectu *coloris*, pallidus; respectu autem *toni*, laxus, pendulus & indecenter turgidus deprehenditur. Concurrentes porro molestiæ sunt: actuum vitalium & animalium languor, præcordiorum & hypochondriorum angustia, adpetitus vagus, somnus minus reficiens & non raro tumor pedum œdematodes.
 - 3) *Hydrops*. Huius vti variæ sunt species: ita signis euidentibus ab inuicem se distinguunt,
 - (1) *Leucophlegmatia* tumorem vniuersi corporis exhibet

flaccidum, qui foueas digitis impressas diu non seruat, cum e contrario

(2) *Anasarca* tumorem sistat vniuersalem ad nitorem vsque intentum, in quo vestigia digiti prementis tardius euanescent.

(3) *Ascites* & *tympanites* abdomen maxime occupant, ea tamen differentia, vt moles ascitici tumoris sit grauior & pedes simul occupet: tympanitica autem inflatio respectu ponderis, quod sentiunt, leuior, sed respectu ambitus & extensionis maior est. Hinc digito percussa tympanum quasi sonare videtur, & rugitum quemdam ac murmur edere. Ambigunt vero de sono hoc, tympanum imitante; cum a leui tactu omnino non audiatur, fortiolem vero non ferant ægri. *Conf. Io. Herm. Fürstenau diff. de tympanitide §. XX. Rintelii 1733. Licet aliud senserit Lommius & Io. Geo. Neumannus in diff. de tympanitide Erfordiae 1735.*

4) *Îcterus flauus* notabili flauedine; *niger* autem colore magis nigricante omnibus manifestus sit: ægro autem præcipue lassitudine, præcordiorum angustia, febricula & aliis incommodis grauis euadit.

2. Illorum, qui *efflorescentiis cutaneis*, *maculis*, *erosionibus* & *ulcerationibus* corpus siue totum, siue aliquam eius partem deturpant, vt

1) *Scabies*. Hæc pustulis sero acri repletis & pruritu, rosium tandem ardorem inferente, molestam sui præsentiam prodit, & non modo manus, sed totam sæpe peripheriam, excepto capite, occupat & male affligit. Interim tolerabiliora sunt incommoda, quæ

a) *benigna* adfert, siue *humida* illa fuerit siue *secca*.

b) *maligna* autem tam *ferina*, quam *venerea* dolore rodente, grauiore pruritu & foedis exulcerationibus ad nauseam vsque inualefcere solet.

2) *Scorbutus*, in quo in primis maculæ pro temperamenti differentia, vel roseæ, vel liuido-fuscæ in tibiis, cum duris
tumo-

tumoribus, stomacace, anhelitus & saliva foetens abunde indicant, quid morbi subfit.

- 3) *Fluor albus benignus*, uti per materiam albugineam, quæ e vagina vteri effluit, & genitalia per se non lædit, potissimum se manifestat: ita *malignus* effluxu materiæ flauo-viridescentis, acris & partes erodentis, molestus fit; concurrente lassitudine insigni, cardialgia & cordis palpitatione.
 - 4) *Gonorrhœa virulenta*. Hoc malum, materiæ foetidæ corruptæ & flauo-viridiscentis per penem iugis manatio, inflammatio præputii, scroti tumor, fissuræ acre serum plorantes, bubones, lassitudo & adpectus luridus satis patet faciunt, & a *benigno* feminis fluxu distinguunt.
 - 5) *Lues venerea* præter gonorrhœam virulentam & bubones, etiam narium, vulvæ ac faucium erosiones ostendit, ossibus cariem inducit, & acri dolore spastico rodente, tebrante ut & hæmorrhoidibus verrucosis stipata est.
3. Illorum, qui serosi laticis vel *nimia*, vel *imminuta* excretionem produunt.
- 1) *Nimia excretionem*
 - (1) *sudor nimius*, cuius immodica eruptio signum evidentissimum præbet.
 - (2) *incontinentia urinae* itidem inuoluntaria lotii excretionem facile cognoscitur, siue noctu solum, siue interdiu contingat.
 - (3) *diabetes* autem seu *hydrops ad matulam*, extraordinariæ urinae crudæ & fere subdulcis copia, quam crebrius emittunt ægri, mali indolem indicat.
 - 2) *Imminuta, difficili aut suppressa*
 - (1) *stranguria*. Hic frequens ad mictionem irritatio & lotium guttatim stilans sufficiens signum constituit.
 - (2) *mictio imminuta* iusto parciore urinae excretionem dignoscitur
 - (3) *dysuria*, præter mingendi difficultatem, quæ cum

ingenti nitu & pressione ab ægro sub vrinæ emissionem se exserit, etiam dolores, admodum æstuantes, habet comites.

- (4) *ischuria* vrinæ suppressione, per aliquot dies continuante, satis manifesta fit, ut plura aliunde repetenda iam non addamus.

IV. SVBIECTA.

1. *Oedematis*, sunt homines vtriusque sexus, habitus in primis laxioris & de temperamento phlegmatico multum participant, utpote quos post hæmorrhoidum & mensium suppressionem, diurnam pedum refrigerationem vel actualement in aquis, vel potentialem per medicamenta refrigerantia, oedematoso tumore corripitur solere; experientia confirmat: quemadmodum alii, qui in febribus acutis salibus volatilibus tractati sunt, aut erysipellate non adeo feruido laborarunt, eodem malo adficiuntur.
2. *Cachexiæ* obnoxia observantur in primis fæminæ, temperati sanguineo-phlegmatici, intra mensium periodum quidem constitutæ sed illorum defectu laborantes.
3. *Hydropsis*. Huic expositi sunt præcipue cachectici & illi, quibus largius antea succedentes hæmorrhagiæ naturales, febres aut podagra præmature suppressa sunt.
4. *Icteri*. Hunc pati possunt omnis ætatis & sexus homines, in quibus causæ infra enarrandæ vim suam exserunt.
5. *Scabiei*. Facile hanc incurrunt otiosi, saltem sedentariæ vitæ dediti, falsa & crassa diætâ utentes; illi quoque, quibus hepatis vitium est, aut serum per ordinarias vias sufficienter non excernitur. Et hos inter ad *siccam* magis inclinant melancholici ac cholericis, aut qui ex his mixtum temperamentum possident; ad *humidam* vero proniores sunt sanguineo-phlegmatici.
6. *Scorbuti*. Oceani septentrionalis accolæ præ aliis, sporadice hypochondriacos & quartanarios, eodem subinde corripitur, observatum est.

7. *Fluoris albi benigni* sunt fœminæ sanguineo-phlegmaticæ, mensium ataxiis laborantes, nonnumquam & virgines. *Maligni* autem, quævis venereo inquinamento infectæ.
7. *Gonorrhœæ benignæ*: venere multum abutentes; *malignæ* sordibus venereis iam inquinati.
9. *Luis venereæ*: homines vtriusque sexus, qui vel gonorrhœa virulenta, vel fluore albo maligno aliquamdiu laborarunt.
10. *Sudoris nimii*: temperamentum sanguineo-phlegmaticum adeoque habitus laxi & spongiosi sunt.
11. *Incontinentiæ* vrinæ & *Diabetis* subiecta cognoscuntur, vbi vtriusque pathematis causæ infra exponendæ, perspectæ fuerint.
12. *Stranguriæ*: Hanc vtriusque sexus personæ incurrere possunt, quæ potu fæculento & minus fermentato vtuntur.
13. *Mictionis imminutæ*: cachectici, hydropici; potum sufficientem non adsumentes; aut qui spissitudine humorum vel renum præternaturali constitutione, aut alio visceris abdominalis vitio laborant.
14. *Dysuriæ* subiiciuntur ordinarie nephritici & calculosi.
15. *Ischuriæ* autem illi, in quibus una alteraue causæ ex mox dicendis efficiam edit.

V. CAVSSAE

1. *Oedematis*. Cum in subiectorum descriptione causas procatarticas magnam partem iam exposuerimus; hic porro de *materiali* & *formali* obseruandum commendamus, istas

1) *generatim* in humorum & partium reciproco consistere vitio; nam in illis spissitudo, in his vero tonus relaxatus est; Interim peculiaris actiua congestio in oedemate, præcipue febres excipiente, nequaquam in dubium vocatur.

2) *speciatim* autem

(1) *ex humorum spissitudine*, siue per incongruam vitæ rationem, siue per medicamenta adstringentia inducta, oriuntur:

a) cir-

- a) circulationis torpor seu lentus progressus.
 - b) stagnatio atque secretionum & excretionum remora. Vnde.
 - c) feri excrementitii coaceruatio & in dies maior dyfcrafia, &
 - d) notabilis tandem toni læfio.
- (2) e tono autem *relaxato*
- a) *irruptio* lymphæ viscidæ, fero adulteratæ, in lymphatica vasa copiosior.
 - b) eorumdem vasorum maior immo nimia *distensio*, &
 - c) ob deficientem partium circumiacentium renisum tonicum, non numquam vera *perruptio*. Vnde
 - d) cutis elatio seu *tumor* succedit, qui potius in pedibus quam alibi contingit, quia graue per suam naturam prompte descendit. *Conf. G. P. Kunadi diff. de humorum defluxu ad pedes, ac natis inde morbis Cap. V. Erfordiæ 1734. Stablii diff. de hydropse §. XXXIX. Conspect. medic. & chirurg. tabulis de œdemate.*
2. *Cachexiæ.* Huius causâ *materialis antecedens*
- 1) *remota* est sanguinis abundantis commotio, & circa viscera, cum vena portæ connexa, restagnatio.
 - 2) *propinqua* est mucida ac lenta spissitudo lymphæ, per serum, non sufficienter ab illa secretum, producta. Vnde glandularum, lympham percolantium, maior sensim obstructio & humorum per vniuersum corpus inualefcens viscida conditio.
 - 3) *proxima*, stagnatorius infarctus ab indicatis causis productus, peripheriam ita distendens, vt pallide turgidus inde totius corporis habitus euadat.
 - 4) *Occasionales causæ* plures omnino sunt, quarum quædam deriuantur
- (1) e *dieta in congrua*, vt cibi vapidî, mucescentes, spiritus ardentis aliorumque potuum spirituoforum ingurgitatio, vita otiosa, habitatio in conclauibus epigæis humi-

humidis, quæ perpetuæ refrigerationi & toni relaxationi anſam præbent.

(2) *Suppreſſæ* autem hæmorrhagiæ naturales maioris momenti ſunt; ſi in primis earum ſuppreſſio contingat conſueto excretionis tempore; quod maxime valet de menſibus, durante fluxu per iracundiam, terrorem aut malæ digeſtionis cibos, cohibitis.

(3) *Adſtringentia* parem effectum edunt, eo tempore propinata, quo ſanguis ex ſpeciali naturæ intentione ad certa loca dirigitur aut commouetur; veluti in febribus & hæmorrhagiis manifeſtum eſt.

(4) *Profuſiones ſanguinis* copioſæ ac repentinæ tam facile tamque frequenter, vt vulgo creditur, cachexiam non inducunt, ſed largioris profluuii *continuatio diuturnior* verius id efficit, ob vaſorum ſubſidentiam, præcipue cum ſub qualicumque noua reparatione, exquiſita humorum commixtio & ſufficiens vtilis ab inuitili reparatione fieri nequeat. Qua de re iam diſſeruit *Galenus de nat. facult. lib. II. cap. VIII. f. m. 39. Conf. Stablii theoria p. 1203. eiufd. diſſ. de cachexia ſ. XVIII.*

(5) His addendæ ſunt aliæ cauſæ; nimirum ſcabiei retropulſio, arthritidis & podagræ ad interiora repreſſio, & volatiliū in febribus abuſus. Quemadmodum *Stablius* ſuo tempore obſeruauit, de Præctico quodam Spir. C. C. vnice in febribus vtente, quod ii, quos a febre liberatos crediderat, frequentiffime cachectica inflatone & œdematibus adfecti ſint. Quod phænomenon ille emollire ſtuduīt dicendo: Die Krankheit ziehe durch die Füſſe hinaus.

3. *Hydropis.* Cauſæ huius morbi quia cum cachexiæ cauſis ita coincidunt, vt auctores paſſim vtrumque pathema vna eademque tractatione exhibeant: ideo nec nos prolixam earum inſtituemus repetitionem. Breuiter autem notaſſe ſuffecerit, quod

1) *cauſſa remota* ſit notabilis humorum in conſiſtentia deprauatio.

- 2) *propior*, organorum lymphæ depurationi dicatorum læsio.
 - 3) *proxima*, infarctus feri & lymphæ stagnatorius, in hepate in primis, pancreatis ac mesenterii glandulis conspicuus, qui hæc organa obstitendo, in suo officio turbat, magisque inepta reddit.
 - 4) *Causse procatartice* itidem repeti possunt e cachexiæ causis; quæ vero circa hydropis ætiologiam porro monenda sunt, observationibus inferere opportunum erit.
4. *Icteri causa*
- 1) *antecedens* generatim est vitiata bilis eccrisis, cuius fundamentum quærendum
 - (i) in *materiæ peccantis conditione* præternaturali, quando
 - v. g.
 - a) vel *quantitate nimium* abundans, omnem humorum massam inficit, aut in vesicula fellis, copiose collecta, exundat; quod facile contingit, dum sanguini, per hepar transeunti, accedente causâ occasionali readfunditur vel in ventriculo & duodeno cum chylo permiscetur.
 - b) vel *qualitate* peccans eundem effectum edit. Quoties enim viscosa ac spissa nimis existit bilis; iusto tardius ex hepate in cystidem transit, sub qua mora a sanguine transfluente de nouo resorbetur & vniuersam humorum massam inquinat.
 - (2) in *organorum*, bilem fecernentium & excernentium, *lesione*, quæ iterum nititur
 - a) vel hepatis *obstructione*, ab humorum, hoc viscus transeuntium, visciditate subnata,
 - b) vel vera eius *strictura* & condensatione, a qua simul *capsule Glissonianæ*, *arteriam hepaticam*, *venam portæ* & *poros bilarios* circumdantis constrictione oritur, qua obtinente cholidochus quoque stringitur & liber bilis transitus intercipitur; vnde necessario regurgitans bilis sanguinem defœdat & ictericum colorem toti peripheriæ inducit.

(c) In-

c) interdum vero obſunt *calculi* aut materiæ tophacæ in ductibus bilariis aut cſtico hærentes, quo minus bilis in proprium receptaculum colligi, aut in duodenum effundi poſſit. Ad calculorum vero geneſin diſponit coagulum bilioſum viſcidum ſulphureo ſalino terreum, quod a materiæ bilioſæ lentore originem ducit.

2) *Cauſſa continens* eſt bilis cum ſanguinea maſſa confuſio & permixtio, qua durante icterus adfligit.

3) *Cauſſæ occaſionales*.

(1) Inter has primum locum obtinet repentina menſium vel hæmorrhoidum, itemque febrium quartanarum ſuppreſſio.

(2) Iracundia repreſſa & diſſimulata, ſubitus terror, mœror acerbus, hepatis conſtitutio ſcirrhofa, calculi tam in poris bilariis, quam cſtide obuii, emetica fortiora; quantum hæc omnia partes ſolidas partim conſtringendo, partim fluidas inſpiſſando, ad icterum confeſcant, aliunde iam notum eſſe poterit.

(3) Diæta craſſa, quæ humoribus lentorem inducere poteſt, nimia voracitas, potus corpore calente, frigide ingurgitatus, & nonnunquam febres bilioſæ icterum pariter prouocare poſſunt.

ſ. *Scabiei* cauſſæ tam antecedentes, quam procatarticiæ, partim e ſubiectorum delineatione peti, partim etiam e *Conſpectu med. tab. XCI.* ſuppleri poſſunt. De *proxima* vero notandum, quod illa ſit *ſtaſis* humorum lymphatico-ſeroſorum, dyſcrasia laborantium; ex qua demum in corruptionem delabi ſolent.

6. *Scorbuti*

1) *cauſſa materialis* eſt ſanguinis, ſtrictè dicti, & debite minus cum lymphæ ac ſero ſubagitati, grumofa coagulatio, quæ motum progreſſuum vndique impeditum reddit, atque ſtagnationibus, ſtaſibus & fœdis grumofæ portionis corruptionibus materiam ſubminiſtrat.

- 2) *Causse* vero *occasionales* ex aëris intemperie, loco habitationis & diætâ icurbuto velificante in *Consp. med.* fusius explicatæ sunt. *Conf. Bærhæque aph. de cog. & cur. morb. §. 1150. f.*
7. *Fluoris albi benigni*
- 1) *Causa antecedens remota* est serosi laticis abundantia.
 - 2) *Propior*, glandularum vaginæ laxitas & notabilis atonia.
 - 3) *Proxima*, materia mucido-serosa ad vaginam directâ & copiosius effluens.
 - 4) *Procatartice* videantur supra in *subiectis*.
8. *Gonorrhœæ.* Vti *benigni* feminis-fluxus causâ plerumque esse solet partium, genituram continentium, atonia, a veneris abusu plerumque deriuanda: ita gonorrhœæ *virulentæ* causâ *antecedens* indebitato fermentum est venereum. *Propior* autem inflammatoria stasis humori lymphatico, in glandula *prostatâ* stagnanti, superueniens. *Proxima*, eiusdem *prostatæ* erositio & exulceratio. Vnde continuus effluxus, qui malo huic *gonorrhœæ* nomen peperit. De impuro vero coitu, tamquam vera causâ occasionali, pluribus agere non expedit; cum de eodem malo, altius radicato, & luis gallicæ nomine notissimo, iam alibi fusius commentati sumus.
9. *Sudoris nimii* causâ *materialis* est humorum, in primis autem feri abundantia & habitus laxioris dispositio. *Formalis* autem ratio inuoluit humorum ad peripheriam directionem, pororum cutis relaxationem & feri eruptionem. *Occasionales* causas suppeditare possunt tempestas calida, diaphoretica, motus corporis vehemens, neglectio venæsectionis, cuius defectum natura, tamquam *caussa efficiens*, alio modo, sanguinis nimirum in serum resolutione & larga eius transfusionem, prouide supplere studet.
10. *Incontinentiæ urinæ* causâ ordinariè consistit vel in sphincteris vesicæ paralyti, vel in fistulosa apertura, quam vel lithotomia post se reliquit, vel quæ ab alia laceratione originem habet. Quæ vero pueris familiaris est *micctio nocturna*, illa plerumque a mala adfuetudine deriuanda est, quam per
potum,

potum, somni tempore sumtum, & aliquot vicibus patratam mictionem sibi comparant.

11. *Diabetis* causa *antecedens* est aliorum colatoriorum læsio, & motus vrinæ excretorii turbatio. Vnde non solum feri sed & lymphæ copiosa per vias vrinarias expulsio contingit. *Conf. Ruyschii Obs. anat. chir. cent. obs. XIII. p. 19.*
12. *Stranguriæ, dysuriæ ac ischuriæ* causa *proxima* generatim ad-
cusari potest sphincteris vesicæ constrictio. Quæ vero caus-
sæ *occasionales* quoduis horum pathematum inuitare speciatim
possint, docuimus in *Conspectu med. theor. pract. tab. XCVIII.*

VI. OBSERVATIONES.

1. Quos in hac tabula breuiter exhibemus morbos, *lymphatico-ferosos*, a duplici causa materiali denominationem habent; quarum quidem altera est corrumpens, nempe *serum*, altera autem corruptionem patiens, scilicet *lymphæ*. Vbi præcipuorum ex his morbis mutuam dependentiam probe considerandam commendamus, quam habent
 - 1) a sanguinis abundantia & mala eius crasi.
 - 2) ab hæmorrhagiarum naturalium & consuetarum artificia-
lium aut motuum febrilium suppressione: quod de cache-
xia, hydropè, œdemate, ictero, fluore albo benigno,
sudore nimio, pollutione nocturna & subinde de ischu-
ria valet.
2. Cum reliquis autem, in quibus vel otiosum vitæ genus, in-
congrua diætæ, aëris intemperies, humorum dyscrasia, vel
effrenis viuendi licentia primas tenent; nihilo minus ita com-
paratum est, vt longe grauius adfligantur plethorici, & hæ-
morrhagiis alias adsuæti, quam alii, in quibus neutrum ob-
tinet.
3. Quare si cuiquam morborum lymphatico-ferosorum causas
primarias perspicere cordi est, ille hæmorrhagiarum & moli-
minum ad illas tendentium, doctrinam & connexionem pro-
be exploratam debet habere. Hac enim ratione in diagnosi,
prognosi & curatione aget feliciter, nec vnumquam in illum
errorem *causæ non causæ*, vt philosophi aiunt, incidet.

4. Secundum methodi arbitrariæ libertatem factum est, ut aliqui scriptores horum morborum catalogum multo fiant locupletiores, quam nos quidem hic præstitimus. Cuius rei causa in eo querenda est, quod plures ad lymphatico-ferosos morbos relati sint, quos congestionibus serosis adnumerare nulli dubitauimus; ut sunt: lippitudo, coryza, tussis humida, asthma humidum, & alii.
5. Morbi lymphatico-ferosi sunt quidem omnino morbi *qualitatis*; non pauci tamen e *quantitatis* seu nimiae abundantiae vitio prognascuntur, uti id in *tab. de spissitudine sub causis* docuimus; quibus hic supplementi loco addimus, quod ex eodem plenitudinis vitio fiat, ut lymphæ a sero corrumpatur, illa vero huic vicissim lentorem inducat. Ex hac autem mutua deprauatione utriusque fluxilitas perit, & secretiones ac excretiones præpediuntur: nam
 - 1) humores ita implicati, & mala crasi adfecti, nec promte secedere, nec excedendo ad transitus & exitus suos satis alte penetrare valent.
 - 2) tonus partium solidarum prægrauando eneruatur.
6. Sub *diff. num. 2.* paucis quidem iam dictum est, quo modo lymphæ & serum mutuo se lædant, si iusto diutius inter se commixta fuerint. Hic autem explicatius docendum, quod utriusque natura eiusmodi commercium sine noxa certo euentura diu perferre non possit. Vbi præcipue indicamus insignem differentiam *et gelatinosi* & *et mucosi*. Prioris indolem habet lymphæ; posterioris serum. Iam subiungendum,
 - 1) quod humor gelatinosus, seu *lymphæ*, sub motus progressui successu calefiat, attenuetur & concussione ac transpulsione per organa spongiosa & porosa fluidior euadat, in fluiditate conseruetur & quasi exaltetur.
 - 2) Quod *serum*, cuius consistentia mucida ac lenta est,
 - (1) respectu fluiditatis, calore nihil alteretur.
 - (2) neque motui transpressorio decenter obsequatur, sed
 - (3) po-

- (3) quod potius obstruendis poris tenerioribus aptius fiat & in dies spissiore & tenaciore consistentia acquirit, ob intimiorem particularum mucido salino pinguium cum gelatinosis unionem.
7. Quæ deductio cum *numero 10.* collata clare admodum docet,
- 1) quo fundamento genesis morborum lymphatico-serosorum nitatur.
 - 2) quam necessaria sit continua feri falsi ac mucidi a lymphæ sequestratio.
 - 3) quod tam facilis & expedita non sit horum morborum, præcipue hydropis, curatio; quam quidam inconsiderate polliceri audent, & casibus, e propria praxi desumptis, idem confirmare satagunt. *Stablius* bene monuit in *theoria* p.1207. eiusmodi historiolas subnatas esse e cachexia insolentioris cum hydropis confusione, cum in vero hydropis, diserte eloquendo, vix vlla restitutionis spes supersit. Licet enim per hydragoga abdominis elati subsidientia sæpe procuretur; id tamen de producti solum morbo si subtractione, non vero de malo curato testari solet.
8. De *œdemate* autem obseruasse iuuabit: illud neque hydropis primum, neque cachexiæ vltimum gradum esse, sed peculiarem habitus deprauati speciem, licet nonnumquam cum hydropis complicatum sit.
9. *Cachexiam* qua ratione inducere possint nimix ac diuturnæ sanguinis profusiones, sub *caussis* expositum est: quod vero idem valeant in producendo hydropis, per experientiam nondum innotuit, nisi importunæ simul cohibitiones artificiales accefferint. *Vid. Stablii theoria* p.1207. *Alberti diss. de hydropis* §. IX.
10. *Hydropis* inter *caussas* recte retulimus deprauationem tam humorum in consistentia, quam organorum in officio. Vtri vero harum *caussarum* primus locus assignandus sit, inter *Præcticos* quæri solet. Ad quæsitum autem scite respondetur, quod vtralibet harum *caussarum*, in diuersis tamen subiectis, primum obtinere queat locum. Nam

- 1) si *humor*, qui per colatorium transire debet, ab unde iam læsus in crasi, libero ingressui & transitui impar redditus fuerit: tunc & organa, quæ perfluere debet, eorumque meatus ac poros sufficere & obstipare solet. Quo respectu *vitium humorum* præcedit.
 - 2) Quod si vero *organorum arctatio* per quamcumque causam facta sit, e.g. post febres per *corticem Peruvianum* suppressas, tum hoc *vitium viscerum* in hydropo præcedit. Nam loco debitæ humorum attenuationis eorum retentioni ac ulteriori depravationi occasionem præbet, dyscrasiam prouocat & incrementis adauget.
11. Porro autem notandum est, quod hydrops, a *viarum* vitio ortus, & frequentior sit, & multo impetuosior. Nam cito inualescit & correctioni longe difficilius, immo plane non obtemperat. *Conf. Stahl's diff. de hydropo præcipue ascite.* Quam ingens vero organorum vitium sæpe esse soleat, e cadaverum hydropicorum anatome discimus. Exempli gratia qui desiderat de hepate & liene indurato, scirrhuso, arefacto, tumido, de mesenterii glandulis, monstrosa magnitudine deformatis, induratis, grumosa sanguine suffarctis, is præter nunc citatam *diff. §. XIII-XV. Bonetum, Horstium, Schenckium, Tulpium Ephemerides N. C. & Collect. Vratiauienses* aliosque adeat.
12. Adcusant quidem plures Practicorum tam difficilis & vix obtinendæ restitutionis causam *vasorum lymphaticorum disruptionem*, quam facile contingere posse adserunt in abdomine, vbi hæc vasa libera & ferme nuda magno numero iacent. Sed sequentia momenta hanc ruptionem reddunt difficilem
- 1) quæuis insignia ex istis vasis cum venis & arteriis iunctim incedunt, & iisdem retibus vaginalibus, quibus illi canales tam inter se, quam cum musculis & membranis connexi sunt, itidem comprehenduntur.
 - 2) Hoc etiam de abdominalibus seu mesaraicis vasis, lympham vehentibus probe tenendum est. Hæc enim ipsi mesenterio eiusque duplicaturæ ita intertexta sunt, ut horum æque ac aliorum ruptionem metuere minime

meliceat. Si vero in casu rarissimo aliquid concedere velimus, de capacioribus illis adfirmari id posset, quæ immediate ex hepate prodeunt.

3) Sed neque in his ita facile supponenda est disrupsio, nisi diturnior illorum distensio conspicuas bullas, quas *hydatides* vocant, formauerit atque hoc modo ad disruptionem vasa disposuerit.

13. Quod ad tumorem œdematosum & hydropicum attinet, ille pro pure aquoso infarctu habendus non est, qui ad absolutam quasi plenitudinem iam peruenerit. Si enim crura ægrotorum aqua reuera expleta essent; de pondere, quod in illis tolerabile obseruatur, plures audirentur querelæ. Vnde tumidæ magis, quam sero repletæ censentur partes fibrosæ. Die Füße sind mehr aufgequollen, als mit Wasser ausgefüllet.

14. Quoniam in concedenda lymphaticorum disrupsione antea difficiliore esse debuimus, alia succedentis tumoris œdematosi & ascitici subministranda erit ætiologia. Nimirum vero videtur admodum simile, causam illius tumidæ inflationis in simplici & copiosiori *transudatione* esse ponendam. Cum enim serum, ob spissiore consistentiâ, in ambitu corporis per arctos cutis poros penetrando exitum nancisci nequeat: tum tanto maiori copia circa interiora restagnat, & per poros partium internarum, quæ tam ob peculiarem teneritudinem, quam auctiorem in iis calorem, laxiores sunt, transmittitur.

15. De *tympanitide* obseruetur, illum sub *differentia* quidem hydropum familiæ adnumeratum esse, vt conspectus pathologiæ generalis conformis esset tractationi pathologico-therapeutiæ, quam in *Consp. med. theor. pract.* pridem exhibuimus. Interim nos non fugit, quod neque *Stahlius* hoc pathema in hydropibus reputauerit in *theoria* p. 1188. neque alii id velint; quemadmodum fecit *C. I. Langius* & nuper modo *Io. Her. Fürstenau*, qui bene monet, morbum flatulentum, scilicet tympanitidem, ob subiectum speciale & hydropi commune, quod abdomen est, non illico etiam pro vero hydrope declarandum esse. *Vid. eius diss. de tympanitide Rintelii 1733.*

16. In praxi infuper sæpius compertum est, flatus in statu hypochondriaco & hysterico credulis & incautis imponere, ut mox tympanitidem adfligere, mox vero graviditatem subesse credant, si præcipue tumor ventris magis acuminatus adpareat. Sed horum vtrumque non raro opinione citius evanescit post flatuum incarcerationum explosionem, non sine leui interdum indignatione matronarum, quarum spes vel vnico interdum flatu dissipatur. *Conf. Zacchias in quest. Medico-leg. lib. I. tit. III. quest. I. item Io. Antonius Campanus Episcop. Aprutinus, qui poemat. lib. IV. carm. V. p.m. 124. ita canit:*

*Venter cum tumisset Acciellæ septem mensibus & nouemdiebus,
Cæpissetque lien parum dolere: acciri iubet ilico obstetricem
Queri fasciolas & adparari, sperato puerum editura partu:
Mox inter medias manus ministræ laxo poplite, cruribus leuatis,
Lucinam ingeminans, quater pepedit.*

Sic plura præsumtæ & demum per crepitum discussæ graviditatis exempla dabit *Io. Schenckius obs. med. lib. IV. Misc. nat. cur. dec. 1. ann. 1. obs. 1. in Scholiis.*

17. Is morbus passim etiam *hydrops* vocatur *siccus*, quia non aqua, sed flatus peccant. *Willisus* autem, qui in *pharmacia rationali* tympanitidis ætologiam emendatiorem esse voluit, docet: non flatus, sed spiritus animales esse, qui spasmodico motu agitentur vtpote qui in fibras partium & viscerum abdominalium adacti, ob succi nervosi vitiosam dispositionem, a regressu impediuntur, & tantam infimi ventris intumescuntiam excitent.
18. *Icterus* veteribus etiam *morbis regius*, *arquatus* & *aurugo* dictus, duplex hodie, nempe *flavus* & *niger*, notus est. Antiquitus icteri *vernalis*, *autumnalis*, *hiemalis* & *popularis*, seu quavis anni tempestate adfligentis, habuerunt notitiam, ut ex *Hippocrate* discimus. Inter recentiores mentionem fecit icteri albi *Ettmüllerus*, qui tamen distincte de eo non differuit.
19. *Scabies* quo frequentior est: eo infrequentior in nostris regionibus *scorbutus*: rarissima autem vera *lepra*. Et quamvis lepram se vidisse practici interdum credant: tamen plerumque

que scabies effrenis, subinde furunculis & profundioribus exulcerationibus stipata, incautos decipit. Quid? quod quibusdam visum sit, lepram veterum cum lue venerea, hodie vbiuis nota, vnum idemque esse pathema. *Vid. Ammanni med. crit. cent. cas. III.* Verum enim vero hoc adlertum tam dubium est, quam aliud quorundam doctorum, qui progrediente tempore eos leprosos futuros adfirmant, qui conchis & ostreis frequenter vescantur; eo, quod omnes pro leprosis habeant, & ipsas margaritas concharum lepram esse declarent. Si hoc verum esset, quot non ex diuitibus videremus leprosos?

20. De *scorbuto* autem nuper, præter alios, egregie pronunciauit laudatus *Fürstenau* in *coroll. IV. diss. de tympanitide*, quod eius existentia omnino neganda haud sit, frequentiam vero tantam non esse, quanta vulgo extra oras septemtrionales maritimas credi solet; minime omnium pro causa cunctorum morborum habendum. Euanuit sane maximam partem illa periodus, in qua, loco solidioris ætiologiæ morborum, practici nihil nisi scorbutum & catarrhum in ore habebant. Quam infelicitè autem hisce ignorantia æylis rem confecerint, scripta eorum testantur. *Conf. Io. Matth. Lurtzii diss. de quibusd. æylis ignorantia medicorum Altorffi 1718.*
21. *Lues venerea* sæpe scorbuti pallio obtegi solet ab illis, quos abominandi mali plus pudet, quam pœnitet. Hinc fit, vt propudiosa audacia nihil, nisi salia & acredinem in sanguine crepent. Sed quanta sit differentia inter scorbutum & deterrimam hancce luem, id perspicue exposuit *Stablius* in *diss. de scorbuti & venereæ luis diuersis signis & medicinis.* *Conf. Conspr. med. theor. pract. tab. de scorbuto.*
22. Turpissima interim res est, eos, qui inter christianos nomen profitentur, eodem iam malo creberrime vexari, quo alias ethnici populi remotissimarum regionum soli mulctati sunt. Sed non inique accidit; qui enim εν κοιταις καὶ ἀσελγειαῖς animos & corpora corrumpunt, illi supparem quoque cum gentilibus pœnam luant. *Conf. Epist. Paul. ad Rom. Cap. XII. v. 13. Cap. II, 9.*

23. Ad vitia sudoris continuus pedum sudor minus adposite a nonnullis refertur. Nam ex motuum excretoriorum vitis non facile speranda est euphoria sanitati amica : quæ tamen obtinet, quamdiu largus pedum sudor succedit. Vbi vero per artificia imprudenter supprimitur, præter alia insignia incommoda, etiam catarrhus suffocatiuus, funesto interdum euentu, prouocari solet. Sudor autem *partialis*, siue ad difficilem siue ad vitiosam diaphoresin relatus fuerit, neutra forte sententia peccabitur.
24. *Vitia vrinæ*, quibus huius excretio vel difficilis redditur, vel prorsus cohibetur, multum semper negotii tam artifice, quam ægris facessunt. Sed maiorem admirationem tum merentur, cum ad lunæ phases vel inualescant, vel imminuantur. Exemplum notatu valde dignum adfert *Tulpius obs. medic. lib. II. cap. XLIII. de ischuria lunatica*, quam theologus quidem Anglus quouis plenilunio, cum insigni æstu & angustia olim passus est. In hoc viro prius non fluxit vrina, quam vel luna in decremento, vel sanguis e brachio emissus fuerit.
25. Ceterum malunt aliqui diureseos vitia potius ad spasmos, quam ad aliam morborum classem referre; quibus licem nulli mouemus, dummodo in ætiologia & huic superstruenda therapia scopum feriant, nec variis fictionibus nitentes longius aberrant.



TABVLA XIII.

DE

MORBIS PRIMARVM

VIARVM.

I. DEFINITIO.

Morbi primarum viarum vocantur illa pathemata, quæ ventriculum atque intestina occupant, & iam motibus spasticis, iam excretoriis manifestantur: quibus laboriosis & incommodis actibus natura materiam aliquam peccantem, in hoc tractu hærentem, præparare & eliminare intendit.

II. DIFFERENTIA.

1. Pertractatis priore tabula morbis lymphatico-ferosis, ordo nos ducit ad morbos primarum viarum, in quibus itidem materialis qualitas peccat, quam natura per varios motus spasticos expellere laborat.

2. *Tres* horum morborum commode constitui possunt *classes*, quarum *prima* plus continet molestiarum, quam quidem dolorum. *Secunda* acutos dolores & euidentiores spasmos comites habet. *Tertia* præter spasticos motus excretiones habet coniunctas.

1) *Primæ classi* adsignantur

(1) *Factor oris.*

(2) *Anorexia* seu *inadpetentia*, quæ generaliori expressione passim etiam *Asitia*, *Inedia*, *Apositia* & *adpetitus abolitus*, *prostratus*, *deiectus* dicitur, cuius

a) *minor gradus dysforexia* vocatur, in qua minus adpetitur, quam ætatis & vitæ generis ratio postulat.

b) *Maior gradus nausea*, seu plenaria a cibis abstinencia. De qua vide supra *tab. de febribus*.

- | | |
|-----------------------------|--|
| (3) <i>Ardor ventriculi</i> | } de quibus plenius actum est in
<i>Consp. nostro theoret. pract.</i>
<i>tab. CI. seq.</i> |
| (4) <i>Flatulentia</i> | |
| (5) <i>Vermes</i> | |
| (6) <i>Obstructio alui</i> | |
| (7) <i>Procidentia ani</i> | |
- 2) *Secundæ classis*
- (1) *Cardialgia*
 - (2) *Colica*
 - (3) *Passio iliaca*
 - (4) *Tenesmus.*
- 3) *Tertiæ classis*
- (1) *Vomit.*
 - (2) *Diarrhœa simplex seu feroso-mucosa, biliosa, cœliaca, lienterica, icterica, colliquatua.*
3. *Quartæ classis*, si quis forte eam constituere vellet, *cholera* esset adscribenda, in qua *ανα* & *κατα* materia molesta expellitur. Sed cum in febribus biliosis iam locum habeat, commodè huc transferri nequit.
4. Solemne est auctoribus systematicis, ut, dum de vitiis primarum viarum agunt, etiam de *adpetitus depravatione* disserant. Considerantur hic
- 1) eius *excessus*, ubi
 - (1) in *viris* magis occurrunt
 - a) *orexis canina* seu anxium ciborum desiderium, cuius expletionem vel vomitus, vel alui excipit deiectio.
 - b) *bulimus* seu intensior adpetitus, cui dum satis fieri nequit, *lypothymia* & adpetitus amissio sequuntur.
 - (2) In *feminis*
 - a) *malacia* seu nimium consuetorum ferculorum desiderium, quod tamen sæpe ad cruda plane extenditur.
 - b) *Pica* seu vehemens rerum absurdarum & esui prorsus non destinatarum adpetitus.
 - 2) eius *defectus* no. 2. iam indicatus est.

5. Quod præterea quædam primarum viarum pathemata hic desiderentur, id non neglectui, sed receptis semel methodi legibus attribuendum est. Vnde nulla fit mentio deficientis salivæ in oris ac œsophagi glandulis; neque ventriculi inflammationis; hepatici fluxus; dysenterix & hæmorrhoidum cæcarum, quia in *tabulis de hæmorrhagiis, congestionibus & febris*, tamquam locis conuenientioribus de his iam actum est.

III. SIGNA.

1. *Adpetitus* tam excedentis, quam deficientis signa operose conquirere hic non expedit. Nam cuiusvis horum præsentia de signis simul testatur. Interim conferri potest *Conspect. med. tabulis citatis*.
2. *Fætor oris* pariter, in quocumque subiecto occurrat, in eodem molesto suo halitu sufficiens signum præbet.
3. *Ardor ventriculi* per sensum & feruorem, tam in ventriculo, quam circa sinistrum eius orificium præcipue manifestus fit; ut, licet reliqua signa simul non concurrant: tamen hoc vnum satis esse possit.
4. *Flatulentia* itidem per angustias tum medii, quam infimi ventris, in primis per borborygmos & molestas in intestinis sensationes, quæ ab illorum nimia & inæquali expansione ac toni relaxatione oriuntur, abunde se prodit.
5. *Vermes* per aluum reiecti, aliud signum vix postulant. Interim eorum in primis viis præsentiam, ante sui excretionem, indicant narium pruritus, tunicæ oculorum albugineæ liquefacta, abdominis inflatio, torminosus dolor, frequens sputatio, sitis ieiuna & sæpe convulsiones.
6. *Obstructio alui* ex insueta scybalorum retentione, capitis temulenta afflictione, præcordiorum anxietate & flatuum ructuumque incommodis, facile cognoscitur.
7. Ita porro *cardialgia, vomitus, colica, passio iliaca, diarrrhæa, tenesmus* atque *procidentia ani*, quia signis minus ambiguis & sensibus vel leuiter aduertentibus facile innotescere solent;

nouam

noſſam repetitionem non poſtulant, cum alibi ſingulorum ſigna a nobis ſuppeditata ſint.

IV. SVBIECTA

I. *Adpetitus*

1) *excedentis* ſeu *addephagiæ ſimplicis*.

(1) *ratione ætatis* infantilis & puerilis ætas, quæ prudente educatione deſtituitur, ubi ſibi relicta cibos de nouo adpetit, prioribus nondum concoctis, & ita ſenſim noxiæ voracitati adueſcit, ad morborum uſque euentum. His porro iungendi ſunt verminofi & quidam hypochondriaci, quartanam aut epilepſiam paſſi, immo & feminini ſexus ſubiecta plura.

(2) *ratione temperamenti* vtriuſque ſexus homines *ſanguinei* & *ſanguineo-phlegmatici*; qui adpetitui nimis indulgere ſolent. Quod ſi autem *choleric* peccent, faciunt hoc non per adſumtorum copiam, ſed per præcipitem ingurgitandi modum. *Melancholici* vero quando in hoc negotio delinquant, tunc vel inuidia, vel victus aliorum impenſis comparatus, ad hunc exceſſum eos abripit.

2) *Orexæos* & *bulimi* ſunt homines, qui partim cum diuturna inedia conflictati ſunt, vel phantaſiæ nimium indulgentes gulæ cupiditatem quantocyus expletam contendunt.

3) *Picæ* non numquam obnoxiæ obſeruantur feminæ menſium ataxiis laborantes: quemadmodum *malacia* grauidas iam mitius, iam vehementius vexare ſolet. Non tamen deſunt exempla, quæ & viros *malacia* correptos teſtantur. *Conf. Io. Rhodii Obſ. med. Cent. II. obſ. 57.* ubi virum, peruerſo hoc adpetitu laborantem, & per hæmorrhoidum fluxum ab eo liberatum commemorat.

4) *Deſcientis* ſeu *anorexiæ ſimplicis* ſunt homines otioſi, meditantundi, & qui tam per temperamenti, quam vitæ rationem, aliis potius negotiis, quam nutritionis actibus inuigilant.

5) *Nauſeæ*

- 5) *Nauseæ* vero subiiciuntur in primis ii, qui morbis periculosis detinentur, in quibus natura necessario corporis defensionis & conseruationi, non autem alimentorum digestionis & augendis humoribus intenta esse debet. *Conf. supra tab. de febribus.*
2. *Fætoris oris* subiecta ex causis paulo post enarrandis optimo cognosci poterunt.
3. *Ardoris ventriculi*: Homines sanguinei & cholericus, si præcipue fuerint plethorici, sanguine tenui, acris, & abundante bile præditi; iuniores potius quam senes; interdum & grauidæ.
4. *Flatulentia*: Phlegmatici, sanguinei & quibus temperamentum ex his duobus mixtum est. Porro hæmorrhoidarii, hypochondriaci, aut malo nephritico, ischiadico vel podagrico expositi: inter feminas hystericae & male tractatæ puerperæ.
5. *Vermibus* subiecta est in primis puerilis ætas, voracitati plurimum indulgens: aliis non prorsus exclusis.
6. *Obstructio alui* plerumque occupat homines vitæ sedentariæ deditos, speculabundos & in primis hypochondriacos, temperamento sicco præditos, plus quidem cibi parum autem potus adfumentes. His merito adnumerantur cacostomachi, & qui otiosi sub crebra fumi nicotianæ suctione multum saluæ profundunt.
7. *Cardialgia* infestat illos, in quibus vna alteraue ex causis mox indicandis vrget.
8. *Vomitibus* subiecta pro temperamenti, sensibilitatis aliarumque causarum differentia diuersa sunt; hinc cognitæ demum causis facile perspiciuntur.
9. *Colica* tentantur frequentius feminae, & illæ quidem, quæ temperamentum habent sanguineo-phlegmaticum, vel sanguineo-cholericum, maxime sub impedito mensium fluxu, aut si post puerperium de abdominis decente ligatione illis minus prospectum est.
10. *Passionem iliacam*, qui incurrere possint, patefient sub causis.

11. *Diarrhæa* facile corripuntur sensibiles, partim ob frigoris ad-
missionem ad corpus vndique calens, partim ob nauseabun-
dam actiuitatem & certorum obiectorum auersationem.
Phlegmatici præter ea promptius, quam alia temperamenta
alui experiri solent fluxum.
11. *Tenesmi* & *ani procidentie* subiectorum sub *caussis* fiet mentio.

V. CAUSSAE.

1. *Adpetitus*, siue *excedens* siue *deficiens*, vti materialibus caus-
sis adscribendus haud est: ita a principio immateriali vnice
dependet. Hinc nec veterum *suctio*, nec recentiorum *figu-
ra particularum*, vllam merentur attentionem. Vbi itaque
- 1) *adpetitus excedit*, ibi
 - (1) vel consuetudo esitandi subest,
 - (2) vel desiderati saporis opinio & æstimatio prædomina-
tur.
 - (3) Vtrumque horum, causas agnoscit immateriales; alias
nec consuetudines emendari, nec adpetitus per virens
aliud pathema tam subito interuerti posset. Veluti ra-
tionibus clare demonstratum est in *Conspect. physiol. tab.
XXV. p. 350.*
 - (4) Roborat porro adsertum nostrum subiectorum peni-
tior consideratio, quæ aperte suggerit, quod voracitas
vitium sit illorum, qui sensuum primos motus secuti,
per ætatis, temperamentum aut sexus rationem, id, quod
corpori ac animo salutare existit, altius pensitare vel
non possint vel non velint.
 - (5) Quibus monitis, facile erit iudicare, quam longe a vero
aberrauerint veteres, qui docuerunt,
 - a) quod *orexis canina* proueniat vel ab oris ventriculi
impotentia ingestorum pondus sustinendi, vel ab in-
temperatura frigidiore, vel ab humoribus acidis, quos
illud orificium absorpsisse credebatur. *Vid. Gale-
nus de loc. adfect. lib. VI. cap. III. de symptomat. causis
cap. VII. Commentar. II. in Hippoc. f. m. 311.*

b) quod

b) quod *bulimus* causſam agnoſcat frigidityate coniunctam *Conf. idem Galenus de ſimplic. med. facultat. lib. V. cap. V.* Verum ſi quis perpendat, quod alibi, nempe in *lib. de euporiſtis cap. XV.* contra hunc morbum commendet acetum, pulegium, pyra, poma & ſimilia olfactui admouenda; in eam facile deueniet cogitationem, quod iſtiusmodi vitia cauſſam efficientem, eamque materialem, in ventriculi ore ſiniſtro hærentem, habere nequitquam poſſint; cum odores, per nares hauſti, materiam, in primiis viis hærentem, abigere minime valeant.

c) Quam exacte ceterum e recentioribus nonnulli cum hac veterum traditione conſpirent, id *Th. Zwingeri theatrum prax. p. 71. Bærhaave inſtit. med. §. 803.* clare perhibent.

2) Vbi *adpetitus deſcicit*, eadem valet cauſſa; æſtimationi nimirum & actiua eduliorum auerſatio. Nam

(1) ſi v. g. ventriculus deprauatus cruditatibus laborat, tunc valde incongruum eſt, ante illarum eliminatiorem, largiore ciborum ingeſtione eaſdem augere.

(2) Si autem ſub otioſa vita adpetitus iacet; natura non tam erroris argui, quam circumſpe&ionis laude ornari meretur. Cum periculolum ſit, otiantium plethoræ, quæ imminutionem poſtulat, noua addere incrementa.

(3) Si denique in acutis nauſea obtinet; iterum materia illam non procreat, ſed rationalis principii ſumma contentio, corpus a certo & ſæpe admodum præcipiti interitu vindicandi; quo ipſo omnes ab hoc ſcopo alienas & coquinarias occupationes penitus reſpuit. *Conf. ſupra tab. de febris*, in qua rationalem nauſeæ rationem argumentis demonſtrauimus.

2. *Oris foetor* non vnius generis habet cauſſas.

1) Quædam enim promte tolli poſſunt: vt ſi foetor ortus ſit a cibus valde olidis, quales ſunt allium, cepæ, raphanus vterque; vel a fumo nicotianæ, dentium carie & his ſimilibus

bus. Ita facile quoque euanescit foetor, quem potus spiritus vini aut medicamentorum adsumptio post se relinquunt.

- 2) Plus autem negotii facessunt cruditates in ventriculo delitescentes, vermes, stomacace, lues venerea, vlcera narium, capitis, pulmonis & oris fistulae; a quibus foetor grauis inducitur, qui medicationi ex voto non facile cedit.
3. *Ardor ventriculi*, seu *soda*, vulgo pro leui habetur pathemate, quasi quouis tolli possit absorbente. Verum, saepe spes eos fallit, qui adeo superficialiter circa illius versantur causas. E re igitur erit tironum, paullo plenius huiusce mali exponere ætiologiam.

1) *Causa materialis*,

(1) vel sanguis abundans, & varie commotus,

(2) vel saburra biliosa, in ipso ventriculo aut duodeno hæsitans.

- 2) *Causa formalis*, vberior sanguinis ad ventriculi sinistram regionem congestio, illius intra fibras tunicæ musculosæ ac neruæ coaceruatio & per illas transpressio; qua fiente sanguis promte incalescit & ipsi sinistro orificio, multis neruis instructo ac proinde valde sensibili, molestum ardorem inducit, qui non modo per oesophagum ad fauces se extendit, sed pro indiuiduorum sensibilitate nunc intensior, nunc vero tolerabilior esse solet.

3) *Causa efficiens*,

(1) Vulgo creditur vitiosa humorum in ventriculo ebullitio, vtpote sub qua particulæ, in rapidiorem motum concitatae, exitum hinc inde quærant & caloris ardorisque sensum inducant. Ebullitionem ipsam adscribunt particularum alcalinarum & acidarum concursui, quæ in ciborum solutione fermentescente sibi inuicem occurrunt.

(2) Ab aliis autem sanguis acris, biliosus aut alia materiâ irritandi vi prædita adculatur. Verum enim vero, quia plures eiusmodi sanguine laborant, & sæpius cibus acribus, acidis, potibusque non satis fermentatis vtuntur,

nec

nec tamen molesto hoc ardore corripiuntur; alia longe subesse debet causa.

- (3) *Quare efficientem* eandem hic statuimus, quam in *Conspectu physiol. & patholog.* iam crebrius explicauimus, principium nimirum rationale, quod omnes in corpore motus instruit & hos quoque congestorios producit.

4) *Causa finalis* quærenda est

- (1) Potissimum in *abundantis sanguinis* imminutione. Quando enim ob variarum hæmorrhagiarum suppressionem natura sanguinem ad ventriculum restringit, & eundem per vomitum cruentum excernere eminus conatur spissitudinis autem vel aliorum impedimentorum ratio hunc finem præcludit: tum serum tantum acre per poros in ventriculum stillat, & *sodam* producit.
- (2) Vbi autem saburra biliosa aliaue acida vel acria in ventriculo iam præsto sunt, ibi copiosior fit sanguinis congestio, eo fine, vt materia irritans per talem humorum adfusionem diluatur & eliminetur.

5) *Causæ occasionales*

- (1) *Ratione aëris*, refrigeratio ventriculi aut extremorum imprudentius facta. Quidquid enim transpirationem periphericam præcludit, id naturæ ansam præbet, vt eiusmodi tenues & acres humores versus primas regiones dirigat, ibique deponat.
- (2) *Ratione alimentorum* cibi pingues, acidi, acres, fermentescentes, pastæ farinaceæ, butyrum, mellita, fructus fugaces copiosius sumti, vinum austerum aut sæculenta cereuisia. Heluones hoc malum sæpius incurrunt, vtpote qui post crapulam excussam acerbe satis eo vexari solent.
- (3) *Ratione motus* accusanda est corporis vehemens commotio, ad exæstuationem vsque & intensam sitim continuata. Hanc sitim si vini dulcis aut cereuisiæ sæculentæ potu leuare cupiunt, ardorem ingentem ac per-

tinacem experiuntur; vti casus quidam a *Riedlino in curationib. med.* adnotatus, clare testatur.

- (4) *Ratione animi pathematum*, iracundia eo promptius huius mali recursum inducit, quo plus temperamentum fauet, & biliosæ cruditates in ventriculo conspirant.
- (5) *Ratione excretorum & retentorum* plurimum conferunt
 - a) hæmorrhoidum & mensium suppressio, ex quo fundamento
 - b) grauiditatis status in nonnullis sodam adfert.
 - c) alui obstructio.
 - d) ventilationum sanguinis consuetarum neglectus.

4. *Flatulentia.*

- 1) *Causa* huius primaria est intestinorum & ventriculi atonia, quæ in phlegmaticis & sanguineo-phlegmaticis præcipue obseruatur.
- 2) Hanc atoniam fouent
 - a) *vita otiosa*, sub qua tonus indies flaccidior euadit: vnde simul patet, cur feminae vt plurimum otiosæ & ad frigoris calorisque alterationes sensibiliores, flatulentia nimium sint obnoxia.
 - b) *materiarum talium in intestina admissio*, quæ flatuum genesis valde promouent. Harum
 - α) *aliæ* adspumidam & elasticam indolem pronæ sunt, & hic maxime in censum veniunt oleracea, raphanacea, leguminosa, pisces marini siccati, farinacea cocta & frixa, mellita, carnes pingues, si præcipue frigidus superbibatur potus.
 - β) *aliæ* vero habiliores sunt ad motum peristalticum eiusque vsum & effectum frustrandum.
 - γ) *aliæ* denique efficaces ad imprimendum intestinis stimulum diuturnum & recrudescentem.
- 3) *Causa efficiens* est ipsa natura, quæ symptomati huic passiuo seu molestæ intestinorum expansioni sese opponit, & per spasmos super inductos flatu ex vno claustro in aliud propellit, interdum autem *ανω* & *κατω* expellit. Secundum

dum *veteres*; succi pituitosi, aut cibi a deficiente calore in halitum solutia dcusantur. *Vid. Galenus de symptomat. causs. lib. III. cap. II. f. m. 26.*

- 4) Nonnulli *recentiorum* flatus habent pro microcosmi meteoris, & perhibent, eos esse exhalationes calidas, lentas, cohærentes, impetu quodam hinc inde delatas, aut inclusas; quarum *materia* quia *nitroso-sulphuræa* sit, accendatur & detonationes producat. *Conf. Pauli de Sorbait instit. med. f. m. 57.*
- 5) Alii causam constituunt materiam *aeræo-elasticam*, e liquore gastrico nimis acido, viscido, austero, cibos male digerente & in crassum chylum mutante, prognatam.
- 6) Alii contra *materiam* adcusant *elasticam*, per *laborem* & *fermentationem dilatabilem*, quæ vno momento coërcetur, altero autem, coërcente clauſto laxato, cum sono & impetu explodatur. Et hi materiam ac intestinorum actionem coniungunt. *Vid. Zwingeri theat. p. 380. Boerhaave aph. 646.*
- 7) Alii in *spasmos*, ab irritante materia excitatos, omnem reſciunt culpam. Ab his tunicas intestinorum eorumque poros arcte condensari putant, vt materia halituosa per illos transhalare nequeat, sed intestina e contrario distendat verumque flatum formet. Sed nullius momenti esse hoc quoque placitum, sequentes euincunt rationes. Nam
 - (1) sine veri similitudine, nedum solido fundamento, nude supponitur, materiam halituosam, elasticam per porositatem intestinorum, ac porro per ipsum abdomen posse omni tempore extra corpus ita excerni. Porro hoc commentum attenta praxis refutat, quæ læpe subiecta sistit, quorum intestina ab eiusmodi materia vacua sunt, miro tamen flarum prouentu gaudent. *Conf. Stablii dissert. de flatulentia §. XVI.*
 - (2) Altera difficultas, quæ priori haud inferior, & nihil minus, quam mechanicam *αυξητικαν*, refert, hæc est: nimirum si spasmo contrahuntur intestina & adeo arcte condensantur, vt neque halituosa materia aëreo-elastica

stica per eorum poros penetrare valeat; qui fit, vt posthabita tam pertinaci constrictione, intestinorum canalis nihilo secius ad insignem sæpe extendi possit amplitudinem? veluti testatur *αυτοψία*.

4) *Causa finalis* liquido constare poterit ex ante dictis. Cum enim materiæ halituosæ, expansivæ per relaxationem motus peristaltici amplior conceditur locus: tum illi- co consequi solet insignis intestinorum, aut portionis saltem relaxatæ distensio, quæ sensum dolorificum & satis acutum inducit. Quod incommodum, vt abole- ri possit, alibi per intestini tractum tonus augetur & so- lito fortius intenditur, vt hæc ipsa naturæ antipraxia deficiens passim tonus suo pristino restituatur vigori.

5) *Causæ occasionales*

- (1) Molimina varia ad hæmorrhoides & menses.
- (2) Abdominis decens ligatio post puerperium omissa aut negligenter administrata.
- (3) Frequens flatulentorum efus, de quo supra iam di- ctum est.
- (4) Artuum refrigeratio, & in primis ambulatio pedibus discalceatis in pavimento frigido.
- (5) Infusi calidi, præsentem iam aliqua atonia, crebrior vsus; vnde maior relaxatio & flatulentia.
- (6) Alui obstructio.

5. *Vermes*. De horum prima origine, variis generibus, gene- randi modo & multiplicatione non solum in primis viis sed etiam in aliis corporis partibus, vt in cerebro, auribus, pul- mone, corde, hepate & plane vesicula fellis, hac vice non differemus, quia partim in *Consp. med. tab. CIX.* fusius iam egimus; partim quia vniuersum hoc negotium nondum ita exploratum habemus, vt citra oppositi formidinem adque- scere liceat. Interim conferatur *Io. Hen. Schulzii diss. de animalibus humanorum corporum infestis hospitibus*, in qua mul- ta curiosa, quæ huc faciunt, collecta deprehenduntur. Ce- terum per vulgus notum est, e qualibet corruptione vermes gene-

generari: vnde vero satis simile putamus, quod etiam in microcosmo ex eadem corruptionis causa vermes producantur. *Conf. Io. Fr. de Pre diff. de genuina verminationis indole & therapia Erford. 1725. Io. And. Fischeri diff. de Verminatione affectu intestinorum molestissimo. ib. 1728.*

6. Alui obstructio

1) *Causam habet actiuam*, quoties natura congestiones humorum ad certà loca molitur, vel sinceræ excretiones continuat. Hinc

(1) in *adparatibus hæmorrhagicis* aluus adstricta est, veluti in *tab. de hæmorrhag. nat.* docuimus.

(2) in *febris acutis*, in quibus excretiones vel particulares, vel vniuersales celebrandæ sunt. Quia vis motus tonici omnis eo intenditur, vt materia secernenda & excernenda ad destinata colatoria vberius dirigatur, & pro scopo, quem natura intendit, etiam excernatur; sub qua vniuersali & solito audiore toni intensio-
ne, aluus quoque per consensum constringitur.

2) *Causam passiuam* habemus, quando peristaltis debito fegnius reddita, fæcum excretionem remoratur, & scybalorum indurationem promouet. Ad vtrumque symbolam conferunt

(1) temperamentum siccum, & inde pendens habitus strictior.

(2) vita sedentaria.

(3) diætâ sicca crassa, & prandia largiter sumta; sufficientis potus defectus, & per malam adfuetudinem quasi auersatio; qualem in hypochondriacis & hysterice sæpe obseruamus.

(4) flatulentia frequens.

(5) largi fudores, extra corporis motum contingentes.

(6) stimuli naturalis & exonerationem alui monentis neglectus perque negotia meditabunda suppressio.

7. Cardialgia.

1) *Causæ materiales* esse solent flatulentia hypochondriaca & hysterica; cruditates in primis viis hærentes; vermes,

varii sanguinis retenti motus, in primis vomitum cruentum respicientes; denique chronicæ primarum viarum læsiones.

- 2) *Causſa formalis*, peristaltici motus ventriculi in primis eiusque orificii sinistri & subinde muscutorum diaphragmatis per consensum adfecti, alternatiua toni relaxatio & spasmodica intensio; a quibus molesti illi effectus ad suffocationem & syncopen accedentes dependent.
 - 3) *Causſa efficiens* vulgo perhibetur spasmodica fibrarum nervearum stomachi corrugatio, flatibus exitum præcludens: cuius causſam porro esse volunt humorem seu pastam acido-austera, acrem, flatulentam. Sed cum motus vitales ciere varieque alterare, nulli materiæ conueniat, refutandis hisce somniis non immorabimur, prouocantes ad veram causſam efficientem, immaterialem & rationalem, de qua satis iam actum est.
 - 4) *Causſa finalis* est naturæ intentio, vel sanguinem ad ventriculum congestum, vel materiam aliquam in illo, aut circa sinistrum eius orificium hærentem, discutiendi, eliminandi aut vero flatus dissipandi.
 - 5) *Causſæ occasionales*
 - (1) Refrigeratio ventriculi & pectoris.
 - (2) Diætæ generatim crassa; speciatim cibi malæ digestionis copiose ingesti.
 - (3) Exanthematum retrocessio.
 - (4) Alui obstructio.
8. *Vomitus*
- 1) *Causſa materialis*
 - (1) Saburra viscido-mucida, aut etiam biliosæ cruditates in primis viis hærentes; ob quam causſam infantes vomitu sæpe corripi videmus.
 - (2) Ciborum dyspeptorum, vel optimorum etiam, cum nausea aut copiosius adsumtorum, reliquiarum, ventriculum adgrauantes.

(3) Ver-

(3) Vermes.

2) *Causſa formalis* generatim dici poteſt primarum viarum peritſtalis inuerſa: ſpeciatiſm vero eſt ventriculi & œſophagi ſpaſmodice adfecti motus quaſi retrogradus & diaphragmatis æque ac muſculorum abdominalium conuulſiua actio.

3) *Cauſſa efficiens* vulgo ponitur tunicæ ventriculi neruæ irritatio: cauſſa vero irritationis putatur acrimonia ſucci heterogenei. Quia vero vomitum a nuda ſæpe imaginatione oriri animaduertunt, ſine vilius materialis cauſſæ interuentu: hinc ſpirituum quoque animalium motum perturbatum in claudicans ſubſidium vocare coacti ſunt. Nos autem cauſſam efficientem habemus ipſam naturam, quæ per hanc viam materias quasdam moleſtas, ſiue veras ſiue fictas, excernere intendat. Vnde

4) *Cauſſa finalis* facile poteſt peruideri.

5) *Cauſſæ occaſionales*

(1) Refrigeratio abdominis.

(2) Adſumta varia, concoctu difficilia, aut alia inſueta, peregrina, emetica, & in ſenſibilibus variæ medicaminum formulæ, aliæque res viſui, olfactui aut guſtui minus gratæ.

(3) Seſſio ad focum igne inſtructum, compreſſo abdomine, & extrinſecus incalente.

(4) Vigilæ nimix.

(5) Iracundia, terror, remiſcentia illorum, per quæ ad vomitum olim concitati fuimus.

(6) Sudor impeditus & per repentinam refrigerationem ſuppreſſus.

(7) Grauiditas, [vulnerationes] capitis, inflammationes diaphragmatis, hepatis, lienis, meſenterii, renum.

9. Colica

1) *Cauſſa materialis*

- (1) Sanguis hæmorrhoidalis & menstruus præter naturam retentus.
 - (2) Materia mucida, viscida, biliosa, flatulenta in fistula intestinorum, præcipue crassorum, hærens.
 - (3) Scybala indurata flatibus liberum exitum denegantia.
 - 2) *Causa formalis* est intestinorum, in primis coli relaxati & a materia flatulenta præternaturaliter distensi, contractio & ad naturalem vigorem tonicum reductio.
 - 3) *Causa efficiens*
 - (1) secundum *veterum* traditiones est humor viscosus, frigidus, crassus & spirituosus, egredi nescius. *Vid. Galenus de loc. adfect. lib. VI. cap. II.*
 - (2) Ad mentem *Helmontii* est fellis fermentum; decerente autem *Musitano*, sal acidum resolutum. Sed apud *μεγαλυνότατος* philosophantes particulæ æreæ, acido viscidis cruditatibus conclusæ, & elastica sua virtute liberam sui expansionem vndique molientes, vtramque faciunt paginam. Nos motum hunc spasticum vti nullum alium a *materia* quacumque, sed a principio *immateriali* deriuamus, & breuitatis ergo remittimus tirones ad illa, quæ paulo supra de causa efficiente sæpius iam diximus.
 - 4) *Causa finalis* est vel sanguinis, vel flatuum vel alius materię satisfactio & expulsio.
 - 5) *Causæ occasionales* sunt varia ciborum ac potuum genera, in se bona, sed ob individualement sensibilitatem ad eiusmodi effectus habilia. Refrigerationes pedum & abdominis tam actu, quam potentia, factas; obstructio alui; flatus retenti.
10. *Passio iliaca.*
- 1) *Causæ materiales*
 - (1) Hernia incarcerata
 - (2) Portio intestini vnus in alterum implicatio seu insinuatio, quæ fere numquam stasi inflammatoria destituitur.
 - (3) Ex-

- (3) Excrementorum induratorum farrago, adeoque pertinax alui obstructio.
- (4) Intestinorum inflammationes.
- 2) De causa *formali*, *efficiente*, *finali* denuo differere superuacuum est; quia quæ huc pertinent, ex causis flatulentiae, vomitus & colicæ peti possunt.
- 3) Causæ occasionales sæpe sunt:
- (1) Colica conuulsiva
- (2) lumbricorum viuorum copia, vel etiam mortuorum colluuiæ.
- (3) cibi crudi, fumo siccati, potus austerus, fæculentus, & fermentescens
- (4) aër nimium frigidus, & corporis in aquam frigidam immersio.

II. Diarrhœa.

- 1) *Causa materialis* diarrhœæ simplicis est materia viscida & partim ob tenacitatem, partim ob sui copiam, primis viis molesta. In casu autem extraordinario, vt in cholera, adfectione verminosa, fluxu coeliaco, hepatico, lenteria, in febribus acutis & hecticis aliæ subesse solent materiales causæ.
- 2) *Causa formalis* non est intestinorum laxitas præternaturalis & facultatis retentricis læsio siue infirmitas; sed auctior motus peristalticus, quo intestina crebrius constriunguntur & ad excusionem molesti sollicitantur; sub quo constrictionis & repetitæ corrugationis actu, non modo humores ad primas vias vberius diriguntur, sed etiam e glandulis intestinorum liquidum ad vias lubricandas, materiam resoluendam & abstergendam, simul exprimuntur.
- 3) *Causa efficiens* vulgaris est irritans acrimonia. Vera autem ex antecedentibus liquet.
- 4) *causæ finalis* citra difficultatem pariter agnoscitur.
- 5) *Causæ occasionales*: refrigerationes corporis; sudoris re-

pressiones; cibi varii; fructus recentes; potus fermentans; medicamenta; iracundia; terror; timor anxius; nausea.

12. *Tenesmus.*

1) *Causa materialis*

(1) Diuturna materiæ acris, biliosæ per aluum deiectionio.

(2) Hæmorrhoidum fluxus impeditus, per varia tamen naturæ molimina ad eruptionem sollicitatus.

(3) Calculus vesicæ, intestinum rectum comprimens.

(4) Ascarides.

2) *Causa efficiens* secundum tritam opinionem est omne id, quod toties sub causâ materiali sigillatim indicatum est. Sed quemadmodum in omnibus reliquis morbis falluntur, qui materiam, propter quam certæ motuum alterationes fiunt, cum ipsa causâ, motus rationaliter & finaliter alterante, confundunt: ita etiam in tenesmo aberrant.

3) *Causæ occasionales* sunt grauiditas; purgantia resinosa; abstergilla ex chartis, quæ acria caustica continebant, vt piper. rad. ari, zingib. vitriol. alum. & similia. Eo referri potest diuturna equitatio.

13. *Procidentia ani* a nimio tenesmo, præcipue sub fortiori nisu in deponendis scybalis induratis, aut acrioris materiæ deiectione oritur, & non raro infantibus ac pueris, in locis frigidis desidentibus, euenit. Nonnumquam autem grauior causâ subest, nimirum sphincteris relaxatio, quæ tamen non totum intestinum, sed tunicam eius nerueam glandulis refertam procidere permittit. Conferri meretur *Stablii colleg. cas. mai. cas. LXVI. & Minus cas. XXXIX.*

VI. OBSERVATIONES.

1. Non incongruum erit, primarum viarum denominationis rationem subnectere: cum plures dentur tirones, qui id ipsum ignorent.

1) Equi-

- 1) Equidem quod per *primas vias* intelligatur longus intestinorum tractus, cuius initium est pharynx, & finis sphincter ani, satis omnino constat.
- 2) Cur vero *primæ* dicantur viæ, non omnibus liquet. Respiciamus autem *nutritionis* negotium, ad quod tres actus requiruntur, nempe digestionis, sanguificationis & adpositionis. Vnde viæ illæ, in quibus digestio *prima* seu chylicificatio peragitur, *primæ* dicuntur, quæ differunt a *viis secundis*, digestionis *secundæ* seu chyli distributioni & hæmatosi inferuientibus; quem ad modum utræque a *viis tertiis*, digestionis *tertiæ* seu adpositioni nouæ dicatis, satis distinctæ sunt.
2. De hisce primarum viarum morbis notandum est, quod nonnulli eorum plus incommodi, quam periculi, foueant, e.g. foda, flatus, diarrhœa, vomitus, & colica simplex. Interim quia digestionis & chylicificationis officinam hæ viæ constituunt, iudicatu difficile haud erit, quod in earundem integritate aut læsione per multum sit positum.
3. Patescit huius adferti veritas tum maxime, cum molimina hæmorrhagica colludunt, & indolem eorum refractariam reddunt, veluti in colica hæmorrhoidali, ardore ventriculi, flatulentia hypochondriaca & vomitu hystericarum, satis notum est.
4. De adpetitus vitiis notamus, quod tanto plures difficultates in horum explicatione se offerant; quo frequentius vulgo a pituita inerte, bilis absentia, fibrarum laxitate aut acrimonia deriuantur. *Conf. de vitriuoris Franckenau Sat. med. XVI, Pet. Borell. Obs. Cent. I. obs. 52.*
5. De ardore ventriculi monenda sunt:
 - 1) quod *Helmontius*, & ante eum *Paracelsus*, arbitrario ausu hoc pathema, contra auctorum consuetudinem & veram vocis significationem, *orexin* adpellauerint; quod quidam e recentioribus, quos inter *Nenterus* est, imitati sunt.
 - 2) Quod *sodæ* vocabulum ex arte vitriaria in pathologiam irreperit; tertium autem comparisonis non adeo liqueat.

Cum

Cum enim in illa cineres, ex herba *Kali* paratos, hic autem dolorem ventriculi vrentem denotet: tum de conuenientia dispeciant alii.

- 3) Quod *soda* dolorem quoque capitis seu *cephalalgiam* designat; quo sensu, præter alios, *Matth. de Gradibus Consil. IV. V. VI. f. m. 5. sequ. Io. Geo. Waltherus in sylua. med. p. 276. 331. Valescus de Taranta in philonio* hoc vocabulum vsurpant. Peculiarem vero dolorem capitis eumque *sopori-ferum* per *sodam* intelligit *Achilles Pirminius Gassarus in Epist. ad Conr. Gesnerum*, in qua dolorem hunc *sodam subethicam* nominat. *Conf. Boneti sepulchret. lib. I. sect. III. obs. 31. & Averroës in Colliget lib. IV. cap. XV. voces, Soda, Hemicrania & Sethica* promiscue pro dolore capitis ponit.
6. *Flatulentiam* promte generari a *saccharatis*, *pandemia* ferme traditio est, friuolo innixa fundamento; quod in bilem causticam mutantur & cito insuper acescant. Quod vltimum extra corpus humanum non plane negandum; sed intra illud minime valet, neque cum illa opinione conciliari potest, quæ bilis indolem essentialiter *alcalinam* esse contendit. Nam ex hoc placito sequitur, materiam *acidam*, e dulcibus enatam, cito mutari debere & posse in alcali. Quem fiendi modum explicatum & demonstratum optant curiosi quique.
7. Ita porro perpetuo confundunt *mellita* cum *saccharatis*, hisque audacter adscribunt, quod illis sub certis circumstantiistribuendum est. Quam vanæ autem sint illæ in saccharum declamationes; innumeris fere exemplis, saccharo quotidie abutentibus, demonstrari potest. Nam præterquam quod infusa calida eo condiantur, & multi in Saxonia inferiori vinum non nisi valde saccharo adulteratum bibant: nihil tamen de bilis insigni prouentu aut mucii copia præ aliis conquerruntur. Alias maiore adhuc iure proscribendæ essent formulæ officinales tot syruporum, electuaria, linctuum, iulapiorum, morsulorum aliorumque. *Conf. Consp. Hygiein. tab. III. p. 473.*

8. Quod vero ad promptitudinem, multos flatus generandi, attinet, duæ accusantur causæ antecedentes:
- 1) Atonia flatulenta, vno impetu intestinis inducta; quæ subiectis posthac adeo adhæret, vt propter leues causas recrudesceat.
 - 2) Immodestius adfectata flatuum explosio; per quam malam consuetudinem etiam illi, qui ad flatus alias per atoniæ absentiam non sunt proclives, hoc incommodo corripiuntur.
9. Qui vero fiat, vt flatus sæpe numero sponte desinant iterumque euanescent, passim disquiri solet. Illi, qui supra profligatæ opinioni adhærent, quasi flatus per intestina & abdomen exhalare possint, aut in sanguinem remeant; rem explicatu facilem esse iudicant. Nos vero notandum commendamus,
- 1) quod flatus tam facile non euanescent, nisi mitiores fuerint.
 - 2) mitiores autem, non obstante, quam conceperunt elasticitate, sensim iterum densantur & in corpus arctius fluidum coalescunt: quo facto, distensionis energia subsidet, tonus placide restituitur; æqualiter continuatur & totum incommodum cessat.
10. *Vermium* in corpore humano prouentus, vti multis dubiis vexatis subiacet, quibus neque a *Nic. Andry*, neque ab *Ant. Vallisnerio* satis factum est; ita admirantur nonnulli illud phænomenon, quod nimirum canum energia coëtrix, quæ alias concoquendis ossibus sufficiat, soluendo digerendoque lumbrico molli haud par sit. Quæ admiratio in illis per id auctetur, quod nullo tempore voraciores obseruentur, quam dum his vexentur animalculis. Ex his porro mirandum non esse iudicant, si humano in corpore idem fieri nequeat. Interim per *viui* & *mixti* differentiam, intimius ponderatam, hæc admiratio imminuitur.
11. *Colicæ* caussa tam materialis, quam finalis si recte ponderentur, nullo negotio animaduerti poterit, quod principium vitale, ad finem suum obtinendum, tanto impetu tantaque

motus peristaltici exacerbatione hæud indigeat, sed mitior agendi modus materiæ dissipandæ sufficere possit: Quod non modo de colica simplici flatulenta valet, sed etiam de pertinaci illa hæmorrhoidali, in qua, erroneo prorsus conatu, sanguis, ad inferiora propellendus, præpostere ad mediam regionem cogitur.

12. Distingunt aliqui *passionem iliacam* a *chordapso* ita, vt *illam*, adflictionem intestinorum *crassorum*; hunc vero *tenuium* esse adferant. Præterea scite obseruauit *Goblius* in *Act. med. Berl. dec. II. Vol. IV.* dari non numquam casus, in quibus subiecta passionem iliacam pati videantur; mysterio autem penitius detecto deprehendi, quod perquam raro tali morbo laborent, qui in læsione situs partium consistat & adposite *Ventriculi hernia* adpellandus sit.
13. *Vomitus* mere *aquosus* vices hæmorrhagiarum, tam naturalium, quam artificialium, explere nonnumquam solet; qua autem ratione id fieri possit, non inepte disquiritur.
 - 1) Quod ad veritatem existentiaæ attinet, homines subinde occurrunt, qui hæreditariam dispositionem habent ad hæmorrhoides; sed quia nec fluxum experiuntur, nec venæsectionibus sibi consulunt, sponte natura tempore verno & autumnali, vomitu corripiuntur, qui aliquot diebus durat, & euphoriam post se relinquit.
 - 2) Interim laboriosus & molestus modus est, tot vomitionibus hæmorrhagiæ defectum supplendi;
 - (1) postulat enim copiosam humorum a peripheria ad ventriculum directionem, congestionem & restrictionem.
 - (2) Hos actus excipit fortior sanguinis in serum resolutio, colliquatio, per glandulas gastricas secretio & excretio.
 - (3) Quibus peractis demum sequitur anoterica ope motus peristaltici inuersi reiectio; quæ plus molestiæ creat, quam decem venæsectiones.
14. Qua occasione de motu peristaltico inuerso, partialiter tantum in vomitu agente, hoc addendum: quod passim exempla se offerant eorum, qui per emesin, certam quamdam mate-

materiam solummodo eliminant, reliquis in ventriculo referuatis. De qua re *Act.med.Berol.* notabile exemplum senis cuiusdam referunt, qui per aliquot annos post prandium vomere solitus, nihil nisi viscidum ac biliosum crama reiecerit, esculenta & potulenta prorsus retinendo; idque cum euphoria. De grauidis ceterum post pastum vomentibus & adsumtos cibos retinentibus, res notior est, quam vt hic repeti conueniat.

15. *Diarrhæam* ceterum non *passiue* contingere, vt cum veteribus plures opinantur, sed principium vere actiuum in hac excretionis specie operari, ex sequentibus perspicui potest.

1) Ægerrime ferre solet natura, quando in motibus, quos semel propter certum finem excitare decreuit, turbatur, & quamuis interdum tam in motus gradu, quam materiæ excretæ quantitate peccet: propriæ tamen culpæ delicta facilius tolerat ac citius eluit, quam vt aliunde factas cohibitiones perferre velit.

2) Vbi vero ab artifice vincitur; propositum non deserit, sed, pro differentia ætatum ac temperamentorum, materiam peccantem aliis modis & viis eliminare studet. Vnde, diarrhææ loco, scabies, vlcera, urinæ vitia, catarhus suffocatiuus & apoplexia succedere solent. Tacemus vertiginem, cardialgiam colicam & alia.

16. *Procidentia ani* ad morbos paralyticos aut semiparalyticos & non nullis solet referri. Sed quamuis illis interdum adnumerari iure queat: tamen sæpius tenesmum consequitur, quam paralyfin. Vnde ad primarum viarum morbos congruentius relata est.

17. Tantum de morbis *quantitatis* & *qualitatis* commentari visum est. Nunc ad morbos *motuum deficientium*, strictim pertractandos, progredimur.

TABVLA XIV.

DE MOTVVM VITALIVM DEFECTV.

I. DEFINITIO.

Defectus motuum in corpore viuo est actuum tam vitalium quam animalium, siue ex parte, siue ex toto, cessatio, quæ a tædio & desperabunda principii vitalis tergiuersatione plurimumque originem ducit ac periculosa œconomix vitali consectoria minatur.

II. DIFFERENTIA.

1. Expositis morbis in quibus natura, rationaliter & finaliter in corpore agens, per aucta actuum vitalium exercitia se manifestat: ad illos nunc accedimus, quos voluntaria motuum partim intermissio, partim omisio, graues & sæpe deleterios reddit.
2. Horum *tres* præcipue constitui possunt classes, quarum
 - 1) *prima* continet illa pathemata, quæ ob causam potius *moralem*, quam *materialem*, motuum *vitalium* ac *tonicorum* in primis amissionem, turbationem & omisionem inferunt; pulsu cordis & actuum animalium exercitio plus minus relictis. Cuius generis sunt
 - (1) Defectus virium,
 - (2) Tremula partium impotentia,
 - (3) Marasmus seu marcor senilis
 - (4) Paralyfis & hemiplexia,
 - (5) Apoplexia.
 - 2) *secunda* classis complectitur morbos, in quibus causa *materialis* manifestior occurrit, ob quam natura motibus tam
vitali-

vitalibus, quam animalibus, sufflumen iniicere & frequenter vitæ finem facere solet. Hi sunt

(1) Catarrhus suffocans,

(2) Pathemata soporosa.

3) *tertia* classis sistit illud malum, quod motuum animalium & vitalium, in his vero *pulsus* præcipue vel debile admodum exercitium, vel quantum sensibus percipi potest, completam omnium abolitionem adfert, & homines mortuis pæne similes reddit. Cuius *mitior* gradus animi deliquium seu *leipothymia*, *intensior* autem *syncope* adpellari solet.

3. Hæc generatim motuum deficientium præcipuam differentiam indicant. Quo autem modo speciatim inter se differant, e nunc dicendis patebit. Ante omnia propulsandum erit præiudicium, ac si *primæ classis* pathemata non nisi *gradu* distincta essent; cum tamen diuersæ sint deficientium motuum *species*. Nam

1) Si morbi isti differentium tantummodo essent graduum, vera inter ipsos deprehenderetur confinitas, secundum quam ad mutuum progressum & successum liberior ac frequentior daretur transitus.

2) Ita *virium deiectio* in febribus malignis sæpe summa occurrit & ad mortem usque augetur; *paralysis* tamen grauem hanc virium iacturam non excipit, sed, quod probe notandum, *conuulsiones* non raro illius legunt vestigia.

3) Præterea compertum & multa obseruatione firmatum est, paralytin potius superuenire grauiori conuulsionum afflictioni, quam motuum defectui, ordinarie prægressio.

4) Verum quidem est, quod tremores artuum paralytodei in paralytin, aut paralyfes subinde in apoplexiam degenerent, & apoplexia leuior in paralytin non numquam abeat, sed raro id contingit, neque eiusmodi transitus adeo facile, nedum tam promte, quam quidem nonnulli opinantur, euenit, verum plures annos seu amplam ætatis periodum intercalare inuoluit: vt minime specificam

inde paritatem, sed genericam tantum occasionem perspicere liceat.

4. Quibus expeditis differentiam defectus virium & tremoris artuum nunc indicare conuenit.

1) Vires aliæ sunt

(1) vel *a priori* omiffæ, ac sponte natura quiescentes,

(2) vel *a posteriori* amiffæ, consumptæ, exhaustæ, de quibus plenius sub cauffis.

- 2) Virium defectus oppido insignis, qualis in malignis se offert, sine tremore paralytode exiftere solet; tremor autem passiuus virium labefactionem semper habet coniunctam.

- 3) Sub eodem virium defectu actus animales admodum imperfecte exercentur, immo sæpe suspensi videntur: homines autem tremore adfecti peregre proficisci valent, insuper adpetunt, digerunt & nutriuntur, quod aliter longe in vero virium defectu accidere nouimus.

- 4) Vtræque hæ deficientium motuum species a *senili marasmo* decenter distinguendæ sunt, quemadmodum veteres hunc ipsum marasimum, quem *senium ex morbo* adpellare placuit, probe distinxerunt. Notamus autem:

(1) *marasmus* enim decrepitis, filicerniis euenit, quorum ætas ad duodecimum septenarium accedit, aut eundem iam transgressa est: sed virium defectus & artuum tremor etiam iuniores occupare & eneruatos reddere solet.

(2) Deinde *marasmus* sine artuum tremore inualescere & vicissim tremula partium impotentia sine marasmo adfligere potest; licet interdum vtrumque malum iunctim subiecta vexare soleat.

(3) Virium deiectio in passiuo artuum tremore omnino adest, sed in marasmo longe maior obseruatur.

5. Pergimus ad reliquas easque grauiores defectus motuum species, quas inter consideranda

- 1) *paralysis vera idiopathica*, seu repentina motus & sensus e membro quodam corporis vel completa vel maximam partem abolitio. Dantur autem plures paralyseos species, e.g. quando oculorum palpebras, linguam, labia, maxillam inferiorem, brachium, digitos, crus, pedem aut sphincterem ani vel vesicæ corripit.
- 2) *paralysis spuria symptomatrica* itemque *scorbutica* dicta, in qua adfecta membra
 - (1) vel potentia mouendi destituuntur, *sensu* autem prædita manent,
 - (2) vel vbi sensus valde stupidus & leuis ad motum dispositio superstes est. Huic speciei suppar videtur
- 3) *paralysis purpurea*, nostro tempore non infrequens & purpura laborantes passim corripiens.
- 4) *paresis ex colica*, seu illa paralyseos species, quæ vehementiores colicas, vt plurimum narcoticis & diaphoreticis male tractatas, excipit, cum toni in musculis abdominis remissione & ventris quasi tympanitica inflatione.
- 5) *hemiplexia vel hemiplegia*, seu sensus & motus in alterutro corporis latere, plerumque sinistro, abolitio, opposito latere saluo permanente.
- 6) *Paraplexia* seu *paraplegia* est motus ac sensus in membro paralytico completa & vno impetu facta ablatio, cum manifesta inflatione & secundum *Boerhaavium in instit. med.* §. 861. immobilitate omnium musculorum, qui neruos a cerebro & cerebello sub cranio egredientes habent. Interdum *paraplexia* apud Medicos idem est, ac *paralysis*, grauiorem *apoplexiam* excipiens.
6. *Apoplexia*, morbus paralyfi vera paullo frequentior, præceps ac ferme momentanea motus & sensus per vniuersum corpus abolitio est; & quamquam respiratio aliquo modo relinquatur, auditus quoque & visus signa supersint: tamen omnimoda voluntariorum laborant impotentia. Differt
 - 1) *ratione gradus*:
 - (1) *lenior* dicitur illa, in qua pulsus cum respiratione quodam

dam modo relinquitur, cum mouendi facultate admodum tenui & cito peritura: atque hæc non numquam in latioris ambitus paralyfin transire obseruatur.

- (2) *exquisita* autem illa est, quæ intra pauciores minutas energiam omnium actionum, vitam quoquo modo indicantium, penitus tollit subitamque mortem adfert.

2) *ratione caussarum*

- (1) alia est *sanguinea*,

- (2) alia *serosa*. His tertiam speciem, quæ a defectu liquidi nerui proueniat, addendam esse, aliqui serio contendunt.

7. Quibus porro modis apoplexia ab aliis congeneribus morbis se distinguat, itidem videndum.

1) a *paralyfi* differt

- (1) *ratione subiecti specialis*, quod in illa totum corpus, in hac vero alterutrum eius latus, aut singulare membrum est.

- (2) *ratione vehementie*: in illa enim præter motus & sensus abolitionem etiam rationis vsus tollitur, in hac autem, licet labefactatus, relinquitur.

- 2) a *paraplexia*, inquit *Galenus in med. definit. f.m. 22.* differt *apoplexia*, vt totum a parte. Apoplectici enim sunt etiam paraplectici, sed non in vicem versam. Ita in paraplexia rationis vsus quodammodo superest; in apoplexia autem eum sublatum esse nouimus.

3) a *catarrho suffocante*

- (1) *ratione subiectorum*; siquidem illa ætatem consistentem & alias sequentes; hic vero *primam* potissimum corripere solet.

- (2) *ratione euentus*: apoplexia alias excipere potest desertiones motuum paralyticas; catarrhi autem suffocantis energia illam directe non prouocat.

- (3) *ratione curationis*. Catarrhus iste vt paululum frequentius occurrit: ita ad fuscipiendam medelam propior est. Quorum neutrum de apoplexia adferere licet.

4) a mor-

- 4) a *morbis soporosis*: in his enim sensus & motus non tublatus est, vti quidem in apoplecticis, sed vsus tantum eius per præternaturalem somnolentiam oppressus.
8. Quamvis ceterum *catochus* magno consensu Medicorum spasmis accenseri & de *catalepsi* synonymice a veteribus & recentioribus vsurpari soleat: tamen *Coschwitzio* placuit in *pathologia* p. 419. sub isto nomine singulare pathema apoplecticum seu paralyticum indicare, in quo totum corpus motu ac sensu priuetur; excepto solo capite, quod motu, sensu ac rationis vsu præditum maneat.
9. Perspectis illis motuum deficientium speciebus, quæ per sensus & motus tonici vitalis insignem labefactionem, aut repentinam ac veram omissionem & abolitionem, in externis potissimum corporis partibus, se manifestant; ad alias progredimur, quarum noxa, intimius latens, interne primum se exserit, & ordinarie tam repentinam omnium vitalium actuum ablationem, aut mortem non adferunt. Huius census sunt
- 1) *Catarrhus suffocans* seu summa respirandi impotentia vitæ interitum minitans, medelam tamen non prorsus respiciens.
 - 2) *Morbi soporosi*, qui tam ratione protopathiæ, quam graduum inter se differunt. Hinc
 - (1) *morbis soporosis symptomaticis* & acutis subinde superueniens est
 - a) *Coma vigil* seu pertinax in somnum propensio, sine quieto, nedum profundo somno; vnde *κατωα ἀγρυπνῶδες* seu insomne veteribus audit. *Conf. Galenus libro de Comate cap. II.* vbi simul obiectionem quorundam diluit, qui dixerint, propensionem in somnum verum etiam somnum sequi debere.
 - b) *Coma somnolentum*, *ὑπνωδες*, *cataphora*, est constans in somnum non modo propensio, sed etiam somnus naturali multo profundior, in quem homines, ægre excitati, ex templo iterum relabuntur.

c) *Typhonia* seu *typhomania* ex veterum sententia præcedentibus addenda est, eo, quod itidem pro symptomate habeatur *phrenitidis*. Explicant præci prisci per delirium lethargicum, e phrenitide scilicet & lethargo complicatum. *Conf. Galenus in definit. med. f. m. 22.* Recentiores propterea *phrenitidem obscuram* nominare malunt; siquidem phrenetici occurrunt, in quibus vehemens, clamor & insultibus molestum delirium se non manifestat, sed solum typhomania. Quæ de re memoratu digna est *Hippocratis observatio lib. III. de morb. epid. sect. VII. f. m. 171.* vbi eiusdem anni phreneticos commemorat, non vehementer, vt alias, insanientes, sed *languida in somnum degrauatione* emorientes. *Vid. Galeni comment. in Hipp. prædict. f. m. 43. Boneti sepulchret. lib. I. Sect. VII. obs. 6. in not.*

(2) *morbus soporosus idiopathicus*

a) *Lethargus*, sopor comate somnolento profundior, e quo ægerrime excitari possunt homines, excitati autem, obliuione omnium rerum capti de nouo ac profundius eidem immerguntur; sine tamen febre acuta, licet *Pancr. Bruno, Bonetus, Lommius, Mustatanus, Blancardus, Zwingerus* & alii contrarium adfirmant. Concurrens enim motus febrilis, isque leuior, exquisitam acutæ in morem non obseruat periodum.

b) *Carus* autem in quo a lethargo differat, obingentem Pathologorum dissensum explicare difficile est.

a) Sunt, qui adfirmant, carum esse soporem profundissimum, lethargo grauiorem, cum repentina sensuum ac motuum abolitione, relicta solum spirandi facultate. Actum quidem alii cum febre, vt *Boerhauius instit. med. §. 858. & eiusd. Aphorif. de cog. & cur. morb. §. 1045;* alii autem sine febre, e.g. *Blancardus, El. Camerarius*, complicatum dicunt. Alii febris in caro nullam faciunt mentionem. Ceterum in hoc conueniunt ferme omnes, vt statuant, esse

esse pathema lethargo grauius, apoplexia vero inferius.

ε) Alii ponunt contrarium & de caro ita decernunt, quod utique sit sopor lethargo leuior, & inter hunc & coma hypnodes, pathema medium cum minori obliuionis gradu. *Conf. Alberti introduct. in vniuers. med. p. 211. Coschwitz pathol. p. 426.*

3) *Deliquium animi*, eclipsis, cuius diuersi constitui solent gradus, quorum potiores sunt:

(1) *Leipothymia* seu actuum tam animalium, quam vitalium notabilis defectus: qui, dum eo vsque increfcit, vt naturalis calor labefactari incipiat, *leipopsychia* nomine exprimunt. Alii inuertunt; alii autem plane superfluum iudicant, inter duo isthæc vocabula ponere discrimen.

(2) *Syncope* supremus leipothymia gradus est, in qua occurrit omnium motuum, quantum sensibus patet, abolitio quæ celeriter contingit & plerumque diuturnior existit. Vbi vero hæc inualefcit, *ασφύξια* nominandam esse iubent *Boerhave in instit. Abrah. Vater in diss. de affectu magno mortique proximo syncope Witteb. 1723.*

10. Atque hæc sunt diuersa deficientium motuum pathemata; quibus alii inferunt *Apnæan*, *Aphoniam*, *Anaisthesian*. Sed obseruauit iam *Galenus lib. II. de sympt. causf. cap. II.* peculiaries species non esse, sed vnam eandemque paralyfin.

III. SIGNA.

Signa deficientium motuum operose hic congerere eo minus studebimus, quo manifestius membri aut totius corporis immobilitas & percipiendi actio abolita eiusmodi motuum suspensionem aut ablationem prodere solent. Interim signa specialia desiderantibus satis fiet in *Conspect. med. tab. CXIV - CXX.* vbi cuiusuis horum pathematum signa sigillatim exhibuimus.

IV. SVBIECTA

Ex causfarum accuratiore enumeratione patebit, quod quidem omnis ætatis ac temperamenti homines motuum vitalium de-

fectus incurrere possint, senio tamen confecti prærogatiuam hic habeant. Cumque mox plenius de hac re dicendum sit, anticipando hic diuellere & carptim tantummodo edisserere incongruum iudicamus,

V. CAVSSAE

A. Generales.

1. *Defectus virium* causas scrutaturis, distincte prius explicandum est, quid per vires intelligamus? Sic enim eo expeditius perspicitur potest nexus inter causas & earum effectus. Per vires autem intelligitur principii immaterialis energia seu sufficiens actiuitatis potestas, quæ in corpus, per motus conferuandum, rationaliter, id est, secundum certum ordinem, gradum & finem impendi debet. Hæc autem energia
 - 1) vel *a priori omittitur* seu sponte natura corpori subtrahitur, & quidem in aliis, ex causis mere moralibus, in aliis autem ex materialibus iam latentibus, iam satis manifestis.
 - 2) vel *a posteriori amittitur*, consumitur, exhauritur, non per causas materiales, sed *propter* illas, seu inter pugnam & conflictum cum iisdem. Interim vero cum hoc virium defectu non confundi debent
 - (1) *passiua grauatio*, a sanguinis abundantia coorta, de qua sub plethora ad vires locuti sumus.
 - (2) *Torpor ignauus*, in quo energia partes organicas varie agitandi vere non deficit, sed solummodo subest agrioris operæ fastidium, sub segni & somnolento otio enatum.
2. His monitis subiungendæ erunt causæ principes, propter quas naturæ energia vel *omittendo*, vel *amittendo* deficere solet.
 - 1) *In morbis acutis* ansam præbet
 - (1) vel materiæ peccantis *copia*, quæ validiorem ac constantiorem motuum continuationem ad subtractionem & expulsionem necessariam postulat: sub qua actiuitas principii agendi *fatiscit* & sensibili modo minuitur.

(2) Vel

- (2) Vel materiæ *subtilitas*, quæ efficit, vt natura ad trepidas tergiuersationes adducatur & desperans a mouendo demum prorsus desistat: successum enim difficilem euentumque ambiguum vel præuidet, vel sibi præfigurat.
- 2) *In morbis chronicis* illi in primis virium defectum adferunt, in quibus negotium nutritionis vehementer turbatum & peruersum est.
- 3) Porro energia amittitur per *excretiones* nimias seu iacturam humorum, e.g. per hæmorrhagias siue actiuas, siue passiuas inductam; diurnas diarrhœas, dysenterias, prodigos sudores, pertinaces vomitus. Hac enim ratione subtrahitur
- (1) præcipuum virium instrumentum nempe sanguis, qui alias moderato suo suffarctu singularum partium solidarum tonum suffulcit & flacciditatem auertendo, energiæ *mouenti* egregie velificatur ipsosque actus vitales dimidio expeditiores efficit.
- (2) Deinde perit reliquæ massæ fluxilitas, quia ob fibrarum præcipue collabascantium flacciditatem difficilior circulatur.
- (3) Hinc secretiones & excretiones multo laboriosiores fiunt; quæ circumstantiæ limitatam in corpore nostro energiam validius intendendam tandem infringunt, vt, suborto agendi tædio prorsus euanescat.
- 4) Deinde organi alicuius vitalis læsio, omnem medelam respiciens, aut vniuersi habitus deprauatio non minima causa est, vt natura energiam vitalem omittat vel amittat.
- 5) Diuturna dolorum vehementia eundem exserit effectum: quoniam enim cum inquietudine & agrypnia dolores coniuncti sunt, vires labefaciuntur & actiuitatis vigor vltius prosequendis actibus vitalibus impar euadit.
- 6) Denique animi pathemata e.g. ira, terror, mœstitia energiam vitalem vel infringunt, vel illius subtractioni ansam præbent.

B. *Speciales.*

lam facile erit speciales causas subiungere & primum quidem *tremoris artuum.*

1. Ante omnia ex *differentia* repetere conuenit, quod *actiui* dentur artuum tremores, e. g. in terrore, ira, gaudio, febribus intermittentibus, in quibus tantum abest, ut motuum defectus peccet, ut potius ad *semi-conuulsuos* referendi sint. Contra *passiui* tremores a causis priuatiuis dependent & ad morbos *semi-paralyticos* pertinent, quorum causa *proxima* neruosi generis flaccidam constitutionem inuoluit.
2. Cur vero natura ceu *caussa efficiens* in tremore hoc passiuo motus adeo trepide administret & per toni remissionem membrorum perpetuam vicissitudinem & agitationem admitat: id vel ab instrumentis debita aptitudine destitutis, vel ab actionum laborumque tædio rectam operationem amplius detrectante deriuandum putamus.
3. *Causæ occasionales*
 - 1) Morbi graues per vitæ curriculum plures perpeffi.
 - 2) Excretionum sanguinis & feri neglectus.
 - 3) Vehemens vomitus & regimen diaphoreticum, diu toleratum.
 - 4) Diæta calida aromatica & potus spirituosus larga & quotidiana ingurgitatio. Hac enim ratione orgasmus sanguinis & elastica partium expansio contingit, quæ post crapulam, constitutionem contrariam, nempe atoniam producit.
 - 5) Immoderatus & sæpe repetitus saturatoris infusi coffee abusus, de quo *Conf. Hygieine tab. de cibo & potu.*
4. *Causæ paralyseos & hemiplexiæ*
 - 1) *Causa efficiens* immaterialis est fastidium ipsius naturæ, motus vitales ob quamcumque difficultatem exercendi.
 - 2) *Causa formalis* est energię motorię destitutio. Vnde sensus animalis & motus tonici in certo membro aut in alterutro corporis latere vel notabilis labefactatio, vel completa subtractio

3) Caus-

3) Causæ *occasionales* sunt

(1) Quævis noxa, quæ vel eximiam corrumpendi oconomiam vitalem energiam; vel summam corrigendi & expellendi difficultatem inuoluit, non nisi ancipiti conatu adgrediendam.

(2) In ætate *infantili* & *puerili* occurrunt

a) Conuulsiones vehementes & diuturnæ.

b) Variolarum ac scabiei retrocessio sub imperita medicatione vtplurimum eueniens.

c) Distorsiones aut contusiones, quæ licet leuiores censendæ essent, si in corpus adulti inciderent: in tenera tamen ætate motuum desertioni ansam præbere solent.

(3) In ætate *media*

a) *Motus spastici* magis rheumatici, arthritici, colici exquisiti diuturno cruciatu pertinaciter adfligentes.

b) Exanthematum cohibitiones, retropulsiones.

c) Graues membrorum *luxationes*, per debitam repositionem dextre minus sublata. Maiores item *contusiones*, immo & aliæ deprauationes partium per magna vulnera inductæ.

(4) In ætate *senili*

a) Consuetarum hæmorrhagiarum aliarumque ferosarum excretionum defectus.

b) Humororum dyscrasia. Hæc eo facilius in senibus sub otiosa viuendi ratione inualescit, quo manifestius omnis alacritas, adeoque toni ac secretionum & excretionum vigor minuuntur. Vnde impuritatum coacervatio, retentio, organorum deprauatio, quæ omnia ineptitudinem ad mouendum inducunt, & vitæ tædium excitant.

c) His si aduersa fortuna accesserit, aut duriora fata iam prægressa fuerint, quæ vel morbis corpus male adfecerunt vel ærumnis animum excruciarunt: tunc multo promptius natura ad motuum abolitionem deducitur.

(5) Animi pathemata & ebrietas.

4. Restat, vt aliorum opiniones de *caussa efficiente materiali* a *Musitano* iam profligatas adferamus. Adculantur autem

1) Sanguis grumusus, aut lymphæ coagulum, crassum, pituitosum, neruorum principium seu medullam oblongatam premens & neruos occludens.

2) Alia quæcumque, quæ

(1) vel phosphori animalis seu radii motoris elastici paucitatem, seu defectum, ligando, figendo, coagulando inducant, aut tubulos lucidos, siue per compressionem, siue obstructionem, lædant; id quod iam circa primam eorum radicem, iam circa medium, iam circa insertionem harum illarumue partium contingere putant.

(2) Vel liquidi neruosi a cerebro, aut arteriosi in musculo paralyticum præpeditus vel plane interceptus influxus. Vnde toni fibrarum relaxatio & elasticitatis defectus, musculum contrahendi impotentia & sensationis iactura. *Vid. Wedelii exercit. semeiotico-pathol. cap. XV. p. 35. El. Camerarii syst. cautel. p. 277. Zwingeri theat. prax. p. 334. C. L. Wucherer discurs. de statu C. H. præternat. p. 127. Boerhaave aphorif. de cog. & cur. morb. §. 1058.*

3) Contra hanc obsoletam & triuialem ætiologiam insurrexit *Musitanus in trutina lib. I. cap. III. p. m. 41.* eamque falsam declarauit sequentibus argumentis:

(1) si in cerebro, tamquam medullæ spinalis & omnium neruorum origine, humor pituitosus colligeretur, & inde defluendo spirituum animalium seu liquidi cerebellosi comæatum præcluderet, ipsosque neruos obstrueret: tunc multo frequentius occurreret paralyfis; cum tamen morbus sit rarior.

(2) Deinde contendit, innumeras nihilo minus fieri humorum defluxiones e cerebro in medullam oblongatam & spinalem decumbentes, quibus neruorum genus imbuatur, sed citra sensus & motus priuationem.

(3) Por-

- (3) Porro paralyfin colicæ vehementi succedere recte adferit, in quo casu tamen defluxiones desint & cerebrum cum neruorum principio saluum maneat.
- (4) Prouocat insuper ad dislectiones cadauerum, ex paralyfi demortuorum, quæ nihil de pituita, a cerebro in medullam delapsa, manifestant.
- (5) Tandem ex hypothesi loquens, solam pituitam viscidam nihil officere pronunciat, quo minus ipsi spiritus humorem crassum penetrare possint, cum longe sint tenuissimi, subtilissimi.
- (6) Vltimo falsitatem ex eo probat,
- a) quod nerui omnino solidi & ex filamentis compositi sint, nullam habentes cauitatem, tubulos nullos, veluti venæ ac arteriæ, vtpote quæ spiritus & sanguinem, nerui solos spiritus vehant. *Conf. eiusd. lib. I. cap. XI. p. 133.*
 - b) vrget: humorem potius serosum ac tenuem obstruendæ neruorum origini longe esse aptiorem, quam crassum, viscidum pituitosum, quia facilius in neruos, si caui essent, infundi & spirituum influxum cohibere possit.
- 5) Vti vero *Musitanus* in refutandis falsis dogmatibus felicior fuit, quam in substituendis melioribus: ita & hic infelicitèr *causam* habet omne id, quod vel spiritus vel partes coagulare possit; vnde illi motum, hæ vero requisito tono destituantur, vt spiritibus via præcludatur. Sensum autem amitti docet, quando tensio nerui pereat; id quod euenire putat in fibrillarum neruearum relaxatione. Relaxationem vero æque ac coagulationem adscribit *vapori vitriolato*, immo & *caussis incognitis*. Vnde autem & quomodo ille generetur, quid generationi materiam & ansam præbeat, quibus rationibus id demonstrari possit, id secure præteriuit.
- 6) Sed mittimus hos errores & breuibus tirones monemus cacochymicam quidem humorum constitutionem, ad effectus

fectus obstruentes & nervos comprimentes aptissimam, tam ex diætæ, quam vitæ generis vitio, ingenti hominum numero inesse, & quod amplius est, ad varias congestiones versus caput naturam quasi sollicitare: ex aliquot tamen millibus vix vni accidere, vt motuum desertione corripiatur. Vnde satis liquet, hæc placita principii petitionibus vndique laborare.

5. *Causæ apoplexiæ* post paralyseos ætiologiam facilius iam perspici poterunt.

1) *Causa scilicet materialis antecedens*

(1) *remota* est status plethoricus & serum inde simul abundans.

(2) *propinqua* est repentina sanguinis commoti & ob quamcumque causam exitum non inuenientis ad cerebrum ominosa congestio.

(3) *proxima* est interceptio motus sanguinis in cerebro, præcipue per plexum choroideum eidemque dicatas venotas ramificationes & hanc excipiens vel sanguinis eruptio, vel tenuioris serosæ portionis secessio & effusio. Vnde principium nervorum, quod vocant, per compressionem extravasati humoris male adficitur organicisque vñibus ineptum redditur. Modus interim nervorum systema in suo principio adgrauandi, non is vnus, quem diximus & solus est, sed plures habentur, quos passim manifestarunt cadauerum sectiones, eorum, qui apoplexia extincti sunt. *Conf. Boneti anat. pract. lib. I. sect. II.* vbi septuaginta observationibus varii modi suppeditantur.

2) *Causa efficiens* est principium vitale, quod, vt motus in corpore instruit & continuat: ita eosdem non numquam repente deserit; & quidem non semper per passivam virium oppresionem & amisionem, sed sæpius etiam per consultam subtractionem & omissionem, citra manifestam causam materialem; quemadmodum cadauerum sectiones euicerunt, quod scilicet in pluribus apoplecticis tres
cor-

corporis cauitates illæſæ fuerint. Priori quidem caſu, vbi inſtrumenta motuum læſa ſunt, facili negotio cognoscitur, cur natura ad motuum vitalium repentinam abolitionem & energiæ motorię ſubtractionem perducatur? Læſis enim ſenſus ac motus inſtrumentis fatius ipſi videtur, a motibus plane deſiſtere, quam ſine effectu eoſdem continuare. Vbi autem nullæ cauſſæ materiales adſunt, vel præſentes ita comparatæ ſunt, vt per motus debite inſtructos & continuatos ſubigi omnino poſſint: ibi auſugiendi ratio difficilius perſpicitur; ſed humanæ indolis ea eſt corruptio, vt ad extrema facile confugiat & in illis maxime rebus delinquat, quæ multam circumſpectionem & indefeſſum laborem expoſcunt. Ceterum ærumnoſæ vitæ conditio, ſpes melioris, blandæ quietis deſiderium, naturæ tædium, feſtinationem non mediocriter excitare poſſunt.

- 3) Iam diſpiciendum erit, quam cauſſam efficientem illi adcuſent, qui tam deficientes quam auctos motus a *materiis* peccantibus in morbis deriuant

(1) *Secundum veteres*

a) vel eſt *multus ſanguis*, confertim in principium animantis incumbens, & hac ratione apoplexiam produciens. Vbi enim in aliam partem ruat, ibi tumorem præter naturam efficere ſtatuunt. *Vid. Galenus de cur. rat. per ſang. miſſ. cap. V.*

b) vel eſt *impotentia*, qua vis animalis in partes infra caput deſluere nequeat; ſiue propter aliquam diſpoſitionem, quæ inflammationis ſenſum referat, ſiue propter cerebri ventriculos, pituitoſo humore repletos. *Conf. idem Galenus comment. II. in aph. Hippoc. f. m. 314.*

- (2) *Secundum recentiores*, qui veterum placita maximam partem in hoc negotio ſua facere nituntur, ſupponitur centralis obſtructio pororum cerebri medullarium, vel a ſanguinis largiore diſfuſione extra vaſcula & torulos, vel a ſero immobili ſtagnante, viſcido, quod interluat,

distendat, oppleat ac grauet. Vnde necessario, ob elaterem deficientem, tubulorum lucidorum medullarium subsidientia, compressio, oclusio & interceptus spirituum influxus a medullæ cerebri origine ad neruos inde ortos & late dispersos. *Vid. Auctores supra citatos.* Causæ vero huius causæ efficientis statuuntur ea omnia, quæ in cerebro spirituum suppositorum liberum fluxum impediunt. Quæ uti meræ causæ occasionales sunt: ita *quinque* earum formari solent classes, in quarum

- a) *prima* ponuntur fracturæ, impressiones, exostoses, compressiones cranii, in primis in iuuentute.
 - b) in *altera* humores cruenti, ferosi, purulenti, pituitosi, stagnantes, effusi in iis locis, in quibus cerebrum comprimere vel erodere possunt; e.g. inter cranium & meninges, inter has & cerebrum, in ventriculis, medulla oblongata & spinali.
 - c) in *tertia* tumores inflammatorii, aquosi, ferosi, purulenti, mucosi, sebacei, scirrhusi, lapidosi.
 - d) in *quarta* sunt varia, quæ fluxui sanguinis adpellendi obsunt, ut ad cerebrum perfluere nequeat; vitia in primis vasorum vulneratorum, compressorum, aut per polyposa spissamenta obstructorum.
 - e) in *quinta* impedimenta similia in sinibus ac venistam maioribus quam minimis.
- (3) Sed hæc omnia tanti non esse, ut causam EFFICIENTEM constituere vere possint, sequentia probant.
- a) graues cerebri læsiones sæpe occurrunt, quæ longe periculosiores sunt, quam exigua humoris extrauasio & tamen a natura, arte ministrante, curantur, nec apoplexiam inducunt.
 - b) Si eiusmodi causæ apoplexiam actiue & efficienter prouocare possent, omnes profecto hydrocephalo laborantes, apoplexia perirent, quod tamen experientia non confirmat.

c) Plu-

- c) Plurimos ex phlegmaticis, catarrhosis, cacochymicis quotannis apoplexia necare deberet, si sola materia viscida in causa esset. Verum multitudo subiectorum, quæ ita comparata sunt, & apoplexiæ infrequentia, omnia eiusmodi placita facile evertunt.
- d) Tandem illud, in quo totius rei cardo vertitur, nudum suppositum est; nimirum neruorum tubulositas, spirituum existentia, influxus in neruos, sensus & motus causa, huiusque census alia. Quod *Musitanum* mouit, pleraque ex his, tamquam ridicula commenta, reiicere & imposturæ crimine adculpasse *lib. cit. cap. II. de apoplexia.*
- 4) *Causæ occasionales* magnam partem sub prioribus causis recensitæ sunt, quibus porro addendæ
- (1) Consuetarum excretionum sanguinis & feri in utroque sexu turbatio, cessatio aut voluntarius neglectus.
 - (2) Dispositio hæreditaria.
 - (3) Podagra male tractata & per metastasin ad caput perducta, uti obseruatum est in *Act. med. Berolin. Dec. II. Vol. VII. p. 26.*
 - (4) Frigoris & caloris subita mutatio.
 - (5) Senium, vitam sub variis ærumnis transactam excipiens
 - (6) Diuturnæ afflictiones vertiginosæ.
 - (7) Frequens temulentia.
 - (8) Terrores anxii, consternatio subita, vehemens gaudium.
 - (9) Anni climacterici, de quibus egit *Fr. Hoffmannus in diss. quæ annorum climactericorum rationalem & medicam explicationem sistit. Halæ 1074. Act. med. Berol. Dec. II. Vol. III. p. 34. Vol. VIII. p. 65. Vol. X. p. 55.*
6. *Causæ catarrhi suffocantis.*
- 1) *caussa materialis*

- (1) *remotior*: serum per temperamentum ac ætatis rationem abundans & habitus corporis flaccidior.
 - (2) *propinquior*: materia hæc serosa, & mucida ad pulmones copiosius congesta.
 - (3) *proxima*: eiusdem materiæ stagnatio oppletoria viscus distendens & vsus eius in respirationis negotio impeditum reddens.
- 2) *Causa formalis* est subita toni in pulmone paralytodea relaxatio, & hanc immediate excipiens materiæ seroso-mucidæ in vesiculas pneumonicas irruptio, quæ pulmonis officium & vsus turbat maximæque confusio in reliquis motibus vitalibus ansam præbet & ad eorum abolitionem naturam prouocat.
- 3) *Causa efficiens* vulgo ponitur humoris serosi aut lymphatico-salsi, acris, acidi, resoluti atque hinc figuram, magnitudinem & motum particularum præternaturalem adepti stagnatio & extravasatio, qua pulmo, bronchia, fauces, male adficiuntur & introitus aëris intercipitur. Huius vero extravasationis causas, sectionibus cadauerum freti, statuunt varias, quas ad ductum observationum prolixè enumerant & consueto more nihil, nisi *occasionales*, adferunt. Cum vero maxime incongruum sit, efficientem motuum causam in materia quærere, ad ea prouocamus, quæ de causa efficiente immateriali supra diximus.
- 4) *Causa finalis* est quidem intentio serum superfluum excernendi, sed ob organi periculosam electionem exitus horum conatuum plerumque funestus est. Quia natura ob viciatum vitale instrumentum ad aliud extremum delabitur, & periculo urgente a mouendo plane se se subducit.
- 5) *Causæ occasionales*
- (1) in infantibus achorum & crustæ lactææ repulsiones.
 - (2) in ætate consistente excretionum sanguinis & seri suppressiones; v. g. mensium, hæmorrhoidum suppressio, consuetæ venæ sectionis neglectus, cohibitio lippitudinis, sudoris pedum, vlcerum inueteratorum aut fonticulorum consolidatio,

- (3) Scabiei repulsio & rheumatum peruerfa tractatio.
- (4) Nimia obesitas.
- (5) Cerebrum laxum & valde humidum.
- (6) Prægressæ adflictiones pectoris angustantes, asthmaticæ, incongrua methodo tractatæ.
- (7) Colicæ hæmorrhoidalis per adstringentia suppressio, cuius occasione pectus & pulmo in consensum trahuntur, & paulo post ad contrariam paralytodeam remissionem disponuntur.
- (8) Concretio pulmonis cum pleura.
- (9) Polypus cordis subito in pulmonem trusus. *Vid. Boneti anat. pract. lib. I. sect. XVII. obs. 16.*
- (10) Vitia varia viarum, aërem non intromittentium; thoracis, aërem extrinsecus irrumpentem non admittentis; nervorum & musculorum, respirationi interuientium. *Conf. Teichmeieri diss. de suffocatione ex musto fermentante. Iene 1729.*

7. *Causa morborum sopororum.*

1) *Causæ materialis*

- (1) *remota*: in subiectis præcipue phlegmaticis humorum abundantia.
- (2) *propinqua*: congestio sanguinis aut feri ad caput facta.
- (3) *proxima*: stagnatio & vera stasis, qua cerebrum comprimitur, & sensus instrumenta ad officia inepta redduntur. Hinc natura nec motus animales instruere, nec rerum ideas percipere valet.

- 2) *Causa efficiens* vulgo perhibetur spirituum bonorum & copiosorum interceptus influxus, a medulla per nervos ad organa sensuum & musculos voluntati seruientes, & ab his ad illam refluxus. Sed ista certiora non sunt, ac aliorum sulphur vaporosum, narcoticum, in lympa resolutum, & intrinsecus, viscerum culpa, genitum, vel etiam ab extra illatum. Quare operæ pretium non est, vthisce refellendis diu immoremur. Vera causa efficiens est ipsa natura, ob læsa sensus ac motus instrumenta, consternata & in

in agendo turbata, quæ in hoc statu tædio corripitur, vt noxæ continenti auctiores therapeuticos motus opponere nolit, sed potius corpus deferere intendat.

4) *Causſæ occasionales*

- (1) Translationes & restrictiones humorum ad caput in febribus acutis; vnde *coma*.
- (2) Scarificationes neglectæ.
- (3) Achores in infantibus obesis repulsi.
- (4) Sæpe reuertentes catarrhi.
- (5) Obesitas & fomnus nimius.
- (6) Vulnera & ossium temporum ac bregmatis contusiones.
- (7) Serum ventriculos cerebri opplens.
- (8) Tumores meningum scirrholi & suffusiones purulentæ in cerebro factæ.
- (9) Opii vsus & narcoticorum v. g. radice hyosc. improvida adsumtio. *Vid. Boneti sepulchret. lib. I. fol. 153.* Comoratio aut pernoctatio in locis, vbi multum croci adseruatur.
- (10) Vsus nicotianæ tam sub pulueris, quam fumi formæ diu adfuetus, & postea prorsus intermissus.
- (11) Fonticulorum coalitio.
- (12) Senectus lauta, diætæ vinosa abutens & frequens ebrietas.

8. *Causſæ leipothymix & syncopes.*

- 1) *Causſa efficiens est principium vitale, quod a mouendo & sentiendo desistit; & hoc quidem vel leipothymice vel synoptice, prout æstimatio obiectorum, quæ ad eiusmodi motuum sufflamen impellunt, comparata fuerit, vel ideam plus minus periculofam reliquerit.*
- 2) *Causſæ occasionales & prouocantes sunt vel materiales vel immateriales.*
 - (1) *Materiales* ita ordinariè comparatæ sunt, vt earum præque tantam consternationem & desperantem motuum omissionem non mereantur; quam obseruare li-

cet

cet in permultis, præcipue feminis, in quibus leipothymias ex causis friuolis tam frequenter observamus, ut Medicus magis mirari, quam de adplicandis medicamentis sollicitus esse debeat.

- (2) *Immaterialia* causas seu phantasticas præfigurationes principatum hic habere, per vulgus notissimum est.
- (3) Conueniet autem, præcipuas tam materialium, quam immaterialium, subiungere.
 - a) Connata sensibilitas concurrente plethora & spissitudine humorum.
 - b) Animus meticulosus, diffidens, trepidans, pericula, vel instantia, vel futura, ita sibi præfigurans, ac si superari non possent.
 - c) Venæsectiones, vulnerationes vel largæ sanguinis profusiones per nares, hæmorrhoides, menses, lochia, hæmoptyses.
 - d) Dolores vehementes & diuturni.
 - e) Inedia diu tolerata.
 - f) Vigiliæ immodicæ & labores nimii.
 - g) Refrigerationes immodestæ, præcipue post perperas febres.
 - h) Diuturnæ diarrhœæ & fortiores catharSES.
 - i) Terror & iracundia.
 - k) Conflictus & verbera, ad quorum aspectum non nulli eclysin patiuntur.
 - l) Adpropinquatio ad flumina.
 - m) Obiectorum valde inuisorum auditus, visus, odor.
 - n) Vitia cordis e. g. polypus, vermis, vlcus, calculus cordis.
- 3) Qui ex causis *materialibus* defectum motuum vitalium & animalium in leipothymiis deriuare student, sanguinem viscidum accusant, qui pressioni fibrarum cordis & artiarum resistat, earumque tonum destruat seu elaterem debilitet. Vnde inæqualem fieri putant circulum sanguinis & influxum liquidi cerebellofi in cordis substantiam.

- 4) Verum enim vero neque has neque alias materiales causas sufficere ad leipothymias directe efficiendas, attenta mens facile perspicere potest: multos enim viscidum habere sanguinem & quævis aspera perferre e. g. magna vulnera, herniotomiam, lithotomiam, amputationes, trepanationes, nulla tamen leipothymia corripitur, certissimum est. *Conf. Stalpart van der Wiel* historia de trepanatione vicesies septies in vno subiecto patrata *cent. I. obs. VIII.* Porro alii abscessus cerebri, polypos cordis & nobilem viscerum læsiones patiuntur, neque tamen leipothymiam incurrunt.
- 5) Ex contraria parte plures leipothymia corripiuntur, qui satis sani, incredibili autem sensibilitate adfecti sunt. Sic
- a) ratione *visus*: instrumentum chirurgicum, ensis strictus, sanguis humanus profusus, caleus, mures, araneæ, bufo &c. solo adspectu leipothymiam prouocant.
 - b) ratione *auditus*: sonus campanæ & cantilenæ ad sepulturam, narrationes de cædibus, vulneribus, eundem effectum præstant.
 - c) ratione *odoris*: multi enim fiunt leipothymici, quorum nares percellit odor lilii, rosæ, ambrae, moschi, zibethi, benzoës.
- 6) Quare manifestum est, causam leipothymiae *efficientem* non esse *materiam*, licet subinde *propter* eandem fieri soleat. Vtteriorem huius adserctionis confirmationem conferunt illa remedia, quæ ad suscitandos leipothymicos externe adhibentur: videlicet salia volatilia & alia odorifera foetida adplicantur, aer frigidus admittitur, aquam frigidam faciei adspargunt, quæ omnia materiam, si quædam adesset, non attingere, multo minus auferre possent. *Conf. Galenus de arte curatiua libr. I. cap. XIV. f. m. 97; ubi talia opem tulisse obseruauit.*

VI. OBSERVATIONES.

- I. Morbi motuum exacerbatorum quamuis horrendum nonnumquam præbeant spectaculum: tam præceps tamen acim-

me-

medicabile damnum non inuoluunt, veluti morbi *motuum deficientium*. Quod inprimis de vehementioribus speciebus intelligendum est. *Artuum tremores* periculo quidem grauioribus cedunt, pertinacia tamen eos æquant. *Deiectio* autem *virium* in morbis, post inediam, vigilias, multos exantlatos labores, aut copiosas humorum excretiones occurrens, per subsidia diætetica commode satis curari potest.

2. Cur vero tam difficile arti auscultent, non immerito disquirunt Medici & demirantur. Verum, si subiecta & alias, quæ antecesserunt, circumstantias ponderemus, tunc veri motuum defectus obseruantur in illis,

- 1) qui multis negotiis implicati diu assidueque illis incubuerunt, & curis quasi confecti adeoque laborum pertæsi sunt.
- 2) qui sub variis calamitatibus, tam corpus, quam animum eneruantibus, consenuerunt aut cum morbis per omnem vitam conflictati sunt.
- 3) quibus aliquod instrumentum vitale vehementer læsum & vitales motus nimium turbati sunt. Hinc abunde patet, motuum abolitionem plerumque non prius euenire, quam post energię motorię satis diuturnam adplicationem ad tædium vsque exercitam, aut post alia fontica impedimenta, motuum continuationem turbantia. Vbi tamen negandum non est, naturam sibi interdum impedimenta tamquam certo futura & ineuitabilia confingere & viuide præfigurare. Mirum ergo non est, si ad motus, quos tam firmiter omittere decreuit, de nouo pellici nequeat. In cœpto enim proposito, nisi vertumnus sit, quilibet persistere contendit, nec facile, vbi libertas agendi concessa est, ad contrarium se abripi patitur.

3. Nihil itaque negotii faceffet pathologo, si obseruauerit,

- 1) quod etiam *infantis ætas* ad motuum omissiones delabatur. Hæc enim consilii experts facile terretur & facillime superatur: blandum itaque omnium rerum successum deposcit; ad resistendum æque ac ad laboriose eluctandum minime omnium capax. Hinc arma licet optima adhibeantur, tamen ultro mouendi finem facere solet.

- 2) *ætas autem media* vti moraliter in agendo præceps, velox & impatiens est: ita in vitalibus, loco motuum æquali & constante vigore exercendorum, vel ad conuulsiones properat, vel desperatam motuum abolitionem decernit. *Es muß bey solchen gehen oder brechen.*
- 3) *ætas senilis* diutius deliberat de eo, quod statuendum semel iudicat; vbi vero statuerit, propositi irreuocabilem tenacissime sustinet sententiam, & potius immori, quam a cœpto decedere satagit. Quæ omnia velut in transitu docere possunt, quantum tot laudatis arcanis in paralyfi & apoplexia fidendum sit.
4. Quid vero subsit causæ, cur omnimoda motuum ommissio tam subito ibi eueniat, vbi homo per *ratiocinationem* nihil minus quam mortem & fugam e vita cogitat: hoc ita perplexum est, vt nemo hætenus solidam omnium rationem reddere valuerit. Hic enim dormiens a motibus cessare mauult; iste in conuiuio; ille medios inter labores; alius in itinere aut inter rixas, aut sub pleno tacitoque otio & ita porro. De quibus singulis, cur hac hora hocque die ita fiant, facilius est quærere, quam veram ætiologiam suppeditare.
5. *Euentus* motuum deficientium, etiamsi vitam mox non auferant, semper noxi obseruantur: peiores tamen sunt, qui per modum fiunt *omissionis*, quam *amissionis*. Nam
 - 1) principium agens, ob peruersam æstimationem & intentionem, actus vitales non amplius decenter adgreditur, aut sufficienter prosequitur.
 - 2) Sub hac vero desperabunda trepidatione
 - (1) materiæ noxiæ nimium accumulantur,
 - (2) secretiones & excretiones negligenter fiunt,
 - (3) atonia augetur: hinc nouæ restagnationes, infarctus, stases & subinde sphacelus superueniunt.
6. De *paralyfi* & *hemiplexia* obseruandum, quod ætiologiam vulgarem vehementer conuellant illi casus, qui per plures annos alterutro malo adfectos, & subito ab eodem liberatos

tos nobis sistunt, sine artis ope, per solos naturæ motus intensiores autocraticos, & summe actiuam intentionem membra paralytica, tamquam mortua, nouis actibus animandi & quasi viuificandi. Exemplum de viro, qui, coorto incendio, lectum iam corripiente, diu ante paralyticus e plurimis profluit ac sanus euasit, refert *Valleriola*. Et aliud de rustico sub impetuosa iracundia, motum in membris paralyticis recuperante, *Act. Nat. Cur.* narrant. Plura ex obseruationum scriptoribus non adcumulabimus.

7. Præterea adfirmant aliqui, linguæ paralyfin in nouilunio vehementiorem esse, mitiorem in plenilunio: cuius quidem phænomeni *Laur. Ioubertus lib. de paralyfi p. 333.* rationem reddere laborat, sed ætiologiam, quam adfert, de lunæ in augendos humores potentia, a multis reiicitur.
8. *Apoplexia* vtrum morbus magis *solstitialis* vel *æquinoctialis* sit? passim quærun, & quod cuilibet vero simile videtur, id tueri laborat. Sed quamquam annus interdum occurrat, qui alterutrum confirmare possit: tamen obsunt aliorum annorum obseruationes, quæ idem valide infringunt. Interim insignes tempestatum mutationes a *caussis* apoplexiæ *occasionalibus* non excluduntur, quia in corporibus, nimia sensibilitate præditis, plus possunt, quam vulgo credi solet.
9. Ad frequentiam vero apoplexiæ quod attinet, *ratione sexus*; adfirmant de illa *Acta med. Berol. Dec. II. Vol. VII. p. 26.* hunc morbum sæpius *feminino*, quam *virili* sexui exitialem esse. Quæ res vltiori practicoꝝ obseruationi commendanda est.
10. *Catarrhus suffocans* maiorem attentionem excitat in senibus quam infantibus. Vnde plures adserere non dubitant, hunc morbum potius esse adultorum, quam infantum. Verum curatius obseruantibus ignotum esse nequit, quod multo plures infantes, recens natos, & intra annum bienniumque constitutos, interimat, quam quidem adultos.
11. *Morbus soporosus idiopathicus*, v. g. in catarrhoso, respectu periculi, apoplexia non est inferior; respectu autem subiti exitus, multum omnino huic cedit. Hinc maior spes

est in pathemate tali *symptomatico*, vbi morbus primarius non raro tolli potest, secundum illud *Galen*i de arte med. lib. XII. cap. VII. *causam se adimere possis, contra symptoma non pugnaueris.*

11. *Leipothymiam* & *syncopen* sæpius adfligere feminas, quam viros, experientia confirmatum est. Ratio huius phænomeni e longinquo haud erit petenda. Nam plurimarum ætuitas exquisitior, acutus phanthasiæ vigor, iudicium debile, meticulositas fere connata, euentibus leipothymicis & syncopticis adeo velificantur, vt mirum non sit, plures huius sexus personas hisce malis subiectas esse.
13. De *marasmo senili* non prætermittendum est *Galen*i adserit, quod in libro de marcore cap. II. posuit, hominem nimirum cum tanta virium iactura non necessario consenescere oportere, cum viribus etiam integris senectutem consequi posset. Licet enim contrarium per experientiam omnino constet, adeoque hæc iactura multis necessaria videatur, tritum insuper axioma id ipsum innuat, omne genitum corrumpi debere: tamen solide respondet, non necessarium, esse hanc consecutionem, cum genitum etiam persistere ac minus corrumpi possit, & solidam huius rei *a priori* demonstrationem adhuc deesse.
14. Idem de *senectute* siue virium amisitione docuit olim *Galenus* quod nostro tempore de morte *Stablius*. Quod nimirum sufficiens solidaque ratio dari non possit physica, cur homo naturaliter, id est, sine vi externa aut læsione fontica interna moriatur. Nam *corruptibilitas* seu dispositio ad corruptionem, ad quam, tamquam ad mortis causam, prouocant, plane contrarium euincit. Illa enim in corpore corruptibilitas numquam minuitur, nedum cessat, & corpus nihilominus olim per plures annorum centurias conseruari potuit, & hodie ad centesimum annum vltraque subinde conseruatur: quod ipsum euidenter probat, huius constitutionis nullam in se esse efficaciam. Quamuis experientia *a posteriori* confirmet, omni homini, & plerisque in ætate non adeo prouecta, esse moriendum.

15. Hinc quæri potissimum debet, quam ob causam *actus vitales*, corruptibilitatem alias potenter auercentes & illius efficaciam infringentes, ita desinant & sponte cessent? Porro cur organa ad triginta vsque annos non tantum durare, sed plane augescere, immo ad quadragesimum & vltius in robore suo persistere; post illos vero sensim eneruari ac hebescere debeant? cum corpus ratione materialis mixtionis sit idem; motor idem; modus per victum materias decedentes restaurandi idem.
16. Non igitur mortis fundamentum in materialibus causis quærenda est, sed in sublimiori quadam determinatione, qua limites energię vitalis & corpus in perpetuum conseruare compotis ita circumscribuntur, vt periodum habeant augescendi & decrescendi. Omni itaque dubio prorsus caret, si energia hæc sibi semper constaret, & numquam deficeret, vnus idemque sequeretur effectus; *vite* nimirum conseruatio. *Conf. Stahlī theoria p. 602. Eiusd. dissert. de mortis theoria medica thesi II. p. II.*



TABVLA XV.

DE

MORBIS ANIMI.

I. DEFINITIO.

Morbi animi sunt sensuum internorum læsiones, quæ vel actuum rationalium remissionem & impotentiam ; vel vero nimiam perturbationem & motuum vitalium alterationem , cum delirio modo leuiore, modo vehementiore; inuoluunt.

II. DIFFERENTIA.

- I. De animi morbis dum agimus, non intelligimus talem animæ læsionem, qualem intellectam volunt pathologi, quando de vitiis partium corporearum agunt; sed innuitur constitutio præternaturalis, *generalius* sumpta, vbi anima sensibus internis vti nequit, aut peruerse nimis in sui plerumque & aliorum detrimentum iisdem vitur.
2. Vti vero generatim *tres* sunt actiones animæ principes, *intellectus* nimirum, *voluntas* & huius *executio*: ita secundum hanc considerationem tres animi morborum constitui possunt classes. Hinc dantur morbi,
 - 1) qui *intellectum* seu veram rerum adprehensionem turbant & intellectiux energix impotentiam inferunt, vt: *congenita ingenii tarditas, stupiditas, anxietas.*
 - 2) qui *voluntatem* varie adficiunt, vt inde vehemens rerum appetitus, vel mira auersatio oriatur; veluti in erronea foetus formatione fieri assolet: vbi debita structura sæpe resoluitur, aboletur & monstrosum quid in eius locum surrogatur.
 - 3) qui *inventionem* & ad iustum finem directionem valde alterant, sub quibus motus sæpe errantes, inutiles, noxii inst.

instituantur. Quo pertinent varii errores motuum, qui per importunas congestiones, exacerbationes & non raro per lethales excessus & defectus manifestantur.

3. Diverſi porro reſpectus, ſecundum quos hi morbi partiri & explicari poſſunt, diverſas quoque ſuppeditant differentias; v.g.

1) *ratione frequentiae alii*

(1) *ſæpius occurrunt*, vt melancholia hypochondriaca & hyſterica, memoriæ debilitas, furor vterinus & in regione tarantulis abundante tarantismus, erotomania.

(2) *rarius*: moroſis, mania, phrenitis idiopathica, noctambulatio, delirium ex morſu canis & lupi rabidi, chorea Viti, noſtalgia.

2) *ratione periodi*

(1) *acuti habentur*: cynanthropia, lycanthropia, tarantismus, deliria acutarum & peracutarum febrium.

(2) *chronici*: memoriæ debilitas, moroſis, mania, melancholia hypochondriaca & hyſterica, hyſteromania, noctambulatio, ſaltus Viti, noſtalgia, erotomania.

3) *ratione indolis* in admittenda medela, plerique valde ſunt refractarii & vel Medici patientiam exercentes, vel eius ſpem fruſtrantes.

(1) *Spem ſanitatis obtinendæ relinquunt* noſtalgia, melancholia hypochondriaca & hyſterica, erotomania ſine philtro, furor vterinus, chorea Viti, noctambulatio & ſæpe mania, rarius hydrophobia & tarantismus.

(2) *Medelam plerumque reſpuunt*: moroſis, memoriæ debilitas, mania ex philtro, deliria in ſtatu febrium malignarum.

4) *ratione cauſarum*

(1) *Alii horum morborum oriuntur ex cauſis immaterialibus* ſeu ſimpliciter ſpeculabundis initiis, malis animi moribus & ſenſuum internorum abuſu, e.g. noſtalgia, erotomania, memoriæ debilitas, melancholia, mania.

- (2) Alii contra ex *materialibus* oriuntur, & corporis læsiones vel vere præsentēs vel impendentes pro fundamento habent, vt: memoriæ debilitas, morosis, melancholia & mania hypochondriaca, rabies canina & lupina, tarantismus, deliria acutarum. *Conf. Alberti disc. de morbis animi ex anomalis hæmorrhagicis Hale 1719.*
- (3) Alii ex mixtis causis ortum sumunt, vt melancholia, mania, saltus Viti, de quo vid. *obs.* noctambulatio, furor vterinus. Dum isthæc prelo parantur, adueniat diues quidam mercator, gente Iudæus, ætatis consistentis, melancholia laborans; antea sanus & alacris. Cum vero mors intra anni spatium tres filios sustulisset, acerbius lugere cœpit: & quia ex more gentis plures hoc anno transigere debuit hebdomadas humi sedendo, humorum spissitudinem tantam sibi contraxit, vt indies, maior euaderet melancholia. Quas de periculosa corporis constitutione ideas natura sibi formauerat, eas ad res *externas*, præcipue œconomicas perpetuo adplicabat & nil nisi bonorum iacturam, pericula & pauperiem loquebatur; cum tamen, testantibus aliis, integra essent omnia.
4. Quia plerique horum morborum delirio stipati sunt; etiam sub deliriorum nomine a Medicis pertractari solent, eo ordine, vt alia sint
- 1) *deliria pathetica*, quibus occasionem præbent perturbationes patheticæ & abusiue memoriæ ac phantasie concitationes, exagitationes.
 - 2) *deliria sympathetica*;
 - (1) libidinosa
 - (2) melancholica
 - (3) febrilia. Hæc ipsa autem deliria ratione obiecti ita distinguuntur, vt
 - a) alia obiecta habeant indifferentia, temporaria & magis accidentalia.
 - b) alia magis statâ & determinata, quæ certo tempori & certorum indiuiduorum rationi respondent.

III. SIGNA.

Signa vti satis euidencia sunt in subiectis memoria laborantibus, melancholicis & delirantibus : ita in *generali Pathologia* ea repetere, quæ *specialius* a nobis alibi sunt exhibita, non ducimus consultum.

IV. SVBIECTA.

Subiecta pariter speciali recensione determinare eo minus laborabimus, quo opportunior differendi de his in expositione causarum mox subiungenda, se offeret occasio. In quocumque enim hæc vel illa causa ad quemdam animi morbum inducendum apta deprehenditur, ille pro subiecto horum morborum haberi potest.

V. CAUSSAE.

I. Causæ debilitatæ memoriæ.

- 1) Hæmorrhagiarum naturalium repentina suppressio & artificialium neglectio : vnde congectiones sanguinis versus caput contingunt.
- 2) Intensior memoriæ vsus, aut verius abusus cum vita sedentaria & multis variisque negotiis coniunctus. *Conf. Paul. Zacchias libr. I. tit. II. quest. 7. fol. m. 170.*
- 3) Organi mnemonici læsio per violentam capitis contusionem, depressionem, vulnerationem ; de qua *Horstius opp. tom. II. libr. II. obs. VII.* casum memoratu dignum refert : videlicet serui, cuius caput globo traiectus fuerit, qui licet restitutus & naturales & vitales actus vegete exercuerit : tamen rationis, phantasie ac memoriæ usum adeo amiserit, vt litterarum elementa de nouo addiscere & pingere necesse habuerit. *Conf. Boneti sepulchret. tom. I. p. 255.*
- 4) Huc etiam pertinet lapsus retrorsum præcipue contingens & occiput grauitè concutiens. Qua de re conferratur *Tulpius libr. IV. obs. XIV.* Ibi enim homo sistitur, qui occiput in glaciem valde concutiendo postea nomen atque hospitium suum oblitus fuerit.

- 5) Grauiores capitis morbi, e.g. febres acutæ delirolæ, phrenitis, coma, speciatim pestis, quæ olim Athenis grassata in quibusdam reualescentibus omnium rerum præcedentium obliuionem post se reliquit, vt non solum propinquos, sed etiam semet ipsos ignorarent; obseruante *Thucydide*. *Conf. Galenus de symptomat. differ. cap. III. f. m. 11.* Item alii capitis morbi: epilepsia, hydrocephalus, paralyfis linguæ; ex mente præcipue veterum nimia cerebri siccitas, moles iusto minor, aut paucioribus gyris instructa, pustulæ meningum, vesiculæ corpori calloso incumbentes, cerebri flacciditas, notabilis illius defectus.
- 6) His addimus senectutem, nimium somnum, ebrietatem, præcipue si heluones poculis indormiant, veneris abusum, qui quam obliuiosos reddat & stupidos, vtriusque sexus exempla testantur. *Vid. Frid. Hoffmanni dissert. de morbis e nimia & intempestiua venere oriundis. Halæ 1725.*
- 7) Opii & aliorum narcoticorum inconsulta adsumtio etiam huc referenda. Sic *Bonetus in addit. ad sepulchret. tom. I. lib. I. obser. II.* de quodam meminit, qui post multum pauperis rhœados vsum infatuatus & mortuus sit.
- 8) Tandem huc spectant: connata fatuitas, frequentes anxii terrores, spectrorum visiones.
- 9) Ex hisce læsionibus & aliis antecedentibus ac coniunctis facile iudicare valemus, quod anima, tamquam caussa efficiens, actus memorandi & reminiscendi exercere nequeat. Læsis enim instrumentis actio artificis impeditur.
2. Causse melancholiæ, manie & deliriorum febrilium.
- 1) *Antecedentes & occasionales sunt*
- (1) *vel materiales*
- a) Dyscrasia humorum & inprimis sanguinis spissi circa venam portæ stagnatio, infarctus, incarceration, stases, ex mensium & hæmorrhoidum suppressionibus originem principem fumentes.
- b) Hæmorrhagiarum artificialium consuetarum neglectio. Exemplum manie ex intermissione venæsectionis videatur in *Ephem. N. C. dec. II. ann. IV. obs. X. p. 31.*
- c) Vi-

- c) Viscerum vitalium læsiones: scirrhi, vlcerationes & aliæ corruptiones. Huc ex *Sydenhami* obseruatione etiam pertinent febres intermittentes diurnæ, præcipue quartanæ, mala scil. tractatione corruptæ. *Vid. huius Auctoris Opp. Constit. epid. p. m. 74.* Item secundum *Boerhaavii Aph. de cog. & cur. morb. §. 1093.* febres acutæ minus salutariter decurrentes.
- d) Veneris abusus. *Conf. quæ Eph. N. C. loco cit. leguntur de viatore post nuptias vehementer maniaco.*
- e) Philtra vario modo operantia. In his enim melancholiam, in aliis maniam producant.
- f) Vermes in cerebro. *Conf. Boneti anat. pract. tom. I. lib. I. sect. VIII. obs. 5.*
- g) Singulare est, quod *Galenus lib. de atra bile cap. III. f. m. 26.* de sectione varicum & hæmorrhoidum adfert, quod nimirum melancholiam induxerit isthæc operatio, quam ipse conspexerat.
- h) Diætâ insuper generando sanguini melancholico apta, a multis quidem recentioribus, quibus *Galenum* presso pede sequi volupe est, causis melancholiæ & manix adnumeratur; sed ingens illorum multitudo, qui eiusmodi diætâ vtuntur, & tamen melancholici non fiunt, de falsitate huius suppositi satis testatur. Referunt autem ad talem victum:
- a) ex *carnibus*: bubulam, caprillam, hircinam, maxime vero carnes asini, cameli, apri, vulpis, canum & limacum. Porro carnes huc trahuntur facile conditæ animalium tam terrestrium, quam aquatilium, caseus vetus & alia.
- b) ex *vegetabilibus*: brassicam, germina arborum, panem furfuraceum, lentes, vina crassa nigra. *Conf. Galenus de loc. adf. lib. III. cap. VII.*
- (1) vel *imateriales*
- a) Hæreditaria dispositio.

- b) Meditatio continua & profunda de obiecto, quod firmiter animo infedit.
 - c) Speculationes trepidæ cum indignatione, ira suppressa, vindictæ desiderio, aut desperatione coniunctæ.
 - d) Curæ & angores propter comparandum victum aut commissâ grauiora delicta. Carceres.
 - e) Dolor & metus ex principum indignatione, iactura bonorum per incendia, rapinas, naufragia, veluti *Theod. Craanen in praxi cap. VI.* refert de mercatore, qui post mercium amissionem in melancholiam incidit. Huc pertinent: mors coniugum, filiorum, propinquorum, patronorum, contemptus & calumniæ, prostitutiones, proscriptiones.
 - f) Peruigilia varias ob causas inducta.
 - g) Spei, quæ nos tenuit, maximæ frustratio; adeoque omnium intentionum & cœptorum sinister euentus. Quo referas *repulsam*, quam sæpius ferre coguntur iuuenes proci eorumque amasæ.
 - h) Terrores crebri & peiora in futurum minantia.
 - i) Incantationes & spectrorum visiones.
- 2) *Causa efficiens*
- (1) Secundum vulgares *veterum* traditiones est humor atrabilarius, seu intemperies calida & sicca, cui alii addunt venenatam seu malignam qualitatem.
 - (2) Secundum *recentiores*, veterum placita atrabilia retinentur, & nouo pigmento incrustantur. Credunt nimirum causam efficientem melancholiæ esse omneid, quod mobiliiores humorum partes expellat, & immobiliiores relinquens, humores crassos reddat; vnde spirituum animalium, domesticorum, siluestrium, & fibrarum motus peruersi, luminosi, tenebricosi, per lineam rectam, obliquam, vorticofam, suscepti; acidum porro turbatiuum, fixum, biliosum, exaltatum, quod
mentis

mentis alienationes producat, particulis mercurialibus depressis, eo plane modo, quo acetum fieri sibi concipiunt. De qualibus commentis *Stablinus in diss. de animi morbis* adfirmat, quod utique proponenda non sint, ut forte risu excipiantur, cum illo indigna sint; sed ut serio animaduertatur, quam necessario de verioribus cogitandum sit caussis.

- (3) *Vera igitur causa efficiens est anima rationalis.* Licet enim huius substantia physice lædi non possit: quia tamen corporis necessitatibus præest, nec sine illo in vita naturali operari potest; ab illius quoque statu periculoso varie adficitur, atque illud vicissim diuersimode adficit, alterat, commouet, & tam in humoribus, quam motibus turbas excitat, prout propositio satis fieri posse credit. Per eiusmodi enim causas tam materiales, quam immateriales sensim inducuntur motuum vitalium perturbationes, anxia sollicitudo, manifesta contristatio, phantasie confusio, peruersum inde iudicium, erronea æstimatio, & insolite, miræ, desperatæ actiones: præcipue autem a talibus noxis, *intra* corpus exstantibus, occasionem sumit natura, analogæ pericula, carceres, hostes, terriculamenta, insidias, persecutiones & instantes cædes *extra* illud confingendi, incusandi, propulsandi, euitandi. Ex hoc etiam fundamento mox latebras quærunt, arma parant, certamen inire gestiunt, fugam loquuntur.

3. *Causæ erotomanie & furoris uterini.*

- 1) Vtriusque morbi causæ ex iis, quæ supra passim dicta sunt, facile perspiciuntur. Ingens enim desiderium certi obiecti in utroque sexu profundas meditationes, viuidas præfigurationes, phantasie ludibriis varie exornatas excitat, fouet & tam diu conseruat, usque dum voti sui compos factum sit subiectum amans, per *erotomaniam* hactenus amens. Ceterum aulæ principum longe exquisitiorem huius morbi sciunt historiam, indolem, signa, causas, symptomata & therapiam, quam Medici, quibus in-

ter clinicas miserias consensendum est. *Conf. Ier. Loffii diss. de Erotomania Wittebergæ 1681.*

2) *Furor autem uterinus, hysteromania seu nymphomania* sexus feminini subiectis proprium est, & salacioribus præcipue euenit intensior iste libidinosi delirii gradus, qui ad actiones mirum in modum lasciuas, feroces & prorsus detestandas compellit. Non semper autem ardens & effrenatum coeundi desiderium in causis est, sed aliæ quoque patheticae animi commotiones hunc furorem excitare possunt. Quidquid vero sit causæ procatacticae, concitatur vbique per motus tales impetuosos vehemens sanguinis orgasmus & succedit oeconomiae vitalis turbatio. Vnde faciei rubor, oculi scintillantes, loquacitas, cantus, cibi potusque obliuio & ad masculi adspectum subinde noua exacerbatio vel deliquium syncopiticum. His porro accedit mensium retentio, aliquando largior profusio & testiculorum muliebrium monstrosa interdum inflatio. *Conf. Stahlii theoria p. 1420. Boneti anat. pr. lib. I. sect. VIII. obs. I.*

3) Alii quidem ex *materialibus* causis hos morbos explicare intendunt, & de semine in vasis spermaticis per acrimoniam accenso commentantur: sed parum fidei merentur.

4. *Noctambulatio, somnambulatio seu noctisurgium* respectu ætiologiae suæ multum semper facesiuit negotii Medicis, illis in primis, qui placito illo, quod noctambulationis causa sit spirituum animalium irrequietorum excursio, contenti esse nolunt. Vnde *Musitanus* dicit: magnæ molis esse huius pathematis detegere causam. Siquidem, pro subiectorum diuersitate, vel sola intemperata phantasie actiuitas subest, vel materiales simul læsiones concurrunt, quæ tam in fluidis, quam solidis partibus vigilantiam & circumspectam observationem postulant. Speciatim vero causa

1) *remota* est exquisita per temperamentum rationem sensibilitas seu actiuitas.

2) *proxima* est vel consuetudo negotiis vacandi assidue & quæ
expe-

pedienda incumbunt, cum cura perficiendi; vel phantasiæ sub otiosa vita inconditus abusus.

3) *Causa efficiens* est ipsum principium mouens immateriale, quod sub sensuum externorum quiete sensibus internis abutitur, & secundum polymorphas præfigurationes tam insolitos actus in corpore instituit

4) *Occasionales*

(1) status plethoricus, nonnumquam hypochondriacus, in quo viscerum nobiliorum læsio vel iam adest, vel impendit.

(2) Hæmorrhoidum & mensium suppressio, veluti exemplis relectu dignis id comprobant *Collect. Vratislav.* vbi adolescentem sistunt noctu e lectu aufugientem; virum, qui interdum eques iter dormiens fecit, nec prius euigilauit, donec amici domum, ad quem profectus, intrasset. De virgine pariter somnambula referunt, quod instrumentum musicum scite pulsauerit, epistolam scripserit, obsignauerit, hospitem quasi se visitantem sibi finxerit, humaniter eundem exceperit, & honorificis compellationibus iterum a se dimiserit. *Conf. Io. Bohmii diss.* in qua casus ægri *somnambulationis* morbo laborantis resolutus sistitur. *Lipsiæ 1717.*

(3) Pauperies & inquieta sollicitudo de sustentanda vita.

(4) Multorum conatuum & moliminum, quæ effectui danda sunt, in mente volutatio. *Wann der Kopf von manigfaltigen desseins nnd projecten voll ist.*

5. *Causa nostalgicæ*, seu ardentis desiderii, ex oris peregrinis in patriam redeundi

1) *remota* est peculiaris sensibilitas & patriorum institutorum, quæ sola placent, reminiscencia.

2) *proxima* est displicentia morum, victus, conuersationis & aliorum, quæ in aliis regionibus obtinent. Vnde inquietudo & susceptæ peregrinationis poenitentia, adeoque amissi boni sollicita præfiguratio, & anxium patriam

repetendi desiderium cum extremo præsentis status tædio coniunctum. Sie haben nicht Lust das geringste vorzunehmen, sondern sitzen immer und speculiren. Sub inualescente hoc tædio notabilis quoque vitalium actionum languor succedit; hinc impuritatum coaceruatio & noua occasio ad maiorem sollicitudinem & ad febriles motus expurgatorios, noxæ recens contractæ destinandos.

6. *Causse choreæ* S. Viti nostro æuo plerumque obseruantur *materialis*; quamuis non levis suspicio subsit, sæpe quoque fuisse *imaginarias*, vt infra in *Obs.* dicitur. Morbus autem, consentiente schola medica, conuulsius est, qui non solum saltandi desiderium fere infatiabile inuoluit, sed varias quoque capitis motitationes, brachiorum, pedum & totius corporis agitationes inducit, cum manifesta fatuitate, in qua risus & fletus frequens vicissitudo & insolitæ prorsus gesticationes obseruari solent. Scenam hanc ante plures annos aperuit virginum quadriga, quos tamen sanatas per naturæ & artis subsidia vidimus. *Conf. Greg. Horstii Opp. tom. II. lib. II. obs. 45. Act. med. Ber. Dec. I. Vol. II. p. 54. Pelargi Eteodrom. III. p. 289. 850.* Exemplum vero cursitationis, pernici subsultu per aliquot dies & noctes peractæ, refert *Tulpius lib. I. obs. 16.* tamquam testius αὐτοπῆς. Mulierem vero tali infania correptam & per integrum ferme mensem saltantem adnotauit *Platerus in obs. & Io. Rud. Camerarius in memorab. Cent. XI. obs. 85. & 87.*

Causse occasionales esse solent vermes, retrocessio efflorescentiarum cutanearum, transpirationis suppressio & mensium ataxiæ. Ceterum *conf. tab. de spasms & conuulsionibus.*

7. *Causse tarantismi, cynanthropiæ, lycanthropiæ.*

- 1) *caussa proxima* per tarantulæ ictum aut canis vel lupi rapidi morsum satis manifesta est.
- 2) *formalis*: materiæ subtilis valde agilis per ictum aut morsum communicatæ, per intestinam fermentatiuam commotionem ad nocentissimum statum seu veneni formam redactio, massæ sanguineæ intimior insinuatio & ad præcipitem corruptionem dispositio & inchoamentum.

3) Vn-

- 3) Vnde natura, tamquam caussa efficiens a damno accepto extreme anxia, consilii inops & valde trepidans, æque facile ad motuum exacerbationes ac ad eorundem abolitiones prona obseruatur. Confuse enim actus vitales & morales sub hoc periculo administrantur. Licet autem etiam in his desperatis casibus bona naturæ intentio sit, corpus quoquo modo conseruandi, therapeuticæ tamen ipsius inuentiones a norma salutarî aberrant, finemque suum non adsequuntur.

VI. OBSERVATIONES.

1. Morbi animi, *in se* considerati, medicinæ quidem obiectum non constituunt; quia vero sæpissime e vitio corporis seu præternaturali tam solidarum, quam fluidarum constitutione initia sua sumunt, aut e caussis moralibus orti vitalem quoque œconomiam turbant & sanitatem grauiter lædunt: hinc iure in eorum ætiologiam inquirît *Pathologia*, quemadmodum de eorum medela sollicita esse solet *Therapia*.
2. *Memoriæ debilitatem* ab hominis natiuitate manifestam, sine ratiocinantis facultatis læsione obseruare, vix licebit. Sed versam in vicem sæpiusprehendimus congenitam *morosin*, quæ, vti iudicii & phantasie deprauationem inuoluit: ita & memoriæ defectum abunde prodit. Causa autem vtriusque mali, veluti *Paul. Aegineta lib. III. cap. XI.* ad mentem veterum indicat, cerebri nempe nimia humiditas, æque dubia est, ac illud adsertum, quod humidum & frigidum *lethargi* existat fundamentum.
3. *Melancholiam* & *maniam* vernali & autumnali tempore facilius, quam alias, oriri solere, *Hippocrates sect. III. aph. XX. XXII.* docuit, quoniam in climate suo ita accidisse obseruauit. Cum vero in temperatis nostris regionibus aliter eueniat: caussis occasionalibus supra non inferuimus. Aetiology interim, cur hisce tempestatibus in melancholiam incidere homines possint, longe alia est, quam illa, a fermentorum defensoribus adlata; opinantur nimirum, fermentum, quod tota hieme quasi emortuum delituerit, tempore verno

per nouam fermentationem produci, & per energiam suam coagulantem sanguinem spissum & melancholicum reddere. Atque hoc accidere, aiunt, in æstate, in qua partes spirituosæ, ac tenues per iugem & auctam transpirationem auolent, vt necessario sub auctumnum melancholia aut insania ingruere debeat. Sed qui congestionum doctrinam, theoriam de aëris & tempestatum efficacia in corpus humanum & pluribus consuetum regimen rite ponderat; alias subesse deprehendet rationes. *Conf. Conspect. Hygieines lib. II. & supra tab. de congestionibus.*

4. Licet melancholiæ & maniæ causæ satis inter se conspirent: melancholicus tamen cum maniaco confundendus non est. Ille enim mitius delirat, sine furore, & pro temperamenti differentia vel hilaris est, & vbiuis locorum se se immiscere cupit, vel tristis, anxius, sollicitus, taciturnus, agit, hominum consortia auerſatur & raro eo audaciæ procedit, vt vim aliis inferre decernat. Maniacus autem, idiopathice talis, contrario modo agit, vti prolixè in *Conspect. med. tab. CXXIII.* indicauimus. Valet de his *Celsi descriptio lib. III. cap. XVIII.* vbi alios commemorat tristes, hilares alios; alios qui facilius contineantur & intra verba desipiant; alios, qui insurgant & violenter quædam manu faciant. Et de his porro subdit: quod alii nihil nisi impetu peccent; alii vero artem adhibeant, summamque speciem sanitatis in captandis malorum operum occasionibus præbeant.
5. Variæ vero sunt melancholicorum & insanientium actiones; interdum miserandæ, ridiculæ; sæpe vero impudicæ, periculosæ, truculentæ. Quæ quidem omnes videntur absurdissimæ: at si debite ponderemus temperamentum, prædominantes adfectus animi, aliaque momenta moralia antegressa, tunc illas tam incongruas & rationi contrarias non esse deprehendemus, siquidem hypothesi seu primæ ideæ, in animo delirantis firmiter radicatæ, ac speciali obiecto, circa quod hoc vel illo tempore occupatur, apte satis respondent, licet eos in quibusdam minus acute agere palam sit. Obseruauit hoc præter *Stahlium in theoria p. 1424. & diss. de animi morbis §. XX.*

§. XX. etiam *Francisc. Valleriola*, celebris quondam *Taurinensium* doctor.

6. Ita si quis, ex male concocta superbia, potentem se putet regem aut principem; nihil mirum, si imperiosum, iracundum & truculentum se præbeat erga obloquentes, immeritos, irrisores & contemtores. Pariter qui e litterariis coaceruationibus, ingenii & memoriæ vires supra modum lacerauerunt, ac eruditorum primos se opinantur: ii indignabundi sunt, fastuosi, magniloqui, impatientes; & quo maiorem iniuriam sibi, tamquam eruditis sine pari, fieri credunt: eo ferociores euadunt.
7. Eadem est ratio illorum, qui neminem vel eminus adpropinquantem ferre volunt, quia vel vitreos, vel, vti *Galenus* obseruat, testaceos se esse firmiter persuasi sunt. Hinc clamore & mira gestulatione accedentes a se abigunt. Alii ignem & solem angue peius fugiunt, quia se butyraceos esse dicunt, & colliquescendo perire detrectant. Ita lotium reddere subinde recusant, ne diluuium aliquod excitent. Forte quia feri in corpore abundantis ideam & suffocationis periculum in animo volunt. *Conf. Teichmeieri diss. de delirantium furore & dementia Jenæ 1733.*
8. In maniacis speciatim obseruari meretur singularis illa circumstantia, quod, licet febriles commotiones non concurrant: illi tamen tanto caloris robore polleant, vt sæpenu-mero enorme frigus perpetiantur, neque tamen inde per- niones reportent, aut sphacelum incurrant. Ita notus est infelix quidam maniacus, cuius abdomini miles ebrius vul- nus amplum inflixit, ex quo dolorem non percepit læsus, sed illico post deligationem fascias soluendo splenia cum em- plastro abiecit, atque seminudus, vt antea, per aliquot annos superstes palatus est.
9. Ratio huius phænomeni minor principii vitalis sensibilitas, esse videtur, qua per externos sensus obiecta percipiendi abstrahit & speculationi intente nimis se adplicat. Quo ma- ior vero sensationis neglectus est, eo vehementiores sunt ipsi motus vitales, secundum intentiones cerebrinas auda-

cia & animositate suffulti: unde extraordinarius partium calor & perpetua noxarum, extrinsecus lædentium, depulsio, resistentia & profligatio.

10. Ceterum in delirantibus rationem lædi per sensuum internorum læsionem, tam certum est, ut nemo tam facile contrarium adserere ausit. Pauciores vero, qui ob solam imaginationis læsionem, *manente ratione integra*, aliquem delirare posse, opinati sunt, illos iam refutavit *Paul. Zacchias in Quest. medico-leg. lib. II. tit. I. quest. 4. collata diff. Christ. Thomasi de præsumptione furoris atque dementia §. XX & XLV.* Ansam paradoxæ adsertioni dedit *Galenus lib. de Symptom. differentiis cap. III. f. m. ii.* dum exemplum narrat de *Theophilo* Medico ægrotante, qui scite disputare, & cum visitantibus ipsum doctos sermones miscere valuit, nihil adferens, quod ullo modo delirium argueret. Hoc solum adstantes impense rogitabat, ut tibicines, qui angulum domus, in quo ille decubuerat, occupassent & noctu diuque assidue pulsarent, protinus eiicerent, quo quietus & ab instrumentorum strepitu liber agere posset. Imo sanus factus, tædii a tibicinibus creati meminit, & , quæ quisque adstantium ad se dixerit, repetiit. Verum enim vero, hunc casum euincere contrarium in aprico est.

11. Vtrum præterea melancholicos delirantes catenis vincire, carceribus includere, fustibus cædere, proscribere, aut per carnificis manus occidere conueniat? Hic quidem non expediemus, ne therapeutica pathologicis miscere videamur. Interim pauperem quemdam melancholicum ad supplicium ita raptum & capite plexum commemorat *Stablius in diff. de animi morbis §. XLV.* ubi facinus illud nefarium serio detestatur & saniora suppeditat. Hinc & *Thomasius* pernegat, delirantem quemquam ad sanam redire posse mentem, si vinculis coercitus detineatur, in primis cum vel opum diues, vel ditionis alicuius dominus fuerit. Quia modus tractandi & ratio status illorum, qui dominio spe succedendi inhiant, id omnino prohibent. De rustici autem vel ciuici ordinis hominibus, qui benignius habiti coniugum aut liberorum curæ relin-

relinquuntur, restitutionem facilius concedit. *Vid. citata diff. §. XIV. Hale 1719. edita.*

12. De tali medendi methodo, delirantibus adplicata, valet sententia *Stablii*: quod scilicet maxime sit ambiguum, vter stultior sit, stultus ne confessus, an reliqui adeo stulte cum ipso procedentes. Interim hic non audiendus est plebeijs rumor, ac si peculiaris malignitas vinculis inesset, quæ delirantes plane furiosos reddere valeret, cum æstimatio moralis, terror, pudor ac tristitia, in lucido, quod aiunt, intervallo miseros corripiens, id efficiat & tantopere ipsos percellat, vt noua eaque longe vehementior sequi debeat exacerbatio.
13. *Furor vterinus* sæpius corripit cælibes salaciores, otiosas & venereis speculationibus indulgentes: interim non desunt etiam exempla earum, quæ in matrimonio viuentes idem malum incurrunt. Casus notabiles videantur in *Matthæi de Gradibus consil. LXXX. f. m. 71. Greg. Horstii Opp. tom. II. lib. II. obs 28.* Ceterum attentione digna sunt, quæ *Plutarchus* de vxoribus *Lugdunensium* & *Milesiorum* refert, quod veneris adpetitu vehementius aliquando percitæ, neque desiderium suum cuiquam aperire ausæ, cateruatim in flumina ac puteos se dederint præcipientes. *Conf. Io. And. Fischeri diff. de furore vterino Erford. 1720.*
14. *Somnambulatio*, quia omnino morbus habetur; in pathologia quoque merito sibi locum vindicat. Ex quo autem fundamento aliqui pro pathemate naturali venditare voluerint, nullo modo perspiciamus.
15. Qui vero fiat, vt noctambuli periculosa loca, ad quæ vigilantes ne cogitando quidem adpropinquare audirent, tam impune transcendere & præcipitia reptatu difficillima superare possint, multum disquiritur. Aliquid lucis mutuabit phænomenon ex illis, quæ paulo ante *obs. 9.* iam monuimus. Paucis interim notandum, quod phantasia, quæ in his subiectis sine distincto ratiocinio & sine rerum, quæ fieri vel non fieri possint, comparatione, sola agit, quæuis molimina, tamquam effectû facillima, sibi præfiguret. Hinc metus

tus absentia & sensuum externorum feriatio efficiunt, ut ceptis tantum roboris atque dexteritatis accedat, quantum ad patrandas tam miras & portentosas actiones sufficiat.

16. Infantes, lunæ radiis expositos, tandem euasuros esse somnambulos, vulgo quidem dicitur, sed vanæ opinioni innitens traditio est. Penitior vero indagatione inquirendum esset in illud adsertum: quod nimirum somnambulorum mulculi sentiant, non vero eorundem cutis.
17. *Nostalgia* quam iuste ad animi morbos referatur, vel inde conici potest, quod *Heluetii* eius paroxysmo corripiantur, si modo certæ cantilenæ tonum, cui aures in patria adsueuerunt, audiant. Vnde in castris Germanorum militum, quibus etiam *Heluetii* mixti fuerunt, vetari debuit, ne quis fistula canens eundem tonum præcinat & aduenis nostalgix paroxysmum excitet. *Vid. Collect. Vratislauenses.*
18. *Chorea S. Viti*, quæ etiam saltus *S. Modesti* audit, cum *Tarantismo* passim ab auctoribus confunditur, sed quia in illa non præcedit animalis aculeati ictus, uti in tarantismo, tum pro vno eodemque morbo haberi nequit. Cur autem is morbus saltus *Viti* dicatur, de eo obseruandum, quod superstitio & idololatria quorundam *Sueviæ* incolarum Medicis supeditauerit occasionem, ut morbum hunc conuulsium, qui subinde per cursus & saltus se manifestat, ita adpellare voluerint.
19. Crediderunt nimirum idololatriæ cultores, se ope huius idoli, cuius nomen in factis, veluti sancti alicuius viri, notatum legitur, sanos & incolumes viuere posse per integrum annum, si mense Maio dona obtulissent, & ad eius sacellum noctu diuque tamdiu saltassent, donec mente perturbati ad instar ecstaticorum conciderent. Quibus peractis domum se recipiunt & ex voto viuunt. Maio autem iterum adpropinquante membrorum inquietudinem persentiscunt & varie torquentur, ut de nouo, si rectius valere velint, ad saltationis ædiculam se conferre cogantur. Tanta phantasix & adfuetudinis vis est.

20. Eiusmodi facellum, *Vito* sacrum, & ob saltantium frequentiam celebre existit in finibus *Vlmensium* in *Dreselhausen*, non procul a *Geislingen* & *Weissenstein*, ditionis *Rechbergensis*; & notante *Theod. Zwinger*o in *theatro prax.* p. 238. etiam prope *Ravenspurgum* in Sueuia. Ipse insuper *Greg. Horstius* cum quibusdam superstitione hac saltatione, tamquam remedio prophylactico vtentibus, locutus est, qui ipsi adseuerarunt, quod probatæ fidei euporiston sit, quodque alter ex illis quater & vicesies, alter vero tricies bis huncce saltum probatum inuenerint. *Vid. eius opp. tom. II. f. m. 119. Plateri obs. lib. I. Io. Rud. Camerarii Syllog. mem. Cent. XI. 84-88.*
21. De *tarantismo*, seu delirio ex tarantulæ morfu, fusius iam egit *Bagliuius*; vnde proluxa commentatione supersedere possumus. Morbus iste quibusdam *Italiae* incolis proprius est, illis nimirum, qui *Apuliam* incolunt, in qua quotannis ingens numerus phalangiorum prouenit, quæ mense Iunio, Iulio & Augusto, quibus campi solis æstu torrentur, hominibus valde infensa sunt, & venenato suo ictu plures, in acutissimum prius delirium coniectos, misere interimunt, nisi mature succurratur. Singula præterea symptomata & saltandi rationem, per triduum & quatrimum continuandam, & quotidie octies reiterandam cum aliis recensuit *Bern. Albinus* in *diff. de tarantismo Francof. 1691.*
22. Tarantulas *Apuliæ* statis mensibus nocentissimas, mitiores autem alias esse, quas ager Romanus, Calabria & Sicilia terra alunt, omnes fatentur. Sed ratio tam differentis & adeo noxiæ energiæ clare non patet. Si enim quis rabidas eas concipere sibi velit, quod nonnulli faciunt, iterum ratio desideratur, cur non in alio pariter districtu æque calido rabie corripiantur. Narrant ceterum, primam tarantulam ann. 1540. ineunte autumno circa *Tarentum* visam esse.
23. Præter ea in explicanda huius veneni indole multum defudarunt auctores; & *Sennertus* occultis qualitatibus illud accensere non dubitat. *Helmontius* ad ideam confugit infatuantem; *Kircherus* autem, relicta veneni natura, circa vim saltandi enodandam occupatus est. Sed nullus horum sibi,

nedum aliis, satisfacere potuit: cum in primis notissimum sit, quod singulis annis paroxysmus redeat, usque dum omnes reliquiae veneni, seu potius ideæ de pristino veneno, e corpore eliminatae fuerint.

24. Tandem notatu dignum est, quod non quivis instrumentorum concentus musicus, sed certus tantum delirantibus placeat, qui *Tarantella* seu *Aria Turchesea* vocatur. Quando enim alio tono aures afflictorum replere sustinent fidicines; tunc illico cardialgia & dirorum symptomatum syndrome corripiuntur tamdiu, donec priorem sonum lædenti, ut aiunt, tarantulæ gratiorem percipiant. *Vid. Valentin. Mus. tom. I. p. 514.*
25. *Cynanthropia* ob singularem liquidorum auersationem *hydrophobia* dicitur, item *lycanthropia*. Licet autem cum acutissima febre complicata sint deliria: tamen nihil lucis ex hac circumstantia peti potest, ad explicandam tam celeriter agendi energiam. Vnde *Stablius*, cum nec natura, nec ars methodica suppetias ferre possit, sed simplices empiriæ experimentum hic valeat, vix medicæ theoriæ verum obiectum esse ista pathemata censuit, in *theor. p. 1426.*
26. In causas, quæ canes deliriosos reddunt, fusius inquirere præter institutum quidem est: non tamen prætermittenda est historia canis rabidi, globo traiectionis; cuius cerebrum, adnotante *Boneto in anat. præct. lib. I. Sect. VIII. obs.* vermibus refertum & in fauam diffuens sectione repertum est. Ita luporum rabidorum renes serpentes alere e *Collect. Vratisslau.* discimus.
27. Dum vero in pathologia de rabie canina & lupina tantum agitur, nemo cogitet, ac si solius canis & lupi rabidi morsus tam noxii atque deleterii sint; nam & aliorum animalium vulnerationes, morsicatio factæ, eundem effectum in corpore humano interdum exserere solent.
28. Ita rabiem e morfu galli gallinacei refert *Ettmüllerus in colleg. præct. f. m. 885.* & idem accidere solet illis, qui a furente vipera, fele, vulpe, simia, cercopitheco, sue, boue, equo, asino, mulo, camelo, leopardo, vrsu aut homine demorfi sunt.

sunt. Quo pertinet mater illa, quæ a morfu filiolæ epilepticæ facta est hydrophoba. *Conf. Io. And. Fischeri διασωσις veneri canis rabidi Erford. 1725. & Io. Bapt. Scaramucci ad Magliabecchium scribit: se iuuenem XXVII annor. vidisse, ira valde percitum, qui præ indignatione proprium digitum mordendo confestim hydrophobus euaserit. Vid. A. N. C. Dec. III.*

29. Quamuis autem rabiem plerumque præcedat morsus: tamen subtiliores adhuc supersunt modi, quibus contagium mumiale specificum, vti *Wedelius vocat. in diss. de hydrophobia lenæ 1695.* seu venenum animalis rabidi communicari & propagari potest. Et quidem

1) per *inspirationem aëris*, qui cadauer ex rabie necatum am-
bit. *Vid. obs. Boneti supra num. 26. Sic Ettmüllerus tom. II. part. I. artic. IV. ex Bartholino refert, feminam rabie canina correptam, quæ alii hydrophobæ vomenti propius ad-
fiterat.*

2) per *attactum* animalis rabidi; quale exemplum *Matthæus de Gradibus consil. CI. f.m.96.* de viro quodam primate com-
municat, qui manum ori rabidæ caniculæ imponendo
quarto die post, tristia rabiei præludia cœperit.

3) per *comestionem* lactis & carnis bestię a rabido cane de-
morsæ. Funestam historiam recenset *Pet. Borellus cent. I. obs. 75.* vbi plures horrenda hac rabie correptos testatur,
qui carnem suis a cane rabido demorsæ, gustarunt. *Conf. Fr. Hoffmanni med. rat. syst. tom. II. p.176. §. VIII.*

4) per *solam reminiscenciam.* Ita *Collect. Vratislav.* mentio-
nem faciunt viri, qui post annum interuallum lapidem
præteriens, iuxta quem superiori anno rabidus canis ipsum
momorderat, de nouo rabie correptus est.

5) per *oscula* a rabioso patre accepta, liberi quoque in rabiem
acti sunt. *Vid. Iul. Palmarius de morbis contagiosis.*

30. Sed longe maiorem attentionem merentur illa exempla, quæ
hydrophobiam homines inuasisse demonstrant, sine prægres-

fo morfu, attactu, aut vlllo commercio cum rabido animali. Ita

- 1) obseruati sunt quidam melancholicorum, qui nullius generis liquores ob singularem hydropobiam videre, nedum degustare potuerunt. *Conf. Bern. Albini diss. de hydropobia thes. XI. Francof. 1687.*
 - 2) Ex terrore in hydropobiam incidit mulier quædam, cui fortuito extra urbem semel pernoctandum fuit. Referente *Platero in obseruationibus.*
 - 3) In febribus malignis liquidorum auersationem subinde obseruarunt *Salmuth, Marcellus Donatus, Ios. de Aromatariis & alii.*
 - 4) *Vteri morbis* superuenisse hydropobiam adnotauit *Sennertus*; & grauidam sine manifesta causa in hoc malum incidisse scribit *El. Camerarius in diss. Taurinensib.*
 - 5) *Eph. N. C.* pueri XV. an. mentionem faciunt, qui farinaceos pastillos, nimis calentes, auide deglutientes & glaciale aquam superbibens, tertio die hydropobia correptus sit.
 - 6) Anno 1719. mense Febr. *Schneebergæ* hydropobia quasi epidemice infantes inuadens obseruata est. *Conf. And. El. Büchneri diss. de rabie canina ad mentem celeberrimorum quorundam nostræ ætatis virorum considerata. Erford. 1726.*
31. Vti ceterum pleraque in hoc delirii genere admodum perplexa sunt: ita & hoc non minorem admirationem excitat, quod insignia interualla intercedere soleant, inter ipsum tempus, quo vulnus inflatum est, & inter hydropobiæ eruptionem. Solet enim corripere hæc liquidorum auersatio post quartum a morfu diem, post duas, sex, septem hebdomadas; post menses quatuor, sex & plures immo post annos septem, duodecim, octodecim, triginta, &, vt *Alzabaraius* prodit, post quadraginta. *Vid. Pet. Borellus cent. 1. obs. 74. Phil. Eyselii diss. de hydropobia §. XXI. Erford. 1705.* Ex quibus obseruationibus aliqui argumentum desumunt pro stabilienda materia variolosa, a natiuitate in corpore profundius

fundius delitescere, quam per fermentationem post multos tandem annos, perfractis carceribus continentibus, vim suam exferere credunt. *Conf. Theod. Craanen prax. med. ref. p. m. 136.*

32. Inter symptomata rabiei, præcipuum & maxime intricatum est ipsa hydrophobia, quæ *cynanchen* seu anginam cum ardente siti & extrema potulentorum auersatione coniunctam habet, adeo, ut ne proprias quidem lacrymas ferre possint rabiosi. Si vero ponderemus, faucium adesse inflammationem, quæ per se iam suffocationem minuitur; minus videbitur mirum, si ægri, urgente siti posthabita, potum tantopere desideratum præ metu præsentissimæ suffocationis nihilominus cum tremore exhorrescentes detrectent. Cuius rei exemplum notatu dignum *vid. in Tulpii obs. lib. I. obs. XXI.* Occurrunt interim nonnumquam, qui parcius bibunt, sed tamen intereunt.
33. Quamvis cynanthropia omni iure deliriis acutissimis accenseatur: tamen offerunt se passim subiecta, quibus mens per intervalla integra rediit. Nota est virgo *Patauina*, quæ cedente paroxysmo impense rogavit adstantes, ut arctius ipsam constringerent, ne reuertente exacerbatione, cum qua mordendi furor simul inualescit, quemquam læderet. *Vid. Io. Rhodii Cent. I. obs. 46. Eph. N. C. Dec. II. an. IV. obs. 79. p. 164. Zacchias in Quæst. med. leg. lib. II. tit. 1. quæst. 17. f. 191.*
34. Deliria tandem in morbis occurrentia, non tantum in febribus acutis aut subinde in intermittentibus observantur, sed aliis quoque læsionibus superueniunt, quales sunt: inflammationes partium, contusiones, luxationes, sphacelus. *Conf. Teichmeieri diss. supra allegata.*
35. Mania ex philtro huc quoque referri solet ab aliis; sed eius mentio iniicietur in tabula sequente, in qua de casibus quibusdam reseruatis seu fortuitis, ad praxin extemporaneam pertinentibus, tractare constitutum est.

TABVLA XVI.

DE CASIBVS RESERVATIS.

I. DEFINITIO.

Casus referuati sunt morbi plerumque fortuito subitoque euenientes, qui ad certam & vsitatam morborum classem ordinarie referri non solent; licet vel motibus auctis, vel turbatis, vel deficientibus generatim adnumerari possent.

II. DIFFERENTIA.

1. Si scire quis cupiat numerum illorum morborum, qui ad casuum inopinatum classem referri debeant; respondemus, quod secundum arbitrariam methòdum quidam liberaliores, quidam autem parciores sint in eiusmodi casibus adculmandis.
2. Nos *sex* tantum hic tractabimus; cum de non nullis aliis alibi iam actum sit. e. g. tab. præcedente.

III. CASVS IPSI.

A. VENENUM

1. Definitio

Venenum est materiatum deleterium, quod plerumque exigua quantitate, & citra proportionatam violentiam, sensibus manifestam, vitalem œconomiam breui temporis spatio intime peruertere & ita destruere solet, vt inde, nisi festinatum sufficiensque auxilium feratur, vel mors, vel fonticum & irreparabile partium internarum læsio succedat.

2. Differentia

- 1) *Venenum* ancipitis notionis vox est, perinde ac *valetudo* apud Latinos, & *pharmakon* apud Græcos. Hinc venenum datur

(1) bo.

- (1) *bonum*, quod idem significat ac medicamentum. Ita e. g. *Lucanus lib. VIII.* faciem vulneribus defœdatam infuso *veneno* i. e. medicamento traumatico, solidatam scribit; & *Plautus in Pseudolo act. III. Scen. II. v. 80.* de *Medea* refert: quod senem *Peliam* fecerit adolescentulum per sua *medicamenta & venena*. *Plinius hist. nat. lib. VII.* omnibus hominibus contra serpentes inesse dicit *venenum*, seu succum abstergendo & diluendo veneno nocenti aptum.
- (2) *malum* seu *nocens*, de quo valet *definitio*, quodque hodie semper intelligitur, sicubi de veneno differendi occurrit locus.
- 2) Si superioris ævi, aut paulo antiquiores consulamus artis doctores: tunc eos in significato laxiori veneni vocem usurpareprehendimus. Ita *Rodericus & Castro lib. I. cap. VI. in Medico Politico* venenum id esse tradit, quod disfidio & inimicitia naturam nostram depeculetur. *Iou-bertus dec. II. paradox. X. f. m. 147.* illud proprie venenum vult, quod intra corpus adsumtum ita eius naturæ repugnet, vt ab ea vinci eique adsimilari non possit; sed e contrario immutet.
- 3) Atque secundum hunc respectum a recentioribus omnino differunt, qui venenis semper lethiferam vim adscribunt, licet repentina mors maturo auxilio impediri possit; quam quidem & veteres concesserunt, non tamen de veneni essentia esse existimarunt, vt necessario interimere debeat. Vnde enata est differentia venenorum,
- (1) quæ absolute necant & *Θανατοφoρα* audiunt.
- (2) quæ insaniam aut fatuitatem conciliant.
- (3) quæ sine læsione substantiæ corporis varios motus & mira phænomena producant.
- (4) talium rerum, quæ venena quidem non sunt, adsumpta tamen vel adplicata vitam auferunt, vt vitrum, ex mente veterum lactuæ succus ob nimiam frigiditatem perniciosus, spiritus ardens copiose ingurgitatus, cibi in se quidem laudabiles, ob peculiarem autem quorundam

rumdam idiosyncrasiam deleterii, aqua frigida corpori calenti superfusa, medicamenta emetica & cathartica drastica, de quibus *Vid. Hoffmanni med. rat. syst. tom. II. cap. V. VI. VII.* Atque ex his intelligi potest mens antiquorum, qui latiore sensu venenum descripserunt.

- 4) Porro venena alia sunt,
 - (1) quæ tota substantia, ut aiunt, nocent, e.g. napellus.
 - (2) alia, quæ solis qualitatibus venena fiunt, & secundum quatuor primas proprietates vel
 - a) nimium calefaciendo, vel
 - b) infrigidando, vel
 - c) exsiccando, vel
 - d) humectando nocent.
- 5) Ratione *modi operandi* ita differunt, ut
 - (1) hæc putrefaciendo;
 - (2) ista corrodendo, inflammando, exulcerando;
 - (3) illa stupefaciendo, coagulando;
 - (4) alia suffocando & quasi strangulando interimant.
- 6) Ratione *modi administrationis* nocent
 - (1) per os adsumta.
 - (2) per ictum aut morsum communicata,
 - (3) per solum contactum.
 - (4) per olfactum.
 - (5) per visum.
 - (6) per auditum. *Conf. Laur. Ioubertus dec. II. paradox. X. Paul. Zacchias Quæst. med. leg. lib. II. tit. II. quæst. 2.*
- 7) Ratione *originis* venena dantur
 - (1) ex *mineralibus*: cobaltum venenum nativum, arsenicum, mercurius sublimatus, vitrum & butyrum antimonii, mercurius vivus in spiritu acido solutus, aqua fortis, aqua regia, oleum vitrioli, & secundum quosdam adamas.
 - (2) ex *animalibus* plures serpentum species, quas Zoologi & hist. nat scriptores & *Observationes itinerariæ* supeditant. Lepus marinus, phalangium, vipera, scorpius.

(3) ex

(3) *ex vegetabilibus* : napellus , helleborus albus , datura , solanum furiosum , colchicum , cicuta aquatica , euphorbium , esula , yucca , opium , hyosciamus , & certæ fungorum species.

8) *Ratione vehementiæ alia*

(1) vel tam repentinæ sunt efficacix , vt cito intermiant ,

(2) vel tardius deleteriam edant virulentiam : vnde temporaria audiunt. *Conf. Conspect. med. tab. CXXX. C. G. Stenzel de venenis terminatis & temporaneis Wittebergæ 1730.*

9) *Præterea venena sunt*

(1) vel fortuito adsumta

(2) vel dolose propinata

(3) vel miasmata partim intra corpus genita , partim extrinsecus illata per contagium.

10) *Quæ adhuc supersunt differentix , arbitrariæ sunt , secundum quas diuidi solent in venena*

(1) *natura talia & per accidens ita facta.*

(2) vel secundum *totum* & secundum *partem* : prioris exemplum præbent cantharides ; posterioris : cerebrum felis.

(3) ita alia statuuntur *cordi inimica* , alia *cerebro perniciofa*.

2. *Signa.*

Signa cum viginti in *Consp. med.* exhibita sint ; ad repetenda illa tirones eo ablegamus.

3. *Subiecta.*

De subiectis pariter nihil monendum restat ; siquidem quilibet homo , cuiuscumque ætatis ac sexus fuerit , veneficio lædi aut occidi potest.

4. *Causæ.*

1) Quando venenum , tamquam *caussa materialis* , cum corpore communicatum est : tum omnium motuum , in primis vitalium , turbatio contingit.

- 2) Natura enim, ceu *caussa efficiens* ob præceps periculum turbata, trepidans & anxia motibus primum vehementissimis præcipiti noxæ se opponit; si vero fine suo non potitur, ad motuum omissiones deinde prolabitur, corpusque putredini relinquit.
- 3) De *occasionalibus* differere causis plane superfluum est: parum enim utilitatis practico inde redundat; si vel maxime sciamus, quod alter incautus ipsemet venenum, loco medicamenti, sumserit, alter vero per nefarium dolum ab aliis illud acceperit. Præter ea tacere potius, quam propalare, conuenit plures illos modos & occasiones, quibus venena, sine adsumptione per os, cum corpore communicantur.

B. PHILTRVM

1. Definitio

Philtrum est pharmacum seu scelestorum hominum artificium, veneficio proximum, quo coactum amorem homini erga alium, siue iam acceptum, siue inimicum, variis modis conciliare student, sed cum magno plerumque sanitatis detrimento, quod aut perpetuam fatuitatem, melancholicam, maniam, aut ipsam mortem inuoluit.

2. Differentia

- 1) *Philtrum poculum* quoque dicitur *amatorium*, quoniam sub forma liquida & potulentis consuetis immistum clam exhiberi suevit. Sed postquam impietas satanæ mancipiorum ad summum festigium perducta est, plures dantur modi, quibus intentioni satisfacere possunt maleuoli.
- 2) Differunt auctorum sententiæ ratione existentiae philtro-
rum: quidam enim prorsus negant, philtro dari naturalia, seu amorem per causas naturales conciliari posse; alii contra id ipsum serio adfirmant.
- 3) *Philtro ratione causarum* sunt
 - (1) *Moralia*, quæ animum respiciunt, & præter morum similitudinem, vitæ generis & hypothesum conuenientiam ac enatam inde mutuam animorum inclinationem, nihil inuoluunt.

(2) Na-

(2) *Naturalia*

a) *connata* sub quibus tam formæ externæ pulchritudinem, quam internorum humorum constitutionem, in duobus individuis conspirantem, intelligunt; unde animorum oriri possit inclinatio & consensus.

b) *arte parata*, quæ ex ingredientibus naturalibus conficiuntur, modo naturali agunt, & determinati subiecti amorem inducunt.

(3) *Præternaturalia*. Hæc sunt pharmaca ex tribus naturæ regnis quidem desumpta, sed modo prorsus præternaturali operantia. Vnde, amoris loco, dira sæpe symptomata, motuumque extremæ perturbationes & philtromania sequuntur.

(4) *Magica & magnetica*; quæ iterum duplicis sunt generis: partim enim superstitio & incantationes per signa, verba & actus perpetrandæ, partim magica materiarum naturalium applicatio & præparatio eorum fundamentum constituunt.

4) *Ratione originis* habentur philtrea(1) *Animalia*

a) ab homine desumpta

b) ab aliis animantibus, e quibus vel internæ, vel externæ partes ad nefarios vius adsciscuntur.

(2) *Vegetabilia*. Quæ explicatius tradere non conuenit, ne maleficia docere velle videamur.

(3) *Mineralia* varia, vario modo paranda & applicanda.

5) *Ratione finis*

(1) Alia amorem inducunt *inter homines*

a) diuersi sexus, aut eiusdem.

b) inter subiecta antea sibi mutuo grata vel ingrata.

(2) Alia *inter hominem & animal* inclinationem conciliant.

Ita Io. Hartmannus Marpurgensium quondam professor medicus passerulo capto philtum puluerem sub esca



TAB. XVI. DE CASIBVS

exhibuit, tanto cum effectu, vt auis posthac non modo in museo ipsi adhæserit, sed etiam ægrotantes visitantem iugiter comitata sit. Huc porro pertinet *Helmontii* experimentum a se ipso in canicula factum *Bru-xellis*, vbi pedem illius comprehensum in manu sua tantisper detinuit; quo facto, animal illico relicta hera, peregrinum & numquam antea visum *Helmontium*, secutum est, neque interdiu, neque noctu illum deseruit.

6) *Ratione effectus*

- (1) Quædam ita operantur, vt vim ultra dies aliquot non exlerant.
- (2) Alia amorem inductum sine corporis detrimento & sensuum internorum læsione diutius conferuant.
- (3) Alia contra pessima quæque consecraria & magna mala excitant; e. g. hæmorrhagias per os & aures, ranarum & limacum deiectiones, obliuionem, lepram.

3. *Signa.*

Signa varia habentur, de quibus vid. *Consp. med. tab. CXXVIII.*

4. *Subiecta.*

Subiecta determinari curate nequeunt. Accidit enim, vt non modo nauci homines cum sui similibus conuersantes hoc periculum incurrant, sed etiam innocentissimis subinde per diaboli mancipia tales struantur insidiae. Exempla habemus passim in doctoribus ecclesiasticis, quorum zelus scorta quædam eo permouit, vt clam exhibito philtro, vindictam fumerent ab iis, qui veritatem dicendo, lasciuiam publice detestati sunt. Idem nonnumquam euenire solet peregrinantibus.

5. *Causse.*

- 1) *Causse materialis* e. num. 4. diff. abunde cognosci potest.
- 2) *Causse formalis* quæ simul verum operandi modum secundum omnes philtorum species manifestum redderet, a priori ita demonstrari nondum potuit; quidquid tentaerint philosophi ac medici, vt verum inde conceptum formare,

mare, nexumque inter causſam materialem & notabiles effectus perſpicere licuiſſet. Quæ enim circa philtrorum indolem explicandam paſſim adferunt, plures habent difficultates, quas hoc loco enumerare nihil attinet; *a poſteriori* autem tantum eluceſcit, quod philtra plerumque naturæ maximopere ſint aduerſa, quia tam vehementes ac impetuoſos motus, ſonticasque actionum vitalium & rationalium perturbationes conſequentur.

- 3) *Cauſſa efficiens* omnium præternaturalium motuum, qui poſt exhibitum philtrum obſervantur, eſt ipſum principium agens rationale, quod damnum ex philtri maleficio iam contractum, vel proxime impendens cum ſumma auerſatione perſentit, & omnibus viribus ad læſiones auertendas noxamque expellendam ſe conuertit. Licet autem varia molimina & arma huic hoſti opponat, raro tamen finem adſequitur.
- 4) *Cauſſæ occaſionales*. De his prolixè agendum non videtur; omnibus vero commendanda eſt medicina illa vniuerſalis, ad omnia utilis, nimirum *εὐσεβεία*, remedium contra quasvis Satanæ eiusque famulitii energieas efficaciffimum quidem, ſed paucis familiare.

C. FULMINE TACTI.

1. *Definitio.*

Fulmine tacti eſſe poſſunt omnis ætatis ac ſexus homines, quos fulmen vel ſubito occidit, vel ad tempus attonitos & quaſi mortuos efficit.

2. *Differentia.*

- 1) Medicina non mortuis ſed viuis deſtinata eſt: hinc in Therapia non tam de fulmine occiſis ſolliciti ſumus, quam de iis, quos fulmen ſeu ignis poſt emicans fulgur cum ingenti fragore ſeu tonitru e nubibus erumpens, quocumque modo læſit, in pathologia autem ad ipſos uſque mortuos nos extendimus, quo nexum ætiologicum perſpicere queamus.
- 2) Ipſas ceterum læſiones, a fulmine metuendas, in tres partiemur claſſes.

- 1) *prima* comprehendit molestias transeuntes, quas in quouis alio terrore anxio alias obseruamus, de quibus *vid. Consp. Hyg. tab. de animi path.* Vbi nonnumquam & hoc euenit, vt attoniti facti aphonia quoque & ἀνοια aliquamdiu corripiantur, quidque cum ipsis fiat, plane ignorent, secundum illud:

*Non aliter stupui, quam qui Iouis ignibus ictus
Viuit, & est vitæ nescius ipse sue.*

- (2) *secunda* exhibet vel grauiores vel leuiores in periphæria corporis ambustiones, febres, aliaque confectaria, vt sunt: auditus grauitas, capitis aut artuum tremor, balbuties, impotentia alterutrum brachium vel pedem pro arbitrio mouendi & adplicandi.
- (3) *tertia* inuoluit omnium motuum abolitionem & subitam mortem, vel cum manifesta corporis adustione aut ossium confractiōe, vel sine istiusmodi accidentibus euenientem.
- 3) *Ratione restitutionis*, alii ex fulmine, non lethaliter læsi, intra paucos dies iterum sanari possunt; alii diuturnam fatis operam flagitant. Et hi
- (1) vel in integrum restituuntur sine reliquiis, languorem aut alia incommoda inuoluentibus.
- (2) vel valetudinarii manent, per dies vitæ durioris fortunæ memoriam retinentes.

3. *Signa.*

Signa adeo euidentia sunt, vt illis fusc recensendis superfedere omnino possimus: specialem vero eorundem enumerationem qui desiderat, *Consp. med.* adeat.

4. *Subiecta.*

Subiecta stricte in definitione indicata generatim sufficere possent: hic tamen subiungimus, illos qui oborta tempestate in montibus aut campis versantur, periculo mortis magis esse expositos, quam alii, qui intra parietes ædificiorum latitant. Absolute autem tutus a fulmine nemo dici potest, vtut in locis subterraneis reconditus esset profundius.

5. *Causæ.*

5. *Causſæ.*

1) *Cauſſa materialis proxima* eſt ipſe ignis atmophæricus poſt accenſionem particularum ſulphureo-nitroſo-aquoſo-elasti-carum e nubibus prorumpens & obuia quæque, liberum tranſitum impedi-entia, vario modo lædens.

2) *Cauſſa formalis* eſt

(1) aëris, ſubiectum a fulmine læſum, ambientis, nimia per ignem vehementiſſimum rarefactio, & quaſi plenaria ſubtractio. Vnde

(2) immediate aër inſpirandus & veſiculas pneumonicas replens deficit; pulmo-nes vero æque ac veſiculæ collabuntur, thoracis pondus ſubſidet, & ab aëre externo, quia pulmo ob deficientem aërem internum minus expanſus eſt, vehementius comprimitur, tonus huius viſceris læditur; vnde humores irrumpentes illud ſubito replent, & circulus ſanguinis maximopere alteratur ac ſufflaminatur. Hinc porro ſubitæ ſtaſes & violentæ ſanguinis extrauſationes contingunt, & plures ex fulmine ſuffocati, vt apoplectici, intereunt. His omnibus accedit actiua tracheæ coarctatio, quaaëris portio, in pulmone reſtans, & numquam perfectè exſpirari ſolita, retinetur, & vitæ iam periclitanti magis officiit, vt paulo infra dicetur *de ſubmerſis*.

3) Iſta autem laryngis occluſio nititur auerſione, quam natura, ceu *cauſſa motuum efficiens*, teſtatur, dum vaporem ſulphureum & grauem odorem, quem ignis fulminaris aſſatim ſpirat, percipit, & vna cum aëre ad pulmo-nes admittere abhorret; vt experimur, dum ſulphur aliquod accendimus. Præterea læſionem, a fulmine factam, quantum per ſummam conſternationem licet, motibus therapeuticis diſcutientibus & conſolidantibus reſtaurare intendit.

4) *Cauſſæ occaſionales* nullæ ſpeciati-m determinari poſſunt; Vbi-cunque enim fueris, omnipotentis manus fulmine te perdere poterit. Interim altiora loca præ humilibus huic periculo expoſita obſeruantur.

D. AQUA SUBMERSI.

1. *Definitio.*

Aqua submersi sunt homines, in vndis partim valde alterati, & in summum vitæ discrimen adducti, partim vere suffocati.

2. *Differentia.*

Cum non omnes, qui aqua submersi sunt, in illa moriantur, grauiores autem motuum vitalium turbationes subeant; sponte elucescit, Medicinam therapeuticam de his, non vero de mortuis esse sollicitam. Pathologia autem de vtrisque solet disquirere.

3. *Signa.*

In enarrandis signis prolixos esse non decet, quia longe sunt euidentissima. Cuius enim intuenti faciei pallor, corporis rigor & immobilitas, thorax elatus, scrobiculus ferme disparens & abdomen prætumidum, facile se offerunt.

4. *Subiecta.*

De his non habemus, quod dicamus; quia quilibet homo, data occasione, periculum suffocationis sub vndis incurrere potest.

5. *Causæ.*

1) *secundum tritam* & omnibus vniquam probatam sententiam, habetur *causæ formalis*, aquæ per tracheam in pulmones, & per œsophagum in ventriculum siue attractio, siue illapsum, & consequens inde suffocatio.

2) *secundum recentiores* autem epiglottidis adductio & arctior laryngis oclusio, cuius effectus immediatus suffocatio est. Argumenta, quæ recentiores ad deferendam vulgarem sententiam adduxerunt, sunt

(1) *Observationes* & sectiones cadauerum, aqua submersorum. Ita v. g.

a) *Paul. Zacchias* submersos interire adfirmat, non ob aquæ ingestæ copiam, sed ob cohibitam respirationem. *Vid. Quæst. med. leg. lib. V. tit. II. quæst. XI. f. 435.*

b) *Pla-*

- b) *Platerus in quæst. patholog. n. 55. diferte docet, submersos non mori, quod aquam affatim & nimium bibant, sed quod suffocentur. Conf. Boneti sepulchret. lib. II. obs. 44. f. m. 589.*
- c) *Waldschmidius in Eph. Nat. Cur. Dec. II. an. VI. obs. 153. p. 316. testatur, se ne guttulam quidem aquæ in ventriculo aut thorace submerforum inuenire potuisse, adeoque certum esse, eos non ex repletione pulmonum aquis immori, sed ob suffocationem.*
- d) *Derhardingus in diss. epist. ad Schroeskiu A. 1714. de methodo subueniendi submersis per laryngotomiam: casum tunc recentem proponit militis transfugæ & aqua merfi, cuius cadauer abdomen tumidum valde & thoracem elatum exhibuerit; facta autem sectione vtriusque cavitatis, nil aquæ in ventriculo & pulmone adparuerit.*
- e) *Wedelius senior in epist. ad Io. Conr. Bekerum A. 1718. de piscatore eiusque filio in flumine Sala submersis, idem testatur.*
- f) *Goblius in Act. med. Ber. dec. I. vol. III. p. 38. refert: se A. 1722. mense Ian. sectioni submersæ interfuisse, sed nihil aquæ neque in pulmone neque in ventriculoprehendisse.*
- g) *Io. Conr. Beckerus in tract. de submerforum morte sine pota aqua lenæ 1729. recuso, ceu testis αὐτοπῆς historiam refert sectionis, in rustico aqua merfo administratæ, in cuius ventriculo parum liquoris, zythi odorem referentis, inuentum sit. In thorace autem, vehementer inflato, obseruauit, resecto gutture, flatum sonorum exeuntem, ac inde subitam thoracis & pulmonum subsidentiam §. XXI. Similem casum ex propria praxi communicat. Conf. Alberti syst. iurisprud. med. cap. XI.*
- (2) *Rationes, cur aqua per tracheam in pulmones illabi non possit, sunt sequentes:*
- a) *Homo præsentissimæ mortis metu summe percussus,*

solito profundius inspirat, quod omnibus notissimum est. Hoc facto epiglottis celeriter a fibris muscularibus adducitur, & rimæ firmiter adplicatur; cui accedit, quod ab ipsa aqua adlabente fortius deprimatur, vt epiglottis attolli prorsus nequeat.

- b) Diaphragma in fornicem non redit, nec costæ resiliunt.
- c) Aër autem vltima inspiratione largiter haustus, intraque pulmonem hoc modo conclusus & calefactus, amplius spatium postulat. Hinc
 - α) multum expansus ipsas quoque vesiculas pneumonicas expandit.
 - β) pulmonis viscus secundum omnes dimensiones dilatat, ipsumque thoracem distendit.
 - γ) bronchia simul elongat.
 - δ) vasa sanguifera coarctat & comprimit.
 - ε) circulo sanguinis remoram iniicit, dum sanguinem e dextro ventriculo expellendum arcet, illapsum vero partim exprimit, partim retinet, & in grumos cogit; veluti autopsia docuit, quod scilicet in submersis dexter cordis ventriculus nimium suffarctus, sinister contra sanguine vacuus fuerit. Hinc
 - ζ) stagnationes, stases & repentinæ vasorum in cerebro rupturæ, vt vero sit simillimum, submersos eodem modo exstingui ac apoplecticos. Cum in vtrisque sanguis per nares & aures defluere post mortem sæpius obseruetur.
- d) Tandem id ipsum quadantenus illustrare possunt casus illorum, qui sola malitiosa spiritus cohibitione prææretice se vita priuarunt. Qualem casum *Galenus* refert de seruo *lib. II. de motu musc. cap. VI. f. m. 121.* Plura exempla collegit allegatus *Bekerus §. LIX.*
- e) Patet ergo abunde, in aquis idem contingere, quod in aliis occasionibus, suffocationem minitantibus, fieri solet; vbi nusquam materia aliqua, in pulmones se insinuans, hunc effectum producit.

- 3) Itaque natura, quæ noxia quævis, siue aquosa illa fuerint, siue fumosa, vaporosa, stupefactiva, aut acida, cum aëre inspirando permixta, auersatur, introitum per laryngem in tracheam occludit. Licet autem principium vitale per talem constrictionem optima intentione aquas ab irruptione arcere laboret, in tanta tamen calamitate, vbi aliorum auxilium deest, ipsum remedium, quod opponit periculo, vitæ finem promptius accelerat.

E. STRANGVLATI.

1. *Definitio.*

Strangulati sunt ii, quibus laqueo aut alio quocumque ligamento collum arctius constrictum & respirandi libertas intercepta est.

2. *Differentia.*

Qui vere iam mortui, aut vita indigni ad malam crucem sublati sunt, eos non amplius curat artifex. Ergo de iis potissimum hic agimus, qui sine vitæ iactura strangulati sunt.

3. *Signa.*

Signa oppido manifesta, & nihil ambigui exhibentia, recitare non expedit.

4. *Subiecta.*

- 1) Huc in primis pertinent melancholici & maniaci
- 2) Vehementer consternati alii que desperabundi.
- 3) Homines malefici, qui præ metu grauioris supplicii laqueum potius experiri, quam iudicis animaduersionem expectare volunt.
- 4) Alii quique, quibus latrones aut alii hostes gulam frangere intendunt.

3. *Causse.*

Causarum expositione eo rectius supersedere possumus, quo distinctius de suffocationis negotio in præcedentibus iam actum est. Quod enim in aliis casibus natura consilio facit, dum tracheam arcte claudit, hoc in strangulatis violenta manus, extrinsecus adplicata, perpetrat, & eundem præfocationis euentum producit.

F. EBRIETAS.

1. *Definitio.*

Ebrietas est delirium transiens, per potus spirituosos excitatum; quod actus vitales nimium alterat, & sensuum tam internorum quam externorum adiuuitatem ita intercipit, ut ebrii, quid actum ab ipsis sit, vel adhuc agendum, omnino ignorent.

2. *Differentia.*

- 1) Exsecrandum hoc vitium, extrema cum auersatione fugiendum, vltimum merito locum occupat; non quod leuissimum sit, sed quod aliis præponi ob detestandam turpitudinem non mereatur: quidquid egerint, quos ebrietati panegyrim recitare non puduit.
- 2) Vti præterea tam cœtui christiano, quam ipsi salutari arti dedecori cedit, si de lue scortatorum, ex remotissimis orbis terrarum partibus arcessita, tractare coguntur Medici: ita ebrietatis theoria & therapia non minorem illi inurit ethnicæ spurcitiei maculam. Quia vero eo iam deuentum est, ut christianum nomen profitentes in eodem asotiae cœno se volutent, perinde ac ethnici αἰσοῖ *Ephes. II, 12.* ideo nec Medicis suo officio deesse licebit.
- 3) Dantur ceterum
 - (1) strenui bacchi cultores & heluones exercitati, qui post prodigam potuum inebriantium ingurgitationem vix pro ebriis habendi sunt.
 - (2) occurrunt porro alii, qui crapulas quotidie tolerant, & nullo modo valetudinem lædere aliquamdiu videntur: utrique Medici operam implorare non solent. Sed offerunt se
 - (3) insuper alii, quos temulentia grauius lædit, ita ut vel morbus sæpe succedat, vel morbida afflictio delicti recens patratu comes sit. Et hi sunt, qui Medici ministerio & artis adminiculo peccati pœnam eludere satagunt.

3. *Signa.*

Signa omnino plurima sunt, quibus ebrietas crasso modo se prodit. Sed uti infimæ plebi per experientiam notissima sunt, sic operæ vltiori hic merito parcimus.

4. *Sub-*

4. *Subiecta.*

Subiectis temulentiae adnumerantur illi, qui potu generosiori, ad roborandum a Creatore concessio, turpiter abuti non verentur; sub quocumque etiam praetextu delictum emollire studeant.

5. *Causae.*

- 1) Quando largior potus spirituosus ingurgitatio contigit, tum motus orgasmici per spirituosos excitantur, qui functiones vitales, naturales & animales valde turbant & hominem ad quævis ineptum reddunt.
- 2) Huic malo, a particulis sulphureo-orgasmicis expectando, natura se opponit per auctiores motus excretorios, & materias peccantes per vomitum, aluum, diuresin & diaphoresin excernere intendit.

IV. OBSERVATIONES.

1. Antiquitas, praeter *cicutæ* succum, recens expressum & inspissatum, pauca novit venena. *Arsenicum* autem veterum nihil commune habuit cum nostro hodie elaborari solito, quia *Celsus lib. V. cap. V.* aperte *auripigmentum* synonymice *αὐροπικόν* vocat, & medicamentis purgantibus adnumerat.
2. Sed ultimis ruituri mundi saeculis, quibus omnes artes ad summum perductae videntur fastigium, malefica quoque ars, venena praeparandi, miscendi, clanculum propinandi & adplicandi per nefandam flagitiosorum industriam tanta sumit incrementa, ut cum alia arte, *νομικῶς* occidendi, de palma certare possit.
3. Non quidem immorabimur in venenis inquirendis & explicandis, scire tamen convenit, quod penetrantissima & reliqua subtilitate superantia sint illa, quae ex animali regno proveniunt.
4. Vbi notandum, quod subiecta siue humano, siue brutino veneno infecta sint, iterum alia inficere facile soleant; quem effectum in aliud corpus transferentem venena mineralia aut vegetabilia non edunt.
5. *Arsenicum* nostrum uti interne celeriter noxiam vim corrodentem exserit: ita etiam externe, e.g. ulceribus, parcius licet adplicatum, febres, deliria & convulsiones excitat.

6. *Adamas* ab Arabibus primum venenorum familiæ adnumeratus; per alios contra ab hac infamia liberatus est. Rumor autem nouus percrebuit orbem medicum de eius lethifera qualitate, postquam *Paracelsus*, qui se futurum *macrobius* dictitabat, præmatura morte occubuisset. Nam sectatores eius, vt honori & famæ magistri etiam post fata consulere, prætexere non sunt veriti, eum dolose circumuentum & per *adamantis* puluerem, tamquam inuictum venenum, occisum esse. *Conf. Frid. Hoffmanni diss. de cauta & circumspecta veneni dati adcusatione Hale 1734.*
7. Præterea mirum est, quod aliqui venenorum esui ita adsuescere possint, vt ne quidem alterentur. Sic ex relatione Medici, fide digni, notus est militum quidam tribunus, qui mercurio sublimato, tamquam confortatiuo archei, quotidie vesci solebat cum euphoria, quam etiam per desperatum hoc remedium intenderat. *Vesci* illo solebat, non *degustare*; siquidem tres vno die drachmas deglutire poterat. Quod omnem propemodum fidem superare videtur. Et is casus illustrat quodam modo illam non nullorum hypothesin: quod nimirum non dentur venena *absoluta*, sed *respectiua*.
8. Ad venena supra retulimus medicamenta drasticotera, quibus porro subiungimus *adstringentia* & hæmorrhagiarum successum cohibentia, de quibus obseruatu dignum exemplum adfert *Salmuth Cent. III.* quod hæmorrhoides periodicas per vetulæ infaustum artificium, potionem scilicet adstringentem, repente suppressas testatur, cum insequente pectoris angustante compressione, dyspnoea & inopinata morte, non aliter ac si venenum sumisset.
9. Summum tandem venenum, quod reliqua synergeticos acuit, &, vt summe noxia euadant, exaltat, est antiquum illud venenum seu labes connata, quæ maximas turbas, non solum in mente sed etiam in corpore, instar fortissimi veneni, excitat.
10. De *philtris* data opera nec fusius, nec explicatius tractare conuenit. Diserte enim pronunciauit *Galenus*, eos non minus, qui de *philtris* scribant, quam qui eadem parent, esse odio dignos. Vnde etiam de medicamentis lethalibus & *philtris* tacendum esse censuit. *Si enim, inquit, etiam abunde expertus essem:*

essem : tamen mentionem eorum facere in animum non inducerem. Præterea monet, non decere probum Medicum ea conscribere, quæ non expertus sit, si vero propriam experientiam talium maleficiorum haberet, impiissimus esset. *Vid. eius lib. X. de simplic. med. facult. f. m. 71.*

11. Itaque farraginem historiarum de philtis exhibitis eorumque pessimis effectibus ex *Suetonio & Plutarcho* adferre; aut de materia philtorum & præparandi modo, ex *Ouidio, Virgilio, Propertio & Iuuenali* exponere, laborem iudicamus nefandum & perniciosum.
12. Qui ceterum philosophi aliis acutiores videri volunt, id hodie agunt, ut philtorum existentiam prorsus negent; sed optandum esset, ut eorum negatio fundamentum haberet. Quia vero experientia multos per philtia perditos comprobabat, sublimem hanc sapientiam suis relinquimus auctoribus, & magis sobrie in hoc negotio philosophantem *Rod. a Castro in Medico politico lib. IV. cap. II.* illis præferimus.
13. Interim audax nimis conatus est, si illud impugnare velis, quod ipse non expertus es. Qui vero id facere non dubitant, censuram prudentiorum haud effugient, neque a suspitione liberari possunt, quod hoc tantum negent ex vano inclarescendi pruritu.
14. Placet vero *Helmontii* hac in re iudicium, quod in *tr. de mag. vuln. curatione* tulit; nimirum a superbæ peccato explicari illum non posse, qui, quod non percipiat rationem naturalem, idcirco audacter neget, Deum eiusmodi rebus virtutem dedisse, quasi homo vermis, Dei & consilii eius compos esset. Omnium animos ex suo æstimat, qui putat fieri non posse, quod ipse capere non valet.
15. De fulmine eiusque differentiis Pathologia non differit. Manet ergo physicis demandatum munus, in hanc rem inquirendi, quænam fulmina
 - 1) *ratione figuræ* sint trifulca, quadrifulca, globosa, lapide fulminari, ut vulgus putat, imprægnata, & quæ sunt alia.
 - 2) *ratione effectus*, quando cadat fulmen dissipans seu *discutiens* a *Plinio siccum* adpellatum, quando *obfusans* seu humidum; quando *terebans*; quando *vrens*.

16. Neque nostrum est, in illud phænomenon inquirere, cur fulminis tactui feles & canes tam obnoxii habeantur; & vtrum exorta tempestate peregrinantes, quibus canis est pedissequus, habeant, quod tantopere metuant, ne scilicet fulmen, per canis præsentiam inuitatum, ipsosmet disperdat.
17. Ceterum non plane prætermittendum censemus, quod alii quidem fulgura, tonitrua comites non habentia, minus metuant, alii autem & fulgura & tonitrua adeo exhorrescant, vt sub virium repentina prostratione quasi exanimentur, quemadmodum in febres incidere solent nonnulli. De hisce tamen phænomenis in corpore viuo ita se manifestantibus tenendum: quod singula non ab istiusmodi meteoris, sed ab adfectuum vehementia & peculiari indiuiduorum sensibilitate dependeant.
18. De *submersis* addimus, quod plures ex vndis, sub quibus non adeo diu latuerunt, extracti & pro mortuis habiti, feruari possent, si auxilio, promte & dextre adplicato, illis succurreretur. Ita submersum nobilem pro mortuo habitum, sed per euporiston in vitam reuocatum refert *Pet. Borellus Cent. II. obs. II.* Quia vero in eiusmodi casibus terror & consternatio adstantium animos valde percellit, vt nesciant, quid decernendum sit, infelices submersi, licet animam nondum efflauerint, succumbere coguntur.
19. De fordido *ebrietatis* vitio non prætermittenda sunt, quæ ethnicorum moratiores senserunt. Nimirum exemplis demonstrant, ebrietatem a diis iratis poenæ grauioris loco immisam fuisse numinis contemtoribus, vbi ad *Cyanippi Syracusani* fata prouocant, qui ebrius factus, filix suæ vim intulerit, ideoque Apollinis iussu immolatus fuerit. Illud autem, quod *gentiles* ceu poenam detestati sunt, *Christiani* non solum pro relicta sed etiam salutari habent, dum menstrua hilaritatis pocula, ex ore quorundum Medicorum, ad excitandos spiritus laudant.
20. *Plutarchus* longe æquius pronunciat, ebrietatem verecundo cuique & modesto viro vitandam esse. Infantiæ quidem cedit duratione: illam autem superat eo, quod ultro adsciscatur. Ceterum vti elogium de poculorum menstruorum salubritate est falsissimum: sic contra *Paulinum* de potatoribus, a re-gno Dei excludendis, est verissimum.

**CONSPECTVS
SEMEIOLOGIÆ.**

SEMIOTIC
CONCEPTS

TABVLA I.

DE

SEMEIOLOGIA GENERATIM.

I. DEFINITIO.

Semeiologia est pathologiæ pars altera , quæ de morborum & eorum symptomatum signis, tam *diagnosticis*, quam *prognosticis* exponit.

II. DIFFERENTIA.

1. Quamvis in significato latiore *Semeiologia* doctrinam denotet, in qua non tantum signa morborum, sed etiam sanitatis traduntur : consulto tamen de statu solum, qui præter naturam est, hic agemus.
2. Atque hoc institutum nemo facile incongruum iudicabit, perpendendo, quod alii auctores, quos inter C. I. *Langius* est, iam pridem monuerint, Medico clinico commercium non esse cum sanis, sed ægris. *Physiologus* autem iure de illo statu sollicitus est, qui ex actionibus omnium partium, debite conformatarum & illæsarum, resultare solet, & per sua signa *sanus* esse declaratur.
3. Interim non reprehendendi sunt illi, qui in *Semeiologia* vtriusque status signa coniungunt, quia oppositorum clarior esse solet dignotio. Cur vero nos priore via hic incedamus, ob *Physiologiam*, & speciatim *Hygieinem*, iam ante a nobis editam, factum est.
4. Ipsa quidem doctrina, quam in præsentī explicamus, a multis etiam vocatur *Semeiotica* : sed observavit iam *Iac. Pancr. Bruno* in *dog. med. general. Part. III. cap. I.* id fieri minus

congrue, cum Semeiotica potius denotet rem ipsam, quæ significat aut significatur, non vero disciplinam, quæ de signis tractat.

5. *Semeiologia alia generalis, alia specialis est.* Vti vero illa scopo nostro minus satis faceret: ita hanc breuiter adumbra-
bimus.

6. Est vero *signum* nota manifestior, quæ in ægri corpore aut animo alterius, rei, antea minus cognitæ præsentiam, vel aduentum nobis indicat.

7. Hæc signa semeiologica sunt duplicia, nempe *diagnostica & prognostica.*

1) *Diagnostica generalia* seu *indicatiua* sunt, quæ morbi præsentis *causam, symptomata & locum adfectum* manifestant, eundemque ab aliis distinguunt. Et ista sunt

(1) *coniecturalia* dicta, seu *communia & adfidentia*, quorum

a) alia *uni soli* morbo, sed *non semper* competunt, vt: scybalorum per æsophagum reiectio, in nullo alio morbo obseruatur, nisi in *iliaca passione*; ideo tamen non semper eo usque inualescit, vt graue hoc symptoma eius comes sit.

b) alia *semper* quidem in certo morbo obseruantur, sed in aliis non minus occurrunt, v. c. flatulentia semper euenit hypochondriacis, sed non solum hi, verum etiam alii ab hoc malo vexantur.

c) alia nec *semper*, nec *soli* cuidam morbo eueniunt. Ita deliria in acutis quidem familiaria sunt, sed in multis subiectis tam placidus eorum decursus est, vt mens numquam turbetur. Præter ea delirant etiam hypochondriaci sine febre; nonnumquam vero etiam *tertiana* aut *quartana* laborantes.

(2) *Demonstratiua, propria* seu *pathognomonica* stricte dicta, quæ certis morbis conueniunt, eorum essentiam declarant, cum illis incipiunt, augentur & iterum desinunt. Vocantur demonstratiua, non quod semper exquisitè demonstrent, quibus ex causis morbus ob-

ortus

ortus sit, sed quis aut qualis in præsentī adfligat. Hæc vero sunt vel

- a) *inseparabilia*, quæ vni soli morbo semper accidunt; v.g. dolor lateris punctorius, non ultra mammillam inferius se extendens, signum est pleuritidis veræ, proprium ac inseparabile; vel
 - b) *separabilia* seu propria late dicta. v. g. orthopnoea asthmati quidem propria est; sed in malo mitioris gradus, possunt etiam sub alio situ corporis, asthmatici respirare.
- (3) *Anamnesticæ*, vulgo *rememoratiuæ*, quæ præterita nobis suggerunt. Hæc quidam a diagnosticis separant, sed eam ipsam ob causam aliorum incurrunt animadversionem, qui præteritorum memoriam ideo necessariam iudicant, ut status præsentis adcuratiorem notitiam comparare, immo euentus futuri præfagia interdum colligere possimus.
- (4) *Præsentia*, quæ morbi nunc adfligentis eiusque continentis causæ & symptomatum conditionem manifestant. Ista vero notitiam suppeditant
- a) *præsentium* præter naturam phænomenon.
 - b) *præteritorum* v. c. cicatrix in præsentī obseruata, aliquando vlcus, aut aliam continui læsionem adfuisse arguit.
 - c) *futurorum*, ut: facies hippocratica, aut insolita alacritas in febribus malignis; mens sana & per repentinam mutationem recte sibi constans post vehementiora deliria; somnus placidus in morbi acuti incremento &c.
- 2) *Prognostica* sunt illa signa, quæ futurorum notitiam adferunt, ex quibus in omni morbo certum propemodum formari potest præfagium de euentu, qui
- (1) vel *repentinus* est vel *lentus*,
 - (2) Vterque autem vel *salutaris* vel *funestus*.

8. *Pathognomonica* signa alias etiam diuidi solent in
 - 1) *Essentialia*, quæ morbi speciem & naturam certo denunciant, nec quid aliud exprimunt, quam *demonstratiua*, de quibus no. 7.
 - 2) *Accidentalia*, *synedreuonta*, *confidentia*, quæ de morbi essentia non sunt, ideoque etiam abesse possunt, & sæpe absunt. V. g. fissura linguæ in acutis, dolor lateris, ad hypochondria & clauiculam vsque se extendens, in pleuritide vera.
 - 3) *Epiphænomena*, *post adparentia*, *superuenientia*, quæ sub morbi decursu passim superueniunt, vt maior inquietudo, leue delirium, mictio purulenta, leipothymia. Horum tres constituuntur classes, quarum
 - (1) prima continet signa vel *coëssionis*, vel *cruditatis*.
 - (2) altera suppeditat *crises* seu signa decretoria.
 - (3) tertia modum euentus vel boni, vel mali docet.
9. Ex qua delineatione facile patebit ratio, quid Medicos mouerit, vt *epiphænomena* potius *prognosticis*, quam *diagnosticis* adnumerata voluerint, licet in hac re non omnibus eadem mens sit.
10. Præterea displicet quibusdam hæc signorum in *synedreuonta* & *epiphænomena* distinctio: Dicunt enim & *synedreuonta* esse *epiphænomena*, seu post adparentia; quod certo quidem respectu verum est, sed propterea distinctio nec vana, nec inutilis, quia omnino notabili satis modo se ab inuicem distinguunt. Nam
 - 1) *pathognomonica* essentialia morbi essentiam, vt supra dictum, atque speciem determinant.
 - 2) *synedrouonta* ad pernoscendas differentias & alia morbo adnexa conferunt.
 - 3) *epiphænomena* vero alias mutationes monstrant, vt adeo præcipua horum signorum differentia non tam a tempore, in quo emergunt, sed ab ipsis rebus, quas manifestant, desumenda sit.
11. *Alzakarauii* methodum amplexi, signa diuidunt in
 - 1) signa

1) *signa incolumitatis*

2) *infirmittatis*

3) *conditionis mediæ.* Cuiusvis harum signa specialia desumuntur

(1) a *materia* seu quatuor elementis, calido nimirum, sicco, frigido & humido, quæ temperamentum hominis efficiunt.

(2) ab *accidentibus*, quorum quædam

a) ex tactu

b) ex functionum naturalium

c) ex actionum animalium vigore manifesta fiunt.

4) Idem auctor porro constituit signa

(1) *recordatiua* seu *αναμνηστικα*

(2) *demonstratiua* seu pathognomonica

(3) *præsignificatiua* seu prognostica,

a) vel *extra corpus* in colore, calore, cutis duritie vel molitie.

b) vel *intra corpus* in excretionibus læsis. Et hunc ordinem retinuerunt *Auicenna*, *Auerroes* alique ex latinis arabizantibus.

12. Differunt insuper medicorum sententiæ ratione certitudinis *Semeiologiæ*. Nam

1) quidam, quos inter non quidem primus, sed antesignani loco habendus est, *Paul. Ammannus*, contendunt, nihil plane fidi inde desumi posse, & ipse *Ammannus* adseverare non dubitat, quod uti in omni medicina nihil sit certius, quam incertitudo: ita speciatim de *Semeiologia* probare laborat, eam esse incertissimam, quia morborum causæ & definitiones adhuc valde dubiæ sunt. Unde concludit: nihil certi inesse posse signis, cum de signato ambigant & allucinentur. *Vid. eius parænesis ad discipulos occupata circa institutionum medicarum emendationem. Lipsiæ 1677.*

2) Alii contra ex hac doctrina totius artis medicæ certitudinem probare, saltem corroborare nituntur. Tantam enim

enim eius ad recte faciendam medicinam vim esse pronunciant, vt hac sublata totius artis fundamenta euersum iri credant, cum infallibilibus argumentis ad morbi cognitionem nos manu ducat, ac futurorum notitiam suppeditet. Vera hæc sunt, si discrete explicantur & adplicantur. *Conf. Bernh. Rottendorffii epist. ad Guil. Schefferum obseruationibus Lommianis præfixa. Wedelii exercitat. Semiotico-pathologica in præfat. Sennertus de chymicor. dissensu cap. XVII. p. 530.*

III. FONTES SIGNORVM.

1. Hi fontes ab aliis *caussæ* signorum vocantur, ac tum quidem distinguunt inter signa
 - 1) quæ *significant*
 - 2) quæ *significantur*
 - 3) quæ *virumque præstant.*
2. Cum vero signa, quæ significantur, seu *caussæ*, non sint obiectum *Semeiologiæ*, sed *Pathologiæ*, quæ in euoluendis ætiologiis vnice occupata est: tum cum signis non sunt confundendæ;
 - 1) nam morbos ex effectibus dignoscere & inde futura prænunciare solemus.
 - 2) incongruum est, manifesta per magis obscura demonstrare.
3. Fontes signorum tam diagnosticorum, quam prognosticorum petuntur
 - 1) *Generatim*
 - (1) Ex *cognitione virium* naturæ humanæ; vbi attendimus, quo gradu & modo illa tam secundum, quam præter naturam agere soleat? Porro quo vigore in præsentī morbo motus suos instituat? Naturæ enim ægrotorum medentur morbis, & per se sibi inueniunt motiones, ad obeundas actiones, non ex consilio alterius; vt recte docuit *Hippocrates lib. VI. epid. sect. I. f. m. 278.* Quam ob rem *Galenus* inculcat, Medicum præsagientem debere esse *physicum* seu naturæ finaliter operantis gnarum, vt perspicere valeat, naturam prorsus sufficere,

re, & summa quadam prouidentia corpori prospicere, ordinatisque motibus vti. *lib. III. de dieb. crit. cap. II. f. m. 153.* Et ne quis temere hunc fontem prætereat, iterato vrget, illum, qui *arte dignus euadere* nitatur, nosse debere, naturam rem esse ordinatam, & cum materiam superauerit definitis quibusdam proportionibus, tum demum fieri motiones ordinatis periodis. Si vero materiam non vincat, imo ab eadem prohibeatur, id fieri præter rationem, seu naturæ intentionem.

(2) Dignoscitur autem robur naturæ ex motibus

a) *Vitalibus*; vbi obseruamus

α) *pulsus* eiusque differentias; num scilicet ille sit vel nimium *auctus*, vel imminutus, vel ad sensum abolitus.

β) *respirationem*, num velox, anxia, inæqualis, difficilis aut suppressa sit?

γ) *tonum*, an sit

vel *proportionate tensus* vel *exacerbatus*, vnde passim in ægrotis spasmi, singultus, palpitationes, rigores & conuulsiones obseruantur,

vel *inæqualis* aut *deficiens*, qualis manifestatur in lassitudine, tremore, paralytodeis torporibus, aphonia.

b) *Naturalibus* succedentibus vel impeditis.

α) ex *adpetitus conditione*, cum præsentē morbido statu magis vel minus conueniente, quo pertinent frequentiores vomitus, sitis immoderata, brady-pepsia.

β) e *secretionibus & excretionibus*, nempe

Sudoris, cuius obseruatur

quantitas

qualitas, ratione consistentiæ, coloris & odoris.

locus, num ex vniuersi corporis peripheria, vel ex vno alteroue membro, latere vel parte erumpat.

tempus, num matutinus, meridianus, vespertinus, nocturnus sit.

Vrinæ, in qua notantur

modus excretionis, vtrum promte vel cum dolore succedat.

mingendi frequentia.

consistentia tenuis vel crassa.

color varius

odor & varia *vrinæ* admixta.

Sanguinis, vbi attendi solent

quantitas

qualitas

tempus }

locus } *excretionis*.

modus }

Sputi seu *salivæ*

Deiectionum aluinarum.

Vermium.

c) *Animalibus*

a) e *sensuum internorum* constantia, perturbatione, exagitatione, obscuratione, abolitione.

β) e *sensuum externorum* læsione.

γ) e *motus voluntarii* variis constitutionibus & alterationibus; vbi obseruantur

manuum gesticulatio

decubitus: erectus, supinus artubus extensis, *in al- rutro latere*.

pandiculatio, oscitatio.

inquieta iectigatio.

alterationes vocis, quæ respectu soni, debilis, demissa, rauca, clangosa, suspiriosa aut solito fortior esse solet.

d) *ex aliis circumstantiis*

a) e *doloribus*, in quibus indoles, vehementia, duratio, recursus varia indicare solent,

β) e re-

- β) e *regionibus & partibus adfectis.*
 - γ) e *faciei aspectu* cadaueroso
 - δ) e *lingua sicca, nigra, muco obducta, tremula.*
 - ε) e *dentium stridore, faucium inflammatione, collo rigido, deglutitione intercepta.* *Conf. Hippocrat. Prænot. f. m. 3. seq. Lib. I. de morb. epid. Sect. 3.*
 - e) ex *Historia morborum.* Hanc enim si perspectam habuerit Medicus, magno instructus erit prædicendi adminiculo. Nam
 - α) si *ordinaria* obseruantur phænomena; adparent illa vel iusto tempore seu debita morbi periodo; vel solito maturius aut tardius, a naturali ordine, gradu, mensura, deflectendo.
 - β) si *extraordinaria*, tunc vel naturam turbant, aut opprimunt; vel morbum impeditum reddunt, vt tardiores nanciscatur decursus. Quodcumque vero ex his contigerit, aliquid ad præsagiendum omnino conferet.
 - f) *Climata* tandem, anni *tempestates* quatuor primariæ harumque subitæ respectu caloris, frigoris, siccitatis, humiditatis, ventorum, mutationes & vicissitudines. Hæc enim singula diagnosin iuuant & prognosin pariter fulciunt.
- 2) *Speciatim*, quo pertinent
- (1) *Antecedentia.*
 - a) Vitæ genus
 - b) Morbi grauiores semel aut sæpius perpeffi. His adnumerantur vulnera, lapsus, luxationes & chronica mala.
 - c) Dispositio hæreditaria.
 - d) Insignes animi exagitationes per frequentes iras & terrores.
 - e) Graues diætæ errores.
 - f) Lucubrationes immoderatæ, itemque magni labores exantlati cum notabili virium iactura

g) Graffatio epidemica.

(2) *Concomitantia.*

- a) Regimen aut nullum, aut negligenter obseruatum.
- b) Status morbi, siue ægri siue Medici culpa corruptus.
- c) Complicatio morbi de nouo superuenientis, qui priorem grauiorem reddit.
- d) Pathematum subita, durante morbo, exacerbatio.
- e) Motuum vitalium inæqualis administratio, inconstantia & circa dies criticos ominosa alteratio.
- f) Relationes ægrorum, signis plane contrariæ.
- g) Alimentorum, cuiuscumque indolis illa fuerint, intempestiua adsumtio.

IV. *MEDIA*, per quæ signa Medico innotescunt, sunt ipsi sensus externi.

1. *Visus.* Per hunc intra tantillum horæ spatium plus obseruabit Medicus, quam ex repetitis nunciorum relationibus, epistolis aut confusis propinquorum narrationibus. Promte enim ex constitutione faciei, oculorum, linguæ & totius corporis habitus; item ex vrinæ, sputi, aliorumque excrementorum consistentia & colore; ex ægri decubitu, aut quibusuis subitaneis alterationibus plura formare poterit præsentia, quæ ad prænunciandam salutem, morbi durationem, euentus modum, aut ipsam mortem symbolam contribuunt.
2. *Auditus* percipit ægrotorum querelas, desideria, causarum relationes, & reliquas fermocinationes; siue animi præsentiam, atque spem, siue desperationem aut deliria spirauerint.
3. *Olfactus* fudoris, insensibilisque transpirationis graueolentiam & interdum cadauerosas exhalationes manifestat. Vnde quid mali subsit, præsignificare licet.
4. *Gustus* quidem feriat, sed loquelæ organa ad sciscitandum & exquirendum statum morbidum necessario adplicanda sunt, vt per auditum iudicio subministratur, vnde indicationes seu consiliorum adplicationes desumi queant. Iubet namque *Hippocrates*, vt Medicus diligenter perquirat,

1) Quæ-

- 1) Quænam ægrotus patiatur?
- 2) Qua de caussa?
- 3) Quamdiu?
- 4) An aluum excernat?
- 5) Quo victu utatur?
5. *Tactus*, pulsus inprimis indolem ac multiplices illius differentias, mutationes & ataxias patefacit. Præter ea partium præternaturalem situm, earum læuitatem, asperitatem, siccitatem, humiditatem, duritiem, mollitiem, frigiditatem & calorem prodit.
6. Eleganter *Seneca*, aliud quasi agendo, hæc media *epist. XXII.* commendat: *Medicus per epistolas cibi aut balnei tempus eligere non potest, quia isthæc a præsentē monstrari debent. Insuper vena tangenda est; aliquid vultus; aliquid manus mota; aliquid ipsa inclinatio corporis intuentem monet. Quid fieri soleat, quid oporteat, in vniuersum scribi potest; quando vero fieri debeat, aut quem ad modum, ex longinquo nemo suadebit; cum rebus ipsis deliberandum.*

V. VSVS.

1. De laudibus *Semeiologiæ* prolixius commentari, superuacanea quidem opera videri posset; quis enim, præter *Cornel. Agrippam*, *Paul. Ammannum* & pauciores artis obtrectatores, de insigni illius vsu dubitasset?
2. Quia vero non verbosas laudes hic congerere, sed veriorum huius doctrinæ *vsu* succincte explicare intendimus: tum hic labor tanto magis utilis erit & discentium industriam ad semeiologiam dignius tractandam excitare valebit.
3. Redundat autem ille vsus iam in ægrotos, iam in artem, iam in Medicum.

1) In ægrotos

- (1) *Ratione diagnosiæ.* Vbi enim morbi indoles probe cognita est, ibi conueniens quoque adhiberi potest medela: quod minime fiet, si omnia sint in ambiguo. Ita v. g. dolor in lumbis tendens, premens & profundius fringens, multos decipit, vt calculum accusent. Sed si penitus rei circumstantiæ considerentur, motus

potius hæmorrhoidales accusandi sunt. Vnde illarum fluxum respiciendum, non vero putatitium calculum renalem eiciendum decernit Medicus. Si vero cæca fide relationem ægrotantis sequitur artifex: tunc pellen-
tibus lithontripticis, quæ importunas ad renes conge-
stiones ciere solent, calculum demum producit.

- (2) Ratione *prognoseos*, vt v.g. in morbis, per crisin ad subitanæ mutationem properantibus, moneri possint, ne per incongruam diætam, præposterum regimen, aut furtiuas medicationes, instantes crises salutares turbent & peruertant. Hæc autem adhortatio locum non haberet, si ex *Semeiologia* de crisis futuris, aut quæ ex earum turbatione damna exspectanda sint, non constaret.

2) *In artem.*

- (1) Nam in *Pathologia*, & in primis ætiologica eius disquisitione, per signa diagnostica, tamquam per fidum hodegum, manu ducimur ad inueniendas veras causas

- a) In intermittentibus *tertianis*, vbi frigus obseruamus, & faciem pallidam, habitumque corporis constri-
ctum videmus, de angustia quoque præcordiorum & torminibus conquerentes audimus: ratiocinando statuimus: pallorem & frigus non prouenire ex vero sanguinis defectu, sed potius ex illius ad interiores partes repressione. Et quia solidas partes constringere, humoresque ad interiora reprimere, actus sunt non fortuiti, sed propter certum finem instituti: hinc concludimus: quod sint actus rationales, qui non a materia, sed a principio rationali dependeant & administrantur. Porro quod necessario sequi debeat respiratio laboriosior, quia humorum ad interiora coaceruatio, vasa pulmonis turgida reddit, vt viscus pulmonis ab aëre illabente pro solito more satis distendi nequeat.

- b) Ipsa quoque delirantium dicta & gesticulationes ad
dete-

detegendas causas subinde nos ducunt, nimirum quando locum interne adfectum digitis externe tangunt, & de diabolo ibidem inuoluto, de igne abscondito, aut serpente morficante multum delirant. Re ipsa interim infarctus viscerum, scirrhus, inflammationes aliasque læsiones hac ratione detegere solent.

- (2) In *Therapia* ope signorum *diagnosticorum* conuenientissimas inuenire licet indicationes. Ita v. c. vbi videmus conuulsionibus obnoxium, alias sanum, sed plethoricum, pleno otio fruente: in illo vulgarem de acrimonia vellicante conceptum facile remouemus, & terribile hoc malum conuulsium potius per plethoræ subtractionem, quam acrimoniæ correctionem propulsare studemus. Ope autem signorum *prognosticorum*, e. c. si in scabie retropulsa conuulsionem superueniunt, prædicimus febrim acutam. Quare ab adstringentibus, antispasticis, opiatis abstinemus, & sub placido regimine imminens febris præstolamur accessum.

3) In *Medicum*.

- (1) *Diagnosis* enim per signa inseparabilia morbum euoluens, præposteras & contrarias medicationes prohibet, ne v. g. grauidam, instar hydropicæ, hydragogis purgantibus tractemus, multo minus subiectum plethoricum subinde tussitans, omninosus antiphthificis *Poterianis* & *Grammannianis* corrumpamus. Sic *Cratonis* apophthegmati fit satis, vt scilicet *recta cognitio in curatione semper præcedat rectam actionem*.

- (2) *Prognosis* sæpius valet *Ariadnei* instar fili. Nam
- a) quæ signa morbi *decursum impeditiorem* prælagiunt: tam *Medicum*, quam ægrum de constantia, de patientia, de circumspectione admonent; immo Medicus mala præuisa commodius anteuertere ac infringere potest.
 - b) Si signa quædam *mortem* prænuncient: tunc prudenter sibi cauebit artifex a vanis pollicitationibus, a frustraneis pretiosorum adplicationibus, & quæ sunt huius

huius generis alia. Nam hæc ratione famam prudentis, experti & fidelis Medici nomen tuebitur; si vero secus fecerit, tritum illi ferendum erit scomma: *mentiris vt medicus*. Quod licet antiquum non sit: vulgatum tamen & satis odiosum est. *Vid. Io. Iac. Baieri adagia med. no. VI. Altorffii 1711.* Cum plurimi iudicent: medicum aut stolide ignorasse, aut malitiose fefellisse.

- c) Quæ vero *euentum bonum* spondent, clandestini quasi oraculi vices sustinent, suadendo,
 - a) ne peiora quæque improvide ominemur.
 - β) ne de varianda methodo aut mutandis formulis cogitemus. Sub qua enim methodo æger tantum profecit, vt signa salutis aperta iam adlint; sub eadem porro ad finem vsque optatum decurrere morbus poterit.
- (3) Quæ ceterum de commodis, existimatione, & auctoritate, in Medicos redundante, vulgo adferuntur, illa quidem prorsus neganda non sunt, quia vates videntur illis, qui artis ignari existunt: Sed talia non ad vsum *Semeiologiæ* pertinent, verum ad eius abusum. Quemadmodum enim vniuersa ars medica non ideo caduco hominum generi concessa est, vt vanæ gloriolæ illecebris inhient Medici, sed vt quilibet proximo suo seruiat eo dono, quo a Creatore ornatus est: ita etiam *Semeiologia* tota quanta Deo, per hominum restauratam salutem glorificando, vnice esse debet consecrata.
- (4) *Semeiologia* præterea singularem vsum Medico præstat in cauum transmissorum resolutione, vbi sola signa, per relationem manifestata, sufficere debent ad suppetitanda consilia, cum subiectum ægrotans cominus intueri non liceat.
- (5) Ad ægri tandem fiduciam erga Medicum conciliandam quam plurimum adfert, si hic illi prædixerit tum præterita, tum futura, immo si suppleat ea, quæ æger enar-

enarrando non tetigit, symptomata; tum obseruante *Hippocrate libr. prænot.* ægrotantes tali artifice eo confidentius se dare solent.

VI. OBSERVATIONES.

1. De arte & ægrotantibus bene merentur practici, qui *Semeiologia* studio nauant operam & ad perpoliendam hanc pathologiae partem aliquid solidi conferunt. Ad eam siquidem perspicuitatem & perfectionem nondum perducta est, qua satisfacere omnium posset desideriis.
2. Imperfectionis huius causæ præcipuæ sunt sequentes.
 - 1) Res ipsa ardua & difficilis est, quæ longam experientiam requirit, qua non solum multorum ægrorum tractationem suscipere, sed etiam fidam, curatam ac perpetuam obseruatorum adnotationem, comparisonem, & quantum conceditur, ætiologiarum explicationem adhibere debemus.
 - 2) Magnum vero hunc laborem plurimi fugerunt, & non pauci etiam nunc ab eodem abhorrent. Hinc est, vt systema *Semeiologiae* nondum adeo completum habeamus, licet aliæ medicinæ partes emendatiores iam comparuerint.
3. Interim rei difficultas antiquissimorum temporum Medicos a signis certatim colligendis & consignandis non deterruit. Neque solus *Hippocrates* is fuit, qui laudabilem huic rei nauauit operam, siquidem iisdem temporibus & alii exstiterunt, qui in idem studium incubuerunt.
4. Fidem huius adserti nobis facit ipse Senex *Cous*, quando refert, se cum illis, qui exquisitas narrationes prædicabant, commercium habuisse, partim etiam cum ipsorum filiis ac discipulis differuisse, quorumdam etiam scripta nactum fuisse. Cum vero nusquam exactam hanc disciplinam comperisset, tandem ad conscribendos *prorrheticorum* libros accessisse. *Vid. Hippocr. lib. II. prædictor. f. m. 69.*
5. Quantum autem præstiterit *Hippocrates* in *Semeiologia*, illud sigillatim non exponemus, ne encomiastis prouinciam no-

bis sumisse videamur. Quorum interest, ipsimet semeiotica eius scripta euoluant, librum scilicet *Prognosticorum*, de *Humoribus*, de *Iudicationibus*, de *Diebus indicatoriis*, libros *Prædictorum*, *Coacas prænotiones*, *Aphorismos*, de *Morbis vulgaribus*, de *internis adfectionibus*, in quibus facile inuenient, quod omnilaude maiorem se exhibuerit solertissimus auctor.

6. Quæ ceterum consignarunt *Diocles Carystius*, post *Hippocratem* ætate ac fama secundus, *Praxagoras Cous*, *Herophilus Chalcedonius*, qui *Hippocratis Prognostica* interpolauerat, itemque *Archigenes*, vsu fortasse non caruissent; sed quia ætatem non tulerunt, de iis non laborabimus.
7. Vnus tamen ex antiquis, post *Hippocratem*, *Semeiologis* superest, *Areteus* nempe *Cappadox*, de quo in *Physiol. tab. I.* strictim iam egimus. Hic vero addendum existimamus, quod eius libri IV. de acutorum & diuturnorum morborum causis & signis etiam recentioribus se probauerint. Nam *Conringius* in introd. cap. III. p. m. 92. reliquis huius viri laboribus præferendos iudicat, quia tantam in iis adhibuerit diligentiam, quantam ex antegressis nemo. Et *Io. Conr. Barchusen*, qui *Areteum* magni æstimat, in *hist. med. diff. XV. p. 234.* accuratissima diligentia illius doctrinam signorum traditam esse scribit. Præterea exhibet quædam huc pertinentia *Cælius Aurelianus Afer*, *Methodicus*, in libris III. de celeribus seu acutis passionibus, sed æque pauca sunt, ac illa, quorum copiam nobis sparsim reliquit *Celsus*.
8. *Galenus* tandem e veteribus, si non perfectionis laude, operum tamen mole, omnibus reliquis in *Semeiologia* palmam præripuit. Testantur id eius libri de locis adfectis, quos *Conringius* elegantissimum & omnibus commendatissimum opus adpellat. Porro libri de *Pulsibus*, de *Pulsuum differentiis*, de *Dignoscendis pulsibus & pulsuum causis*, de *Præfagitione ex pulsibus*, *Compendium XVI. libror. de pulsibus*, de *pulsuum usu*, de *Crisibus*, de *Diebus decretoriis*, de *Dignotione ex insomniis*, de *Præfagitione & ampla* in libros *Hippocratis semeiologicos commentaria*. Hinc etiam accurationem in hoc studio longe maiorem sibi vindicat, quam aliis concedit, ut iudicant,

Stollio in hist. med. p. 555. Papam semeiologicum adfectasse videatur. De semetipso enim lib. III. de locis adfect. cap. III. f. m. 14. adfirmat, quod ob summe accuratam diligentiam, tam in curando, quam præfagiendo, ad seram usque senectutem nullam subierit calumniam, quam alias celeberrimi quoque Medici ferre deberent.

9. Sed iis temporibus, quibus res Romanorum publica pessum ire cœpit, irruentibus vndiquaque barbarorum copiis, vniuersa medicina, vti aliæ artes, neglecta & vere contempta fuit, vt nihil ferme de incrementis *Semeiologiæ* ex sæculo III. IV. V. VI. VII. VIII. adferri queat.
10. Sæculo interim VI. vnus eminuit *Alexander Trallianus*, qui in opere therapeutico de *diagnoscendis & curandis morbis*, post *Galenum*, aliquid præstitit. Verum post hunc virum altum & diuturnum fuit silentium.
11. Sæculo IX. floruit *Abubeter Rhazes*, qui sex libros *Aphorismorum* composuit, quorum *primus* prognostica continet. Sæculo autem X. *Alzaharaius*, Arabs ille, non vno nomine celebris, in *Theoricæ suæ tractatu VI.* Semeiologiam, quantum valuit, perficere laborauit, eo ordine, quem supra iam indicauimus.
12. Sæculo XI. magnam inter Arabes laudem consecutus est *Auicenna*, qui in *Canticis Partis I. tractatu II.* ducentis & septuaginta tribus thesibus, signorum doctrinam breuiter comprehendit; qui labor, si ad illa tempora æstimeretur, laude sua minime defraudandus est. Eodem hoc sæculo conscripsit *Constantinus Africanus septem libros de morborum cognitione & curatione*, in quibus itidem ad *Galen*i & *Arabum* mentem Semeiologiæ lucem adfundere contendit, qui tamen a sequentium sæculorum doctoribus facile superari potuit.
13. Sæculo XII. ex *Arabibus* clarus exstitit *Auerroës*, cuius opus *COLLIGET*, septem libris comprehensum, eundem Semeiologiæ studiosum fuisse, testatur, siquidem operis

liber IV. sexaginta capitibus tam sanitatis, quam ægritudinum signa exhibet.

14. Sæculo XIII. *Nic. Bertrucius*, Medicus *Bononiensis*, præter alia scripta medica, etiam *methodum cognoscendorum tam particularium, quam vniuersalium morborum* consignauerat, quæ *Moguntiae 1534.* lucem publicam adspexit.
15. Sæculo XV. circa finem composuit *Alex. Benedictus*, Professor *Patauinus*, libros XXX, de *omnium a vertice ad plantam morborum signis, causis, differentiis, iudicationibus & remediis tam simplicibus, quam compositis*, qui anno demum 1535. *Venetis* typis exscripti sunt.
16. Sæculo autem XVI. insignis Semeiologorum numerus adcreuit, qui data industria hanc medicinæ partem perfectiorem reddere studuerunt. Vti, prætermisiss illis, qui vel *Hippocratis* vel *Galen*i scripta semeiotica ediderunt, aut in illa commentati sunt. quosdam indicabimus, quorum in Semeiologiam non contemnenda exstiterunt merita. Sunt vero præcipui: *Albanus Torinus*, *Dionysius Fontanonus*, *Io. Argenterius*, *Bassianus Landus*, *And. Laurentius*, *Hier. Cardanus*, *Iac. Albertus*, *Pet. Paul. Pereda*, *Io. Iac. Huggelius*, *And. Cesalpinus*, *Alphonf. Morecottus*, *Andreas Christianus*, *Eustach. Rudius*, *Celf. Martinengus*, *Thomas Moufettus*.
17. Sæculo XVII. præcipui habentur: *Geo. Heinischius*, *Aemil. Campolongus*, *And. Planerus*, *Io. Wolffius*, *Duncanus Lidderius*, *Lud. Lemosius* Prosp. *Alpinus*, *Rob. Fludd*, *Em. Martinez*, *Fab. Bartoletus*, *Io. Præuotius*, *Phil. Sauona*, *Thom. Fienus*, *Iod. Lommius*, *Casp. Hoffmannus*, *Io. Ge. Schenck a Graffenberg*.
18. Et isti fuerunt illarum ætatum clariores. Qui enim de *pulsibus & vrinis* sigillatim exposuerunt, numerosiores sunt, quam vt hic enumerari possint. Ex quibus patet, si auctorum numerum & scriptorum molem consideremus, Semeiologiam tam incultam aut tantopere neglectam non fuisse, veluti vulgo quidem existimatur.
19. Si vero de perfectione sermo sit; negari nequit, multos adhuc hiatus deprehendi in illa, siue diagnostica spectemus signa

gna, siue prognostica, & quod præcipuum est, *causæ signorum* quam verissime in desideratis medicis erunt habendæ. Quis enim semeiologorum rationem iniuit: cur pulsus in morbo alio tardior, in alio celerior sit? cur crises certis diebus contingant? cur in viscerum infarctibus, scirrhis & vlcerebus oculi altius retrocedant? Sufficit enim omnibus τὸ ὄτι.

20. Licet autem in hac tabellari signorum adumbratione nonnulla interspersa sint, quæ alibi frustra quærentur: nemo tamen opus a nobis expectet omnibus numeris absolutum; sed succinctam potius manuductionem tironum captui & studiis aptam.

21. De negotio dignoscendi & prælagiendi generatim notandum:

1) Quod ex signis *communibus* diagnofin petere, aut futura prænunciare non liceat. Ex hisce enim nihil certi ac fidi colligimus, nisi adiuncta simul sint *propria*, morbi naturam & locum adfectum curatius designantia.

2) Quod *propriis* obseruandis eo diligentius nos tradere debeamus, quo plus Medicorum & ægrotantium interest.

3) Quod plura *communia*, simul concurrentia, *propriorum* vices interdum explere debeant.

4) Quod practicus, *Hippocratis* aliorumque collectis signis fretus, eadem simpliciter in omnibus morbis expectare, aut secundum illa morbos vnice diiudicare non possit. Multa enim ex diagnosticis & prognosticis vera quidem fuerunt olim, quæ hodie vix adparent, aut etiam fallunt. Differentiæ autem seu fallaciæ ratio in climate calido, temperamentis, victus & vitæ genere, quæ omnia a nostris diuersa sunt, omnino erit quærenda.

5) Porro sollicite obseruanda & distinguenda sunt signa tam diagnostica quam prognostica, quæ proueniunt

(1) a natura *ανομαλως* agente, & a viribus amissis aut omisfis.

(2) a morbo ipso seu materia morbifica.

- (3) a symptomatibus actiuis aut passiuis.
- (4) ab errore regiminis, diætæ & clandestinis medicamentis. Multum namque ista omnia in recessu habent. Ita v.g.
 - a) Natura errans in viam reduci potest, nisi ægri mores eius sint indolis, ut etiam in statu sano nullam admittant correctionem.
 - b) Sic vires *oppressæ* facilius restaurantur, *subtractis* vero aut abolitis medicinam parare, arduum & plerumque frustraneum est.
 - c) Si quis contra symptomatum actiuorum molestias pugnet, certissima est prognosis, quod natura turbetur, & ad extrema progrediatur.
 - d) Regiminis autem, diætæ & furtivæ medicationis errores non semper ita corrigi possunt, ut nullum in sanitatem aut reliquæ sanationis successum redundet detrimentum.
- 6) Antequam morbus acutus ad statum suum peruenerit, certi quid præagire non valemus. Vnde plures contentui se exponunt, qui tamquam præcoces vates mox post inuasionem, aut primis statim diebus, salutem vel mortem certo prænunciant.
- 22. Præter ea obseruari meretur, quod Semeiologiæ limites ampliores sint, quam reliquarum partium medicinæ. Nam uti Physiologia de actionibus sani corporis tractat & Hygiene eiusdem conseruationem docet: ita Pathologia de actionibus læsis & causis lædentibus disquirat, quemadmodum Therapia & Chirurgia morbos sanabiles pro obiecto habent. Verum *Semeiologia* occupatur circa signa corporis tam sani quam ægri, immo ad incurabilia quoque pathemata respectu prognoseos sese extendit.
- 23. Difficultatibus autem non paucis premitur hæc doctrina, quia sæpe euentus ingruunt, de quibus ne per coniecturam quidem suspicari licuisset, ob causas intimius latentes, & per nulla signa patefactas. Veluti accidere solet in illis, qui

moriuntur ante, quam ægrotent, aut qui post vnum alterum-ue diem inopinato e vita decedunt. Ita non numquam morbus levis visus, lethali euentu obsignatur: & si sectio cadaueris in subsidium vocetur; mortis caussa a nemine, neque per artis regulas, detegi potest. Vnde mirum non est, si vel exercitatissimi fallantur.

24. In acutis non raro pessima quæque signa simul occurrunt; æger tamen restituitur; contra in aliis placide omnia succedunt, signa coctionis adparent, immo & crises sequuntur, quarum nihilo minus vestigia mors legit; non sine omnium admiratione & consternatione.
25. Permouit hoc nonnullos practicos, ab omni potius prognosi abstinere, quam sub tam ancipitibus morborum euentibus opprobrio interdum exponi. Verum enim vero, quamquam scopus huiuscemodi silentii in se minus reprehendendus sit; tamen ægrotantes eorumque propinqui, quorum animus vitæ & præscientiæ futurorum desiderio flagrat, tale silentium ægerrime perferunt, & sinceram talium Medicorum intentionem sinistre interpretantur. Quare media via hic incedere, consultum est.
26. Ex his autem generatim patet, multa signorum tantummodo esse probabilia, & non tam certa, vt fallere nullo modo possint; cum interdum vix obseruabilis circumstantia mutare queat illa, quæ euentura nobis præfiguramus. Vnde adnotandus erit aphorismus *Hippocratis*, in quo prænuntiationes in acutis morbis *non in totum certas* esse docuit, siue salutem, siue mortem illæ respiciant. *Conf. eius Aphorif. sect. II.*
19. Ceterum eiusmodi euentus, signis prægressis non respondentes, *Auerroes* ad medica miracula, *Prosp. Alpinus* autem ad *monstra* retulit.



TABVLA II.

DE

P V L S V.

I. DEFINITIO.

Pulsus est motus tonicus particularis, cuius ope cor constringitur, eoque ipso sanguis ex illo exprimitur: per quem actum vitalem arteriarum canales toties passivè distenduntur, quoties principium vitale systolicam hanc actionem reiterat.

II. DIFFERENTIA.

1. Antiquorum quidem in colligendis pulsuum differentiis industriam non culpamus: nihilo tamen minus eorum in hoc negotio operam nobis exempli loco non ponimus; quia ad sterilitatem usque philosophati sunt *Herophilus*, *Archigenes*, *Galenus*. Vnde mirum non est, si solius *Galenus* pulsuum differentiarum centenarium numerum longe superent. Num omnes hasce species ipse observauerit, an vero iudicantibus aliis, plures secure confinxerit: non est, ut perscrutemur. Interim pauciores differentiarum species scopo nostro satisfacere possunt. *Conf. Sim. Paul. Hilscheri diss. de rationali & praxi fundata sphymomantia siue arte pulsum explorandi & ex eo iudicandi. Ienæ 1732.*
2. Hinc plures ex Medicis cum *Io. Bapt. Montano* facere non dubitant, qui, neglectis *Galenus* subtilitatibus, ingenue fatetur, se longa annorum serie in sua praxi sex tantum differentias observare potuisse. *Conf. Herm. Conringii introd. p. 216. 217. 227.* Opportune pariter monet *M. B. Valentini in Medic. nouantiqua Parte III. cap. III. §. IV. p. 126.* *Galenus* effecisse nimium intelligendo, ut ferme nihil intelligatur, quia nimis, non autem bene distinxerit. Tres ergo pulsuum differentias tum sibi,

sibi, tum aliis, sufficere posse indicat. Quarum *primam* desumit a *rhythmo*, qui æqualitatem & inæqualitatem prodat; *secundam* a *motu*, vnde pulsus magnitudo & paruitas cognoscatur; *tertiā* a *tempore*, quod pulsandi celeritatem aut tarditatem indicat. Conferatur *Bergeri physiologia Cap. V. p. 73.*

3. Pulsus ab auctoribus statuitur

1) vel *Naturalis*, qua voce pulsus indicant *eurhythmus* & moderatum, siue vigorem, siue moram, siue rhythmus spectemus tenorem. Verum enim vero optandum, vt simul demonstrari possit,

(1) Quo anni ac ætatis tempore;

(2) In quibus subiectis ratione temperamenti & quo in climate eiusmodi pulsus obseruetur, qui naturalis nomen mereatur. Nam in ipsis sanis notabilem pulsus differentiam toto die deprehendere licet

a) respectu *rerum naturalium*, sexus nimirum, temperamenti ac ætatis. Inde enim ab omni æuo iam obseruatum est, alium esse pulsus in pueris, alium in ætate consistente, alium in senibus. *Vid. Galenus de pulsibus ad tirones.*

b) respectu *rerum non-naturalium*.

a) Nam tempore ætatis feruido in quolibet temperamento citior est pulsus, quam in hieme. Et climatum calidiorum pulsus omni tempore fortior est, quemadmodum eorundem quoque mores, ad impetum & præcipitantiam compositi, deprehenduntur.

b) Sic quoque alimenta, somnus, motus & quies, animi adfectus, excretiones variæ, balnea & vestimenta pulsus alterare nimium solent. Vnde sane difficile est determinare atque distincte definire, quis nam pulsus sit *naturalis*, quia certa norma deest; nisi quis numerosos naturalis pulsus typos secundum enumeratas circumstantias constituere velit, quod tamen operæ pretium non esset.

- 2) *Vel præternaturalis*, qui in statu præternaturali seu morboſo obſeruandus eſt, & quouis modo a naturali deſlectit.
4. Quibus in antecellum monitis, ſpeciales & præcipuas adnotabimus differentias; ſine reſpectu ad priſcam & generalem *Galenii* diuiſionem, qui pulſum *præternaturalem* ad tres reduxit claſſes, ſecundum *longum*, *latum* & *altum*.
5. Ratione itaque *vigoris* pulſus eſt
 - 1) *Fortis*, qui actionem cordis ſyſtalticam valide inſtitutam indicat, ac arterias adeo fortiter diſtendit, vt digitum explorantem quaſi elidat.
 - 2) *Debilis*, priori contrarius, explicationem haud poſtulat; ſiquidem vaſa parum extendit, quoniam energiæ mouentis manifeſta ſubest infirmitas.
6. Ratione *temporis*
 - 1) *Celer* eſt, qui cito celebratur, & in quo dilatatio arteriæ tam brevi mora durat, vt tangentis digitum, ad quem ſenſibilius adlidit, velocius ſubterfugiat. Hic nullum habemus reſpectum ad robur; cum debilis æque celer eſſe poſſit, quam fortis.
 - 2) *Tardus* contra, per dilatationem diutius durantem ſe prodiſcit, ſiue fortis ille fuerit, ſiue debilis.
 - 3) *Longus* vocatur ille, qui ſenſibilem moram uſque ad completam arteriæ diſtenſionem requirit, quia ipſa ſyſtole minus expedita eſt, & quamdam moram, quæ inter quamlibet cœptam & abſolutam conſtitutionem intercedit, manifeſto indicat.
 - 4) *Brevis* autem vno momento fit, vt vix dum percipitur, ſimul pereat. Quare cum *celeri* confundendus non eſt, quia in *breui* ſufficiens & ſenſibilis ad digitum explorantis adliſio deest. Hinc pulſus *brevis* interdum ſimul celer, aliquando etiam tardus eſſe poteſt. Et huncce breuem in pueris, recens natis, *Herophilus* vocare ſolebat *σφυγμον ἀλογον* i. e. pulſum irrationalem, quaſi nullam ad reliquas pulſuum ſpecies analogiam haberet.

7. Ratione numeri

1) *Frequens*, qui intra eandem plerumque moram, qua celer alias fit, plures ictus format. Differt ergo a celeri

(1) *respectu generali*: Nam in *celeri* respicimus *tempus* seu intermediam inter micationes *durationem*: in *frequenti* autem attenditur aliquot ictuum, immediate se excipientium, *numerus*.

(2) *subiecti diuersitate*.

a) *celeris* subiectum est ipse impulsus, præcipiti actu terminandus.

b) *frequentis* autem subiectum est successus plurium pullationum.

(3) *formalitatís* differentia.

a) forma *celeris* consistit in breui dilatationis *duratione*.

b) forma vero *frequentis* in mensura quietis inter plures pulsus quærenda est. Hanc inter celerem & frequentem pulsuum differentiam veteres iam obseruauerunt, quamuis tam perspicue illam explicare non potuerint. *Galenus libro de pulsibus ad tyrones cap. VIII.* disertè docet: quod celer fiat, cum paruo tempore arteria distendatur; creber autem, i. e. frequens, cum paruo interposito spatio. Interim non nullis crucem fixit hæc distinctio, quos inter *Thomas Fienus* est, qui in *Semiotica* p. 236. de se fatetur, quod distinctionem inter pulsuum celerem & frequentem comprehendere non valeat. Et quantum negotiî hæc distinctio nostro tempore facessuerit, ex dissertatione *de pulsuum theoria & praxi*, a Io. Deodato Blumentrost Hale 1702. defensa, perspicui potest. *Conf. Stahlî excusatio respondens examini pulsuum celeris & frequentis.*

2) *Rarus*, qui intra illam moram, qua in alio pulsuum tres vel quatuor ictus percipiuntur, tantum semel contingit, quo-

cumque tandem vigore id succedat. Hic autem *rarus* a *frequenti* & *tardo* plurimum differt.

8. Ratione *inflationis arteriarum*.

1) *Magnus* audit, qui arterias ita distendit, ut maius spatium sub digito contrectantis expleat, er hebt hoch auf, und lässt sich so breit, als der Finger ist, merklich wahrnehmen, nec tamen cum *forti* vnus idemque est; quia hic expeditum actionis vigorem; ille vero laboriosorem conatum infert. Hic subiungere liceat pulsum ex *magno* & *celeri* compositum, quem *vehementem* seu *impetuosum* vocare solent; nam præter robur systalticum solito auctius, celeritatis quoque impetum manifesto ostendit.

2) *Paruus* contra vasa parum inflat, non ob energię debilitatem, sed ob parciorem & refractam sanguinis ex corde propulsi quantitatem. Vnde cum debili non confundendus.

3) *Plenus magni* species habetur, in eo tamen ab illo differt, ut

(1) ad tactum duritiem quamdam prodat,

(2) intuitu autem temporis aliquam simul tarditatem inuoluat.

4) *Vacuus*, huic oppositus, a *debili* & *paruo* differt. Vti enim ille actionis systalticę *infractam* *δυναμιν*; iste autem sanguinis ex parte in thalamo cordis *retentionem* pro fundamento agnoscit: ita *vacuus* sensim & quasi sine sensu administratur. Hinc sanguis arterias quidem perfluit, sed præsentię suę indicium per vasorum dilationem vix relinquit. Id quod accidit maxime ob sanguinis penuriam seu verum eius in corpore *defectum*; quocum & nobis non monentibus debilitas complicata est.

9. Ratione *tensionis* in partibus continentibus, arteriarum scilicet tunicis & cute.

1) *Durus* percipitur, sicubi partium tonus solito intensior est. A tensione enim durities dependet. Interim durum

rum quoque efficit valida cordis systole; quæ si æque langueret, vti in pulsu debili, tunc, durante tam notabili tonica partium duritie, ne distendi quidem arteriæ possent, sed κατ' ἐξοχην pulsus vacuus euaderet.

2) *Mollis* autem partium solidarum laxitatem & moderatum in constringendo corde vigorem indicat.

9. *Ratione rhythmī & quietis.* Est autem *rhythmus veteribus* harmonia inter systolen & diastolen, tam respectu temporis, quam vigoris, seu, vt alii exprimunt, conuenientia ictus & interualli. Hoc respectu pulsus est

1) vel *Eurhythmus*, seu ordinem seruans, in quo æqualitas celeritatis, magnitudinis, vehementiæ ac frequentiæ obseruari potest.

2) vel *Arhythmus* seu inæqualis; de quo plures species quam vtilitates apud auctores offenduntur, & differentes eorum sensus per varia similia illustrantur. Licet autem assimilationes multum claudicent, quæ e.g. de serpente, vermibus, formicis, aqua vndosa, cauda muris & de aliis rebus proferuntur: locum tamen eo facilius hic obtinere possunt, quo manifestius ipse pulsus intermissionibus suis claudicando procedit. Itaque ex *Herophilo* sequentes species notantur:

(1) *Pararhythmus* ab *eurhythmo* mediocriter digreditur, seu in illius locum immediate succedit. Ita v.g. puerorum pulsus ordinarie celer est & moderatus; at in iuuenibus celer fit ac fortis, postquam prior abolitus est.

(2) *Heterorhythmus* ab *eurhythmo* plurimum differt, & ex ætate non vicina sed remota mutuatus est. v.g. si iuueni sit pulsus, senibus alias proprius, tardus nimirum & languidus.

(3) *Ecrhythmus* ab *eurhythmo* prorsus aberrat, & nullius ætatis pulsus retinet. Et huius iterum diuersæ dantur species: quos vide in *Galeno lib. I. de diff. puls. cap. VIII. f. 47.*

- (4) *Intermittens*, quem *Galenus* inæqualium perniciosissimum iudicat, quod inæqualitas raritatis & paruitatis in illo emineat. Diuidunt autem illum in intermittentem *singularem* & intermittentem *pluralem* seu *systematicum*.
- a) *Singularis intermittens* dicitur ille **pulsus**, qui *unicam* diaστοlem aliqua quiete interruptam ostendit. Huius *nouem* species ad auctores numerantur:
- α) *Vndosus*, qui arteriam inæqualiter & tarde distendit, ut vnum spatium post aliud in canale arterioso modo altius, modo remissius inflet, adeoque vndarum ad instar progrediatur, cum apertæ magnitudinis inæqualitate.
- β) *Vermiculans* seu *Scolecizon*, vndosi habetur species. Vtrumque hoc pulsuum genus interdum adeo coincidit, ut difficile sit enunciare, vndosus ne, an vermiculans sit. Sed hoc tamen differentię inter vtrumque intercedit, ut vndosus respectu magnitudinis sit manifestior, vermiculans autem obscurior.
- γ) *Serratus* seu *ferrans* durus & tremens, qui arteriam inæquali & quasi interciso motu hic altius, alibi demissius attollit, cum duritię quadam sensibili & ferrę dentes æmulante. Differt ab *vndoso* in eo, quod huius inæqualis eleuatio arterię mollis sit & obtusa; ferrati autem dura & quasi acuminata.
- δ) *Caprizans*, *Dorcadizon* *Herophilo* dictus, in quo arteria bis ferit hoc modo, ut, postquam edito ictu vno distenta fatis, nouam systolen expectare videtur, secunda vice & fortius quidem pulset, vi vnius tantummodo contractionis systalticę. Similitudo autem desumpta est a capris, quibus ita subfultare solemne est, ut, quamuis desiti motus speciem præbuerint, tamen repetitio motus impetum faciant inopinatum, & priori vehementiorem.

- ε) *Tremulus*, actionem cordis tremulam consequens, intellectu est facillimus.
- ζ) *Dicrotus* vno ictu quasi bis feriens. Huius species tres adfert *Galenus lib. II. de præſag. ex pulſib. cap. VIII.* Sed magis ad steriles speculationes, quam ad viles differentias retulerimus. *Conf. Brunonis lexic. med. p. 313. Tho. Fieni Semiotica p. 243.*
- η) *Formicans* seu *Myrmecizon*. Docente *Galeno* mire parvus est, quo non datur alius minor, sed simul languidus & valde creber, non tamen, vt quibusdam visum est, celer. Nomen accepit ab illa sensatione, quam in explorante excitat, ac si formicarum sentiretur reptatus. *Vid. Galenus lib. I. de diff. pulſ. cap. XXVI. lib. I. de dignot. pulſ. cap. I.*
- θ) *Myurizon* seu muris modo caudatus; ita dictus ab illo sensu, quem in explorante relinquit, ac si muris corpus satis palbabili modo digitum subrepens, caudam lentius leniusque post se traheret, atque ob molis paruitatem, etiam minorem sensationem ex frequenti rariorem tangentis digito imprimeret.
- ι) *Serpentinus* dicitur, qui talem sensum præbet, ac si serpens arteriam lente perreperet; qualem pulsus in humorum præsertim spissitudine obseruare licet, vbi sanguis ex cordis ventriculis satis vegete exprimi non potest, ideoque aliquem cunctationis sensum tangentibus digitis imprimit.
- b) *Systematicus intermittens*, qui non post binas, sed post plures pulsationes vnam intermittit. Ratio huius denominationis arbitraria est. *Systema* enim vocant priſci Medici incertum plurium pulsuum numerum. *Vid. Galenus lib. II. de præſag. ex pulſib. cap. IV. f. 107.* Huius species sunt
1. *Intercurrens*, quando vnum alterumue pulsus magnum & tardum, aliquot ictus celeriores debilioresque excipiunt.
 2. *De-*

2. *Decurtatis* }
 3. *Intercedens* } $\frac{b}{g}$ ad Herophili subtilitates pertinent.
 4. *Deficiens* seu cessans vel asphyxia explicatione non indiget.

10. Ratione *ordinis*, in pulsando seruati.

- 1) *Ordinatus* audit ille pulsus, cuius eadem est circuitus paritas. v.c. si post tres fortiores aut celeriores, quartus sequatur debilis aut tardus. Eiusmodi pulsus ratione vigoris aut temporis omnino est inæqualis; si vero hunc constanter seruat ordinem, merito adpellandus est *ordinatus*.
 2) *Inordinatus* autem est, qui v.c. post duos ictus debiles vnum celerem; & post alios duos itidem debiles aut magnum edit, aut quiescit.

11. Sunt, qui pulsuum differentias, ex animi pathematibus petendas, *seorsum* indicare conantur; sed opera videtur superflua magis, quam necessaria, quoniam motus tonici in adfectibus alteratio, in *Hygieine* distincte proposita, commode indicat, quales pulsus quoduis pathema consequi debeant.

12. Differentias tandem pulsuum apud *Sinenses* receptas cum tironibus hic communicare abhorremus, quia monstrosis innituntur suppositis, & præter confusam ignorantiam, mire adfectatam omniscientiam spirant, nec quidquam ad perficiendam sphymnologiam rationalem conferunt. Cui tamen Sinica ista inuenta nosse volupe est, librum euoluat, qui titulum erit: *Clavis medica ad Chinarum doctrinam de pulsibus*. Norimbergæ 1686.

III. PROGNOISIS SPHYGMOMANTICA

I. *Generalis*

- 1) Pulsus apud *Europæos* quidem ad diagnosin morborum exiguæ vtilitatis est; apud *Sinenses* vero omnem absoluere solet signorum diagnosticorum & prognosticorum doctrinam. Ex pulsu enim morbum, morbi causam, loca adfecta ac omnes futuri euentus circumstantias elicere satagunt.

gunt. Nouimus ex relatione Medici fide digni, *Iudeum*, qui ante aliquot annos sphymomantiæ exactæ dedit specimen, dum patri, qui ecclesiæ minister erat, mortem intra quatuor hebdomadas instare, filio autem eo ipso tempore grauiori morbo detentum iri præfagiebat, vt funus patris comitari ad cœmeterium nequiret; quod vtrumque ita accidit. Qui vero ista retulit & vatem Hebræum & defunctum bene nouerat.

- 2) Hoc satis certum est, quod actus pulforius vitæ semper prodat præsentiam. Nam vbi pulsus ibi vita: sed non in vicem versam.
- 3) Præterea pulsus alicubi in membro perceptus; in quo alias percipi non solet, malum ibidem hærere indicat; quod in lienis infarctu & in partibus inflammatis suppurationemque subeuntibus sæpius obseruatur. *Conf. Hippocrat. Coac. prænot. num. 282.*
- 4) Numquam tamen ex solo pulsu iudicandum & præfagendum est; sed alia quoque signa conferri & inter se comparari debent. Quod si vero bona malis mixta compareant, perpendendum erit, vtra potentiora sint; actandem formanda prognosis. Arteriarum enim pulsus, vt *Celsus lib. III. cap. VI.* iam monuit, fallacissima res est, cui non semper credendum, quia adeo facile alterari potest.
- 5) Ipsum vero iudicium caute instituatur, neque temere aliqua ex causis, quæ pulsum subito mutare possunt, prætermittatur. Per eiusmodi enim neglectum non raro fit, si mala inprimis citra sufficientem causam imminere videntur, vt in Medico indecens admiratio & confusio, in ægrotantibus vero frustraneus metus excitetur.
- 6) Si quis in subiecto plethorico ac nimis sensibili extraordinariam lassitudinem, pulsum plenum & tardum, aut magis debilem, quam vegetum, deprehendat, ac virium defectum grauemque morbum præfagiat; vnica venæsectione refutari poterit, quam non raro euphoria, pulsus moderatus & virium pristinus vigor excipere solent. Sic præpostera ægros roborandi libido in adstantibus tanta

est, vt in acutis febrientes iusculis, e vino paratis, & aromatæ conditis, reficere non dubitent. Vnde pulsus celer & fortis, æstus, inquietudo, anxietas & inopinata dysphoria consequuntur: quo errore minus cognito, si Medicus deliria, conuulsiones, aut phrenitidem prænunciare vellet, postero tamen die post nocturnam agrypniam interdium placide dormientem inueniret; vix calumnias aut saltem sinistrum de eius experientia & dexteritate iudicium effugeret. De subita pulsus alteratione ex animi pathematibus in ægrotis nihil iam addemus.

7) E pulsu eiusque vigoris gradu generatim *vires* cognoscere & de *euentu* aliquid prænunciare valemus. Nam ubi constans pulsationis vigor obseruatur: ibi & morbum superari posse præsumitur. Hinc *Galenus in compend. XVI. libror. de pulsib. cap. XXXV.* scite docet: pulsum indicare vires; vires autem comparandas esse cum præsentis morbi genere. Si iam sufficientes sint, ad illum perferendum; hominem seruari necesse est, si nullus error extrinsecus commissus fuerit. Si vero contrarium euenerit, hominem omnino moriturum.

8) Pulsus mutatio, sine concurrente causâ procatactica, sponte natura contingens, semper aliquid notatu dignum portendit. Et quidem

(1) *Vehemens* ac *celer*, moderato ac debili succedens, intensam quidem alacritatem & actiuitatis extraordinarium augmentum denotat, quod prima fronte validam resistentiam spondet, atque de morbo vincendo spem concitat. Verum si hoc contingit in subiectis cholericis, qui ad quasuis actiones præcipientes sunt; aut in melancholicis propositi tenacibus & ad extrema procliui-bus; naturam in motibus plerumque excedentem animaduertimus. Vnde vix alius, quam tragicus euentus subsequi solet.

(2) *Debilis* autem, *tardus* ac *paruus*, si celerem fortemque repente exceperit; naturæ ad motuum omiffionem inclinantis timiditatem, consternationem, dubiam
tergi-

tergiuerfationem & ab operando auerfionem arguit. Quam ob cauffam *Galenus* pulfum, a naturali fymmetria multum recedentem, *malum*; illum vero, qui maxime languidus, rarus ac tardus eft, *peffimum*; optimum autem, qui vehementiffimus eft, pronunciat. *Vid. compend. XVI. libror. de pulfib. cap. XXXIV.*

- 9) Pulsus *celer* generatim minus periculofus eft, quam *tardus*; fiquidem ex veterum quoque obferuatione extrema celeritas extrema tarditate tutior eft. Hinc iudicatu erit facile, quid de *vacuo* ac omnibus *inequalium* ac *intermittentium* generibus censendum fit.
- 10) Celeritas quidem in'pulfando morbi indolem, ad inducendam celerem perniciem aptam, non obscure prodit; fed fimul naturæ actiuitatem indicat, qua vegetis motibus malo fe opponit.
- 11) Pulsus parum alteratus, cum perturbatione 'animi, virium defectu & omnimoda dysphoria, malum portendit, & non raro latentem malignitatem arguit.
- 12) Pulsus in' acutis *intermittens* plerumque mortis eft prænuncius. Contrarium euenit rariffime. Exemplum tamen ex fua praxi communicat *Profp. Alpinus de præfag. vita & morte, lib. IV. cap. IV.* de virgine, in qua ad diem vſque quartum pulfum intermittentem obferuauerat; ita quidem vt prima die iam poſt ſeptimum, iam poſt decimum ictum, ſecunda mox poſt quartum, mox poſt ſeptimum, tertia poſt tertium quieuerit; quarta autem die, qua morituram ægram quiſque non immerito credidiſſet, deliram & inquietam valde fuiſſe, difficile reſpiraiſſe, nihil exſpuiſſe, & talem habuiſſe pulſum, vt poſt octo vel decem interualla ſemel vel bis micans fuerit, nihilo tamen, minus, criſi per vrinam ſecuta, conualuiſſe.

2. *Specialis*

1) *In febribus*

- (1) Pulsus *celer* febribus, manifefto erumpentibus, *algida*
V v 2 forte

forte excepta, ita proprius & essentialis est, vt verum illarum signum dici mereatur pathognomicum.

- (2) Idem *celer*, *frequentem* in febribus sæpissime habet comitem, qui de principii agentis intensiori actiuitate, & de constante atque assidua cœpti laboris continuatione luculenter testatur; qua periculo vegete obsistit, ac materiam febrilem subigere, subactam vero eliminare laborat.
- (3) Hinc certum est, acutas tanto citius decurrere, quanto constantius pulsus *celer* & *frequens* obseruati fuerint.
- (4) *Frequens* autem non solum in statu morbido, sed etiam in sano occurrit, v. g. post cursum, balneum, aut sumta alimenta, vniuersi corporis calorem augmentia. In statu autem non-naturali, in terrore, timore & cordis palpitatione itidem se manifestare solet.
- (5) *Frequens* in febribus raro sine celeritate est.
- (6) *Fortis* in febre, ad *cruxum* perducta, ominosus est. Cum enim ad *statum* peruenerit febris; tum hostis censetur deuictus; vt adeo remissior actiuitatis gradus expellendis porro reliquiis sufficere posset. Si vero aliter euenit: tunc
 - a) vel interna inflammatio subest;
 - b) vel natura extrinsecus commota, aut spontaneo motu ex præpostera alicuius noui periculi erronea æstimatione eo delapsa est, vt, sedationum loco, vehementiores de nouo suscipiat actiones. Ex quo fundamento sæpius importunæ ac prodigæ hæmorrhagiæ, periculosæ ad caput congestiones, deliria, meningum inflammationes aut conuulsiones morbi scenam funesto exitu claudunt.
- (7) *Fortis* in febribus exanthematicis & petechialibus malignis, malus. Quia materia exanthematum sub tam impetuosa sanguinis circumagitatione organa colatoria, a quibus ad percolandum excipi & a reliquo sanguine debite secerni deberet, præterlabitur, vniuersamque massam

massam humorum eo intimius penetrat atque inquinat. Et cum insuper sub forti pulsu seu citiori circulo & aucto nimis intestino motu, nouæ materiæ generentur, quæ febrilem adaugent : tum maius inde subnascitur periculum, & natura in tali statu ad ordinatos motus numquam peruenit, sed in extrema potius ruit. In variolis speciatim deliria portendit, aut de cerebro inflammato vel alio viscere variolis obfesso, interdum & gangræna corrupto, indicium præbet.

- (8) Vti ceterum omnis vigor in languorem conuersus periculum prænunciat: ita *fortis* pulsus in *debilem* mutatus, malum in acutis omen est.
- (9) *Debilis* pulsus in acutarum principio & incremento semper noxius. Vel enim passuum virium defectum pro fundamento habet, & impotentiam in discernendo & excernendo arguit, vel abiectum animum, omni superuiuendi spe destitutum, adeoque ab operose laborando abhorrentem, declarat. Quo fit, vt morbus naturam vincat ante,quam hæc aliquid contra illum tentauerit.
- (10) *Tardus* pariter ac *rarus* in periculo ancipiti, vbi alacritate opus est & continua resistentia; non nisi funestum euentum prænunciat. Quo segnius enim natura contra morbum pugnat, eo magis inualefcit ille. Aliquando tamen humorum spissior consistentia in causa est, vt natura tardius mouere cogatur.
- (11) *Celer*, *frequens* & *debilis* naturam quidem alacriter & assidue agentem, sed vires simul deficientes manifestat. Vnde in febribus inuita sæpe succumbit.
- (12) Pulsus *durus* in petechialibus, *celerem* & *debilem* excipiens, inflammationes aut lethales conuulsiones prælagit. Natura enim ob materiæ portionem, in viscere quodam vitali stagnantem, aut in veram stasin inflammatoriam deductam, sanguinem copiosius ad locum adfectum dirigit, & contracta peripheria eo potentius ad interiora restringit. Hinc cutis

ac arteriarum densitas & quasi durities. Vbi vero diffusio frustra tentata aut turbulente instituta est; ibi ad præcipitem actiuitatem & toni exacerbationes noxias, fieri solet transitus.

(13) *Vndosus si mollis simul fuerit, ex obseruatione tam veterum, quam recentiorum, sudoris critici salutaris breuique erumpentis certum signum suppeditat. Conf. Galeni Compend. de pulsib. cap. IX. XXII.* Peripheriæ enim & pororum relaxationem significat, vnde facilem transfusionem spondet.

(14) *Pulsus sanis in malignis præcipue vitam periclitari nunciat. Ita Galenus in compend. de puls. cap. III. de pestilentia, quæ suo tempore grassata est, obseruauit: quod quidam, qui ab initio ad finem vsque pulsum perparum a naturali deflectentem habuissent, præ ceteris perierint.* Aetiologia autem huius phænomeni, quam subdit, perquam incongrua est. Cor enim valde frigidum; sanguinem vero nimis calidum sibi finxit, atque e duobus contrariis qualitatibus statum medium & pulsum moderatum festiue comminiscitur. Verum enim vero, longe alia subest ratio. Scilicet natura, ob materiæ agilis & deleteriæ eximiam malignitatem, a motibus suscipiendis & noxæ strenue opponendis, adeo deterretur, vt potius contra nitendi ne quidem initium facere velit; quia spe, de obtinenda & conseruanda vita, semel abiecta, malum prorsus inuincibile iudicat. Plerumque autem consulto & circumspecte motus languide instituit, ne peccans materia per impulsus auctos subtilior & perniciosior reddatur. *Conf. num. 7.*

(15) *Pulsus magnus vti statum plerumque plethoricum & maiorem humorum orgasmum prodit: ita nonnumquam congestionum, hæmorrhagias respicientium, prodromus est. Si vero simul durus euaserit, inflammationem internam in propinquo esse confirmat.*

(16) *Pul-*

- (16) *Pulsus intermittens*, licet semper ominosus sit: tamen in tertianis plethoricorum & hypochondriacorum, citra sinistrum euentum passim solet occurrere. Testatur autem in his insignem humorum ipsitudinem & ad subeundum motum inhabilitatem, quæ naturam fatigat, & ob laboris difficultatem ad intermissionem sollicitat: in illis vero significat sanguinis molem, quæ ægerime vna serie moueri possit.
- (17) *Inæqualis* in omni morbo, si non exitum absolute funestum, perdifficilem tamen ominatur. Tanto certius autem in febribus portendit malum. Nam titubans tergiuersatio pulforia, morbi grauitatem & motus decurtatos, paulo post, prorsus omittendos, præfagit.
- (18) *Vndosus* speciatim in partium internarum inflammationibus actionem systalticam varie quasi dimidiatam & inæqualem mouendi vigorem ostendit, quia natura animi pendere videtur, sintne motus discutientes continuandi, an vero abolendi. *Intercurrens* vero in febribus nonnumquam instantem crisin denunciat. Conf. *Frid. Schraderus de sig. med. exercit. III. §. 18.*

2) *In aliis morbis.*

- (1) Licet nulli morborum generi vtilius, quam febribus, adplicari possit pulsum doctrina: tamen in aliis quoque morbis non prorsus solet negligi. Vti vero in illis pulsus nonnumquam fallit, testante inprimis indole malignarum: ita in aliis pathematibus sæpius infidum prognoseos signum suppeditat.
- (2) Adsertum illustrari potest exemplo morborum sopororum, in quibus pulsus a naturali & sano vix deflectit, interdum vero tardus ac lentus est, *Vid. Hippocrates Coac. prænot. 138.* Vtero pariter laborantes tam polymorpha pulsum schemata edunt, vt si huicce signo soli inniti vellet Medicus; deciperetur sæpissime.
- (3) *Pulsus frequens, durus & inæqualis* quid indicet, in angina & anginodeis pathematibus e supra dictis iam patet.

- (4) *Vehemens* in palpitacione cordis impetum in agendo & destinationis præcipitem exsecutionem denotat; siue humorum mouendorum consistentia, moles, aut visceris alicuius labes, id requirat, siue subiectorum animus impatiens in causa sit. Nam ex palpitacionum subiectis clare elucescit, hos motus palpitatorios cum eorum moribus conuenire. Sic melancholici, quia pertinares & in agendo assidui sunt, validis motibus libenter id impetrant, quod in votis est, ne sæpius aliquid tentandum restet. In deliriis melancholicis & maniacis, pro fictorum periculorum diuersitate & eluctandi conatu, eiusdem vigoris obseruatur pulsatio. Sanguinei constantiæ in operando non adfueti, plerumque inconsiderate, exterriti magis, quam necessitate ducti, id agunt, nulla seruata proportionem, quæ malo præsentii respondeat. In terrore aut ira, ubi propositum iam auferendi, iam resistendi & vincendi adest, animus fortis ac vires in vnum quasi collectæ ibidem requiruntur.
- (5) *Debilis* autem & *paruus* virium defectum, animumque fractum produnt. Vnde phthificis familiaris est. Debiliati vero si successerit celeritas & frequentia, hecticam febrem subesse, non obscure declarant.
- (6) Interim occurrunt etiam exempla sanorum, in quibus pulsus semper debilis, immo post binas aut ternas micaciones intermittens est, *Conf. Bobnius de offic. med. dupl. p. m. 179.* Notæ sunt duæ personæ, quarum altera pulsum habet post quartam, altera post quintam micacionem, intermittentem.
- (7) *Celer*, quoties obseruatur, morbi quidem exacerbationem, sed auctiorem quoque naturæ vigorem, hosti oppositum, declarat. Vnde post hæmorrhoides aut menses suppressos, itemque in pertinaci alui obstructione, hic pulsus sanguinem alicubi stagnantem & in statim ac corruptionem propendentem prædicat. *Celer* autem si cum *intermittente*, occurrit, periculum & desperationem

rationem se inuicem comitari testatur. Obseruare id præcipue licet in *empyemate*.

- (8) Porro *celer* in quibuscumque pathematibus obseruatur, statum ex indole febrili participantem adnunciat. Hinc raro sine noua dolorum exacerbatione ingruit, morbumque semper grauiorem reddit.
- (9) *Durus* in subiectis, cum hæctica colluctantibus, restrictionem sanguinis ad adfectum locum, adeoque vltimum eluctandi conatum indicat, sed quia frustraneus est, certam simul mortem prælagit.
- (10) *Mollis, debilis & tardus* in paralyticis, calamitati ipsorum ex asse respondet; toni enim relaxatio mollicitiem & debilitatem; propositum autem a motibus cessandi, & negligens inde actionum vitalium administratio tarditatem inducunt. Interim tamen vegetiorem pulsum in latere sano non raro obseruare licet.
- (11) Pulsus *inequalis* in alterutro carpo, a tumore v.g. subaxillari, vomica pulmonis, mala conformatione, aut ligatura sæpe dependet. Magis vero paradoxon est, si cordis pulsus quidem continuat, arteria tamen pulsans non animaduertitur. Quo in casu sanguinis adeo exigua portio in arterias propellitur, vt non tam *vacuus*, quam prorsus *deficiens* pulsus adpareat.
- (12) Pulsus triginta sex horis, immo octiduo ante mortem *cessans*, veluti A. N. C. *Collect. Vrat. & Pelargus in Eteodr. V. p. 23. 57.* obseruant, rarius quidem occurrit; si vero perpendamus, quæ *num. præced.* monuimus, res perceptu non adeo erit difficilis; cum iusta suspicio sit, pulsum ad tactum quidem adparere insensibilem, reuera autem non esse sublatum. Alias longe citius intereundum esset ægris; veluti grauis syncope & ἀσφυξία id satis comprobant, quæ intra breuius horæ interval- lum sæpius enecant.
- (13) Quod si vero talis pulsus, qui penitus videtur *cessare*, vitam subito non adimat; tum licet *inequalis*, inordinatus

tus & intermittens sit, tam vehementer non extimescendus est; id quod pridem monuit *Hollerius, Wierus, Bohnius, Schraderus* alique. Interea experientia constat, quod *pulsus caprizans* in conuulsionibus; *vermiculans* autem in hydropes; *formicans & ferratus* in phthisi; *tremulus* in asthma conuulsivo, inflammationibus internis aut soporosis pathematibus, adpropinquantis mortis præsagium plerumque suppeditet.

- (14) Ex his autem elucescit, quam circumspectus esse debeat Medicus intuitu præsagiorum e pulsu formando-
rum. Si enim mortem prænunciaret, quando ne vestigium quidem pulsus in carpo deprehenditur: facile posset errare; quandoquidem aliqui arteriam, in carpo indagandam, in dorso manus, intra pollicem & indicem, collocatam ostendunt. Qui situs aliquando celebrem Medicum decepit, ut virum, pancreaticæ valentem, peste correptum adfirmaret. *Conf. Tulpii obs. lib. III. 45.*

IV. OBSERVATIONES.

1. Quemadmodum *Hippocrates* primus fuit, qui motui arteriarum dilatatorio nomen *pulsus* imposuit: ita primus etiam haud dubie fuit, qui illius *rythmum* obseruauit. Minimum non constat, qui ante ipsum huius signi habuisset rationem. Hinc diserte adfirmat *Galenus*, inde ab *Hippocrate* consuetudinem abiisse ad posteros, ut omnem arteriæ motum adpellerent *pulsum*. *Conf. Galenus de animi morib. cap. VIII. f. m. 12. Comment. I. in Hippocr. de humorib. f. m. 17. De diff. puls. lib. I. cap. II. f. m. 45.*
2. In eo quidem est *Galenus*, ut aliis persuadeat, *Hippocratem* artis sphymicæ utique fuisse gnarum, sed parum eam exercuisse: ita *lib. III. de crisi cap. XI. Signa ex pulsibus sumta Hippocrates vel quia non nouerat, vel quia non magni momenti existimauit, idcirco non est exsecutus.* Qua de re consentire cum *Galeno* ita simpliciter non possumus, quia contrarium e monumentis *Coi* euincere licet. Negari omnino nequit,
eum

eum plus attendisse vrinam, respirationem & spūta; verum pulsuū quoque vigorem & mutationes non insuper habuisse, *liber eius de humoribus* testatur, in quo, inter alia signa a Medico adnotanda, etiam *pulsuum* mentionem facit. *Conf. lib. IV. epid. text. 33. f. 226.* Et quia illis temporibus in arteriis temporalibus pulsationes potissimum obseruabantur, *pulsus capitis* præcipue fieri solet commemoratio. v.g. in *Coac. prænot. num. 81. 128. lib. V. epid. f. m. 247.* Interim *lib. II. epidemic. sect. II.* de vena in cubitu pulsante quoque mentionem facit. Denique *Aphorif. Sect. VII. 21. fortis* pulsus meminit. *Vid. Coac. prænot. n. 261. 142. 124.*

3. Post Hippocratem plures exstiterunt, qui sphymicam doctrinam obseruationibus perficere adlaborarunt; quos inter primas tenet *Herophilus* eiusque affectæ, quibus ad muscos pedes pulsus metiri solemne fuerat. Omnium vero scripta per temporum & factorum iniuriam interierunt, exceptis fragmentis, quæ nobis vna cum *Athenæi* placitis seruauit *Galenus*. Et quoniam idem contra *Archigenem Apameum* acriter disputat, plura hac occasione huius viri dogmata ab interitu vindicauit. Plures tamen in vnum collectas *Archigenis* doctrinas exhibet *Aëtius Amidemus in tetrabiblo*.
4. Ipse quidem *Galenus*, operosissimus pulsuum obseruator, hic iterum nominari meretur: sed quia eius scripta *tab. præced.* iam enumerauimus, plura addere non libet.
5. Post *Galenum* nemo tantam in pulsuum doctrina consecutus est laudem, quantam ille sibi apud omnes iam comparauerat. Interim, discussis barbarorum sæculorum tenebris, passim aliquid de pulsibus meditati sunt Medici. Ita *sec. XIII. Io. Aegidius*, Monachus, librum *de pulsibus* metricè conscriptum reliquit, & *Gentilis Fulginas* Medicus Perusinus commentario illum illustrauit.
6. *Sec. XV.* de pulsibus commentatus est *Bernardus Gordonius*. *Sec. XVI. Geo. Valla, Io. Mich. Sauonarola, Paracelsus, Contr. Gesnerus, Franc. Vallesius, Val. Polidamus, Vdalr. Binder, Alex. Massarius, Camill. Thesaurus, Ioseph. Struthius, Lud. Mercatius, Hercules Saxonia, Paul. Grisignanus de Salerno, Pet. Galea.*

7. *Sac. XVII. Illesonf. Nunefius, Hier. Capiuaccius, Alexander Alexius, Ant. Cælius Messanenſis, Ant. Ponce Santacruz, Io. Laz. Gutierrez, Io. Zecchi, Sam. Haſenreffer, Laur. Bellini, David Abercromb.*
8. De commentatoribus autem & ſcholiſtis, qui veterum ſcripta ſphygmica vel ediderunt, vel interpolarunt, fuſius hic diſſerere non licet. Ceterum bene meriti ſunt *Ant. Martorellus, Auguſtinus Gadaldinus, Leo Roganus, Ferd. Mena, Herm. Cruſerius, Franc. Sanchez, Iac. Lauellius & alii.*
9. His itaque in tironum gratiam breuiter expoſitis, iam diſpiciendum, quomodo explorandus pulſus ſit? Vbi conſiderandum.
- 1) *Quo in loco?* Commendant præctici quique *carpum*, non quidem vnus tantum, ſed vtriusque manus: quia in alterutra manu arteria vel profundius latere, vel pulſum diuerſum mentiri poteſt, ob cauſas præced. num. ii. indicatas. Subinde enim in vno carpo vacuus aut debilis adparet, cum in altero celer, magnus & fortis exiſtat. Cuius rei notatu dignos caſus adferunt *Olaus Borrichius in Act. Haſ. & Pecblinus in Eph. nat. cur.*
 - 2) *Quamdiu?* *Chinenſum* praxis plures horas, immo diei dimidium requirit, quos tamen imitari plurima vetant. Hoc vero ſuadendum, ne quis *carpum* vix adprehenſum mox e manu ſua dimittat, ſed paulo ſollicitius, quam vulgo per fugitiuam operam fieri conſuevit, pulſum vigorem exploret, quo eo tutius aliquid prædicere valeat. Interim reſpectus perſonarum & aliarum circumſtantiarum diuturniorem contactus moram interdum prohibet.
 - 3) *Quo viſitationis tempore?* *Corn. Celfus lib. III. cap. VI.* periti Medici eſſe declarat, vt non protinus, ac venerit, decumbentis manum adripiat, ſed prius reſideat, hilarique vultu percontetur, quo ſe habeat modo & ſi metum in ægro obſeruet, probabili ſermone eum leniat ac tum carpo manum admoueat. Quod *Celfi* monitum haud con-

temni

temni debet, quandoquidem ad Medici præsentiam alterari possunt ægrotantes, vt inde etiam pulsus mutetur, & plane diuersus sit ab illo, qui statum morbi ingenue significat. Accidere hoc fere solet in plebeiis, qui reuerentiæ metu erga Medicum correpti insigniter alterari solent; porro in pueris, adolescentibus & subiectis sexus infirmioris admodum verecundis, aut suspectis symptomatibus grauatis. Vnde demulcendus prius animus, vt pulsus a pristino tenore minime deflectens eundem se præbeat, qualis ante Medici ingressum fuerat.

- 4) *Quo diei tempore?* Quid hic decernendum sit, ipsa prudentia medica cuius suggeret. Nam post prægressa animi pathemata, post pastum, immediate post somnum, aut post prolixas ægrotantium sermocinationes; alius longe comparebit pulsus, quam si horum nullum præcesserit, immo si qui alium deponendi causa extra lectum aliquamdiu moras traxerunt & refrigerati sunt, leipothymici sæpe fiunt, & diuersissimum, a solito, pulsationum schema exhibent. Quid conclaui nimium calefacta hic possint, prolixè non exponemus.
10. Ceterum *duodecim* præcepta, quæ ad mentem veterum circa pulsus explorationem obseruanda, *Io. Iac. Weckerus in med. Syntaxib. f. 394.* tradit, tanti non sunt, vt specialem recensionem hic postulent, cum potiora sint, quæ iam attulimus.
11. Supra *tab. I.* generatim iam exposuimus, in Therapiam quoque commoda quædam ex semeiologia redundare; quod ipsum in præsentī & tabulis sequentibus, specialius inculcabitur.
12. Pulsus *sanus* in manifesto ægrotantibus quid præfagiat, ex præced. liquet. Interim ex actionis huius vitalis adeo blande instituta administratione nemo seduci se patiatur, vt naturam ad officium excitare audeat stimulantibus, calidis bezoardicis, aut ita dictis roborantibus. Talia enim sanguinem commouendo, morbum exacerbare & prorsus insanabilem reddere certum est. Quod monitum eo sollicitius

obseruari meretur, quo altius in pluribus Medicis iam radi-
catum est illud præiudicium de roboranda & excitanda na-
tura in malignis. Loco enim optati finis, vel deliria, vel
convulsiones, ut plurimum lethi nuncios obseruamus.

13. Vbi contra pulsus *fortis & celer* motuum exacerbationes
aut mentis motiones minatur; ibi inauspicatissimus ausus est,
si practici ad opiata properent.

1) Nam quæsitum motuum moderamen, quod intendunt,
numquam obtinent; quia aliud est motus moderari; aliud
eosdem sopire, & ad motuum omissionem hac ratione viam
munire.

2) Vbi vero res melius succedere videtur; ibi, teste expe-
rientia, motus utique longe acerbiores fieri solent, post-
quam vim narcotici remedii natura superauit. Sic incas-
sum adplicatum & malum in peius conuersum obseruatur.

3) Speratæ sedationis loco sopor perpetuus inducitur, &
vitam, quam Medici seruare debent, ipsimet hac ratione
perdunt.

14. Vera debilitas, per pulsum *debilem & tardum* indicata, vel
virium *amissione* nititur, vel *omissione*; priori, quo modo suc-
currendum sit, therapia & diætetica docent: posterior au-
tem quantum leuari possit, curate determinari nequit; ni-
hil tamen intermittendum, quod villo modo e re ægrotorum
esse sciamus.

15. Quosdam practicos offendit pulsus in febribus *celer & fre-
quens*, utpote quem ad mitiorem gradum reductum malint.
Sed qui illum transformare conantur, febrem quidem ad-
mittere velle videntur, essentialem vero eius indolem tole-
rare detrectant; quod plane incongruum est, & magnam
απεργίαν spirat.

16. Debita pariter prudentia versandum est circa pulsus *magni*
siue tolerantiam siue moderationem. Nam quia de abun-
dantia sanguinis testimonium perhibet, superflui detractio-
nem simul indicat necessariam. Quam nisi contra indicans
diffua-

diffuadeat , prudenter tam respectu temporis morbi , quam doseos instituere conuenit.

17. *Durus* autem & *mollis* vti sibi inuicem opponuntur : ita alterationem quoque per conuenientem medicationem admittunt. In illo enim profunt temperantia, emollientia & humectantia ; in hoc autem roborantia & tonica per epicrasin operantia valent.
18. Singula genera *inequalis pulsus* spem medelæ tum faciunt : cum nec virium insignis iactura præcessit , nec causæ morbi- ficæ energia subdolum euentum minatur. Quibus obseruatis ominosa alias pulsatio *formicans*, *caprizans*, & *intercurrens* Medicum non plane a bene sperando detertere, constantem autem & circumspectum reddere debet.



TABVLA III.

DE RESPIRATIONE.

I. DEFINITIO.

Respiratio est motus vitalis, actum *inspirantem* et *expirantem* inuoluens; vbi prior aëris atmosphaerici in pulmones receptionem, posterior autem illius expulsionem præstat. Conf. *Physiol. tab. VIII.*

II. DIFFERENTIA.

1. Quemadmodum in negotio vitali motus *pulsorius* & *respiratorius* mutuo sibi subsidio sunt: ita *Semeiologia* huius tam sollicitam habere debet rationem, quam illius. Cumque respiratio pulsu sit posterior: tum hæc tabula antecedentem ordine naturali excipit.
2. Interim differunt antiquorum Medicorum sententiæ ratione pretii, quod posuerunt signis, ex vtriusque motus alterationibus petendis. *Hippocrates* *respirationi* plus tribuit, firmiterque omnino prædictionem ex illius in morbis mutationibus, quam ex *pulsu*, sumendam esse indubitato credidit. *Galenus* pariter, quamquam prolixior fuerit in euoluenda *sphygmologia*, nihilo tamen minus circa *anapneusiologiam* magis occupatus fuit, quam *Semeiologi* post ipsum. Scripsit enim de *caussis respirationis*; de *utilitate respirationis*; *libros III. de difficultate respirationis*; præter illa *commentaria*, quæ in plures *Hippocratis* libros concinnauit, in quibus de prognosi ex respiratione agitur.
3. *Genus definitionis* posuimus *motum vitalem*, vt primo statim obtutu verus de re tractanda formari possit conceptus, qui a veterum plus quam ænigmaticis descriptionibus diuersus sit. *Hippocrates* enim definiuit *respirationem caloris nutritionem*;

tionem; *Asclepiades animæ generationem*, *Praxagoras animæ corroborationem*; *Diocles & Philistion caloris innati ventilationem & refrigerationem*; quam sententiam plures Medici ad tempora vsque nostra adoptarunt. Hodie autem falsum hoc placitum præcipue explosit & contrarium demonstravit *Stablius*, quod nimirum per motum respiratorium sanguis tanto intensius calefiat, quanto frequentius illa reiteretur.

4. Ipsas vero respirationum differentias vt eo facilius sibi imprimere possint tirones, eo ordine recensēbimus, vt primo ad *recentiorum*, deinde vero ad *veterum* mentem secundum varios respectus eas exponamus. Respiratio itaque est vel

1) *Naturalis*, quæ neque ratione *motus & quietis*; neque ratione *temporis* aut *sensationis* aliquid insoliti aut molesti sibi iunctum habet, sed facile libereque succedit; vel

2) *Præternaturalis*, quæ intuitu recensitorum momentorum a tramite ordinario deflectit, & Ratione *successus* ac *sensationis* est vel

(1) *impedita* & paulo laboriosior; cuius species respiratio *brevis* est, quæ cum *parua* veterum coincidit, & a *densa* seu *frequente* differt: nam in illa aliquod subest vitium, quod maiorem pulmonis dilatationem impedit, quo minus sufficiens inspirari queat aër; in hac vero citatior est actio vitalis & circuitus sanguinis celerior, sine aliquo obstaculo, visceris dilatationem prohibente; vel

(2) *Difficilis*, quæ cum molestia peragitur, & maiorem post se debilitationem relinquit. Hæc est vel

a) *Anxia* seu ad frigidum vsque sudorem laboriosa, ob varia vitia, quæ in pulmone, corde, diaphragmate, hepate, liene aliisque abdominis visceribus hærent, & plerumque doloribus stipata sunt. Vnde *anxia & dolorifica*; si vero cum notabili anhelitu sit, mit *starkem Reichen*, tunc dici suevit *anhelosa*. *Anxia* autem porro

- a) vel *supina* est, quando ægrotantes adhuc decumbere possunt; eius species sunt: *suspiriosa* seu gemebunda & luctuosa veterum; *stertorosa* seu cerchnodes; *phenomena*.
- c) vel *erecta*, quando præ metu suffocationis thorace & ceruice erectis respirare coguntur. Huius ultimus gradus est respiratio *sublimis* dicta; vel
- b) *Intermittens* seu per intervalla breviora cessans, minimum insensibilis.
- Ratione *vigoris* est vel
- (1) *vegeta*, vel
- (2) *debilis*, quæ virium insignem defectum & energiæ vitalis imminutam seu debilitatam actionem arguit; licet organa pneumonica minus læsa sint.
5. Antiquissimi Medicorum distinxerunt respirationes in *simplices*, *compositas*, *inæquales* & *exitiales*.
- 1) *Simplices* adpellarunt illas, in quibus vna tantum respirationis pars, nempe actus vel *inspirationis*, vel *expirationis* lædi videtur. Conf. Galenus de difficult. respir. lib. I. cap. II. f. m. 71. Hanc respirationem simplicem distinguebant
- (1) respectu *motus* seu dilatationis pulmonum & thoracis, in
- a) *Magnam*, in qua magna aëris copia intra pulmones admittatur, & multum illius expiretur; citra tamen notabilem thoracis dilatationem, & in
- b) *Paruam* priori contrariam, in qua parum inspiretur & expiretur; licet cum contentione dilatari videatur thorax.
- (2) respectu *quietis* in
- a) *Frequentem* seu *densam*, quæ post quamlibet respirationem vix sensibilem quietis moram habeat. Quod vulgus exprimit: Die Brust geht immer in einem ja-gen; & in
- b) *Ra-*

b) *Raram*, cum qua *Longa* coincidat, quæ notabile quietis intervallum inter quamvis respirationem interiectum habeat.

(3) respectu temporis in

a) *velocem* seu *celerem*, in qua exspiratio inspirationem continuo excipiat; & in

b) *Tardam*, in qua actus respirationis segnius succedat ac lente absolvaatur. Differt a *rara*: in hac enim quietis mora inter duas respirationes præter naturam longa interest; licet ipse actus vitalis *velox* æque ac tardus esse possit, in illa vero energia segniter operans arguitur, sine notabili intervallo, inter inspirationem & expirationem observando.

2) *Compositæ*, quas etiam *difficiles* vocare solebant, quemadmodum e *Galenî lib. III. de difficult. respirat.* manifestum est. Quarum species sunt

(1) *Magna & velox*

(2) *Magna & tarda*

(3) *Parua & velox*

(4) *Parua & tarda*

(5) *Frequens & magna*

(6) *Frequens & parua*, quam *Hippocrates* spiritum exilem, imminutum, obscurum vocare solebat.

(7) *Rara & magna*

(8) *Rara & parua*, quæ omnium pessima habetur.]

3) *Inæquales*

(1) *Singulares*, in quibus inspiratio & exspiratio a se invicem differunt,

a) vel ratione *motus & quietis*, si v.g. inspiratio sit magna, exspiratio autem parua. *Conf. Hippocratis Coac. prænot. 260.*

b) vel ratione *temporis* inspiratio *velox*, exspiratio *tarda*.

(2) *Plurales seu systematicæ*, in quibus aliquot inspirationes & expirationes inter se prorsus conueniunt, aliquot sequentes autem a prægressis diuersæ sunt. e. g. quando plures *veloces* respirationes sequuntur; aliquot *obscuræ*, aut quando *magnæ raris* succedunt.

4) *Exitiales.*

(1) *Frigida*, in qua spiritus, quem expirant ægri, frigidus est. Hæc semper habita fuit valde perniciofa. *Vid. Galenus de dyspnæa lib. III. cap. IV.*

(2) *Obsura* hoc nominis inde habet, quia dignosci non potest, duret ne respiratio, an prorsus cesset.

(3) *Stertorosa*, quæ cum strepitu quodam fit, velut in illis, qui stertunt; cum nempe, vt *Hippocrates* ait, ex pectore substrepunt.

(4) *Luctuosa*, quam *Hippocrates* passim *suspiriosam*, *gemebundam* vocare solet. *Vid. Coac. prænot. 519. Aphorif. Sect. VI. 54. Prorrhetic. lib. I. n. 87.*

(5) *Offensans*, seu in medio actionis interrupta; in qua

a) si *inspiratio* interruptitur, vocatur *spiritus duplex intro reuocatio* seu *superinspiratio*. *Hipp. lib. I. epid. æg. I. f. m. 42.*

b) si *expiratio*; *spiritus offendens extra delatus* ab *Hippocrate* adpellatur *in libris epidemicor.* *Conf. Galeni comment. IV. in aph. Hipp. f. m. 330.*

(6) *Phænomena*, in qua ægrotantes narium pinnas sub inspiratione dilatant, sub expiratione autem collapsas ostendunt, & scapulas ita mouent, vt tam earum, quam totius thoracis adpareat motio.

(7) *Sublimis* seu, auctore *Hippocrate*, spiritus sublimis, ea respirationis species est, in qua præter illa momenta, quæ in *phænomena* obseruantur, etiam in sublime erigi volunt ægroti, ob instantem suffocationis metum. Vnde non numquam respiratio *erecta* κατ' ἐξοχην dici solet.

(8) *Inter-*

(8) *Intermittens*, seu per moras cessans, mox secuturæ plenariæ abolitionis indicium est.

6. Plures præter ea in systematibus occurrunt respirationum denominationes, quæ tamen ad consuetas veteribus reduci possunt. Non enim quoduis synonymon peculiarem constituit respirationis speciem. Si vero quispiam aliter adpellare velit, quemadmodum iam quidam ex recentioribus Medicis solent, nostra nihil interest.

III. PROGNOISIS EX RESPIRATIONE

1. *Generalis*

- 1) In omni morbo tanta habenda est ratio respirationis, quanta haberi solet pulsus.
- 2) Vti non satis tutum est, e solo *pulsu* certam prædictionem formare: ita nec conuenit e sola *respiratione*.
- 3) Si ad facilem respirationem accesserit pulsus robustus, & ægri recte se habeant ad illa, quæ offeruntur; bonum præbet indicium: si contrarium obtinet; malum.
- 4) Quamdiu homo vere vivit: tamdiu durat respiratio, licet ob eximiam paruitatem prorsus periisse videatur. *Vid. Galenus lib. I. de dyspnœa cap. VIII.*
- 5) Quæcumque ex rebus non-naturalibus pulsus mutant; ea respirationem quoque varie alterare solent.
- 6) Qui in illis ætatibus viuunt, in quibus corpus naturaliter incrementa sumit, illi respirationem magnam aut velocem habent.
- 7) E respirationibus *simplicibus* nihil certi prædici potest; e *compositis* vero, concurrentibus aliis signis, minime fallax veteres petierunt indicium.
- 8) Læso motu sanguinis progressiuo; ipsa etiam læditur respiratio.
- 9) Respiratio cum actio sit, ex vitali & arbitraria mixta; a causis quoque materialibus & moralibus immutari potest.

- 10) Animus abiectus & de salutari morbi exitu desperatio, insignem respirationi inducit languorem.
- 11) Vt eo certior formari queat e respiratione prædictio; obseruandus erit respirationis vigor naturalis, qui in quibusdam, pro temperamenti aliarumque causarum ratione, vigori læso similior existit. Quo obseruato, tutius emergit in morbis præfagium.
- 12) Respiratio *magna* principii agentis robur; *parua* eius inbecillitatem denotat.

2. *Specialis*

1) *In Febris.*

- (1) Spirationis facilitas, inquit *Hippocrates*, in omnibus morbis acutis, qui in quadraginta diebus iudicantur, per quam magnam vim habere existimanda est.
- (2) Respiratio facilis, tametsi a naturali rhythmo velocitate deflectat, cum reliquis melioribus signis liberum sanguinis progressum indicat, et bonum secretionum excretionumque successum spondet.
- (3) *Magna*, si sine partium pneumonicarum inflammatione fuerit, præter sufficientem in operando energiam, sanguinis sæpe prodit turgescentiam. Præterea *Hippocrates* *Coac. prænot.* 126. *Magna spiratio cum febre acuta in bile redundantibus abscessum iuxta aures promouet.*
- (4) *Frequens* seu *densa* & *feruida* maiorem æstus gradum, intensiorem orgasmum & sæpe pulmonis inflammationem indicat; nec aliud quam anceps signum in febribus subministrat. *Vid. Hippocrates de dieb. indic. f. m.* 26. *Coac. prænot. n. 260.*
- (5) Anginæ, quæ vehementem suffocationem ac spirandi difficultatem adferunt, eodem aut tertio die necant. *Hippocrates in Coac. prænot. n. 363.*
- (6) Rhythmi respiratorii notabilis mutatio, febrem quoque mutatam prodit: inprimis si *frequens* in *raram* & *magna* in *paruam* transuerit.

(7) *Of*

- (7) *Offensans*, convulsionum subinde in febribus prænuncius est.
 - (8) *Gemebunda* in acutis respiratio, mala est. *Hippocratis Aphorif. Sect. VI. 54.*
 - (9) *Spiritus magnus* ac *rarus* delirium nunciat, eoque durante præsto est. *Vid. Hipp. Epidemic. lib. III. æg. XVI. lib. I. Epid. æg. II. Vnde & Galenus lib. II. de dyspnoea cap. III. proprium desipientiæ signum esse dicit.*
 - (10) Respiratio *rara*, *magna* & sub inspiratione *offensans* adpropinquantis mortis est indicium. *Hipp. lib. I. Epid. ægrot. I.*
 - (11) Ita etiam *parva*, *rara* aut *obscura*, ob extremam virium iacturam, proxime instantem mortem nunciat.
 - (12) Respiratio *difficilis* cum delirio, febris exitum lethalem certo portendit.
 - (13) Exspiratio *frigida* mali euentus semper est præsagium.
 - (14) Respiratio *stertorosa*, in bronchiis hærentes impuritates, exscreandi impotentiam, toni relaxationem & instantem mortem prænunciat.
 - (15) *Phænomena* & *sublimis* tam motuum vitalium, quam organorum respiratoriorum læsionem ipsamque mortem denunciant.
 - (16) *Spiritus fœtidus*, pulmonibus non exulceratis, in febribus acutis semper ominosus est. Præbet enim indicium de putredine, quam humorum massa iam concepit.
 - (17) *Spirationes suspiriosæ* in febribus abortionis periculum adferunt. *Coac. 540.*
- 2) *In aliis Morbis*
- (1) Respirationis læsio uti in asthmate in primis conspicua fit: ita vario modo se prodit. In asthmate siquidem humido *difficilis* est ac *brevis*, ob materiam circa pectus collectam, quæ pulmones comprimit, eorumque dilatationem prohibet, cum sono spumidæ quasi ebullitionis,

- nis, als wenn es immer in der Brust kochte. Asthma vero siccum respirandi difficultatem sine breuitate ostendit, cum sibilo tamen sub inspiratione acuto & sonoro.
- (2) *Difficilior* longe est in empyemate, catarrho suffocante & vteri strangulatione. In illo ob materiam purulentam in cauum thoracis effusam; in isto ob humorum in pulmones paralytice relaxatos irruptionem; in hac vero ob sanguinis versus superiora congestionem.
- (3) Respiratio *difficilis* in subiectis antehac scabiosis, scabiei vel retrocessionem, vel præposteram repulsionem indicat.
- (4) *Dyspnœa*, importunam hæmorrhagiarum per adstringentia suppressionem excipiens, ob sanguinis ad pectus regurgitationem oppletoriam, asthma suffocans portendit.
- (5) Quibus diarrhœæ suppressæ sunt per incongrua medicamenta, ii dyspnœa vexantur.
- (6) *Difficilis* respiratio hypochondriacorum & hysteriarum si plane anxia euadit, plerumque nimiam flatulentiam, vel pertinacem alui obstructionem pro fundamento habet.
- (7) *Dyspnœa* cum palpitatione in subiectis, ceteroquin sanis, vel plethoram, vel hæmorrhagiarum suppressionem, aliquando & polypum subesse confirmat.
- (8) Spirationes, quæ non nisi erecta ceruice ducuntur, hydropem siccum faciunt. *Hippocrates Coac. prænot. 424.*
- (9) Respiratio *difficilis* circa mediam noctem grauiter adflicta, ex crebra *Nenteri* obseruatione hydropis lethalis prænuncius est.
- (10) *Dyspnœa* ictericorum, pulmonum coarctationem per contentum indicat. Dum enim hepar præter naturam constrictum seruat; pulmones quoque & thorax, ob neruos, a communi origine pari nempe vago, abscedentes simul coarctantur.

- (11) *Difficile* quoque respirant, qui vel in liene vel in hepate infarctum aut scirrhum habent reconditum. Quo respexisse videtur *Galenus lib. I. de diffic. respir. cap. XII.* quando scribit: *qui hepar aut splenem, aut aliud ex prædictis membris dolore vexatum habent, ii difficulter respirant.*
- (12) Qui, repleto cibus ventriculo sedendo abdomen comprimunt; citra morbi suspicionem aliquamdiu impeditè respirant.
- (13) Sudorem suppressum a sensibilibus facile excipit dyspnœa.
- (14) Spirandi difficultas, a regiminis vel diætæ errore inducta, postridie sæpe desinit. *Hipp. lib. II. prorrhetic. f. m. 66.*
- (15) *Tarda & debilis* vel animi mœrorem manifestat, vel virium insignem iacturam.
- (16) Dyspnœa, cum læuitatibus intestinorum, tendit in phthisin *Hipp. Coac. prænot. 469.*
- (17) Phthisicis, qui arescunt & difficili respiratione laborant, quando multa cruda excernunt, exitium imminet. *Coac. prænot. 445.*
- (18) Quæ puellæ orthopnœa vexantur, iis vterum ferentibus mammæ pus colligunt *Coac. prænot. 549.*
- (19) Spirationes *suspiriosæ*, quæ foras educuntur, nempe expirationes interruptæ, vterum gerentibus conuulsiones & abortum minantur. *Coac. prænot. 519.*
- (20) *Magna & tarda* solis mente motis propria est, nec tamen semper. *Galenus lib. I. de disp. cap. XX.*
- (21) Quando aut tumor, aut dolor quispiam in partibus iuxta ilia constiterit, *parvus & densus* necessario fit spiritus. *Galenus lib. III. de diffic. resp. cap. XII.*
- (22) Halitus, qui expiratur *fœtidus*, chronicæ corruptionis testis est. Obseruatur autem talis in stomacace, dentibus fistulosis, faucium exulceratione, vomica ru-

pta ac venereo malo. Quid magis vero anhelitus cadauer olet, eo certior minatur perniciem.

(23) Respiratio *stertorosa* cum ore spumante in apoplecticis mortem iam iam instantem indicant.

(24) Respiratio *rara et parua* tam ominosa est, ac ipsa *frigida*.

(25) Supra recensitæ respirationes veterum *exitiales* hic repeti debent & opportune adplicari.

IV. OBSERVATIONES.

1. Quod Galenus lib. II. de diffic. respir. cap. II. monet, id ad pleaque signa in Semeiologia adplicari debet. *Nihil enim, inquit, eorum, quæ manifesto adparent, veritatis cultoribus occultandum est, etiamsi ætiologia quam maxime incerta sit.*
2. Præter ea Hippocratem laude dignum censet, quod varias difficilis respirationis species adnotauerit, de causæ ratiocinatione non sollicitus; siquidem plurimorum, quæ occurrunt, rationes nos fugiunt, quæ tamen utique obseruanda sunt. Tandem inuehitur in quosdam sophistas, qui *raram & magnam* respirationem negare non dubitauerint, quia causæ inopes seu ignari fuerint.
3. Quod in *Patholog. tab. de febr. iam monuimus, de non opugnandis symptomatibus, non tacta morbi causa; id de nouo repetendum ducimus; ne quis scilicet respirationi, præter naturam constitutæ, per incongrua antasthmatica obuiam ire sustineat. Euentus enim eiusmodi medicationis semper infidus est, qualicumque etiam signa celeris emendationis ostendere videatur.*
4. Cum insuper actus respiratorius cum pulsorio perpetuo symbolizet, ut e physiologicis præceptionibus constat: tum facile patescit, quod de respirationem alterantibus tam sollicite cogitandum non sit, quia motum progressiuum varie moderari, adeoque ipsum simul respirandi actum emendare possumus.
5. Respirationis anomalia in quibusuis morbis, a causis non-natura-

naturalibus inducta; iisdem subiatis ad priorem plerumque redire solet statum. Congrua diæta & regimen semper moderatum in primis hic commendanda veniunt.

6. Tamen si venæsectio sæpe difficili respirationi optatam medellam adferat: circumspecte tamen & opportuno tempore eadem adhibenda est; id quod in febribus præcipue valet, in quibus, si *euxasie* venæsectionis obseruata fuerit, tota subsequens curatio aliquod inde capere poterit commodum; si vero præpostere, damnum eo maius erit.
7. Ita in aliis morbis chronicis, vbi difficilis respiratio iteratis vicibus suffocationis metum incutit, venæsectio autem certum alias leuamen adfert: prouide dispiciendum, vtrum alia non adsint auxilia, quæ pari effectu suffocationem auertere queant, ne ad quemuis insultum vena secanda sit; siquidem & his natura adeo adsuescere potest, vt tempore progrediente etiam ista efficacix suæ vim amittat, & Medicum, de aliis remediis non sollicitum, plane inermem reddat.
8. Specialia monita huc congerere, instituti ratio vetat, ne therapiam signorum doctrinæ improuide immiscuisse videamur.



TABVLA IV.

DE MOTVS TONICI ALTE- RATIONIBVS.

I. DEFINITIO.

Motus tonicus est vniuersalis motuum vitalium actus, qui in partibus solidis musculoſo-poroſis contingit, easque ad certos fines varie intendit & relaxat.

II. DIFFERENTIA.

1. Quemadmodum de *toni* energia & officio ſecundum naturam in *Phyſiologia*; de eius autem læſionibus in *Pathologia* tractauimus; ita in *Semeiologia* ſignorum diagnosticorum & prognosticorum habemus rationem, quæ ex illius alterationibus, dum vel excedit, vel deficit, petenda ſunt.
2. Sicut autem motus tonicus vel *excedens* eſt, vel *deficiens*, vel *mixtus*; ita ſigna
 - 1) *excedentis* ſunt:
 - (1) Horror
 - (2) Rigor
 - (3) Singultus
 - (4) Conuulſio
 - 2) *deficientis*:
 - (1) Laſſitudo
 - (2) Torpor
 - (3) Aphonia ſeu loquendi impotentia.
 - 3) *Mixti*: quando in vna eademque parte *tenſus* ac ſimul *re-miſſus* eſt, tum peculiaris inde naſcitur alterationis ſpecies, nempe *tremor*.

3. Qua

3. Qua vero ratione inter se differant hæ alterationum species, id veteres iam explicare conati sunt. *Vid. Galenus libro de tremore; & lib. IV. de locis affectis cap. I.* Nimirum
- 1) *Horror* habetur repentina atque transiens cutis seu peripheriæ constrictione.
 - 2) *Perfrictio* diutius durat, quam *horror*; unde primus gradus *rigoris* dicitur. Præter ea ab *horrore* in eo differt, quod plura membra occupet, horror autem dorsi potissimum regiones subito perreptet ac quatiat.
 - 3) *Rigor* Galeno audit inæqualis totius corporis concussio & turbatio. *Vid. eius liber de caus. symptom. cap. VIII.* Sed spasmodicum partium fibroso musculosarum esse constrictionem & mobilitatis impedimentum, ex *pathologia* constat. *Triplex* autem a *Bagliuo* constituitur *rigor*:
 - (1) *Criticus*, qui excretionem iudicatoriam antecedit, eiusque eruptionem prænunciat.
 - (2) *periodicus*, qui in paroxysmo frigoris febrium intermittentium occurrit.
 - (3) *symptomaticus* qui quidem ad antecedentem non inepte referri posset, sed ut eo distinctius alii rigores vagi a rigore febrili dignoscantur, *symptomaticorum* nomen illis tribuitur.
 - 4) *Singultus* ab aliis ad spasmos, ab aliis ad semi-conuulsuos motus refertur.
 - 5) *Conuulsionem*, exacerbati toni summum gradum, in *Pathologia tab. de spasmis & conuulsionibus* prolixè explicauimus.
 - 6) *Lassitudo* & *torpor* cum a motus tonici energia deficiente dependeant; a prioribus toni alterationibus clare satis distinguuntur. De *spontanea* vero lassitudine, ut *Hippocrates* eam *Aph. II. 5.* vocat, veteres differentias constituerunt tres, quibus recentiores *quartam* addiderunt.
 - (1) *Prima* referre dicitur sensum *ulceris*;
 - (2) *Altera* *tensionis*;

(3) *Tertia inflammationis.*

(4) *Quartam* recentiores lassitudinem adpellant *offisfragam*. Ratio autem denominationis vnus cuiusque hæc est: credunt nempe in lassitudinis specie *prima* adfici partes membraneo nerveas; in *secunda* musculosas & fibrosas; in *tertia* membraneo-fibrosas; in *postrema periossium* & huic adhærentes *tendines*.

7) *Subiectum* lassitudinis aliquando sunt omnia membra, sæpius soli artus, interdum coxendices, subinde collum & caput. Alii ex visceribus internis sigillatim lassitudinis subiectum hoc vel illud nominant; quos tamen hic attendere præter institutum est. Interim notare conuenit, quod hæc lassitudo non confundenda sit cum grauitate artuum, in qua strictionem potius, quam toni defectum, accusamus.

III. PROGNOISIS EX TONI ALTERATIONIBVS

I. *Generalis*

- 1) Quando toto corpore mutationes contingunt, ita vt illud promte refrigeretur rursusque calefiat, vel color alius ex alio oriatur; tum morbi longitudinem significant.
- 2) Quibus cutis est arida & dura, ii sine sudore moriuntur; at quibus laxa & rara, cum sudore vitam finiunt. *Hipp. Aph. V. 71.*
- 3) *Rigores* in mulieribus initium magis ducunt ex lumbis & per dorsum ad caput perueniunt; sed viris parte corporis posteriore potius, quam anteriore. *ib. 69.*
- 4) *Rigor* quandoque fit sine febre, plerumque vero cum illa. Ita *Galenus* ex esu dactylorum aliquem *Alexandrie* vidit sine febre riguisse. Et *Hippocrates* vxorem *Epicratis*, instante partu, rigore correptam meminit *lib. I. epid. æg. V.*
- 5) *Rigorem* in febribus *paroxyzantem* periculo vacare, experientia pridem firmatum est.
- 6) Si post *rigorem* corpora facile iterum incalescunt, nihil mali videtur metuendum.

7) *Rigor,*

- 7) *Rigor*, qui salutarem excretionem præcedit, omnium censetur optimus.
- 8) *Conuulsionum* effectus tantum non semper perniciosus est; aliquanto tamen nihil nocere sub *prognosi in febribus* indicabitur.
- 9) Qui quartanis corripuntur, fere *conuulsione* non tentantur. *Aph. V. 70.* In hac enim febre motus præ aliis febribus placide instituuntur.
- 10) *Singultus* cum *conuulsione* hoc habet commune, vt malum aliquod plerumque portendat præsentē grauius.
- 11) Qui vero citra morbum *singultiunt*, e. g. repleto cibus ventriculo, illis nihil imminet periculi.
- 12) *Lassitudo, impotentia, & torpor* sine aliqua excretionē existente aut prægressa; perniciem intentant. *Prorrhetic. I. 40.*
- 13) Ad *lassitudinem* ægri, si insuper accesserint alius humida, sitis, vigiliæ, capitis dolor, obscura locutio; mentis emotionem expectare oportet. *Prorrh. I. 38.*
- 14) *Vocis defectio & paralytodes artuum tremor* toni læsionem defectiuam arguit, & plenariam motuum omisionem portendit.

2. *Specialis*

1) *In febribus*

De Horroribus.

- (1) Horror in continua febre succedens, numquam bonus est.
- (2) Si horrores in acutarum principio frequenter incidunt, difficilem earum successum præagiunt.
- (3) Horrores contra, post quos continuæ intermittere cœperunt, in bonis signis numerari solent.
- (4) Horrores pariter in ardentibus boni habentur ominis, si eadem hora, qua facta est exacerbatio, frigus horror & rigor adpareant. *Prosp. Alpinus de præfag. lib. III. cap. XI.*

(5) Hor-

- (5) Horror criticus, qui cum aliis signis coctionis adparet, & copiosam excretionem pedilequam habet, laudabilis est. Vnde *Cous in Prorrhet. l. 149. Quibus, ubi inhorruerint, sudores simul iudicatorii contingunt, & horror postridie repetierit, cum peruigilio, iis forte sanguis e naribus erumpet. Conf. eiusd. lib. III. epid. æg. ex sedecim XII in quo de virgine in Larissa refert: eam sexto die multum sanguinis per nares profudisse, ac ubi inhorruisset, per sudorem copiosum & calidum iudicatam, seu a febre liberatam esse.*
- (6) Si partes in acutis externæ frigeant, internæ vero vrantur, & siti vexentur, lethale est. *Aphorif. IV. 48. Coac. prænot. 115.*
- (7) Horrores in principio febrium pestiferarum crebriores, malum omen præbent. *Vid. Hipp. lib. III. epid. f. m. 75.*
- (8) Qui lassitudine laborant, & cum horrore criseos schema præ se ferendo leuiter exsudent, celeriterque ad calorem reuocantur, ii male habent. *Coac. prænot. 36.*

De Rigoribus.

- (9) Rigorem periodicum minime noxium esse, prognosis generalis num. 5. docuit. Vnde veterum axioma: *quibus quotidie rigores fiunt, quotidie febres soluantur.*
- (10) Rigor die iudicatorio superueniens, salutaris habetur, si inprimis post rigorem facile incalescant ægri & critica succedat excretio. *Ita Hipp. lib. I. epid. statu III. æg. V. de puerpera die XIV. rigente, & die XV. sudorem experta, historiam adfert; & lib. III. epid. æg. V. Chairionem septimo die nouo suborto rigore & febre acuta prehensum, sudore per omnia membra diffuso, iudicatum meminit.*
- (11) Rigor vero cum crisi simul adparens non nihil metuendus est. *Prorrhet. l. 107.*

- (12) Ita porro rigores cum crisi aliqua *non iudicante*, v.g. frigido sudore, post quem difficile incalescunt corpora, malum præbent omen. Dum enim nec febris vehementia frangitur, nec symptomata tolluntur, crisis licet copiosior, lethum prælagit. Sic obseruauit *Hipp. lib. III. epid. æg. XII.* mulierem, quæ sæpe obriguerit, & per sudores, vomitus frequentes, largam diuresin ac hæmorrhagiam narium multa excreuerit, die XIV. mortuam esse. Et *lib. I. epid. statu II. æg. XII.* sistitur vir, qui post rigorem febre correptus & calido sudore perfusus, vndecimo die expirauerit.
- (13) Febre ardente detento, si rigor successerit, solutio contingit. *Aphorif. V. 58.*
- (14) Qui in ardentibus sub initium statim intenso æstu & rigore corripiuntur, insomnes fiunt ac anxii, iis impendet exitium. Hinc *lib. I. prorrhetic. 67.* Hippocrates obseruauit, rigores cum æstu esse periculosos, sub quibus facies incensa sit & sudor erumpat. Si insuper posteriores partes frigeant, conuulsiones prouocari.
- (15) Qui sexto die rigore corripiuntur, ii iudicium difficile adferunt. *Coac. 15. Aphorif. IV. 29.*
- (16) Rigori & horrore, qui die iudicatorio adparent, si coma superuenerit, mortem proxime imminere indicat.
- (17) Continentes rigores in acutis malum exitum præfagiunt *Coac. 21.*
- (18) Rigores in iis febribus, quæ ad tertianarum naturam accedunt, si in medio ingrauescunt, febre nullum ordinem seruante, maligni valde sunt. *Coac. 26.*
- (19) Spasticæ dorsi tensiones vti synochis, petechialibus, variolis & morbillis satis familiares sunt: ita peculiare aliquod malum ex illis prænunciare non licet.

De Conuulsionibus.

- (20) Conuulsiones, in acutarum principio, humorum plerumque denotant abundantiam. Et quamuis cer-

tum periculum non indicent; grauiorem tamen morbum fore declarant. Mitiozem paululum prognosin in variolis obseruamus.

- (21) Adultiores, & qui septimum annum excefferunt, conuulsione in febre nonprehenduntur; alioquin periculum denunciatur. *Coac. 357.*
- (22) Conuulsio in febre suborta, eademque die desinens, nihil metuendum esse declarat. *Coac. 156.*
- (23) Ita pariter conuulsio, cum coctionis signis ingruens, non adeo pertimescenda est.
- (24) Præter ea conuulsio in febre, manuum pedumque dolores, maligni quid produnt. *Coac. 30.*
- (25) Pueris, quos conuulsiones cum febre tentant, aut huic succedant, quamuis diuturnæ sint: innoxias tamen esse obseruantur, nisi reliqua omnia perniciem nuncient. *Coac. 356. lib. I. epid. statu II. f. m. 18.*
- (26) Conuulsio in acutis minuitur per superuenientes rigores, si febris simul augeatur.
- (27) Conuulsiones & vehementes circa viscera dolores mali sunt ominis. *Aphorif. IV. 65. Coac. 356.*
- (28) Phrenitis exitialis hoc habet proprium, vt in conuulsiones desinat.
- (29) Conuulsio febri superueniens periculofum; febris vero conuulsioni succedens melius ominatur, *Coac. 358.*

De Singultu.

- (30) Singultus in febre *lygmode* veterum, seu singultuofa, pertinaces sunt ac diuturni; hinc semper singultiunt ægri.
- (31) Singultus in febribus semper suspecti habentur, quia vel hepatis, vel ventriculi, vel vteri inflammationes arguunt. Vnde nonnumquam singultus apud Practicos *κατ' ἐξοχην* stomachi seu sinistri oris ventriculi conuulsio audit.

(32) Qui

- (32) Qui in febribus post vomitus nigrorum ac foetidorum multum singultiunt; illis proxime instat interitus.
- (33) Febrientes, si facie existente *Hippocratica* multum singultiunt, agoni sunt proximi.

De Torpore & Tremore.

- (34) Quibus in ardentibus torpor, somnolentia & tumores obueniunt, eos lateris dolor accedens cum leui partitis alicuius sideratione necat. *Coac. 60.*
- (35) Quibus per febres lassitudinis sensus inest, illis ad articulos, & potissimum circa maxillas, abscessus oriuntur.
- (36) Torpor, ex rigore ortus, in acutis malignitatem arguit.
- (37) Torpor & impotentia in anginosi citra crisin cum dolore præcordii obueniens, insidiosè necat, licet non adeo male se habere videantur. *Coac. 374.*
- (38) Torpores partium, in febribus semper mali, nisi forte morbo magnam partem iam subacto, adeoque critice adpareant.
- (39) Torporis in conuulsionem, & huius in illum mutatio semper minatur periculum.
- (40) Vehementes phrenitides in tremorem desinunt; unde etiam mortis est prænuncius. *Prorrh. I. 9. Coac. 97.*
- (41) Tremores, qui ad conuulsiones accedunt, cum sudoribus, minantur recidivas. *Prorrh. I. 105.*
- (42) Tremores, qui in ardentibus contingunt, soluuntur a delirio. *Aph. VI. 26. Vid. Galenus in comment. ad hunc aphorif. f. m. 344.* Dubitat enim de auctoritate huius adserti, quod non videatur esse *Hippocratis*.
- (43) Febres, quæ soporem lassitudinemque inducunt, aut in quibus caligant ægri, agrypnia & tenui sudore vexantur, malignæ sunt. *Prorrh. I. 41.*

De Aponia.

- (44) In febre mutum esse, malum. *Coac.* 34. Et vocis defectiones, quæ in febribus convulsionis speciem præse ferunt, in vehementem mentis emotionem cum silentio vertunt, & perniciem ostentant. *Prorrh.* I. 54.
- (45) Præcordiorum dolores & impotentia loquendi in febribus, si sudore non solvantur, malignum. *Prorrh.* I. 90.
- (46) Quibus vox post iudicationem deficit, ii sopore & tremore correpti intereunt. *ib.* 91.
- (47) Vocis ex capitis dolore defectiones in febre cum sudoribus, si per se resolvuntur ægri, ac præter voluntatem excrementa demittunt, malumque remittere videtur; diuturniorem morbum metuere oportet. In his de nouo subortus rigor damnandus non est.
- (48) Defectiones vocis, quæ ex rigore fiunt, illæ tremore solvantur. *Coac.* 27. Alias vox ex rigore intercepta, perniciem denunciat. *ib.* 39.
- (49) Qui in febre voce defecti iacent, & oculis convulsi nictantur, hi evadunt quidem, si post narium hæmorrhagiam & vomitum ad loquelam & ad se ipsos redeant. Si vero contrarium accadat, cum spirandi difficultate, celeriter intereunt. *Coac.* 77.
- (50) Quos vox cum febre sine vlla crisi deficit, ii tremuli intereunt *Coac.* 247.
- (51) Vocis defectiones cum virium exsolutione in acuta sine sudore, sunt quidem lethales; cum sudore autem minus; morbi interim diuturnitatem significant. *Coac.* 256.
- (52) Aponia cum singultu pessima.

2) *In aliis morbis**De Horribus.*

- (1) Crebri ex dorso horrores subinde locum commutantes,

tes, graues & difficiles, laboriosam vrinæ suppressio-
nem minantur. *Prorrh. I. 75.*

- (2) Qui subinde inhorrescunt, ex capite laborantes, te-
nuer exsudantes; ii maligne habent. *Coac. 12.*
- (3) Qui per sanitatem crebro inhorrescunt, ii ex sangui-
nis fluxu purulenti euadunt. *Coac. 16.*
- (4) Vbi horror in morboſo pathemate incidit, cum dif-
ficultate spirandi; ibi tabes denunciatur.
- (5) Qui subinde inhorrescunt, ac incontinenti corporis
iactatione, cum lassitudinis sensu & lumborum dolore,
conflictantur, iis alui effunduntur. *Coac. 19.*
- (6) Qui perfrigescent ex tenui sudore post narium hæ-
morrhagiam; ii male habent. *Coac. 40.*
- (7) Perfrictiones ex rigore, malæ sunt, eæ inprimis, quæ
ad calorem non reuocantur. *Prorrh. I. 65.*
- (8) Ex perfrictione exsudantes, ad calorem reuocati, pe-
riculum denunciant, præsertim si accedat lateris æstus
cum dolore & rigore. *ib. 66. Coac. 52.*
- (9) Mulieribus subinde horrore tentatis, lassitudine & ca-
pitis grauitate conflictatis, menses erumpere solent.
Coac. 541. 548.
- (10) In omni superflua purgatione frigus cum sudore exi-
tiale. *Coac. 568.*
- (11) Ex sudore horror minime bonus. *Aphorif. VII. 4.*
- (12) Ex perfrictione metus ac animi abiectio, præter oc-
casionem, in conuulsionem tendit. *Coac. 4.*

De Rigoribus.

- (13) In rigore familiares non agnoscere & eorum, quæ
gesta sunt, obliuisci, malum indicat. *Prorrh. 64.*
- (14) Qui subinde rigoreprehenduntur, & sub noctem
aliquanto grauius habent peruigiles; in somnis vero qui
nugantur, delirant & lotio interdum se perfundunt,
illi in conuulsionem cum sopore tendunt, *Prorrh. I.*
101. Coac. 20.

- (15) Quibus mulieribus ex rigore febres adiungunt, cum lassitudinis sensu; in illis menses expectare oportet. Quod si insuper cervicis dolor prehenderit, sanguinem ex naribus erupturum spes est. *Prorrh. I. 142.*
- (16) Rigores, qui sanguinis eruptioni succedunt, diuturni fiunt. *ib. 151.*
- (17) Assidue vexans rigor, corpore iam imbecillo, lethalis est. *Coac. 9. 21.*
- (18) Qui rigores ex dorso proficiscuntur, grauiore sunt & molestiores. Vbi vero quis XVII. die rigore correptus, vigesimo quarto iterum riguerit, is male habet. *Coac. 11.*
- (19) Rigor cum *Opisthotono* mortem adfert. *Coac. 23.*
- (20) Eclyses ex rigore & cephalalgia perniciem, denunciant. *ib. 22-28.*
- (21) Quibus rigor adest, iis vrina restitit. *Coac. 29.*
- (22) Qui ex vulnere subinde rigentes sanguinem profundunt; ii maligne habent, ac inter loquendum derepente moriuntur. *ib. 328.*
- (23) Ante partum subinde rigore corripitur, & citra dolorem parere, periculum indicat. *Coac. 538.*
- (24) Ex multo potu rigor & delirium, malum. *Aph. VII. 7.*

De Conuulsionibus.

- (25) Conuulsio ex repletionem aut inanitionem oritur; sicut etiam singultus. *Aphorif. VI. 39.*
- (26) Ex vulnere conuulsio lethalis. *Coac. 355. Aph. V. 2.*
- (27) Insanientibus accedens conuulsio, oculorum aciem retundit. *Coac. 485.*
- (28) Ex epoto veratro conuulsio exitium adfert. *Coac. 567. Aphorif. V. 1. VII. 25.*
- (29) Conuulsionem in mente captis semper suspecta.
- (30) Conuulsio aut singultus post profusam purgationem, malum praesagit *Aph. V. 4.*

(31) Con-

- (31) Conuulsio & leipothymia fluxui muliebri aut alii hæmorrhagiæ superueniens, portendit periculum. *Aphorif. V. 56. VII. 9.*
- (32) Conuulsio affiduis vigiliis aut doloribus succedens, sinistrum præbet omen.
- (33) Conuulsio a plethora originem trahens, eadem imminuta, sponte euanescit.
- (34) Conuulsiones chronicis viscerum læsionibus superuenientes, pertinaces sunt, nec facile medicationi auscultant; per anodyna vero cohibita paulo post magis ferociunt.
- (35) Anginæ succedens conuulsio, lethalis.
- (36) Qui *tetano* corripuntur, intra quatuor dies intereunt; si hos superauerint, sani fient. *Aphorif. V. 6.*
- (37) Conuulsiones in vteri strangulatu, antea non expertæ, imposterum facilius reuertuntur. *Coac. 349.*

De Singultu.

- (38) Singultu, lassitudine & *catocho* detenti, in vitæ periculo versantur. *Coac. 45.*
- (39) Singultus diarrhœæ aut dysenterix succedens, periculum nunciat.
- (40) Singultus, conuulsio, aut delirium, ilei inflammationi superueniens, mortem prælagit. *Aph. VII. 10.*

De Lassitudine & Torpore.

- (41) Delassati ægri, caligine obducti, peruigiles & soporosi, cum tenui sudore recalescentes, male habent. *Coac. 35.*
- (42) Lassitudines sponte abortæ morbos prænunciant. *Aphorif. II. 5.*
- (43) Torpor ubi rigori succedit, mentis alienationem significat. *Prorrhæ. I. 35.*
- (44) *Αδυναμία* seu impotentix, quæ præter aliquam inanitionem contingunt, perniciem indicant. *ib. 40. Coac. 54.*
- (45) Tor-

- (45) Torpor in contraria celeriter mutatus, malum præ-
nunciat. *Coac. 59.*
- (46) Quibus non cogitantibus vrina decidit, ac puden-
dum contrahitur, ii desperati sunt. *Coac. 474.*
- (47) Torpores & stupores præter consuetudinem, apo-
plecticum periculum adfore indicant *Coac. 476, 478.*

De Tremore.

- (48) In furiosa & vehemente mentis emotione succeden-
tes tremores malignitatem nunciant. *Prorrh. 14. Coac. 93.*
- (49) Aliquando excluduntur sub tremoribus calculi, quod
senibus contingit, qui febre laborant.

De Aponia.

- (50) Aponia ex vermium afflictione, aut ingenti terro-
re, facilius tollitur, nec facile balbutiem post se relin-
quit; quæ vero post lapsum ex alto affligit, difficilior
existit.
- (51) Aponia ex vulneribus, signum valde ambiguum est.
- (52) Aponiam ex rigore, soluere potest tremor.
- (53) Vocis defectio ex dolore, tandem cum summo cru-
ciatu mortem adfert *Prorrh. 155.*
- (54) Aponia cum *eclysi* & *catocho*, perniciosum *Prorrh.*
I. 96.
- (55) Loquendi impotentia cum insania, funestum omi-
nantur exitum *Coac. 254.*
- (56) Aponia in conuulsionibus multum perseverans,
malum. *Coac. 359.*
- (57) Si ebrium quempiam repente vox deficiat, conuul-
sus moritur, nisi eum febris prehendat, aut post cra-
pulam vox redeat. *Aph. V. 5.*

IV. OBSERVATIONES.

- I. Signa e motus tonici alterationibus prouenientia, ac inde
formandas prognoses recensuimus. Iam quid emolumenti
praxis

praxis clinica ex hisce momentis capere possit, porro dispi-
ciendum.

2. Vti naturæ opus est, motus in corpore excitare congruen-
tes: sic artifex, eidem succurrendo, caute se gerat, neces-
se est. Non enim in negotio motuum omne, quod artifice
libet, impune pariter per naturam licet, sed illud tantum-
modo permittitur, quod certo expedit & finali naturæ in-
tentioni conueniens est.
3. Iam si v.c. rigores habito solum respectu ad membrorum im-
mobilitatem & perfrictionem adgredi vellemus *externe* emol-
lientibus & vnguinosis; *interne* vero calidis & orgasmum con-
citantibus: nullum plane sperare liceret vtilitatis effe-
ctum, nedum verum leuamen. Si enim critice rigeant men-
bra, ob necessariam humorum ad excretorium aliquod re-
strictionem & instantem crisin: tunc nihil naturæ magis ini-
micum eiusque molimini plus aduersum suscipi posset, quam
importuna eiusmodi emollio & artificialis relaxatio. Et
id ipsum etiam valet de præpostera calidorum propinatione;
wann man durch stärkende und kräftige Arzneyen die Wärme
in die starrende Glieder bringen will. Nam loco intentæ
incalescentiæ membrorum frigentium, organica fit com-
motio & ominosa cœptæ criseos perturbatio. Vbi vero non
criticus, sed symptomaticus adfuerit rigor; ibi rigorem de-
mulcere prorsus frustraneum; conuenit potius materiam pec-
cantem respicere: hac enim sublata rigor sponte euanescit.
4. Conuulsionum aliæ de admittenda medela spem relinquunt;
aliæ contra omnem adimunt. Si iam eadem methodo sin-
gulas tractare adniteremur, magnæ apraxiæ daremus docu-
mentum. Nam conuulsio, quæ sanguinis abundantia niti-
tur, dextre tractata, cessat; quæ vero vltimi conaminis elu-
datorii vices explet et inflammationibus grauibque vul-
neribus, nimix humorum profusioni superuenit, illa æger-
rime mitigatur, rarissime percuratur.
5. In virium præter ea & motuum omissione quam anceps ac
pæne irritum sit, aliquid tentare, ratio & experientia do-

cent. Vnde etiam fit, vt Medicus in tonicæ actionis abolitionibus actiuus, magis spectatorem, quam officiosum ministrum agere soleat; cum certum sit: naturam, antea quietam, facilius ad turbulentos motus per artificia seduci, quam, vbi eorumdem omissionem decreuit, ad eosdem readsumendos pro lubitu Medici excitari posse.

6. Hæc igitur signa, ex motus tonici alterationibus petita, vti secundum maximam sui partem infausa esse solent: ita ad inueniendas indicationes parum conferunt. Si enim vquam, in motuum profecto augmentis & omissionibus experiri poterit Medicus & semetipsum explorare, quantum naturam nosse, quantaue dexteritate eidem subseruire didicerit.



TABVLA V. DE CRISIBVS.

I. DEFINITIO.

Crisis est naturæ medicatricis actus therapeuticus, quo in febre breuioris periodi, stato ordinarie die, spectabili connisus, & vegeto plerumque successu, materiæ peccantis largam portionem vel e corpore proscribere, vel, sin hoc fieri non possit, in loca commodiora expellere intendit.

II. DIFFERENTIA.

I. Salutaris febrium exitus fit

- 1) vel per *crisin*, quæ *cito* contingit, & præcipue in acutis locum habet.
- 2) vel per *lysin*, quæ *successive* perpetratur, & intermittentibus familiarior est. Quæ lenta morborum solutio a vera crisi satis se distinguit: sicut enim plura septenaria requirit; ita neque insignes excretiones, neque decubitus subito formare solet.

2. De *crisibus* plures inter Medicos agitantur controuersæ

- 1) Alii enim exitus tantum *salutares* & *legitimos* hoc nomine intelligunt. Sic *Galenus* *crisin* vocat subitam ad sanitatem conuersionem, quæ per manifestam *eccrisin* aut *abscessum* effatu dignum contingat; quæ vero aliter fiat, malignius retrocedere dicit. *Vid. eius libr. III. de crisis cap. II.*
- 2) Alii criseos notionem latiore sensu accipiunt, sinistros illius euentus simul comprehendentes. E. g. *Hippocrates libr. I. epid. f.m. 40.* dicit: *crisin* vel ad sanitatem vel ad mortem tendere,

3) *Diocles*, sine respectu ad prægressam excretionem, crisin explicat per morbi solutionem. Quoniam vero hæc explicatio ad morborum quoque chronicorum *lysin* adplicari potest: verus de crisi conceptus hac ratione peruertitur.

3. Mittimus autem hosce dissensus, & ad clariorem conceptum crisin distinguimus in *exquisitam* & *minus exquisitam*.

1) *Exquisita* crisis dicitur, quæ fit per *eccrisin*, seu excretionem subitam & copiosam, nulli autem feбри perpetuam.

2) *Minus exquisita* plures quidem dies inuoluit, critico autem absoluitur, & numquam in febribus sine anomalia deest.

4. Porro crisis est

1) vel *bona*, quæ ad sanitatem desinit. Et hæc iterum

(1) *perfecta* seu *absoluta*, quæ nihil ex materia morbifica post se relinquit, & cui quasi e vestigio sanitas succedit.

(2) *Fida* & *certa*, quam nulla morbi reuersio seu recidua excipit.

(3) *Tuta*, quæ sine periculosis symptomatibus accidit.

(4) *Manifesta*, in qua insignis excretio aut abscessus conspicua fiunt.

(5) *Cum bonis signis*, seu talis, quæ a die contemplatorio prius indicata est.

2) Vel *mala*, quæ aut difficilia symptomata, aut longam collocationem cum morbo, aut ipsam mortem habet pedisequa. Estque

(1) *Imperfecta*, quæ morbum non integre iudicat, sed materiæ noxiæ quamdam portionem reliquam facit. Vnde necessario euadit

(2) *Infida*, quæ paulo post recidivæ ansam præbet.

(3) *Periculosa*, quando grauia symptomata simul occurrunt, sub quorum concursu quouis fere momento mors imminere videtur,

(4) *Ob-*

(4) *Obscura* in qua molimina quædam critica animaduertuntur, ipsa vero crisis supprimitur.

(5) *Sine signis*, quæ a nullo die antea indicata est.

5. Ergo criseos *effectus* quadrifariam differt. Nam

- 1) vel statim a morbo liberat, *
- 2) vel multo mitiorem reddit,
- 3) vel confestim interficit,
- 4) vel morbum multo efficit deteriore. *Vid. Galenus in comment. III. in Hipp. præfag. f. m. 36.*

6. *Crisis* differt ab *acrisia*. Nam *acrisia* criseos absentiam, seu defectum, adeoque omnis criticæ emotionis priuationem indicat. *Conf. Stahlî diff. de acrisia in febribus.* Veteres adpellabant *crisin defectam*, seu *criseos carentiam*. Crisis vero manifestos motus extraordinarios & eccrises conspicuas inuoluit.

7. Crises respectu *locorum*, per quæ *eccrises* fieri solent, notabili modo se distinguunt; differentia autem ipsa nititur

- 1) vel materiæ febrilis indole,
- 2) vel subiectorum peculiari dispositione certas excretiones præ aliis subeundi,
- 3) vel climatis & anni tempestatis conditione.

8. Crises *primariæ* per *expulsionem* sunt sequentes.

1) *Vniuersalis* vnica est, quando sudor criticus, copiosus, ex vniuersi corporis peripheria erumpit, & morbum effaciter iudicat.

2) *Particulares* sunt

(1) *Fluxus sanguinis*

α) per narium hæmorrhagias.

β) per hæmorrhoides.

γ) per menses.

(2) *Excretiones seroso-bilioſæ.*

α) Sudor particularis.

β) Vomitus.

γ) Vrinæ larga excretio.

δ) Diarrhœa.

9. Crises *secundariæ*, quæ per *translationem* seu *metastasin* contingunt, sequente modo variant. Vel enim

1) *Natura* perfecte non vincit, ac inde, ob deficiens robur, materiam e corpore eliminare nequit, sed a parte solummodo adfecta propulsat, intra corpus tamen illud retinet, paulatim in posterum eiiciendam. Vel

2) *Materia* cruda, minus attenuata, viscida & ad emouendum inhabilis deprehenditur. Vel

3) *Via* iusto densiores & angustiores existunt.

10. Hæ crises, quæ per *metastasin* eueniunt, itidem sunt

1) Vel *bonæ*, quando materiæ noxiæ a parte nobiliori ad ignobiliorem transferuntur; ab internis scilicet ad externas; id quod duplici modo contingit:

(1) Modo enim fit per *collectionem* materiæ in vnam quasi massam, e. g. in apostemate seu abscessu pone aures, sub axillis, in brachiis, poplitibus & infimo pede.

(2) Modo per *dispersionem* in peripheriam. Hinc dependent exanthemata specifica, peculiare vesiculæ, pisum magnitudine æquantes & sero diaphano repletæ, furunculi critici, icterus criticus.

2) Vel *male*, quando materia febrilis, ecclisi destinata, transfertur

(1) vel in æque nobiles

(2) vel in nobiliores partes. Sed eiusmodi crises secundarias verius dixeris febrium in alios morbos transmutationem, quam vlllo modo criseos nomine dignam morbi solutionem. Nam apostemata, in partibus internis collecta, raro sine sanitatis detrimento decurrunt; e. g. empyemata, quæ febribus pleuriticis succedunt, quando rumpuntur, ex voto purgari nequeunt, ideoque phthisin sæpe comitem habent. Aliquando icterus febrem soluere dicitur, sed hydrops subsequitur. Quæ res Hippocratis thesin illustrat, quam de icteri salubritate & noxa Coac. prænot. 121. protulit: icterus si ante diem septimum accesserit, malum significat; septi-

septimo autem, nono, undecimo ac decimo quarto iudicationem adfert, dum præcordia non induret. Quod si secus contingat, res in dubium vertitur. Angina pariter & pleuritis in peripneumoniam subinde transeunt, de quo Coac. prænot. 167. Quibus angina ad pulmonem diuertit, partim quidem intra septem dies pereunt, partim vero liberati pus intro colligunt, nisi pituitosa sursum educantur. Et nostro æuo obseruare licet, quod acutæ in paralyfes aliquando degenerent, & vitam per sublestem hunc metaschematismum in magnum discrimen adducant.

11. Denique crisis, quæ per longiorem somnum fieri dicitur, secundariis subiungenda est.

1) Hæcce crisis species rarior est, quam reliquæ. *Soli enim, inquit Galenus, pueruli raro admodum ex profundo atque longo somno, subitam mutationem ad meliorem statum sunt consecuti. Vid. coment. III. in præfag. Hippoc. f. m. 36.*

2) Interea salutaris mutationis non tam somnus longior quam continuæ sub somno secretiones & excretiones causæ sunt. Solet autem ægros nonnumquam somnus die critico corripere, cum antea penitus eneruati & vires prostratæ sint. Quando ergo ab *animalibus* functionibus feriatur natura, *naturales* eo intensius exercet, & copiosum sudorem sub somno ciet, aut vero urinam, assatim secretam, larga mictione, per momentum quasi euigilando, excernit. Interim sunt aliqui tam ex veteribus, quam recentioribus, qui hanc speciem e crisis numero prorsus expunctam volunt.

III. SIGNA CRISEOS

A. Generalia

1. Primum signum constituit morbi species, seu, vt systematici vocare malunt, *idea*. Talis enim ante omnia requiritur morbus, qui per crisin vel solui potest, vel solet.
2. Morbi mos; vti Galenus lib. III. de crisis cap. III. loquitur; scilicet num moderatus & mitis, an vehemens & malignus sit,

3. *Naturæ robur*; cuius præcipuum signum Hippocrates posuit *respirationem*; Galenus & hanc & *pulsum vegetum*. Cur autem vires inter signa critica generalia retulerit, eam reddit rationem, quod ob morbi magnitudinem & casuum vehementiam eæ vel cito posternantur, ut æger moriatur, vel natura ad moxiorum excretionem excitetur *Vid eius Comm. II. in Hipp. aphorif. II. 23.*
4. *Coctio materiæ morbificæ*. Per hanc veteres intellexerunt humorum malignorum factam subactionem, mutationem & ad expellendum aut transferendum præparationem. Qui naturæ victricis labor uti varios actus atterentes, resoluentes, attenuantes ac separantes supponit: ita præ reliquis studiofissime eundem obseruarunt prisce medicinæ antistites. Hinc diserte pronunciat Galenus: *primum & maximum esse considerare coctiones*. Millies enim se interfuisse dicit fientibus crisibus, neque tamen vnumquam vidisse intereuntem, cui crisis, post prægressa coctionis signa, contigisset. Et in libro de constitut. artis med. cap. XVIII. f. 49. notatu dignum adposuit aphorismum; qui numerum 3 præced. simul illustrat. *Naturæ robur ex propriis actionibus comprehendens, in primis ex pulsu, siquidem is est vitalis facultatis opus. Morbi vero magnitudinem ex suis symptomatibus. At quatenus alterum altero præualeat, concoctio cruditasue monstrat. Cruditatem vero dicebant eos humores, quorum substantia, color & consistentia vel sanis similis, vel parum a sanitatis statu deflectat, adeoque coctionis tecmerio careat. Cum vero non omnibus coctionis signis promiscue eadem sit dignitas: tum*
- 1) In febribus pleuriticis & peripneumoniacis signa coctionis in sputaminibus, vros copia non prorsus neglecta, quærenda iubent.
 - 2) In febribus, ubi vel hepar, vel lien, vel viæ urinariæ adficiuntur, urina potissimum rationem habendam commendat.
 - 3) In quibus autem viæ primæ una cum aliis partibus patiuntur, coctionis signa in alui excrementis & lotio adparere dicunt.

5. *Symptomata*, crisiſin præſagientia, & die *indicatorio* præſignificata. Huic *indicatorio* adnexa creditur diei *iudicantis* potentia. Ipſa vero ſymptomata breuibus exponit *Galenus lib. III. de criſib. cap. X.* quando monet: harum rerum præcognitionem fluere ex eo, quod natura vrgeatur, & vehementer ex morbo irritetur; vnde ſubita in corpore perturbatio, & aliqua nouitas, vel circa reſpirationem, vel circa mentem, vel circa ſenſus, vel circa ſigna decretoria. Ad hunc igitur ductum notantur in actionibus

1) *Vitalibus*

- (1) Pulsus magnus.
- (2) Difficilis anhelitus ſeu laborioſa reſpiratio.
- (3) Aëſtus intenſior.
- (4) Dolores capitis, colli, pectoris, ventriculi, hypochondriorum aliorumque membrorum.
- (5) Peripheriæ partim conſtrictio vniuerſalis, partim rigores particulares.
- (6) Aurium ſonitus, oculorum rubor, laborum agitatio aut membrorum paſſim tremor.
- (7) Paroxyſmus denique conſuetam horam anticipat.

2) *Naturalibus*

- (1) Sudoris ſuppreſſio.
- (2) Profuſio lacrymarum inuoluntaria.
- (3) Sputum coctum, album, læue, æquale eſt, non tenue aut nimis craſſum; facile inſuper exſpuitur.
- (4) Vrina pauca, quæ vero excernitur, notas habet coctionis, vt ſit alba, craſſa, læueſque adſint ſubſidentia. Iſta enim ſecuritatem breuemque morbum ſignificare dicuntur. Vid. *Hippocratis prognost. f. m. 7. lib. de dieb. iudicator. f. 20.*
- (5) Alui excrementa, ſi quæ redduntur, mollia ſunt, ſubruſſa, non admodum graueolentia, & ea hora reiecta, qua ſanitatis tempore conſueuerunt. Quæ alui excre-

menta semper coctionis & incoctionis signa continere docet Galenus in *libro de arte medicinali cap. LXXXIII.*

(6) Adpetitus esculentorum deficit, sitis vero tanto est intensior.

3) *Animalibus.*

(1) Respectu sensuum *internorum*

- a) Deliria quæcumque,
- b) Obliuio & præsentium ignorantia.

(2) Respectu sensuum *externorum*

- a) Vigilæ.
- b) Obauditio.
- c) Visus non tam hebetudo, quam difficilior lucis tolerantia.
- d) Gustus maxime læsus.
- e) Summa ad motus voluntarios impotentia, qua vix membrum mouere valent.
- f) Alii contra furentibus sunt similiores, qui ne quidem per exiguam moram vno situ recumbere queunt; sed clamant, lectum quatunt. *Conf. Galeni lib. III. de crisib. cap. II.* Summæ huius ante crisin inquietudinis rationem reddidit idem in *comment. ad Hipp. aphorif. I. 22. f. 306.* vbi orgasmo humorum ista omnia adscribit, & ex linguæ sibi vernaculæ penetralibus rem deducit. Nam vti το οργασμ, ab animalibus coitum adpetentibus proprie desumptum & ad humores translatum esse obseruat. Ita humorum a partibus ad partes transfluxus, hominem in morbo mouere, excitare & irrequietum reddere tradit.

6. Vidimus signa criseos *future*; quare propius *instantis* iam addenda essent, quæ κατ' ἐξοχην *critica* vocantur. Sed cum eadem ipsa sint, quæ *nun. s. preced.* sub signis ex actionum vitalium alterationibus petendis suppeditauimus, hoc vnum tantummodo addendum, quod nimirum instante die criti-

co grauius adfligant, & in horas magis augeantur, donec consummata fuerit iudicatio.

7. *Conditiones bonæ criseos* tandem subiungendæ restant. Qui-
dam auctores, quos inter *I. P. Bruno* est; ponunt *quatuor*;
And. Kyperus & *Fridericus Schraderus* *quinque*; nonnulli au-
tem *sex*, vti *And. Laurentius*, *Tho. Fienus*, *Casp. Hoffmannus*.
Singuli per parum inter se differunt; quod enim distinguit
alius, alius sub alio momento iam complexus est. Plenius si
rem determinare velimus, *salutaris criseos conditiones*, sequen-
tes erunt,
- 1) Vt die indicatorio sit prænunciata.
- 2) Vt fiat post materiæ morbificæ sufficientem coctionem,
per sua signa dignoscendam, adeoque in ipso morbi *statu*
& tali die critico, qui morbi indoli, respectu modi & via-
rum, debite respondeat. Nam febribus *peracutis* conue-
niens est quartus & septimus; *acutis* vndecimus aut deci-
mus quartus. Vtræque tutius per hæmorrhagias aut su-
dores, quam per alias cricum species iudicari solent.
- 3) Quantitas critice excreti adæquata sit tam morbi magni-
tudini, quam causæ morbificæ quantitati. *Nullum enim*
criticum est paucum. Quod si vera aliqua portio noxii re-
lictæ fuerit, reciduiam; si multum restitauerit, mortem
post se trahet.
- 4) Per manifestam expulsionem, aut minimum per sat ma-
gnum abscessum; qui a parte adfecta remotior sit, suc-
cedat.
- 5) Eueniat cum facili tolerantia, sine grauibz symptomati-
bus, qualia sunt deliria, strangulationes, conuulsiones,
aphoniæ.
- 6) Aeger illico post crisin melius valeat, cum symptoma-
tum, hæctenus continentium, remissione & euphoria,
per nullam reciduiam infringenda. *Hipp. Aph. II. 27. Si*
quæ non pro ratione leuant, is non oportet fidere.

B. *Specialia*1. *Eccriscin sanguinis præfagientia*1) *Per Narium hæmorrhagiam*(1) *In suprema corporis regione*

- a) Oculi turgidi, nitidi, marmarogodei, qui ita dicuntur, quando ægris incertus lucis splendor ante oculos obuerfari ac vario motu discurrere videtur, cum dolore in medio bulbi pungente. Quibus frequenter iuncta est spontanea lacrymarum profusio. *Vid. Galenus lib. III. de crisib. cap. XI.*
- b) Aurium tinnitus seu fusurrus
- c) Narium pruritus, & die indicatorio subinde vna alteraue sanguinis gutta exstillans.
- d) Faciei rubor, vasorum temporalium & colli inflatio validiorque pulsatio.
- e) Dolor caput grauans, ad nasi radicem se extendens, sæpe ceruicem infestans rigidamque sustentans.
- f) Interdum faucium inflatio anginodea & insignis deglutiendi difficultas.

(2) *In media*

- a) Præcordiorum angustatio oppletoria
- b) Respiratio impedita, breuis & profunda.

(3) *In infima*

- a) Murmura abdominis.
- b) Sensatio tendens in hypochondriis.
- c) Vrina ob maiorem renum constrictionem tenuis ac limpida.
- d) Aluus adstricta.

(4) *In extremis artubus frigus & subinde rigor*

- (5) Præterea concurrit agrypnia, mens vacillat in his; constat in aliis; accedunt insomnia de sanguinis profusionibus,

fusionibus, æstus & sitis vrgent, peripheria præter naturam constricta, ideoque impedita est transpiratio.

- 2) Per *hæmorrhoides* & *mensēs*. Quamuis rariores esse soleant hæ crisiū species in regionibus temperatis: in *Græcia* tamen aliisque calidis locis sæpe obseruatæ sunt. Sic *Hippocrates* in *libris epidemicorum* diuersos casus earum collegit, quæ per copiosas mensium excretiones iudicatæ fuerint. Neque minus constat, quod crisis per hæmorrhoides soluere soleat synochas aliasque inflammatorias. Signa vtriusque sunt:

- (1) Aestus maior, in primis per spinæ longitudinem.
 - (2) Molestiæ in hypochondriis tendentes & prementes.
 - (3) Si *hæmorrhoides* indicantur, tensio spasmodica & dolorifica in lumbis ad os vsque sacrum se extendit.
 - (4) Si vero *mensēs* imminēt, cardialgia intercurrit, abdomen quoque & regio hypogastrica spasmodicas subeunt molestias, quæ sensum stringentem, grauantem, trahentem inducunt, infimumque ventrem & inguina adficiunt, quousque menses erumpant.
 - (5) Quod si morbi *status*, adeoque iustæ criseos tempus, in terminum menstruæ excretionis ordinariū incidat: tunc expulsio sanguinis eo expeditius & largius procedit.
 - (6) Adpropinquante die critico sentiuntur per vices extremorum perfrictiones, horripilationes, rigores.
 - (7) Vrina parce redditur, & raro coctionis signa ostendit.
 - (8) Aluus non respondet, licet sub his circumstantiis facilius, quam instante hæmorrhagia narium, soluator, immo sponte subinde succedat.
2. *Eccrisin seroso-biliofarum impuritatū* indicantia.
- 1) Per sudorem vniuersalem.
 - (1) Vrina die quarto indicatorio signa coctionis refert, nubeculam scilicet innatantem, aut sedimentum album & læue. —

- (2) Pulsus mollis & vndosus certissimum sudoris critici signum præbet. *Vid. tab. de pulsu.*
 - (3) In pectore percipiuntur molestiæ angustantes, hinc respiratio quoque euadit impeditior.
 - (4) Aestus intensus ad diem vsque iudicatorium perdurat, facies fit turgida & florida, vniuersus autem corporis habitus circa diem criticum redditur laxior & ad perspirandum aptior.
 - (5) Lassitudo totum corpus occupat.
 - (6) Rigor die sexto mediocriter corripit; immo sub leui corporis ventilatione horripilationes infestant.
 - (7) Aluus non succedit.
 - (8) Proxime ante ecrrisin diaphoreticam obseruant ægri peculiarem sensationem in peripheria insigniter turgescente, quasi sensum ab intra pungentem in extrema cuti perlentiscerent, als wenn alles froste und von innen Nadeln durchstächen.
 - (9) Eiusmodi crisis eo certius speranda est in febribus continuis & inflammatoriis, quo magis temperamentalacritas, promte sudandi adfuetudo in statu sano. ac regionis climatisue conditio huic negotio velificantur.
- 2) Per *Vomitum*
- (1) Nausea procedit, quæ vomituriendi ideas et horripilationes inducit, wann sie sich vor Ekel erschüttern.
 - (2) Caput laborat doloresque grauant, pungentes & vertiginosos sentit. Hinc etiam oculi caligant. Das Gesicht vergeht, und läuft alles mit ihnen um und um.
 - (3) Pulsus fortis et durus.
 - (4) Labrum inferius nonnumquam tremore corripitur. Sputum vero est tenue.
 - (5) Pectoris præterea coarctatio & cardialgiæ molestiæ concurrunt.
 - (6) Extrema frigent, sudor quoque in fronte frigidus erumpit, hypochondria vero & lumbaris regio mitius rigere solent.

(7) Ven-

- (7) Ventriculus morsibus infestatur, qui despaſticis conatibus eliforiis testimonium perhibent.
- (8) Vrina ob renum conſtrictionem, per conſenſum inductam, cruda eſt ac diaphana.
- (9) Aluus vel adſtriſta vel obſtruſta obſeruatur.
- 3) Per *urinam*.
- (1) Crifis per diureſin quamquam in paulo rarioribus reputanda ſit; ſiquidem ſæpius per ſudorem & hæmorrhagiam narium iudicatas febres obſeruare licet, quam per diureſin, emeſin, aut ſanguinis fluxum per inferiora: contingit tamen, ſi conſpirent
- a) Morbi idea ſeu indoles in febribus inflammatoriis, pleuritide nimirum vera, peripneumonia & quandoque in purpura alba; tempore inprimis hiberno, ubi per tempeſtatis rationem ſudores tam promte ſuccedere nequeunt.
- b) temperamentum ac ætas in illis præcipue, quorum habitus ſtriſtus, denſus adeoque ad transmittendum ſudorem ineptior eſt; id quod in ſenioribus obſeruatur, in quibus ſudoris critici minor, vicariæ autem diureſeos maior ſpes eſt.
- (2) Pulſus celer, in his ſimul frequens, in aliis vero fortis.
- (3) Reſpiratio liberior.
- (4) Aëſtus licet remiſſior videatur, quam ubi aliæ crifeſ imminent: ſitis tamen aucta & cum omnimoda ariditate coniuncta eſt.
- (5) Die quarto adparent ſigna coctionis in lotio.
- (6) Adpropinquante die iudicatorio dolor in hypochondriis, lumbis & regione hypogaſtrica adfligit, ac ſenſum inflationis circa veſicam excitat.
- (7) Aluus ſuppreſſa eſt.
- (8) Mingendi ſtimulus cum aliquo ardore augeſcit, ſub ipſa vero mictione crebriore ardor extremum vrethræ infestat.

4) Per *Diarrhœam*.

- (1) Pulsus quidem durus est, sed respiratio libere succedit.
- (2) Sensibilis transpiratio sufflaminatur.
- (3) Vrina obseratur imminuta, quia alui fluxus sine copiosa feri adfusione fieri nequit: signa vero coctionis maximam partem desiderantur.
- (4) Ructus, borborygmi & abdominis inflatio intercurrent. *Coac. 142.*
- (5) Horripilationes leuiorem quamque corporis ventilationem insequuntur.
- (6) Lumborum dolor grauans, motus torminosi & circa umbilicum morficantes per interualla adfligunt, imminente autem termino critico magis se manifestant.
- (7) Genuum grauitas a veteribus sæpe ante alui fluxum obseruata est. *Coac. 152.*
- (8) Aluus uti nec antea firmiter clausa esse solet: ita die indice deiectione aliqua diarrhœam criticam denunciat.

5) Per *Abscessum*.

- (1) *Generatim* aliarum excretionum criticarum, tempestiue non adparentium, defectus.
- (2) *Speciatim* secundum *Hippocratem* in libro prognosticor. f. m. 10. signa ponuntur
 - a) Sputum ex ratione non procedens.
 - b) Alui egestionibus minus biliosis.
 - c) Vrina pauca & sedimento destituta.
 - d) Præsentia aliorum signorum, quæ salutem portant.
 - e) Materia cruda, lenta, crassa & ad alias excretiones per fluorem inepta.
 - f) Naturæ robur bene sibi constans. Hoc enim si defuerit, æger ante eiusmodi translationem succumbet. Materia siquidem ad subeundam crisin ordinariam quanto fuerit ineptior, tanto maiorem energiæ motorie vim postulat ad translationem.

g) Fe-

- g) Febris, citra partis nobilioris læsionem aut quemdam commissum errorem, vltra vicesimum diem durans. Hinc *Hippocrates Aphoris. IV. 44. Quibus ad sunt febres longæ, iis tubercula aut dolores circa articulos fiunt.*
- h) His accensetur tempus hibernum, aliis crîsum speciebus minus fauens, & temperamentum siccum.
- i) Aliarum crîsum interuersio, ac turbatio per præpõsteras medicationes, malum regimen, animi pathemata. Crîsis item alia iam inchoata sed abrupta.
- (3) *Specialissime ex obseruatione Galeni lib. III. de crîsb. cap. XI. f. 146.*
- a) *Abscessus in superioribus nunciant*
- α) Subito oborta & mox iterum quiescens anhelitus difficultas.
- ε) Capitis succedens grauitas & dolor.
- γ) Surditas & sonus grauis in auribus. Quæ abscessum in glandosis carnibus post aurem fore produnt.
- b) *Abscessus in inferioribus significant*
- α) Morbus nimium iam prorogatus.
- ε) Defectus signorum proxime enarratorum.
- γ) Grauitas contra, tensio, dolor & inflammatio in aliquo ex inferioribus locis, ex quibus vtpote abscessum vel in *inguine*, vel circa *genua*, *poplitem*, *furas*, aut *malleolos* prælagire licet. *Hippocrates in libro prognosticor. f. 10. breuius ista complexus est hoc modo: Quibus circa hypochondria aliquid inflammationis subest, illis in inferioribus; quibus autem hypochondria mollia & doloris expertia perseuerant, illis in superioribus fiunt abscessus.*

IV. SVBIECTA CRISEOS.

Sunt vel *personæ*, vel certæ *morborum species*.

Ddd

I. Ex

1. Ex *Personis* crifum fubieâta habentur illi homines, qui funt
 - 1) *Temperamenti* refpectu alacres, prompti, immo præci-
pites.
 - 2) *Loci* feu climatis ratione illi potiffimum, qui regiones ca-
lidas incolunt. Hinc frequentius in Iberiâ, Galliâ, Ita-
liâ Pannoniâ aliisque Orientis regionibus obferuare li-
cet crifes, quam in feptemtrionalibus.
 - 3) *Aetatis* intuitu iuniores vtriusque fexus, non tamen in-
fantes & pueri, quod veterum æque ac recentiorum ob-
feruatio confirmat. *Hippocrates* quidem adolefcentes
XVII. annorum crifi abfolutos commemorat, infantum ve-
ro mentionem non iniicit.
 - 4) *Constitutionis* indole plethorici præ reliquis.
 - 5) *Tempeftatis* conditione illi, quos febres tempore æftiuo &
Sirio, vt aiunt, dominante, corripiunt.
 - 6) *Adfuetudinis* habitu fubieâta inprimis illa, quæ ad certam
excretionis fpeciem magis inclinant.
2. Ex *Morbis*, funt potiffimum febres acutæ. Vnde *Hippocra-
tes* Aph. II. 23. *Morbi acuti intra dies quatuordecim terminan-
tur crifi.* Hoc itaque aphorifmo curate determinat acutas
κατ' ἐξοχην tales & ordinarie criticas, quas ab aliis febrim
fpeciebus diftinguit, & in libro *Prognoflicor.* acutas ἐκ μετα-
πτώσεως feu ex decidentia vocat; nimirum quæ inter deci-
mum quartum & quadragefimum iudicantur. Et quamuis
Galenus fubieâta crifum conftituat *magnos morbos*: mentem
tamen fuam ita exponit, vt fimul innuat, fe per magnos in-
telligere acutos, quia plures ex iis celeriter ad vigorem pro-
perent, & paruo tempore magnas mutationes, vel ad falu-
tem, vel ad mortem, oftendant. Diftinâte infuper ratio-
nem reddit, cur acutæ plerumque cito iudicari & morbi ma-
gni dici debeant. Nam ob morborum magnitudinem &
cafuum vehementiam neceffarium effe inquit, vt vel cito vi-
res profternantur & homo moriatur; vel ad noxiorum ex-
cretionem natura excitetur, quæ a paruo malo ad arduum
iudicationis actum tam facile fe irritari haud patiatur. Si
igitur fortior fuerit natura morbo, breui fequi bonam cri-
fin

fin; si vero inferior, malam. *Conf. Galeni comm. in Aphorif. Hipp. f. 311. item de constit. art. med. cap. XVIII.*

3. Ex febribus acutis præcipue huc pertinent
 - 1) *Synocha*, sanguineæ, seu plethoræ subtrahendæ gratia a natura excitatæ, quæ in *iunioribus* sæpe per hæmorrhagiam; in *proiectioribus* autem per diaphoresin iudicari solent.
 - 2) *Biliofa*, quas vel vomitus vel diarrhœa soluit.
4. *Intermittentes* quotidianæ & tertianæ, ceu obseruationes perhibent, nonnumquam crisi acutarum in morem absoluntur.
5. *Morbi* quidam *chronici* a nonnullis huc trahuntur, sed refragante potiori Medicorum parte. *Bruno* inter illos est, qui perperam chronicis crises denegari contendit, cum hydrops aliquando per vomitum, sudorem, aut vrinam iudicatus constet. Sed non nisi improprie & in sensu oppido latiori *diuturnis* concedi potest crisis. *Vid. obseruat. 7.*

V. TEMPVS CRISEOS.

1. *Generatim respectu temporum morbi*
 - 1) *Ordinarie est status.* Tantum enim absumus ab ordinata & salutari crisi, quantum adhuc deest *statui* morbi. Unde iam *Galenus*: *tanto habetur omnis iudicatio deterior, quanto plus statum morbi anticipauerit.* Cum enim omnem bonam crisin sufficiens præcedere debeat coctio; huius vero actus, si omnia debito ordine fiant, in ipso morbi *incremento* contingat, in *statu* autem perficiatur: tum crisis quoque perfecta, salutaris, & constantis euphorix prodromus, in eundem temporis articulum incidat necesse est.
 - 2) *Extraordinarie esse potest*
 - (1) *Morbi principium.* Huiusmodi autem crises tantum non semper sunt exitiales.
 - 2) *Ratio a priori est,*
 - a) quia natura ad pugnam cum morbo præmature descendere cogitur.

ε) quia neque signa coctionis eodem tempore, quo morbus corripit, simul adesse, neque noxia fatis subacta vna excerni queunt. Hinc Galenus: *humor vitiosus, si excernatur sine signis coctionis, exitialis est casus. Quare cum in principio morbi semper sint signa cruditatis; mala semper erit humorum talium euacuatio. Vid. eius Comm. IV. in Hipp. aph. IV. 22.*

b) Ratio a posteriori,

α) quia alia mala signa simul adparent.

ε) quia ipsa quoque mors imminet; citius in subiectis debilioribus; quod testatur casus Philisci, qui primo statim die atque tertio sudores habuit, quinto stillauit parum sanguinis e naribus; sexto autem circa meridiem mortuus est. Vid. Hippocratis *Epid. I. æg. I.* Ita Erasinus, cui ad extremum vsque sudores cum febre aderant, qui etiam per vrinam & aluum excreuit, die tamen quinto fatis cessit. Silenus, primo, secundo & quinto die multa ex aluo deiecit, octauo efflorescebant exanthemata, nono affatim minxit, vndecimo obiit. Tardius paulo succumbunt robustiores. Exemplum dabimur ex *lib. III. epid. ægro XII.* de muliere, quæ die tertio multa cruda ab aluo dimisit, septimo sudore vniuersali perfusa est, octauo & decimo multum vrinæ reddidit, nono & vndecimo biliosa vomuit, decimo quarto hæmorrhagia narium superuenit, & hoc ipso die extincta est.

(2) Morbi incrementum seu tempus ante statum, vbi perfecta coctio nondum adest. De hisce crisibus docet itidem experientia, quod interdum quidem salutare, minus tamen fide sint. Rationes sunt

a) a priori

α) Defectus signorum debitæ coctionis, adeoque præparationis labor tantum dimidiatus,

ε) Præ-

- e) Præmatura & incongrua emotio, die plerumque intercalari accidens, & die indicatorio non præ-nunciata; quæ singula moliminum imperfectio-nem & secuturæ euphoricæ interruptionem præ-fagiunt.
- b) *a posteriori* autem morbi eiusdem reditus, dolorum pertinacia, ægritudinis prorogatio, infidam præces-sisse crisin manifesto commonstrant. Exempla inte-rim bene cedentium criseum, quæ maturius accele-ratæ sunt, vide in *Hippocrate lib. III. epid. de Pericle Abderita & virgine ibidem. f. 188. 190.*
- (3) Reliquæ crises, quæ v. g. *tertio* vel *quarto* septenario eueniunt, ad extraordinarias quidem referuntur; ve-rum si perpendamus analogiam graduum in acutis, ad ordinarias pariter easdem referre licebit. Vti enim morbus valde acutus celerem progressum habet, & bre-ui post principium ad augmentum & statum peruenit, citoque declinat: ita morbus minus acutus tardius quo-que a natura oppugnatur, & ad singulas periodos inte-grum, & quod excurrit, septenarium sibi postulat. Quo obseruato patebit, quod crisis vel tardior vel ce-lerior, utrobique tamen in *statu* peracta, ipsius valo-rem non diminuat.
- (4) Tandem notandum, quod *Victor Trincauellius in tract. de pestil. feb.* omnes præcoces seu ante coctionem adpa-rentes crises in *tres* distinxerit classes, quarum
- a) in *primam* posuit excretiones *vere* criticas, quæ tum fiant, cum natura *morbum* ita *deuincit*, ut id, quod deleterium est, maturius quidem, sed cum robore sufficiente excutiat.
- b) in *secundam* locauit *symptomaticas*, quæ morbo ad-huc crudo contingunt, & naturam superant.
- c) in *tertiam* statuit *medias*, quæ partim perfectarum schema æmulantur, partim symptomatum in morem

accidunt, sed sæpius vitam, quam mortem, adferunt. Quod obseruasse iuuabit, ad distinctius proponendas & distinguendas crises præmaturas tam salutares, quam exitiales.

2. *Speciatim* consideratur tempus criseos respectu *dierum criticorum*, seu illorum, in quibus certæ & frequentes crises eueniunt. Vbi notandi

1) *Dies critici proprii*, qui per synonymiam *decretorii* & *indicatorii* vocantur. Suntque ex mente *Hippocratis*, respectu ordinis & numeri in circuitibus periodorum.

(1) vel *pares*, vt III. VI. VIII. X. XIII. XXVIII. XXX. XLVIII. LX. LXXX. C.

(2) vel *impares*, vt III. V. VII. VIII. XI. XVII. XXI. XXVII. XXXI. XXXVII.

2) *Critici* seu *decretorii improprii*, qui *vere* criticorum quasi ministri habentur futurorum prænuncii. Vnde & *indices* seu *indicatorii* itemque *contemplantes* adpellantur ab *Hippocrate* & *Galeno*; siquidem id, quod die critico sperare licet. præfagiunt, & antea contemplandum fiunt.

3) *Intercalares*, *παρεμπιπτοντες* *intercidentes* seu *prouocatorii*, indicatoriis quasi famulantur, atque id nominis inde tulerunt, quoniam in illis naturam subinde excitari & quasi a morbo *prouocari* obseruamus, vt de nouo aliquid moliatur & ad excutiendum paret.

4) *Non - decretorii*, *vacui* seu *medicinales* sunt reliqui, in nullam præcedentium classem referendi. Vno obtutu rem omnem declarare poterit sequens diagramma.

DIAGRAMMA HIPPOCRATICVM.

Septenarium I.

Septenarium III.

Dies

I. *Vacuum.*II. *Vacuum.* Sed secundum Galenum lib. I. de diebus decretoriis cap. IX. ad criticos refertur vterque, quia in illis diaria soluuntur.III. *Intercalaris.*IIII. *Index* seu contemplatione dignus. Gal. Com. III. in præf. Hipp. f. 36. Estque quaternarii I. finis et initium II. prædicit die VII. euentura.V. *Intercalaris.*VI. *Pseudocriticus, tyrannicus*VII. *Criticus* reliquis valentior, ideoque dignitate et potentia primus. Galenus.

Septenarium II.

VIII. *Vacuum.*VIII. *Intercalaris* sæpe exitialis.X. *Vacuum.*XI. *Index* decimi quarti.XII. *Vacuum.*XIII. *Intercalaris.*XIII. *Criticus* septimo suppar.

Septenarium III.

XIII. *

XV. *Vacuum.*XVI. *Vacuum.*XVII. *Index* Vigefimi.XVIII. *Vacuum.*XVIII. *Intercalaris.*XX. *Criticus.*

Dies

XXI.

XXII.

His

XXIII.

XXIIII.

die-

XXV.

XXVI.

XXVII.

bus

Septenarium V.

XXVIII.

XXVIII.

XXX.

XXXI.

XXXII.

XXXIII.

XXXIIII.

re-

spon-

dent

op-

po-

fi-

ti.

Septenarium VI.

XXXIIII.*

XXXV.

XXXVI.

XXXVII.

XXXVIII.

XXXVIII.

XXXX.

* *Obs.* Hanc numerandi & septenaria hoc modo ordiendi rationem docuit Hippocrates, qui primus dies criticos obseruauit ac determinauit. Ansam dedit ipsi experientia. Cum enim die XX. frequentes crises fieri animaduertisset; tum eundem vigesimum diem, tertii septenarii finem esse, statuendum erat. Hoc vero semel admissio, non alius, quam decimus quartus, qui septenarii II. vltimus est, simul septenarii III. initium ponendus fuit. Vberius rem explicat Galenus,

mus, qui scite inculcat, primum & secundum septenarium numerandum esse per *disiunctionem*, constituendo diem *septimum*, septenarii I. finem; *octauum* vero septenarii secundi initium. Sed *septenarium* II. & III. determinanda esse per *connexionem*, vt dies XIII. vtrique communis sit, atque illud finiat, hoc autem ordiatur. *Vid. Comm. II. in lib. Hippocrat. de humoribus f. 22. Comm. III. in præsentia f. 36. Comm. II. in Aph. Sect. II, 24.*

VI. CAUSSAE.

Causa efficiens cresium, pro diuersa cuiusuis medicæ sectæ theoria, semper alia atque alia constituta est, vt pæne nihil adlegatur tam a priscis, quam a recentiorum pluribus, quod non sit absolum, paradoxum & somniis simillimum.

1. Quos enim *Pythagoræ dogmata* delectant, illi secretam quaternario & septenario numero vim attribuunt, sed demonstrationem non addunt.
2. Quibus autem *astra* in subsidium vocare non displicet, illi in varias planetarum phases, quas *adspæctus* adpellitant, rem omnem deuoluunt, & harmoniam inferiorum cum superioribus fingunt.
3. *Humoristæ*, vti dici solent, humorum copiarum & vi expultrici crises perpetrandi officium adscribunt. *Hier. Fracastorius* in primis humorem melancholicum proprio motu gaudere, & dierum criticorum ipsarumque cresium causam esse adseuerare nullus dubitauit.
4. *Prosper Alpinus* curatius determinat, supponendo,
 - 1) Humores pituitosos quotidie;
 - 2) Biliosos & acutos alternis;
 - 3) Melancholicos vero & vstos quaternis diebus moueri. Sed quia demonstrari nequeunt, auctori relinquenda sunt.
5. Qui tandem a *spirituum animalium* cohortibus suppetias petunt, illi crisin bonam ab æquabili sanguinis & spirituum motu deriuant; malam vero sufflaminato imputant.
6. Quam vero iriti sint omnes omnium conatus, qui motum criticum a materiis accersere nituntur, id sæpius prolixè satis tam in *Physiologia*, quam *Pathologia* demonstrauius.

7. Ergo solam sapientem naturam excussionum criticarum causam efficientem agnoscimus.

VII. PROGNOSSES.

1. Qui paucissimo tempore sani futuri sunt, iis in totum maxima signa contingunt. *Hippocrates de Crisib. f. 20.*
2. Qui primis diebus dolore vexati, quarto & quinto magis vrgentur, hi sub septimum diem febre liberantur.
3. Februm iudicationes iisdem numero diebus contingunt, quibus homines moriuntur, aut superstites euadunt.
4. Febres leuissimæ cum securissimis signis quarto die, aut prius finiunt. Maxime vero lethales, & quæ cum periculosissimis signis contingunt, itidem quarto, aut celerius interficiunt; quamquam, curatius loquendo, non a febre, sed cum febre homo moriatur.
5. Qui ad mortem inclinant, intra diem et noctem iudicantur.
6. Qui die quarto ad peiorem statum recidunt, horum plerique sexto die moriuntur. *Galenus lib. I. de dieb. crit. cap. IV.*
7. Febricitare incipientibus sanguinis stillationes cum sternutatione accedentes, & quod in urinæ album desidet, quarto die visum, septimo solutionem adferre denunciant. *Coac. 149.*
8. Quos febris detinet cum faciei rubore & vehemente capitis dolore, in iis si venæ pulsant, *sanguinis fluxus* plerumque expectandus est, Quos vero stomachi fastidia vexant, cum oris ventriculi morfu & crebra sputatione, iis vomitio ad futura est. Quibus autem ructus adsunt, flatu, ventris sonitus, cum inflatione, iis *alvus* exturbatur. *Coac. 142.*
9. Quibus ex naribus fluxiones, septimo, nono aut decimo quarto die contingunt, ut plurimum a febribus vindicant. Eodem modo biliosus *alui fluxus* dysenteriodes, genuum atque coxendicum dolor, *urina* sub iudicationem concocta, & *menstruum* profluuium liberant. *Coac. 152.*
10. Morbi vero præcipites & acuti, effluente e naribus sanguine, iudicatione absoluuntur, idque die indicatorio, ac sudore,

dore copioso exorto vrimaque purulenta ac vitrea affatim red-
dita, in qua quod sublidet, laudabile sit, aut *abscessu* effu-
digno, aut *alio* mucosa & sanguinea deiciente ac *subito* ro-
rumpente, *vomitionibusque* non pravis, sub iudicationem
contingentibus.

11. Ex iusita coctio fit tempore *status*. *Galenus lib. III. de crisib. cap. V.*
12. Crises, quæ post exquisita coctionis signa adparent, optimæ sunt.
13. Crises plures ac simul copiosæ, quæ citra coctionis signa contingunt, plerumque sunt irritæ. *Heraclides* tamen, qui largum e naribus sanguinem profudit, per vesicam insuper & aluum perpurgatus est, die XX. iudicatione absolutus si-
stitur. *Vid. Hipp. lib. I. epid. f. 25. 30.*
14. Crisis die XIII. expectata, si aliquando die XI. ingruat, in morbo periculoso anceps omen præbet.
15. Morbi, qui, ob defectum coctionis, in *statu* crisin non ha-
bent, ii neque in declinatione aliquam exhibent, sed paula-
tim sine crisi soluuntur. *Galenus.*
16. Crises etsi cum quibusdam signis adpareant: sed cum ex-
cretionibus morborum ideis seu naturis non congruentibus,
numquam perfectæ nec certæ esse poterunt. *P. Alpinus de præf. lib. VI. cap. X.*
17. *Status* tempore cum bonis signis elapso, nullum subest mor-
tis periculum, ex morbo metuendum. Et quamvis sint, in-
quit *Galenus lib. III. de crisib. cap. V.* qui putent, se multos vi-
disse ægros, qui in *declinatione* perierint: tamen vel propriis
erroribus vel Medicorum culpa eos interiisse constat. Ut
adeo *nemo unquam* in decremento vi morbi mortem oppet-
tierit. Quia fieri nequit, ut morbo cocto & a natura supera-
to, æger moriatur, modo recta adhibeatur curatio.
18. Si *primo* statim die signa coctionis adparent, *quarto* autem
perfecta crisis subsequitur; salutaris est.
19. Signa coctionis si conspiciantur in diebus *intercidentibus*,
ad prædictionem certi quid non significant, sed sæpius ad
male

male suspicandum ansam præbent. Directe tamen bona esse solere *Hippoc. Aph. IV. 36.* comprobatur, dum docet: febricitantibus bonos esse sudores, qui coeperint die III. V. VII. VIII. XI. XIII. XVII. XXI. XXVII. XXXI. XXXIII. *ii enim sudores morbos iudicant, cum alii laborem, diuturnitatem et recidivas significant.*

20. Mature adparens coctio, iudicii celeritatem & morbi breuitatem portendit. *Fienus p. 133.*
21. Quo natura est robustior, eo celerius iudicatur morbus.
22. Coctiones in excrementis prævalentem naturam demonstrant. Nihil ergo magis salutem significat, quam excrementa concocta. Declarant enim naturam morbo dominari. *Galenus de arte med. cap. LXXXIII.*
23. Signa coctionis, die indicatorio adparentia, semper sunt bona, non tamen necessario crisin die critico adfuturam indicant. *Nenter in fund. Semiot. p. 169.*
24. Morbus acutus, in quo signa coctionis non adparent, raro per aliquam crisin tuto soluitur. *Gal. de const. art. cap. XVII.*
25. Quo maior in acutis ad crises obseruatur adparatus, sine sincera insequente ec crisi, eo magis periculosa portenduntur translationes.
26. Signa per se mala, e.g. vigiliæ, deliria, conuulsiones, tremores, vertigines, anxietates, dyspnœæ, si cum bonæ coctionis signis simul adpareant, non raro salutaris criseos præbent indicia. *P. Alpinus lib. VI. cap. I.*
27. Signa cruditatis ordinarie portendunt
 - 1) vel acrisiam,
 - 2) vel laborem,
 - 3) vel morbi prorogationem,
 - 4) vel reuersionem,
 - 5) vel mortem. *Hippocrates lib. I. epid. f. 22.*
28. Morbi acuti, qui neque per crisin solvuntur, neque *lyssi* mitigantur, vel cito interimunt, vel in chronicos degenerant.

29. Crisis perfecta & copiosa ordinarie ultra diem vnum non durat.
30. Per crises solui, *acutis* quibusdam *proprie* conuenit; in chronicis vero tantum aliquid subinde occurrit analogi.
31. Plures ex acutis, quando diem XIII. excedunt, plerumque crisi non terminantur.
32. Morbus, quem natura crisi soluere decreuit, quando diutius protractus est: tunc lyseos in modum fere iudicabitur.
33. Morbi particulares, vni tantum parti proprii, non terminari solent per crisin, sed vniuersales & *toti* communes. *Fienus p. 127.*
34. *Acrisæ* in febribus temporis quidem longinquitatem, non tamen perniciem inducunt. *Coac. 74.*
35. Quibus crisis contingit, iis nox, paroxysmum præcedens, grauis est, quæ vero subsequitur, plerumque tolerabilior. *Hipp. Aph. II. 13.*
36. Quibus paroxysmi fiunt, quamcumque febris dimiserit, si postero die eadem, quæ antea hora prehenderit, iudicatio difficilis esse solet. *Aph. IV. 30.*
37. Qui paroxysmo correpti postero die grauius habent, iis malum denunciatur. *Coac. 78.*
38. Quibus tertio die subsistit accessio, & quarto ingrauescit, malum denunciatur. Ac metus est, ne huiusmodi accessiones phrenitidem inducant. *Coac. 79.*
39. Febres si alio, quam iudicatorio die, desierint, reciduum metuere oportet. *Coac. 80.*
40. Quibus, febre *critice* desinente, tumores ad aures cum dolore suborti sunt, neque conquiescunt, neque suppurantur; eos biliosum alui profluuium, aut dysenteria, aut quod in vrinis crassis subsidet, liberat. *Hipp. lib. I. epid. f. 31.*
41. In epidemicis acutis, ex adolescentibus ii sæpe perire solent, quos largæ narium hæmorrhagiæ deficiunt; seruantur autem, quibus die critico affatim exstillat. *ib. f. 26.*

42. Prouectiores autem sub eiusmodi constitutione promte in icterum incidunt, aut per aluinas excretiones iudicantur.
43. Quibus, impendente iudicatione, sanguis e naribus non profluit, sed tumores ad aures enascuntur, iis exstillat, postquam tumores disparuerunt.
44. Crises, per sanguinem sub initium morbi contingentes, maiori ex parte salutare sunt; plethoram enim minuunt & faciliorem tolerantiam conciliant. *Alpinus.*
45. Quando post crisin ægroti placide quiescunt, & vndique melius habere videntur; *pulsus* vero *languentem* habent: tunc falsa est declinatio, & sublesta fidei crisin præcessisse certum est. Nam post salutarem iudicationem pulsus vigor est validus. Qui si deficit, vires extinctas esse nunciat. *Galenus, Alpinus, Fienus.*
46. Licet in febribus, in quibus alias crises euenire solent, sæpe nullæ contingant: tempora tamen critica obseruantur. *Stablius in diff. de periodicis acutarum sine criseos euentu exquisitis §. XV.*
47. Vera crisis nulli febri acutæ adeo perpetua est, vt alio modo sanari non possit; veluti multi casus testantur. *Stabl. l. c §. XXVIII.* Et *Hippocrates lib. I. epid. statu II. f. 19.* grassationis meminit, in qua plerique sine iudicatione a febribus liberati sunt.
48. Crises *compositæ* seu *complicatæ*, si cum signis contrariis non illuxerint, tam salutare sunt, quam simplices. Exempla habentur in *Metone*; in *muliere* illa, quæ ad littus habitauit; in *viro*, qui in *Dealcis* horto decumbebat; in *Nicodemo*. *Conf. Hippocratis liber epid. I. §. III.*
49. Tertianæ exacta quinto, aut septimo, aut summum nono circuitu terminatur. *Coac. prænot. 148.* Hæc autem cum grano salis accipienda sunt.
50. Quod in continuis vnus dies potest, id ipsum facit in intermittentibus accessio: et iudicationes pro accessionum numeratione fiunt. *Galenus Comm. II. in lib. Hippocr. de humorib. f. 22.*

VIII. OBSERVATIONES.

1. Pertractatis criseos phænomenis placet originem denominationis cum tironibus communicare. Primus, qui laboriosam & salutarem hanc excretionem febrilem, specificam, criseos seu iudicii nomine adpellavit, non fuit Medicus, sed homo quidam plebeius. Qui cum ægrotum vidisset inquietum, clamantem, anxium, tremulum, æstu flagrantem, sudore perfusum, sanguinem e naribus profundentem, biliosa vomentem; re ita cogente, mirans & conturbatus pronunciauit, *iudicium* nunc agi de ægrotantis vita. Atque ab eo tempore hoc, quidquid est nominis, excretioni huic adhæsit & Medicorum auctoritate non minus firmatum, quam longo usu receptum, & confirmatum est. *Vid. Galenus lib. III. de crisib. cap. II.*
2. Notabilem itaque in acutis excretionis speciem *tropice* crisis dictam esse, ex dictis clarum est. Recentiores in hac allegoria ulterius progressi, simile, a foro iudiciario mutuatum, sigillatim ad statum febrientis adplicare studuerunt, ita quidem, ut constituent
 - 1) *Rei loco ægrotum*
 - 2) *Testes varia causarum & subiecti attributa*
 - 3) *Iudicem Naturam, morborum medicatricem.* Et his, debite observatis, vere demum intelligi posse contendunt, quamnam excretio *veræ* criseos nomine donanda sit; illa nimirum, quæ iusto tempore critico ita contingit, ut ægrum *absolvat*, i. e. sanitati ac euphorix vindicet. Non omnibus interim claudicans hoc simile probatur, quia *actorem* desiderant.
3. Vti præterea Prisci, quibus criseos doctrinam acceptam ferimus, ob ignoratam sanguinis circulationem, in explicandis morborum causis infeliciores fuerunt: ita in observanda crisi aliisque eo pertinentibus phænomenis solertes, curatos, immo sollicitos plane se exhibuerunt. Hinc etiam recentioribus tantum in arte præfagiendi præstant, quantum ab his in ætiologiæ morborum explicatione superantur. Licet autem hæc de crisis doctrina ex antiquorum scriptis potissi-

potissimum deriuata sit: non tamen dissimulamus, multa passim claudicare, nonnulla autem, apud nos quidem, experientiae non respondere. Quare qui de crisibus seu iudicationibus bene vult iudicare, iudiciosus & criticus debet esse obseruator. Quam enim facile hic errare possimus, ipse *Hippocrates* passim testatur.

4. Omnis crisis salutem omnino intendit, laudabilem vero huncce finem non semper adsequitur, eo plane modo, quo in aliis morbis optimam intentionem infelicius a natura exsecutam videmus. Inde tamen concludendum haud est, vniuersum hunc actum esse tumultuarium, aut, quod quibusdam visum est, absolute ac in se noxium. Nam contrarium eminet in febre ipsa. Quamquam enim pluribus molestiis stipata sit, & aliunde turbata, male nonnumquam cedat: salutarem tamen esse nemo negare debet. *Conf. tab. de febribus.*
5. Rariores autem esse veras crises in regionibus nostris temperatioribus, dudum obseruatum; & climatum situs id ipsum quoque innuit. Verum oppido frequentiores adparerent, nisi variis modis praeuerterentur, partim per malum ægrotantium regimen; partim per incongruam tractationem Medicorum, illorum in primis, qui præiudicio ducti credunt, crises, tamquam antiquorum placitum domesticum, hodie vix euenire, ideoque nec expectandas aut fouendas, nedum promouendas esse. Bene autem monuit *Stablius*: perperam hoc ita fieri a multis. Licet enim crises apud nos rarius eo modo, quo olim in *Italia, Græcia, Scythia, Lybia, Delo & Co.* eueniant: tempora tamen critica, quæ natura obseruat, a Medico negligenda non esse. Si enim vera crisis non prodit; alia mutatio se manifestat. *Vid. diff. de periculis acut.*
6. Circa criseos subiectum, respectu morbi, notandum, quosdam in ea esse sententia, vt credant: morbos acutos ordinarie leuari debere per excretiones criticas; chronicos autem per abscessus. Sed neutrum vniuersale esse, experientia pridem confirmatum est. Vtrum vero & chronici crisi iudicari soleant? vltro citroque disputatur. *Fienus in Semeio-*

meiorica part. I. Sect. VI. cap. II. etiam diuturnos aliquando crisi terminari posse adfirmat, prouocando ad casus, in *libris epid. Hippocratis* obseruatos, vbi quidam die XXIII. XXXIII. XXXX. LXXX. velut *Cleantides*, larga crisi iudicati. Monemus autem, febres tarde ad *statum* peruenientes, cum vere chronicis malis, confundendas non esse; quod tamen facit *Fienus*. *Conf.* quæ supra *de tempore criseos num. (3)* dicta sunt.

7. *Fieno* præterea adplaudit *Iac. Panc. Bruno in dog. med. gen. p. 437. 440.* & grauiter eos allucinari scribit, qui chronicis omnem crisin denegare non vereantur. Sed quia eius argumenta nihil, nisi quamdam analogiam criseos, inferunt, parum attendenda erunt. Ita refertur hydrops, per sudorem aut vomitum vmquam solutus, itemque per abdominis & scroti rupturam leuatus; porro surditas per lethargum; infania per varicum ruptionem iudicata. Quantum vero isthæc omnia a vera crisi distent, supra tradita signa & conditiones criseos abunde commonstrant.
8. Acutissimi pariter morbi, quamquam maiori iure cresium subiecta haberi possint, quam chronici: *αυρις* tamen & theoriæ legitimarum cresium conformiter loquendo, propriis cresium subiectis vix erunt adnumerandi. Si enim crisis præsignificari debet die quodam præcedente *indicatorio*; talis non haberi debet, quæ ob celeritatem a nullo die indicari potest, ac proinde neque ipse morbus subiectum criseos *proprium* constituendus est. Eo pertinet morbus Aegypto endemius *Demelmuia*, qui intra pauciores horas enecare fertur. *Vid. P. Alpinus de præf. lib. VI. cap. XIX.* Quo insuper referendæ sunt febres pestilenciales, quæ primo secundo aut tertio die interimunt. Item *sudor Anglicanus*, per 24 horas durans, & aliæ febres permalignæ, quæ breuissimi exitus sunt, quarum speciem, multos celerrime abripientem, incolæ *Lutetie Parisorum* anno 1731. experti sunt.
9. His anomaliis opportune subiungimus *cresium compositionem*, quæ de eximio naturæ robore testatur, eamque ob causam bene cedit. Memoratu dignum est, quod *Alpinus* testis au-

τοτ[η]ς retulit exemplum, de viro *Bononiensi*, qui *Venetis* cum febre ardente conflictatus, a primo die vsque ad XIII. die nocteque sanguinem e naribus emisit, & assiduo copiosoque ventris profluuiio, biliosa deiiciente, laborauit, ac die XIII. perfecte iudicatus est. Talia vero, si in debilioribus eueniunt, mature iugulant.

10. Dies criticos *ordinarios* esse VII. XIII. XX. XXVII. & XXXIII. supra iam ex *Hippocrate* indicauimus; *extra ordinem* vero quouis fere die alio crises factas fuisse, multæ tam veterum, quam recentiorum, obseruationes testantur. Quod ipsum plures permouit, vt omnes, a primo vsque ad vicesimum, criticos esse contenderent. Immo, si *Hippocratem* sequamur, pauci deerunt, quin vicenarium numerum expleant. Ipse enim *lib. I. epid. III. IIII. V. VI. VII. VIII. VIII. X. XI. XIII. XVII.* criticos declarauit. Quibus si ex obseruatione *Galen*i addantur I. II. XVIII. ceu meliores, & XII. XV. XVI. XVIII. ceu deteriores & infidos, vnicus remanebit XIII. qui tamen nonnumquam crisin die decimo quarto euenturam, anticipando ostendit; quem ad modum apud nos, æque ac sextus, *tyrannus* audit, & multos trucidare obseruatur. *Conf. Galeni lib. I. de dieb. decret. cap. IV. V. Io. Phil. Eysel Comp. semiol. quæst. CIX.*

11. Speciatim autem de *sexto* eiusque denominatione aliquid monendum; cuius indolem *Galenus* breuibus exponit: *sextum*, inquit, quanto pauciores in illo iudicantur, quam in *septimo*, tanto maligniorem inuenio, qui fere natura sua *septimo* oppositus est. Et si subinde iudicat, incredibile est, quanta cum perturbatione, periculo & metu hoc fiat, quasi æger fato sit functurus. Decernit itaque prauæ & doloſe. At *septimus* pro excretionis portione reficit magisque recreat.

12. Tyrannicam eius indolem porro declarant sequentia:

- 1) Pulsus concidunt.
- 2) Sudores sunt inæquales, particulares, frigidi; vniuersales autem si erumpunt, confestim intercipiuntur.
- 3) Quæ αῶν & κατὼ reliciuntur acria sunt & foetida.

- 4) Parotides emergunt, aliiq̃ue abſceſſus maligni, qui *nonum certamen requirunt*.
- 5) Urinæ redduntur crudæ, decolores, tenues, ſine laudabili ſedimento, iam quaſi teſtaceo, iam arenoso; copioſæ tamen ſunt in illis, qui e morbo euadunt.
- 6) Alios ſyncope corripit; aliis ſuffocatio ex immoderato ſanguinis profluuiio imminet; quidam catoc̃he vel mania prehendantur; aliis marcorem inſanabilem & pernicioſos arquatos inducit.
13. Atque hæc ſunt, quæ ex veterum obſervationibus de ferali texti diei genio addiſciimus. Inde mirum non eſt, quod huic diei *tyramni* inditum ſit nomen. Adſimilatur autem ſeptimus dies regi, ſextus tyranno: quia ille, tamquam princeps bonus concipitur, & clementior iis, quos iudicat. vel ſupplicii partem adimit, vel victoriam illuſtrat; hic autem vel perniciæ illius, quem iudicandum accepit, gaudet & ſalutem dolet, quæritque, ubi animum expleat, ac ægrum, qui in ipſum incidit, male tractet, & longa punitione exerceat. *Vid. Galenus loco citato.*
14. Infauſtus ſæpe & vere inauſpicatus eſt pariter dies *nonus* in acutis, tum præcipue, cum primum ſeptenarium citra criſin præterlapſum eſt. Die igitur *octauo*, qui ſeptenarii ſecundi primus eſt, de nouis motibus decernit natura, quorum augmentum neceſſario in *nonum*, qui nouæ hebdomadis ſecundus eſt, incidit. Si iam hoc die vel intentio morbo fortiter reſiſtendi, defecerit vel vires proſtratæ fuerint; nihil mirum, naturam tunc motibus in vniuerſum fatalem imponere finem. Hinc notum eſt veterum prognotiſcon: Si acceſſiones diebus *paribus* contigerint, *octauo*; ſi *imparibus*; *NONO* decedet æger. *Gal. lib. I. de dieb. crit. cap. XI. & in libro de atra bile cap. IV.* commemorat, in magna ſui temporis peſtilentia, multis, qui ſeruati ſunt, *nono* die eueniſſe excretiones aluinas & vomitus nigrorum.
15. Singularia eiſmodi phænomena aniam dederunt quibusdam Medicis credendi, peculiarem certis diebus ineſſe potentiam ſeu myſticam vim, qualem ſpeciatiim ſeptimo, tamquam

quam criticorum præcipuo, assignarunt. Quam ob rem *And. Laurentius in tract. de crisib. lib. III.* docet: naturam hominis miram habere oblectationem in septenarii numeri electione, quia *Deus* septimo diei bene dixerit, ab operibus quieuerit & Sabbathum in eo celebrandum iusserit. Quam vero incongruum sit, a quiete illa, qua vsus legitur *Creator*, ad actum excretorium criticum argumentari, quilibet facile perspexerit. *Actus* enim & *quies* sunt contraria: *Creator* septimo die quieuit, natura eodem vehementer laborat.

16. Incertam insuper & illam *horarum* criticarum *donauim* esse, quam ex themate natalitio elicere contendunt Astrologi, id sæpius expertus est *Bruno*, qui his rebus tanto magis erat intentus, quo plus eius Collega, *Abdias Treu*, celebris tunc mathematicum doctor, astrorum virtuti tribuere studuerat.
17. Et hac occasione deuoluimur ad problema illud; vtrum scilicet varia macrocosmi phænomena, v.g. insignes reuolutiones, astrorum adparitiones, obscuraciones in criticum actum influant, eumque alterent? Multi ex antiquis id tuto adfirmant, sed plures ex recentioribus negant, prætexentes, astrorum corpora longe esse remotiora, quam vt vim aliquam exferere in sublunaria possint. Verum si dicamus, ab astris eorumque vario positu, reuolutionibus, mutationibus, phasibus, crisin nullo modo pendere, ad accelerandam tamen & alterandam non nihil conferre posse, experientia nixi, vero non contrariabimur; cum, pro diuersitate adparitionum lunarium, motus naturæ alias quoque vel fortiores, vel remissiores obseruemus.
18. De *caussa* crisiū *efficiente*, præter alia, notari meretur illud, quod iam *Galenus* obseruauit, & ad infringendas fictiones quorundam, qui a causis physicis & mechanicis illas temere nimis & coacte deriuare contendunt, valere potest. Nimirum proxime ante excretionem criticam, & sub illius successu, ægros animo esse consternatos, aliquando sensuum & vocis expertes, tremulos, decolores & quasi agonizantes, vt etiam adstantes sibi metuant; crisi autem feliciter absoluta animo existere bene composito, quieto ac

lætabundo, qualis esse solet illorum, qui e maximis periculis euaferunt sibi que redditi sunt. Neutrum profecto materia potest, etiamsi quam subtilissimam, aut crassissimam tibi conceperis, perinde ac aliæ circumstantiæ physicæ; alias omnes ac singuli, tunc simul febrientes, *uniformiter* iudicari deberent. Nam necessitas mechanica id absolute postularet.

19. Tandem de vniuerso criseos negotio gubernando obseruandum; Medicum ad iudicationem directe & positivæ parum aut nihil conferre; turbare vero eandem facile posse. *Motus enim naturæ, inquit Galenus, statutis periodis contingunt, sed ab externis rebus prohiberi possunt.* Qua occasione Medicos sui temporis redarguit, qui nimis officiosi se exhibuerunt, & crises infauis suis conatibus conturbauerunt. Unde toties illos peccasse scribit, quoties ad ægrum accesserint. Quibus practici monentur, ut ab omnibus abstineant, quæ arduum hoc negotium vilo modo peruertere possunt. Hic semper circumspeditione opus est, quia duplici plerumque peccari solet respectu, tam ab illis, qui languentem naturam ad crisin per calida, alexipharmaca & organica excitare laborant, quam ab aliis, qui excedentes eccrises per ominosa opiata inauspicato ausu coercere satagunt. Funesta siquidem fata, quæ e vestigio consequuntur, idem abunde confirmant, quod *Galenus* cordate pronunciauit: Medicos nempe, qui per incongruas medicationes naturis graues fiant, non mereri, qui dicantur *naturæ ministri*, sed naturæ potius & ægrotantium *hostes*.

20. Quantum vero ab ægris & adstantibus hic peccari soleat, operose satis recensuit *Galenus*. Nos, non quot modis peccari possit, sed quid maxime expediat, strictim exponemus. Bene videlicet in tali statu agitur cum ægro,

- 1) Si ipse faciat, quæ a perito Medico iniunguntur.
- 2) Si adstantes in exhibendo victu, & obseruando regimine, quod sui est officii, fideliter exsequantur, neque vilo modo ad motus extraordinarios per animi pathemata occasionem præbeant. Quibus obseruatis, si signa adparuerint, quæ bene sperare nos iubent, iudicatio futura est salutaris.

TABVLA VI.

DE SANGVINE.

I. DEFINITIO.

Sanguis, docente *physiologia*, est humor heterogeneus, crassiusculus, e tribus materiis, subtili nempe *terra*, temperata *pinguedine*, & phlegmatica *aquositate* commixtus, seu est massa, *sanguine*, stricte dicto, *lympha* & *sero* constans.

II. DIFFERENTIA.

1. Quia *definitio* generalis est, & crama illud in arteriis ac venis contentum describit; explicandum quoque erit, quid *sanguis* sit stricte dictus. Per hunc autem intelligitur pars illa rubicunda terreo-salina, quæ reliquis humoribus *σφύραις*, albicantibus, instar globulorum innatat, iisque rubrum colorem conciliat. De *lympha* & *sero* vid. *Physiologia*.
2. Perplexe admodum describere sanguinem solent veteres, vt sensum seu conceptum illum, quem nos hic suppeditaui-mus, non facile quis inde eruerit. Obtulit se tamen peri-cope quædam in *Galeno*, quam cum tironibus communica-re, non inutile arbitramur. *Sanguinem*, inquit, nunc intel-ligo humorem vniuersum, qui in vasculis inest, in quo & pitui-ta, & biles, & tenues liquores continentur. Hic & melior & deterior efficitur: at is, qui *sanguis* κατ' ἐξοχὴν adpellatur, alium, præter rubrum, colorem habere non potest. Vid. eius *Comm. II. in Hipp. lib. de humorib. f. m. 18.*
3. Idem auctor alibi quoque meminit
 - 1) portionis cuiusdam in sanguine, quæ sero in lacte ex pro-portione respondeat.
 - 2) limi cuiusdam & quasi fæcis in sanguine, caseo ex lacte similis,

- 3) fibrarum, quæ si detrahantur, sanguinem concreescere non posse.
- 4) Partis rubræ ac flauæ. *Conf. lib. II. de elem. cap. II. f. 9. & lib. II. de temperament. cap. IV. f. 17. sanguini pingue, leue ac tenue inesse adserit.*
4. Sanguis ratione *indolis* generatim vel *sanus* vel *vitiosus* est.
 - 1) *Sanus* dicitur, qui nihil refert, quod dici possit præternaturale; siue colorem & consistentiam, siue odorem & saporem spectes,
 - 2) *Vitiosus*, qui in aliquo momento a sano deflectit.
5. Ratione *coloris* vel
 - 1) intense *ruber* & quasi *miniatus* est,
 - 2) ex *rubro pallescens*;
 - 3) *albicans* &, quod rarissime euenit, velut *lactens*,
 - 4) *flauus* aut *subflauus*,
 - 5) *subuiridis*,
 - 6) *cœruleus*,
 - 7) *nigricans* aut *ater*.
6. Ratione *consistentiæ* vel
 - 1) *Naturalis* seu *fluxilis* & *tenuis*, vt *capillaria* quoque penetrare valeat *vasa*,
 - 2) *præternaturalis*
 - (1) *crassus* & *lentus*, interdum *coagulo* similis,
 - (2) *nimis tenuis* & *resolutus*.
7. Ratione *craseos* vel
 - 1) *Lympha* plurimum refertus,
 - 2) *Bile* inquinatus,
 - 3) *Sero* mucido abundans.
8. Ratione *saporis* vel
 - 1) *Subdulcis*,
 - 2) *Subsalsus* aut plane *amarus*.

9) *Ratione odoris*

- 1) vel huius penitus expers deprehenditur,
- 2) vel vero ob manifestam corruptionem quodam modo foetet.

10. *Tractatio præsens, bifariam diuidenda, sistet prognostica, quæ desumi solent*

- 1) a *differentiis*, quæ *numeris* prægressis recensitæ sunt.
- 2) ab ipsis sanguinis *effluxibus*.

III. *PROGNOSIS.*A. *Generalis.**De Sanguine.*

1. Sanguis in per multis subiectis non tantum abundare *potest*, sed etiam ad vitium vsque *solet*.
2. Abundantia sanguinis, vtut optimi, grauando vires, inducendo spissitudinem, impediendo secretiones & excretiones grauiter adfligere solet sanitatem. Abundantiam enim sub otio excipit stagnatio, hæc autem abit in stasin & vltiorem corruptionem.
3. Abundantia ad vires incipere quidem potest sine corruptione, non vero diu bona permanere. Necessè enim est, vt secundum qualitatem transmutetur, & processu temporis corrumpatur. *Galenus in comm. II. in aph. Hipp. f. 310.*
4. Magna in sanguine facta corruptio non redit amplius ad habitum naturalem; vbi vero pauca contigerit, ibi superfluo prius euacuato, id quod reliquum existit, ad suam iterum naturam restituitur. *Idem. Protasis* quidem hæc est verissima, sed *apodosis* benigna indiget interpretatione.
5. *Quantitas* princeps fundamentum constituit vitiosæ *qualitatis*, seu præualente semel abundantia facile læditur consistentia & qualitas.
6. Sanguinis cum euphoria subtractio, siue per naturam, siue per artem facta, eundem abundasse clare testatur, alias eueniret contrarium.

7. Mor-

7. Morbus chronicus, cuius fomes abundans sanguis est, sine sufficientibus motibus consumptoriis, funditus extirpari nequit.
8. Sanguis est motuum instrumentum; motus autem sunt instrumentum principii vitalis. Læso igitur sanguine, necessario quoque lædi debent conseruatorii motus.
9. Quo vitiosior sanguis est, eo maiorem vitæ ac sanitati inferre valet noxam.
10. Sanguis abundans & spissus vno impetu vehementer commotus, stagnationes, infarctus & ominosas stases post se relinquit.
11. Ad vitiandam sanguinis qualitatem victus crassus & regimen incongruum in laboriosis parum; sed diætâ lauta, otium perenne & animi pathematum insolentia plurimum conferunt, turbando circulationis vigorem; quo lentius autem ista processerit, eo magis inualefcet spissitudo.
12. Quanto manifestior sanguinis spissitudo est, tanto maiori copia feri mucidi abundat.
13. Quo rubicundior sanguis est, eo plus de principio sulphureo participat. Sed phlegma mucidum abundans illum decolorem & ex rubro pallescentem, portio autem terreo-mucida prædominans nigricantem efficit.
14. Sanguis puerorum rubicundior est, quam senum, tametsi sanorum.
15. Sanguis arteriarum floridior, venarum autem teste *αυτοψία* obscurior est. Ad quem sensum reuocanda est *Galen*i adfertio, quæ sanguinem arteriarum flauum, venarum autem rubicundio rem esse adfirmat. *Vid. liber de atra bile cap. II.*
16. Biliosa colluies, prout parcius vel copiosius sanguini admixta fuerit, colorem eius naturalem mutat vel in flauum vel in viridem.
17. Sanguis *optimus*, inquit *Galenus*, accurate talis est, in quo color ruber prædominatur. *De atra bile cap. II. f. 25.* Sed *lib. I. de sanit. tu. cap. IX. f. 51.* plenius: optimus sanguis est, qui

- qui nec flaua abundat bile, nec atra, nec pituitosus, nec serofus, nec aquoso liquore permixtus. Nascitur autem eiusmodi sanguis ab exercitatione moderata & cibis boni succi.
18. Sanguis arteriarum & calidior & tenuior est, quam venarum. Vtrum vero a *Galeno, libro de usu pulsuum cap. II.* recte dicatur *halituosus*, dubio subiacet.
 19. Sanguis purus excrementoso est calidior. *Galenus de usu part. corp. hum. lib. XIV. cap. VII.*
 20. Sanguis sanus & calidus, in linguam effusus, dulcis adparet, si secundum naturam habuerit; morbidus autem amarus & falsus est, aliasue eius generis qualitates præ se fert. *Galenus de simpl. med. fac. lib. IV. cap. XVI. de atra bile cap. II.*
 21. Sanguis aqueam ostendens dulcedinem, cruditatis & multæ pituitæ signum exhibet.
 22. Qui sanguis sero destitutus, aut parca huius copia præditus est, & extra vasa cito concrescit, ille, quod vere crassus sit, luculentum testimonium præbet. Qui vero in venis iam concrescit, vltimum spissitudinis gradum adeptus est. Vidit eiusmodi sanguinem *Tiresortius* chirurgus, qui in quodam viro per venæsectionem sanguinem detrahere nequieuerat, nisi incisione ad trium digitorum transuerforum longitudinem facta. *Conf. Borellus Cent. IV. obs. 93.*
 23. Ratione temperamentorum optimus sanguis est cholerico- rum & sanguineorum, qui sani sunt. Phlegmatici autem & Melancholici secundas tenent.
 24. Mulierum albidiores sanguinem aceruare solent *tenuem*; nigriores *crassorem* & melancholicum. *Galenus de cur. rat. per sang. miss. cap. XI.*
 25. Sanguis vere foetidus e corpore vix vmquam exstillare potest, quia vita tantæ corruptioni aduersatur. Si autem contingeret, instantis exitii esset indicium.
 26. Optimus sanguis breui in pessimum conuerti potest; pessimus vero intra longum tempus non nisi ægre emendatur.

De fluxibus sanguinis.

27. Sanguis moderate profluens, venosus; at cum saltu prorumpens, arteriosus est; nisi forte venæ pertusæ arteria substrata sit.
28. E vasis capillaribus promanans tenuior est, quam qui e canalibus amplis exstillat.
29. Sanguis post effluxum non concreescens, nimiam tenuitatem & abundantem aquositatem immixtam esse declarat. Interdum vero præter naturam resolutum esse indicat.
30. Sanguis grumofus exstillans, malum eius statum nunciat, & corruptionem scorbuticam prodit.
31. Sanguis a remotis partibus effluens, nigrior adparet; a propinquis, floridior.
32. Sanguis ab aliqua parte subito & confertim exiens, secundum quosdam supponit vasis ruptionem; paulatim vero manans, erosionem. Sed differens in fluendo vigoris gradus, circulatorii potius motus intensiōne vel remissione nititur.
33. Sanguis e naribus fluens paucus, ex aliquot tantum cerebri venis; multus autem e toto cerebro exire præsumitur.
34. Hæmorrhagia parcior, quæ adhibitis medicamentis statim cessat, neque capitis dolorem coniunctum habet, ea ex naribus solum promanavit.
35. Plethoræ molestias hæmorrhagiæ naturales spontaneæ melius leuant, quam artificiales.
36. Sanguis quidem *supra* (per os, ut interpretatur *Galenus*) qualiscumque fuerit, emissus, malus; infra autem si niger deiiciatur, bonus. *Aphorif. IV. 25.*
37. Sanguinis per nares fluxus in sanis iunioribus nihil portendit mali; indicat vero plethoram & exercitationis intermissionem.
38. Sanguis exspuendo redditus, & paulo post evanescens, ut plurimum e gingivis cruentatis manavit.
39. Sanguis cum parva tussi reiectus, sæpe e faucibus habet originem;

- ginem ; qui vero sub tussi fortiori floridus & spumofus excernitur, plerumque e pulmonis rupto vasculo profilit.
40. Sanguis cum vomitu eructatus, e venæ splenicæ extremitatibus seu vasis *brevibus* ruptis in ventriculum pullulat, ac inde expellitur.
41. Inter mingendum excretus sanguis, largiter fluens, mictum cruentum indicat. Si vero parcius admiscetur lotio, læsionem vel in renibus, vel vreteribus vel vesica manifestat, & calculosis familiare est.
42. Sanguis ex intestini recti ora seu limbo manans hæmorrhoides *externas*, profundius autem ex illo erumpens, *internas* apertas esse declarat.
43. Si in iunioribus menstruatim excernatur, *internam*; si vero in proeclioribus tempore verno & auctumnali profluat, *externarum* fluxum indicare quidem dicunt, sed hæc adsertio experientiæ non vbique respondet.
44. Sanguis splendidus aluo per secessum reiectus, malo est; præsertim si dolor aliquis adsit. *Coac. 605.* Hic aphorismus nostro tempore, quo negotium hæmorrhoidale clarioris lucis factum est, multum de valore suo omisit.
45. Fluxus sanguinis, sponte natura excitatus, semper quidem salutarem finem respicit, sed ob excretorii periculosam electionem, excretionem nimiam, aut valde parcam, sæpe hoc fine excidere solet natura : hinc maiora subinde incommoda, quam leuamina consequuntur; si inprimis subiectorum dispositio, ætas ac tempus huic negotio non admodum velificentur. *Conf. supra tab. de hæmorrhag. nat. & Io. Mart. Holtzheu diss. de hæmorrhagiis naturalib. secund. nat. intention. dirigendis Erford. 1725.*
46. Sicut motus vitales erronei raro citra damnum decurrunt: ita etiam sanguinis profluvia, magis ex consuetudine quam necessitate producta, mala habent consecutaria.
47. Hæmorrhagia, inflicto venæ vulnuscule, parce aut plane non succedens, nisi nimia spissitudo subfuerit, aut timorem,

aut incisionem iusto minorem, interdum etiam syncopen, aut dimotam e situ suo venam indicabit.

B. *Specialis*

1. In *Febris*

De Sanguine.

- 1) Sanguis in febre missus, respectu *vigoris*, quem in profiliendo manifestat, vel vegete propullulat, vel lente manat : vtrumque fit vel gradu intensiori vel remissiori. Prius de auctis motibus & virium præsentia; posterius de contrario testatur.
- 2) Qui vero arcuatim & cum impetu prorumpit, motuum vitalium exacerbationem portendit. Quemadmodum sponte cessans emanatio animi deiectionem, motus progressui torporem, soporosa symptomata & sinistrum euentum præfigit.
- 3) Respectu *coloris* sanguis intensius rubens, fortiter circumactam quidem sanguinis massam ostendit, sed simul variorum accidentium syndromen denunciat, quorum quædam iam dum adfligunt, vel proxime imminet. Quo referas orgasmum, impeditam respirationem, agrypniam, inquietudines.
- 4) Sanguis flauus, vti in ardentibus biliosis observatur : ita de vitiosa bilis eccrissi & noxia cum reliquo sanguine confusione testatur. Vnde intensi ardores, sitis clamosa, faucium ac linguæ ariditas & anxietas iactationes emergunt.
- 5) Sanguis eorum, qui febre hectica detinentur, remissius rubens, & minus dilutus, ordinarie pinguedinem, qua serum supra natans obductum est, ostendit, eoque ipso lympham sub motibus assiduis hectico-febrilibus resolutam esse declarat. In sanis autem obesis nihil mali indicat.
- 6) Sanguis ex nigro viridiscens, qui male cohæret, & frustillatim quasi discerptus adparet, in contagiosis malignis malum portendit, inprimis si odor simul aduersus fuerit.

7) Qui

- 7) Qui sanguis colorem refert spadiceum, variis recrementis foedatum & ad mouendum ineptum esse arguit. Hinc de successu motuum febrilium depuratoriorum non nisi anceps formari poterit prognosticon; cum natura succumbere possit prius, quam omnem peregrinorum colluuiem ex sanguinis massa eiecerit.
- 8) Sanguis conspicuo nigrore e febrientis corpore eductus, ob secretionum & excretionum defectum, adeoque sortidium retentionem, eximiam dyscrasiam prodit, cui mederi potest febris, si motus vegeti, æquales, constantes opponantur a natura; si vero ipsa in morbi incremento aut prius torpescat, aut ad comatosas vsque anomalias deficiat, exitium adfore certum est.
- 9) Sanguis nigricans, qui aquositatem supra natantem habet, sæpius obseruatur in quartanariis sub initium.
- 10) Sanguis ex liuido obscurius viridescens, hepatis inprimis male adfecti vitium indicat, febrilem vero laborem impeditum & multis difficultatibus ante plenam eluctationem obnoxium prænunciat.
- 11) Respectu *consistentiæ* sanguis tenuis & dilutus, ceterum bene coloratus, quem spuma tegit, vna cum pulsu forti, massam humorum valde commotam esse significat; in febre speciatim æstum, sitim nimiam, respirationem difficilem &, quæ semper adnexæ sunt, anxietates, immo & mentis motiones portendit.
- 12) Sanguis crassus & spissus, vti semper omnimodæ anomalix in vitalibus, naturalibus & animalibus ansam præbet: ita in febribus acutis præcipue difficilis & sæpe funesti exitus index habetur. Si vero cito in cogulum abit, impeditiorem laborem februantem futurum nunciat.
- 13) Sanguis, respectu coloris & consistentiæ temperatus, crasin parum vitiatam, & decursum motuum febrilium expeditum promittit.
- 14) Sanguis spumans, & leui cuticula discoloris obductus

viscera inflammata esse prodit. Vnde *Galenus de cur. rat. per sang. miss. cap. XIV. In inflammatione sanguis, quia plus excalesfactus est, rubrior flaviorque existit, quam qui secundum naturam constitutus est.*

- 15) Suppurantis sanguinis indicium est carentia vtriusque coloris ruboris scilicet & nigrifici. Num ubi ruber est, inflammari; ubi ex toto niger est, neque superari neque concoqui se a natura denunciat. *Galenus in comment. ad lib. de fracturis f. m. 274. it. de cur. rat. per sang. miss. cap. XIV.*
- 16) Qui sanguis, post emissionem, fluxilitatem diu retinet, febris augmentum & nimiam humorum exagitationem indicat.

De sanguinis fluxibus.

- 17) Stilla narium, die indice, bonam crisin prænunciat; die autem critico eueniens, perniciosa est. *Galenus in Comm. ad Hipp. prorrh. f. 43. Sed quot exceptiones, respectu pernifici, hæc regula admittit?*
- 18) Perpusillæ sanguinis e naribus stillæ, damno sunt *Coac. 57.* quia sanguinem commotum & ad caput congestum, non vero satis diu restrictum, detentum & cum vigore compressum esse produnt; vnde conatus dimidiati & parum salutare. Interim hæc adsertio itidem non est vniuersalis.
- 19) Hæmorrhagia narium, iusto tempore morbi succedens, synochum soluit; continuas autem non semper leuat, nedum iudicat, si inprimis tardius adparuerit.
- 20) Qui statim sine ratione perturbantur, perugiles sunt, sanguinem e naribus stillant, sexto die alleuantur, noctu laborant, ac postridie tenui sudore correpti & in somnum delati delirant, iis largam sanguinis e naribus fluxionem adfore spes est. Ac forte etiam tale quid diluta vrina significat *Prorrh. l. 132.*
- 21) Quibus quinto die liberales sanguinis profusiones contingunt, & sexto nouo oborto rigore corripiuntur, septi-

mo perfrictionibus tentati celeriter recalescunt, iis alui male adficiuntur. *Coac.* 329.

22) Sanguinis e naribus stillationes, quæ *undecimo* die contingunt, molestiam adferunt; tum vero præsertim, si bis sanguis stillauerit. *Coac.* 337. *Prorrh.* I. 148.

23) Sanguinis ex parte aduersa præposterum profluuium, malum est: veluti si in lienis tumore e dextra nare effluat. Quod & circa præcordia eodem modo se habere exspectandum est. Maius autem malum denunciatur, si cum tenui sudore circa frontem & thoracem istud contingat. *Prorrh.* I. 125. *Coac.* 327.

24) Sanguinis eruptiones vehementes cum totius corporis perfrictionibus diebus iudicatoriis pessimæ. *Prorrh.* I. 134. *Coac.* 326.

25) In *epidemicis* largæ de naribus eruptiones fere liberant. Nam per solam hanc hæmorrhagiam iudicatus & seruatus est *Meton*, lib. I. *epid.* quamuis non tuta haberet signa. *Vid. Gal. Comm.* III. in *Hipp.* I. *epid.* æg. VII. f. 91. Hæc generatim quidem vera sunt, si autem hæmorrhagiæ extra dies criticos contingant, sæpius lethales obseruantur. Quare sequens paragraphus cum hoc combinandus est.

26) Narium hæmorrhagia in *malignis*, quæ pulsum fortem post se relinquit, & æstum magis adauget, oppido mala est, & morbum deteriorem efficit.

27) In *ardentibus* hæmorrhagia narium non absolutæ necessitatis est. *Hippocrates* enim lib. I. *epid.* obseruat, ardentes feliciter sublatas tam cum copioso narium profluuiio, quam sine illo.

28) Dum sanguis in febribus *inflammatoriis* plethoricorum in morbi principio largiter e naribus stillat, facilem decursum spondet ac æstum minuit.

29) Sanguinis e naribus eruptio quæ circa diem quartum copiose in *phreniticis* contingit, bonum subministrat præsa-
gium; sed malum, si parcius stillat,

- 30) In doloribus lateris sanguinis e naribus stillatio mala est. *Coac. 465.*
- 31) Hæmorrhagiæ narium in variolis & morbillis, tam iuniorum, quam adultorum, etsi reliquum morbi decursus sæpe satis tranquillum reddiderint: minime tamen criticæ sunt, neque semper citra noxam eueniunt, maxime quando die quarto erumpunt.
- 32) Sanguinis e naribus profusio *hecticam* febrem raro leuat, sæpe autem vires magis labefactat, quia sanguinem præcipuum motuum instrumentum subtrahit.
- 33) Qui *intermittentibus* corripuntur, & sub initium portionem sanguinis, quo abundant, e naribus demittunt, facilius morbum superant.
- 34) Vbi sanguis e naribus effluit, cum tenuibus sudoribus & corporis totius perfrictione, morbi malignitas & perniciēs denunciatur. *Prorrh. I. 126. Coac. 342.*
- 35) Quæ magnæ sunt in *principiis* sanguinis eruptiones, dum ægri vires recolligunt, aluum effundunt. *Coac. 335.*
- 36) Larga, vehemens & multa sanguinis e naribus eruptio, per vim suppressa, interdum ad conuulsiones deducit, ex quibus venæsectio liberat. *Prorrh. I. 145. Coac. 336.*
- 37) Quibus pauca sanguinis e naribus stillatio, cum surditate & torpore obueniens, molestiam quamdam exhibet, iis vomitio & alui perturbatio confert. *Prorrh. I. 141. Coac. 334.*
- 38) Quibus, ex larga & frequenti sanguinis eruptione, copiosa fit nigrorum deiectio, cum alui vero suppressione sanguinem profundunt; iis aluus dolore conflictatur, vna autem cum quibusdam flatibus tolerabilius ferunt. Ac forte in copiosis frigidis sudoribus diffluunt. In his returbata vrina mala non est, neque quod in ea insidet genitali semini simile. Vt plurimum autem hi dilutas vrinas reddunt. *Coac. 333.*
- 39) Hæmorrhoidum & mensium fluxus, hæmorrhagiæ narium iunctus, anceps in febribus constituit præsagium.

2. *In aliis morbis**De Sanguine.*

- 1) Vti bene coloratus & debite dilutus sanguis bonum sanitatis statum declarat: ita nigricans & spissus vitium confidentiæ & craseos, impeditas secretiones & excretiones, malum hypochondriacum, hystericum & splenicum prodit, cum quibus alia consueta symptomata coniuncta sunt, vt melancholia, cephalalgia vertiginosa, præcordiorum angustia, cordis palpitationes, phlogoses, flatulentia, alui obstipationes, aliaque primarum viarum anomalie.
- 2) Sanguis saturate ruber, & sero dilutus, cum striis lacteis, in homine, ceteroquin sano, victum plenum, otii libertatem & abundantia vitium arguit.
- 3) Sanguis intense rubens, cum spuma, molimina ad hæmoptysin, si ætas conspirat, denunciat. Alias vero asthmatica pathemata prodit, præcipue si non æqualiter cohæreat, & serum discolor supernatans ostendat.
- 4) Sanguis bene coloratus, tenuis & spuma præditus, qui tardius coagulum format, articulorum dolores spasticos arguit.
- 5) Sanguis superne ruber, in fundo nigricans & coagulatus, sine sero, aliquando podagræ aut hemiplexiæ habetur indicium; licet hoc signum non sit vniuocum.
- 6) Sanguis inæqualiter rubicundus & spumans, passim grumolus & serum sordidi coloris dimittens, deliria & interdum maniam nunciat.
- 7) Sanguis ex viridi nigricans, de melancholia, ira, mœrore & vitiata bilis eccrissi testari solet. Aliquando thermarum proposterum vsum excipit.
- 8) Sanguis decolor & mucidus, a quo serum & pars gelatinosa promte separantur, hydropis aliarumque hæmorrhagiarum suppressarum adeoque status cachectici index est.

- 9) Sanguis nigricans, minus dilutus, serum tardius dimittens & facile grumescens, scorbuticæ corruptionis indolem manifestat.
- 10) Sanguis ex spadiceo nigricans, mucidus, fero flauo & cuticula obductus, scabiem denunciat.
- 11) Sanguis discolor, qui promte cuticula obducitur, quæ æque diuerfos colores refert, primarum viarum vitia, hepatis & glandularum meseræi indurationes prodit.

De sanguinis fluxibus.

- 12) Hæmorrhagia narium iuniorum plethoricorum, quo magis periodica est, eo minus aliquid mali nunciat.
- 13) Hæmorrhagia narium cephalalgiam, a congestionibus ortam, cum euphoria soluit.
- 14) Tenebricosas vertigines, circa initia, sanguinis ex naribus fluxio soluit. *Coac. 341.*
- 15) Hæmorrhagia narium quo frequentius contingit, eo minus leuaminis adfert, quia ad varias motuum anomalias disponit.
- 16) Sanguis, durante conuulsione, e naribus prorumpens, malum.
- 17) Hæmorrhagia narium largior in illis, quæ strangulatione vteri vexantur, leuamini cedit. Non minus mulieri, quæ mensium defectu laborat, sanguis e naribus profluens bono est. *Hipp. Aph. V. 33.*
- 18) Qui statim temporibus sanguinem fundunt, si siticulosi sint, molestiam ac virium exsolutionem sentiant, nec sanguinem effuderint, in morbum comitiale transeunt. *Prorrh. I. 131.*
- 19) Qui suppressa aluo sanguinem e naribus fundunt, & vna cum sanguinis profluo subinde rigent, iis aluus intestinorum læuitate laborat aut ascarides infestant, aut vtrumque. *Coac. 344. Prorrh. I. 138.*

- 20) Quibus cum surditate & torpore paucus e naribus sanguis stillat, nonnihil molestiæ exhibet, iis vomitus & alui perturbatio confert. *Coac. 334. Prorrh. I. 141.*
- 21) Quibus capitis ac ceruicis dolor & totius corporis impotentia cum tremore adest, ab iis sanguinis eruptio liberat. Quin etiam ista tempore dissoluuntur. *Prorrh. I. 152.*
- 22) Quibus lumborum dolor in caput & manus recurfat, & torpore adfecti oris ventriculi dolorem sentiunt, tenuibus ac serosis humoribus abundant, ii liberaliter sanguinem profundunt. *Prorrh. I. 139.*
- 23) Vbi aluus intercepta est, & arcte conclusa paruaque & nigra caprarum stercoribus similia, nec nisi coacta emitit: hoc casu sanguis e naribus erumpens periculo est. *Prorrh. I. 41.*
- 24) Quibus sanguinis eruptiones diu perseverant, in iis temporis progressu aluus male adficitur, nisi vrina concocta prodierit. Ac fortassis tale quid vrina diluta denunciat. *Prorrh. I. 133. Coac. 332.*
- 25) In præcipiti malo, quæ post sanguinis eruptiones & nigrorum per aluum refusiones surditas obuenit, malum denunciat. In his sanguinis egestio perniciem adfert, surditas autem soluit. *Coac. 331.*
- 26) Sanguis ex gingiuis cum humecta aluo profluens, perniciem minatur. *Coac. 241. 648.*
- 27) Spinæ peruersionem & spirandi difficultatem sanguinis fluxus liberat *Coac. 311.*
- 28) In pulmonum vitiis supra modum rubræ sanguinis stillæ malum denunciant. *Coac. 412.*
- 29) Diuturnis in morbis parux adparentes sanguinis e naribus fluxiones perniciem ostentant. *Coac. 340.*
- 30) Qui spumantem sanguinem euomunt, partibus infra septum transuersum dolorem nequaquam sentientibus, iis ex pulmone vomitio fit. Ac quibus quidem insignis in

eo venæ ruptio fit, copiosus vomitione reicitur, periculumque imminet; quibus vero minor, minus reiciunt, & maiorem sanitatem promittunt. *Coac. 433.*

- 31) Sanguis multus & confertim exiens per os, post vociferationem, aut cantus, ex pulmone prorumpit, si bene coloratus fuerit ac tenuis: si vero cum tussi, difficultate & dolore excernitur grumofus & niger; e thorace venisse indicium est, si præcipue dolor in illo, vel in latere præcefferit.
- 32) Si thoraci vulnus inflictum fit, & sanguis per os exeat, vulnus penetrans esse declarat. Et licet non vsque in pulmonem: tamen in thoracis cavitatem penetrasse, credendum. Nam ex thorace imbibi aliquando in pulmonem sanguis potest, sed difficulter, vnde potius pulmonem simul vulneratum esse, coniiciendum. *Fienus.*
- 33) Quando sanguis per os & nares exit, & casus, vel percussio supra caput, aut vulnus præcessit; tum cranium plerumque fractum & meninges læsas esse indicat.
- 34) Qui ex vulnere subinde rigentes sanguinem profundunt, ii maligne habent ac inter loquendum derepente moriuntur. *Coac. 328. Prorrh. I. 128.*
- 35) Sanguis serofus vulnerato thorace exiens, indicat, pericardium esse læsum. Si vero vulnus est in hypochondriis, & sanguis inde manat cum chylo, ac insuper redditur per vomitum; ventriculum vulneratum prodit.
- 36) Hæmorrhoides, in sanis legitime fluentes, a variis morbis præferuant, & medicinæ vices explent. Nimius autem earum fluxus animi deliquia, hydropem & apoplexiam infert.
- 37) In apoplecticis, qui non male habent in ultimo gradu, hæmorrhoides mature superuenientes, & largiter fluentes, vtilis sunt. *Coac. 478.*
- 38) Hæmorrhoides in subiectis, quæ polypo cordis affliguntur, leuamen adferunt.
- 39) Hæmorrhoidum fluxus mensibus, per ætatis rationem
dispa-

disparentibus, succedens & cum euphoria continuans, illorum non modo defectum refarcit, sed senectutem quoque a morbis pæne liberam pollicetur.

- 40) Si sanguis exeat multus ab ano, permixtus fæcibus, ab hepate vel meseraicis venis provenit seu hæmorrhoidalis est. Nam qui venit ab intestinis, semper est fæcibus permixtus. *Fienus.*
- 41) Sanguis serofus, vel loturæ carnis similis, deiectione exiens, non semper necessario est fluxio hepatica, sed potest esse hæmorrhoidalis, si præcipue subiectum sit cachecticum, & venas ani tumentes ac dolentes habeat: si vero ista desint, hepatis vero grauitas & faciei pallor conspicua se offerant, hepaticum fluxum esse credatur.
- 42) Mensium vices si hæmoptysis expleat, minime tutum est.
- 43) Quibus prægnantibus, ad tabem inclinantibus faciei rubor exoritur, hunc stillationes e naribus auertunt. *Coac. 524.*
- 44) Muliebria purgamenta non subsistere, vtile; ac forte ex talibus comitales morbi oriuntur, partim vero diuturnæ alui subductiones, partim etiam hæmorrhoides. *Coac. 522.* Sed mulieri, sanguinem vomitione reiicienti, menstruis erumpentibus solutio contingit *Aph. V. 32.*
- 45) Adparentibus mensibus crebræ soluuntur oculorum caligines. *Coac. 522.*
- 46) Menses in gravidis erumpentes, vel foetum imbecillem, vel abortum præagiunt.
- 47) Cum sanguis per virgam exit sine vrina; tum maxime ab ipsa virga provenit, in primis post instrumentum illi intratum.
- 48) Si vna cum vrina excernitur sanguis paucus, & lotio perfecte non mixtus, ac statim subsidens, a læa vesica ortum habet; præcipue si dolor in perinæo perceptus sit.
- 49) Sanguis vrinæ intimius permixtus, & tardius subsidens,

e renibus promanat. Hinc *Hippocrates Aph. IV. 77. Qui sponte sanguinem cum vrina effundunt, iis venulam in renibus ruptam esse significat.*

- 50) Si quis sanguinem & grumos cum vrina fundat, & stranguriam habeat, dolorque in hypogastrium incidat; tum ea, quæ ad vesicam attinent, laborant. *Hipp. Aph. IV. 79.*
- 51) Omnis fluxus sanguinis nimius, ac diu durans, perniciem adfert. Cachexia enim, hydrops, virium exsolutio, singultus, conuulsio, desipientia, tremor & mors sequi solent.
- 52) Paucus sanguis pituitosus, sine frequenti desidendi conatu, sed cum difficultate & dolore circa os pubis aut latera ventris, e regione ventriculi excretus, vlcus prodit in colo; vnde sanguis etiam manat.
- 53) Sanguis aliquamdiu post perceptum dolorem circa umbilicum, per aluum reiectus, & facibus permixtus, vlcus in intestinis superioribus arguit, præcipue si parua quantitate & post pituitæ aut ramentorum pinguedinis eiectionem excretus sit.
- 54) Sanguinis fluxus per vasorum disruptionem contingens, periculosissimus habetur. Nam ante, quam vasa consolidentur, æger aut moritur, aut in maximam debilitatem coniicitur.

IV. OBSERVATIONES.

1. Diagnoses æque ac prognoses hæmorrhagiarum tam naturalium, quam præternaturalium, a priscis Medicis plures formatas esse, *Hippocratis* & discipulorum quorundam scripta semeiologica, operibus illius inserta, satis attestantur. Quantaque cum adcuratione *Galenus* in id opus incubuerit, amplius ipsius loquuntur commentaria. Signa autem ex sanguinis colore, consistentia aliisque eius accidentibus, tam diagnostica, quam prognostica, recentiores maximam partem adnotarunt, & in artis formam redigere conati sunt; opera non quidem temnenda, vtilitate tamen longe inferiori, si cum illo comparaueris vsu, quem e fluxuum sanguinis conside-

sideratione, respectu temporis, modi, quantitatis, frequentiae, subiectorum & commodorum, quae inde pendent, haurire licet.

2. Interim diffidendum non est, dari quasdam in veterum Medicorum pandectis obseruationes, quae ceu vestigia hæmatomantiae respici possint. v.g. *Galenus libro I. de arte curat. ad Glaucum cap. XI.* iubet: vt si vena incisa sanguis fluat *niger* atque *crassus*, qualis præcipue sit in illis, qui liene laborent, illum audacius esse mittendum: quod si *flauus* aut *tenuis* conspiciatur, statim supprimendum. *Idem in libro de atra bile cap. IV.* morbos ex calida & sicca intemperie ortos, sanguinem efficere *nigrum* & *crassum*. Et *libro V. de locis adfectis cap. VII.* obseruat, *pituitosum* sanguinem inueniri in illorum corporibus, qui morbis laborent, quos Græci anasarcas & leucophlegmatias adpellare consueuerint.
3. Antiquissima venæsectionis consuetudo, quæ vltimis sæculis apud quasdam nationes ad vitium vsque inualuit, & quorundam in huius remedii vituperium edita scripta multum tribuerunt, vt isthæc Semeiologiæ particula, videlicet *hæmatomantia*, reliquis adderetur. *Priorum* siquidem ministerio factum est, vt sanguis, affatim missus, oculis sæpissime spectandus subiiceretur; *reliquorum* autem inuectiue aduersus venæ sectores, & hyperbolicæ sanguinis laudes, id effecerunt, vt quamlibet circumstantiam alterati coloris, consistentiæ, saporis, odoris, eo curatius obseruarent ii, quibus præsentia manifestare, futura vero prænunciare cordi fuit.
4. Atque hoc ipso, præter suam intentionem, dederunt sanguinis patroni ansam obseruandis phænomenis, quæ artem, ex sanguine præsciendi, perfectiorem reddere potuerunt. Quo enim plures morbos secundum periculotam suam indolem & varia symptomata, beneficio inspecti sanguinis, dignoscere licuit, eo frequentius apertæ sunt venæ; quia curiositatis stimulus maiora indies apud hæmatomantiae cupidos sumebat incrementa, ringentibus licet *Helmontio*, *Thomsonio*, *Gebema*, *L. A. Portio*, *Th. Craanenio*, *Bontekoe*, *Overkampio* aliisque, qui sanguinem potius in aurum & thesaurum

vetere, quam subtractum videre volebant. In hunc vero errorem delapsi non essent, si aliud quoddam placitum, oppido falsum, fundamenti loco non substraussent: *non dari nimirum plethoram.*

5. Cum igitur hodie venæsectiones ab ingenti hominum numero quotannis tam prophylactice, quam therapeutice celebrentur: tum vix inuenietur quisquam, qui non præscire gestiat, in quo statu sit eius sanitas, & quantum spei de constante in posterum euphoria concipiendum, aut quid malorum impendentium metuendum. Hinc barbæ tonsores & balneatores diuinationibus e sanguine formandis, diligenter student, vt venæsectione administrata de humorum conditione iudicare, & sic maiorem sibi existimationem comparare possint.
6. Quamquam autem de hoc argumento meletematibus semeiologicis inferere quid voluerimus: præstat tamen ignorantiam in his vaticiniis confiteri, quam fucosas merces expromere. Ceterum tirones tam in optimo sanguine conseruando, quam in vitioso corrigendo, magis rationem habeant caussarum sanguinem alterantium, quam signorum indicantium, ex quibus illa tantum confirmantur, de quorum certitudine constare solet, sanguine licet oculis non perlustrato.
7. Quanta cum circumspectione hæmorrhagiarum negotium tam in febribus, quam in aliis morbis tractandum sit, de illo amplissimus hoc quidem loco se aperiret campus; sed quoniam speciales cautelas tam in *Pathologia*, quam in *Consp. med. theoretico-practico* pluribus tabulis iam exhibuimus, easdem hic repetere nihil attinet,
8. Hoc interim adnotasse non pœnitebit, hæmorrhagias quasdam suis omnino stipatas esse molestiis, sed ideo non semper medicaminibus oppugnandas esse. Nam aliquæ ex illis tolerantiam poscunt; non nullæ prouide foueri volunt; aliæ vero Medici subsidiariam expectant operam, quæ vel in motuum vehementiorum moderamine, vel in segniorum leni excitatione, & generatim in naturæ a tramite deflectentis reductione consistere solet.

TABVLA VII.

DE

SVDORE.

I. DEFINITIO.

Sudor, *materialiter* sumtus, est portio feri subtilioris, excrementitii & noxii, per cutis poros exprimendi. *Formaliter* autem est actus naturæ depuratorius, quo serum, modo dictum, sub vegeta sanguinis circulatione ad peripheriæ perspiracula adpellitur, atque per ipsos poros, relaxatos & patulos, in forma iam vaporosa, iam aquea expellitur.

II. DIFFERENTIA.

1. Sudor contingit

- 1) Vel in statu *naturali*, & tum *præseruus* dici meretur.
- 2) Vel in *præternaturali*, vbi *curatiuus* adpellari solet.
- 3) Ipse ceterum sudor vel maxime naturalis excretio videtur, in quocumque tandem statu contingat; nisi sit *sanguineus*.

2. Ratione *indolis* & *effectus* sudores sunt vel

- 1) *Reficientes*, alleuantes, februant. Schweiß, nach welchen einem ganz wohl und leicht wird; vel
- 2) *Debilitantes*, qui vires frangunt, & insignem ad motus voluntarios ineptitudinem seu impotentiam delassantem post se relinquunt; vel
- 3) *Colliquatini*, ita vocati, quia cum sero etiam lymphâ pinguior, sub assiduis motibus liquata, per poros penetrat. In hoc enim statu non solum sanguis nimium resolutus sed tonus quoque ita relaxatus est, vt crassiuscula lymphâ simul per peripheriam elabatur; vel

- 4) *Exitiales* acuti, quales fuerant sudor *Anglicus* & ante quadriennium deleterius ille *Parisiensis*, aliique importune copiosi in malignis.
3. Ratione *loci* in quo erumpunt, notantur
 - 1) *Vniuersales*, quos e totius corporis peripheria prolici animaduertimus.
 - 2) *Particulares*, qui v. g. in fronte solummodo, alterutro latere, collo, ceruice, pectore, cruribus, manibus ac pedibus obseruantur.
4. Intuitu *originis* occurrunt sudores
 - 1) *Spontanei*, qui quotidie sub auctiori transpiratione sensibus se offerunt
 - 2) *Artificiales* seu medicamentis hidroticis prolecti, de quibus in hac *tabula* directe non agimus.
5. Respectu *valetudinis* & *temporis* contingunt vel
 - 1) In statu *sano*, præcipue sub exercitatione corporis & sub somno; vel
 - 2) In statu *præternaturali* seu *morbido*; iam interdiu, iam vtrouis tempore; quemadmodum in statu naturali nonnulla subiecta occurrunt, quibus perpetuo adsunt sudores, e. g. manuum, pedum; vel
 - 3) *Periodici*; qui
 - (1) *Vere* in primis, vel *auctumno*, tempore vt plurimum matutino, largiter erumpunt, & euphoriam adferunt.
 - (2) Qui in *acutarum* vel principio, vel statu, vel declinatione prorumpunt.
 - (3) Qui in *intermittentibus*, decrescente æstu, cientur, & commode *typici* vocari possunt.
6. Ratione *odoris*, *coloris* & *consistentiæ* sunt vel
 - 1) Minus olidi, minus tingentes, tenues; vel
 - 2) Flauī, viridis, niger. *Conf. Acta Hafn. Vol. I. obs. 70. foetidi crassiusculi & viscedinem præ se ferentes. Alebrichte Schweisse.*

7. Nos hic præcipue attendimus sudores

- 1) *Criticos*, qui in acutis die quodam decretorio eueniunt, & febrem frequenter integre soluunt.
- 2) *Symptomaticos*, qui plerumque mortem prænunciant, adeoque nihil plane leuaminis adferre possunt, quia turbulentorum ac ominosorum motuum sunt consecutaria. Qui ceterum plures desiderat sudorum differentias, is *Iul. Cæs. Baricellum a S. Marco* conferat, qui de *hydronosa natura*, seu de *sudore humani corporis*, libris quatuor ita commentatus est, vt non solum de origine, differentiis & præfatio, sed etiam de vsu, adparatu & curatione sudorum disseruerit. *Neapoli 1614.*

III. PROGNOSIS

1. *Generalis*

- 1) Qui sudores non obseruant, magno præfagiendi adminiculo semetipsos priuant. Vti enim sudorum magna efficacia est in corpore conseruando & curando: ita in prænunciando egregium habet vsum.
- 2) Sudore facile perfunduntur, quorum sanguis serofus, calor abundans & habitus spongiosus aut laxior est, in primis si corpus exerceant.
- 3) Laboriosi vti facile perspirant; sic tardius sudant, quia habitus eorum strictior est, & pori angustiores sunt. Multum quoque tribuendum consuetudini.
- 4) *Eυσαρξοι*, obesi, exercitiis non adfueti, promte largiterque sudant, quia quælibet leuior motitatio negotium facessit; vnde cito delassati si porro mouere instent, copiosum sudorem eliciunt.
- 5) Serum quando tenue & vegetus motuum successus adsunt: tum sudor facillime promouetur.
- 6) Sudor viscidus provenit a sero lento; tenuis a sero attenuato & aquoso. Ille viscerum obuiscationes minatur; hic vero contrarium spondet.

- 7) Aestiuo tempore, ob peripheriæ relaxationem, copiosiores cientur sudores, quam hiberno, vbi cutis, tonice constricta, difficiliter sero transitum concedit.
- 8) Sub nimio aestu, & post eundem, minuitur sudoris excretio. Quo plus enim feri exhalat, eo spissiores fiunt humores, qui hoc modo tenui sero priuati & crassiore permixti sunt, quod ægre cutim penetrat. Hic autem excipiuntur laboriosi, in quibus motus spissitudinem prohibet, & copiosus potus defectum compensat.
- 9) Sudor copiosus ex somno, citra manifestam causam obortus, corpus copiose nutriri significat. Quod si cibum non adfumenti contingat; status est præternaturalis, qui indicat, opus esse vacuatione. *Aph. IV. 41.* Interdum hecticam significat. *Fienus.*
- 10) Sano enim sudor immodice contingens, morbum portendit: ætate quidem minorem; frigore autem maiorem. *Hippocrates in lib. de cris. f. 22.*
- 11) Sudor multus, & citra manifestam causam fatigans, semper ominosus est.
- 12) Sudor ex toto corpore melior est, quam ex aliqua eius parte. Indicat enim humores a natura æqualiter distributos, & vias patulas.
- 13) Sudor frigidus nūquam bonus. Nam caloris defectum, toni vitalis relaxationem & energiæ in corpore agentis cessationem ominosam significat. Ab hac autem regula paululum recedunt sudores illi frigidi, quos in purpura præcipue chronica hodie copiosos & innoxios obseruamus. *Conf. obs. 7.*
- 14) Qui multum bibunt, sæpe plus quam reliqui sudant. *Fienus.*
- 15) Dicit quidem *Hippocrates Aph. IV. 38.* vbi in corpore inest sudor; ibi morbum esse enunciat. Sed quotquot hunc aphorismum sibi explicandum sumserunt, nec sibi nec aliis satisfacere potuerunt. *Galenus in comm. ad hunc loc.* verbis difficultatem non soluentibus, prolatis, vltius progressus,

sius, thesin in dubio relinquit, & recentiores plane contrarium obtinere demonstrant. In acutis enim malum in toto dispersum esse solet, quare sudor frontis aut ceruicis inibi malum hærere non probabunt, licet copiosiores adpareant.

16) Sudores sensim procedentes, aut vniuersim effusi, iuant. Sed quæ affatim fiunt sanguinis detractiones, nocent. *Coac. 360.*

2. *Specialis*

1) *In Febris.*

(1) Sudor in febribus acutis multus & copiosus damno est. *Prorrh. I. 58.* Hæc prædictio a falsitate vix potest liberari. Licet enim sudores copiosi *extra* diem criticum in non nullis acutis suspecti sint: hæc tamen *Hippocratis* prognosis nimis est generalis, & hanc exceptionem concernere dubitandum est. Quod dubium per alia loca, quæ sudori in acutis minus fauent, magnopere augetur. Ex his præcipue verba in *Coac. 574: Sudor una cum febre, acuto morbo urgente, malus*; interpretes *Hippocratis* multum fatigarunt.

(2) Febricitanti si sudor contingat, non deficiente febre, malum. Prorogatur enim morbus multamque significat humiditatem. *Aph. IV. 56.* Non raro autem aliam causam, difficile superandam.

(3) Sudor, qui cum acuta incipit, malum ominatur; si præcipue subinde exardescat & vires fatiscant.

(4) In febribus tenuiter exsudantes, cum capitis dolore & aluo intercepta, ad conuulsiones proni sunt, *Prorrh. I. 115. Coac. prænot. 154. 177.*

(5) In grauibus malis tenues maxime circa caput sudores oboriri, & corporis incontinentia iactari, malum indicat. Tum vero præcipue pernicies intenditur, si ista cum vrinis nigris contigerint, & spiritus magnus ac concitatus adfuerit. *Prorrh. I. 39. Coac. 42. 53.*

- (6) *Riuerius* quidem dicit, sudores *affiduos*, siue modicos, siue profusos, in acuta esse malos: sed hæc prognosis sensu ad modum discreto explicanda est.
- (7) Acute & grauitate mente emotis, si febris iterum repetat cum sudore, phrenetici euadunt. *Prorrh. I. 15.* Huic itidem prædictioni non promiscue fides habenda est.
- (8) Qui æstum sentiunt & progressis deiectionibus, sudoribus tenuibus diffluunt, iis febris ingrauescit. *Coac. 646.* Obscuram hanc prædictionem aliis explicandam relinquimus.
- (9) Qui in febre non intermittente tenuiter & crebro exsudent, cum præcordiorum distensione, ii vt plurimum maligne habent; atque in his dolores, in *humeri caput ac iugulum* adfixi, prauis sunt. *Coac. 32.*
- (10) Post hæmorrhagiam narium, ex tenuibus sudoribus perfrigescentes, male habent. *Coac. 40.*
- (11) Quibus adsunt superiorum partium tenues sudores cum perfrictionibus, non sine febre, iis, corporis incontinentia & phrenitide vexatis, præceps periculum denunciant. *Coac. 69.* Et *Galenus in comm. III. ad lib. I. prorrh. f. 65.* cum omnis desudatio demonstret vel copiam in sudantibus partibus, vel facultatis retentricis imbecillitatem: vtrumque eorum in locis tum thoracis, tum capitis deterius est signum, quam si in alia quapiam parte fuerit. Stases enim humorum in hisce duabus cauitatibus maius periculum inuoluunt, quam in reliquo corpore.
- (12) Sudores qui cœperunt quidem, sed protinus cessant, prauis sunt. Adparet enim excitatio molesta naturæ, expellere conantis, sed ob imbecillitatem exsequi nequeuntis, quod proposuerat. *Galenus comm. I. ad prædict. Hipp. f. 43.*
- (13) Quibus circa initia tenues suboriuntur sudores, & urinæ concoctæ emittuntur, cum magna totius corporis

ris æstuatione, si præter rationem perfrigescant, & rursus celeriter perurantur, & torpore, sopore aut convulsione tententur, ii perniciose adfecti sunt. *Prorrh. I. 102.*

- (14) Sudores, vomitus, alui excrementa, tumores post aures, sanguinis profluuia, si tempore cruditis seu in morbi principio adparent, numquam salutariter morbum finiuerunt. *Gal. lib. I. de crisib. cap. VIII.*
- (15) Quibus, vbi inhorruerint, iudicatorii simul sudores contingunt, postridie vero, si horror repetierit, & temere peruigilent, iis forte sanguinem erupturum sperare oportet. *Coac. 24.*
- (16) Sudores illi sunt optimi, & citissime febrem sedare censentur, qui decernentibus diebus contingunt, & febrem ex toto finiunt. *Hipp. lib. de crisib. f. 20.*
- (17) Sudor optimus sane, qui febrem die iudicatorio tollit. Vtilis autem, & qui alleuat. Malus vero frigidus & vbi caput duntaxat, & ceruix insudat. Nam & temporis diurnitatem & periculum denunciat. *Coac. 572.*
- (18) Boni etiam æstimandi, qui ex toto corpore proueniunt, & leuiorem morbum reddunt. Qui vero horum nihil præstant, inutiles sunt, si contingant. *ibid.*
- (19) Sudores febricitantibus boni, qui cœperint die 3. 5. 7. 9. 11. 14. 17. 21. 27. 31. 34. Isti enim sudores morbos iudicant. Qui vero tales non sunt, laborem & morbi reuersionem significant. *Aph. IV. 36.*
- (20) Sudor frigidus cum acuta febre exitium; cum mitiore vero diurnum fore morbum significat. *Coac. 573. Aph. IV. 37.*
- (21) Sudores in epidemicis particulares quamuis perpetui sint; anceps valde omen præbent. *Vid. Hipp. lib. I. epid. statu I. f. 14.*
- (22) Sudores conferti & copiosi neque in morbillis, neque variolis sponte erumpunt; neque concitati multum

tum commodi adferunt; intempestiue prouocati etiam periculum. *Stablius in probl. pract. p. 12.*

- (23) Sudores omnibus febribus proprii & præcipue *incontinentibus*. Iuuant autem non parum & efferuentes inflammationes, quando vna cum concoctionibus emanauerint. Iudicant etiam *quotidianas* cum vomitibus, excrementis alui pituitosis; *quartanas*, si atra simul ac varia excernantur; *semitertianas*, si biliosa simul & pituitosa exierint. *Galenus lib. III. de crisi cap. III. f. 141.* Sudores iudicare hepatitidem in *Consp. med. tab. LXVI.* notauimus.
- (24) Sudores frigidi in ardentibus & viscerum inflammationibus, pessimi. *Conf. obs. 7.*
- (25) Sudor in acutis foetidus, exitialis.
- (26) Sudoris & rigoris alternationes repetitæ malum denunciant. Ille autem si hunc sequitur, bonum; sed in vicem versam facta mutatio funestum exitum portendit.
- (27) Si eodem tempore in acutis & grauib. morbis sudor & alui fluxus iunctim eueniunt sine leuamine, æger plerumque moritur, aut perniciosè laborat.
- (28) Cum æstas veri similis fuerit, in febribus sudores expectare oportet. *Aph. III. 6.*
- (29) In febre hectica sudor graueolens malum: tanto magis, si simul copiosus fuerit. Sed neque periculo caret sudor parvus; quemadmodum vere colliquatiuus instantem mortem nunciat.
- (30) Sudores largi in febre lenta conducunt, sed nimia siccitas, seu aridus æstus, cum corporis extenuatione, metamorphosin hecticam minatur.
- (31) Sudoris in *lentis* febribus suppressionem excipiunt subinde phlegmonodeæ translationes ad partes externas. *Consp. med. theor. pract. tab. LXIX.*

2) *In aliis Morbis.*

- (1) Morbi, qui intra quadragesimum diem non iudicantur, diuturniores fiunt. Et hi non admodum solent per sudores iudicari, sicut neque per alias excretiones, sed vel per concoctionem, vel per abscessus. *Galenus comm. IV. in aph. Hipp. 36.*
- (2) Sudor copiosus, calidus aut frigidus, semper fluens, frigidus maiorem, calidus minorem morbum significat. *Aph. IV. 42.*
- (3) Sudor multus, calidus aut frigidus, semper fluens, humoris copiam inesse significat. Hæc igitur robusto superne, debili inferne deducenda est. *Aph. VII. 63.* Executio huius methodi circumspectionem omnino exposcit.
- (4) Ex sudoribus peruigiles, & ad calorem reuocati, male habere iudicantur. *Prorrh. I. 68. Coac. 41.*
- (5) Sudor frigidus in fronte erumpens, de molestiis cardialgicis, instante, vomitu, vrina, aluo, flatibus, ex verecundia retentis, testatur; interdum doloris exacerbationem, aut obiecti aduersi difficilem tolerantiam innuit. Quemadmodum quosdam vidimus, qui ad felis, quamuis absconditæ, præsentiam, & post caeseum conspectum frigide sudauerint.
- (6) Qui crebro tenuiter exsulant, ac subinde rigent, ii perniciose habent, & tandem sub mortem suppurati, & aluum conturbatam habereprehenduntur. *Coac. 10.*
- (7) Ex diuturno ventris adfectu, vomentibus biliosis, cibum auersantibus, copiosus sudor obortus, cum repentina virium impotentia, lethalis. *Coac. 637.*
- (8) In humecta aluo perfrictio cum sudore vitiosa. *Coac. 647.*
- (9) Sudores particulares, tametsi copiosi, nihil fidi significant; verum post antepilepticorum vsu in fronte largus sudor erumpens, de medicamento, ex voto operante, indicium præbet.

- (10) In crebris & tenuibus ex dorso horroribus tenuiter exsudantes ægri moleste habent. Laboriosa quippe vrinæ interceptio significatur. In his tenuiter exsudare malo est. *Coac. 46.*
- (11) Sudor anxius, quamquam largiter erumpat, parum aut nihil utilitatis adfert.
- (12) Quos ex lateris dolore cibi fastidia comitantur, iis os ventriculi aliquantum dolet; & sudoribus disfluunt. Vbi autem facies velut ruboribus efflorescit, & aluus est liquidior, pus in pulmonibus collectum habent. *Coac. 423.*
- (13) Sudores hypochondriacorum largiores, spontanei, eo maiorem mali exacerbationem indicant, quo diutius continuant & anxietates sibi iunctas habent.
- (14) Sudores spontanei in illis, qui arthritide & podagra vexantur, leuamen adferunt, si extra paroxysmum contigerint; in illo autem inutiles.
- (15) Qui morbo regio laborant, & multum aquositate exsudent, in illis febris quidem augetur, sed salutare leuamen non sequitur; lenior autem diaphoresis, sub qua sudor flauus exit, conducentior est.
- (16) Sudationes hydropicorum, in quibus viscera adhuc illæta sunt, non contemnendæ efficaciz essent, si citra orgasmicas sanguinis commotiones cieri possent; cum vero hoc facile fieri nequeat: tum in ancipitibus signis habendæ erunt. Et si plane non leuantur ægri ex sudoribus, suspectus in hecticam metuendus erit transitus.
- (17) Sudor frigidus, post prodigas euacuationes erumpens, pessimus.
- (18) Sudor frigidus in syncope non admodum malus. Hac enim cessante, ille pariter euanescit.
- (19) In apoplecticis ex magna spirandi molestia obortus sudor, mortem adfert. In his rursus si febris accedat, solutio contingit. *Conf. dissertat. nostra de febre apoplexiam soluente. Coac. 479.*

- (20) Sudor in paralyſi correptis, ſiue in membro adfecto, ſiue alibi contingat, nihil fidi præſagit. Paſſius enim eſt, & actionum vitalium turbationem confirmat.
- (21) Sudor frigidus, poſt ſumtum venenum prorumpens, exitialis.
- (22) Sudor non continuus, ſeu interſectus, vt *Hippocrates* exprimit, tam ominoſus eſt, quam vere colliquatiuus. Hinc ſemper metuenda ſunt funeſta.

IV. OBSERVATIONES.

1. De pretio diaphoreſeos generatim in *Conſp. Hygieines tab. VII.* tractauimus, reſpectu habito ad ſtatum præcipue ſanum. Iam quantum vtilitatis eius legitimus ſucceſſus adferat, in ſtatu præternaturali, ex præmiſſis prognofiſibus facile cognoscitur. Interim harum plures ſimul teſtantur, quid mali ſudationes anomalæ tam in febribus, quam in aliis morbis portendant.
2. Hæc per lenem diapnoën & diaphoreſin vniuerſalis excretionis ſpecies, vt critica conſiderata, non modo frequentior eſt, quam reliquæ particulares, ſed aliquibus acutorum ſpeciebus ita neceſſaria & quaſi adpropriata, vt adſerere liceat, alias eccriſes, vtut copioſas & optimis ſignis ſtipatas, ratione effectus hac vniuerſali omnino eſſe inferiores.
3. Adſertum illuſtrari poteſt exemplo malignorum. In his materia peccans & deleteria plerumque tam eſt ſubtilis, vt vix per ſudorem, tamquam viam vniuerſalem, expelli poſſit. Quare quid ſperandum ſit de hæmorrhagiis impetuofiſ, vomitibus, vrinæ & alui excretionibus, quilibet facile iudicabit. Hæ enim excretiones ſingulæ quia materiam ad vnum excretorium adpulſam poſtulant, ineptiores ſunt ad comprehendendum & eliminandum miasma ſubtile.
4. Impeditur autem ac turbatur vtilis diapnoë
 - 1) per regimen importune calidum,
 - 2) per medicamenta ſudorifera orgaſtica,
 - 3) per diætam calidam, quam roborantem adpellare ſolent.

Hæc singula motus intendunt, humores vehementius circumagitant, nouas insuper materias noxias agilesque generando miasma febrile adaugent, & malum in pessimum conuertunt. Atque hinc fit, vt sæpe morbi solutio per sudorem massam humorum æqualiter repurgantem expectata vel plane non adpareat, vel imperfecte nimis adeoque infide ac minus salutariter decurrat.

5. Obseruantur porro duo singularia phænomena circa sudoris negotium; quorum alterum sudorem sistit *pinguem*; alterum autem *frigidum*. Qui vera motus tonici theoria imbuti, tonum corporis viuī ab elatere machinarum distinguere possunt, illi in explicanda vtriusque accidentis ratione, viam habent planiorem.

6. Sudor *pinguis*, supponit

1) Portionis lymphaticæ sub assiduis motibus vitalibus extraordinariam attenuationem & resolutionem, vt vna cum ferro excerni possit.

2) Pororum ampliacionem eo vsque auctam, vt non modo ferum tenue, sed paulo quoque viscidior lymp̃ha penetrare valeat.

7. Sudor *frigidus*.

1) De formali sudoris frigidi ratione auctores plerumque vel tacent, vel sinistre de illa exponunt: neque dissimulanda est explicationis difficultas.

2) Quando enim perpendimus, quod eo tempore, quo sudores frigidi sentiuntur, angustia simul interna semper fere conspiret: tum naturæ encheireses, quibus humores versus interiora & exteriora vno eodemque actu & momento reprimere potest, omnino admiramur. Nam vti nemo negabit, in frigidis sudoribus peripheriam quodammodo esse relaxatam: ita angustię internæ de copiosis ibidem collectis humoribus manifesto testantur. Hac ratione relaxatio toni in partibus tam internis quam externis simul contingit, partes autem quasi mediæ stricturis anomalis adficiuntur.

3) Qui

- 3) Qui motus tōnici alterationem eiusque confectaria ad dignitatem æstimare valent, pleniorē quidem huius rei rationem inire possunt, & anomalam illius motus administrationem generatim in frigidis sudoribus merito accusant: quo autem speciatim modo illa contingat; pauciores hactenus peruiderunt.
- 4) Interim lucem quamdam huic obscuritati adfundunt sudores, qui in statu sano interdum refrigescunt. In his enim, quam diu motus caloris a centro versus peripheriam sub corporis agitatione contingit, frigus minime sentitur. Quam primum autem externa quies accedit, & sic com meatus sanguis imminuitur, seu interior humorum motus peripheriæ subducitur, id, quod auræ expositum est, mox refrigescit. *Der Schweiß erkaltet auf dem Leibe, vel vt vulgo dicunt: Der Schweiß schlägt zurück.*
- 5) Eodem fere modo res se habet in statu morboſo: in paroxysmis enim aliqua quidem sudoris excretio contingit, sed sufficiente caloris motu non stipata est: quia periculiosior viscerum conditio humores ad interiora restrictos & abstersioni destinatos requirit. Itaque necesse est. vt natura in medio quasi integumentorum communium stricturas tonicas administret, & per easdem potiorē humorum partem ad centrum dirigat, serum autem tenuius ad extimam cutim admittat, illudque iam vniuersaliter iam particulariter excernat.
- 6) Quocumque autem modo hic actus contingat, rei practicæ parum interest: sufficit, quod omnes auctores frigidos sudores agnoscant inutiles, eosque testes habeant viscerum periclitationis. Quare artis auxilium non ad sudoris huius inutilis suppressionem, sed ad viscerum libertatem impendendum est.
8. Sudoris foetidi ratio non videtur alia, quam lymphæ pinguioris resolutæ cum sero halituoso sulphureo organico permixtio. Quo grauius itaque sudores olent, eo plus lymphæ laticis cum sero permixtum & humorum massam eiusmodi impuritatibus scatentem esse produnt.

9. Sudor, quem *Hippocrates* vocat *intersectum*, seu sudatio per intervalla iam succedens, iam vero cessans, merito in malis semper habitus est signis; quia non modo naturæ in agendo tergiuersationem, sed insuper inæqualem humorum distributionem, turbatam secretionem, interruptam excretionem, & ominosas anomalias, funesta pronunciantes, arguit.
10. Qua tandem ratione sudores tam in febribus, quam aliis pathematibus, prudenter tractandi sint, in *Consp. therap.* iam tradidimus. Hic vero generatim inculcasse sufficiet,
- 1) Sudores *nimios* vno quasi impetu non esse supprimendos.
 - 2) *Deficientes* decantatis alexipharmacis & bezoardicis intempestive non esse concitandos.
 - 3) Quosdam prudenter tolerandos.
 - 4) Alios blande promouendos.
 - 5) Non nullos vero ita temperandos, vt natura ad aliam æquipollentem excretionem simul disponatur, atque intento fine ex voto potiatur.



TABVLA VIII.

DE

V R I N A.

I. DEFINITIO.

Vrina est humor excrementitius, partibus maxime serosis, salino-mucido-terrestribus, parciusque sulphureis constans, in renibus secretus, in vesica vrinaria collectus, & per peculiare vias excretus.

II. DIFFERENTIA.

1. Cum *Semeiologia* de vrina tamquam signo tractet; tum reliquas disquisitiones physiologico-physico-chymicas, curiosas, & *Paracelsi* ac *Fluddii* geomanticas prorsus prætermittit: quia aliena quævis, huic doctrinæ immixta, prolixitatis multum; vtilitatis autem fere nihil pariunt.

2. Vrina generatim distingui solet in naturalem & præternaturalem.

1) *Naturalis* seu sanorum vrina a *Galeno Comm. II. in præfag. Hipp. f. 30.* describitur: quod sit modice pallida, quæ ex humore concocto constet, & parum flauæ bilis admixtum habeat. Quando autem eius plus adfluat, quam par sit, aut sincera bilis vrinæ misceatur, tum rufam fieri iudicat. *Et lib. I. de crisib. cap. XII.* scribit: vrinam optime coctam in iis, qui supremum sanitatis gradum obtineant, esse subflauam, magis autem subrufam, & medicorem crassitiem habere. Quæ vero hac sit crassior aut tenuior, coctionem imperfectam significare. Recentiores addunt: quantitatem debere quodam modo respondere adsumto potui, hypostasin vero paucam, æqualem & perspicuam esse, sine graueolentia. *Conf. Brunonis dogm. med. gen. p. 398. Laur. Bellini de vrinis & pulsibus p. m. 4.*

2) Præ-

2) *Præternaturalis* seu *ægrorum* illa est, quæ a sana quocumque tandem modo deflectit, cuius phænomena tradentur in prognosi. *Anonymus Græcus* in *libro de Vrinis*, qui in spuris *Galenus* exstat, cap. XXXIX. monet: vrinam ægrorum optimam esse, quæ sanorum sit similior, subpallida nempe & subflava, habens *hypostasim* albam, & æqualem. A qua deficiat, quæ *suspensum* habeat aut *nubeculam*. Interim notum est, quod vrina sana in malignis ab hac regula deflectat.

3. Monendum autem, quod hæc, quæ de natura & adfectionibus vrinæ tam naturalis, quam præternaturalis, dicta sunt, in thesi quidem vera existant, sed in hypothesi seu adplicatione ad subiecta multum fallere soleant. Nam sanorum vrina mutatur a rebus tam naturalibus, quam non-naturalibus.

1) A rebus *naturalibus*, nempe

(1) A *Sexu*: nam *mulierum* vrinæ crassiores sunt, minus coloratæ & cum copiosiori sedimento; sed *virorum* vrina contrario modo se habet.

(2) Ab *Aetate*: vrina siquidem

a) *Infantium* aquosa, pellucida ac cruda esse solet.

b) *Puerorum* crassa & coloris spicei, ob nutrimenti copiam & voracitatem. Hinc *Galenus* in *comm. III. lib. IV. epid. Hipp. f. m. 138*. scribit: inter omnes Medicos constare, quod pueri crassiores minuant vrinas, ob quam causam & calculi in ipsorum vesicis facile concreescere possint. Interea hæc lithogeneleos ratio multum claudicat.

c) *Iuuenum* autem vrinæ, ob maiorem toni intensiorem, corporis exercitationem & feruidum quasi vigorem vitalem, tenuiores, magis coloratæ & paucioribus contentis præditæ sunt.

d) *Senum* tandem lotium adparet album, tenue & nonnumquam sine contentis. Vide quæ de his *infra* in *prognosi generali* dicta sunt.

(3) *Tem-*

(3) *Temperamentis.*

- a) *Sanguineorum* enim vrina ordinarie dilute citrina, larga copia redditur, & sedimentum albicans, paucum & mobile demittit.
- b) *Cholericorum* flaua, aurea & sæpe rutilans est, quæ paucam ostendit hypostasim, interdum vero nullam, aut tantum nubeculam. Quantitate autem sanguineorum vrinam non æquat.
- c) *Melancholicorum* ex aurantio & spiceo colore mixta, crassior parciorque effluit ac parum sedimenti habet.
- d) *Phlegmaticorum* colorem ex albo & spiceo confusum refert, sufficientique copia excernitur, sedimentum autem submucidum demittit. Vbi notamus, quod varia temperamentorum mixtio vrinæ quoque variationes secundum colores, consistentiam, copiam & sedimenta quam plurimas efficiat.

2) *A rebus non-naturalibus.*

(1) *Ab Aëre.* In regionibus enim calidioribus, æstu præter in climatibus temperatis vrgente, vrinæ adparent tenuiores, magis coloratæ & pauciori sedimento præditæ, quam in frigidis. Sed ne hoc quidem vniuersale est, quia maior renum vel relaxatio, vel constrictio in diuersis indiuiduis vno eodemque tempore iam crassiorem, iam tenuiorem vrinam efficit. Præter ea hæc de sedimentariis tantum valent; laboriosi autem, sub æstu multum sudantes, vrinam tum minime tenuem, sed crassiorem reddunt.

(2) *A cibo & potu.* Vterque & tenuis & eupeptus, vel crassus & crudus est. Quantum præterea mutationis iam voracitas, aut diæta saltem plena, iam inedia adferre possint vrinæ, experientia abunde docet. Hinc *Galenus in comm. II. ad præfagia Hipp. f. 30.* Vrinæ eorum, qui tenui victu vtantur, nullam habere hypostasim; quorum vero vrinæ multam habeant, eos liberalius viuere; quorum vrinæ paucam ostendat, eos mode-

rate prandere. *Bellinus* p. 6. dicit : *Gulosi urinae sunt crudae, nempe minime coloratae & crassae. Galen. lib. XIV. method. med. cap. I.* obseruat, eorum urinam, qui diu inediam tolerauerint, ex aquoso pallidiorem esse. *In comm. IV. ad aphorif. Hippocratis f. 332.* casum notatu dignum refert viri, qui ex orobi & fabae esu, per annum ferme continuato, in *trichiasin* inciderit, quae cibis crassis vescentibus familiaris sit. De qua paulo infra agetur.

- (3) A motu & quiete urinam insigniter alterari, dubio caret. Sub motu enim voluntario maxime vigent motus progressius & intestinus; vterque autem ad generationem inutilium particularum multum tribuit, quae vegetam itidem expulsionem postulant. Hinc crassa & turbida magis urina est, quae sub exercitatione redditur, quam quae sub quiete emitti solet.
- (4) *Somnus* efficit, vt urina largius emittatur crassiorque adpareat. *Vigilia* contra, quia propter certum finem instituuntur, actionum quidem animalium vigorem, sed naturalium paulo negligentiores administrationem inuoluunt. Vnde urina tenuis, diaphana, saepe rutilans & pauca.
- (5) *Animi pathemata*, vti vitales actiones multum turbare solent: ita *naturalibus* quoque insignes inducunt alterationes. Quamobrem urinae color, consistentia & copia pro diuersitate & vehementia adfectuum & indiuiduorum nimium variant. *Ira* enim, quia humores valide exagitat, urinas intense coloratas & rubicundas efficit. *Metus* contra & *tristitia* digestionem & nutritionem impediunt, & motibus torporem conciliant; vnde urinae fiunt tenues, crudae, decolores, cum paucis sedimentis.
- (6) *Excreta* & *retenta* tam potenter urinam eiusque secretionem alterare obseruantur, quam reliquae res *non-naturales*. Nam vbi multum sudatur, aut diarrhoea continuat, ibi parum mingitur, & in versam vicem. Ita de

de mulieribus, *menocryphia* laborantibus, notat *Galenus*, eas reddere vrinas nigricantes, cum rubra quadam sanie, perinde ac si aquæ, in qua recens maceratae carnes ablutæ sint, aliquis miscuisset fuliginem. *Vid. eius lib. VI. de loc. affect. cap. V. f. 40.*

4. Ceterum vrologi alias adhuc habent distinctiones; quo pertinet præcipue

1) distinctio inter vrinam *potus & sanguinis*; quarum illa aquosa & tenuis, mox post potum excernitur; hæc vero post secundam & tertiam coctionem saturati coloris & mediæ consistentiæ emittitur.

2) *Anonymus Græcus in libro de vrinis* distinguit

(1) in humorem, &

(2) in huic inhærentia.

3) *Io. Rhenanus in vrocriterio chymiatrico, Marpurgi 1609. edito*, differentiam facit inter vrinam *internam & externam*; alii aliter. Sed ista generatim.

5. Speciatim vero consideranda est vrina secundum substantiam seu consistentiam, qualitatem, quantitatem & contenta. Itaque

1) *Ratione consistentiæ* vrina se offert

(1) *Tenuis* seu aquosa & *pellucida*.

(2) *Tenuis & opaca*, aut tenuis & nigra, cuius mentionem fecit *Anonymus Græcus lib. II. de dynamidibus f. 120.* & *Galenus in Comm. in Hipp. lib. de rat. vict. in acut. f. m. 203.* tenuium atque nigrarum meminit, easque vrinas pessimas pronunciat.

(3) *Crassa & pellucida*. Hæc quoniam paulo rarius se offert, ab aliquibus, quos inter *Alpinus* est, plane negatur. Bene vero monuit *Thom. Fienus in Semeiot. Part. II. cap. VI. f. 320.* perspicuitatem cum crassitie & tenuitatem cum opacitate consistere posse, licet nigrum & opacum sæpe esse soleat crassum.

(4) *Crassa & opaca* seu *turbida*, sæpissime occurrit, imo

aliquando & grumosa. Vrinæ, hoc modo comparatæ, crassities iterum duplex constituitur:

- a) *crassities intrinseca*, quæ ab vrinæ substantia non separatur, & ab intimiori humorum resolutione dependet.
- b) *crassities extrinseca*, quæ ab humorum excrementiorum admixtione & confusione deriuatur, & ad contenta vrinæ referri debet, quoniam per subsidentiam separatur.

(5) *Turbida* vrinæ tres esse differentias *Galenus* docet lib. I. de *crisib.* cap. XII. Alia enim

- a) *turbida* mingitur, sed paulo post subsidet ac clarescit.
- b) *turbida* redditur, & talis quoque permanet; quæ *vrina subiugalis* seu *iumentorum* adpellari suevit.
- c) *diaphana* emittitur, posthæc autem turbida euadit.

(6) *Oleosa*, quæ vulgo antiquitus *triplex* statuebatur, videlicet

- a) *Eleochroa* seu respectu tantum coloris oleo similis, quam *initium* colliquationis indicare crediderunt.
- b) *Eleophana*, quam pinguedinem oleo similem cum vrina permixtam habere tradiderunt, colliquationis *augmentum* inde prænunciantes.

c) *Elæodes* seu vrina oleo vndique similis, colliquationis vigorem seu *summum* gradum prodens. Verum enim vero, *Galenus* hanc vulgarem veterum traditionem veritati haud consonam esse per experientiam probat, & oleosam duplicem tantum admittit, de *eleode* diserte scribens: quod *visa nondum sit*. Et *Fienus* itidem adfirmat, talem dari non posse, quia tam prodiga pinguedinis colliquatio nusquam fieri neque serum tam exacte cum illa permisceri possit, vt *eleodes* inde emergat. Conceditur ergo a *Galeno*

- a) *Eleochroa* i. e. oleo respectu consistentiæ, coloris & soni similis, *pinguedinis* tamen *expers*. Talem inquit,

inquit, sæpe vidi sine ullo ægri detrimento. *Conf. eius Comment. III. in lib. III. epid. Hipp. text. 72.*

ε) *Eleophana* seu pinguis, in qua pinguedo, instar telæ aranearum, supranatat, ac sæpe minus recte elæodes dici solet.

2) *Ratione qualitatis*

(1) *Visibilis*, seu *coloris*, vrina occurrit

a) *Alba priuatiue*, ad quam referuntur

α) *Crystallina*, ob splendorem ita dicta.

β) *Aquea*, quæ aquam communem refert.

γ) *Niuea*. Huius meminit *Actuarius lib. I. de vrinis cap. VIII. p. 16.* sed differentiam inter aqueam, crystallinam & hanc reticuit.

b) *Alba positiue* e. g.

α) *Lactea*

β) *Glaucæ*, cuius color pellucidum cornu æmulatur.

γ) *Charopa*, alias *cinertia* dicta, quod ex albo & nigro mixta sit, & colorem subalbidorum in camelis pilorum referat, aut secundum *Actuarium* onychitem imitetur. Obscurior huius species vocatur *plumbea*. Vrinæ ex colore priuatiue & positiue albo colore mixtæ, peculiare denominationes nondum indeptæ sunt.

c) *Flaua*. Hoc nomine insigniuntur omnes vrinæ, quæ albis coloratiores sunt, rubris & nigris tamen exclusis. Species habentur sequentes:

a) *Flaua pallida*, ob admixtam albedinem enata.

ε) *Spicea* seu vere flaua sine albedine, cuius species sunt subspicea seu subflaua.

γ) *Citrina* seu flaua paulo viridescens.

δ) *Fulua* seu aurea.

ε) *Crocea* seu concentrate flaua.

ζ) *Fusca*. Per hanc intellectam volunt vrinam e
L 11 3 flauo

flauo & rubro ita confusam, vt difficile sit tam cognitu, quam enunciatu, flaua ne, an rubens dicenda sit. Alii contra e flauo & nigro commixtam esse contendunt. Quam adcurate id fiat, vtriusque viderint defensores. Quod enim fuscum audit in Latio, de flauo colore nihil participat, sed e nigro & rubro mixtum est, veluti ad oculum demonstrari potest, si modo vterque color dextre commisceatur. Vnde ad nigras vrinas merito referenda esset.

d) *Rubra*, quo referuntur

α) *Rosea*.

β) *Rutilans* seu intensius aurea in rubedinem declinans, a Veteribus *rufa* nuncupata, quam tamen Recentiores quidam a rutilante distinctam volunt. Vrina rutilans, si splendore extraordinario fulget, *flammea* adpellari suevit, quemadmodum aquea splendens, *crystallina* adpellatur. *Conf. Actuarius, Willichius, Bellinus.*

γ) *Rubea* colori mali punici proxime accedens.

δ) *Subrubea* secundum *Actuarium lib. de urin. different.* bolo Armenio similis, *lateritia*.

e) *Nigra*. Hæc comprehendit reliquas vrinæ species, quas ad nullum e recensitis coloribus referre licet. Tales sunt

α) *Lixiuiofa*.

β) *Cereuisiaria*

γ) *Vinea* seu ex concentrata rubedine nigricans, instar vini sature rubri & crassi.

δ) *Passæa*, quæ hepsemati seu defruto, vel, quod idem est, musto ad dimidium cocto similis.

ε) *Venetica* seu *veneta*, ex puro albo & nigro emergens, seu dilute cœrulea atque coloratior cineritia & plumbea.

ζ) *Olea-*

ζ) *Oleacea* seu colorem foliorum oleæ aut ipsius olei referens.

η) *Liuida*.

θ) *Nigricans*.

ι) *Nigra*.

(2) *Olfactorie* qualitatis respectu obseruatur vrina

a) vel *inodora*, qualis esse solet aquea illa, quæ illico post potum emittitur.

b) vel *odora*, eaque

α) *Vrinosa*, κατ' ἐξοχὴν seu specificè vrinam olens, quæ tamen ipsa post exhalationem particularum salino-sulphurearum putrescit, & male olet.

β) *Suaueolens*, qualis se offert post brassicæ capitatae, asparagi aut terebinthinæ adsumtionem.

γ) *Graueolens*.

δ) *Molestè fœtida*.

(3) *Audibilis* seu *soni* respectu, vtrum videlicet intermingendum

α) vel *Sonum clarum & acutum* edat, ac instar aquæ quassatæ perstrepat.

β) vel *Soni expers*, sicut pulmentum aut oleum vasi illabatur. Sed frustraneam esse hanc soni obseruationem iamdudum pronunciauit *Bruno*; cum impudentiæ ansam præbere videatur, quia æger verecundiæ fines transiliendo, lotium præsentè & auscultante Medico emittere deberet, vt iste sonum obseruare posset. Eiusdem quoque pretii est illa differentia, quam nonnulli obseruandam commendant, vtrum scilicet *pleno radio* scaturiat, aut *segius* effluat.

(4) *Gustatilis*, seu ratione *saporis*; num vrina sit vel *insipida*, vel valde *salsa*, aut plane amara? Vti suadere quidam volunt, vt Medicus aliis gustandum exhibeat lotium, aut ipsemet æger si velit, de sapore referat.

Sed

Sed inconditam hanc explorandi rationem præter alia & hæ premunt difficultates, nimirum

- a) rarissime occurret aliquis, qui ægrotantis gustare vellet vrinam.
 - b) fallax nimis est isthæc per gustum aliorum explorandi methodus, quia secundum temperamenti diuersitatem, gustus quoque diuersissimus esse solet.
- (5) *Tangibilis* seu intuitu sensus, quem inter effluendum excitat. Vbi
- a) vel sine molestia promanat.
 - b) vel cum ardore & dolore emittitur.
- 3) Ratione *quantitatis* effluit
- (1) Multa seu copiosa,
 - (2) Mediocri quantitate,
 - (3) Parca; vbi non numquam guttatim stillat,
 - (4) Aliquando plane deficit.
- 4) Ratione *ponderis*, utpote cui multum aliqui tribuunt, cum de morbi euentu non tutius, nisi ex vrinæ ponderatione, iudicari posse autument. Quanto enim vrina ægri inuenitur grauior quam sanorum, tanto maius periculum mortis imminere contendunt. *Conf. Laur. Bellinus de Vrinis p. m. 14. S.S.D. Relat. curios. de Vrina p. 110. seqq. Gothæ 1703.*
- 5) Ratione *contentorum*. Hoc nominis inditum est materiis, quæ ab vrinæ substantia quouis modo separatæ concipiuuntur. Sunt autem
- (1) *Vniuersalia*
 - a) *Generatim*, quæ a tota massa eiusque portionibus nutritiis in forma *liquida* & tenui proueniunt, & de vniuersa eius constitutione testantur, ut serum, portio salina, mucida, terrestres, cuticula pinguis, spuma, bullæ.
 - b) *Speciatim sedimentum*, seu subsidens & crassior vrinæ portio, cuius attendendæ sunt differentiæ, ratione
 - a) Sub-

α) *Subiecti*, a quo vrina reddita sit; hinc datur sedimentum

Sanorum, quod excrementum habetur secundæ coctionis, seu portio chyli in sanguinem non versa.

Aegrorum, seu portio materiæ morbificæ præparatæ, concoctæ & vna cum sero expulsæ.

β) *Loci*, quem in vasculo vrinali occupat, occurrit *Hypostasis*, *hypostema* seu *sedimentum*, quod excrementum denotat cum vrina emissum, ob crassiores consistentiam & maiorem grauitatem, fundum petens.

Eneorema, seu sedimentum fundipeta hypostasi leuius, in medio vasis suspensum hælitans.

Nephele, nubecula, seu leuissima sedimenti species, quæ superficiem humoris attingit, & in reliquo humore mouetur, velut nubes in medio aëre.

γ) *Consistentiæ ac situs* sedimentum se offert

Tenue, aquosum, oleosum, aut *crassum*.

Continuum aut *diuulsum*.

Leue & æqualiter sparsum, vel *asperum* & discerptum, & hoc iterum vel sponte *situm mutans*, vel per vnum alterumue diem in eodem positu *persistens*.

δ) *Coloris*; num sit

Album seu optimi coloris, *pallidum*, *flauum*, *roseum*, *rufum*, *rubrum*, *liuidum*, *nigricans*. Ad hos quoque colores referenda sunt sedimenta reliqua, ex illis mixta, siue intensius, siue remissius colorata.

ε) *Odoris*

vel *vrinosum olens*,
vel *gravius foetens*.

ζ) *Figura*; cuius respectu optimum est sedimentum, quod pyramidali more contiguum fursum vergit & quasi acuminatum adparet. Vocatur passim *legitimum*; *illegitimum* vero, quod crassum & horizontaliter coagmentatum subsidet. Speciatim hypostasis esse solet

Oroboides seu graniformis, & orobi quasi referens figuram.

Petaloides seu squamosa.

Pityroides seu furfuracea.

Crimnodes seu farinacea. *Κεῖμα* enim denotat partes hordei exsiccati grandiuiculas, inter molendum non satis contritas, & farinae commixtas. Vid. *Galenus Comm. II. in praesag. Hipp. f. 30.*

η) *Quantitatis*, sedimentum est modo

Paucum, modo

Multum, modo

Mediocris copiae.

θ) *Accidentia* sedimenti,

Spuma, quae vitro vndique adhæret.

Bullae, quae in superficie tantum lotii oberrant, & vitrum nulla parte attingunt.

Corona, seu rectius secundum *Rhenanum circulus*, quem vrina ægrotantium sæpe vitro allinit.

Pinguedo supra natans, quae in vrina oleosa se offert,

Cuticula araneorum telam repræsentans, iam albicans, iam discolor.

(2) *Particularia*, quae ex certis corporis partibus orta, vrinae immiscentur, & singularium partium male adfectarum constitutionem produnt. Talia sunt

a) *Arenulae*

α) *tenues* valde ac splendentes, quae in vrina volitant eamque ob causam *atomi* dici solent.

β) *cras-*

ε) *crassiores*, quæ sabulum & arenulæ κατ' ἐξοχην appellantur.

b) *Calculi*.

c) *Carunculae*.

d) *Pus* seu materia purulenta, aut ichorosa. Ne vero pituita pro pure habeatur, signum diagnosticum ponunt foetorem, qui puri inesse debeat, non vero pituitæ aut semini. Sed quoniam hoc quoque signum fallax deprehensum fuit, & pituita diutius in vesica detenta æque foeteat, tum suadent, ut vrina, per inclinationem paulatim effusa, *materiæ* subsidentis tantummodo examinetur consistentia, quæ si

a) *facile dissoluatur*, pus erit e renibus proveniens.

ε) Si *viscida* & tenax fuerit, pituitam esse arguit.

γ) Si vero *viscida* foetorem simul sparserit, pus erit ex ulcerata vesica manans, tum in primis, cum in alia parte nullius inflammationis aut ulceris vel suppuris, vel signum adfuerit.

e) *Pili*, qui tamen veri pili non sunt, licet aliqui *Hippocratem* testem aduocare satagant. Huius autem adfertio *Aphorif. IV. 76.* ita habet: *Quibus cum vrina crassa exiguae carunculae, aut veluti capilli simul feruntur, iis a renibus excernuntur.* Verum

a) versio latina, quia vitiosa est, hoc minime probat, sequentem in modum emendanda: *Quibus cum vrina crassa parvæ carunculæ sicut pili ὡς περ τριχες &c. (non aut capilli. Nam το aut in Græco deest) illis a renibus isthæc excernuntur.*

ε) Ne vero quis argumentum pro stabiliendis pilis in vrina ab ipsa veterum *trichiasis*, seu pilorum, ut vocant, mictione desumat, repetendus erit casus de *trichiasis*, a *Galeno* adlatus, cuius supra strictim meminimus. Minxit nimirum quidam, qui toto ferme anno, morbum antegressus, fabam & orobum comederat, talia corpuscula pilorum nomine insignita, quorum longitudo dimidium cubiti æqua-

uerat. *Conf. eius Comm. IV. ad Hipp. Aph. f. 332.* vbi simul monet, a renibus abscedere non posse eiusmodi filamenta, cum ad talem formam dissolui nequeant; & qui id adfirmet, naturæ renum esse ignarum. Suspiciatur autem, piliformia isthæc corpuscula fieri in venis per adustionem ex materia crassa & viscida. Alii in vreteribus generari credunt: alii iudicium suspendunt. *Hier. Thriuerius*, clarus quondam *Hippocratis* & *Galen*i exegeta, & apud *Louanienses* professor, cum *Galeno* facit, & non esse generationis pilorum officinam itidem contendit.

- γ) Interim non ignotus est casus ille rarior, de vera pilorum mictione in quadam muliere, quem adnotauit *Greg. Horstius Obs. lib. IV. Cas. LIII. f. m. 349.*
- δ) Ita nec temere pro pilis venditanda sunt *filamenta*, cum vrina excreta, quæ exesa membranæ particulas fuisse sæpius compertum est.
- f) *Membrane.* Hæ plerumque a vesicæ tunica interiori abscedunt, post quam vehementer a calculis læsa est. Ita v. c. *Willisius in diss. epist. ad Rudolph. Bathurst de vrinis cap. V. p. 356. 357.* obseruationes de duabus matronis calculosis, membranas mingentibus, communicat, quarum causam sectio cadaueris abunde propalauerit.
- g) *Mucus.* Is a vesica plerumque abrasus, a calculosis subinde cum vrina excernitur.
- h) *Sanguis* sæpe ex renibus, interdum vero ex vesica originem ducit. In mulieribus autem, durante menorrhagia & lochiorum manatione, casu admiscetur vrinæ. Vbi pro *præternaturali* contento, veluti reliqua, non habendus est, quemadmodum nec semen, quod in sanis subinde in vrina adparet. Si vero aliquis *to præternaturale* hoc loco accipere velit, non pro eo, quod corpus lædit aut eius læsionem sequitur,

tur, vt alias, sed pro illo, quod naturæ vrinæ non respondeat; tunc & sanguis menstruus & lochialis dici poterunt contenta *præternaturalia*.

- i) Squamæ, furfures, farinæ, vermes.
- k) Contenta particularia, *monstrosa*, quæ potius contra naturam videntur, quam præter illam, hoc loco fufè enumerare nihil attinet. Talia qui volet, obseruationum scriptores consulat.

III. PROGNOSIS.

I. Generalis.

- 1) Vrina suppeditat signum diagnosticum & prognosticum. Sæpe enim indicat morbi causam, speciem, partem affectam, actiones læsas, malignitatem, materiæ morbificæ cruditatem, coctionem, tempora morbi, terminum crises, salutem & mortem.
- 2) Ex vrina in quibusdam morbis diagnofin & prognofin certiore, in aliis incertiore formare licet. Illa præcipue in morbis acutis, hæc autem in chronicis locum habet.
- 3) Pulsusne an vrina certius porrigat prognosticon, adhucdum in ambiguo est. Non pauci tamen contendunt, pulsum certius signum præbere mortis, vrinam vero futuræ salutis. Item vrinam mortem longinquam; pulsum propius instantem rectius præfagire.
- 4) Vrina de statu non solum earum partium, per quas transit, sed etiam illarum, vnde materia vrinæ prouenit, aliquid præfagire solet. De illis quidem euidentius, de his incertius. Exempla de renum, vreterum & vesicæ læsione per vrinam dignoscenda satis sunt obuia; pleuriticorum vero & peripneumonicorum vrinam pus exhibere, æque raro contingit, ac vrina cruenta in pulmonis vulneribus.
- 5) Partium remotiorum status ex vrina eo difficilius innotescit,

tescit, quo efficacius qualitates vrinæ aliunde impressæ in viis vrinariis permurantur & delentur, si in primis aliquo vitio ipsæmet laborent.

- 6) Ex sola vrina nemo certi quid prælagire sustineat: reliquis autem signis simul in subsidium adhibitis, tutior formabitur prædictio.
- 7) Quando secretionum actus expedite ac ordinate in corpore succedunt; tunc vrina quoque naturalem indolem refert. Si vero illi præter naturam alterati sunt, vrinæ pariter consistentia, color & contenta a naturali tramite deflectant necesse est.
- 8) Quemadmodum vrinæ *contenta* indicant, quid de *sanguinis massa* iudicandum sit: ita ipsius *mutationes* statum *partium*, vrinam constituentium, prodere solent.
- 9) Vrinam copia potui respondentem reddere oportet, & semper æqualem, & quam maxime effusam, & ad paulo crassius inclinantem, quam quod potu adsumtum est. *Hippocrates lib. II. prorrh. f. m. 68.* Sed amplo hanc prædictionem commentario indigere, in statu tam naturali, quam præternaturali, in aprico est. Sæpe enim sub multa exercitatione & parciore potu plus emingitur, quam bibitur, quod tempore hiberno etiam citra extraordinariam exercitationem contingere scimus, ob transpirationem tunc languentem, neque tamen aliquid morbidum inde metuendum. *Conf. Iodoc. Willichius de probationib. vrinar. cap. IV. p. 64.* vbi falsè hanc *Hippocratis & Galeni* traditionem pluribus perstringit.
- 10) Quia res non modo *præternaturales*, sed etiam *naturales* & *non-naturales* vrinam mutant, de omnium efficacia prælagienti Medico, nisi falli aut confundi is velit, constare oportet.
- 11) De sexus, ætatum ac temperamentorum vrinis sub *differentiis* iam dictum. Speciatim de *puellarum* vrina obseruauit *Io. Rhenanus*, eam in fundo adhuc parvam habere hypostasim, quæ non bene aduertentibus cum superiori con-

ri con-

ri contigua adpareat, attamen eadem hypostasis non fit, sed ab illa quamuis minutissima distincta ac matricis propria. Denotare iudicat mulierem sanam & foecundam. Præterea in vase motam paruas parere bullulas, inter duas illas hypostasies, & infallibile muliebris vrinæ signum præbere putat. *Vid. Vrocrit. chymiatr. cap. I. n. 27.*

- 12) Sub initium *veris* vrinæ reddi solent largæ, albæ, subspiceæ & plurium contentorum; in progressu ad colorem subrufum aut subcroceum & pauciora contenta fit transitus. *Willichius.*
- 13) Vrinæ *æstivæ* substantiæ sunt tenuioris, coloris subaurei & hypostasin habent albam, lævem, æqualem. In æstus autem vigore fiunt tenues, aureæ, croceæ, paucæ, cum hypostasi parciore & in album declinante.
- 14) *Autumnus* incipiens ad mediocritatem vrinæ quovis respectu redigit. Verum adultus factus magis notabiles inducit consistentiæ & coloris mutationes.
- 15) *Hiberno* tempore ferme omnium in vrina mutationum specimina videre licet, ob tempestatis, regiminis, vitæ generis, temperamentorum ac vitiorum in diætâ varietatem atque frequentiam.
- 16) Quo debilior vrinæ *color* est, eo citius perturbari potest; quo vero coloratior existit, eo serius.
- 17) In optime sanis non semper vnus idemque adparere potest color.
- 18) Vrina *aurea* in sanis exactæ in renibus separationis signum est. *Rhenanus.* Sic spicea non minus, perspicua, splendens, bonam coctionem & integram sanitatem indicat.
- 19) Vrina rei epotæ quodam modo colorem servat. Exemplâ suppeditant aqua & vina alba, flava, rubra, nigra. *Galenus Comment. V. in lib. VI. epid. Hipp. f. 156. Willichius cap. III. p. 56.*
- 20) Vrina, quæ *clara* mingitur, sed facile turbida fit, debilitatem quidem indicare creditur, verum in sanis id sæpe con-

contingit post adsumta crassa, sine vilo noxæ indicio, nedum vero detrimento.

- 21) Vrina *albicans*, in fœnis adparens, esum plerumque lacticiniorum & emulsiuorum præcesse arguit. In infantibus ceterum laudabilem indicat digestionem, sed non bonam nutritionem.
- 22) Vrina *aurantii* coloris, quæ turbida euadit & concolor sedimentum deponit, præternaturalem æstum; ruborem vero vini æmulans, intensum sanguinis feruorem indicat.
- 23) Vrina citra manifestam causam excedens, aut deficiens, statum præternaturalem adnunciat.
- 24) Multam mictionem sequi solent imminutæ alui excretiones. Hinc *Hippocrates Aph. IV. 82. Vrinæ de nocte copiose redditæ paucam alui deiectionem significant.*
- 25) Vrina *pauca* vel multos sudores excipit, vel feri defectum indicat; sæpe etiam temperamenti calidi & habitus strictioris index est. Eius autem suppressio periculum adfert.
- 26) Vrina *multa*, extra morbum, vel potus nimiam ingurgitationem, vel diureticorum adsumtionem, vel aquarum medicatarum vsum indicat.
- 27) Homines potatores plus & frequentius mingunt, quam sobrii & frugaliter victitantes: plus tamen iuniores, quam seniores.
- 28) *Multam* vrinam reddunt quidam post asparagi & melonum esum, non raro etiam post infusi Theæ adsumtum potum.
- 29) *Odorem* vrinæ conciliant vel per os adsumta, vel humorum præternaturalis constitutio, vel motuum vitalium nimia exagitatio.
- 30) Vrina *odoris expers* malam coctionem atque cruditatem significat.
- 31) Quæ vrina odorem naturalem κατ' ἐξοχὴν vrinofum refert;

fert, illa de bona concoctione & optima humorum constitutione præbet indicium.

- 32) Vrinæ suaueolentia peculiaribus adsumtis adscribenda est. Ordinarie enim lotium odorem gratum non spirat.
- 33) Vrinæ male olentes & vere *fetide* plerumque humorum vitia, aliquando & adsumta pro fundamento habent.
- 34) *Pus* non semper foetidam reddit vrinam, si inprimis bene coctum & a sanguinis partibus, corruptela non adfectis, non prouenerit.
- 35) Vrina *putrida* significat putredinem humorum, vel vlcus fordidum.
- 36) Vrina inter mingendum *non sonora* testatur de abundantia vel viscerum humoris, vel, quod rarius fit, de multa pinguedine.
- 37) Vrinæ vere *pingues* semper malæ; quemadmodum & *nigræ* in quouis statu suspectæ.
- 38) Omne *sedimentum* sanorum indicat aliquam concoctionem.
- 39) Melius est sedimentum adparere, quam penitus abesse. Indicat enim naturæ in materiam dominium.
- 40) Optimum sedimentum, quod non est nimis paucum, neque nimis multum, sed mediocre, quodque optime est exterminatum, acuminatum seu formam pyramidis gerens, album, æquale, non planum contra fundum matulæ iacens, sed quasi suspensum. *Fienus Part.II.cap.VI.361.*
- 41) Malum sedimentum est, quod nimis multum, nimis crassum, diuulsum, non album, non acuminatum, sed planum adparet.
- 42) In vrina sanorum, tam substantia quam colore bona, quo paucius sedimentum conspicitur, eo melius; immo nullum adparere, esset optimum. *Fienus.*
- 43) Qui se sentiunt cibo grauari, nec eum bene concoqui, plus in vrinis crassis ostendunt sedimenti, quam quidem alii. Quod in primis valet de temperamentis frigidis, hominibus

minibus somno deditis, voracibus, crapulosis, & in vtroque sexu otio litantibus.

44) Sedimentum vrinæ flocculentum, cum pellicula pingui excreti feminis indicium est.

45) Vrinæ, quæ ægris non sentientibus effluunt, perniciem portendunt. *Coac. 596.* Si vero idem contingat fanis, iunioribus, tempore inprimis nocturno; incuriam & malos mores indicant. Vnde per medicinam quoque moralem curantur.

46) *Arenule* in plurium vrinis adparere solent, qui tamen numquam de calculo conqueruntur. In calculi ergo suspicione vni huic signo non tuto fidendum.

47) Vrina sola sufficiens ac certum ingrauidationis signum non suppeditat.

48) In vrina mulierum clara atomi volitantes, a multis habentur grauiditatis indicium.

49) In notorie prægnantibus vrina a *primo* ad *sextum* vsque gestationis mensem obseruata est subaurea, sed tamen turbida; atomi vero eidem innatantes dum conglomerantur, infra regionem mediam hypostasim formant lanæ tenuis ac carptæ similem. Circa *septimum* insignis contingit mutatio. Nam color similis euadit iusculo, cui vituli pedes incocti sunt. Partu autem adpropinquante turbida & rubicunda euadit. Verum de his quoque signis monet *Eyselius in compend. semiol. quest. LXXIX.* eadem subinde mensium tantum retentionem aut molam portendere.

50) *Imago* ceterum in vrina grauidarum prope matulæ fundum primis temporibus conspicienda, veluti a quibusdam adieritur, oculatioribus relinquenda erit. Interim hoc verum est, vrinæ prægnantium fanis longe existere spissiores. *Rhenanus cap. X. n. 58.*

2. *Specialis.*

1) *In Febribus.*

(1) In principio febrium vrinæ *tenuis* malæ non sunt; in reliquis

in reliquis autem temporibus, si tales permaneant, ominosæ. Vel enim, si natura adhuc valida est, morbi longitudinem; vel si debiliôr, exitium prænunciant. Hinc *Fienus*: in declinatione morborum, *tenuis* urinae pessimæ; *crassæ* vero & *criticæ* in primis salutares. Auctor lib. II. de dynamidiis in spuris Galeni f. m. 120. *Vrina tenuis* si post crisin venerit, & diu perseverauerit, repetitionem cuiuslibet ægritudinis nunciat.

- (2) *Vrina tenuis*, si in malum colorem post crisin se mutauerit, & ii, qui patiuntur, prima ætate fuerint, contractionem corporis significat. lib. II. de dynamid. Hinc forte *Riuerii* enata est prædictio, quod urinae cum bono colore in acutis salutares sint.
- (3) *Vrina tenuis*, pallida & parca, in pathematibus pectoris acutis, numquam periculo vacat.
- (4) *Vrina tenuis*, diaphana, purpurea cum spuma, pleuritidem significat.
- (5) In pulmonis inflammatione, quibus circa initia urinae crassæ sunt, deinde ante quartum diem *tenuis* euadunt, iis mors impendet. Hippocrat. Coac. prænot. 415.
- (6) Urinae in dies *mutabiles*, nempe crudæ, decolores, & aliquanto post interuallo non nihil concoctæ, non sine criticis signis, crassitudine præditæ, verum turbidæ, nihil consistentes aut subsidentes, non coctæ, paucæ, vitiosæ, in epidemicis morbis omnes sunt pessimæ. Idem lib. I. epid. f. 19.
- (7) *Vrina tenuis* & aquosa, si simul foetorem spargit, in omni maligna febre exitium minatur, aut graues inflammationes præmonstrat.
- (8) Urinae *tenuis* in acutis, & decolores cum signis salutaribus, abscessus fieri præmonstrant. Tales habuit *Pythio*, ad Telluris ædem habitans, ad octauum vsque diem cum aliis signis coctionis, cui de *quadragesimo* circa sedem suppuratio fiebat. lib. III. epid. æg. I.

- (9) *Vrinæ tenues*, diu perseverantes, in magno humorum adparatu; vbi alia crisis minus succedit, res ad abscessum in inferiora definit. *Bagliuius*.
- (10) *Vrina tenuis* & diaphana, in febribus lentis, morbi prorogationem portendit.
- (11) In febribus longis, paruis, vagis, *tenuium* vrinarum eiectiones lienis adfectionem denunciant. *Coac. 594*.
- (12) *Vrina tenuis* & *biliosa* febrium diuturnitatem minatur.
- (13) *Vrina* vel *tenuis* & cruda, vel crassa etiam in intermittentibus, primarum viarum labem & morbi indolem refractariam indicat.
- (14) In febre variarum interdum vrinarum mictiones morbum producant, id est diuturniorem reddunt. *Coac. 595*.
- (15) *Vrina subiugalis*, vulgo *iumentorum*, siue *tenuis* siue simul *crassa* fuerit, nihil in febribus boni prænunciat.
- (16) *Vrina crassa*, rubicunda, male olens sinistrum in acutis præbet omen.
- (17) *Vrina crassa*, rutilans, circa dies criticos emissa, nubeculam formans, nisi vel hæmorrhagia, vel sudor critice successerit, difficilem morbi solutionem prælagit.
- (18) *Vrina crassa*, viscida, liuescens ac turbida, motuum depuratoriorum ataxiam, confusionem & exitium portendit.
- (19) *Vrina clara* in febrium principio non absolute damnanda. Nam februationis labor non illico post inuasionem in magno vigore est, quia natura in subigenda materia febrili temporibus & gradibus vititur; clara autem in augmento pessima.
- (20) *Vrina clara micta* & talis perseverans, maximæ cruditatis signum est. Hæc si ad vndecimum vsque diem sine sedimento talis esse continuat, mortem fere prænunciat.
- (21) *Vrina clara micta*, & paulo post turbida, semper mala. Coctionis enim defectum & energię vitalis debilitatem prodit. *Fienus*.
- (22) *Vri-*

- (22) *Vrina turbida*, fubiugalis dicta, mala. Capitis enim dolores vel iam adfligunt, vel superuenient. Quod si insuper fitis, æstus & cephalalgia vrgeant, deliria; si vero capitis grauitas & sopor adsint, lethargus imminet. *Bagliuius*.
- (23) *Vrina turbida micta*, quæ paulo post residet, mitior; quæ autem turbida mingitur ac talis permanet, deterior; sed quæ clara effluxit, & posthac conturbatur, oppido praua est. *Galenus lib. I. de crisib. cap. XII.*
- (24) *Vrina turbida* & in febris initio statim cocta adparens, infidum laboris & successus febrilis signum præbet, in primis si tempore incrementi limpida prorsus iterum euadat.
- (25) *Vrina turbida* & cocta, sed sub grauiorum symptomatum syndrome effluens, malum euentum ac sæpe die nono mortem prænuñciat. Die autem quarto sine molestiis cocta effluens, neque præmature alterata, bonum exitum spondet.
- (26) *Vrinæ genitale semen referentes*, soluunt febres opisthotono stipatas. *Coac. 362.*
- (27) *Vrinæ albæ, pellucidæ, malæ, maxime exitiales phreneticis.* *Aph. IV. 71.* Eiusdem indolis sunt citrinæ albicantes in aliis acutis capitis pathematibus.
- (28) *Vrina pellucida*, quæ latera vasis cuticula alba & lactescente quasi tingit, febris lentescantis indicium est.
- (29) *Vrina pellucida*, post primos intermittentis febris paroxysmos, minime metuenda; magis enim cocta & tincta sequitur post plures, cum sedimento laudabili. Si vero vtrumque deficit, febris in deteriore statum degenerat ac sæpe acuta fit.
- (30) *Vrinæ quædam in ephemeris nubeculas ostendunt, aliæ suspensiones habent, non nullæ autem bonas hypostasas: omnes vero sunt bene coloratæ.* *Galenus lib. II. de crisib. cap. XIII.* Contingit tamen nonnumquam,

vrinas in iis febribus esse crudas & *albicantes*, aut etiam citrinas & turbidas: prius obseruatur post vitia digestionis; posterius post ebrietates.

- (31) Vrina *citrina* & sanæ similis, æque ac pulsus sanus, in malignis pessima; in lentis vero *citrina* concentrata & paulo crassior, cum laudabili hypostasi, bonum præbet indicium.
- (32) Vrina *ochrei* coloris aut ad lateritium vel obsoletum aurantium declinans, crassa, multa, cum roseo sedimento, febrem lentam in hecticam tendere nunciat.
- (33) Vrina *rutilans*, quæ diu limpida permanet, in acutis dolores capitis, congestiones hæmorrhagicas, inflammationes & deliria portendit.
- (34) Vrina nimium *rutilans*, diaphana, sæpe febrem inflammatoriam indicat.
- (35) Vrina quousque *rufa* fuerit, morbum crudeum significat. *Galenus lib. I. de crisib. cap. XII.* Verum quarto die sedimentum dimittens, bonum est præfagium.
- (36) Si vrina *subrubra* sit, ac hypostasis subrubra, signum salutare est, diuturnam tamen fore febrem prænunciat. *Hippocrates & Galenus in comm. I. ad lib. de hum. f. 3. Coac. 198.*
- (37) Vrina *rutilans*, crassa, turbida, sine hypostasi perseverans, impeditam coctionem & ambiguum successum indicat.
- (38) Vrina tenuis, *rubra*, flammea, febrem ardentem & visceris alicuius inflammationem prodit. Aliquando boli armeni æmulatur colorem, & speciatim hepar inflammatum significat.
- (39) Vrinæ color in purpura variat: iam enim citrinum, iam vero aurantium aut *roseum* exhibet: singuli minus sunt perniciosi; si vero *nimium rutilat* & turbida est, nec hypostasim ostendit, febris augmentum seu caloris excessum difficilemque morbum nunciat.
- (40) Vrina florida *subrosea* ac turbida, febrem catarrhalem

lem *malignam* arguit. *Nenter*. sed remissius *rubicunda* aut *aurantia*, cum spuma vel cuticula, *benignam* ostendit.

- (41) Vrina in acutis si diu *fulva* permaneat, periculum est, ne homo sufficere possit, donec fiat exacta concoctio. Interim aliquibus subinde loco criseos fiunt abscessus, si modo vires non defecerint.
- (42) Vrina *lateritia*, crassa & turbida, sine sedimento, aut cum limoso concolori, febrim catarrhalem malignam saepe denunciat.
- (43) Vrina *sature rubra* & ad *nigredinem* vergens, cum pauco aut multo sedimento decolore, mit einem sothigen Saß, morbo diuturno iam existente, transitum ex acuta in hecticam factum esse indicat.
- (44) Laterum dolore adfectis vrina aliquantulum *rubra*, læuem habens subsidentiam, *securam* iudicationem prænunciat. Quæ vero aliquantum *pallida*, bene florulenta est & albam habet subsidentiam, celerem. At quæ *admodum rubra* & bene florulenta, sedimentum pallidum, læue ac purum habet diuturnum valdeque turbulentum morbum fore, & in alium transiturum, non tamen perniciosum. *Alba* vero, diluta cum sedimento fuluo graniformi, dolorem & periculum denunciat. *Pallida* autem simile sedimentum habens, diurnitatem indicat atque periculum. *Coac.* 586.
- (45) In *synocha* vrina *crocea* & turbulenta, cum nebulis non bonis, aliquando & *rubicunda* adparet. *lib. II. de dynamid. Consp. med.* p. 484. Quæ si lucida ac cruda permanferit, malum successum ominatur.
- (46) *Coloris* vrinæ in malignis iterata *mutatio*, funestam quoque mutationem prædicit; in lentis vero omnimodam turbationem & refractarium statum arguit.
- (47) Vrina hecticorum in morbi primordiis sanæ fere similis est; in augmento autem fieri solet vel *rosea*, vel *aurantia* cum floccis, superficie pingui & cuticula; sub nimia tandem exacerbatione & ominosa contabescencia,

tia subinde *flammeam* quoque, pellicula pingui tectam obseruare licet.

- (48) Vrina in variolis ac morbillis *rubra* seu verius *cruenta*, lethale omen.
- (49) Vrina in *intermittentibus* tantum *rubicunda*, typi intermittentis in acutum minitatur catastrophem; *crocea* vero icteri metum incutit; si autem pauca, cruda, flocculenta adparet, spleni vitium inesse declarat.
- (50) Pessima est omnis vrina *denigrata*, adeo vt neminem vmquam seruatum viderim ex illis, qui talem minxerunt. (Sed huius regulæ experti sumus exceptionem.) Minus vero perniciosa, si solum id, quod subsidet, nigrum fuerit; adhuc vero minus, si solum id, quod in medio iacet; minime omnium, si nubecula. Color vero *viridis* fit in transitu ad nigrum, & eius veluti principium existit. *Galenus lib. I. de crisib. cap. XII.* Patet ergo quid de nigris in acutis in primis ardentibus & pestiferis iudicandum sit.
- (51) Vrina *nigricans* in quartanæ declinatione, cum concolori sedimento, critice quasi expulsa, salutaris. *Fienus.*
- (52) Vrina *fætida* in febribus acutis, epidemicis præcipue, pessimum signum constituit. *Gravius* autem in intermittentibus *olens*, materiam a natura subactam & febrem mitigatam significat. Quæ vero omnis odoris expers vrina est, omnimodam febris cruditatem nunciat.
- (53) Vrina *pauca* sæpe obseruatur in phrentide, in omni autem febre, in qua neque sudores largi contingunt, neque copiosæ alui deiectiones fiunt, vrinæ paucitas mala est; præter enim excrementitiæ portionis retentionem, caput variis subiicitur pathematibus, soporosis ac deliriosis.
- (54) Quibus non sine febre vrinæ sunt *crassæ*, *grumosæ* & *paucæ*, si ab iis copiosæ & tenues prodeant, iuuant.
- Præci-

Præcipue vero tales redduntur, quibus ab initio, vel non ita multo post sedimentum inest. *Conf. Aphorif. IV. 68.*

- (55) Quæ *parua copia* adparent, velut stillæ sanguinis, *vrinæ*, vomitiones & deiectiones, malum quidem penitus denunciant; pessimum vero, si exiguis interuallis sese consequantur. *Coac. 600.*
- (56) Vrina in febribus *pauca & mordax*, aut difficili conatu emittenda, perniciofa.
- (57) Vrinæ in acutis *suppressio*, post frigus contingens, pessima.
- (58) *Largior* mictio in acutis mala: in intermittentibus hecticæ est prodromus. *Nenter.*
- (59) Vrina *copiosa*, die critico reddita, salutaris.
- (60) In febribus ardentibus *multas* reddi vrinæ malum est; nisi hoc fiat in declinatione decretorie. Alias enim nimiam sanguinis indicant colliquationem. *Fienus p. 342.*
- (61) In declinationibus, præcipue quotidianarum, si vrinæ *multæ & crassæ* prodeant, laudabile habetur indicium. *Idem.*
- (62) In omni febre vrinæ *multæ*, tenues, aquosæ, non criticæ, nihilque morbum leuantes, damnandæ. Inuoluunt enim acceleratum nimis laborem febrilem, atque sudores salutes sufflaminant.
- (63) Optima vrina, quæ ab exputrescente humore, coctionem a continente vase suscipiente, perficitur, est, quæ album & lene & æquale, minime foetidum, *sedimentum* habet: pessima autem, quæ in omnibus contrario modo deprehenditur. *Galenus lib. I. de diff. febr. cap. VI. f. m. 31. lib. I. de crisib. cap. XII. f. 133.*
- (64) Quamquam multi ægrorum moriantur, quorum vrinæ *sedimentum* habuerunt; & non pauci, quibus vrinæ sine sedimentis emissæ sunt, reualuerint: fateor tamen, sedimentum in vrinis, quantum ex se est, fere
- O o o
- semper

semper bonum, & ideo ex illo semper optime prognosticandum esse. *Fienus.*

- (65) Sedimentum *tenue*, in febris principio adparens, non malum; dummodo in dies meliorem indispiscatur consistentiam.
- (66) Sedimenti in vrina absentia morbum valde crudum indicat, & si ad vndecimum vsque diem defecerit, certam in acutis, præcipue malignis, minatur perniciem.
- (67) Sedimentum optimum est mediocriter *crassum*; scilicet si talis sit crassities, qualis potest per coctionem induci: at quod est supra modum crassum, malum; quia non a coctione, sed ab admixto humore seu materia crassa tale factum est.
- (68) Secundum *Fieni* theoriam sedimentum *tenue* leue & nubecula fiunt ex humoribus biliosis; *crassum* vero & graue e pituitosis, melancholicis; *suspensum* ex omnibus mediis.
- (69) Sedimentum in febris incremento adparens, bonum. Indicat enim morbificam causam a natura concoqui.
- (70) Sedimentum vndique bonum ac laudabile illud est, quod proprietates illas habet, quas supra sub *differentia* descripsimus.
- (71) Sedimentum, in vrina nimium rutilante subsidens, quasi *purulentum*, acutas *inflammatorias* indicat; in rubicunda autem turbida plane deficiens, sui vero loco floccos ostentans, hæticæ succedentis metum excitat.
- (72) Vrina in hepatitide rutila & admodum crassa, *crassum* pariter sedimentum dimittit. *Consp. med. p. 539.*
- (73) Sedimentum *roseum* æstum febrilem statumque plethoricum generatim indicat. Speciatim in vrina pleuriticorum & peripneumonicorum satire rubicanda sæpius conspiciendum se offert, quia febribus inflammatoriis solemne est. *Conspect. med. p. 501. 533.*

(74) Qui-

- (74) Quibus septimo die iudicatio contingit, eorum vrina die quarto *rubram nubeculam* habet, aliaque pro ratione *Aph. IV. 70.*
- (75) *Sedimentum lateritium*, aut bolum armeniam æmulans, particularum salino-terrestrium exaltationem, per crebros motus factam, indicat, & subinde in febribus intermittentibus & hecticis atque aliarum recidiuis obferuatur.
- (76) Vrina in febre *album* & læue depositum habens *sedimentum*, celerem liberationem denunciat. Celerem quoque, quæ diluta indiscretam quãdam habet pinguedinem. Quæ vero aliquantum rubet, & *subrubrum* habet *sedimentum* ac læue; si quidem ante septimum diem adpareat, septimo die solutionem fore designat; post septimum autem tardiozem, aut plane diurnam. Et quæ quarto die *subrubram nubeculam* capit, septimo die liberat, si reliqua pro ratione habeant. Tenuis autem & biliosa & ægre *lentum* habens *sedimentum*, & quæ in melius ac deterius commutatur, temporis diurnitatem postulat. Quod si illud dilutius perseueret, aut ad iudicationem temporis longinquitas requiratur, periculo non vacat. *Coac. 575.*
- (77) Vrinæ *sedimenta liuida* & nigra omnium pessima. Vnde Hippocrates *Coac. 577.* scribit: *in vrinis nubecule albæ quidem & quæ infimum locum occupant utiles sunt, rubræ vero nigre ac liuidæ molestiam exhibent.*
- (78) In acutis morbis periculum denunciat vrina biliosa, neque aliquantum rubra & quæ *sedimenta* habet *crimmodea*, alba, & quæ colore ac sedimento variat, & præcipue in iis, quæ ex capite fiunt defluxionibus. Perniciem etiam præ se fert, quæ ex nigra in biliosam tenuem transit, & quæ *sedimentum* habet *diuulsum*, quæque ex his, quæ densata per vrinam feruntur, quod *subsides* habet aliquantulum liuescens & limosum. *Coac. 578.*

- (79) Perniciem indicat vrina, in qua *nigrum* est, quod *subsides*, & quæ ipsa nigra est. *Coac.* 580.
- (80) *Vrina cruda*, quæ sic diu perseverat, vt reliqua signa salutaria sint, abscessum & dolorem, præcipue infra septum transuertum, denunciat. Doloribus vero ad lumbos oberrantibus, ad coxam; idque in febre & sine febre. At quæ emittitur vrina, in qua, quod *subsides*, *pinguedinem* habet, febrem significat. *Cruenta* vero circa initia reddita, morbi diurnitatem. *Returbida* quoque cum fudore, morbi reuersionem. *Alba* autem *sublingalis*, capitis dolorem; *membranosa* conuulsionem. Quæ vero *sputo similia* habet *sedimenta* aut limosa, rigorem denunciat; quæ *araneorum telis similia* quædam habet, colliquationem. At in errantibus febribus *nigræ nubecula* quartanam denunciant; decolores autem *vrinæ*, *enæoremata nigra* in medio habentes, cum peruigilio & perturbatione, phrenitidem; cineritiæ vero, cum spirandi difficultate, aquam intercutem. *Coac.* 582.
- (81) In laterum doloribus vrina cruenta, obscura, cum eo, quod *subsides*, vario & *indiscreto*, vtplurimum in quatuordecim diebus mortem adfert. Laterum quoque dolore adfectis in propinquo mortem esse significat, quæ viridis *nigrum* habet *sedimentum*, aut fursuribus simile. Febre vero ardente cum alto stupore ex albida vrina pessima est. *Coac.* 581.
- (82) *Nubecula* iuxta superficiem circuli modo euecta, in acutis pessima. *Alpinus lib. VII. cap. XV. p. 537.*
- (83) *Nubecula* in morbis biliosis est tam bonum signum, quam hypostasis in pituitosis. *Fienus.*
- (84) In tertianis cum horrore, si adpareant *nubeculis nigris* similia, inconstantem horrorem indicant. Membranolæ quoque mist ones, & quæ cum horrore subsident, conuulsiones prædicunt. *Coac.* 584.

(85) *Vrina*

- (85) Vrina, in qua, quod *subsides*, bonum est, & derepente euanesceat, dolorem ac mutationem denunciat. At quæ *sedimentum* habet returbida, residens, rigorem circa iudicationem, forte etiam & in tertianam aut quartanam transitum. *Coac. 585.*
- (86) Quibus *biliosa sedimenta*, supra vero tenuia fuerint, acutum morbum significant. *Aph. VII. 32.*
- (87) Vrina *multum* habens *sedimentum*, deliria tollit, qualis etiam *Dexippi* fuit post capillorum defluuium. *Hippocrat. lib. VI. epid. sect. VI. 22.*
- (88) Quibus per febres *sedimenta* hordei tosti, non exacte moliti, crassioribus frustulis similia, in vrinis contingunt, longam fore ægritudinem denunciant. *Aph. VII. 31.*
- (89) *Nubecula* innatans vrinis eorum, qui intermittentibus detenti sunt, febris mitigationem adesse declarat.
- (90) *Enæorema* diuulsum, inæquale, malum; tanto peius, si simul nigrum fuerit.
- (91) Vrina cum *nebulis scissis* *macronosema*, seu morbum nimis prorogandum, prælagit. *lib. II. de dynamid.*
- (92) *Sedimentum farinaceum* semper damnandum; aliquando autem criticum existens probatur.
- (93) *Spumose* vrinæ in febrium *principiis* malum habentur signum, quia motus in humoribus *precipiti* conatu susceptos adeoque minus salutare indicant.
- (94) *Spuma* vrinarum, in morbi interdum *augmento* adparens, minus mala iudicatur a *Fieno*, eo quod naturæ laborem in humores designet.
- (95) *Bulle rubee* synochum aut causum demonstrant. *Rhe-nants cap. IX. 41.*
- (96) *Circulus viridis* in acutis phrenesin; in phrenesi autem mortem præannunciat.
- (97) *Spumose* vrinæ siue ob colliquationem, siue quamdam

dam perturbationem tales, vtroque modo ad conuulsionem suspectæ. *Galenus comm. III. in prædict. Hipp. I. f. 63.*

- (98) *Circulus oleosus*, vitro tenaciter adhærens, hædicæ humorum colliquationis & mali euentus signum est.
- (99) *Vrina*, quæ veluti *florem vini* supernatantem habuerit, phrenitin aut paracopen venturam ostendit. *lib. II. de dynamid. f. 120.*
- (100) *Pili*, seu quidquid sub hac forma in vrinis subinde comparet, *Hippocrates* quidem de renibus excerni pronunciauit; verum eiusmodi contenta interdum in febribus petechialibus aliisque morbis malignis fuere conspecta, & raro alium, quam funestum prænunderunt euentum. *Conf. A. O. Gælicke diff. de Sedimentis vrinarum §. XIV. Francof. 1727.*

2) *In aliis Morbis.*

- (1) Iubet quidem *Galenus lib. III. de crisi bus cap. III.* vrinæ, ubi febris adfuerit, præcipue inspiciendas; sed eodem in loco simul suadet lotii obseruationem in aliis pathematibus: licet sumta inde præsagia tantæ certitudinis non sint, quantæ esse possint in febribus, quando *cruditas* vel *coctio* determinanda est.
- (2) *Vrinæ* præter consuetudinem *tenues* & *crudæ* absque repletionem, in morbo comitiali obnoxiiis, morbi insultum denunciant, idque præcipue, si in summum humerum, aut ceruicem, aut dorsum dolor, aut conuulsio incedat, aut torpor totum corpus occupet, aut turbulentum insomnium visum fuerit. *Coac. 599.*
- (3) *Vrina tenuis*, aquosa, splendens, primo & per se malam in hepate concoctionem & cruditatem indicat; sed *tenuis*, aquosa, splendoris expers & parum turbida, quæ pauca, cum difficultate redditur, cum signis consonis, renum a calculo obstructionem designat.

(4) *Vri-*

- (4) *Vrina tenuis*, admodum pallida, primarum viarum vitium & prostratum adpetitum nunciat.
- (5) *Vrina tenuis*, aquosa, turbide pallescens, præter digestionis ataxiam, non raro hepatis & glandularum melsaraicarum vitia prodit.
- (6) *Vrinæ tenues* & albæ, sine vllis contentis, pessimæ concoctionis & magnæ cruditatis signum constituunt.
Fienus.
- (7) *Vrina tenuis*, pallida, viridescens & pauca, cachexiam adeoque hepar male adfectum præmonstrat.
- (8) *Vrina tenuis*, pallida, minus diaphana, aliquando flocculenta, in qua spuma diutius perseverat, catarrhi existit index; coloratior autem crassiorque reddita, pathematis augmentum arguit.
- (9) *Vrina tenuis* & aquosa in subiectis, nephritide alias vexatis, nouæ inuasionis habetur prænuncia.
- (10) *Vrina crassa*, & interdum chylosa, redditur ab atrophicis; quandoque tamen in his ipsis subiectis tenuem, pallidam & turbidam videre contingit.
- (11) *Vrina crassa*, purpurea, turbida, in qua, quod subsidet, grumosum sanguinem refert, & supra-natantem humorem fuscum habet, læsa in renibus vasa indicat.
- (12) *Vrina crassa*, turbide flaua, sæpe ventriculi aliorumque viscerum, depurationi dicatorum, morbos patefacit.
- (13) *Vrina* in hydropo quo *crassior* est ac rubicundior, eo minorem reualescendi spem relinquit; quia hæcticæ complicatæ indicium est. *Conspect. med. p. 714.*
- (14) *Vrina crassa*, lixiuiosa, quæ simul hypostasim multam ac limosam ostendit, in hydropo perniciem minatur.
- (15) In deficientis vrinæ vitiis, a spastica renum constrictione ortis, vrina ordinarie tenuioris consistentiæ apprehenditur; non numquam tamen in ischuriæ malo *crassam* & *obscure flauam* videre contingit, cum sedimento crasso.
- (16) *Vri-*

- (16) *Vrina mulierum crassa*, turbida, ad nigredinem accedens, & furfuraceam hypostasin dimittens, malum hystericum exacerbatum nunciat.
- (17) *Vrina crassa*, turbide rutilans, foetida, quæ post agitationem spumam flavescentem efformat, floccosque ac decolor sedimentum, icterum nigrum perniciosum denunciat.
- (18) Quibus speratur aliquid ad articulos abscessurum, *vrina copiosa & crassa & alba reddita*, abscessu liberat. *Aphorif. IV. 73.*
- (19) *Vrina turbida*, certum colorem non referens, a mulieribus reddita, si simul pallida fuerit, menstrui fluxus ataxias arguit. Verum quemadmodum in aliis morbis *vrina* respectu consistentiæ & coloris variat: (collatis *num. 10. 15.*) ita & hic saturate citrina & flocculenta in eodem adparere solet malo.
- (20) *Vrina turbida & pallida*, quasi lutulenta, cum sedimento mucido & fæculento, in mulieribus tormina flatulenta; in iuniore autem ætate alui fluxum, torminibus stipatum, manifestat.
- (21) *Vrina turbida, lateritia, lutulenta* plurium fœdorum pathematum index existit. Hinc necesse est, ut signum hoc ambiguum cum reliquis signis conferatur; siquidem scabie, scorbuto, vlceribus refractariis, lue venerea & fluore albo vexatis, familiaris obseruatur.
- (22) *Vrina pallida*, spumam post refrigerationem seruans, statum prodit catarrhalem.
- (23) *Vrina pallida* quæ spumas & floccos ostendit, subinde etiam a phthisicis reddi solet.
- (24) *Vrina pallida* in ætate consistente, præter cruditarum in primis viis copiam, nonnumquam apoplexiæ prodromus habetur, in primis in plethoricis.
- (25) *Vrina pallida & aliquantum flaua nubeculam flocculentam & pinguem gerens cuticulam*, phthisin nunciat; quæ

quæ vero simul spumam ostendit eamque diutius feruat tussim complicatam, æstum & pectoris angustationes prodit.

- (26) Vrina mulierum *pallida*, simul turbida, parcius effluens, in qua flocculi quidem conspiciuntur, sed hypostasis deest, non raro nimiam sanguinis iacturam per menses, lochia, aut alias vteri hæmorrhagias arguit.
- (27) Vrina *alba* & *aquosa* in diuturnis morbis perseverans, non securam iudicationem facit. *Coac.* 576.
- (28) Vrina *alba* cum arena, lapidem vesicæ denotat.
- (29) Vrina *alba* & crassa ob semen admixtum sæpe in gonorrhœa conspicitur.
- (30) *Alba* vero & crassa, mucosa, floccos squamasque præ se ferens, in qua, quod statim subsidet, lotio minus exacte commixtum est, materiam non raro purulentam indicat, ex ulcere renum aut vesicæ manantem.
- (31) Vrina *alba*, *crassa*, *pituïtosa*, subinde cruditatem & malam coctionem designat; sed, ut pridem observatum est, minus certe; cum & alia indicare soleat pathemata. Vnde plus tribuunt in his vitiis declarandis urinx *n.3.* recensitæ.
- (32) Vrina *alba*, cum circulo liuido, obstructionem cerebri & caducum ostendit. *Rhenanus.*
- (33) Vrina *citrina*, sanæ similior, morbum generatim chronicum prodit; speciatim vero in glandularum indurationibus, malis spasticis, & subinde in hydropè incipiente & cachexia conspicitur.
- (34) *Saturate citrina* sæpe hypochondriacæ & spleneticæ passionis est indicium. Quo autem limpidior effluit, eo maiorem mali exacerbationem & auctiorem in illa regione stricturam nunciat. *Consp. med.* p. 327.
- (35) *Intense citrina* & in rubescentem vergens, spumam & floccos minutos ostentans, malum phthysicos statum monstrat.

- (36) Vrina *citrina* ac propemodum rutilans, diaphana & spumans, quæ posthac sedimentum roseum deponit, rheumatis adfligentis præbet indicium. In hac limpida continuans mali augmentum, coloris autem turbatio, cum hypostasi, eiusdem decrementum adnunciat.
- (37) Vrina *citrina*, diaphana, puncturas in meseraicis notat. *Rhenanus cap. IV. n. 4.*
- (38) Vrina *citrina*, limpida & vini colorem æmulans cum pauca hypostasi rosea & flocculis, motus hæmorrhoidales in ætate florente virili prænunciat.
- (39) Vrina mulierum *obscure citrina*, paululum turbida, & ad rubrum æque obscurum declinans, hysterica passionem & tubide fluorem album benignum arguit.
- (40) Vrina *sature citrina*, quæ deposito sedimento roseo turbida perseuerat, varias circa venam portæ motuum anomalias designat.
- (41) Vrina virorum *citrina*, quæ ramenta mucilaginosa & hypostasin crassam, turbide flauam, ostendit, plerumque gonorrhœæ indicium est.
- (42) Vrina sanorum *citrina*, pelliculam pinguem & sedimentum albicans flocculentum dimittens, factæ excretionis genituræ signum est, ac in plethoricis voluptuosioribus sæpe obseruatur.
- (43) Vrina *aurantia*, crassa, pauca, cum sedimento submucido, roseo, spisso interdum & graui, hepatis scirrhum adesse præmonstrat, *Consp. med. p. 357.* Sæpe vero cuticula pingui tecta & graueolens hecticam manifestat. *ib. p. 569.*
- (44) Vrina *aurantia*, propemodum rubicunda, valde crassa & aliquantum tenebricosa, cum sedimento pauco, dolorum chiragrico-podagricorum exacerbationem prodit. Vbi autem diutius continuarunt, sedimentum roseum, crassum submucidumque deponit, & vitri lateribus æque ac fundo granula, aurantii coloris, copio-

copiose adfigit. Aliquando & hypochondriaci ac nephritidem patientes similem emingunt.

- (45) Vrina *obsolete aurantia*, crassa, cum sedimento squamoso, ardorem vrinæ ischureticum cum dolore lumborum indicat.
- (46) Vrina *crocea*, linteamenta & vitrum flauedine tingens, spumam præterea & subinde hypostasim flauiscentem ostentans, icteri flui vel ingruentis vel adflicti gentis nuncia est.
- (47) Vrina *pallide rubra*, crassa & pauca, staseos falso-mucidæ lymphæ hydropicæ signum est. *Nenter.*
- (48) Vrina *rubea* cum circulo alterius coloris morbum iuxta umbilicum ostendit. *Rhenanus cap.X.17.*
- (49) Vrina *rubea* cum sedimine albo menstruum fluxum portendit; cum rubro autem eius retentionem indicat. *Idem.*
- (50) Vrina *rutilans*, spumea, subturbida subinde cuticulam referens, motus congestorios ad pectus directos, speciatim pleuriseos ac peripneumonix adflictionem prodit.
- (51) *Rutilans pellucida*, quæ crystallos tartari ad vitri latera deponit, in pluribus subiectis hypochondriacum malum aut arthritidis cruciatus nunciat. Aliquando autem ubi simul turbida spumansque exstiterit, crebræ palpitationis cordis signum exhibet.
- (52) Vrina ex sanguinis admixtione *rubra* seu *cruenta*, similem deponens hypostasim, renum ac vesicæ læsionem arguit: non raro etiam diureticorum incongruam applicationem consequitur.
- (53) Qui sponte sanguinem cum vrina effundunt, iis in renibus venulam esse ruptam significat. *Hippocrat. aph. IV. 77.*
- (54) Si quis *sanguinem* & *grumos* cum vrina fundat, & stranguriam

- guriam habeat, dolorque in hypogastrium incidat; tunc ea, quæ ad vesicam attinent, laborant *Aph. IV. 79.*
- (55) Vrina mulieris sanæ *cruenta*, menses fluentes monstrat.
- (56) Cum vrina *floridus sanguis* emissus, sine dolore aliisque nephritidem indicantibus signis, mictum cruentum ex hæmorrhoidum suppressione nunciat.
- (57) Vrina varie ac *lutulente discolor, fusca, cereuisiaria*, variorum morborum chronicorum index est. In his enim scorbutum, cacochymiam; in aliis malum hypochondriacum, hystericum, hæmorrhoidum turbas & melancholiam subinde arguit.
- (58) Vrina *cereuisiaria, nigricans* in iunioribus scabiem retropulsam indicat; sed *fusca* & tenuis cum sedimento furfuraceo in fluore nonnumquam albo observari solet.
- (59) Vrinæ *cineritiæ* cum spirandi difficultate aquam inter cutem significant. *Coac. 582.*
- (60) Vrina *liuida* in cephalalgia doloris augmentum fieri adnunciat. *Lib. II. de dynamid. f. 120.*
- (61) Vrinæ *liuidæ, plumbeæ, nigræ*, hypochondriacis confirmatis solemnes. Liuida autem talis facta ex vrina prius rubra, pectoris apostema arguit.
- (62) Vrina præter naturam *pauca* in quovis morbo mala.
- (63) Vrina *pauca* vel renum aut sphincteris vesicæ constrictionem portendit, vel feri copiam alio directam aut extravasatam indicat. Quod si venter aut pedes in hoc statu intumescant, hydropem imminere præsagit.
- (64) Aqua inter cutem laboranti cum febre, vrina *pauca* & conturbata perniciem denotat. *Coac. 456.*
- (65) Vrinæ *paucitas* non numquam feri defectum; subinde vero nimiam eius visciditatem prodit.
- (66) Vrina *pauca* & *aquosa* in calculosis sub initium; *ru-tilans* cum crebro mingendi conatu, in mali augmento effluit; *turbida* autem facta, ac ramentis referta, paroxysmi solutionem prænunciat.

(67) Vri-

- (67) *Vrinæ stillicidium*, vel plenaria *suppressio*, cum subito dolore nephritico, sæpe calculum renum præmonstrat. Sed dolor in imo ventre simul adfligens, de calculo vesicæ vrethram obstruente, testari solet. Simplex *stillicidium* transiens habenda est stranguria.
- (68) *Vrinæ suppressionem* non raro mucus, vretes obviiscans, excitat.
- (69) *Vrina suppressa*, quando diuturnam eius retentionem excipit, omnimode perniciofa est.
- (70) *Vesica intercepta*, præsertim cum capitis dolore, convulsionem minatur. Quæ in his cum torporis sensu exsoluuntur, molestiam exhibent, non tamen perniciem adferunt. Videndum, num tale quid etiam mentem excutiat. *Prorrh. I. 120.*
- (71) *Vrinæ interceptiones* ex perfrictione pessimæ. *Coac. 5.*
- (72) *Vrinæ*, quæ cum rigore *resistunt*, malum & convulsionem denunciant; tum vero præcipue, si antea alto sopore æger detentus fuerit. In his autem abscessum ad aures sperare oportet. *Coac. 25.*
- (73) In hydropo sicco *vrina stillatim* effluens malum denunciat. Mala quoque est, quæ exigua habet sedimenta *Coac. 453.*
- (74) Pertinax *vrinæ suppressio* vel hydropem vel mortem portendit: accedente tenesmo lethale.
- (75) *Vrina multa, aquosa, subdulcis*, diabetis index est; crudam vero hypostasim habens, anasarcam aut hydropem monstrat.
- (76) *Vrina multa* est post eius suppressionem plerumque salutaris. Aliquando autem nec leuat, nec saluti est.
- (77) *Vrina multa* in subiectis macilentis ominosa. Facile enim ad hecticam inuitare potest catastrophem.
- (78) *Vrina valde mucosa læsam* vlceratamque vesicam indicat.
- (79) *Vrina mucosa & cruenta* vlcerosam renibus inesse labem confirmat.

- (80) Vrina, *materia spissiore* referta, vel mukum, vel pus continet. Quod statim fundum petit, *mucus* est; quod tardius, *pus*; quod vero suspensum hæret, *semen* iudicabitur. *Nenter.*
- (81) Quibus inferiores partes male adficiuntur, vehementibus pruritibus prius obortis, iis vrina *sabulosa* fit & subsistit. At qui perniciose habent, iis mens obtorpescit. *Coac. 488.*
- (82) *Arenulæ* aliquando sunt *albæ*; aliquando *rubræ*; illæ genitæ creduntur in vesica, hæ in renibus. Incertum tamen signum esse, a loco generationis desumptum, priorem obseruarunt Semeiologi.
- (83) *Sabulum rubens*, cito fundum petens, calculum renalem monstrat. *Aph. IV. 78.*
- (84) *Sedimentum album, cretaceum*, terrestribus portionis in humoribus crudæ ac abundantis index habetur, & illis, qui vesicæ calculo laborant, familiare.
- (85) Quibus cum vrina crassa *furfuri* similia quædam simul exeunt, iis vesica *psora* laborat. *Aph. IV. 76.*
- (86) Si quis *sanguinem* & *pus* & *squamulas* cum vrina fundat, grauisque odor adsit, velicæ vlcerationem significat. *Aph. IV. 80.*
- (87) *Sedimentum album*, in vrina crassa subsidens, articulorum dolorem aut tumorem denunciat. *Hippocrat. lib. II. prorrh. f. 69.*
- (88) *Sedimentum* vrina *rubicundius* vehementes stomachi dolores decernit. *Rhenanus cap. III. 18.*
- (89) *Orobeum sedimen*, in mulieris vrina conspectum, non numquam mensium retentionem; *nigrum* vero eorum superfluitatem indicat. *Rhen. cap. III. 24.*
- (90) *Sedimentum cruentum, grumosum* in mulieris vrina, menses tum fluentes designat.
- (91) *Sedimentum* in vrina rubicunda, neque *album*, neque *rubrum*, malum ischiadicum præfagit. *Rhen. cap. X. 20.*
- (92) Fe-

- (92) Femoris dolore euanescente, si quid *sublime* per urinam innatet, mentis emotionem expectare oportet, & talia, qualia circa aurium sonitus contingunt. *Prorrh. I. 37.*
- (93) Ceruicis & dorsi perfrictiones, & quæ totum corpus videntur pertingere, insuper & *spumantes* mictiones, cum animi deliquio, & oculorum hebetatio, conuulsionem in proximo esse significant. *Prorrh. I. 113.*
- (94) In spuma urinæ si *granula* fuerint, paralyfin portant; & quanto fuerint minora, tanto certius malum minantur. *Rhenanus. Nenter.*
- (95) *Circulus venetus, nigricans* aut *discolor*, iridem quasi æmulans, notam constituit morbi caduci grauissimi. *Rhenanus.*
- (96) *Circulus viridis* in suffocatione matricis, mortis est prænunciator. *Idem.*
- (97) *Circulus subrubeus* aut *purpureus* designat multum sanguinis in capite abundare; unde venarum impletio & dolor iuxta tempora, ut etiam atomos ante oculos volitare putent. *Idem.*
- (98) *Circulus cælestini* coloris est mulieribus proprius, & arguit putrefactionem matricis ad lepram tendentem. *Idem.*
- (99) *Circulus spumeus albicans* in vrina vinea, abundantiam humorum ostendit. *Idem.*
- (100) *Circulus dimidiatus* in alterutro latere paralyfin annunciat. *Idem.*
- (101) *Circulus spissus, rubens* aut *lateritius* lethargum præsentem aut adpropinquantem denotat. *Idem.*
- (102) *Alcola* seu *pulsus in circulo* morbum chronicum; in urinæ autem muliebri superflans, imprægnationem significat. *Idem.*
- (103) *Circulus tremulus* est prognosis apoplexiæ. *Idem.*
- (104) *Spuma*, ex maioribus ampullis constituta, signum est
cor-

corporis plethorici, quamvis subiectum in præfenti nullo morbo sit obnoxium. At *bullæ* in renum morbis longum fore malum significat. *Aph. VII. 34.*

(105) *Spuma flava* vel *viridis* icteritiam flavam; *nigra* nigram indicat.

(106) *Spuma*, ob gravitatem *fundum petens*, termorem aut incubum præfagit.

(107) *Bullæ ceruleæ* lepræ sunt indicium.

(108) *Vrina* quo *ponderosior* exsistit, eo maius periculum in omni morbo portendit. *Vid. S.S.D. Relat. curios. de Vr.*

(109) *Vrina multicolor*, superius clarior, inferius spissior & sanguinolenta, post duriora verbera fere adparere solet.

(110) *Vermes*, cum *vrina* excreti, sordidi vlceris verminosi in renibus aut vesica præbent indicium.

IV. OBSERVATIONES.

I. Quod olim *Corn. Celsus lib. III. cap. VI.* statuit de *pulsu*, id hodie non pauci ad *vrinam* adplicant, adferentes: hanc pariter signum esse maxime ambiguum, nihilo certius *pulsu* fallaci. Argumenta, quæ adferunt, sunt sequentia:

1) Certi nihil ex sola *vrina* concludi potest, nec vera dantur signa diagnostica, *vrinam* masculi a feminarum lotio tuto discernentia.

2) *Vrina* v.g. cholericæ, vndique fani, facile imponere potest, vt vrosopus febrem ardentem subesse credat, aliisque callide ipsum tentantibus derisui fiat.

3) *Varia* quoque partim per respirationem humoribus insinuata, partim per os adsumta, malam *vrinæ* qualitatem conciliare possunt. Sic pessimum inducere solet colorem *cassia*, quia *nigræ* post eius adsumtionem mingi observantur *vrinæ*. Exemplum præterea præbuit studiosus quidam Lipsiensis qui post pirorum fracidorum esum & cerevisiæ (Rastrum) largam ingurgitationem *nigrum* emisit lotium, sine villo sanitatis detrimento. *Conf. Herm. Paul. Iuchii Diss.*

de am-

de ambiguitate vroscoپی cap. I. §. VI. Erford. 1732. Pet. Forrestus de incerto ac fallaci vrinarum iudicio lib. II. f. 320.

- 4) Certa morbi species ex vrina cognosci nequit. Plures enim morbi chronici eamdem, respectu coloris & sedimenti, ostendere solent vrinam, quod exemplo lixiuio-sæ potissimum probatur, quæ aliquando ab acute febrientibus emittitur, sæpius vero in scorbuticis & hypochondriacis obseruatur.
- 5) Multo minus causæ ex illis innotescunt. Nam præsens v.g. renum exulceratio ex sedimentis cruentis ac purulentis quidem percipitur, sed causam factæ læsionis ex vrina nemo hariolabitur. Immo si causâ vel maxime nota sit; vrina tamen tot fallaces mutationes & captiosa quasi ostendit phænomena, vt in vtramque partem omnino præfagire liceat, interim minus expectata plerumque eueniant.
- 6) In periculosis morbis sæpe plurimum fallit, in statu autem tolerabili, nescio quam subinde portendit perniciem. Refert casum *Th. Mermannus* de viro quodam, cui hepatis substantia pæne tota absunta ipsiusque loco putrilago ac purulentia, tamquam sacco inclusa, inuenta sit. De huius vrina porro obseruat, eam pro ratione lethalis morbi adeo vitiosam non fuisse, addita epicrisi: *coniecturam ex solis vrinis factam*, testante hac historia, *esse per quam fallacem.* Vid. *Io. Schenckii Obs. lib. III. f. m. 411. edit. Francof. 1665.* Quanta insuper glaucomata in febribus sæpe malignis vrina excitet, practicos non fugit; hinc etiam sanam in his morbis pro pessima habere assolent.
- 7) Ex vroscoپی & vromantiæ pruritu res medica hoc accipit detrimenti, vt præconceptæ opiniones & imaginariæ hypotheses de humorum saporibus & partibus, vt vocant, constitutiuis, per institutas docimasias vrinarum fallaces & claudicantes, ac inde formatas opinioforum conclusiones adhuc magis firmarentur, & ipsam denique physiologiam ac pathologiam non modo fœdarent, sed ipsam quo-

que therapiam, incongruas indicationes suggerendo, turbarent,

- 8) Ceterum vti quidam offenduntur, quorum pulsus in statu sano perpetuo aliquid præternaturalis refert : ita pariter occurrunt, qui semper vrinam mingunt respectu coloris morbidam. Quid iam decernet vroscopus, si oblatum eiusmodi hominis videat lotium ? Inter regulas autem vroscopiæ hæc quoque relata est, vt diuinator, nisi errare velit, vrinam subiecti, qualis in statu secundum naturam emitti soleat, prius habeat perspectam, quam de morboeso vesicæ latice prænunciet ; secundum Hippocrat. *Aphorif. VII. 68. Quæ per vesicam exernuntur spectare oportet, an sint, qualia sanis subeunt. Nam quæ his minime sunt similia, ea morbosiora, quæ vero sanis similia, minus morbosæ.* Atqui vrinæ offeruntur hominum, de quorum existentia ne quidem constitit ; quomodo ergo debite & ad veritatis amussim officio & desiderio faciet satis, cum ne videre quidem ægrotum contingat.
- 9) Ad hæc omnia porro accedunt tot quæritantium malitiosæ technæ & fraudes, quibus dexteritatem Medici tentare satagunt maleuoli, vt vel propter has solas, vromantiæ prorsus valedicendum videatur. Iam enim vrina pecorum mittitur, iam coloribus infucatur, aqua miscetur, fordes iniiciuntur & similia ; vt alia de abusu, quem ignari & lucro inhiantes impostores exercent, prolixè non attingamus. Hi enim sunt, qui in rei medicæ ignominiam vros copia abutuntur, eamque eo loco habent, vt *Ammannus* loquitur, quo Pontificii suum purgatorium. Vti enim hoc religioni existimationem & sacrificulis diuitias auget : ita vros copia crumenis conducit.
2. Aliis contra & *utilis & necessaria* habetur. Sed hi nimia ducti credulitate, & inueteratæ opinionis auctoritate, talia statuunt, innitentes experiētiis & historiis singularibus, non quidem in dubium vocandis, attamen digne diiudicandis. Quod enim passim se offerant homines plebei, qui
ex vri-

ex vrina ad sciscitantium admirationem dicere valeant, ægrotantis morbum, sexum, ætatem, prænomen, vestes, crines, numerum liberorum, statum viduitatis, cælibatus, paupertatem, diuitias, delicta commissa, futuram felicitatem, aduersa fata ac similia, id quidem non inficiamur, sed hoc pernegamus, ista omnia adparere in lotio, aut ex simplici vrosopia innotescere. Si enim fieri hoc posset, certique essent nexus naturales inter vrinam & eiusmodi prædictiones, Medicus quisque, quo esset doctior, eo felicius & adcuratius singula, tam ad morbum, quam morales circumstantias attinentia, prænunciare valeret. Cum vero hoc minus fiat, & celeberrimi vromantæ plerumque sint homines rudiores, opiliones, agyrtæ, vespillones, carnifices, vetulæ, & varii ex sentina plebis excussi: tum res ipsa loquitur, nisi forte versutior intercesserit expiscatio; aliud suspectum subesse artificium.

3. Sunt insuper alii, qui, vbi de vrosopiæ necessitate ac vtilitate decernendum est, *mediam viam* tenere malunt, statuentes

1) Vsum prognosticum *præcipuum* esse in diiudicanda secessione febrili, vel, vt veteres enunciant, coctione.

2) *Proximum* hinc esse in ictero, hydropo, calculo renum, mictu cruento, vlcerosa renum & vesicæ constitutione.

3) *Minorem* in morbis pectoris, malo hypochondriaco, hysterico & similibus.

4) *Minimum* in capitis pathematibus.

5) *Nullum* in læsionibus partium solidarum & organicarum, quatenus talium. *Conf. Stablii Dissert. de Vromantiæ & vrosopiæ abusu tollendo. Frid. Hoffmanni med. rat. syst. tom. I. p. 218.*

4. Quid præterea de vniuerso hoc negotio sentiendum sit, in tironum gratiam paucis complectemur aphorismis:

1) Nemo vir cognitæ ac nihil controuersæ probitatis ad nostram notitiam peruenit, qui vromantiæ illius famosæ atque empiricæ vñ inclaruisset. Quæ res non leuem su-

spicionem adfert, negotium vromanticum longe alio niti fundamento, quam lotii coloribus & contentis.

2) Vromantæ plebeii duplicis dantur generis:

- (1) Aliqui impudentibus mendaciis & absurdis fictionibus ignorantiam statim produnt, omnemque fidem apud quosuis omittunt. Et isti sunt propudiosi, impostores, crumenifecis nihilo meliores. *Vid. Pet. Forest. loc. cit. lib. II. cap. III. Thom. Brian Englischer Wahrsager aus dem Urin-Glase, darinnen nun allererst die betrüglichen Stüchl in und Augenverblendungen entdeckt sind, deren sich alle diejenige gebrauchet haben, welche vorgegeben, daß sie die Krankheiten aus dem Wasser erkannt und von denselben daraus ein Urtheil gefället haben. Hamburg 1703. S.S.D. Relationes curios. de signo physico Vrina. Gothæ 1703.*
- (2) Alii contra de morbo aliisque rebus exquisite pronunciant. Ex hi a suspitione magiæ vetitiæ liberari vix possunt.
- 3) Ex his sponte fluit: non dari vromantiam, quæ ex nuda lotii inspectione de quovis morbo specialissime pronunciare, nedum allotria distincte de ægri persona & re familiari enarrare queat.
- 4) Et quia talis non datur: cum vroscopia medica confundenda non est, multo minus Medici experientia & dexteritas ex vromantia seu diuinandi peritia æstimanda erit.
- 5) *Vroscopie* vsus non est vniuersalis; nam ad omnes morbos se non extendit; neque de toto morbo, sed de peculiari tantum febris acutiæ conditione aliquid nunciat. *Conf. Stablii diss. de periodis acutarum sine criseos euentu exquisitis; vbi vroscopiam hoc nomine commendat.*
- 6) Vsus ergo, qui vulgo creditur maximus, reuera intra artiores continetur limites,

7) Huic-

- 7) Huicce vroscopiæ medicæ, respectu vtilitatis exiguæ, quia fraudulentæ & empiricæ vromantiæ, a plebe tantopere æstimatæ, patrocinari videtur, aliquamdiu renunciandum, ipsaque vromantia serio coërcenda est, vt melius instruantur eorum animi, qui hactenus multum tribuerunt diuinationibus ex matula.
- 8) Hac ratione plus emolumenti in rem medicam & ipsum genus humanum redundabit, quam ex inauspicata vromantiæ tolerantia. Minus enim conducit magnum abusum tolerare, ob exiguum aliquem vsum.
- 9) Quod si tandem de vroscopiæ quærat *necessitate*, confitendum est, eam ad sanandos morbos absolute non requiri; quia ex aliis signis sufficienter cognosci & feliciter curari possunt, tametsi lotium numquam adspexerit Medicus. *Conf. Stahlî diff. cit. §. XVII.*
- 10) Præterea veterum quoque praxis confirmat, vroscopiam, quæ hodie inualuit, non esse simpliciter necessariam. Tanti enim nusquam hoc artificium faciunt, quanti vulgo fieri solet: fundamentum autem iecerunt Arabum laudationes; ad fastigium perduxit nugax Paracelsitarum vromantica superstitio & fumiundula multorum experimenta chymico-vromantica & telomantica; coronidem vero imposuit mobilis vulgi credulitas; existimationem tandem ad hoc vsque tempus sustinuit auctoritatis & traditionis præiudicium nouissimæque historiolæ de admirandis quorundam plebeiorum artificum diuinationibus ex matella. *Conf. Euricii Cordi de abusu vroscopiæ conclusiones earundemque enarrationes, aduersus mendacissimos erroneos medicalistros, qui imperitam plebeculam vana sua vrosco피아 & medicatione, misere vita & bonis spoliant. Francof. 1546. Frid. Schraderi de signis med. Exercit. II. §. VI. Helmst. 1700.*
5. His expeditis, paucis dicendum, quomodo vrosco피아 ab vrologia & vromantia distinguenda sit, ne tirones græcorum ignari, rerum ideas inter se confundant:

- 1) *Vrologia* denotat doctrinam de *vrinæ* origine, materia, partibus constituentibus ac omnibus accidentibus, ope sensuum explorandis, item de variis productis & experimentis chymico-statico-physicis.
 - 2) *Vroscopia* est *vrinæ* inspectio. Das Wasser besehen.
 - 3) *Vromantie* autem nomine intelligitur potissimum, præsentia & futura in morbis ex *vrina* prædicendi habitus, quem aliter Medici rationales, aliter vulgus exercet, & *vroscopiam* sub se comprehendit.
6. Quemadmodum recentiorum curiositas *vrologiam* citra necessitatem prolixam reddidit: ita superiorum sæculorum erronea theoria multa interspersit fabulosa & inutilia, quando v. g. iubet vt in *vrina* obseruentur
- 1) *Odores*
 - (1) *Salis* crudi, arsenicalis, spirituum.
 - (2) *Sulphuris* piceï, oleosi, vulgaris.
 - (3) *Mercurii* carniû, herbarum.
 - 2) *Sapores*.
 - 3) *Colores*, de quorum caussis synecticis seu *continentibus* supra modum prolixæ exstant disputationes & contentiones, in vtramque partem factas. Quoniam vero isthæc singula ad vsum præcticum, ob sterilitatem, nihil conferunt, fusiori recensione digna non iudicamus.
 - 4) *Vrina* singularium partium, v. g. *cerebri* alba, *pulmonis* vinea, *fellis* flaua, vinea, spumosa, *lien*is spadicea, spumosa, *intestinarum*, *renum*, *ligamentorum*, alcola seu atomis referta, tremula aliaque huius commatis plura.
7. Restat, vt aliquid dicamus de illis artificiis, quæ per quæstiones expedienda iubent illi, qui *vrinas*, ab ignotis sibi missas, accipiunt lustrandas, ante quam prædictiones formantur *vromanticæ*. Volunt nimirum, vt constet

1) Cuius

- 1) Cuius sexus ac ætatis persona sit?
- 2) Vtrum lecto detineatur?
- 3) Quamdiu cum morbo conflictetur?
- 4) An vires sibi constant?
- 5) Quomodo ingerat, digerat, egerat?
- 6) Speciatim multumne an parum fudet, mingat, vomat, aluumque deiciat?
- 7) Vtrum bene dormiat, vel micrypnia aut agrypnia vexetur?
- 8) Quantum æstus ac fitis vrgeant?
- 9) Numquid alterutrum latus doleat, aut tussis adfligat?
- 10) Vtrum pedes vel abdomen tumeant?
- 11) Vtrum alias valetudinarius fuerit?
- 12) Quo in statu hæmorrhagiarum naturalium negotium sit, siue hæmorrhagias narium & hæmorrhoides, siue menses respiciamus?
- 13) Quod vitæ genus exerceat?
- 14) Quibus iam vsus sit medicamentis?

8. Insuper obseruanda commendant:

1) respectu *vrinæ*, vt

- (1) non excipiatur, quæ vna alteraue hora post cœnam, aut aliis horis, quibus concoctio adhuc duret, emissæ est, sed *matutina*.
- (2) in vitro colligatur pellucido, & bene purgato, non admodum humili, sed mediocris altitudinis.
- (3) Sufficiens eius sit quantitas.
- (4) a gelu & calore multum non adficiatur.
- (5) In vase clauso, ne plurimum exhalet, contineatur.
- (6) Ultra sex horas non reseruetur, quia corruptione tentetur.

(7) Me-

- (7) Medicinam potius expectet, quam ut ad illum deferatur. Nam
- a) hypostasim, enæorema & nubeculam confundi, & colorem tam urinae, quam sedimenti pristinum ignorari.
 - b) Circulum, cui permultum tribuunt, una cum cuticula plane disparere, ac turbidum crama sisti.
- 2) respectu *Medici*, ut
- (1) minutissima quæque, ad morbum attinentia, ex ægro aut aliis percontetur.
 - (2) inspectionem instituat in loco sereno; non tamen ad radios solares, neque ad candelæ lumen, nisi colorem per opticam fallaciam alteratum videre velit.
 - (3) signis aliis scite observatis, tandem prænunciet.



TABVLA IX.

DE

VOMITV ET ALVINIS DEIECTIONIBVS.

I. DEFINITIO.

Vomit est materiarum in ventriculum collectarum ope inuersæ actionis peristalticæ per œsophagi, faucium ac oris viam a natura suscepta violenta excretio.

Aluina deiectio est colluuii excrementitiæ in intestinis crassioribus coaceruata per anum eliminatio.

II. DIFFERENTIA.

1. Duarum, quas hic semeiologice explicandas sumimus, excretionum differentia generalis ex suppeditionis *definitionibus* satis clara est. Nam vomitus per guttur, *ava*, aluina autem deiectio *κατω* contingit.
2. *Vomit* quamvis, secundum veterum loquendi consuetudinem, a *vomitione* prorsus non differat, sed promiscue ac synonymice vsurpetur: volunt tamen quidam per illum largam; per hanc autem paucam intelligere emesin. At *vomituritus* molimen denotat vomendi cum nausea coniunctum.
3. Generatim vomitus esse solet
 - 1) vel *expeditus*, qualem in euemetisprehendimus.
 - 2) vel *læsus*; & is triplici modo differt. Est enim
 - (1) *vacuus*, dum ad vomendum conatus quidem vrgent, nulla autem insequente emetica excretionem.
 - (2) *laboriosus*, quando insigni cum molestia materia excernitur.

- (3) *nimius*, vbi vel materia nimium stimulum adfert, vel ipsa natura ex errore pertinacius agit.
4. Speciatim sunt vomitus vel spontanei, vel arte excitati.
- 1) *Spontanei*
- (1) vel *critici*, iique ratione *effectus* morbum
- a) Soluentes.
- b) Leuantes.
- c) Turbantes, quando ideæ morbi non respondent, vel pauci sunt, aut alias excretiones præuertunt.
- (2) vel *symptomatici*, qui
- a) in *acutis* iusto maturius, nempe in *principio*, obtinente adhuc cruditate, contingunt.
- b) *Morbis aliis* superueniunt; vt vomitus in nephritide, tussi, capitis vulneribus.
- c) *Therapeutici*, qui sub orthostadia eueniunt
- a) *Vagi*, v. g. post nimiam ventriculi per alimentorum operationem, vel dyopeptorum, aut insuetorum adiunctionem.
- β) *Periodici*, qui hæmorrhagias naturales non succedentes annuatim supplent, ob eamque causam *vicarii* dici merentur. *Conf. Pathol. tab. de morbis primarum viarum.*
- 2) *Arte*, seu per medicamina emetica *excitati*,
- (1) tempestiue cessantes.
- (2) pertinacius, immo ad *hyperemesin* vsque continuantes.
5. Ratione *materiæ*, quæ reiicitur, vomitus obseruantur
- 1) *aquosi*, limpidum serum excernentes.
- 2) *pituitosi*, viscidam saburram eliminantes.
- 3) *biliosi*, colluuiem biliosam expurgantes.
- 4) *sanguinei*, coagulatum cruorem reiicientes.

6. Ratione *quantitatis* vomitus, quocumque respectu considerati, esse solent vel *pauci*, vel *mediocres*, vel *copiosi*: *materia* autem, quæ in singulis reiicitur, differt: nam respectu

1) *coloris*, iam alba, flaua, rubens; iam vero nigra aut variegata seu discolor erit.

2) *consistentiæ*, tenuis, glutinosa, crassa, grumosa.

3) *odoris*, vel acidum spirans, vel putredinosum & cadauerosum foetorem spargens.

7. *Deiectiones aluinae* commode itidem dispesci possunt in *spontaneas* & *arte productas*.

1) *Spontaneæ* contingunt

(1) in *statu naturali*

a) quotidie semel vel iteratis vicibus.

b) alternis diebus, præcipue in siccioribus & vitæ sedentariæ deditis.

c) post plures dies; quemadmodum exempla nota sunt eorum, qui quouis tantum octiduo & serius aluum deiciunt. *Vid. Physiol. tab. de chylo*, vbi de periodo peristaltico actum est.

d) certis anni temporibus, quo referendæ sunt diarrhœæ vernaes, æstiuæ, autumnales, hiemales, quas congrue *periodicas* vocaueris.

e) diarrhœæ vagæ, quæ diætæ errores comitantur & plerumque sensibilitatem personalem pro fundamento habent.

(2) in *statu præternaturali*

a) in *febris*, vbi notandæ deiectiones

α) *criticæ*, in acutis critico die contingentes, & per signa antea prænuntiata.

β) *semicriticæ*, quæ in naturalibus & petechizantibus eueniunt.

γ) *symptomaticæ*, quæ purpuræ, morbillis ac variolis superuenientes ancipitem prognosin sistunt.

δ) *dysenteriodes.*

b) *in aliis morbis*

α) *simplices seroso - mucosæ.*

β) *biliosæ seu cholicæ.*

γ) *lientericæ.*

δ) *hepaticæ.*

ε) *ictericæ seu extraordinarie albicantes.*

ζ) *sanguinolentæ & purulentæ.*

η) *colliquatiuæ.*

2) *Arte prouocatæ, eæque vel copia mediocri succedentes, vel nimia excedentes.*

3) *Differens tandem singularum deiectionum indoles, respectu coloris, foetoris, quantitatis, consistentiæ & materialium, una cum illis expulsarum, ex subnectendis prognosticis distinctius cognoscetur.*

III. PROGNOSIS.

1. *Generalis.*

De vomitu.

1) *Vomitus perquam est utilis, qui bilem pituitæ quam maxime permixtam habet, ac neque admodum crassus, neque multus. Hippocrat. in lib. prænot. f. m. 8.*

2) *Sex hibernis mensibus vomitus ciendus, quia tempus hoc plus pituitæ gignit quam æstium, & morbi circa caput & illam regionem, quæ supra septum transuersum est, facile excitantur. Idem lib. de salut. vict. rat. f. m. 4.*

3) *Vomitio maxime innoxia, quæ pituita & bile permixta est, dum ne admodum copiosa sit. At sinceriores vomitiones deteriores sunt. Viridis quoque vomitus, & niger & liuidus vitiosus est. Quod si omnes colores idem vomat, ex tiale. Celerrimum autem exitium indicat liuidus & mali odoris. Mortem quoque adfert ruber vomitus,isque præcipue, si cum maiore conatu & dolore contingat. Coac. 556.*

4) *Qui*

- 4) Qui vomituri sunt, iis antea os crebra saluatione impletur. *Coac. 566.*
- 5) Qui vomere non potest, eum ad vomitus cogere absurdum. *Galenus de loc. adf. lib. I. cap. IV.*
- 6) Vomitiones in sanis, grauatum plerumque cibis ventriculum indicant. *Id. lib. III. de nat. facult. cap. IV.*
- 7) Stomachum & ventriculum per vomitum; intestina vero per inferiores excretiones expurgare oportet. *Id. lib. II. de arte curat. cap. II. Comm. I. in Hipp. de humorib. f. 12.* Hæc discrete ad modum accipienda sunt.
- 8) Ex moderatis nauseis vomitus statim incidens, bonum; verum si post conturbationem plurimam & frequentem nihil vomatur, vel prorsus paucum; prauum signum est. *Id. Comm. III. in prædict. Hipp. f. 64.*
- 9) Pueri sæpius vomunt, sæpiusque deiiciunt, quam ætate florentes. *Id. lib. III. de symptomat. causis cap. III.*
- 10) Si cui sine febre cibi fastidium, oris ventriculi morsus, tenebricosa vertigo & os amarulentum fuerit; hæc necessariam esse purgationem per superiora indicant. *Aphorif. IV. 17.* Hæc indicatio non est vniuersalis, sed multum exposcit discretionem.
- 11) Eorum, quæ vomitu reiiciuntur, mutationes, ad deteriora vergentes, vti in omni superuacaneorum genere, damnandæ sunt. Etsi enim ea propelli bonum sit: varias tamen corporis adfectiones & naturæ perturbationem magnam significant. *Hipp. lib. II. Epid. f. m. 91. Et lib. I. prorrh. 60.* Vomitiones variæ malo sunt, præsertim si continenter & assidue prodeunt.
- 12) Vomitus longas alui deiectiones supprimit. *Celsus lib. II. cap. VIII.*
- 13) Longo alui profluuio detento, spontanea accedens vomitio alui profluuium soluit. *Aph. VI. 15.*
- 14) Vomitiones sinceræ & cum angore seu incontinenti corporis iactatione, damnandæ sunt. *Prorrh. I. 62. Coac. 39.*

De aluinis deiectionibus.

- 15) *Quotidiana* sufficiensque alui deiectio, aut pro temperamentorum diuersitate *alternis diebus* contingens, sanitati, quemadmodum aliæ inutilium excretiones, egregie velificantur.
- 16) Ventrem medicamentis celeriter moueri, alias vero *molli* & *figurata* exercernere, optimum. *Prorrh. II. f. 70.*
- 17) Alui excrementum in statu *naturali*, respectu consistentiæ & coloris variat victus; in *præternaturali* humorum constitutio & morbi indoles.
- 18) Quo crassior est victus & otiosior vitæ ratio, eo impeditiùs succedit aluus, præsertim si potus diluentis sufficiens quantitas non adsumatur. Victu autem molli videnti-
bus, tamen si otiosis, aliter euenit. Vnde *Hippocrates lib. II. prorrh. f. m. 68.* Frequentem cibum sumentibus, ac multum defatigatis, mollem in transitu deiectionem siccam esse oportet, ciborumque ingestorum copiam pro defatigationis ratione respondere. Sumta autem æquali ciborum copia, his quidem, qui minimum defatigantur, *plurimæ*; his vero, qui plurimum defatigantur, *pauce* prod-
eunt; si sani sint & recta victus ratione vtantur.
- 19) Diuturna fæcum retentio non vno nomine mala. Nam
 - (1) malam inducit consuetudinem, in dies segnius aluum deponendi.
 - (2) occasionem præbet, vt sub tali commoratione portio tenuior, fæcibus admixta, a viis tenuioribus reorbeatur, & massam humorum de nouo inquinet. Quo forte respexit *Fienus*, qui suppressam in sanis aluum semper malam esse pronunciauit; siue vt signum, siue vt causa consideretur.
- 20) Sontica impedimenta, quæ alui deiectiones remorantur, efficaciter ad vomitus disponunt stercoraceos; quod patet in *ileo*.
- 21) Quanto intentius natura aliis excretionibus operatur, tanto

tanto segnius expellit aluinam colluuiem. Hinc in mor-
liminibus hæmorrhagicis, & sudoris expressionem respi-
cientibus, aluus aliquamdiu feriatur.

- 22) Quemadmodum bilis tempestiua & proportionata effu-
sio aluinam excretionem promouet: ita motus vegetus,
seu negotiosa viuendi ratio, illius expulsionem accelerat;
promptius tamen in agilioribus, quam tardis temperamentis.
- 23) Ciborum portio indigesta, vna cum fæcibus reiecta, vel
debilem digestionis vigorem, vel, quod plerumque fit,
dyspepta adsumta fuisse indicat; veluti notum est de len-
tibus, lardo, cucumere condito, vuis passis, nucleis & cor-
ticibus pomorum, pirorum, prunorum & similibus.
- 24) *Fætor* fæcum in sanis multum ab adsumtis dependet.
Victus enim simplex & frugalis minus foetentes reddit, va-
rius autem & delicatus, vbi multa pinguibus sulphureis
partioulis prædita ingeruntur, magis foetidas efficit.
- 25) Alui recrementum glutinosum, sincerum aut album in
vicio est. *Vitiosum* quoque, quod abunde fermentatum
est, & aliquantulum pituitosum. *Prauum* etiam, cum ex
his, quæ densata feruntur, quod subsidet, aliquantulum
liuescit, purulentum & biliosum est. *Coac.* 604.
- 26) Alui recrementum *optimum* est molle, constans, aliqua-
tenus fuluum, nec admodum graueolens, eoque tempo-
re, quo per secundam valetudinem deiici solet, excre-
tum, copia vero ingestis respondens. Crassum autem
fieri oportet, in iudicationem eunte morbo. Vtile quo-
que, quod lumbricos teretes ad iudicationem exire co-
git. *Coac.* 601.
- 27) *Tennes* ex aluo, sine mordacitatis sensu, prodeuntes de-
iectiones, ei, qui sibi bene constat, malum portendunt;
velut nonnumquam iocinoroso contingit. *Prærrb.* I. 78.
- 28) Quæ prodeunt, copia minime æstimanda sunt, sed vt,
qualia expedit, prodeant & æger facile ferat. *Aph.* I. 23. 25.
- 29) Qui sanguinem vomitione refundunt, si quidem citra
febrem

febrēm contingat, salutare; cum febre vero malum. *Aphor. VII. 37.* Bene vero *Galenus in Comm. ad hunc locum* subdit: ista haudquaquam esse vera.

2. *Specialis*

1) *In febris*

De vomitu.

- (1) Quæ parua copia adparent, velut stillæ sanguinis, urinæ, vomitiones & deiectiones, malum quidem penitus denunciant; pessimum vero, si exiguis intervallis sese consequantur. *Coac. 600.*
- (2) Tempore cruditis, seu in febris principio, neque sudores, vomitus, alui excrementa, tumores post aures, neque profluvia sanguinis, tamen adpareant, ægritudines vñquam critice finiunt. *Galenus lib. I. de crisib. cap. VIII.* Hinc *Hippocrates Coac. 68.* Februm initio si atra bilis sursum aut deorsum prodeat, lethale.
- (3) Si quis in febre, non lethali, dixerit caput dolere, aut tenebricosum quiddam ante oculos obuersari, si etiam oris ventriculi morsus accesserit; biliosa vomitio aderit. *Hippocrat. lib. prænot. f. m. 13.*
- (4) Quos febris detinet cum faciei rubore, & capitis vehemente dolore, in iis, si venæ pulsant, sanguinis fluxus plerumque expectandus est. Quos vero stomachi fastidia vexant, cum oris ventriculi morfu & crebra sputatione, iis vomitio adfutura est. Quibus autem ructus adsunt, flatu, ventris sonitus cum inflatione, iis aluus exturbatur. *Coac. 142.*
- (5) Crebræ in phreneticis sputationes cum perfrictione, nigrorum vomitionem prænunciant. *Coac. 102.*
- (6) Vomitus *fastidiosus* commune symptoma est phreneticis cum quibusdam febribus malignis, veluti & vox clangosa. Fit autem huiusmodi vomitus ex humore tum bilioso, tum mordente: vox vero clangosa propter siccitatem instrumentorum, voci seruientium. *Gal.*

Comm.

Comm. I. in prædict. Hipp. f. 47. Hæc prognosis interdum fallit.

- (7) In vomitu eum, qui siti prematur, fitis expertem esse, malum. *Coac. 562.*
- (8) Vomitiones quoque *varie* malo sunt, præsertim si continenter & continue prodeant. *Prorrh. I. 60.*
- (9) Vomitus *virulenti* & *æruginosi* cum capitis dolore, surditate & agrypnia, promptam insaniam significant. *Prorrh. I. 10.* Phreneticis præcipue perniciosi. *Hipp. lib. I. epid. f. 22.*
- (10) Vbi iam perniciës imminet, parui tremores & *æruginosi* vomitio, & in quibus inter potandum strepitus percipitur, quique præ siccitate murmur quoddam sentiunt, & qui ob spiritum tussiculosum ægre deuorant, in grauib. malis perfrigerati, perniciose habere iudicandi sunt. *Coac. 62.*
- (11) Ex lumborum dolore ad os ventriculi recursationes, cum febre, horrore, multorum tenuium & aquosorum vomitu, delirio, vocis defectione, eæ in *nigrorum* vomitionem desinunt. *Prorrh. I. 83.*
- (12) Vomitus *nigri*, instar rob sambuci, vti in acutis pessimi ominis: ita in plerisque febribus inflammatoriis instantis mortis sunt prænuncii. *Consp. med. p. 542.*
- (13) Vomitus in febre *quotidiana* pituitosi sunt, & quæcumque per ventrem excernuntur, cruda, aquosa, pituitosa. *Galenus de art. curat. lib. I. cap. VII.*
- (14) *Tertianam* ex sudoribus & vomitibus finiri, bonum. *Idem lib. II. de cris. cap. III.*
- (15) Vomitus in his, in quibus *tertiana notha* perdurauit, utilis est, vt multos sciam, solis vomitibus statim prorsus fuisse curatos. *Galenus de art. cur. lib. I. cap. X.*

De aluinis deiectionibus.

- (16) Aluus *expedita* vti in febribus acutis varia molesta in-

tercipit symptomata : ita *fluxa* nimis non tantum omni-
nosa, sed directe pernicioſa deprehenditur. Quia ex-
cretionēs alias præuertit & febrium decurſum turbat;
quod in exanthematicis maxime manifestum fit. Inter-
rim dantur caſus, vbi copioſæ diarrhœæ in malignis ex-
anthematicis non nocent.

- (17) Aluus in febre ea tuta eſt, quæ quotidie coacta, ea-
que conuenientia his, quæ adſumuntur reddit. *Celfus*
lib. II. cap. VIII.
- (18) *Liquidum* alui recrementum breuibus interuallis cu-
mulatum, malo eſt. Partim namque vitium & agry-
pniam, partim vero exſolutionem pariet. *Coac. 609.*
Perliquidum autem & aliquantum friabile cum totius
corporis perfrictione cum febre vitioſum eſt. Rigores
præterea veſicam & aluum corripunt. *Valde vero aquo-
ſa* deiectione in præcipitibus malis non deſinens, malo
eſt, atque eo magis, ſi ſitis vacuitatem fecerit. *Ib. 610.*
& *Prorrh. I. 116.*
- (19) Quibus cum febre, lateris dolore accedente, aluus
aquosa, multa *bile permixta* transmittens alleuiationem
adfert, deinde vero cibos auerſantur & ſudoribus dif-
fluunt, cum bene colorata facie ac humeſcente aluo,
& dolor aliquis oris ventriculi ſuccedit; ii diutius mor-
bum trahentes, more pulmonum vitiis laborantium,
intereunt. *Coac. 67.*
- (20) Exacte *candicans* alui recrementum in febre nullam
bonam iudicationem denunciat. *Coac. 615.*
- (21) In phrenitide *albicans* deiectione ac torpor, malum.
His ſuccedens rigor peſſimus. *Coac. 91. Prorrh. I. 13.*
- (22) In febribus ardentibus cum aliqua ſummi corporis
perfrictione ac egeſtionibus *aquæ ſimilibus* & crebris,
oculorum peruerſio malum ſignificat, tum vero præci-
pue, ſi *catocho* deprehenſi detineantur. *Prorrh. I. 81.*
Coac. 134.
- (23) *Diarrhœæ* quamquam exanthematum retroceſſionem
& fu-

- & funestum exitum non raro accelerent: in petechiantibus tamen mitioris obseruantur effectus. Non quidem soluunt morbum, sed minoris sunt periculi, quam alui adstrictiones. *Consp. med. p. 595.* Non minus diarrhœæ, ad decimum vsque quartum diem copiosæ, in *purpura alba* aliquando innoxiae obseruantur.
- (24) Vbi aluus *humescit*, æger lassitudine, dolore capitis, siti, vigiliis torquetur, obscure loquitur, & admodum est impotens, in his casibus vehementem emotionem mentis expectare oportet. *Prorrh. I. 38.*
- (25) Quibus per febres sanguinis copia vndecumque profluxerit, iis, cum reficiuntur, alui *humidiores* euadunt. *Aph. IV. 27.*
- (26) Vbi aluus *intercepta* est, & arcte conclusa, paruaque & nigra, caprarum stercorebus similia, non nisi coacta emittit: hoc casu sanguis e naribus erumpens periculo est. *Prorrh. I. 41. Coac. 603.* Hæc prognosis benignam postulat interpretationem.
- (27) Alui *durities* cum dolore in febre *phricode* & cibi fastidio, nisi paulo humectata aluo purgationem faciat, ad suppurationem tendet. *Coac. 303.*
- (28) Alui *obstipatio* a medicamentis, parum circumspecte adplicatis, inducta, in febribus semper noxia.
- (29) Aluus effusa circa crisin, malum denunciat. *Coac. 521.*
- (30) Aluus in febribus eo tempore *adstricta*, quo natura alias excretiones promouet, nullum portendit periculum, nisi pertinacia excedat. Hinc in *principio* variorum aluus liberior minus periculosa; quemadmodum medio suppurationis tempore aliquot purulentæ deiectiones, quæ se inuicem cito non consequuntur, aut nimis copiosæ sunt, non adeo reformidandæ. *Consp. med. p. 628.*
- (31) In biliosis febribus, præcipue in earum *statu*, aluus adstricta periculum maius portendit, quam nimia eius solutio *Consp. med. p. 511. Hippocrates quidem in Prorrh.*

- I. 90. Coac. 129 & 299.* tradit, aluum in febre *ardente* affatum prorumpentem mortis periculum adferre, sed hoc de febre *caulodea*, seu *lethifera* a se dicta, intelligendum videtur. Ceterum hic quoque iuuabit repetiſſe monitum eius *in libro prognostic. in fine*: vbi de signis diſerte adfirmat, quod in *Libya, Delo & Scythia vera eſſe comprobentur*. Nihil ergo mirum, ſi nonnulla apud nos fallant.
- (32) Repentina in febribus, præuia fluxilitate alui ſuppreſſio, noxia. Febris enim turbationem, aliquando & internam inflammationem præmonſtrat.
- (33) In inflammationibus internis alui adſtriſtio mala; peior autem eius ſuppreſſio.
- (34) In febre purpurea vti aluus *obſtructa* morbum difficiliorem reddit: ita *irritata* non minus nocet. *Conſp. med. p. 616.*
- (35) Vomitus cum alui deiectionibus in acutis continuantes, ſiniſtri euentus omen præbent.
- (36) Alui recrementa, quæ in *ſpumofa* & ſincera deſinunt, omnibus quidem ingraueſcentis mali ſignificationem præbent; conuulſione vero tentatis vel maxime. In huiusmodi caſibus ad aures tubercula oriri ſolent. At quæ *preliquida* & rurfus conſiſtentia, ſincera, ſtercoracea, morbi longitudinem denunciant. *Prærubrum* vero in febre, delirium. *Coac. 613. Prorrh. I. 2. 50. 93. Coac. 602.*
- (37) Sopore, laſſitudine ac ſurditate tentatos aluus erumpens & ad criſin *rubra* demittens, iuuat. *Coac. 182.*
- (38) In acutis quæ poſt paucam ſanguinis eruptionem, aut nigrorum per aluum reſuſionem, ſurditas obuenit, malum denunciat. In his *ſanguinis* egeſtio perniciem adfert, ſurditatem tamen diſcutit. *Prorrh. I. 129.*
- (39) Tormina omnia mala ſunt, ſi cum febre inuadant, aut *variis alui recrementis*, aut iecoris inflammatione, aut

aut præcordiorum, aut ventris, aut aliis doloribus crucient, aut cibos cohibeant, aut sitim inferant. Celerissime is perit, quem maxima pars horum malorum occupat. *Prorrh. II. f. 48.*

- (40) *Aluus varia pestifera est, quæ strigmentum, sanguinem, bilem, viride aliquid, modo diuersis temporibus, modo simul & in mistura quadam, discreta tamen repræsentat. Celsus lib. II. cap. VI. p. m. 60.*
- (41) Frequentes desidendi labores rigorem adferunt. Et quibus alui excrementum vitiosum est, id maxime molestiam exhibet, si quarto die initium fecerit. *Coac. 620.*
- (42) In febre cum sudoribus vocis ex capitis dolore defectiones, & si per se resoluuntur ægri, ac præter voluntatem alui excrementa demittunt, malumque remittere videtur, diuturniorem morbum metuere oportet. In his nouus rigor non damnandus est. *Prorrh. I, 94.*
- (43) Sanguinem effundentibus *glutinosum* alui recrementum, maculis nigris distinctam, malignitatem denotat, præcipue in exalbidis. *Coac. 614.*
- (44) In febribus, aluo a *flatibus* distenta, flatus non erumpere malum. *Coac. 44.*
- (45) Qui per febres intermittentes, inæqualiter incalescentes, aluum habent *flatibus* distentam, pauca transmittentem, iis post crisin, lumborum dolore suborto, alui prorumpunt. Qui autem ad manus contactum exardescunt, torpore, siti ac incontinente corporis iactatione vexantur, in aluo intercepta grauati exsoluuntur. *Coac. 158.*
- (46) Angina laborantibus, absque vlla significatione gracilescuntibus faucibus, dolor intensus ad pectus, aut ad aluum progressus, *purulentas* deiectiones facit. Alioquin tale quid solutionem præ se fert. *Coac. 375.*
- (47) Febres *leipyrice* non nisi per *choleram*, effusa bile, soluantur. *Coac. 120.*

- (48) Tenue alui excrementum & *spumans*, in quo, quod subsidet, aqueum est & ex pallido *virescens*, malo est; malum quoque *purulentum*. *Nigrum* etiam *cruentum* malum cum febre atque alias. Vitiosum quoque *varium* abunde decoloratum. *Friabilis* quoque *mollis* alui secessus in febre vitio est. Vitiosus quoque *siccus*, qui facile dissolvitur, neque cohæret; idque præcipue, si aluum humectet. Lethalis vero, si nigra antea prodierint. *Coac. 608.*
- (49) A sanguinis eruptione *nigrorum* per aluum egestio, malo est. Quin & *prærubra* & *æruiginosa* deiectiones damno sunt. Quibus eiusmodi sanguinis eruptiones quarto die contingunt, tandem sopore & convulsione conflictati moriuntur, prægressis *nigris* deiectionibus & ventre in tumorem sublato. *Coac. 330. 333. Prorrh. I. 140.*
- (50) Alui excrementum *nigrum*, velut sanguinis, & cum febre & sine febre, malo est. Mala item quæcumque *varia*, & quæ bile abunde sunt saturata. *Coac. 612. Aph. IV. 21.*
- (51) Quibus cum alui perturbatione sub tempus criseos morbus ingrauescit, iis *nigra* per aluum prodeunt. *Coac. 637.*
- (52) Qui statim sine ratione perturbantur, peruvigilio torquentur, *nigra* & *compacta* ex aluo demittunt, interdum sanguinem naribus profundunt. *Coac. 110.*
- (53) Quibus *nigra* per aluum secedunt, ii tenuibus & frigidis sudoribus diffluunt. *Coac. 618.*
- (54) Aluus *clausa* in hæctica febre adauget æstum, *fluxa* vero vires prostermit, & subiecta in dies reddit debiliora.
- (55) *Ramentosa* deiectiones pessimæ. Indicant enim membranam intestinorum interiorem ab acri humore erosam et discerptam.
- (56) In plurimis *græueolentibus* deiectionibus cum febre acuta, præcordiorum contensione, ex longo intervallo oborta ad aures tubercula mortem adferunt. *Coac. 201.*

- (57) In malignis copiosa bilis deiectio morbum portendit valde difficilem & grauibz stipatum symptomatibus.
- (58) Morbo laterali aut pulmonum inflammatione confictato, succedens alui profluuium malum. *Aph. VI. 16.*
- (59) Quibus per iuuentutem alui sunt humidæ, iis senescen-
tibus exsiccantur & in versam vicem. *Aph. II. 20.*
- (60) Tabe detento succedens alui profluuium pernicio-
sum. *Aph. V. 14.*
- 2) *In aliis morbis.*

De vomitu.

- (1) *Pituitosi* per supernas partes, *biliosi* per infernas pur-
gandi sunt, præsertim quibus atra bilis euacuanda. *Galenus Comm. I. in lib. Hipp. de hum.*
- (2) Quibus stomachus est afflictus, eos vomitu laceßere
perniciosum. *Idem de meth. med. lib. XIII. cap. XI.*
- (3) In iis, quorum pudenda laborant, vomitus in diuer-
sa reuellens auxilium est. *ibid.*
- (4) Vomitiones exiguæ, biliosæ, malo sunt, tum potis-
simum, si peruigilio conflctentur ægri. *Prorrh. I. 79.*
- (5) Qui *nigra* vomitione refundunt, cibos auersantur, de-
sipiunt, ad pubem non nihil dolent, cum adspectu fe-
roci & clausis oculis, eos medicamentis purgare non tu-
tum est. Neque subrumidos aut tenebricosæ vertigine
vexatos, aut eos, qui vel leuiter moti animo deficiunt,
aut cibos auersantur & decolores sunt, vti nec eos, qui
in febre exsoluti aut fracti decumbunt, si sopore ten-
tentur, purgatione adgredi tutum. *Prorrh. I. 71.*
- (6) Auxiliatur ischiadicis vtique vomitus magis, quam eua-
cuationes infernæ per ventrem, vt qui reuallat humores
deorsum repentēs. *Galenus de compos. pharm. sec. loc. lib. X. cap. II. et libro de euporistis f. 262.* Sed hæc Galeno re-
linquenda sunt.
- (7) Vomitu vtendum, cum magua glutinosorum humorum
copia in ventriculo continetur. *Gal. Comm. I. in Hipp. de hum.*

(8) Qui-

- (8) Quibus lethalia medicamenta deuorasse contigit, ii confestim vomant, epoto prius hydrelæo et plurimo et frequenter. *Idem lib. de euporistis f. 263.*
- (9) Tabescentes per superiora purgare ob pectus angustum non conuenit. *Idem Comm. IV. ad aph. 8.*
- (10) Quibus vehementissimi dolores in sublimioribus intestinorum partibus eueniunt, & qui vomitionibus grauiter cruciantur, adeo ut sub fine sterco euomant, eorum vix vnumquam aliquis euadere potuit sanus. *Galenus lib. VI. de loc. adf. cap. II.*
- (11) Sanguis in ventriculo collectus eundem ad vomendum cogit. *Id. lib. III. de symptom. causf. cap. II.*
- (12) Capitis fracturas cum ad meninges vique perueniunt, biliosus vomitus, interdum etiam dolores capitis, subuersio stomachi & morsio comitantur. *Id. lib. III. de loc. adf. cap. VII. & Hippocrates Aphor. VI. 50.* quibus perfectum est cerebrum, iis febrem & bilis vomitionem succedere necesse est.
- (13) Bilis vomitus, vulnere succedens, malum denunciat, præcipue in capitis vulneribus. *Coac. 507.*
- (14) Dolente colo, nausea & vomitus multo vrgent grauiore & assidui magis, euomuntque ægri pituitosa quædam atque corrupta, hac in re nephriticos longe superantes; ac retinent etiam magis excrementa, ut ne flatum quidem neque etiam ructum excernere possint. Sæpe numero etiam veluti circuire videtur dolor atque ampliorem locum occupare: nonnumquam vero in diuersis regionibus vehementior fit. *Nephritici* vero dolores eodem in loco stabiles iugiter infestant. *Galenus lib. VI. de loc. adf. cap. II. f. 36.*
- (15) Si aluo diu suppressæ superueniat vomitus, cum dolore hypochondrii, est signum ilei.
- (16) Lientericis vomitio biliosa circa initia, perniciosum. *Coac. 463.*

(17) Te-

- (17) Tenuioris intestini morbo laborantibus vomitio & furditas malo sunt. *Coac. 470.*
- (18) Vomitus parui & frequenter repetentes, biliosi, sinneri, mali sunt in copiosiori ventris subductione & intenso lumborum dolore. *Coac. 560.*
- (19) Qui capite dolent cum leni aliqua furditate, manuum tremore, ceruicis dolore, nigras reddentes vrinas & densas, ii si *nigra* vomitione refuderint, perniciose habere suspicandi sunt. *Coac. 176.*
- (20) Lumborum dolores, ad os ventriculi recursantes, cum febre & horrore, si tenuia & aquosa reiecerint, delirauerint, voce defecti sint, ii post nigrorum vomitionem moriuntur. *Coac. 316.*
- (21) Mulieribus contingit post menstrua retenta sanguinis euacuatio per sedem, interdum vero per vomitum. *Galenus lib. V. de loc. adf. cap. VII.*

De aluinis deiectionibus.

- (22) Ex alui *suppressione* sublata præcordia malum denunciant, præcipue in his, qui ex longo intervallo contabescunt & quibus alui humectantur. *Coac. 301.*
- (23) Alui ex præcordiorum doloribus aliquantum viscida paulatim transmittens, stercoracea *pauca* effundit, ac fortassis sanguinem profundit. *Coac. 293.*
- (24) Alui *adstrictio* in quibusuis deliriis chronicis malum magis intendit & intolerabilius reddit.
- (25) Alui per plures dies pertinacius *suppressa* iliacam inducere solet passionem.
- (26) Alui *adstrictio* hypochondriacis familiaris, malum, cum quo colluctantur, semper reddit difficilius, in primis si ad vitium vsque pertinax stimulantibus quoque minus obedierit. His si aluum habere laxam contingit fere a victu duro ad molliorem fecerunt transitum.
- (27) Alui *adstrictio* aut molesta eius *suppressio* quo diutius in hæmorrhoidariis, hysteriis, cachecticis adfligit, eo

peius euenit capiti; pectus insuper angustatur, adpetitus læditur, & ipsa intestina flatulentia ac molestiis colicis infestari solent, cum notabili transpirationis & diureseos retardatione.

- (28) Alius *adsricta*, pathemata rheumatico-spasifico-cattarrhalia semper reddit grauiora, quia aliarum secretionum & excretionum cohibitioni, aut imperfectæ administrationi occasionem præbet, & sub impuritatum coaceruatione quasuis naturæ functiones admodum turbat.
- (29) Alius *clausa* vti infantum morbos semper acerbiores efficit: ita in atrophicis singulares excitat molestias, & dolores in abdomine adauget.
- (30) Intempestiue *suppressa* dysenteria abscessum in costis aut visceribus aut articulis inducit. Ac forte biliosa quidem in articulis; sanguinea vero in costis & visceribus abscessum facit. *Coac. 462.*
- (31) Leucophlegmatia laborantibus alui *proflauium* prodect. *Coac. 482.*
- (32) Hypochondriacis æque ac hecticis *diarrhæa* raro profunt. In illis enim sæpe intestinorum scirrhusitates arguunt, in his vero mali exacerbationem. In vtrisque virium insignem post se labefactionem relinquunt.
- (33) *Diarrhæa* periodica in sanis, aut symptomatica in ægris improvide suppressa, pessima habet consecutaria: in his enim internas inflammationes, in aliis apoplexiam prouocat.
- (34) *Prærubrum* in alui proluuie excrementum vitio est. Admodum vitiosum ex *viridi pallescens*, aut *albicans*, aut *spumans*, aut aquosum. Item malum quod *exiguum*, *glutinosum*, *leue* & ex *viridi subpallidum*. Pessima quoque delectio liquida in sopore & torpore detentis. Lethale porro multum sanguinem grumosum ex aluo effluere, itemque candidum & liquidum excrementum cum alui tumore, *Coac. 612.*

(35) Qui

- (35) Qui cum hypochondriorum, id est oris ventriculi, iecoris ac earum, quæ sunt circa vmbilicum, partium doloribus conflictantur, ii liberantur *cruenta* alui deiectione; secus autem moriuntur. *Coac. 295.* Obseruat tamen *Foësius*, necessum non esse, vt dictarum partium dolores *cruenta* egestionem liberentur; immo temere enunciatum credit, mortem adfuturam, si aluus talia non egerat. *Conf. Coac. 294. cum not. Foësii.*
- (36) Aluus *perturbata*, cum frequenti desidendi labore, maxillas intendit, rubores etiam faciei soluit. *Coac. 616.*
- (37) Intestinorum difficultate laborantibus aliquantulum rubræ, limosæ & copiosæ deiectiones, si prærubræ fiant, insanix suspicionem adferunt. *Coac. 465.*
- (38) *Dysenteria*, non diu durans, lienosis utilis est, longa autem, mala. Vbi enim desinit, ac hydrops seu lenteria succedunt, mortem adfert. *Coac. 466.*
- (39) Longis intestinorum læuitatibus laborantes, vna cum sæuissimis vlceribus, intestinorum cruciatu & dolore, iis solutis intumescunt. His insuper exortus rigor malum. *Coac. 468. 467.*
- (40) Lienterica pathemata cum dyspnœa & pectoris vellicatione ad tabem tendunt. *Coac. 469.*
- (41) Cum spirandi difficultate arecentes, in tabe cruda multa educentes, exitialiter habent. *Coac. 445.*
- (42) Lienterix continentes seu assiduæ & diuturnæ, noctu diuque adfligentes, cum strepitu & sine eo exturbatæ, si illud, quod excernitur, valde crudum est, aut nigrum & læue & mali odoris, eæ omnes malæ sunt. *Prorrh. II. f. 85.*
- (43) Quibus biliosæ sunt deiectiones, hæ oborta surditate cessant. Et quibus adest surditas, his exortis biliosis deiectionibus finitur. *Aphorif. IV. 28. Coac. 210. 627.* Vnde *Galenus lib. II. cap. VIII.* *Nihil plus aduersus surditatem, quam biliosa aluus prodest.* Hæc discreto sensu accipienda & explicanda sunt.

- (44) In alui fluxionibus deiectionum mutationes, nisi ad prauas commutentur, iuuant. *Aph. II. 14.*
- (45) Diarrhœæ, quæ sine febre sunt, paruo tempore durare & mitiores esse solent. *Prorrh. II. f. 86.*
- (46) Frequentes desidendi labores, pauca, aliquantulum flaua & glutinosa excernentes, cum paucis alui recrementis, præcordiorum & lateris dolore, morbum regium denunciant. *Prorrh. I. 146.*
- (47) Alui solutio, quæ præter rationem accidit, cum voce tremula; in his diutius perseverans perturbatio perniciem intentat. *Coac. 258. 634.*
- (48) Cute corporis liuescente *albicantium* excrementorum deiectio icterum flauum indicat.
- (49) Aluo stercora *nigra* demittente, si sopor adpareat, tubercula ad aures excitat. *Prorrh. I. 166.*
- (50) Exitialis est deiectio *pinguis* & *nigra* & *liuida* cum odoris grauitate, itemque biliosa, simile quiddam lentum aut cicerum lomento continens, aut veluti bene florulentos grumos sanguinis & infantium egestionem odore referens, ac varia diuque perseverans. Talis etiam fuerit cruenta, strigmentosa, biliosa, nigra, viridis, tam simul, quam per vices excreta. Exitialis pariter, quæcumque prodeundo sensum ægri fallit. *Coac. 631.*
- (51) *Pruritus* omnibus nigrorum secessum denunciant & grumos vomitione refulos. Tremulæ etiam affectiones, cum morfu ac capitis dolore, *nigras* deiectiones prædicunt. Tales vero præcedit vomitus, & vbi vomuerint, talia multa præterea reuoluuntur. *Coac. 636.*
- (52) Aestuosæ deiectiones, & cum contentione procedentes, male adfectam aluum prænunciant. *Coac. 643.*
- (53) In biliosis perturbata aluus, pauca crebro reddens, & cum paucis mucosis distentionem facientia, oborto circa tenue intestinum dolore, nec facile prodeunte vrina, ex his casibus in hydropem tendit. *Coac. 644.*

(54) In

- (54) In alui recrementis, quæ cum torminibus deiiciuntur, sedimentum limosum, subliuidum, malo est. *Prorrh. I. 156.*
- (55) Quibus prodeunte egestione alui biliosa ad pectus seu os ventriculi morsus ac amaritudo sentitur, ii male habere iudicantur. *Coac. 43.*
- (56) Quibus in vehemente pulsatione stercus derepente deiicitur, lethale. *Coac. 368.*
- (57) Si morbo iam inueterato stercus & vrina ægro infcio prodeunt, non longo post interuallo perit. *Prorrh. II. f. 82.*
- (58) Quibus faciei incendium & intensus rubor soluitur, & *græueolens* est alui egestio, redundans & subrubra, in his infantiæ metus est. *Coac. 624.*
- (59) Deiectio, *cadauer redolens*, in intestinorum difficultate, tabe, aut viscerum inflammatione necrosin seu corruptionem ibidem cœpisse arguit.
- (60) *Spumans* & bile obductum alui excrementum malo est, iis præcipue, quos antea lumborum dolor aut desipientia vexauerit. *Coac. 606. 607. Aphoris. VII. 30.*
- (61) Flatum sine crepitus sono emitti, inter optima signa est. Præstat tamen cum strepitu prodire quam illic reuolui. *Coac. 495.*

IV. OBSERVATIONES.

1. Priscorum temporum Medicos studiosos fuisse sæcum alui-
narum obseruatores, ex tot prognosibus, ab illis adnotatis,
constat. De *Hippocrate* in primis in aprico est, eum plus at-
tendisse excrementorum colores, quam pulsuum variationes.
Vnde de his pauca, de illis vero numerosiores prostant ob-
seruationes.
2. De signo ex sæcibus prognostico non vna eademque omni-
bus est sententia. Aliqui enim solliciti; alii negligenter re-
crementa obseruare solent, prætexentes:

- 1) Multum fidi inde elici non posse, eo quod aluus vniuersi corporis sentina sit communis, quo natura sæpe humores varios quasi fortuito amandet. Hinc qualem in morbo aliquo præsentem statum esse, tuto satis ex hoc signo non adparere.
- 2) Cum præterea non omne, quod ex noxiis recrementis redundat, plene eliminetur, sed pars remaneat, pars insuper de nouo generetur, etiam hoc nomine minus attendendum iudicant.
- 3) Sed *media hic quoque via* incedendum putamus. Nam signum, ex aluinis deiectionibus desumptum, neutiquam deterioris conditionis est, ac reliqua. Indicant enim statum humorum per consistentiam, colorem & graueolentiam, sine ambiguitate, qualis in *præsenti* existit; at vrina id non semper præstat, quemadmodum nec pulsus. Illa siquidem præsens in malignis periculum sæpe numero celat, nisi per contradictionem aliquis signum inde formare & ex sana vrina præsentissimam perniciem perspicere possit. Ita & pulsus iam antiquitus res habita est fallacissima. Ex alui ergo excretionibus, aliis simul in subsidium vocatis, interdum certi quid prænunciare non plane fuerit temerarium.
- 4) Ceterum opportune hic pauca quædam subiungenda erunt de *vermibus*, tamquam de re prorsus peregrina, & nihil ad humanum corpus pertinente. Nam si tempore morbi periculosi, vermes e corpore egrediuntur, tum reliqua signa, quæ mala sunt, magis confirmant, & quod mors proxime imminet, manifesto prædicunt.
- 5) Vermes ergo exire bonum; melius si omnes aufugerent. Sed malum in se, non modo quod hætenus exstiterint & putredinem in corpore reconditam hæreere significant, sed quod dira symptomata adhuc metuenda sint. Tandem quia omnes numquam exeunt, ex omni parte bonum signum dici nequit.
- 6) Vermes, siue ascarides, siue lumbrici fuerint, iusto tempore, vna cum alui fæcibus reiecti, bonum indicium tam ratione

tione facti, quam ratione temporis speciatim suppeditant. Opportunum vero tempus adnotat *Hippocrates libro prognostic. f. m. 20.* his verbis: *morbo ad crisin tendente, deiectionem crassiorem reddi oportet; subfulua vero, nec admodum graeolens esto. Lumbricos etiam sub iudicationem exire commodum.* Ac melius sane est, si motu critico eiiciantur, quam si proprio securitatem quasi adfectent, auersantes humorum malignitatem & lethalem corruptionem.

7. Differunt porro Semeiologorum sententiæ, quas circa vermium exitum formant. Pluribus enim probatur, si vermes exeant *viui*; alii contra præferunt, si reiciantur *mortui*.

1) In morbis acutis benignioribus, & chronicis, si prodeant *viui*; magis ob defectum nutrimenti, quam malam humorum constitutionem, id fecisse creduntur.

2) si vero in malignis aut aliis periculosis pathematibus mortui expellantur, eos ab humorum malignitate enecatas esse coniiciunt, & sic pessimum præsagium habent.

8. Exitus verminosæ colluiei si in morbi initium & augmentum incidat, symptomatice eum contingere manifestum est, & duplici nomine malum portendit: partim quod fugiant, aut ante fugam enecati sint, partim quod præmature sub actibus confusis & præcipitanter administratis expulsi sint.

9. Præterea vermes cum *viui*, sine excrementis, prorepant, pessimum omen subministrant.

10. Vermes per os aut nares exeuntes, putredinem iam in ventriculo aut pulmone, iam vero in cerebri cauitatibus esse annunciant.

11. Si vermibus in corpore præsentibus, nulli plane reiciuntur, malum est. Indicat enim eos secure stabulari ac nihil molestiarum persentiscere.

12. Si vero ex verminosis subiectis in statu morbido, istiusmodi animalcula debito tempore & modo expelluntur, bonum est. Et quo plures, eo salutaris.

TABVLA X.

DE

ABCESSIBVS.

I. DEFINITIO.

Abcessus græce αποστημα est stasis sanguinea arctiori spatio circumscripta & in nodum collecta, quæ ordinarie in parte quadam porosa & copioso sanguinis accessui patente oritur, vt per hunc absterfua transpulso a natura commode institui, agiliores sulphureæ particulæ subtrahi ac languidæ in pus conuerti possint.

II. DIFFERENTIA.

1. De abscessibus dum Semeiologia præcipit, illos tantummodo respicit, qui iudicationis *per expulsionem* vices supplent, & crisin *per translationem* constituunt. Et hanc ob causam non agit
 - 1) de abscessibus, qui in morbis diuturnis fiunt, multo minus de illis, qui in subiectis sanis passim emergunt; vtpote de quibus *chirurgia* institutiones plenius differunt.
 - 2) Neque *prognoses*, vti in præcedentibus tabulis, trifariam diuisas, adponere licebit, quoniam de abscessibus acutarum *criticis* potissimum hic tractandum erit.
2. Ceterum variæ occurrunt abscessuum differentia, prout ipsi respectus auctorum arbitrarii diuersi esse solent. Commode autem ponuntur abscessus
 - 1) *Critici* seu tales, qui per conuenientia signa prænunciati, iusto demum tempore, v.g. die VII. XIII. XXI. aut subinde XXXX. eruperunt. Et hi sunt
 - (1) vel *salutares*, qui nimirum bene morbum indicant, nec quidquam incommodi post se relinquunt.

(2) vel

(2) vel *minus salutare*s, qui morbum quidem iudicant, sed
 a) a *recidivis* reualescentes immunes non præstant;
 quod fere contingit, vbi iusto minores fuerint, adeo-
 que non omnem materiam febrilem in vnum non-
 dum collectam euacuent.

b) ob diuturnitatem & malam indolem *sinus & fistulas*
 profundius serpentes & consolidationi refragantes
 inducunt.

2) *Symptomatici*, qui tempore cruditatis seu in morbi prin-
 cipio prorumpunt & morbum non leuant, nedum iudi-
 cant seu soluunt.

3. Ratione *temporis eruptionis*, fiunt alii

1) *Ante morbum*; de quibus *Hippocrates in libro de humori-
 bus f. m. 16.* Si quæ pars ante morbum laborauerit; ibi
 morbi sedes erit, velut iis contigit, qui in Perintho tussi
 & angina laborarunt. Tusses enim non secus ac febres
 abscessus excitant. *Aph. IV. 33.*

2) *In morbo*; *Idem loc. cit.* In febribus ad articulos & ad
 maxillas præcipue abscessus contingunt, in vicinia dolo-
 rum cuiusque, ad superiorem partem magis, & in totum.
 Si tardior fuerit morbus & deorsum feratur, infra etiam
 ad pedes contingent abscessus. Maxime pedes calidi in-
 fra futurum abscessum, frigidi vero supra denunciant.

3) *Dum ægroti reualescunt.* Iis, qui ex morbis conuale-
 scunt, si statim in manibus & pedibus dolores contingunt,
 in his abscessus oriuntur. *Ibid. Aph. IV. 32.*

4. Ratione *locorum* & corporis regionum alii dicuntur *superio-
 res*, alii *inferiores*. Quod vt rectius intelligatur, repeten-
 dum hic erit, priscos artis antistites *diaphragma* & *iecur* me-
 dium in corpore statuiffe terminum, vnde

1) *superiores* partes dixerunt: pulmonem, cor, collum,
 caput.

2) *inferiores* autem reliquas omnes siue externæ fuerint, siue
 internæ. *Vid. Hippocratis lib. VI. epid. Galeni Comm. in Hipp.*

de humorib. f. m. 23. Atque ex his clare patebit, quinam ex abscessibus superiorum & inferiorum nomine intelligendi sint.

5. Quibusdam placet abscessus secundum morborum species distinguere: & hi docent, quod

1) *Generatim* in morbis

(1) *Cerebri*, abscessus fiant *post aures*.

(2) *Thoracis*, sub axillis.

(3) *Hepatis* & inferioris ventris, in inferioribus.

2) *Speciatim*

(1) In febribus *pestilentialibus* in *inguine* aut sub *axillis*.

(2) In *lue venerea* itidem, in *inguinibus*.

(3) In morbis *lienis*, in *crure sinistro*.

(4) In *hepate* adfecto, in *crure dextro*.

(5) In *angina*, in *pulmone*. Sed his distinctionibus supersedere possunt illi, qui num. *præced.* obseruauerint.

6. Abscessus tandem in febribus distinguere antiquitus solebant in abscessionem per *effluxum* & in aliam per *decubitum*.

1) *Abscessio per effluxum*, seu αποσσις κατ' εκκρυσιν, denotat abscessum, in parte quadam ignobiliore & morbo conueniente manantem, ex quo notabilis materiæ febrilis noxiæ, purulentæ atque coctæ quantitas effluit, & qui morbum, nobiliores antea partes infestantem, tollit seu perfecte iudicat.

2) *Abscessio per decubitum*, seu αποσσις κατ' αποθυσιν, abscessum significat, in quacumque alia parte *irregulariter* emergentem, & tardius suppurantem. Ceterum obseruandum, quod abscessio per *decubitum* subinde etiam alium morbum chronicum febre succedentem designet, veluti *Galenus* inculcat scribendo: *Hippocrates non solum videtur abscessus adpellare, qui per effluxionem fiunt, sed etiam cum alius morbus in alium transit. Vid. eius Comm. in Hipp. de humorib. f. m. 20. Conf. conspect. chirurg. tab. de abscessu.*

III. PROGNOSIS.

I. In Febris.

- 1) In quouis abscessu tria spectanda sunt: *locus* in quem decumbit; *particula ex qua*; *caussa* propter quam fiat. *Hippocrat. lib. VI. epid. Gal. in Comm. ad. b. l. f. 129.*
- 2) In his, qui nondum annum XXXV. attigerunt, ordinarie pro crisi magis expectanda est sanguinis eruptio, in senioribus vero *suppuratio Hipp. lib. prognost. f. 12.*
- 3) In febribus *continuis*, ultra vicesimum diem detinentibus, nec alio modo iudicatis, expectandi sunt abscessus præcipue ad partes inferiores, in illis, qui annis XXX. minores sunt: at quæ febres *intermiserint* & errabundum in modum prehenderint, eæ magis firmanur in quartanas, in senibus, adpropinquante inprimis autumno. *Hipp. lib. prog. f. 13. Galenus lib. III. de cris. cap. XI. Coac. 143. & Aph. IV. 44.* Quibus adsunt febres longæ, iis tubercula vel ad articulos dolores innascuntur.
- 4) Morbi a calidis humoribus orti, si ægri vires valentiores fuerint, iudicantur *excretionem*; sed si vires imbecilles sint, & humores frigidi, nec per *excretionem*, nec per *abscessum* iudicari solent. *Galenus in Comm. ad præf. Hipp. f. 39. lib. I. de arte curat. cap. XV. f. 97.*
- 5) Sciendum est: abscessus hieme magis contingere, & tardius desinere, & minus intro reuerti. *Hipp. prognostic. f. 13.*
- 6) Si abscessum fore speraueris, humorum considera inclinationem, ad quam videlicet fiat partem: atque ita vbi singulorum capitis symptomatum vires adnotaueris, parotidas fore tum magis tum minus sperabis. *Galenus Comm. III. ad Hipp. prædict. f. 69.*
- 7) Vbi natura abscessum molita fuerit, oportet vrinas esse neque incoctas, neque prorsus concoctas. Quæ vero varie albæ & graueolentes fuerint, raro abscessum habent sequentem; aut si aliquando contingat, malum habebunt. *Galenus fol. cit.*

- 8) Vlcera & tubercula, debito tempore suborta, febrem iudicant; si vero non adfuerint, iudicationem ipsam tollunt. Et quibus aliquid intus relinquitur, iis certissimæ & celerrimæ morbi reuersiones fiunt. *Hipp. lib. VI. epid. sect. III. n. 26.*
- 9) Considerandum, in quibus speramus abscessus circa aures futuros, num ex capite doleant, aut superiorum partium tenues sudores oboriantur, aut nouus insuper rigor, ac deinde num alius affatim prorumpat, aut aliquo sopore detineantur. Videndum quoque, num vrinæ sint dilutæ, cum sublimibus quibusdam albidis innatantibus, & quæ varie exalbescunt ac graueolent, parotides excitent. *Prorrh. I. 163.*
- 10) Si diebus iudicatoriis neque erysipelas, quod partem antea corripuit, dispereat, neque *tuberculum* ad exteriorem sedem se vertat, neque pus per tussim reiiciat facileque ac sine dolore habere videatur æger, mortem indicat aut ruboris reuersionem. At securius est *tumorem* & ruborem ad externa conuerti. Quod si ad pulmonem se vertat, dementiam excitat, & ex his non nulli suppurati euadunt. *Hipp. lib. prognostic. f. 12.*
- 11) Quod in pus vertitur, id morbi reuersionem non facit. Ipsa namque maturatio simul & iudicationis & excretionis rationem habet. *Hipp. lib. VI. epid. sect. III. n. 7.*
- 12) Quæ in ætate consistente morbi reuersiones contingunt, plurimos interficiunt; *iuniores* vero prius, quam aures suppuret, intereunt. Aliquando si pus album ex aure fluxerit, *iuniorem* superfuturum spes est, si aliud insuper bonum signum superuenerit. *Id. lib. prog. f. 12.*
- 13) Ex suppuratis, quos pulmonum morbi concitarunt, *seniores* moriuntur: at ex ceteris suppurationibus, *iuniores* potius intereunt. *Id. & Coac. 431.*
- 14) Quibus purum pus est & album, & minime foetidum, iis seruantur; at quibus subcruentum & cœnosum, moriuntur. *Prognostic. f. 11.*

15) Abs-

- 15) Abscessuum vitio fit, vt partium color naturalis mutetur, & vel nigricans, vel liuescens euadat. *Galenus de sympt. causf. cap. V.*
- 16) Optimi sunt abscessus, qui fiunt sputo mutationem subeunte. *Hipp. Prog. f. 10.*
- 17) Si febris detinet, neque dolor conquiescit, neque sputum ex ratione procedit, neque biliosæ sunt alui egestiones, neque bene solutæ ac sinceræ, neque vrina admodum multa, & copiosum habens sedimentum, suffragantur vero ad salutem reliqua omnia signa salutaria; in his huiusmodi abscessus fore expectato. *Ibid.*
- 18) Quibus circa præcordia aliquid inflammationis subest, illis oriuntur abscessus in locis inferioribus; quibus autem præcordia mollia & doloris expertia perseuerant, illis in superioribus. *Ibid.*
- 19) Si tumor & dolor suboriatur, sputo flauo in pus verso & foras prodeunte, æger hoc modo securissime superstes futurus est, & abscessus cito citra dolorem conquiescet. At si neque sputum recte excernatur, neque vrina bonum subsidientiam habeat, periculum est, ne articulo claudicet æger aut ei multum exhibeatur negotii. *Ibid. & Coac. 396.*
- 20) Si abscessus dispareant ac intro recurrant, febre detinente & sputo non prodeunte; grauis morbi, delirii ac mortis, ægro imminet periculum. *Ibid.*
- 21) In vehementibus ac periculo proximis pulmonum inflammationibus abscessus ad crura omnes sane utiles. *Ibid.*
- 22) Si tussicula infantes prehenderit, cum ventris perturbatione & febre assidua, in bimestri, post iudicationem tumores fore ad articulos indicat.
- 23) Tumores in infantibus si e superioribus partibus in inferioribus articulis constiterint, probari debent. Si vero in superioribus; morbum non tollunt, nisi pus collegerint. At suppurationes in humeris in tantula ætate brachia tenuiora & iusto breuiora efficere solent. *Hipp. lib. VI. epid. sect. I. n. 15.*

- 24) A morbo quoque liberabit vltusculorum in inferiores partes eruptio, dum rotunda non sint, & alte non intederint. Huiusmodi namque pueris maxime pernicioſa ſunt. *Ibid.*
- 25) Quibus iudicationis tempore exorta ad aures tubercula non ſuppurauerint, iis euaneſcentibus morbi reuerſio contingit, factaque morbi reuerſione rurfus attolluntur & permanent, non ſecus ac febrium reuerſiones eodem circuitu. In his ad articulos aliquid abſcedere poſſe ſperandum eſt. *lib.cit.ſect.IV. n.1.*
- 26) Abſceſſionum, quæ in ventriculum fiunt, ea optima eſt, quæ in ſinum eius internum abiit, in quem etiam plerumque ſe aperiunt: *mala* vero, quæ ſub peritonæum. Pari modo in iis, quæ circa cerebrum exiſtunt, *bona* eſt, quæ in priores eius ventriculos abſcedit: *mala*, quæ ſub inuolucra eius: item quæ in poſticum eius ventrem recipit. Qui vero circa coſtas abſceſſus colliguntur, illi in thoracis capacitates erumpunt, ac muſculorum quidem abſceſſus ſub cutem; viſcerum vero in arterias & venas, quas in ſe continent, vel in membranam, qua operiuntur, quæ ipsis pro cute eſt. *Galenus de inæq. temp. cap. III.*
- 27) Quod ſi morbo ad ſeptum tranſuerſum irruente reliqua ſigna minime praua ſe oſtenderint, hoc ſuppuratum fore magna ſpes eſt. *Hipp.lib.prognoſt. f.11.*
- 28) Abſceſſus, qui *per effluxum* fiunt, meliores ſunt; illi vero *per decubitus* cenſentur minus commodi: boni etiam ſunt, qui longius a loco adfecto in ignobilioribus partibus erumpunt; peiores, qui contrario modo fiunt. *Galenus in Comm. II. de hum. f. 20.*
- 29) Quando magna eſt crudorum humorum copia, tunc fieri ſolent abſceſſus; qui ſi exigui ſint, nihil plane iuuant, ſi magni; eos ferre natura non poteſt. *Ib. Conf. Comm.III. in Hipp. præſag. f.39.*
- 30) Abſceſſus in partibus ſuperioribus vtpurimum difficiliores

res sunt, maiusque ab illis, quam ab inferioribus, pendet periculum. *Idem in Comm. II. in lib. Hipp. de hum.*

- 31) Abscessus discuti omnium est optimum; bonum tamen etiam & plerumque securius est suppurari. *Fienus.*
- 32) Abscessus indurari perniciosum; omnium vero pessimum in gangrænam abire. *Idem.*
- 33) Abscessuum retrocessio periculosa. Si enim retrocedunt in eandem partem, recidivam excitant; si in aliam, varios morbos facere possunt. *Idem.* Sed quid monendum sit, leges *tab. chirurg. de abscessu.*
- 34) Qui ex pleuritide suppurati fiunt, si intra dies quadraginta, ex quo ruptio facta est, repurgentur, liberantur, alioquin in tabem transeunt. *Aph. V. 15.*
- 35) In asthmaticis, qui regio morbo & febre acuta laborant, cum hypochondriorum duritie & tumore, si corporis summa perfrigerentur, *magnorum* circa aures *abscessuum* exortum forte expectare oportet. *Prorrh. I. 164.*
- 36) Quos febris detinet, si tremor absque iudicatione conquiescit, iis temporis successu abscessus purulenti cum dolore ad articulos decumbunt & vesica dolet. *Coac. 141.*
- 37) Graues aurium abscessus, qui citra iudicationem sensim conquiescunt, & dissipantur, damno sunt. *Prorrh. I. 170.*
- 38) In angore & peruvigilio vexatis ad aures abscessus maxime obveniunt. *Prorrh. I. 157. Coac. 563.*
- 39) In anxietate laborantibus cum alui turbulenta suppressione celeriter, veluti culicum puncturæ, in cutem erumpunt, & ad oculos lacrymosus abscessus procedit. *Coac. 564.*
- 40) Quibus circa initia aluus turbatur, urinae autem paucæ sunt; temporis progressu aluus quidem resiccatur, urina vero tenuis abundat, his abscessus ad articulos fiunt. *Coac. 619.*

2. In aliis morbis.

- 1) Intempestive suppressa dysenteria abscessum in costis, aut visce-

visceribus, aut articulis inducit. Ac forte biliosa quidem in articulis, sanguinea vero in costis ac visceribus abscessum facit. *Coac. 462. Prorrh. I. 167.*

- 2) Tussiculæ quæ cum crebris oris sputationibus procedunt, tubercula ad aures emolliunt. *Coac. 204.*
- 3) In tenuioris intestini ilei morbis graueolentibus cum febre acuta & ex longo interuallo tumescentibus præcordiis, qui ad aures oboriuntur abscessus, mortem adferunt. *Prorrh. I. 158.*
- 4) Ex sordiditate tumores ad aures contingere consentaneum est, præsertim vero si implacitas, aut inquieta corporis iactatio succedat. Ac inter hos, in iis, qui sopore detinentur, ista magis sperare oportet. *Prorrh. I. 159. Coac. 209.*
- 5) In paraplecticis abscessus, qui ad aures contingunt, malo sunt. *Coac. 202. Prorrh. I. 160.*
- 6) Quæ conuulsionis in morem adfligunt cum alto stupore, abscessus ad aures excitant. *Prorrh. 161. 169.*
- 7) Conuulsio cum tremore, corporis iactatione & catotocho, paruorum abscessuum circa aures spem faciunt. *Prorrh. I. 162. Coac. 353.*
- 8) Qui sopore detinentur cum inquietudine, hypochondriorum dolore & pauca vomitione, in iis tubercula ad aures sperato. Sed & antea, quæ circa faciem contingere solent, in considerationem adhibere conuenit. *Prorrh. I. 165. Coac. 289.*
- 9) Aluo stercora nigra demittente, si sopor adpareat, tubercula ad aures excitat. *Prorrh. I. 166.*
- 10) In capitis dolore sopor & surditas aliquem ad aures abscessum effundunt. *Ib. 168.*
- 11) Quos *nyctalopas* nuncupamus, hos iuuant quidem superuenientes abscessus ad infernas partes tendentes, qui tamen deriuuentutem non admodum contingunt. *Prorrh. II. fol. 91.*
- 12) A capitis dolore liberat pus e naribus effluens, aut sputa crassa

crassa & inodora. Liberat quoque & vlcera eruptio, interdum vero somnus ac alui fluxus. *Coac. 172.*

- 13) In plurimis graueolentibus deiectionibus cum febre acuta, præcordiorum contensione, tubercula ex longo intervallo ab aures oborta, mortem adferunt. *Coac. 201.*

De tumoribus.

- 14) Quibus in febre ardente tumores cum somnolentia & torpore obueniunt, eos lateris dolor accedens cum leui partis alicuius sideratione necat. *Coac. 60.*
- 15) Manuum ac pedum tumores in morbis cum rubore, perniciem denunciant. *Coac. 63.*
- 16) Temerarii ventris tumores in morbis longis conuulsiones adferunt. *Coac. 86.*
- 17) Parui in longis morbis aurium tumores, si subinde sanguis e naribus profluat, & tenebricosa vertigo excitetur, exitio sunt. *Coac. 105.*
- 18) In febribus longis, aut tubercula, aut ad articulos dolores proueniunt, quos neque tamen temere fieri existimandum est. *Coac. 118.*
- 19) Durus in dextra præcordiorum parte tumor non lienis, sed iecinoris adfecti nota est: quemadmodum si fuerit in sinistra, non hepatis sed splenis adfectum portendit. *Galenus lib. I. de loc. adf. cap. V.*
- 20) Si longiori tempore supprimantur menstrua, nullamque Medicus vacuationem offerat, tumor interdum aliquis in iliis præter naturam exoritur. *Id. lib. VI. de loc. adf. cap. V.*
- 21) Ventris tumores minus abscessus faciunt, quam qui hypochondria occupant; minime vero omnium, qui sub umbilico sunt, in suppurationem vertuntur. *Id. Comm. II. in Hipp. prædict. f. 26. Coac. 281.*
- 22) Quibus cum vulceribus tumores conspiciuntur, ii fere neque conuelluntur, neque in furorem aguntur. At iis derepente euanescentibus, quibus quidem id a tergo incidit, *conuulsiones & tetani* fiunt. Quibus vero a fronte; furores; aut lateris dolores aut puris collectio, aut intesti-

norum difficultas : si rubri tumores fuerint. *Aphorif. V. 65.*

- 23) Quæ cum dolore exoriuntur ad aures tubercula , perniciem minantur *Coac. 199.* Hæc apud nos quidem rarissime vera deprehenduntur.
- 24) In diuturnis morbis non suppurantia tubercula aurium , mortem adferunt. Iis autem alui fere dimittuntur. *Coac. 203.* De hac prædictione idem valet iudicium.
- 25) In tumoribus ad aures vrinæ celeriter ac paucò tempore concoctæ damno sunt. Quin & perfrigerari itidem malum est. *Coac. 205.*
- 26) Ex præcipitibus morbis in febribus ardentibus maxime tubercula ad aures exoriuntur, ac nisi iudicatorie solvantur & maturescant, aut sanguis ex naribus profluxerit, aut sedimentum vrina acceperit, ægros interimunt. Prius vero huiusmodi tumores subsidunt & conualescunt. Sed & insuper febres ipsas in considerationem adhibere convenit, num intendantur aut remittant , atque ita de tota re sententiam ferre. *Coac. 207.*
- 27) In diuturnis morbis suppurati ad aures tumores, nisi pus admodum album & sine odore reddant, exitium, præcipue mulieribus, adferunt. *Coac. 206.*
- 28) Præcordia tumida , dura ac dolentia si in vniuersum sic adfecta sunt, maximum malum portendunt: si vero altera duntaxat, ex sinistra minus periculum impendet. Ceterum per exordia quidem mortem prope adfore ista denunciant ; vbi vero vigesimum diem superarunt & febris detinuerit, in pus vertuntur. *Coac. 280.*
- 29) At vero molles & doloris expertes tumores longiori spatio finiuntur, nec ita graue periculum adferunt. Quod si neque intra sexaginta dies desinunt , ac febris detinet, suppurationem expectare oportet. *Coac. 281.*
- 30) Ex præcordiorum tumore, biliosis spiratio magna & febris acuta, tubercula ad aures excitat. *Coac. 290.*

- 31) In præcordiis ex longo interuallo afflictis & graueolente aluo, subnatum ad aures tuberculum mortem adfert. *Coac. 292.*
- 32) In anginis linguæ tumores absque vlla significatione euanefcentes, periculum denunciant. Quin etiam dolores citra euidentem causam disparentes perniciem ostentant. *Coac. 370.*
- 33) Quibus latus in tumorem sublatum est ac calidius existit, vbi in alterum latus incumbentibus pondus quoddam suspensum esse videtur, iis pus in vna parte collectum est. *Coac. 428.* Caute hæc adsumenda.
- 34) Præcordia in tumorem sublata omnibus quidem mala sunt, præsertim vero his, qui ex longo interuallo tabidi existunt. *Coac. 442.*
- 35) Tumores, humefcente aluo, sublati in altum cum doloribus malo sunt, aluo vero suppressa, dum ne quid aliud innouetur, celeriter rumpuntur & maligniores fiunt. In his vomitus prauis & maligni. *Coac. 623.*
- 36) Mulieribus, quibus ad mammas sanguis in tumorem colligitur, furor significatur. *Aph. V. 40.* Scilicet si exagitantibus remediis hæc læsio tractetur.
- 37) Si magnis & prauis existentibus vulneribus tumor non conspiciatur, ingens malum. *Aph. V. 66.*
- 38) Quibus in tumorem sublato ventre, pudendum rubor occupauit, muliebribus purgamentis albis subito procedentibus, diuturnis febribus intereunt. *Coac. 530.*
- 39) Quibus per febres assiduas *pustule* toto corpore enascuntur, lethale est, nisi quid purulentum abscedat. In his vero præcipue adnasci ad aures tubercula solent. *Coac. 114.*
- 40) *Pustularum* eruptiones, velut summa cute leuiter lacerta aut vellicata, totius habitus tabem & corruptionem (cachecticam) denunciant. *Coac. 444.*
- 41) Quibus ad articulos prærubræ *pustule* superficiales enatæ sunt, ac subinde rigent, iis velut ex acceptis plagis cum dolore venter & inguina rubescunt, & intereunt. *Coac. 489.*

- 42) Iuuenes, qui in pectore *pus* colligunt ex humorum decubitu, aut fistula, aut alio quopiam id genus, aut ex abscessus reuersione, ii nisi multa admodum bona signa adsecuti sint, minime euadunt. Moriuntur vero eiusmodi homines sub autumnum; quin & ex aliis morbis chronicis decenter plerique sub idem tempus intereunt. *Prorrh. II. f. 72.*
- 43) Quæ ad præcordia & pulmones dolores faciunt, si in *pus* verentur, malum denunciant. *Coac. 216.*
- 44) Quibus præcordia inflammatione tentantur, & *pus* colligunt, iis sub mortem nigra deiciuntur. *Coac. 288.*
- 45) Quibus tubercula in pulmone oriuntur, ii *pus* intra dies quadraginta, ex quo fit ruptio, exspuunt, quos si superent, vt plurimum tabidi fiunt. *Coac. 404.*
- 46) Quibus, si concutiuntur, *pus* lutulentum & graueolens prodit, vt plurimum moriuntur. *Coac. 409.*
- 47) Quibus specillum a *pure*, velut ab igne, coloratur, ii fere moriuntur. *Coac. 410.*
- 48) Quæ febres, ob intro collectum *pus*, intermittunt, in his magna ex parte ægri tenuibus sudoribus diffluunt. *Coac. 419.*
- 49) In pulmone *pus* colligentibus, per aluum *pus* secedere, mortiferum. *Coac. 429.*
- 50) At tabidis in aquam marinam exspuentibus, si *pus* fundum petit, celerem perniciem denunciat. Sit autem marina aqua in æneo vase. *Coac. 435.*

IV. OBSERVATIONES.

1. Antiquos Practicos abscessuum, tumorum & tuberculorum diligentes fuisse obseruatores, vniuersamque pyologiam cordi habuisse; ex adlatis perspicuum est prognosibus. Immo illorum industria in obseruandis & conscribendis inde pendentibus phænomenis recentiorum vtique superat adcuracionem. Verum ista non ex singulari obseruandi ardore, sed per abscessuum frequentiam, fortuito quasi contigerunt; neque inde aliqua haurienda est suspicio, ac si nouissimum æuum

æuum in aliis quoque momentis, ad rem medicam attinentibus, eo plures negligentiae suæ ostendere posset testes, quo solertiores signorum obseruatores antiqua tempora commemorent. Recentiorum siquidem acribiæ accepta referimus tot egregia inuenta, quæ ad *perficiendam* medicinam tantum tribuerunt, quantum ad *iacienda artis fundamenta* vererum valuit diligentia.

2. Sed occasione obseruandi subministrabant priscis Medicis calidiora climata & peculiaris ibidem victitandi ratio, utpote in quibus crises quotidie eueniebant; aliæ nimirum *per expulsionem*, aliæ *per translationem*. Quod quis ergo frequentissime & quasi inuitus videre cogitur, id eo facilius obseruet necesse est.
3. In temperatis autem paulo frigidioribus ac valde frigidis regionibus veræ & exquisitæ crises, pro differentia soli & poli, raræ immo rarissimæ sunt. Vnde mirum non est, complures ex Medicis zonæ frigidæ propioribus e vita discedere, qui quid vera sit crisis, numquam experti sunt.
4. Speciatim vero crises *per abscessum* eo rarius obtingunt apud nos, quo infrequentiores præ reliquis cresium speciebus antiquitus quoque fuerunt. Interim tamen negandum non est, omnium cresium species in temperatis quoque regionibus subinde occurrere. Quamuis frequentior esse soleat illa, quæ fit per diaphoresin; rarior, quæ per sanguinis fluxus, diuresin, emesin & catharsin, per rara, quæ per abscessum vere criticum contingit. Hinc petenda est ratio, cur prognoses in apostematologia ex solis fere veteribus, minus vera ex nouis Medicorum obseruationibus desumenda fuerint. Quod enim quis vel numquam, vel raro vidit, de illo nihil fidi cum aliis communicare potest.
5. Et quoniam rei medicæ interest, non illud tantum scire, quod quouis die contingit in vna regione, sed etiam quod in pluribus fieri solet; ideo hoc de abscessibus caput ab aliis prætermisum, eo libentius addidimus, quo certius existit, in Galliæ, Italiæ aliisque calidis Europæ & Asiæ regionibus adhuc dum frequentes & varias fieri morborum iudicationes.

6. Circa hoc præterea negotium dubium superesse videtur, paucis expediendum. Nimirum *Hippocrates*, calidioris insulæ incola, & vicinarum æque calidarum regionum genii tantum modo gnarus, reuera sibi persuasit, aliisque persuasum voluit, omnis generis crises *ubique* contingere, in terris scilicet calidis, temperatis ac frigidis, adeoque in omni climate.
7. Quia tamen ista adsertio per experientiam in temperatis Germaniæ regionibus & frigidioribus aliis septentrionalibus numquam firmata est; hinc multum res facescit negotii illis, qui Senis Coi auctoritatem quidem tueri, neque tamen, quod per raro aut numquam contingit, pro facto & comprobato habere volunt.
8. At res tamen facile expedienda erit, si prius demonstratum fuerit, *Hippocratem* id voluisse, quod de ipso adfirmatur. Dabimus primo eius verba; deinde indagandus erit sensus; ac tandem soluendum dubium.
9. Verba, quæ in disceptationem veniunt, leguntur in *libro prognosticor.* seu *prænotionum f. m. 14.* Quod ad proprias cuiusque rei notas & reliqua signa attinet, probe nosse minimeque ignorare conuenit, quod quouis anno & quouis anni tempore, mala malum, & bona bonum denuncient. Quandoquidem & in Lybia, & in Delo & in Scythia prædicta signa vera esse comprobantur.
10. Verborum autem sensum verum esse illum, quem *Galenus* in *Comm. III. ad hunc loc. f. m. 42.* adfert, nullum videtur esse dubium, quando ita commentatur: Hisce nihil aliud *Hippocrates* docere voluit, quam vtrumque genus signorum, quæ bona, quæque mala sunt, sibi ipsis idem significare, in *omni regione*, siue ea calida, siue frigida, siue temperata sit. Nam Africam pro calida, Scythiam (seu Thraciam) pro frigida, & Delum pro temperata inter vtramque media regione exempli causa commemorauit.
11. Dubium autem omne euanesceat, si ex Geographia generali distinguere voluerimus

1) inter

- 1) inter regiones *intense* calidas, *temperate* calidas & respectu illarum, *frigidiusculas*.
- 2) inter climata *remisse calida*, *frigido-temperata* & *nimis frigida*. De prioribus valet *Hippocratis* adsertum & *Galen*i exegesis; de posterioribus autem, sub quibus Germaniæ partem borealem, Belgium, Britanniam, Hiberniam, Daniæ, Liunioniam, Sueciam, Russiam complectimur, in sensu non nisi valde restricto, &, quod aiunt, limitato, ista Duumuiorum intelligenda sunt hypomnemata.
12. De contentis tandem abscessuum singularibus generatim notare sufficiet, quod interdum, præter pus, variæ res peregrinæ, ex humoribus non abscedentes, in praxi occurrant e.g. fragmenta ossium, ligni, vitri, aut ferri, aciculæ, clavi, plumæ, fila, lapilli, carbones, nodi ex pilis, lacinia linteæ, panni, ungulæ quadrupedum & similia. Et quoties talia se offerunt, toties non temeraria subnascitur suspicio veneficii adplicati, cuius ope abscessus hisce noxiis repletus est. Quam caute autem hic incedendum sit, in conspectu practico diximus. *Galenus*, quod notatu non indignum videtur, pares historias de monstrosis abscessuum contentis refert, sed sine vilo admirationis indicio, aut veneficii prægressi suspitione. Nam *lib. XIV. de meth. med. cap. XII.* scribit: in abscessibus corpora solida, vnguium, pilorum, ossium, lapidum & pori (*Tosstein*) fragmentorum similia esse inuenta. Et *lib. II. de arte curatiua lib. VII.* multa, lapidibus, arenis, testis, lignis, carbonibus, limo, sorditiei balnei, fæci, aliisque talibus similia corpora in abscessibus contineri & sæpenumero inueniri.



TABVLA XI, DE S P V T O.

I. DEFINITIO.

Sputum est materia excrementitia, quæ partim a saliuâ, partim ab aliis humoribus, e cerebro, naribus, palato, faucibus, pulmone aut œsophago deriuandis, ortum ducit & per os reiicitur.

II. DIFFERENTIA.

1. Malunt aliqui huic in systemate semeiologico capiti inscriptionem ponere de *saliva*; sed rectius ab aliis inscribitur de *sputo*. Saliva enim, *σialος*, humor utilis & ad chymificationem necessarius, qua talis, non in *Semeiologia*, sed in *Physiologia* attenditur. *Conf. Consp. physiol. tab. de secret. salivæ.* At sputum, *πτυελον*, est excrementum ex pituita, bile, sanguine & non raro pure confusum, nullique vsui adcommodatum, sed eiectioni destinatum.
2. Qui ex Semeiologis rem curatius determinare satagunt, sputum esse dicunt, quidquid sine vomitione per os reiiciatur. Alii vero pro sputo *proprie* habere volunt, quodcumque e pectore seu pulmone procedens per os excernatur. *Conf. Prosp. Alpinus de præf. vit. & mort. agr. lib. VII. Cap. XVI. Th. Fienus de Semeiot. part. II. Cap. VII.* Quod si audiamus *Galenum*, propriam sputi significationem adhuc strictiorem esse comperiemus. Is ubi de morbi lateralis signis differit, subinde prorsus nihil exspui observat, evidenti cum indicio, morbum esse crudum; interdum vero aliquid educi, sed *non bonum*. Est autem, pergit, hoc duplex: unum quidem, quod solum caret coctione; alterum vero, quod prauum existit. Ab
his

his vero omnibus id, quod coctum est, separatur, quod etiam proprie sputum adpellant. Neque enim quod sanguineum est ac biliosum atque spumofum ita nominamus sed potius quodam modo sputamen vocamus. Vid. lib. I. de crisib. cap. V.

3. Præterea sputorum differentiarum variarum quidem constituuntur, sed non omnes eiusdem sunt ponderis. Nam quæ tamquam generalior constituitur sputi distinctio, scilicet *naturalis* & *præternaturalis*, nullius videtur momenti. In statu enim naturali illud, quod ordinarie per os excernitur, *saliua* audit; nonnumquam vero pituita quoque *saliua* permixta e faucibus & œlophago excreatur. Improperie ergo & minus accurate sputum & *saliua* a non nullis, tamquam synonyma, promiscue ponuntur vel verius confunduntur.
4. Diffitendum non est, quod etiam in statu subinde præternaturali non tam sputum, quam *saliua* se offerat contemplanda & vario respectu diiudicanda; quando v.g. scopo primas vias abstergerendi largius adfluit, ut hoc modo materiarum viscidæ, inibi hærentes, diluantur, & eliminationi aptiores reddantur. Accidit hoc præcipue in febribus intermittentibus, in quibus copiosior limpidæ *saliuæ* adfluxus quamdam quasi *saliuationem* sistere videtur.
5. Sputi ceterum differentiarum commode innotescunt, si observentur eius
 - 1) *Consistentia* tenuis, aquosa, spumosa, crassa, viscida, mucosa, grumosa.
 - 2) *Mixtura*, ubi sputa vel sincera, seu, uti veteres aiunt, mera, meraca, i. e. vno tantum humore constantia, apparent, vel e pluribus mixta & confusa sunt.
 - 3) *Color*, albus, flauus, rufus, liuidus, niger.
 - 4) *Odor*, vel nullus, vel debilis, vel grauis.
 - 5) *Sapor*, insipidus, falsus, acris, amarus.
 - 6) *Figura*, plana, rotunda, globosa.
 - 7) *Quantitas*, parua, mediocris, copiosa.
 - 8) *Effectus*, dolorem ex morbo & tussim sedans vel vero utrumque augens.

- 9) *Modus excreationis facilis aut laboriosus.*
 10) *Matureſcentia* ſeu tenuis ac crudi in coctum mutatio, vel ſub morbi initium contingens, vel circa ſtatum demum ſuccedens.
6. *Quemadmodum tandem ſignorum quidam contemtores ſputis nullam ſignificandi efficaciam ineſſe credunt, quia plures ſub orthoſtadia ſputa flaua, tenacia, viſcida, nigricantia, graueolentia excernunt, & plena tamen ſanitate gaudent: ita ſuadent contra alii experti practici, vt ſputorum inſpectio numquam negligatur. Fr. Hoffmannus ante plures annos id inculcauit, ſcribendo: Saliuæ inſpectio ac examinatio in omni fere morbo ante omnia a Medico fieri debet, non ſecus ac ſanguinis vel vrinæ. Vid. eius diſſ. de ſomnambulatione in corollariis. Hale 1695. et Galenus lib. III. de criſib. cap. III. In morbis thoracis atque pulmonis præcipue ſputamina ſunt animaduertenda.*

III. PROGNOſIS.

I. Generalis.

- 1) Sputum videndum, num ex ore æger excreet, num vero tuſſi aut vomitione reiiciat. *Hipp. Epid. VI. ſect. VIII. n. 24.*
- 2) Si bilis abundat flaua, ſputum pallidum aut flauum; ſi atra bilis, nigrum; ſi pituita, ſpumofum & candicans; ſi ſanguis, rubrum reiicitur. *Galenus lib. V. de loc. adf. cap. III.*
- 3) In laterum paſſionibus nihil exſpuere, ac tuſſim tantummodo ſiccam habere, idem valet, ac in vrinis extreme crudum ſeu aquoſum eſſe. *Id. lib. I. de criſibus cap. XVIII.*
- 4) Quæcumque ſputa ſuperantis cauſſæ prauitatem oſtendunt, veluti nigra, extreme ſunt exitialia *lib. I. de criſib. cap. VII. & lib. II. de criſib. cap. X. nigra ſputamina omnium pernicioſiſſima iudicat.*
- 5) Sputum, quod neque liquidum aut aquoſum admodum fuerit, neque craſſum valde aut lentum, id facile efferri ſolet, maxime vbi validæ fuerint vires. Etenim ſine vehementi thoracis contractione tuſſire nemo poteſt. At ſine

sine valida tussī crassos lentosque humores efferri impossibile, *Galenus lib. IV. de loc. adf. cap. VIII.*

- 6) Sputum cum fuerit exquisitè simile illi, quod aduenit sanis, integram sanitatem significat instrumentorum, quæ respirationi dicata sunt. Si autem formam naturalem amiserit, læsa esse eadem demonstrat. *Galenus lib. I. de cris. cap. VII.*
- 7) Partium pneumonicarum & circumiacentium thoracicarum dolores, qui neque per sputorum purgationes, neque venæsectionem, aut medicamenta purgantia & victus rationem sedantur, eos ad suppurationem tendere sciendum est. *Hipp. Prognostic. f. 8.*
- 8) Omnia sputa, quæ dolorem non sedant, mala sunt; pessima etiam nigra. *Ibid. & Coac. 391.*
- 9) Cui de sanguinis sputo periculum imminet, necessario tum exercitia, tum omnes supercalefactiones euitandæ sunt. *Galenus de Venæs. aduersus Erasist. cap. IX.*
- 10) Sputum concoctum, sed pro morbi ratione paucum, inutile. *Alpinus.*
- 11) Sputum sanguinis tussiendo excretum, crassum & grumosum, non est sufficiens signum ad ostendendum, quod e pulmone veniat. *Fienus.*
- 12) Sputum aquæ superincidens, & facile diuisum, pus esse significat, cohærens vero, pituitam. Sed *Aretæus* solo adspectu sputa examinanda commendat, nec multum veteribus tribuit, qui aqua vel igne sputamina explorant.

2. Specialis.

1) In febribus.

- (1) In febris frequentior esse solet sputi defectus & ariditas, quam copia & oris suffusio: ille æstus & sitis augeat; hæc autem vtrumque tolerabilius reddit.
- (2) In omnibus pulmonis & laterum doloribus sputum celeriter promteque exspui conuenit, sputoque flauum valde permixtum adparere. *Hipp. prognostic. f. 8.*

- (3) Sputum in morbo laterali ubi maturescere & exspui tertio die cœperit, celeriores solutiones facit; quod si tardius, tardiores. *Coac. 393. Et Galenus lib. I. de crifibus cap. V.* Si sputum statim adpareat, incipientem morbum facit brevior, si vero posterius, longior, *Ib. cap. VII.*
- (4) In omnibus, qui pulmonem adfligunt, morbis, bonum est, facile morbum sustinere, dolore defungi, sputum *promte* exspuere, facile spirare, siti esse vacuum, reliquum corpus æqualiter incalescere ac molle esse. Adhæc somnos, sudores, vrinarum educationem laudabiliter fieri. Quibus contraria, mala sunt. Quandoque bona hæc omnia sputo aderunt, poterit secunda valetudo contingere. Quod si quædam adfuerint, quædam etiam abfuerint, non ultra decimum quartum diem vita producet. At vero si contraria signa accesserint, celerius mors contingit. *Coac. 393.*
- (5) Sputi cruditas ad septimum vsque diem perseverare non debet, sed potissimum intra quatuor primos dies mutari & concoqui: si minus, saltem ante septimum: si enim quale ab initio fuit tale etiam perseveret, non dubium est, quin morbum diuturniorem ostendat, & longo post tempore concoctionem fore indicet. Sed cum in tanto spatio multa accidere contraria soleant; vel ægri errore, vel eorum, qui ei ministrant, vel ab externis etiam rebus, quæ præter opinionem eveniunt, vel aliquando Medici culpa; certe periculum est, ne ægri vires dissolvantur ante, quam coctio successerit. *Galenus in Comm. II. ad Hipp. prog. f. 32.*
- (6) Cum exquisitè cocta adpareant sputa, & multa, & sine difficultate educta fuerint, tunc morbi *status* declaratur. *Galenus lib. I. de crifib. cap. XVIII.*
- (7) Pleuritides siccæ & ἀπύσαι, (sputi expertes) gravissimæ sunt. *Coac. 381.*
- (8) In pleuriticis & peripneumoniciis nihil exspuere, periculo-

riculosum est, in primis si nec post principium morbi sputum coctum adpareat. *Alpinus.*

(9) In morbis thoracis inflammatoriis sputa nonnihil sanguinea excernere, bonum est: at valde sanguinea, malum. Sed valde perniciosum est, si flava bilis exspuat die septimo, quia tunc iam adparere deberet sputum coctum. *Fienus.*

(10) Crebræ sputationes in phrenetitis cum perfrictione, non longe post nigrorum vomitum adfuturum nunciant. *Coac. 102. Prorrh. I. 6. 31.*

(11) In pleuritide adfectis dolores & aluum emolliri, sputa colorari, nullos in pectore strepitus fieri, vrinam recte procedere, vtile est. Quibus autem contraria eueniunt & sputa dulcescunt, molestia creatur. *Coac. 386. 390.*

(12) Quibus in pleuritide plurimus ex sputo strepitus in pectore sonat, & vultus demissus oculusque aurugine suffusus & caligine obductus est, in illis mors expectanda. *Coac. 388.*

(13) Qui ex pleuritide suppurantur, in quadraginta diebus post ruptionem pus sputione reiiciunt. *Coac. 389.* Hæc benigna indigent interpretatione.

(14) Febricitanti cum sudore sputa defluentia leuia sunt & minime maligna. In quibus videndum est, num alui madescant, quod equidem reor. Animatuertendum quoque est, num his ad articulos aliquid abscessuum spes. *Prorrh. I. 122.*

(15) In febribus acutis excreationes liuidæ, sanguineæ, graueolentes & biliosæ si subsistunt, omnes malæ; si vero bene succedunt, bonæ, tum per alui excretionem tum per vrinas. At si quid eorum, quæ non iuuant, per hæc loca excernatur, malum. *Coac. 242. Aph. IV. 47. VII. 71.*

(16) In angina laborantibus subarida sputa gracilescentibus

- bus faucibus malum prænunciant. *Coac. 369.* Idem nisi celeriter cocta exspuant, perniciose habent. *Coac. 371.*
- (17) Sputa ex angina, viscida, crassa, exalbida, vi educta, malum denunciant, omnisque eiusmodi maturatio mala est. In his multa deorsum purgatio, leui considerationis modo, mortem adfert. *Coac. 377.*
- (18) Sputa ex angina subarida, crebra, per tussim & cum lateris dolore educta, perniciem minantur. Atque ea, quæ inter potandum per tussim reiiciuntur, quæque difficulter deglutiuntur, malum portendunt. *Coac. 378.*
- (19) Quibus in pleuritide circa initia sunt spuitiones in totum purulentæ, ii tertio aut quinto die moriuntur; quos si superent, nec longe melius habuerint, septimo, aut nono, aut vndecimo suppurati fiunt. *Coac. 379.*
- (20) Quibus cum bilioso purulentum sputum aut seorsim, aut simul permixtum educitur, ii vt plurimum decimo quarto die intereunt, nisi bonum aliquod signum contingat. Alioquin certe pro ratione mors expectanda est; in his præcipue, quibus septimo die sputum huiusmodi procedere cœpit. *Coac. 392.*
- (21) Lateris dolor cum bilioso spuito præter rationem evanescens, ægros in vehementem & furiosam mentis motionem agit. *Coac. 418.*
- (22) Sputum calidum & amarum in febribus biliosis, æstus augmentum & morbi exacerbationem nunciat.
- (23) Sputum glutinosum, paucum, male olens, exspuere solent, qui febribus hæcticis & lentis obnoxii sunt; valde autem foetidum si reiiciant, magna corruptio portenditur.
- (24) Sputum in malignis febribus foetidum, malum.
- (25) Sputum amarore molestum in intermittentibus, humores bile abundantes indicat & difficilem insuper morbi decursum minatur.

(26) Spu-

- (26) Sputum in acutis valde foetidum aphtharum non raro prodit adflictionem.
- (27) Vti sputa calida extraordinarium humorum organum innuunt : ita frigida, motuum vitalium ominosam arguunt tarditatem & propensionem ad cessandum.
- (28) Sputa *rotunda* delirium portendunt; qualia visa sunt ei, qui in Plinthio decumbebat & die quinto absolutus est, postquam ei sanguis e sinistra nare profluxerat. *Hipp. lib. VI. epid. sect. VI. 21.*
- (29) In febre distractio velut a vomitu in excreationem desinens, malum portendit. *Coac. 55.* Sed non semper.
- (30) Quaecumque mammarum dolore ex febribus vexantur, eas sanguinis concreti sputio non faeculenta dolore liberat. *Coac. 553.*

2) *In aliis morbis.*

- (1) Numquid magis pituitosus sit vel biliosus humor, ex sputaminum forma cognosces. Nam & spumosa & flava & rufa & rubra & pallida & nigra exspuunt.
- (2) Ex iis, quæ quidem spumosa sunt, fluxum maxime pituitosum ostendunt; flava autem biliosum impermissum; quæ vero rufa sunt, amaræ quidem & ista bilem referunt, sed non paucam serosam superfuitatem cum bile commisceri significant, & multo copiosiore, quando pallida quis exspuerit.
- (3) Sic & nigra melancholicum fluxum ostendunt; sicuti quæ magis rubida sunt, plurimum quidem sanguinis, minimum autem amaræ bilis in iis contineri significant. Atque inter omnia sputamina hæc sunt mitiora; nigra omnium perniciosissima. *Galenus lib. II. de crasibus cap. X.*
- (4) Si citra febrim humor quispiam serosus aut pituitosus, in thoracis spatium subito defluens, spirandi difficultatem excitauerit, laborans tenue ac exiguum sputum ab initio cum vehementi tussi reiicit; at ubi concoctum

coctum est, plus atque crassius & cum mitiore tussi exspuet. *Id. de loc. adf. lib. IV. cap. VIII.*

- (5) Alba sputa in morbis pituitosis vtilia sunt, in biliosis vero & inutilia & mali indicii. *Alpinus.*
- (6) Sputum album purulentum, malum. Indicat enim internæ partis exulcerationem & futuram tabem.
- (7) Album pituitosum insipidum monstrat catarrhum, aut frigidam pulmonis intemperiem; idem vero si falsum fuerit, exulcerationem inducere potest. *Ficinus.*
- (8) Sputum flauum, sincerum, perniciosum. Testatur enim morbum fieri a plurima bile, qui humor pessimus est.
- (9) Extra casum inflammationis sanguinem spueri, semper malum.
- (10) Hypochondriacorum crebra sputatio matutina sæpe tolli potest modica portione ientaculi. Quæ vero præter id tempus obtinet, sublato ipso malo, simul perit. *Conf. Io. Mich. Starckloff diss. de sputatione hypochondriacorum. Hale 1730.*
- (11) Sputi paucitas in tabidis siticulositatem auget atque intensiorem æstum vrgere indicat.
- (12) Tabidis, qui sputo leuari volunt, conuenit sputum tussi facile reicere, album esse & æquale, vnius coloris, sine pituita. *Prorrh. II. f. 72.*
- (13) Tamdiu viuunt tabidi extenuati, quamdiu per tussim expurgare pulmonem possunt. At vbi pus intus remanet, ob respirationis vias obstructas, facile suffocantur. Hinc *Hippoc. Aph. VII. 16. ex puris sputo Φθισις & πυσις, tabes & fluxus, vbi vero sputum sistitur, moriuntur.*
- (14) Sputorum retentiones in tabescentibus mentem ad delira verba commouent. *Coac. 437.*
- (15) Quibus falsa sputa cum tussi subsistunt, iis corpus velut efflorescentibus pustulis rubescit, ante obitum vero exasperatur. *Coac. 243.*

(16) Pal-

- (16) Pallidis gracilibus & crebra oris salivatione laborantibus, sudores in somnis boni sunt. *Coac. 271.*
- (17) Qui pus intro collecturi sunt, iis primum quidem saluginosum; deinde vero sputum dulcius exspuitur. *Coac. 403.*
- (18) Quibus tubercula in pulmone oriuntur, ii pus intra dies quadraginta, ex quo fit ruptio, exspuunt, quos si superent, ut plurimum tabidi fiunt. *Coac. 404.*
- (19) Quo largius sudor fluit, aut diarrhoea continuat, eo parciior quantitas sputi animaduertitur; quod & sub diuresi solito copiosiori contingit.
- (20) Purulentos moderatius habentes si sputa graueolentia consequantur, recidiua interimit. *Coac. 406.*
- (21) Sputum foetidum, praeter pulmonis corruptionem, non raro veneream inquisitionem, digestionis vitium, stomocacen, cacochymicum statum, scabiem, aut vlcera repressa arguit.
- (22) Qui in morbo laterali sputa reiiciunt purulenta, aliquantum biliosa, aut purulenta, aliquantum cruenta, iis temporis progressu imminet periculum. Perniciem quoque denunciant sputa nigra, fuliginosa, aut quae nigri vini colorem referunt. *Coac. 407.*
- (23) Quicumque spumantem sanguinem spuitione reiiciunt, cum praecordiorum dextrorum dolore, iis ex iecinore prodit, & plerumque pereunt. *Coac. 408. 450.* Quam vera haec sit adsertio, anatomes gnarus facile diiudicabit; etiamsi deesset experientia, quae spumantem sanguinem ex pulmone excerni fatis comprobatur.
- (24) Sputa viscida, saluginosa cum raucitate, malo sunt. Quod si adhuc aliquid etiam in pectore sublatum sit, malum significat. In his extenuatis cervicis dolores perniciem denotant. *Coac. 413.*
- (25) Sanguinem spuitione reiicientibus sine febre esse con-
ducit, ac tussi & dolore leuiter conflictari, sputumque

ad dies quatuordecim tenuari. Intense autem febricitare, tussire, aut dolere sanguinemque recentem semper spuere, minime conducibile. *Coac. 427.*

(26) Hepaticis sputum multum cruentum, siue intus subputridum, siue sincere biliosum fuerit, statim perniciem denotat. *Coac. 446.*

(27) Lumborum, capitis ac oris ventriculi dolor cum forti excreatione conuulsionis suspensionem facit. *Prorrh. I. 106.*

(28) Tabidi, quorum sputum, igni impositum, grauem nidorem redolet, & capilli e capite defluunt, ii moriuntur. *Coac. 434.*

(29) Si mulier suppressione mensium laborans circa illud tempus, quo fluere illi deberent, sanguinem sputat, eumque copiosum, & antea lumborum dolore laborauerit; signum est, quod ab vtero sanguis adscendat, præcipue si post eius excretionem dolor lumborum mitigetur. *Fienus.*

IV. OBSERVATIONES.

1. Vtra crîsum rarior sit, illa ne per menses aut hæmorrhoides, an hæc per sputamina, merito ambi possit. Est tamen vero simillimum, sputationem criticam, quæ morbum vere soluat, omnium esse rarissimam. Et licet in casibus clinicis, ab *Hippocrate* adnotatis, sputorum, certo febris die excretorum, fiat mentio: aliam tamen simul subsecutam crîsin vbique obleruare licet. e. g. *libro III. epid. æg. VIII. f. m. 191.* *Anaxion Abderita*, ad Threicias portas decumbens octauo die tussis patiebatur siccas; undecimo prodibant sputa liquidiora; decimo septimo cœpit pauca & concocta espuere & adleuatus est; vigesimo autem septimo pluri ea concocta reiecit; sed trigesimo quarto copioso sudore iudicatione absolutus & febre liberatus est.

2. Quantum periculi sputum falsum & acre minari soleat, ex suppeditatis manifestum est prognosis. Quam infida autem ex sputo minus falso & acri formari possit prædictio, ipsa loqui-

loquitur experientia. Ita olim vix non deceptus est *Galenus* in viro, qui humorem, liquidæ bili similem, mediū inter flauum & pallidum coloris & nulla acredine infectum exspuit, sed temporis progressū maiorem reddidit copiam; purulenta insuper excreans, suborta febricula, tabescere cœpit, intra quatuor vero menses, cum pure parum cruoris reiciens, aucta febris, consumtus est. Idem euenit alteri cuidam, de quo *vid. Galenus libro IV. de locis adfectis cap. VIII. f. m. 27.* Unde sputum flauum & insipidum, seu saltuginis expers, nihilominus esse potest tam noxium, quam manifesto salū & acre.

3. Præterea de sputo *nigricante* obseruandum, quod nostro tempore tale sæpius exspuatur a sanis, neque tamen periculum portendat tantum, quantum olim minatum est calidarum regionum incolis, in quibus de humoribus, atra bile perniciose infectis, & vt formula erat, *assatis*, ominosum præbuit testimonium. *Nigrum* adhuc dum malum est; sed nigricans, cineritium, simul lentum & crassum, mæne imprimis excernere solent tabacophili, quorum fauces subinde camino similiores sunt, quam canali aëris & ciborum transiui dicato.
4. Ita de sanguinis pariter sputo non temere pronunciandum, illud pulmonem male adfectum indicare & perniciosam phthisin imminentem portendere; cum interdum ex capite stillans sanguis assatim per os exspui possit, pulmone prorsus illæso. Exemplum vberioris eiusmodi sputi sanguinei præbet ipse *Alpinus*, qui aliquando critice copiosum sanguinem, in febre quartana, tussi reiecit & inde febre liberatus est. *Vid. huius auctoris de præf. vit. & mort. lib. VII. cap. XVIII.*
5. De sputo *fætido* non minus circumspecte præfagiendum est, quia causæ subinde subsunt leuiores, quam pulmonis corruptio; quibus sublatis graueolentia sponte aufertur. Ne igitur metum irritum incutiamus consulentibus, curatius inquirendum erit in reliqua momenta, quæ ad prædicendum conferre aliquid valent, ne vniquam ex solo sputi fœtore pulmonis exulcerationem & tabem prænunciemus.

6. Tandem disquiri solet, quodnam sit perniciosius, si sanguinis spuitioni succedat sputum puris; vel si puris reiectionem sequatur sputum sanguinis? De priori, quod malum sit, nihil dubitatur. *Hippocrates Aph. VII. 15.* id adfirmat: *Ex sanguinis sputo, dicens, puris sputum malum est.* Deposteriori itidem facile constare poterit, illud ipsum priori non esse tolerabilius neque salutaris. Si enim puris spuitionem iterum excipit sputum sanguinis; nouam omnino vasculorum sanguiferorum disruptionem indicat, siue ab acri materia erodente productam, siue ab auctioribus humorum congestionibus, versus pectus directis, concitatam. Vndecumque ergo prouenerit, vbique sane vlcerationis in parte tenera augmentum & funesti exitus certum præbet indicium.



TABVLA XII.

DE

SENSVVM ET MOTVS VOLVNTARII ALTERATIONIBVS.

I. DEFINITIO.

Sensuum & motus voluntarii alterationes in Semeiologia denotant actionum rationalium & animalium modo extraordinarium vigorem, modo hebetationem; plerumque autem turbationem, cum insueta, inepta & periculosa adplicatione coniunctam, sæpe etiam cessationem inuoluentem.

II. DIFFERENTIA.

1. Quinam sensus sint interni, qui externi, & quam potentiam quisque sigillatim denotet, id in *Consp. Physiol. tab. XXVII.* plenius edifferuimus. In Semeiologia iam non attendimus, quid sint, sed quot modis alterari possint, & quid ipsæ alterationes portendere soleant.

2. Accidunt vero alterationes

1) *Sensuum internorum*

(1) in *phantasia* seu *imaginatione*, quæ secundum veteres

a) Vel *vitiatur*, qui status proprie *insania* dicitur.

b) vel *deficit*, aut valde imbecilla est, velut in *comate* & *lethargo*.

c) vel *resoluitur*, vt in *catalepsi*, seu, vti alii malunt, in *caro*.

(2) in *ratiocinatione*, quæ

a) Quando *minuitur*, *fatuitas* adpellatur; vnde *fatuus* habetur is, qui licet res intelligat, inepte tamen iudicat.

Z z z 3

b) Quan-

- b) Quando *resoluta* est, *amentia* vocari solet, cuius leuior gradus habetur *mentis inconstantia* seu motio, quæ quid proprie sit, facile perspicietur, si prius dictum fuerit, quid mentis significet *constantia*. Mente vero constare dicuntur ii, qui actiones voluntarias firmiter ac sine læsione exercent, & in illis obeundis decorum feruant, sine sensuum interiorum vacillatione. *Galenus* breuiter: qui singula rationi consentanea sine interruptione loquuntur aguntque, iis mens constat.
- c) Quando *vitiata* est, *delirium*, seu *amentia continua* dici suevit. Delirium vero vel cum febre, vel sine febre esse solet; & posterius vel in decumbentibus, vel orthostadia fruentibus.
- a) *Delirium cum febre*, quod antiquitus ordinarie *phrenitis* dicta fuit, sæpius quidem in febribus obseruatur, raro tamen *phrenitis* est. Quocumque autem modo delirium in febribus se habeat, *triplex* solet constitui:
1. *Μανιαδης*, *tumultuosum*, in quo ægri calcitrant, excandescunt, mordicus impetunt & obuios quosque pro hostibus habent.
 2. *Θηζιαδης*, *ferinum*, *furiosum*, vbi ad immania quæque patranda progressus fit.
 3. *ΑσαΦωδης*, *obscurum*, in quo simulata vbi que taciturnitate & quiete, ægroti nihilo minus grauiter delirant; de quo in *observationibus* plenius.
- β) *Delirium sine febre*; cuius species sunt
1. *Melancholia*, in qua æger non quidem vere mente motus est, attamen variis præfigurationibus, siue incundis, siue anxiiis, siue grandia portendentibus, ad vitalium vsque actionum vitium inhærent, de reliquo autem intra modestiæ limites se continent.

2. *Mania* est melancholia intensior & irrequieta, varios inuoluens actus, qui executioni conceptuum & præfigurationum destinantur.
 3. *Orgomania* est delirium transiens, e nimia animi excandescencia seu furore enatum. Vnde iam pridem dictum est; *Ira furor brevis*.
 4. *Orchestromania* seu insana saltandi libido, qua de re vid. *Consp. pathol. tab. de morbis animi*.
 5. *Erotomania* seu insania ex amore libidinoso. *Conf. Iust. Vesti diss. de ægro melancholia amatoria variisque grauib. symptomatibus laborante. Erford. 1705.*
 6. *Lycanthropomania* seu delirium hominis, qui se in lupum conuertum esse credit.
 7. *Demonomania* seu insania ex obsidente malo spiritu proueniens,
- (3) in memoria, quæ
- a) *Læsa* vel debilitata audit, quando mox elabatur, quod impressum est, sed reminiscentiæ tandem beneficio iterum succurrit.
 - b) *Deperdita*, quæ *obliuio* nuncupatur, & reminiscentiæ defectum seu cessationem simul inuoluit; idque vel sine læsione rationis, vel cum eius vitio.
- (4) in actiuitate nimia & somni defectu, qui varios iterum habet gradus. e. g.
- a) *Dysypnia*, quando difficulter admodum somnus obtingit.
 - b) *Brachypnia*, cum quis nec profunde, nec diu dormit, cuius oppositum dicitur *Macrypnia*.
 - c) *Micrypnia*, cum minimus quoque strepitus somnum turbat & peruigilium inducit.
 - d) *Agrypnia*, seu omnimodus somni defectus. De somni excellentibus *cathypnia* scilicet, *comate*, *lethargo*, *caro*, *typhomania*, itemque de *sommambulatione* actum est in *Consp. Pathologiæ*.
- e) In-

e) *Insomnia*, quæ phantasiæ sub somno operantis effectus sunt, & contingunt

α) in *statu naturali*, vbi

1. vel *sanitatem* firmam adesse indicant,
2. vel *morbum* imminens produunt.

ε) in *statu præternaturali*, in quo

1. vel *reualescentiam* præmonstrant,
2. vel *difficilem decursum*, aut morbi funestum exitum præfigunt. Reliquæ insomniarum, naturalium, diuinorum, a malo genio inductorum, species, quas *Oneirocritici* distinguendas iubent, & *Oneiromantæ* cum cura obseruant, Semeiologi scopum prorsus non tangunt; vnde neque recenseri merentur.

2) *Sensuum externorum*:

(1) in *visu*, cuius obseruari solet

a) *Sensibilitas* in morbis extraordinaria, quæ ob nimiam organorum opticorum intensiorem contingit; vnde in febribus plerumque impatientes sunt luminis.

b) *Hebetatio* seu *obscuratio*. Quod enim ad reliqua læsi visus vitia attinet, quæ imperfectionem, interceptionem, aut abolitionem sub se comprehendunt, locum in Semeiologia non inueniunt; a Pathologis autem & Chirurgis traduntur curati.

(2) in *auditu*, vbi occurrunt

a) *Δυσηκδία* seu *auditio deprauata*, quando intra aures semper aliquem sonum percipere sibi videntur ægri, pulsantem, strepentem, tinnientem, susurrantem.

b) *Βαρυηκδία*, *auditio imminuta*, surdastris familiaris, qui non audiunt, nisi ad aurem aliquis clare loquatur aut inclamet.

c) *Ανηκδία*, *auditio abolita*, aut ad tempus intercepta.

(3) in

- (3) in *olfactu*. Hic itidem varie alterari ac lædi solet. Modi seu species læsionum sunt:
- a) *Δυσὸδμια*, quando longe alium percipiunt odorem, quam quidem subiecta odorifera reuera spargunt.
 - b) *Βαρὸδμια* seu olfaciendi *difficultas*, in qua non nisi proxime naribus admota, & penetrantem odorem spirantia, olfactu percipi possunt.
 - c) *Ανοδμια* seu olfactoriæ potentiæ destitutio, *abolitio*. Vid. Anton. van der Linden *melet. med. Hippoc. lib. III. §. CV.*
- (4) in *gustu*. Eius deprauationes trifariam se manifestant. Vel enim
- a) *obtus* est sapor, vt valde sapida tantummodo discernere possit.
 - b) *deprauatus*, vt quoduis gustatum amarum vel falsum saporem habere videatur.
 - c) *plane deficiens*, vbi subiecta quæuis sapidissima nihil quasi sapiunt, ac si reuera filicis instar essent insipida.
- (5) in *tactu*, cuius notetur
- a) *Imminutio*, seu *stupor*, quando in parte quadam obscure nimis exercetur: qui tamen cum *torpore* minime, quod vulgo fit, confundendus est. Hic enim motum imminutum; ille vero sensum deficientem inuoluit.
 - b) *Deprauatio*, quæ potissimum se exerit
 - a) in *Doloribus*, quorum plures occurrunt, vt sunt: acer, acerbus, acutus, qui singuli dicuntur *molesti*. Aestuosus, anxius, conuulsius, coquens, corrosius, crucians, dirus, diuturnus, extremus, fixus, forans vulgo *terebrans*, formicans, fusus, grauens, grauis seu toleratu difficilis, igneus, lacerans, lenis, lentus, vterque dicitur *leuis*, magnus, mediocris, mortifer, multus, nimius, obtusus,

tusus, osifragus, palpitans, parvus, pertinax, profundus, pruriginosus, pulsans, pungens, rabidus, rarus, strangulans, stupidus, suavis, qualem sentiunt scalpentes scabiem, subitus, tendens, titillans, torminosus, torpidus, trahens, vagus, vehemens, verminosus, ulcerans alias mordax, vrens. *Conf. Galeni lib. II. de loc. adf. cap. VII.*

6) in vocis lesione, quæ

inminuta est, v. g.

in *hemiphonia*, ubi vox adeo submissa, ut ægerrime possit intelligi.

in *microphonia*, ubi dicta non nisi auribus, loquentis ori admotis, percipiuntur.

depravata

in *baryphonia*, in qua vox solito grauior est.

in *oxyphonia*, ubi acutior obseruatur.

in *dysphonia*, in qua clangentium instar intercisa & inæqualis obseruatur, e graui desinens in acutam.

abolita, cuius species sunt

1) *Alalia*, seu vocis defectus a *priori*, idiopathicus, mutis natis familiaris.

2) *Aphonia* seu *Anaudia*, quæ vocis cessationem symptomaticam arguit. *Conf. Tab. de mot. ton. alterationibus.*

7) in loquæle vitio, quod se potissimum manifestat

1. *Silentio*, seu obstinato non loquendi studio.

2. *Garrulitate*, seu continuo inepta quæque effutiendi exercitio.

3. *Thrasymythia*, seu temerario ac præter consuetudinem feroci respondendi habitu.

c) *Abolitio*, uti in *catalepsi* & *αναίσθησια*.

III. PROGNOSIS

I. *Generalis.**De sensibus internis.*

- 1) Mente constare & bene habere ad ea, quæ offeruntur, quouis in morbo bonum; contrarium vero malum. *Aph. II. 33.*
- 2) Mentis constantia, licet ex bonis signis sit, nullo tamen modo vnice salutem prædicere valet; quia multi febrientium occurrunt, qui sine vlla mentis vacillatione spiritum efflant.
- 3) At in inflammationibus diaphragmatis, spinalis medullæ, cerebri aliarumque partium nervosorum, cum cerebro per nervorum distributiones communicantium, mente constare, non vltimum recuperandæ salutis est indicium. *Alpinus.*
- 4) Qui in morbo loquuntur vel faciunt, quæ rationi minus sunt consentanea aut insueta, ii mente non constare credendi sunt. Vnde iam *Hippocrates in Coac. prænot. 47.* Præter consuetudinem aliquid facere, aut aliquid propensius curare, & magno studio eniti, prius non consuetum, aut contrarium, prauum & delirio proximum.
- 5) Quæ sensim fiunt feroces mentis emotiones, in melancholicas euadunt. Quod si ex menstruorum suppressione accidant, in ferinas tendunt, quales sæpe contingunt. Videndum igitur, num feminæ huiusmodi conuulsionibus sint obnoxie. Immo animaduertendum, num vocis defectiones cum *caro* conuulsionem minentur, veluti cordonis filiæ erumpentibus mensibus euenire cœpit. *Prorrh. I. 123. Coac. 85. Prorrh. I. 26.*
- 6) In homine moderato ferox & audax responsio & vox acuta, malum portendunt. *Prorrh. I. 44. Coac. 55.*
- 7) In rigore familiares non agnoscere, & eorum, quæ gesta sunt, *obliuisci*, malum indicat. *Prorrh. I. 64. Coac. 6.*
- 8) Sensus *interni* eo vehementius a motuum vitalium exacerbatio-

bationibus turbantur, quo sensibilia esse solent subiecta: quod in motibus organicis, congestoriis & ipso ebrietatis vitio satis manifestum fit.

- 9) Quævis *mutatio* in phantasia, iudicio, memoria, moribus, corporis gestibus, voce ac sermone, hominem ægrotum vel iam manifesto delirantem, vel delirio proximum indicant.
- 10) *Obliuio* in morbis *αλογα*, seu præter rationem contingens, delirium portendit, & hominem alium a se ipso factum ostendit. Exemplum præbent illi, qui matulam, quem mingendi causa poposcerunt, manu quidem tenent, sed lotio non emissio adstantibus tradunt.
- 11) *Sensibilitas* sub morbis multum difformis, insolita, maior vel minor impatientia, taciturnitas, tranquillitas, delira mens circa unicam tantum rem versans & errans, sæpe minantur periculum. *Rud. Wilh. Crause in thes. semeiot. Ienæ 1711.*
- 12) *Deliria*, nisi critica fuerint, in morbis periculosa sunt. Si enim considerentur ut *signum*, cerebrum male affectum, vel alias partes, quibus cum cerebro consensus est, læsas indicant. Si ut *caussa*, ægros immorigeros reddit, ut tammoniti, quam adsumenda spernant, & per ominosas regiminis anomalias morbum magis periculosum reddant. *Fienus.*
- 13) *Deliria*, quæ cum magno motu & corporis agitatione coniuncta sunt, & venæsectionem, cucurbitulas, clysteres, cataplasmata & alia topica prohibent, eo sunt nocentiora, quo maior inde corporis delassatio, virium iactura & humorum orgasmus consequuntur. *Idem.*
- 14) *Deliria* aut meliora sunt, aut deteriora; & hoc quidem pro ratione temporis, morbi, virium, coctionis, cruditatis aliorumque symptomatum. *Idem.*
- 15) *Deliria*, quæ cum risu fiunt, tutiora sunt: at quæ studio adhibito exercentur, periculosiora. *Aph. VI. 53.*
- 16) *Delirium* cum silentio, quando deliria ferocia & turbulenta

lenta excipit, vires valde attritas & iam deperditas arguit. *Fienus*. Aliquando *lethargum* complicatum indicant, aut *aphoniam*.

- 17) *Desipientiæ* omnes præ debilitate contingentes, teste *Galenus*, sunt exitiosæ. *Alpinus*.
- 18) *Delirium*, quod cum notabili obliuione, ignauia ac stupiditate euenit, adparens exitii est præfagium. *Idem*.
- 19) *Fatuitas* & obliuio, etiam in homine non ægrotante, timendæ sunt, quia morbum grauiorem prænunciant. *Idem*.
- 20) *Delirium* vtut maius malum sit: per se tamen solum certum exitii non præbet signum.
- 21) *Delirium* leue, cum aliis bonis signis, nihil timendum. Neque illud periculosum, quod per accessiones tantum euenit.
- 22) Si quod *delirium* breue omnique ferocitate carens fuerit, benignioris naturæ æstimandum est.
- 23) *Delirio* durante nihil, aut ore hiantе dormire, malum. *Aph. II. 2.*
- 24) Profundi *somni*, neque turbulenti, iudicii firmitatem denunciant. Turbulenti vero non sine corporis offensione instabiles sunt & infirmi. *Coac. 151.*
- 25) *Somni*, quales eueniunt sopore oppressis, item totius corporis perfrictiones, perniciem ostentant. *Coac. 181.* Sopor profundus & altus omnino damnandus. *Coac. 178.*
- 26) Quorum vel memoria vel intellectus periit, *somnos* obseruare oportet, vtrum vehementer, an modice somnolenti sint, aut omnino non somnolenti, sed quantum ad somnum pertinet, secundum naturam sese habeant. *Galenus lib. III. de loc. adf. cap. V.*
- 27) *Somnus* & *vigilia* vtraque, si modum excedant, malum denunciant. *Aph. II. 3.*
- 28) Quod ad somni rationem attinet, quemadmodum a natura nobis consuetum est, interdictum quidem vigilandum, noctu vero dormiendum. Quod si istud immutatum fuerit,

rit, deterius existimandum. At minimum offenditur *ager*, si prima luce dormiat ad tertiam dici partem; qui vero postea somnus contingit, deterior est. *Hippocrates Prognostic. f. 6.*

- 29) Pesimum, si ægrotans neque noctu neque interdiu dormiat. Nam aut ob dolorem insania adest, aut delirii adfuturi hæc nota erit. *Ibidem.*
- 30) *Somnus* in morbo laborem faciens, lethalis; quod si autem iuuet, minime. *Aph. II. 1.*
- 31) Vbi *somnus* delirium sedauerit, bonum. Malum autem a somno non mitigari. *Aph. II. 2.*
- 32) *Somnus* profundus cum pulsus debilitate, malus. *Auicenna.*
- 33) Quibus bibendi de noctu adpetentia est, iis admodum sitientibus, si obdormiuerint, conducit somnus. *Aph. V. 27.*
- 34) Qui *sopore* detinentur cum incontinente corporis iactatione, præcordiorum dolore & praua vomitione, ii tubercula ad aures habent. Sed & antea circa faciem tumores adparent cum *sopore*. *Coac. 183. 185.*
- 35) Labores, otia, *somnos*, *vigilias* in considerationem adhibere oportet. Quin etiam quæ in somno fiunt & *insomnia* videnda sunt. *Epid. VI. sect. VIII. n. 26. 27.*
- 36) Ex *insomniis* mortem vel sanitatem diuinare licet; quod plurima & inter illa etiam illustrium personarum exempla probant. *R. W. Crause thes. semeiot. 80.*
- 37) Qui de his, quæ per somnos contingunt, recte coniectauerit, is ea per omnia magnam vim habere comperiet. *Hippocrates in libro de insomniis.*
- 38) Quæ *insomnia* de diurnis actionibus mens humana vespere sub noctem in somnis offert, & eodem modo reddit, quo per diem in re iusta, gesta, aut consulta sunt, ea bona & sanitatem portendere existimanda sunt; propterea quod animus neque plenitudine vlla, neque alia re quavis extrinsecus irruente superatus, in diurnis consiliis perseuerat. *Ibidem.*

29) In-

- 39) *Insomnia*, quæ diurnis actionibus aduersantur, neque de his inter se conuenit, cum id contigerit, perturbationem in corpore denunciant. Et vehemens quidem, malum vehemens, leuis vero debilius indicat.
- 40) Quodcumque ex sideribus cæli purum fulgidumque per *insomnium* adparet, sanitatem denunciat, quoniam ex æthere in hominem venit; tale vero, quale ingressum est, animus etiam cernit. Quod autem nigrum, impurum, minimeque perspicuum fuerit, morbum portendit, non ob plenitudinem, aut euacuationem, sed ex eo, quod extrinsecus inductum est. *Hipp. de insomniis f. 47.*
- 41) Quidquid *purum* seu *candicans* a Deo sumere sibi quis videtur, id bonum est sanitatis augurium. *Ibidem.*
- 42) Si quis clementi cælo, molli pluuiæ complui & neque vehementer, neque cum graui tempestate demissa madefieri videatur, bonum est. Purum enim spiritum ex aëre ingressum significat. At si his contraria contingant, ut quis vehementer complui aqua impura ac cum tempestate ac procella videatur, morbum portendit. *Ibidem.*
- 43) Hæc pariter sanitatem portendunt, ea, quæ in terra fiunt, acute cernere & audire, firmiter item iter facere, secure ac sine metu currere, terram planam & bene cultam videre, arbores item pullulantes, fructibus onustas & satiuas. Flumina etiam cursu solito labentia, & aqua limpida neque copiosiori neque pauciori, quam conueniat, fontesque & puteos eodem modo. Hæc omnia visa sanitatem homini denunciant. *Ibidem.*
- 44) Terra aspera per *insomnium* visa, carnem minime puram indicat. *Ibidem.*
- 45) Si ab arboribus folio decidant, ab humidis & frigidis offensionem denotat. Si vero frondosæ fuerint, sed fructu careant arbores, a calidis & siccis. *Ibidem.*
- 46) Flumina non pro more existentia, sanguinis ambitum, denotant; & plus iusto quidem fluentia, exsuperantiam, minus vero, defectum. *Ibidem.*

- 47) Mare perturbatum, ventris morbum significat. *lib. cit. f. 48.*
- 48) Terra aut domus si moueri videatur, sano imbecillitatem, ægro vero sanitatem præsentisque status immutationem portendit. *Ibidem.*
- 49) Terra ab aquæ aut maris diluuiò inundari si videatur, morbum ob multam humiditatem, in corpore existentem, denunciat. *Ibidem.*
- 50) Sed neque nigram, neque exustam terram videre, bonum censetur, contra vero, ne vehemens & lethalis morbus consequatur, periculum est. Siccitas enim in carni exsuffrantiam significat.
- 51) *Veste alba & calcimento pulcherrimo* indutum esse, bonum. Quicquid horum iusto maius fuerit, minime bonum, sed neque quodcumque tandem minus fuerit. *Nigra vero* morbosiora & periculo proxima. *Ibidem.*
- 52) *Noua* vidisse, transmutationem significat. Mortuos nitidos & candidatos videre & purum aliquid ab ipsis sumere, bonum. Si vero atratos & fordidos aut ex ædibus aliquid exportantes videat, morbum indicat. *Ibidem.*
- 53) Quæcumque ex consuetis per quietem quis sibi cernere videtur, ea animi desiderium significant.
- 54) Fluuiorum transitus, hostes armati, monstra difformia, morbum aut furorem præfagiunt. *Ib. f. 49.*
- 55) Si homines vix se ipsos mouere & onera quædam gere in somnis suspiciuntur; tum grauante humorum copia vexantur. *Galenus de dig. ex insomn.*
- 56) Quæ ægroti in somnis aut perspiciunt, aut facere se existimant, ea sæpenumero aut deficere aut redundare humores, aut eorum qualitates nobis indicare videntur. *Ibidem.*
- 57) Si quis per insomnium videat incendium, hunc flaua bilis vexat: si imbres; abundare frigidum humorem arguimento est. Vt si niuem, si glaciem, si grandinem; frigidam pituitam. Si quis vero in foetido loco esse videatur,

De sensibus externis.

- 58) Sensus alicuius læsio, sine manifesto organi sensorii vitio contingens, utique ominosum.
- 59) *Oculi* hebescentes & obtusi improbandi sunt; quin & fixi ac caligine obducti malum portendunt. *Prorrh. I. 46. Coac. 225.*
- 60) In his, qui propter imbecillitatem non vident, nec audiunt, aut quibus labium aut oculus, aut nasus perueritur, mors denunciatur. *Coac. 72.*
- 61) Caligine obducti *oculi*, aut eorum album rubescens, aut liuescens, aut nigris venis refertum, nihil boni præ fert. *Coac. 218.*
- 62) *Surditas* cum vrinis prærubris non subsidentibus & enæoremate, mentis emotionem minantur. *Prorrh. I. 32. Coac. 198.*
- 63) Aurium sonitus, cum visus hebetudine & ad nares grauitatis sensu, mentis excessum ac sanguinis ex naribus profluuium præfagiunt. *Coac. 194. 195.*
- 64) *Olfactus* læsus, extra statum morbidum, membranæ mucosæ vel nimiam ariditatem, vel molestam emollicionem, aut etiam muci tenacius adhærentis copiam arguit.
- 65) *Gustum* saluæ defectus hebetiorem reddit; aliquando & feruidorum frequens gustatio, aut calidorum nimis ingestio vitare solet.
- 66) Qui capitis doloribus & aurium tinnitibus, citra febrem, aut tenebricosa vertigine, & vocis tarditate manuumque stupore tentantur, in iis aut apoplexiam, aut epilepsiam, aut etiam obliuionem metuere conuenit. *Coac. 161.*

De doloribus.

- 67) Dolores, qui sine febre inuadunt, non quidem interficiunt, sed plurimum diuturni sunt, multasque mutationes ac recursus habent. Atque horum genera primum quidem in capitis doloribus spectantur, quorum quidam leues sunt, quidam etiam longe grauiores. *Prorrh. II. f. 89.*

- 68) Quibus dolores capitis & frontis contingunt, tum ex ingentibus ventis, tum ex frigore post vehementem æstum, eos coryzæ potissimum liberant. *Ibidem.*
- 69) Qui dolores sine causâ & diurni & totum caput occupantes, iam graciles & viribus exhaustos adfligunt, in his attendendum morbum priore longe esse grauiorem. Quod si in ceruicem & dorsum, relicto capite, dolor descendit, rursusque in caput recurrit, adhuc grauior existimandus est. Omnium vero maxime terret, si ex capite ad ceruicem & dorsum peruenit. *Ibidem.*
- 70) Quando duo dolores diuersa loca occupant, vehementior alterum obscurat. *Aphorif. II. 46.*
- 71) Quibus bene valentibus *capitis* dolores repente obtinunt, statimque voce deficiunt & stertunt, intra dies septem pereunt, nisi febris eos prehenderit. *Aph. VI. 51.*
- 72) Quibus, absque febre & coloris fœditate, frequens adest *verticis & temporum* dolor, si plane nullus alius adfuerit faciei abscessus, aut vocis grauitas, aut dentium dolor; iis sanguinis e naribus eruptionem fore spes est. *Prorrh. II. f. 91.*
- 73) Dolores sensim ingrauescentes, si ad *iugulum* & superiores partes transeant, perniciem minantur. *Coac. 70.*
- 74) In grauib. & acutis *capitis* doloribus, cum torpore & grauitatis sensu, procliues sunt conuulsiones. *Coac. 171.* Capitis dolor, cum sopore & grauitatis sensu, quodam modo conuulsiones accersit. *Coac. 174.*
- 75) Qui *capite* dolent, cum leni aliqua surditate, manuum tremore, ceruicis dolore, nigricantes reddentes vrinas & densas, ii si nigra vomitione refuderint, perniciose habere suspicandi sunt. *Coac. 176.*
- 76) *Ceruicis* dolor, *oculi* prærubri, sanguinis eruptionem prænunciant. *Prorrh. I. 137.*
- 77) *Ceruix* dura, cum dolore, & maxillarum connexio ac iugularium venarum palpitatio vehemens, cum tendinum distensione, perniciem minantur. *Coac. 261.* Obseruat. hic *Foësius:*

Fœsus: symptomata plethorica hic describi & pernicipi vocabulo conuulsionem subaudiri.

- 78) *Faucium* gracilium præfocantes dolores, vbi ex capitis doloribus ortum duxerint, conuulsiones adferunt. *Coac.* 262.
- 79) *Fauces* leuiter exasperatæ, & *alius* inanibus exsurrectionibus fatigata, *frontis dolores* in ægris palpantibus & more inuestigantium sensim contrectantibus aut dolore adfectis, si quæ ex his increscunt, molestiam exhibent. *Coac.* 267.
- 80) Vehementes *faucium* dolores aurium tubercula & conuulsiones excitant, itemque ceruicis ac colli dolores. *Coac.* 268.
- 81) *Humerorum* dolores, qui ad manus tendunt, torporesque & dolores exhibent, abscessus certe ad aures non consequuntur, sed atræ bilis vomitione sanantur. *Prorrh.* II. f. 92.
- 82) Dolor in *pectore* fixus, cum torpore, malum exhibet. Hi si suborta febre exæstuent, celeriter mortem oppetunt. *Prorrh.* I. 70.
- 83) *Præcordia* sine vilo doloris sensu æqualiter mollia esse oportet. At inflammatione tentata, aut in æqualiter adfecta, aut dolore vexata, non contemnendæ ægritudinis notas præ se ferunt. *Coac.* 279.
- 84) Quos derepente sine febre *præcordiorum*, aut *oris ventriculi* dolor, aut *crurum*, & inferiorum partium adfligit aliisque intumescit, venæsectio, aut alui fluxus solutionem adfert. His febricitare noxium est. Nam & longæ & vehementes febres subnascuntur, ac tussis, spirandi difficultas atque singultus fiunt. Atque his in solutionem spectantibus vehemens coxarum dolor, aut *crurum*, aut purulenta sputatio, aut oculorum orbitas succedit. *Coac.* 294.
- 85) *Oris ventriculi* dolor, seniori crebro adueniens, repentinam mortem denunciat. *Coac.* 286. Hic dolor nisi vehementissimus fuerit, tametsi sæpius recurrat, nec mortem, nec repentinum exitium adferre posse videtur.

- 86) Quæ ægritudines ex *dorsi* dolore initia ducunt, difficiles sunt. *Coac.* 309.
- 87) Si *lumborum* dolor diu detinet, cum æstu implacido, tenui sudore circa caput & thoracem oborto, perniciës denunciatur. *Prorrh.* I. 42.
- 88) Si dolor *intestina* torquens & genuum grauitas & lumborum dolor, citra febrem, adfuerint, medicamento cathartico opus esse significat. *Aph.* IV. 20.
- 89) Quibus pars aliqua corporis dolet, neque fere dolorem sentiunt, iis mens ægrotat. *Aph.* II. 6.
- 90) Quæ perniciem minantur, ea, si absque vlla significatione adleuiant, mortis periculum denunciant. *Prorrh.* I. 52.

De motu voluntario.

- 91) Aegrum facile conuerti oportet, & cum se attollit, leuem esse. Quod si grauis videatur cum reliquo corpore, tum manibus & pedibus maiori periculo est. *Hipp. lib. prognostic.* f. 6. *Coac.* 493.
- 92) Is habetur optimus decubitus, qui beneualentium est similis. *Prog.* f. 4. *Coac.* 497.
- 93) Supinum verò iacere, manibus, ceruice, & cruribus porrectis, minus bonum. Quod si pronus ad pedes de lecto delabatur, magis formidandum. Vbi vero pedes nudos neque ad modum calidos habere comperietur, & manus, ceruicem, & crura inæqualiter dispersa & nuda, malum. Anxietatem enim indicat. *Ibidem.*
- 94) Lethale quoque hiantē ore assiduo dormire, & vbi supinus iacet, cruribus valde contortis & implexis. At in ventrem iacere, ei, qui per bonam valetudinem ita dormire minime consuevit, delirium aut partium circa ventrem dolorem indicat. *Ibidem.*
- 95) Turbulentæ & valde confidentes e somno exsurrectiones conuulsionēs minantur, præsertim si cum sudore contingant. *Prorrh.* I. 112. *Coac.* 83.

- 96) *Corporis iactationes*, cum perfrictione, pessimæ. *Coac.*
 2. *Quin* & corporis æstuatione & *iactatione* conflictati,
 citra vomitum ingrauescentes, male habent. *Prorrh. I. 76.*
- 97) *Dentium stridor*, quibus per sanitatem minime est con-
 suetus, periculum denunciat. Suffocatio in his valde pra-
 ua. *Prorrh. I. 48.*
- 98) *Sermonis* quoque & *silentii* habenda est ratio, & dicere
 oportet, quæ velit æger, videndumque, quibus utatur ser-
 monibus, sint ne magni, an multi, an veri, aut ficti.
Epid. VI. sect. VIII. n. 20.
- 99) *Vox acuta* & *stridula* malo est. *Prorrh. I. 47.*
- 100) Vbi post vomitum anxiosum *vox stridula* est, & oculi
 squalidi & puluere obfiti, insania portenditur, non secus
 ac Hermagoræ coniugi accidit, quæ vehementi insania
 correpta, voce defecta interiit. *Prorrh. I. 17.*

2. *Specialis.*

1) *In febribus.*

De sensibus internis.

- (1) In phreniticis initio moderatum esse, sedatum & faci-
 lem, crebro vero *permutari*, malum. *Quin* & sputa-
 tio frequens mala est. *Prorrh. I. 12. Coac. 92.*
- (2) Crebræ in phreniticis *permutationes* conuulsionem de-
 nunciant ac prauæ sunt. *Coac. 101.*
- (3) *Deliria critica*, nisi vehementissima fuerint & iusto diu-
 tius durauerint, metuenda non sunt.
- (4) Quibus in morbis subita fit mentis percussio, cum in-
 quieta corporis iactatione, iis sanguinis eruptionem fo-
 re spes est. *Coac. 184.*
- (5) Desipientiæ, quæ iam admodum fractis viribus succe-
 dunt, pessimæ sunt. *Prorrh. I. 8. Coac. 100.*
- (6) Desipientiæ cum voce stridula & linguæ conuulsione
 tremula, voces quoque ipsæ tremulæ, mentis vehemen-
 tem alienationem significant. *Prorrh. I. 19. Coac. 99.*

- (7) Dementiæ, in quibus tremuli fiunt ægri, obscure aut vix quidem desipere videntur, aut aliquid, inuestigantium more, sensim contrectant & palpent, miro quodammodo phrenitidem prænunciant, non secus ac Didymarcho Coo contingit. *Prorrh. I. 34. Coac. 67. 93. 94.*
- (8) In febribus vehementes mentis emotiones cum taciturnitate, in eo, qui voce defectus non est, perniciem minantur. *Coac. 65.*
- (9) Desipientiæ cum sopore convulsiones minantur. *Coac. 84.*
- (10) Qui statim sine ratione perturbantur, peruigiles sunt, sanguinem e naribus stillant, & sexto die noctu alleuantur, postridie vero laborantes tenui sudore correpti & in somnum delati delirant; iis larga sanguinis e naribus profusio morbum soluit. Cuius rei indicium est diluta vrina. *Coac. 87.*
- (11) Qui cum his, quæ supra dicta sunt, furiosa & vehementi mentis emotione tenentur, ii si tremuli euadunt; maligne habent. *Coac. 88.*
- (12) Desipientia cum difficultate spirandi & sudore lethalis est. Quin etiam cum difficultate spirandi & singultu mortem adfert. *Coac. 89.*
- (13) Vehementer & acute mente emotis, si febris iterum repetat, phrenitici euadunt. *Coac. 95.*
- (14) Desipientiæ, quæ circa necessaria fiunt, pessimæ, & quæ ex his ingrauescunt, exitium portendunt. *Coac. 98.*
- (15) Vehementes insaniæ, cum vocis defectione, perniciem intentant. *Coac. 245.*
- (16) Vehementes mentis emotiones silentes, sine quiete, oculis quoquo versum intuentes, spiritum efflantes, perniciem minantur, & diuturnas faciunt partium resolutiones. Quin etiam vehementer insaniunt hoc modo adfecti. Quibus autem cum ventris perturbatione huiusmodi adfectus ingrauescunt, iis nigra per aluum ad iudicationem prodeunt. *Coac. 486.*
- (17) De-

- (17) Delirium, cui critica leuansque succedit eccrasis, periculo vacat.
- (18) Phrenitide ingrauescente tria euenire solent: *flentium* in ecstasi seu mentis emotione, *tremor* in vehementissima phrenitide, & *convulsio* imminente morte. *Alpinus.*
- (19) *Obliuio* in morbis acutis periculosa, quia vel emortuam facultatem, vel calidam cerebri intemperiem in frigidam conuersam esse indicat. *Fienus.* De periculo non est dubium; ætiologia autem nihili valet.
- (20) *Obliuio* ex delirio, periculo cedit obliuioni veræ. Passim enim loquuntur febrientes mente emoti, ac si præteritorum plane non essent memores. At paulo post aliud delirantes, optimam se antecessorum habere memoriam ostendunt. *Alpinus. Fienus.*
- (21) *Obliuio* sub criseos tempus eueniens minime periculosa.
- (22) *Obliuio* & delirium leue in paroxysmis intermittentium & exacerbationibus hecticis malum præbent indicium. In illis quippe decursus difficilem; in his adpropinquantem præmonstrare solent mortem.
- (23) *Obliuio* in acutis sæpe lethargum; aliquando apoplexiam portendit.
- (24) Qui agrypnia vexantur cum subita corporis iactatione & inquietudine, iis sanguinem e naribus erupturum sperare oportet, idque præsentim, si quid antea effluxit. *Coac. iii. Porrb. I. 136.*
- (25) *Dormire* ægrotos in delirio semper bonum, præcipue si quiete dormiant; aliquando enim in somno morbi contingit solutio. *Alpinus.*
- (26) Sub morbi augmentum somnus perniciem nunciat. In declinatione vero confert.
- (27) Somnus in paroxysmorum principiis nociuus. *Fienus.*
- (28) Somnus in febrientibus pueris criticus non est damnandus.
- (29) In

- (29) In acutis parum dormitur ; sed agrypnia continua delirii esse solet prodromus.
- (30) Si *insomnia* delirantibus conspicua adparent , bonum ad iudicandam salutem est indicium. Et *Hippocrates in Prognosib. Coac. 90. Quæ in phreniticis manifesta adparent insomnia , probanda sunt.*
- (31) *Insomnia* conspicua , non turbulenta , præ reliquis meliora. At conspicua & turbulenta , in quibus ægri expauescunt , exsiliunt , periculosa. *Alpinus.*
- (32) In morbis magnis & valde acutis *insomnia* sub comate soporoso contingentia , mala sunt , inprimis si terrefactos reddiderint ægros.
- (33) *Insomnia*, quæ, secundum prognoses *generales*, morbos præfagiunt, eadem si in febribus contingunt, plerumque funestum exitum ; aliquando perdifficilem morbi decursum ; non raro inflammationes , sphacelationes , importunas hæmorrhagias & convulsiones prænunciant.
- (34) Qui intermittentibus correpti *insomnia* vident turbulenta , cum terrore & angore , iis imminet febris decursus diuturnitate grauis , & ob varia symptomata molestus.
- (35) Conferta & hæcticos delassantia *insomnia* status exacerbationem & vltima fata imminere arguunt,

De sensibus externis.

- (36) Cerebro ac animali facultate læsis , sensus vel omnes , vel plures , vel aliquis saltem , a vitio immunis esse non potest. *Alpinus.*
- (37) Tametsi sensus omnes recte valeant : necessario tamen non sequitur , salutem in acutis inde tuto posse prædici ; cum & sub sensuum aliquo vigore sæpe moriantur febrientes.
- (38) Sensuum externorum in acutis malignis constantia , cum aliis bonis indiciis , bona sperare iubet,

(39) At

- (39) A sensuum læsionibus in acutis plerumque evidētissima desumi possunt mortis signa. *Fienus.*
- (40) Aegrotos non recte ac secundum consuetudinem videre, semper malum, peius autem, si id contingat in febribus. *Alpinus.*
- (41) Visus sub criseos tempus læsus, sponte iterum post iudicationem emendari solet. Alias notabilis eius obscuratio in acutis semper ominosa est. *Hippocr. Prorrh. I. 84. in acutis oculi obseratio & perfractio malo est.*
- (42) In malo acuto rectus oculorum obtutus (das stare sehen) ac motus pernicious, somnus turbulentus, peruragilium, interdumque sanguinis e naribus stillationes nihil boni denunciant. *Coac. 227.*
- (43) Qui febribus ardentibus aliisque conflantur, cum cervicis dolore & temporum gravitate, si tenebricosa caligo oculis obuersionatur, præcordiorumque contentio sine doloris sensu adfuerit, iis sanguis e naribus profunditur. *Hipp. lib. I. epid. f. 22.*
- (44) Surditas, nisi critica fuerit, in acutis semper mala. *Alpinus.* Sed apud nos plures dantur obseruationes in contrarium.
- (45) In præcipitibus & turbulentis morbis obuersionis surditas malo est. Quin & in longis morbis malum portendit, ac in his ad coxendices labores conuehit. *Coac. 190.*
- (46) In acutis, quæ, post paucam sanguinis eruptionem, aut nigrorum per aluum refusionem, surditas obuersionis, malum denunciat. *Prorrh. I. 129. Coac. 331.*
- (47) In febre ardente laborantibus, si aurium sonitus cum visus hebetudine & ad nares gravitate accedant, nisi sanguis ex naribus profluat, furiosa & vehemens mentis emotio metuenda est. *Coac. 131. 194.*
- (48) Quæ caput concutiunt & aurium sonitus excitant, sanguinem e naribus profundunt, aut mulieri menstrua detur-

- deturbant, idque præsertim si ad spinam ardor consequatur. Fortasse & dysenteria expectanda est. *Coac. 167.*
- (49) In febribus enata surditas alium remoratur & sistit. *Coac. 191. 210.*
- (50) In acuta aures obtusæ vehementem insaniam portant. *Coac. 196.*
- (51) Qui surditate cum capitis grauitate & præcordiorum contentione vexantur, si oculorum acies perturbatur, hæmorrhagiam narium sperare oportet. *Coac. 195.*
- (52) Aures, quæ in acutis bombos seu murmur edunt ac tinniunt, mortem prænunciant. *Coac. 193.* Hodie rarius id obseruare licet.
- (53) Surditas illa maxime perniciosa est, quæ tum ingruit, cum vires iam deficiunt. Exitium enim proxime adesse nunciat.
- (54) Olfactus in acutis læsus non raro de ingenti æstu, membranæ mucosæ ariditate, & multa ad caput congestione & hæmorrhagico molimine testari solet.
- (55) Quod si ægris omnia forteant, & adstantes idem non percipiant, indicium est, putrescentem circa os ethmoides collectum esse humorem, qui hunc effectum edit, veluti ictericis omnia obiecta adparere solent flaua. *Fienus.*
- (56) Gustum lædi in febribus, nec infrequens, nec noxium est. Nam si vna cum adpetitu etiam gustus constaret, per largam ciborum ingestionem multum peccaretur. Id quod naturæ scopo humorum consumptionem intendentis e diametro esset contrarium. Vbi enim multum adsumeretur, cruditates non modo augerentur sed & motuum febrilium sequerentur iam turbationes, iam exacerbationes; quæ singula sunt periculo plena.
- (57) Amarities oris in febribus non semper adesse obseruatur; vbi vero occurrit, magis biliosarum cruditatum restagnationem circa ventriculum, quam totius massæ sanguini-

sanguinæ biliosam inquisitionem indicant. *Stablius in problem. pract. p. 8. n. 19.*

- (58) Tactus in febribus deprauatus utique ominosus ; in acutis enim ordinarie satis est exquisitus.
- (59) Qui in febribus ad tactum nullum ardoris sensum præ se ferunt, phrenitici fiunt, idque magis, si sanguis fluxerit. *Coac. 228.*
- (60) Si in morbi principio pars aliqua obstupescat, periculum est, ne paralytis succedat, aut æger apoplexia moriatur. *Alpinus.*
- (61) Anæsthesia uti semper mala ; ita febribus interitum minitans est indicium.

De doloribus.

- (62) Ex capite dolentes, catochi detenti ac delirantes cum alui interceptione & ferociente intuitu, floridi, in scapulas rigescunt ac opisthotonoprehenduntur. *Prorrhetic. I. 88.*
- (63) Quibus per febrem caput dolet, & præ tenebris ante oculos adparentibus visus hebetudo contingit, vibrantesque splendores obuersari videntur, ii narium hæmorrhagias experientur. *Hipp. lib. prognostic. f. 13.* Qui capite grauati ad synciput dolorem sentiunt, per uigilio torquentur, iis sanguinis eruptionem fore spes est, præcipue si aliquis tensionis sensus in ceruice adparet. *Prorrh. I. 136. Coac. 168.*
- (64) In acuta capitis dolor & præcordia reuulsa, nisi sanguis e naribus profluat, ad phrenitidem deueniunt. *Coac. 119.*
- (65) In febre acuta continens capitis dolor, cum grauibz aliis signis, mortem minatur. *Coac. 160. Prognostic. f. 12.*
- (66) In angina, absque vlla significatione, redundantes in caput dolores, cum febre, periculum indicant. *Coac. 372.*
- (67) Cervicis dolor in omni febre malo est, in his vero

pesimus, in quibus vehementem insaniam metuimus.
Prorrh. I. 73. Coac. 273.

- (68) *Auris* intensus dolor, cum febre acuta ac ceteris aliquanto grauioribus signis, iuuenes quidem intra septimum diem, aut celerius cum delirio necat, nisi puris copia ex aure aut sanguis e naribus effluat, aut aliud quoddam laudabile signum exstiterit. Aetate autem prouectiores tardius, aut minus tollit. Nam & in his aures ante suppurant & delirium minus infestat. Sed & in hac ætate multis morbus reuertitur ac proinde interficere solet. *Coac. 189.*
- (69) Vbi *fauces* in morbis acutis graciles sunt, parux ac dolentes, atque os hiarit, si gracile adpareat, nec facile contrahi possit, mentis emotionem metuere oportet. indeque succedens phrenitis perniciofa est. *Coac. 275.*
- (70) *Venæ* ceruicis in febribus pulsatio & dolor, rem ad dysenteriam deducit. *Coac. 124.*
- (71) *Præcordiorum* dolores in febribus, si sudore non soluantur, maligni sunt. In his dolores ad coxendices cum ardente febre atque aluus affatim prorumpens, perniciem ostentant. *Prorrh. I. 90.*
- (72) Ex *præcordiorum* dolore obortæ febres malignæ sunt. In his carus pesimus. *Coac. 31.*
- (73) *Præcordiorum* dolores in febre, ægro fari nequeunte, si absque sudore soluantur, malum indicant. His ad coxendices dolores decumbunt. *Coac. 297. 299.*
- (74) Dolor in *pectore* fixus cum torpore, suborta febre, malum indicat, ii celeriter mortem oppetunt. *Coac. 315.*
- (75) *Pectoris* dolor cum febre, & aluus perturbata cum torpore, nigras deiectiones præ se fert. *Coac. 274.*
- (76) *Lateris* dolor, cum biliosis sputis, temere ac præter rationem euanescens, ægros in vehementem & furiosam mentis emotionem agit. *Prorrh. I. 97.*
- (77) Ad *lateris* dolorem si strangulatus molestia accesserit, suppurationem spondet. *Prorrh. I. 113.*

(78) La-

- (78) *Lateris* dolore citra inflammationem adfecti, cum turbulentis tenuibus moderatis in phrenitidem labuntur. *Coac.* 411.
- (79) Quos ex *lateris* dolore cibi fastidia comitantur, iis os ventriculi aliquantum dolet, & sudoribus diffluunt. Vbi autem facies ruboribus velut efflorescit, & aluus est liquidior, pus in pulmonibus collectum habent. *Coac.* 423.
- (80) *Oris ventriculi* dolor ac præcordiorum pulsus, cum febre, in qua totus corporis habitus perfrigeratur, malum denunciant, idque præsertim, si cum tenuibus sudoribus contingunt. *Coac.* 283.
- (81) Ea *tormina* mala sunt omnia, quæ cum febre inuadunt, aut variis alui recrementis, aut iecoris inflammatione, aut præcordiorum, aut ventris, aut quibuscumque doloribus cruciant, aut cibos cohibent, aut sitim inferunt. Quem magna pars horum malorum occupat, is celerrime perit. *Prorrh.* II. f. 84.
- (82) Dolores *circa umbilicum*, cum palpitatione, mentis quidem alienatæ significationem quamdam præbent. Sub iudicationem vero his plurimus & creber flatus cum singulari contentione prodit. Quin & ad *suram* dolores in his mentis alienationem indicant. *Prorrh.* I. 36.
- (83) *Lumborum* dolores diurni, qui sensim fiunt circa præcordia inuoluti, cum febre & ciborum fastidio, si intensum capitis dolorem aduehant, non sine conuulsionis specie celeriter interficiunt. *Prorrh.* I. 100. *Coac.* 317.
- (84) Ex *lumborum* dolore ad os ventriculi recursiones cum febre, horrore, multorum tenuium & aquosorum vomitu, delirio, vocis defectione, ex in nigrorum vomitionem desinunt. *Prorrh.* I. 83. *Coac.* 316.
- (85) *Lumborum* atque inferiorum partium dolores, quibus febris etiam accedit, si relictis inferioribus septum transuersum adpetant, tum præsertim exitio sunt, cum periculosum signum accesserit. Quod si reliquorum

- signorum nullum ostenderit periculum, futuræ suppurationis metus est. *Coac. 108. Progn. f. 11.*
- (86) *Lumborum* diurni dolores, qui cum febre, ad tertianæ naturam propius accedente, ingrauescunt, sanguinis grumosi secessuri spem faciunt. *Coac. 305. 123.*
- (87) *Lumborum* dolor, absque causâ manifesta inuadens, morbi malignitatem indicat. *Coac. 322.*
- (88) *Lumborum* dolor, cum æstu implacido & anxio, malum significat. *Coac. 323.*
- (89) In angina, absque vlla significatione, delati ad *crura* dolores, cum febre, perniciosi. *Coac. 373.*
- (90) In febribus ex *glandularum tumoribus* dolores morbi diurnitatem significant. *Coac. 75.*
- (91) Ex vehementibus doloribus obortæ febres diurnæ sunt. *Coac. 73.*
- (92) In angina quæcumque conspicuum dolorem non produnt, periculi plena sunt. Quin etiam diurni sunt, qui ad *crura* progrediuntur dolores. *Coac. 376.*
- (93) Quæcumque *mammarum* dolore ex febribus vexantur, eas sanguinis concreti spuitio, non faculenta, dolore liberat. *Coac. 553.*
- (94) In febribus acutis conuulsiones & circa *viscera* dolores vehementes, malum. *Aph. IV. 65.*
- (95) *Euanescens*, sine ratione, lateris dolor, delirium portendit. *Alpinus.*

De motu voluntario.

- (96) Aegrum *residere* velle in ipso morbi impetu, prauum quidem in omnibus morbis acutis, sed pulmonum inflammatione laborantibus pessimum. *Hipp. lib. prognost. f. 4. Coac. 497.*
- (97) Corporis *iactationes* & incontinentiæ in febre, cum perfrictione & superiorum partium tenui sudore, phrenitum atque perniciem denunciant. *Prorrh. I. 27. 39.*
- (98) Qui

- (98) Qui sopore, corporis inquietudine & præcordiorum dolore adfliguntur, cum frequenti & pauca sputatione, iis tubercula ad aures exoriuntur, ac fortassis sopore tentati ad aliquam conuulsionem deueniunt. *Coac.* 185. 183. 184. 289.
- (99) In acutis corporis motio, iactatio ac turbulentus somnus, nonnullis conuulsionem portendit. *Coac.* 82.
- (100) In pueris febris acuta cum alui supresione & per-
uigilio, calces velut iactare ac colorem mutare, ruborem contrahere, conuulsionem minatur. *Coac.* 109.
- (101) De manuum motions ita censet Hippocrates lib. prognost. f. m. 5. In febribus acutis, aut pulmonum inflammationibus aut phrenitide, aut capitis doloribus, quibus ante faciem feruntur & aliquid frustra venantur, & festucas colligunt, aut floccos e vestibis euellunt & ex pariete paleas carpunt, ex his omnibus malum & mortem portendi.
- (102) Quibus vox in morbis acuta redditur, iis præcordia intro trahuntur & tenduntur. Vox autem acuta & stridula, malum. *Prorrh.* I. 45. 47.

2) In aliis morbis.

De sensibus internis.

- (1) Mentis emotiones in chronicis malis semper ominosæ; nec facile occurret delirii species, quam probare liceret, veluti de quibusdam deliriis criticis non ignotum est.
- (2) Deliria sæpe occurrunt insanabilia, quia eorum causæ non, nisi cadauere post mortem secto, manifestæ fiunt.
- (3) Deliriorum quorundam causæ non quidem latent, sed nihilominus tolli nequeunt. Quod in primis valet de mania ex vehementiori philtro.
- (4) Deliriorum leuissima sunt ea, quæ quibusdam obtin-
gunt, qui congestionibus ad caput maximam partem
ferosis

ferosis corripiuntur. Succedente enim coryza, mentis iterum redit constantia. Vnde vulgus: Er hat eine wunderliche Natur, wenn er soll den Schnuppen kriegen, ist er allezeit wie verwirret.

- (5) Deliria in chronicis, illis quidem, quæ in febribus eueniunt, frequentia cedunt, pertinacia autem superant.
- (6) Deliria ex hæmorrhagiis non succedentibus aut prorsus suppressis, satis sunt graua, at retenti sanguinis contingente largiori fluxu, sanari solent.
- (7) Delirium hypochondriacum tanto adfligit pertinacius, quanto magis sanguinis spissitudo antehac inualuit. Tolle tamen potest per hæmorrhoidalem excretionem copiosam & ordinatam. *Aph. VI. 21.*
- (8) Eadem est ratio melancholiæ atque maniæ hysteriæ, quæ a mensium suppressione orta est; his quippe sufficienter effluentibus, mens fit constans & actiones insaniam expertes.
- (9) Delirium tametsi temporarium fuerit: mali tamen, cui superuenit, iam grauitatem, iam diuturnitatem præmonstrat.
- (10) Delirium largæ sanguinis excretioni succedens, peioris est indolis, quam quod a sufflaminato eius fluxu suboritur. Hinc *Hippocrates Aph. VII. 9. Ex sanguinis profluuio deliratio, aut etiam conuulsio, mala. Celsus lib. II. cap. VIII. circa finem: Si sanguis profluxit, deinde secuta est dementia cum tetano, periculum mortis est.*
- (11) Occurrunt quædam grauidarum exempla notatu non indigna, quæ mulieres leuiter delirantes sistunt, magis tamen plerumque idiopathice, quam symptomatice. Singulis vero graua in hoc statu portenduntur accidentia, nimirum vel abortus periculum, vel dystociæ difficultates non facile superandæ, ob adfectum vehementiam & prædominium,

- (12) Ex morbo regio fatuitas aut stupiditas, malum. *Prorrh. I. 32. Coac. 198.*
- (13) Quibus dum conuelluntur oculi fixi & immoti splendent, iis mens e fede constantiæ deturbatur, & diutius morbum trahunt. *Prorrh. I. 124.*
- (14) Ex ictu in capite accepto stupor aut desipientia, malum. *Aph. VII. 14.*
- (15) Neruorum violenta læsio fere inducit delirium.
- (16) Delirium, post *opii* adsumptionem eueniens, & pertinax & periculosum est.
- (17) Obliuio in diuturnis malis aliquando apoplexiam portendit. Ordinarie læsionum capitis esse solet confectarium.
- (18) Sopor & agrypnia in quouis morbo motuum vitalium inducunt alterationes & turbationes. Vnde finistrum semper præbent præsagium.
- (19) Infomnia, quam significandi vim sæpe habent in febribus, eandem quoque exserunt in aliis morbis, præfagiendo scilicet mutationes, difficultates, bonos & malos euentus.

De sensibus externis.

- (20) Oculi hebescentes, obtusi, concreti & caligantes, malum. *Coac. 225.*
- (21) Oculorum hebetatio, cum animi defectione, promptam conuulsionem denunciat. *Coac. 226.* Interdum apoplexiam.
- (22) Ex recurvatione doloris in lumbis, oculorum peruersio, aut distorsio mala est. *Coac. 314.*
- (23) Ex hæmorrhoidibus, aliquantum adparentibus, tenebricosæ vertigines abortæ, paruam ac sensim factam partium resolutionem indicant, ex qua liberat venæsectio. Et quidquid huius modi adparere solet, mali aliquid denunciat. *Coac. 346.*

- (24) In vulneribus, quæ in supercilium, aut paulo altius inferuntur, visus acies obtunditur, & quo vulnus recentius est, eo magis vident. Inueterascente autem aut tardante cicatrice, magis obtundi solet. *Coac. 510.*
- (25) Quibus concussum fuerit cerebrum, vel ex plaga doluerit, aut aliquo casu, his illico vox deficit, neque vident, neque audiunt ac fere intereunt. *Coac. 499.*
- (26) Res geminas videre, humoris crystallini a sua sede remotionem notat. At muscas ante oculos videre volitantes, delirium indicat, vel suffusionem & cataractam minatur. *Fienus.*
- (27) Procedente morbo surditas ac vrina subrubra cum nullo sedimento, sed cum sublimamentis in medio innatantibus, mentis emotionem prænunciant. *Coac. 198.*
- (28) Graui surditate tentati, dum aliquid illosprehendit tremuli, linguæ resolutione ac torpore adfecti, male habere indicantur. *Coac. 197.*
- (29) Surditas pus intro colligentibus suborta, sanguinolentam deiectionem denunciat. His sub mortem nigra egeruntur. *Coac. 420.*
- (30) Surditas ex nigris vomitibus oborta, noxia non est. *Coac. 559.*
- (31) Aurium tinnitus & susurrus in plethoricis sanguinem redundantem ad caput congestum indicat. In iunioribus sæpe narium hæmorrhagiam imminere præmonstrat.
- (32) Quando ægri gustus & olfactus ita deprauati sunt, ut in morbo omnia ipsi foetere atque amaricantia esse videantur; tum primarum viarum abundans saburra & nidorosum crama inibi hærens indicatur.
- (33) Tactus in chronicis nimium alteratur a doloribus, sed omnium maxime deprauat eundem paralyfis.

De doloribus.

- (34) Quibus cum lippitudine capitis dolor accedit & longo tempore perseuerat, cæcitatismetus impendet. *Coac. 223.*
- (35) Qui

- (35) Qui *capitis* dolore vexantur, ac catocho cum dolore detinentur, oculos habent prærubros; in iis sanguinis profluuium sperandum est. *Coac.* 166.
- (36) Dolor *capitis*, cum sedis ac pudendorum dolore, torporem ac impotentiam adfert, vocemque exfoluit. Ex his somnolentia ac singultuosi nono mense euadunt, & voce libera reddita in integrum restituuntur. *Coac.* 164.
- (37) Vterum gerentibus *capitis* dolores, cum sopore & grauitate, malæ sunt. Quin & huiusmodi naturæ conuulsionibus forte sunt obnoxia. *Prorrh.* I. 103. *Coac.* 534. 517.
- (38) *Faucium* gracilium dolores suffocantes, conuulsionem minantur, tum præcipue, cum ex capite originem ducunt, quale quid Thrasynontis consobrinæ accidit. *Prorrh.* I. 104. *Faucium* porro vehementes dolores, aurium tubercula & conuulsiones excitant, itemque *cervicis* & *colli* dolores. *Coac.* 268. At vehementer sine tumore dolentes cum labore & molestia, præceps minantur exitium. *Coac.* 265.
- (39) Ingruentes ad *præcordia* dolores, prauis sunt, cum alias, tum si alios profundant. Deteriores autem, si paruo tempore fiant. Quin & inde suborta ad aures tubercula aliæque suppurationes, malignitatem præ se ferunt. *Coac.* 284.
- (40) Vterum gerentibus *præcordiorum* dolor malum denunciat, hic etiam alui euntes & rigore subinde corripiti malum. *Ventris* dolor si limosa expurget, leuius malum indicat. Quæ ex his faciles partus habent, ea postea vehementer anguntur. *Coac.* 523.
- (41) In *dorsi* ac *pectoris* dolore cruentæ mictionis suppressio, laboriosum exitium adfert. *Coac.* 272.
- (42) *Oris ventriculi* dolor cum præcordiorum contentione, atque etiam *capitis* dolor, malignum quidpiam & suspiriosam quamdam adfectionem indicant. In his certe animaduertendum est, num derepente moriantur,

- velut in Dyfode euenit , cui vrinæ valde fermentatæ & prærubræ æderant. *Prorrh. I. 72.*
- (43) *Oris ventriculi* dolores, cum intestinorum cruciatu, ventris animalia i. e. lumbricos deiciunt. *Coac. 285.*
- (44) *Oris ventriculi* dolor, ſeniori crebro adueniens, repentinam mortem denunciat. *Coac. 286.* Huic adſerto rarius reſpondet experientia.
- (45) Ex pulmonis ſuppuratione interdum circa *ventrem ac clauiculam* dolores, & cum corporis iactatione aliquantus ſtertor, copiam ſputi in pulmone indicant. *Coac. 18.*
- (46) Dolores circa *umbilicum*, cum palpitatione, mentis quidem alienatæ ſignificationem quamdam præbent. His ſub iudicationem conferta & crebra pituita cum dolore prodit. *Coac. 300.*
- (47) Supra *umbilicum* labor ac lumborum dolor, qui remediis non cedit, in hydropem ſiccum deſinit. *Coac. 304.*
- (48) Quos derepente, absque febre, *præcordiorum* aut *oris ventriculi*, aut *crurum & inferiorum partium* dolor adfligit aliusque intumeſcit, venæſectio aut alui fluxus ſolutionem iis adfert. His febricitare noxium. Nam longæ & vehementes febres ſubnaſcuntur, ac tuſſes & ſpirandi difficultas atque ſingultus fiunt. *Coac. 294.*
- (49) Qui præcordiorum doloribus, *oris ventriculi, iecoris* ac earum partium, quæ ſunt circa *umbilicum*, conflantur, ii cruenta alui deiectione liberantur, ſecus autem mortem oppetunt. *Coac. 295.*
- (50) Quibus *hepar* dolet, cum *oris ventriculi* dolore, ſopore, rigore, ii aluo exturbata, cum corporis extenuatione, ciborum faſtidio, multis tenuibus ſudoribus diſfluunt, & purulenta per aluum demittunt. *Coac. 448.*
- (51) Quibus *iecur* derepente vehementer dolet, iis febris ſuccedens remedio eſt. *Coac. 449.*
- (52) *Lumborum*, capitis ac *oris ventriculi* dolor, cum forti exſcreatione, conuulſionis ſuſpicionem excitant. *Prorrh. I. 106. Coac. 320.*
- (53) Qui-

- (53) *Quibus lumborum dolor in caput & manus recurſat, & torpore adfecti oris ventriculi dolorem ſentiunt, tenuibus ac ſeroſis humoribus abundant, ii liberaliter ſanguinem profundunt. Sed alius cum mentis perturbatione his effunditur. Prorrh. I. 139. Coac. 308.*
- (54) *Lumbis dolentibus ſi oris ventriculi dolor acceſſerit, futuræ per hæmorrhoides vacuationis ſignum eſt, & eam forte præceſſiſſe indicat. Prorrh. I. 130. Coac. 312.*
- (55) *Lumborum dolores ſanguinis profluuium excitant. Coac. 306. 307.*
- (56) *In intenſo lumborum dolore & alui ſubductione largiore, ſumto veratro ſpumoforum crebra vomitio prod-eſt. Coac. 310.*
- (57) *Qui lumborum dolore conflictantur, ii male habent. Animaduertendum, num his tremores ſiant, & maculæ rubentes, quales in tibiis cum rigore euenire ſolent. Coac. 318.*
- (58) *Qui lumborum & lateris dolore abſque vlla occaſione tentantur, ii in morbum regium incidunt. Coac. 325.*
- (59) *Vefica dura & grauiter dolens omnino mala eſt. Peſſima vero, ſi febris continua acceſſerit. Nam veſicæ dolores interimendi vim obtinent, & alius his nihil admodum reddit. Eos autem metu liberat vrina procedens purulenta, in qua album & læue ſubſidet. Quod ſi neque hæc leuata fuerint, neque veſica mollior reddatur, intra primos circuitus laborantem moriturum exſpectandum eſt. Hoc vero pueris a decimo ad decimum quintum præcipue contingere ſolet. Coac. 471.*
- (60) *Vefica intercepta, maxime cum capitis dolore, conuulſionem quamdam minatur. Quæ in his cum torporis ſenſu exſoluuntur, moleſtiam non perniciem adferunt. Forte aliquantulum deſipiunt. Coac. 588.*
- (61) *Renum dolor repente obortus, cum vrinæ ſuppreſſione, calculorum aut vrinæ craſſæ miſtionem indicat. Coac. 589.*

- (62) *Cubiti ceruicisque dolores conuulsionem minantur. Prorrh. I. 114.*
- (63) *Pruritus sentientia corpora in tabidis male habent, si ab alui suppressione ortum trahat. Coac. 440.*
- (64) *Pruritus omnibus nigrorum secessum denunciat, & grumos vomitione refusos. Coac. 636.*
- (65) *Vterinæ ventris duritates cum dolore, celerem perniciem denunciant. Coac. 528.*
- (66) *Si sine causa longus dolor capitis est, & in ceruices ac scapulas transit, rursusque in caput reuertitur, aut a capite ad ceruices scapulasque peruenit, perniciosus est. Celsus lib. II. cap. VIII. p. 85.*
- (67) *Quos grauis morbus detinet, hi si dolores prorsus non sentiant, vita non diu fruuntur.*

De motu voluntario.

- (68) *Omnis inquietudo, seu corporis incontinens iactatio, in morbo graui sinistrum præbet omen.*
- (69) *Inquietudo, cum leipothymia, perniciosa est.*
- (70) *Nimia ciborum ingestio, & molesta ventriculi repletio, ferme semper inquieta reddi corpora, maxime vero morbo adfecta. In iunioribus sæpe voracitas, non raro etiam vermes eundem inquietudinis edunt effectum.*
- (71) *Qui singulis ferme momentis situm corporis & artuum mutant, ii admodum periclitantur.*
- (72) *Qui inquieti ex vno lecto in aliud transferri cupiunt, paulo post e vita secedere solent, maxime si de peregrino domicilio, sibi minus apto, quædam interloquantur.*
- (73) *Vox acuta, eiulabunda ac oculorum hebetudo, conuulsionem minantur. His dolores ad inferiores partes demissi toleratu sunt faciles. Coac. 257.*
- (74) *Confractæ voces, post medicamenti purgantis positionem,*

tionem, considerandæ, num prauæ sint. Horum plerisque tenues sudores fluunt & alui humectantur.
Coac. 251.

IV. OBSERVATIONES.

1. Paradoxum videri posset minus exercitatis, quod Pathologia sensuum non tantum externorum, sed & *internorum* morbos scrutetur; Semeiologia vero utrorumque alterationes obseruet: cum sensationes sint actiones animæ immaterialis, cuius substantia per morbos lædi nequeat. Verum utrumque recte fieri a Medicis, probatione non indiget. Qua autem ratione id fiat, ut principium incorporeum simul adficiatur, & per corpus male adfectum in motibus ac intentionibus suis impediatur, & quasi simul ægrotet, id ex veris Physiologiæ fundamentis addisci potest; nec quidquam remansurum est dubium, nisi quis erroneis traditionum commentis imbutus, semetipsum veri cognitione priuare velit. Interim non præteruidendum est hoc in medicina momentum, de anima cum corpore cœgrotante, quia de vero motuum principio in corpore viuo egregie testatur.
2. De sensibus *externis* eorumque ad facile subeundas alterationes dispositione, & vere sæpius eueniente perturbatione, eo minus dubitari solet, quo manifestius per anatomica scrutinia de admiranda partium teneritudine & exquisita totius structuræ subtilitate iam pridem constitit.
3. Insomnia nonnulla vim significandi habere, & præternaturale aliquod accidens, siue propius imminens, siue paulo serius corpori euenturum, præmonstrare, tot *veterum* observationes ac inde enatæ prognoses satis confirmant. Hinc iubet *Hippocrates lib. de humorib. f. 15. Insomnia, qualia quis cernat, spectanda sunt, & quæ in somnis faciat.* Diligentiam vero eorum, acuit non modo futura prænoscenti curiositas, sed bene quoque curandi intentio. Nam insomniis cynosuræ quasi loco vsi sunt, & veluti ex *Hippocratis libro de insomniis* constat, constitutioni corporum individuali congruas

gruas inde petierunt indicationes, quibus iam conseruando & præseruando, iam vero oppugnando & percurando officio suo satis facerent.

4. Quamuis antiquis, quid fiat ante morbos, quid accidat in illis, & quid denique eos consequatur; diligenter adnotare, de illo autem, quo quidlibet contingat modo, minus sollicitos esse, solemne exstiterit: de insomniis tamen quidpiam rimari non prorsus intermiserunt. *Galenus* non inepte differit: animus in somnis videtur intimas corporis partes ingredi, & ab externis, quæ sensum mouent, se abducere eamque adfectionem, quæ in corpore inest, persentiscere & eorum omnium, quorum desiderio trahitur, vt iam præsentium, visa concipere. Quæ si ita se habent, haud mirabile est, cum facultas animalis humorum copia grauante vexatur, si homines vix se ipsos mouere & onera quædam gerere in somnis suspicentur: contra vero, cum adfectio corporis sit leuis & excrementis vacans, si se aut volare, aut velocissime currere in quiete perspiciant, præsertim cum animi imagines semper sint corporis adfectionibus adsimiles. *Vid. eius diss. de dignotione ex insomniis classe opp. III. f. 162.*
5. Vtrum homo sensibus singulis recte valentibus mori possit? Auctores dissentiunt; sed hæc quæstio nullius in praxi vsus est. Interim si *to recte valere* idem significat, ac mediocriter vigere, wann die Kranken zur Noth, ihre innere und äußere Sinnen brauchen können; dubium non est, multos sub sensuum internorum & externorum exercitio nouissima obire fata. Vnde vulgus dicit: Der Kranke hat Sinnen und Verstand bis in den letzten Augenblick behalten.
6. De delirio *asaphode*, seu *obscuro* aliquid addendum, quemadmodum sub *differentiis* iam monuimus. Fit nimirum quædam desipientiæ non raro species, vt æger quietus iaceat, neque solum non tumultuose exclamet exsiliatque, vt antea, sed neque prorsus loquatur, neque figuram decubitus permutet; sæpiusque, qui ita adfecti sunt, familiaribus

ribus præbent opinionem, quasi mox sint dormituri, si aliquid fiat silentium. Clausis itaque fenestris quiescunt custodes, tempusque in his interdum longum conterunt, arbitrati, ægrum, quod neque loquatur, neque moueatur, dormire, ipso reuera non dormiente & manus quiete mouente, non secus, quam qui per leuem contrectationem aliquid vel tangere, vel inuenire volunt. Deinde, his ita se habentibus, quidam clausis palpebris hæc agunt, & si quis accedens cum iis colloquatur, quidam neque prorsus oculos aperiunt; alii, posteaquam aperuerunt, paulo post claudunt, aut immotos seruant. *Conf. Galeni Comm. I. in prædict. Hipp. f. m. 49.*

7. De motus voluntarii læsione, eiusque ætiologia ac ineuicibili necessitate, aliquid addere hic quidem non esset *ατοπον*; sed cum distincte hæc de re actum iam sit in *tabula de febribus* & febrilium symptomatum ætiologiis, idem hic repetere non conuenit.
8. Licet in præsentī animus non sit, docere, qua ratione e variis sensuum alterationibus conuenientes formari debeant indicationes therapeuticæ: hoc tamen in transitu monere non piget, quod vna subinde venæsectio in repentinis ad caput & pectus impetuose factis congestionibus, phantasiā visum, auditum, vocem & loquelam deprauantibus, mirificum quasi auxilium præstare soleat.



TABVLA XIII.

DE FACIE ALIISQVE PARTIBVS EXTERNIS.

I. DEFINITIO.

Facies est capitis pars aduersa seu anterior, quæ a frontis initio incipit, circa tempora in circulum se reflectit, & per incuruationem istam aures prætergrediens totam frontem, oculos, nasum, genus & os complectitur, atque in ipso mento desinit.

II. DIFFERENTIA.

1. In facie generatim determinanda auctores quidem conueniunt, constituendo anticam capitis partem; sed in termino, vt Philosophi loquuntur, *a quo*, quidam viget dissensus, exigui licet momenti. Aliqui enim frontem excludunt, & illud solum, quod supercilia & mentum interiacet, pro facie agnoscunt, pluribus interim contradicentibus.
2. Faciem dum *Medici* contemplantur, colorem atque tonum, in eius superficie obuium potissimum obseruant; *morum* autem *doctores*, dum faciem considerant, animi alterationum, per *vultum* significatarum, habere solent rationem. Ex quibus facile perspicitur potest, quid differentię subsit inter *faciem* & *vultum*: *illa* in primis sistit partium capitis antiquarum figuram, colorem atque situm generalem in statu vel secundum, vel præter naturam; *hic* vero per arbitrarias earundem partium contractiones, relaxationes, distorsiones, indicat pathema, quod animum vel grate, vel moleste adficit. Hinc persæpe quidem *vultus*, siue ægrum, siue sanum

- num exstiterit corpus, mutari potest; non autem tam facile *facies*, nisi quidem in verecundis, qui in momenta quasi rubore suffunduntur.
3. *Facies humana varie considerari solet vel in statu naturali, vel præternaturali. Vtrobique*
- 1) *Ratione coloris* adparet vel
 - (1) *florida*, & plus minus rubicunda.
 - (2) *pallida*, aut plumbea.
 - (3) *livida*, aut ex liuido vel flauo nigrescens.
 - 2) *Ratione habitus* vel
 - (1) *turgida* & plena
 - (2) *contracta*, rugosa, flaccida & marcore deprauata.
 - 3) *Ratione dispositionis animi*, seu adfectus dominantis, vel
 - (1) *Serena*, tranquilla, mansueta, hilaris, læta.
 - (2) *morosa*, feria, tædii plena, pensitabunda.
 - (3) *tristis*, trepidans, iracunda, desperans, furibunda.
4. Præterea *facies morboſa* suas iterum habet differentias. Alia enim statum naturalem alteratum; alia vero maiorem perniciem arguit. Posterior κατ' ἐξοχὴν *hippocratica* audit, eo, quod primum a Medicorum principe, *Hippocrate* Coo, distincte descripta sit. Hæc itaque se offert
- 1) Sub *orthostadia*, vbi ordinarie anxii timoris, aut magni terroris index exsistit. Et quamuis sub tali pathetica deformatione, *hippocraticæ* faciei quodam modo respondere obseruetur: in eo tamen differt, quod oculos magis ostendat viuidos atque exsertos, qui in cadauerosâ illa facie magis concaui ac splendore orbatî adparere solent, cum pupilla depressa & turbida.
 - 2) In statu vere *morboſo*, in quo adpropinquantis mortis periculum præmonſtrat.
5. Quo autem modo ominosam faciem ipſe describat *Hippocrates*, paulo infra in *prognosis* occurret. Qualis autem conceptus de *hippocratica* facie formandus sit, iam dicemus.

Est nimirum pessimorum signorum, ad imminentis mortis prognosin conspirantium, concursus, per omnes faciei partes quidem conspicuus, sed in oculorum seu visus depravatione & humoris vitrei subalbidi facti obscuracione in primis se exserens. *Vid. Stahl's diff. medico-semeiotica de facie morborum indice seu morborum aestimatione ex facie. Hale 1700.*

6. Quot rebus aliis inanimatis faciei notio attribui soleat, in illud inquirere non est Semeiologi, utpote qui solum circa faciei humanæ alterationes occupatur, homonymiæ vero euoluendæ spartam philologis aliisque curiosis ultro relinquit.
7. Ad reliquas tandem, præter faciem, quod attinet partes, ex quarum alteratione prognoses formare student Practici, fere esse solent cutis, capilli, caput ipsum, aures, lingua, dentes, fauces, collum, pectus, hypochondria, venter, artus, ungues. His accensentur alia quoque momenta e.g. ætas, conformatio, partium calor & frigiditas, adpetitus, sternutatio, tussis, febris.

III. PROGNOSIS

1. Generalis.

- 1) Vti macrocosmi compendium homo existimatur: ita parvus hic mundus proprium habet compendium in vultu, & imago corporis viui est facies. *Burrhus.*
- 2) In morbis in primis ægri facies sic in considerationem adhibenda, sitne bene valentium & sui ipsius similis? Ita enim optima existimanda est; quo magis vero a pristino statu recedit, eo grauius periculum portendit. *Hippocrates lib. prognostic. f. 3.*
- 3) Optima ægri facies, quoties sui simillima permanet: Quæ inter optimam deterrimamque interiecta sit, tua interest, determinatis extremis, considerare. Quæ enim ad optimam propius accedit, melior est; quæ deterrimæ propinquior, peior censenda. *Galenus in Comm. I. in præsag. Hipp. f. 20. it. de arte curat. lib. I. cap. II.*

4) Non

- 4) Non refert, an facies sit alba, vel rubra, vel liuida in morbo. Nam si est, sicut in sanitate esse solet, bona est. Hinc pallida melior est, quam rubra, & vicissim. *Fienus.*
 - 5) Ex facie eo certius præfagiunt illi, qui temperamentorum doctrinam perspectam habent, quam alii, qui solum colores attendunt.
 - 6) Facies florida præsentem indicare potest sanitatem, minime vero eius constantiam seu diuturnitatem. Hinc *Hippocrates Aph. I. 3.* Bene habita athletarum *valetudo ad summum progressa*, vbi ad plenitudinis extremum peruenit, *lubrica est*, cum non possit eodem statu permanere, neque quiescere. Quandoquidem vero non quiescit, neque iam potest in melius progredi, reliquum est, vt in deterius labatur. Et *Celsus lib. II. cap. II. p. 51.* Si plenior aliquis & speciosior & coloratior factus est, bona sua habere debet suspecta.
 - 7) Non quælibet signorum in facie perturbatio temere statim morbi, nedum magni & vehementis facit indicium: siquidem etiam ex repentinis animi pathematibus eximie prognasci solent faciei perturbationes, quæ tam sæpissime, vti cito factæ sunt; ita celeriter quoque pereunt. *Stablius.*
 - 8) Quotiescumque facies notabiliores alterationis notas in se habet; toties directe certam illam prodit constitutionem, quæ huiusmodi alteratione se exferit. *Idem.*
 - 9) Faciei corruptela lethalis est, minus tamen, si ob perui-gilium, aut inedia, aut alui perturbationem contingat. Nam quæ ex his causis orta est corruptelæ species, vna die aut nocte in integrum restituitur. *Coac. 212.*
 - 10) Quando facies præfagientem decipit, fit illud plerumque per colorem; reliqua enim signa, vt extenuatio, col-lapsus & oculorum deprauatio certiora esse solent indicia,
2. *Specialis.*
- 1) In *febris.*
 - (1) Facies bene *colorata*, tetrica ac superciliosa in morbo acuto malo est. *Coac. 213.*

- (2) In magnis malis si facies bona fuerit, bonum; in parvis vero bonæ significationi contraria denunciâns, malum portendit. *Epid. VI. sect. II. n. 26.*
- (3) *Rubedo* maxillarum, si adest febris, tussis ac difficilis respiratio, proprium ac pathognomonicum peripneumoniæ signum est. *Fienus.*
- (4) *Rubor* assiduus, in longis lentisque febribus, pulmonis ardorem & ad tabem viam ostendit, si in primis tussicula adest: si vero non solum genæ, sed et tota facies rubeat et flammea sit, & accedat externa corporis caliditas, est signum febris. *Idem.*
- (5) In omnibus acutis facies *flammea*, si non est alia manifesta causâ ruboris, vt ira, pudor &c. est mala, quia febris & æstus magnitudinem indicat & calorem sursum ferri; vnde vel dolores capitis vehementes, vel phrenitis, vel peripneumonia metuenda sunt. *Idem.*
- (6) Quibus faciei incendium & intensus *rubor* soluitur, & graueolens est alui egestio redundans & subrubra, in his infantiæ metus est. *Coac. 624.*
- (7) Vbi liuores in febribus fiunt, prope adfore mors significatur. *Coac. 66.*
- (8) Facies *pallida*, contracta, extenuata in febrientibus imminētis paroxysmi præbet indicium.
- (9) Facies *morosa* et *austera*, cum taciturnitate, mentis emotionem portendit, non raro obscurum delirium iam adesse arguit.
- (10) Facies *anxia*, et sui admodum dissimilis, difficilem decursum, sæpe vero exitium præmonstrat.
- (11) Facies sub febris initium *flaccida* ac nimium *extenuata* funesti exitus habetur prænunciâs.
- (12) Facies *tristis*, *pensitabunda*, & vox debilis atque demissa, difficiles colluctationes, plerumque vero mortem metuendam præfagiunt.
- (13) Facies *lethalis* seu adpropinquantis mortis prænunciâ habet

habetur; si sit nasus acutus, oculi concaui, collapsa tempora, aures frigidaë & contractæ, imisque suis fibris inuerfaë, cutis circa frontem dura, intenta et resiccata, & totius faciei color ex viridi pallescens, aut etiam niger, aut liuidus, aut plumbeus. Hæc est famosa illa *facies Hippocratica*. *Conf. Hipp. lib. prognost. f. 3. Coac. 212.*

(14) In acutis *nigræ maculae*, in genis coortæ, lethales esse solent. *Forestus.*

(15) *Oculi* vt valuerint: ita & totum corpus. *Epid. VI. sect. IV. n. 26.*

(16) Oculorum *rubedo* notat insignem congestionem ad caput, et cephalalgias, præsertim si lucis minus patientes sint, et frons rubore aliquo conspicua. *Stahlius.* At *flauedo* in pleuriticis, aut plane *liuor*, mali ominis est. *Lommius.*

(17) Oculorum in acutis *rectus obtutus*, das *Starrsehen*, ac motus pernicitas, somnus turbulentus, peruigilium, interdumque e naribus sanguinis stillationes, nihil boni denunciant. *Coac. 227.*

(18) Oculorum *claritas*, ac eorum album ex nigro aut liuido clarum fieri, ad crisin confert. Ac quo celerius clarescunt, eo celeriore iudicationem; at tardius tardiore significant. *Coac. 217.*

(19) Qui sorditate cum capitis grauitate ac præcordiorum contentione vexantur, si oculorum *acies perturbatur*, in iis sanguinis fluxum e naribus sperare oportet. *Coac. 195.*

(20) Si oculi lucem refugiunt, aut illacrymant præter voluntatem, aut peruertuntur, aut alter ex iis minor fit, aut quæ in iis alba esse debent rubescunt, aut in iisdem venulæ liuescunt, aut nigricant, aut lippientium oculorum sordes circa eorum aciem adparent, aut etiam assidue mobiles, aut tumidi, aut vehementer caui, aut eorum adspæctus squallidus et minime lucidus, aut to-
tius

tius faciei color immutatus; hæc omnia mala pernicioſaque æſtimanda ſunt. *Hipp. lib. prognofl. f. 4.*

- (21) Vitioſa in febribus eſt oculorum cautitas, & vehemens oculi foras expreſſio, aut ſplendoris eliſio, adeo vt pupilla extendi nequeat, et cilia retorta, ac fixi oculi ac continenter conuiuentes, coloris commutatio, aut palpebras per ſomnum non committere, perniciem oſtentat. Quin & diſtortus oculus malo eſt. *Coac. 218.*
- (22) In morbis acutis, vbi male habent ægri, vltro quidem profluens *lacryma*, bono eſt, inuitis vero malum denunciat. Quibus etiam *palpebræ* circumtenduntur, malum ſignificatur. Malum quoque, quod in oculis *inareſcit* tenuiſſimæ lanuginis, aut aquarum aſpergini ſimile. Oculorum denique *hebetatio* ac reuſio et ſqualor, quique intro corrugantur, qui concreti ſunt, ac ægre veruntur et intro ſunt voluti, malum denunciant *Epid. VI. ſect. I. n. 16.*
- (23) Quibus in febribus aut aliis morbis oculi ex voluntate *illacrymant*, nihil abſurdi accidit: at quibus præter voluntatem, abſurdius. *Aph. IV, 52.*
- (24) Oculus *ferox* et *truculentus* delirium portendit, crebra quoque ac inordinata proiectione & perfractio mala eſt. *ibid. n. 19.*
- (25) Oculi *exſerti*, adſpectus audax et facies flammea delirium portendunt.
- (26) *Pupilla* depreſſa, obſcura, ſplendore orbata funeſta fata prænunciat.
- (27) In febre acuta ſi *labrum*, aut ſupercilium, aut oculus, aut *naſus* peruertatur, ſi non videat, ſi non audiat, imbecillo iam corpore, quidquid ex his euenerit, in propinquo iam mors eſt. *Aph. IV, 49.*
- (28) *Narium* rubores alui liquidæ & diſſluentis ſunt indicia. *Coac. 215.* Sed incertum eſſe præſagium *Fæſius* iam monuit. *Galenus* nihilo minus hosce rubores in ſignis inſtantis criſeos retulit.

- (29) *Narium* alas in acutis secundum respirationis motum moueri, oppido funestum. *Fienus.*
- (30) *Narium* pruritus in acutis delirium prænunciat. *Idem.*
- (31) *Nasus* acutus seu in fastigium acuminatus cum reliqua faciei contractione, in febribus pessimæ est prognoseos. *Stablius.*
- (32) Exacte considerandi sunt albescentes si febricitent, quorum etiam *labra* inspicere oportet. *Epid. VI. Sect. VIII, 34.*
- (33) Contractum *labrum* biliosæ alui perruptionem denunciat. *Coac. 240.*
- (34) Febres, in quibus exulcerantur *labra*, fere intermittunt, & tertianis perfrigerationes adfunt. *Epid. VI. Sect. VIII, 41.*
- (35) *Labrorum* in febribus varia distorsio conuulsiones adfore arguit.
- (36) *Labia* valde pallida semper mala, in acutis præcipue. In magno præterea æstu interno cum multa ariditate, fissuris & veluti squamarum abscissione nigricantia, perniciem portendunt. *Stablius.* Et *Hippocrates lib. prognost. f. 4.* *Labra* resoluta, pendentia, frigida & *exalbida* esse, lethale.
- (37) *Frons*, frigido sudore diffluens, in acutis exitiale.
- (38) *Mentum* acuminatum idem indicat, quod *nasus* acutus.
- (39) *Aures* frigidæ, pellucidæ, contractæ, perniciem minantur. *Coac. 192.*
- (40) In febribus ex prægresso dolore rubores ad *ures*, ignis sacri spem faciunt. *Coac. 200. 380.*
- (41) *Aurium* dolor acutus, cum febre & delirio, exitium portendit. *Coac. 189.*
- (42) *Aurium* sordes, hominibus dulces, lethales sunt, amaræ autem minime. *Epid. VI. Sect. V, 18.*

- (43) *Os* amarulentum, cum æstu, biliosorum abundantiam, in primis viis resstantem, prodit.
- (44) *Ore* *hiante* assidue dormire, & vbi supinus iacet, cruribus valde contortis et implexis, lethale. *Hipp. prognost. f. 4.*
- (45) *Dentium collisio* aut stridor, præter consuetudinem a teneris contractam, insaniam ac mortem denunciat. Quod si iam deliranti id accadat, prorsus exitiale est. Quin et *dentes resiccari* perniciem denotat *Coac. 235.*
- (46) Quibus per febres ad *dentes* glutinosus humor obna-scitur, iis vehementiores fiunt febres. *Aph. IV, 53.*
- (47) Ex *gingiuis*, cum humecta aluo, sanguis profluens, perniciem minatur. *Coac. 241.*
- (48) *Lingua* ægrotantium solet plerumque indicare, quanam succi vitiosi in corpore abundant. Sunt enim, quibus dulcia esse amara & contra videantur. *Galenus in Comm. VIII. in Epid. Hipp. VI. f. 169. it. Comm. IV. in Hipp. de rat. vict. in acut. f. 199. Et Hippocrates lib. VI. epid. Sect. V. n. 15. Lingua* humorum præstantiam colore refert, & quale sit serum indicat, ideoque per hanc ad humorum dignotionem peruenimus.
- (49) *Lingua* est sedes omnium symptomatum qualitatis alteratæ, excreti & actionis vitiatæ. *Vid. Prothas Casulanus de lingua, qua maximum est morborum acutorum signum. Lib. I. cap. VII. Colonia Agrip. 1626.*
- (50) Quoties aliquid de morbo indicare vis; toties inspicienda erit *lingua*. *Id. lib. II. cap. IV.*
- (51) *Pallidæ* linguæ ex bilis fiunt redundantia, biliosum autem a pingui. *Rubicundæ* vero a sanguine; *nigræ* ab atra bile; valde *resiccatae* ex succensa fuligine & vtero; *albæ* autem e pituita. *Hipp. Epid. VI. Sect. V, 13.*
- (52) *Lingua* ex resiccatione *densa* & *aspera*, phrenitidem portendit. *Prorrh. I. 3. Coac. 234.*

(53) Linguæ

- (53) Linguae *tremula* instabilem mentem & a sede constantiae deturbatam significant. *Prorrh. I. 20.*
- (54) Desipientiae, cum voce stridula & *linguae commulsione tremula*, voces quoque ipsae tremulae, mentis vehementem alienationem significant. In his durities aut asperitas perniciem minatur. *Prorrh. I. 19.*
- (55) Lingua *tremula*, cum narium rubore & alio humecta, si reliqua, quae sunt circa pulmonem, nullam iudicationis significationem praeseferant, malo est, ac celeres perniciosas purgationes denunciat. *Coac. 231.*
- (56) Linguae *tremula* quibusdam aluum nonnumquam humectam reddunt. In his autem si *nigricent*, etiam mortem denunciant. *Coac. 232. 645.*
- (57) In peripneumonia, si lingua tota *alba* fiat & aspera, ambae pulmonis partes inflammatione vexantur; quibus vero *dimidiata* lingua, qua parte id adparet, inflammatio adfligit. *Coac. 400.*
- (58) Quibus in pleuritide lingua circa initia *biliosa* est, hi intra septimum iudicantur; quibus vero tertio aut quarto die, circa nonum. *Coac. 383.*
- (59) Quod si *bullosa*, aliquantulum liuescens, in lingua adpareat initio, qualis excitatur ferro candente, in oleum intincto, difficilior fit solutio, & iudicatio quidem ad decimum quartum diem deducitur. Sanguinem autem vtplurimum exspuunt. *Coac. 384.*
- (60) Lingua circa initia quidem *horrida*, & in eodem colore perseuerans, si procedente tempore *exasperatur*, *liuescit*, *finditur*, mortem denunciat. *Coac. 229.*
- (61) Quod si lingua *admodum nigrescat*, decimo quarto die crisis promittit. Periculi autem maxime plena est *nigra* et *ex virore pallescens*. *Ib.*
- (62) Linguae *bisulcum*, velut alba saliuam obductum, febris remissionem indicat. Eadem est significatio, si haec cir-

ca summam linguam contingant , minus tamen firma.
Coac. 230.

(63) Linguae *sordes* et albedo febrem continuam significant; nam ex eiusmodi febre redditur lingua fordida.
Pienus.

(64) Lingua, præter rationem *mollis* reddita, ac nauseabunda, cum sudore frigido ab aluo liquida, nigra vomitionis significationem adfert. *Coac. 232.*

(65) In acutis si adparuerint in lingua *pustule*, ciceribus magnitudine æquales, in principio sequentis diei mors ingruit. *Rhazes.*

(66) *Fauces*, ubi in acutis dolent, graciles sunt, parvæ et suffocantur; atque ubi *os* hiauerit, nec prompte adduci ac claudi possit, mentis emotionem portendi oportet. Ex his phrenitis perniciofa est. *Prorrh. I. II. Coac. 275.*

(67) *Fauces* exulceratæ, cum febre, aliquid graue portendunt. *Hipp. lib. prognost. f. 12.*

(68) *Fauces* leuiter exasperatæ, & alius ad inanes & irritas exsurrectiones obmurmurans, frontis dolores in ægris palpitantibus, & more inuestigantium sensim contretantibus, delassatis, & ex stragulis & vestimentis dolentibus, & si quæ his increscunt molestiam exhibent. Somnus in his multus conuulsionem minatur, frontisque dolores graues ac micatio molesta sunt. *Prorrh. I. 109. Coac. 267.*

(69) In acutis malis strangulatus gracilescentibus *faucibus* minatur perniciem. *Coac. 61.*

(70) Quibus ad *fauces* irritamenta sunt, iis moderata aurium tubercula excitantur. *Coac. 264.*

(71) Vbi febricitanti *fauces* exulcerantur, si aliud quoque ex grauioribus signis adfuerit, periculum denunciandum est. *Coac. 276.*

(72) Si febrienti, nullo tumore existente, in *faucibus* derepente

pente succedat suffocatio, nec nisi ægre deuorare queat, lethale. *Aph. VII, 60. Aph. IV, 35. Coac. 277.*

- (73) Dolentes *fauces*, absque tumore, cum labore, molestia ac suffocatione, præceps minantur exitium. *Prorrh. I, 86. Coac. 265.*

- (74) Angina grauissima est, & celerrime interimit, quæ neque in *faucibus* neque in ceruice quidquam conspicuum facit, plurimum vero dolorem exhibet et respirationem difficilem, orthopnoeam inducit. Hæc enim eodem etiam die & secundo & tertio & quarto strangulat. At quæ in reliquis quidem similiter dolorem exhibet, in *faucibus* vero tumorem ac rubores excitat, admodum quidem exitialis est, priore tamen longe diuturnior, si ingens robur fuerit. *Hipp. lib. prognost. f. 12. Coac. 363. 364. 565.*

- (75) Cum *fauces* ægrotant, aut tubercula in corpore exoriuntur, excretiones considerandæ sunt. *Aph. II, 15.*

- (76) In febre vexato *collum* repente peruersum, ac vix deglutire posse, sine tamen tumore, lethale. *Aph. IV, 35. Coac. 278.*

- (77) Si febre detento *ceruix* peruertatur, neque deuorare queat, tumore non adfligente, lethale. *Aph. VII, 61.*

- (78) *Ceruix* dura cum dolore, venarum item iugularium palpitatio vehemens, cum tetano, perniciofa. *Coac. 261.*

- (79) *Pectus* et *hypochondria* in febribus, tumoris et dolorum expertia, & sanis similia, bonum suppeditant præfagium. *Hipp. lib. prog. f. 5.*

- (80) Celeres *extremorum* corporis ad utraque extrema permutationes, perniciem denunciant. *Prorrh. I, 43. Coac. 50.*

- (81) Caput, manus & pedes *frigere*, ventre & lateribus calentibus, malum denunciat. *Hipp. lib. prognost. f. 6. Aph. IV, 48.*

- (82) Vbi toto corpore mutationes contingunt, vt si corpus

refrigeretur, rursusque *calefiat*, vel color alius ex alio oriatur, morbi longitudinem significat. *Aph. IV, 40.*

(83) Præter corporis grauitatem, si *ungues & digiti liuescant* in febre, mors confestim expectanda est. *Hipp. prognostic. f. 6. Coac. 493.*

(84) Quando in pleuritide et peripneumonia *calores* contingunt, interdiu *tenuēs*, noctu vero *intensiores*, sine effatu digno sputamine; si porro circa *ceruicem* sudores occupant; *oculi* cauantur; *male* rubent; *digiti* quidem manuum summi calent & scabri redduntur, *ungues* autem vnci fiunt & *perfrigescent*, in *pedibus* denique tumores & in toto corpore pustulae erumpunt *cibique* *refugiuntur*, *vomica* significatur. *Coac. 402. 432. Galenus Com. I. in Hipp. de humorib. f. m. 17.*

(85) Eorum, qui ex lassitudinibus febricitant, *cutis* est *siccior* plus quam in aliqua alia febrium ephemerarum. *Galenus lib. II. de crisib. cap. XIII.*

(86) Febres, quæ ex densata *cute* oriuntur, hæ solum ex omnibus passio sunt adstricta. *Ibid.*

(87) Inter lethalia signa numeratur calidus vapor per *cutem* emanans, si prius nares spiritum frigidum emisierint. *Hipp. Epid. VI. sect. IV. 27.*

(88) Phrenetici *parum bibunt*, ex leuibus strepitibus facile irritantur ac percelluntur, tremuli sunt. *Prorrh. I. 16. Coac. 96.*

(89) In acutis, si *sitis* temere ac præter rationem cesset, malo est. *Prorrh. I. 57. Coac. 58.*

(90) Moderatus capitis dolor, cum in exhausta *siti*, aut sudore febrem non soluente, nisi alius erumpat, gingivarum abscessus, aut tubercula circa aures denunciant. *Coac. 173. 175.*

(91) In morbis pulmonis *grauedines & sternutamenta* tum præcedere, tum succedere, malum. In reliquis vero morbis sternutamentum utilitate non caret. *Coac. 399.*

(92) In

- (92) In grauitate & acutem mentis emotis, si *febris* iterum repetat cum sudore, phrenetici euadunt. *Prorrh. I. 15.*
Coac. 95.
- (93) Ex *præcordiorum doloribus* abortiæ febres malignæ sunt. *Prorrh. I. 56.*
- (94) *Febres*, quæ soporem ac lassitudinem inducunt, aut in quibus ægri caligant, agrypnia & tenuibus sudoribus vexantur, malignæ sunt. *Prorrh. I. 74.*
- (95) Ex vehementibus *doloribus* abortiæ febres diurnæ sunt. *Coac. 75.*
- (96) *Febres vertiginosæ*, & cum iliaco morbo complicatæ, perniciem intendant. *Coac. 106.*
- (97) *Febres assiduæ*, quæ tertio quoque die intenduntur, in periculum ducunt. *Coac. 116.*
- (98) *Febris ardens ex laborioso ventris dolore*, perniciem minatur. *Coac. 130.*
- (99) *Hibernæ quartanæ* fere in acutos morbos transeunt. *Coac. 159.*
- (100) *Febres*, quæ cum delirio inuadunt, plurimos interimunt. Ita & *epidemicæ*, quando grauidas corripunt, abortionis periculo easdem subiiciunt. *Hippocrates epid. I. f. 27. 28.*
- (101) Si *venæ temporum* in febribus pulsent, & facies bene habita fuerit, absque *præcordiorum* mollitie, longum fore morbum metuere oportet, qui non sine larga narium hæmorrhagia, aut singultu, aut conuulsione, aut coxendicum dolore desinet. *Coac. 128.*
- 1) *In aliis morbis.*
- (1) Quæ facies habitu atque colore, ab alias consueto, plurimum recedit, nec breui ad sani status formam reformatur, ea morbum imminere præmonstrat.
- (2) Quo latior, porrectior, sibi que plurimum constans facies in morbis apprehenditur, eo plenior de læta reuale-

ualetudine spes viget. Vbi tamen cauendum, ne delirabundam audaciam pro libero adspectu nobis imponi patiamur.

- (3) Vultus modo in tristem, modo in lætum, sine manifesta causa, variatio, semper ominosa est; plerumque tamen de melancholica afflictione præbere solet testimonium.
- (4) Coloris faciei repentinæ alterationes in rubicundum, seu inuadentes æstus volatici, qui post pastum inprimis coorti *diutius durare* obseruantur, si vitium in visceribus plerumque latitans arguunt. Præcipue vero subitæ phlogoses hæmorrhoidariis, hypochondriacis, atque hysteriis satis esse solent. frequentes, quæ malum radicatum significant.
- (5) Rubores faciei *vagi* & transeuntes non raro animi quædam pathemata, vt, verecundiam, pudorem, amorem indicant, maxime si cum pulsus inæqualitate coniuncti sint. *Galenus de præcognitione lib. VI. f. 165.*
- (6) Facies intensius *rubens*, cum voce rauca & oculis micantibus, hominem ira percitum indicant.
- (7) Facies *rubens*, oculi prominentes, cum vasorum inflatione, modo congestiones sanguinis ad caput & cephalalgiam, modo capitis & colli inflammationem denunciant, præcipue si ore hiantem ducatur spiritus.
- (8) Facies, *genis rubellis* conspicua, sæpe nihil minus, quam bonam valetudinem indicat. Nam hecticæ exacerbationis non raro existit index. *Bagliuius* de feminis, utri cancro laborantibus, expertus testatur, quod istæ genas perpetuo rubentes circumferre soleant.
- (9) Faciei color *floridus*, repente in luridum & *plumbeum* mutatus, in illis, qui pectoris vel abdominis hydropem laborant, adpropinquantis mortis est præsagium. *Bagliui.*
- (10) Obstructione viscerum laborantibus, si facies naturalem viuidumque adhuc retinet colorem, talium hominum curationem suscipito; nam facilius sanabuntur: si vero facies a naturali statu multum recesserit, & pal-

lor cum macie omnia occupauerit, curationem ne suscipias, quia sic adfecti non sanabuntur. *Bagliuius*. Vbi tamen monente *Stahlio*, certo constare oportet de vero ac notabili viscerum vitio, quo vtpote praesente, prognosticon recte se habet; intelligendo tamen de constante huiusmodi decolorationis & extenuationis duratione.

- (11) Chronica faciei *rubedo*, ad liuiditatem vergens, cum tuberculis paruis, duriusculis, transeuntibus, hepatis denotat intemperiem, maxime si homo sit ebriosus. *Fienus*.
- (12) *Rubedo valde liuida*, cum indecoro faciei ac nasi tumore, labiisque crassis, elephantiasis signum est. *Id. p.158*.
- (13) Facies *bene colorata* in moestis & afflictis semper ominosa.
- (14) Facies *euchroia*, seu *bene colorata*, cum sudoribus fluentibus, vetusta stercora subesse, aut inordinatam victus rationem praese fert. *Coac.214*.
- (15) Qui diu *pallidi* faciem habent tumidam, eos certum est, aut capitis, aut viscerum dolore laborare, aut sedem internam quodammodo male adfectam esse. *Prorrhetic. II. f.91*.
- (16) Facies *pallida*, vegeto oculorum obtutui iuncta, sub orthostadia, homines nuper modo ab intermittente febre liberatos indicat.
- (17) *Pallor* praeterea in orthostadiis, cum turgidula faciei constitutione, ordinarie temperamentum phlegmaticum arguit.
- (18) Facies *pallida*, *extenuata* in fanis, saepe sanguinis ad interiora repressi atque terroris praegressi index est.
- (19) Facies *pallida* & tumens, cum cruribus praecipue oedematosis, statum corporis oedematoso-hydropicum manifestat.
- (20) *Pallor*, cum tenuiore aspectu & colore subfusco concurrente, vel sanguinis spissitudinem, vel eius dys-

crasiam denunciat ; quod si *labia* insuper nimium paleant, oculisque insit vigor, diturnum seu impetuosum aliquod malum præcesse indicat. *Stablius.*

- (21) Facies anxiosa, *pallida*, & os tenui saliva diffuens, cardialgiæ vomibundæ aut propius instantem vomitum præmonstrat.
- (22) *Pallor* in adolescentibus sequioris sexus ordinarie vitium catameniorum prodit.
- (23) *Pallida turgidaque* facies in iisdem subiectis adfligentis *cachexiæ* præbet indicium. Si autem color flavesceat simul adfuerit, *chlorosin* denotat.
- (24) Facies, quæ colore *flavo* seu *croceo* defædatur, albumque oculorum eodem infectum ostendit, icteri flavi signum est. *Nigricans* vero & album oculorum *nigro-viridi* colore fædatur præ se ferens, icterum nigrum adesse significat.
- (25) Color *subfuscus* leuior, secundum Priscos, calidam hepatis designat intemperiem ; verius autem tonum visceris sensibilem, ut sæpe arctius stipatum icterodes quid, arctato bilis transitu, parturiat. *Stablius.*
- (26) Faciei color, ad *viridem inclinans*, ex observatione *Auicennæ* & *Foresti* hæmorrhoidarium prodit. Sed signum nihilo minus incertum esse, experientia constat, cum color *lividus*, *plumbeus* & ex *flavo viridescens* etiam in illis adparere soleat, qui hepatis, lienis ac mesenterii obstructionibus laborant, sine ullo hæmorrhoidum fluxu vel prægresso, vel umquam secuturo. *Stablius.*
- (27) Facies ex pallido *livescens*, extenuata, in qua oculi concaui, labia pallida, natus vero & mentum acuminata adparent, sanguinis iacturam per copiosas hæmorrhagias significat.
- (28) Speciatim facies pallida *livescens* & quasi tabida in subiectis, hæmoptysi obnoxiiis, paroxysmum hæmoptycum præcedere solet, ob sanguinem copiosius ad pulmonem congestum & restrictum. Hinc oculi concaui, retracts, & circa

& circa interiores palpebras circulo liuido notati, com-
parent.

- (29) Adspectus vndique morbosus, & ad faciem *hippocraticam* propius accedens, interdum vero malas rubedine tinctis referens, ominosæ tabis certum est indicium.
- (30) Adspectus *luridus*, cum oculis concauis, circulo liuido circumdatis, & labiorum pallore, sæpe gonorrhœam & album fluorem prodit, si in primis maligne fluentes fuerint.
- (31) Facies *cito tabida*, extenuata adparens, suumque colorem atque decorem amittens, tam de præsentī malum, quam de futuro suspectum est. *Stablius*.
- (32) Si *tempora* adstricta sunt; si membra inhorrescunt; si spiritus grauior est; si circa *frontem* intentæ *venæ* *moventur*; si frequentes oscitationes; si genua quasi fatigata sunt, totumque corpus lassitudinem sentit: imminentem morbum prænunciant. *Celsus lib. II. cap. II. p. m. 52.*
- (33) Vultus *austerus, morosus, immo tetricus & decolor*, pluribus valetudinariis & cum chronicis malis conflictantibus communis est, vt adeo de hypochondriaco-hæmorrhoidariis, hepatis & splenis labe adfectis, scorbuticis, venereis, melancholicis, sigillatim aliquid proferre, non sit necessum.
- (34) *Neui materni* in facie, si in morbis consuetum colorem & turgiditatem retinent, bene inde sperare licet; si vero decolores, flaccidi marcidique adparent, peiorem formare oportet prognosin. *Stablius*.
- (35) *Macule* faciei flauescences in feminis, orthostadia vten-
tibus, grauiditatis statum indicant. Vulgo dicuntur
die Kinderflecken.
- (36) *Frons* frigido sudore madens, vt in febribus mali omnis est; ita in hypochondriacis & hystericis minoris habetur momenti.

- (37) *Oculi in albo valde rubentes ac in palpebris inflammati, ophthalmiæ malum significant.*
- (38) *Oculorum rubedo insignes quoque congestiones aut capitis dolores denotat, imprimis si frons rubeat & subiecta luminis impatientes fuerint. Conf. n. 7.*
- (39) *Oculi humidi sæpe significant plethoram; facile autem lacrymas fundentes in hypochondriacis & hysteriis, parum attendendi.*
- (40) *Oculi ita turgescerent, vt extra orbitas suas promineant, cum venularum inflatione & reliquæ faciei turgescencia ac rubore, in angina suffocante funestum est præsagium. Stablius.*
- (41) *Quibus in conuulsionibus oculi intente splendent, iis mens non constat, & diutius morbum trahunt. Coac. 351.*
- (42) *Oculi magni cerebri humiditatem ac humorum indicant abundantiam. Fienus.*
- (43) *Oculi in morbis fiunt maiores, ob copiosum humorum influxum. Idem. Hoc de quibusdam verum est.*
- (44) *Qui partes eas, quæ subsunt oculis, vehementer sublatas habent, magnos habere lienes comperies. Prorrh. II. f. 92.*
- (45) *A multis lacrymis minuuntur oculi. Mercurialis.*
- (46) *Oculi inter dormiendum semi-clausi, nisi ex animi adfectu, aut fortiori medicamento id contingat, suspecti sunt. In pueris non raro verminosam indicant afflictionem: arctius vero in acutis clausi comatosam debilitatem nunciant. Stablius.*
- (47) *Visus abolitio, oculo adparente illæso, post apoplexiam vel epilepsiam, aut conuulsiones fortiores eueniens, mortis signum est. Bagliuius.*
- (48) *Si vno oculo clauso cataracta alterius mouetur, nondum adesse cæcitatem indicat, aut obstructionem in nervo optico. Vnde & visus restaurandi spes viget. Fienus.*

- (49) Oculi *peruersio* & *distorsio*, e doloris in lumbis recurfatione, mala. *Coac.* 341.
- (50) Erumpentes circa oculos *eminentiæ*, dum ægri ex morbo recreantur, prorumpentis alui spem faciunt. *Coac.* 220.
- (51) Oculi *caligantes* & fere *clausi* cum insigni stupore & torpore, oris spuma & facie, ob toni defectum tumida atque pallida, apoplexiæ triste sunt indicium.
- (52) *Pupillæ paruitas* visionis robustioris signum est. Nam species visibiles in hac magis vniuntur, quam in dilatata, in qua magis dissipantur. *Fienus.*
- (53) *Iris* splendore orbata, *aqueus humor* obscuratus, & *pupilla* depressa, cum oculorum immobilitate, mortis instantis esse solent indicia.
- (54) Tenuitas corporis in iis, qui tristitia, quam qui cogitationibus vexati sunt, manifestior adparet, & *oculorum concavitas* & quædam insolita decoloratio. Et hæc quidem communia omnium etiam aliorum, qui quocumque modo cogitationibus impliciti fuerint, indicia sunt: sed præcipue ex oculis discernendi. Licet enim ex his etiam in sanis animi adfectum coniicere. *Galenus lib. II. de crisib. cap. XIII.*
- (55) Illos, qui propter disciplinas, aut propter medicationem aliqua cogitauerunt, ab iis, quos tristitia corripuit, discernere oportet. Eos tamen, qui nimium vigilarunt, distinguit decolorationis modus & humiditas. Nam subhumida ipsis facies est, & oculorum motus manifesti, vix præterea attollunt palpebras. Vtriusque vero sicciore sunt oculi. *Idem.*
- (56) Tristitiæ, vigiliæ atque curarum commune accidens est oculorum *concauitas*. *Idem.*
- (57) Oculorum *concauitas*, facies decolor, vultus anxius & morosus in grauidis, foetum perniciose habentem, interdum vita iam priuatam nunciant.
- (58) Qui vehementer efflant & *reflexi* sunt *palpebris*, ac

per fomnum leuiter fufpiciunt, aurugine admodum foedati & largius colorati, moriuntur. In his præcedit album aluicrementum. *Coac. 64.*

- (59) *Palpebræ nimium reficcate, feu puluifculus, vt Hippocrates ait, in oculo concretus, portendit infaniam. Ex intenso enim æftu arefcunt palpebræ & asperantur, vt puluis fricans videatur fubefle.*
- (60) Tumores in fuperioribus *palpebris* relictos confiderare oportet. Aliis namque circum gracilefcuntibus morborum reuerfiones denunciantur. Videndæ quoque funt palpebræ, quæ in extremitate aliquantulum rubefcunt & indurantur, atque inter eas maxime glutinofæ, extumefcentes quæque in his continentur. *Epid. VI. fect. VIII. n. 36.*
- (61) *Nares acuminatæ æque malæ ac totius faciei extenuatio. Quod idem etiam de mento valet.*
- (62) *Nares prurientes, fine cauffa externa, verminosum ftatum indicant.*
- (63) *Narium factor sæpe mucum inibi foetentem hæreere arguit, fubinde vero ozænæ indicium eft.*
- (64) *Per nares potum adfumtum reddi, in angina periculofum.*
- (65) *Os, deformiter diftorfum, vel paralyfin, vel fpafmum cynicum arguit.*
- (66) *Ex ftrangulatis & diffolutis, nec dum mortuis, ii minime ad vitam redeunt, quibus fpuma circa os collecta fuerit. Aph. II, 43. Galenus autem in Comment. ad h. l. fcite monuit, to magna ex parte hic ab Hippocrate omiffum et neceffario fupplendum efle.*
- (67) *Quibus lienes magni funt, iis vitiantur gingiuz, & os graueolet. Prorrh. II. f. 92.*
- (68) *Si cui fine febre cibi faftidium, oris ventriculi morfus, tenebricofa vertigo & os amarulentum fuerit, eadem purgatio per fuperiora indicatur. Aph. IV, 17.*
- (69) *Den-*

- (69) *Dentes robusti & spissi longæuitatis habentur signa.*
Nam raros *Aristoteles* breuioris vitæ facit iudices. *Fienus.*
- (70) *Dentium stridor* ordinarie vel conuulsionis vel mentis emotæ signum est; in ipso autem delirio sæpe portendit mortem.
- (71) *Dentis corruptio* abscessum, circa gingiuas factum, soluit.
- (72) Si *lingua* derepente incontinens, aut aliqua corporis pars fiderata euadat, id atram bilem indicat. *Aph. VII. 40.*
- (73) Cum *fauces* ægrotant, aut tubercula in corpore exoriuntur, excretionibus obseruandæ sunt. Si namque biliosæ sint, corpus simul ægrotat. At si sanorum similes exstiterint, corpus secure nutrias. *Aph. II, 15.*
- (74) *Faucium* gracilium dolores suffocantes conuulsionem minantur; tum vero in primis, cum ex capite originem ducant. *Prorrh. I, 104.*
- (75) *Raucitas*, cum tussi & aluo liquida, pus educit. *Coac. 414.*
- (76) Colliquatio, cum *raucedine*, hepatico malum portendit, idque præcipue, si cum quadam tussi contingat. *Coac. 447.*
- (77) Si *mammarum pupillæ* & rubra circa eas circumferentia pallida fuerint, morbosum esse vteri receptaculum significatur. *Hippocr. lib. VI. epid. Sect. V, 17.*
- (78) *Pectus* laudandum quadratum & hispidum, cuius cartilago exigua & admodum carnosæ est. In quo namque hæc omnia inerunt, is maxime superstes futurus est; at qui nihil horum habuerit, exitio maxime adfinis est. *Prorrh. II, 72.*
- (79) *Cutis* corporis squalida & plus æquo sicca malæ affectæ alui index est. *Coac. 625.*
- (80) *Sternutamenta* si accedant singultu, detento, singultum tollunt. *Aph. VI, 13.*

- (81) Vt plurimum omnes male habentes circa initia quidem *cibum bene sumentes* neque quidquam proficientes, rursus tandem cibum auerſantur. At qui circa *initia* cibos vehementer fastidiunt, poſtea eos probe adſumunt; & hi melius degunt. *Aph. II. 32. Coac. 127.*
- (82) *Potum ægre deglutienti*, cum ſpiritu tuſſiculoſo, eructatio quodam modo reuulſa, intro conuoluta, ventris dolorem denunciat. *Coac. 632.*
- (83) Qui ſumta portione medica, dum purgantur, non ſitiunt, ii purgandi finem non faciunt, donec ſitiuerint. *Aph. IV. 19.*
- (84) In epidemicis omnes prorſus cibos ad extremum vſque auerſari, exitioſum. *Hippocrates lib. I. epid. f. 20.*
- (85) Si quis ex morbo cibum capiens vires non recipiat, copioſiore alimento corpus vti ſignificat. Quod ſi cibum minime capienti iſtud contingat, euacuatione indigere ſciendum eſt. *Aph. II. 9. 31.*
- (86) Vbi copioſior cibus ingeſtus fuerit, id morbum creat. *Aph. II. 17.*
- (87) Quibus lien deorſum propendet, iis pedes, genua & manus *calent*, nares & aures ſemper *frigent*. Videntur igitur, num illis tenuis ſanguis inſit, & num natura talem habeant. *Epid. VI. Sect. II, 30.*
- (88) Qui *thoracem* habent anguſtum, aſthmati & phthiſi frunt obnoxii; gibboſi vero & anhelofi & breuioris vitæ eſſe ſolent. *Fienus.*
- (89) *Aetas iunior* facilius ſuperat morbos quam *ſenectus*. In illa enim vires ſunt valentiores, in hac autem proſtratae & multum deficientes.
- (90) In morbis vero epidemicis non raro iuniores ſuccumbunt, ſeniores contra ſeruantur. Notatu digna eſt obſeruatio *Hippocratis* de ſtrage quadam ſuo tempore epidemica: magnus, inquit, fuit morborum numerus, atque ex ægris præcipue interibant *adoleſcentes, iuuenes,*
etate

atq; florentes, quique erant glabro corpore, cute sub-
albida, extenso ac nigro capillitio & *nigris oculis*, *otiose*
ac segniter vitam degentes, voce alta, exili, aspera, balbi,
iræ præcipitis & acerbæ; plurimæ etiam *huiusce generis*
mulieres peribant. *Lib. I. epid. f. 30.*

IV. OBSERVATIONES.

1. In ea quidem aliqui Semeiologorum esse solent sententia,
ut arbitrentur, ad prognosin in morbis solum sufficere *pul-
sum*; alii autem hunc veluti fallacem damnantes, *urinam*
potius, seu absolutissimum signum, præferunt vniceque su-
spiciunt. Verum plurimi vtrumque retinent & insuper o-
mnia, de quibus in præcedentibus & hac tabula actum est, in
suum ægrorumque commodum conuertere student.
2. Et horum sane conatus cum Priscorum Medicorum mori-
bus & praxi conspirat, utpote qui nihil obseruatu dignum
prætermiserunt, quod ad prænosendum & prænunciandum
conferre poterat symbolam. Ita *Hippocrates lib. I. epid. Sect.
III. f. m. 33.* differit: Quæ in his, quæ ad morbos spectant,
dignotio facienda sit, facile discemus ex *communi omnium &
cuiusque propria natura*, ex morbo & ægroto, ex his quæ offe-
runtur, & eo, qui offert. Nam & ex his melius vel grauius
se habent.
3. Præterea signa petenda sunt ex vniuersali & particulari aëris
conditione & regionis cuiusque; porro ex consuetudine,
victus ratione & genere, ex cuiusque ætate, ægri sermoni-
bus, moribus, silentio, imaginationibus, somnis, vigiliis, ex
insomniis, quæ *qualia & quando* obuenant, videndum est;
tandem ex vellicationibus, pruritibus, lacrymis, paroxysmis,
deiectionibus, urinis, sputis, vomitionibus. Videndæ sunt
etiam quæcumque fiunt morborum vicissitudines, ex quibus
& in quos succedant, & quinam abscessus perniciem, aut so-
lutionem portendant. Sed & sudor, rigor, perfrictio, tussis,
sternutationes, singultus, spiritus, eructationes, flatus silen-
tes

tes, strepitum cientes, sanguinis eruptiones, hæmorrhoides atque ex his, quæ per hæc contingunt, consideranda sunt.

4. Sane quo antiquiores occurrunt Medici, eo studiosiores deprehenduntur signorum obseruatores. *Auctor* minimum *libri VI. epid.* qui *Hippocrati* si non *Synchronos* fuit: paulo tamen post illum floruit, *Secl. VIII. n. 35.* Practicis serio inculcat, vt corpus eiusque in morbis actiones, visionem, auditionem, tactum, nasum, linguam et ratiocinationem curate attendant. Et *Secl. V.* scribit: naturam quidem citra disciplinam, nec ab ullo edoctam, efficere, quæ conueniant, sed plura nihilo minus a Medico esse consideranda, et in his numerantur lacrymæ, narium humor, sternutationes, aurium fordes, oris saluatio, sputi eductio, spiritus ingressus & exitus, oscitatio, tussis, singultus, vrinæ secessus, flatus, alimenti et transpirationis actio; præterea quæ *mulieribus* insunt et toto corpore accidunt, sudores, pruritus & quæcumque id genus His omnibus addit *Galenus cutim, pilos & ungues.* *Comment. I. in lib. Hipp. de humorib. f. 17. Celsus lib. II. cap. II.*
5. Ista quidem de veterum in obseruando testantur solertia, imitatione quouis modo digna. Vbi tamen diffitendum non est, eos plura in commentaria sua retulisse, quæ vti censuram merentur; ita circumspectam adplicationem postulant. In tot enim prognosibus, in quibus *effectus* præmissæ *caussæ* subnectitur, mira est obscuritas, & non raro nexus *αλογος.*
6. Rationes imperfectionis huius non latent. *Prima* est humanarum rerum vicissitudo & errandi procliuitas. *Alter*a veræ theoriæ defectus, quo si non laborassent, multo saniora protulissent ratiocinia ac prognoses longe veriores. Quis enim e. g. qui motus tonici iustam habuerit theoriam, hodie crediderit, cutem tuberosam & instar anseris deplumati grandinosam, signum esse lepræ? quis sanguinem spumantem & spuitione excretum ex iocinore processisse sibi persuadebit? quis denique morbum in illa parte hære adnuet,

nuet, in quo sudor erumpit? vt pluribus iam supersedeamus.


7. *Tertia* ratio non immerito habetur fallacia caussarum. Nimirum effectum quemdam in morbis obseruarunt vere præsentem, eiusque fide dignam reliquerunt relationem. Sed quia sæpe *veram* causam præteruiderunt, fieri non potuit, quin multæ enascerentur prognoses absurdæ & insomniis haud dissimiles. Ita per plura præfagia damnatæ quidem sunt crebræ caloris ac frigoris mutationes; in *Coacis* tamen *prognosis* n. 125. diserte legitur: frequens *coloris* cum *calore* permutatio, bono est. Sine dubio obseruata sunt ista in aliquo, qui sub eiusmodi tonicis alterationibus conualuit, profecto non absque aliis signis salutaribus, quæ tamen hic non communicantur. Ita pariter ibidem n. 302. adseritur: *tubercula*, ad aures oborta, *adferre mortem* iis, in quibus præcordia anxietate vexentur. Par est omnino, vt credamus, aliquem grauiter laborasse præcordiis, eidem oborta esse tubercula, imo & mortuum esse. Verum ex longe alia causa, quam ex tuberculo. Quia autem vera mortis causa hic iterum reticetur, multis imponitur, vt eandem fallaciam causæ non causæ in praxi cum antiquis committant. *Conf. Fæsius ad hanc prog.*

8. *Quarta* denique ratio iure ponitur in librariorum aberrationibus, opinione grauioribus. Certum enim est, *Hippocratem*, si reuiuiscere ipsi contingeret, multis in locis propria scripta, ob mendosam deformationem, sæpe non intelleturum esse, veluti pridem *Galenus* adseruit.

9. At satius est aliquot absonas vna cum multis vtilibus habere prognoses, quam omnimoda earum laborare penuria. Grata mente & istis vtendum, ac penus medico-semeiologicus depauperatus supplendus. Vnus enim *Hippocrates* & *Galenus* plures congefferunt prognoses, quam omnes post ipsos Medici.

10. Præterea ad excusandas quasdam hætenus erroneas & ineptas visas prognoses facere potest indiuiduorum peculiaris dispositio, sensibilitas ac singulares animi mores, ex quibus non pauca monstrosa oriri solent symptomata. Et cur omnem *Hippocratis* atque *Galen*i reiiceremus fidem, cum tamen *Schenckio*, *Hildano*, *Foresto*, *Horstio*, *Boneto*, *van der Wiet*, *Blasio*, *Salmutho*, *Tulpio*, *Borello*, *Ruyfchio* multisque aliis recentioribus, paradoxa, insueta, ac ferme portentosa referentibus, eam non denegemus.
11. Quæ ceterum ex tot a nobis suppeditatis prognosium centuriis, ad rationem & experientiam, tamquam ad lapidem lydium, exactæ, veritatis apodeixi destituuntur, eas nec nos recipimus, tantum abest, ut aliis ceu vera & attentione digna commendare velimus.
12. Ut tandem legentibus constet, quibus *Hippocratis* & *Galen*i vti simus *editionibus*, obseruent: *prioris* opera nos adhibuisse *Frankofurti* ad Mœnum a. 1595. excusa; *posterioris* autem *Venetis* anno 1562. euulgata.

FINIS.





SERIES TABVLARVM PATHOLOGIAE.

Tab. I.	De Morbis generatim	pag. 1.
II.	Differentiis morborum	15
III.	Subiecto morborum	31
IV.	Causis morborum	36
V.	Plethora	53
VI.	Spissitudine sanguinis	64
VII.	Cacochymia	73
VIII.	Hæmorrhagiis naturalibus	79
IX.	Congestionibus	120
X.	Spasmis & convulsionibus	133
XI.	Febribus	153
XII.	Morbis lymphatico-ferosis	193
XIII.	Morbis primarum viarum	213
XIV.	Motuum vitalium defectu	236
XV.	Morbis animi	264
XVI.	Casibus reservatis	286

SEMEIOLOGIAE.

Tab. I.	De Semeiologia generatim	307
II.	Pulsu	328
III.	Respiratione	352
IV.	Motus tonici alterationibus	364
V.	Crisibus	379
VI.	Sanguine	413
VII.	Sudore	433
VIII.	Vrina	447
IX.	Vomitu & aluinis deiectionibus	497
X.	Abscessibus	520
XI.	Sputo	532
XII.	Sensuum & motus voluntarii alterationibus	545
XIII.	Facie aliisque partibus externis	582



INDEX.

Not. Paginae 525 - 528. bis reperiuntur, hinc per adpositas litteras suas V v v. X x x indicantur.

A.

- | | | | |
|--------------------------------------|---------------|--|----------|
| A <i>Bdominis</i> spasmi | 136 | <i>Acidum</i> morborum caussa prin- | |
| <i>Abercromb</i> (David) | 348 | ceps | 7 |
| <i>Abscessio</i> per decubitus & per | | <i>Acres</i> humores congestiones | |
| effluxum, αποσσεσις κατ' αποθε- | | efficere debent | 126 |
| σιν, κατ' εκκρισιν | 522 | <i>Acrimonia</i> multorum morbo- | |
| <i>Abscessus</i> | 520 | rum caussa efficiens esse co- | |
| critici & symptomatici | 392. | gitur 12. 68. 92. 93. 98. 145. | |
| | 402. 520. 521 | | 146 |
| crises eorum apud nos raræ | | <i>Acrisia</i> | 381. 404 |
| | 529 | <i>Actiuitas</i> nimia | 547 |
| ab antiquis Medicis diligen- | | <i>Acuti morbi</i> : eorum prognos | |
| tius obseruati 528. lit. X x x. | | ex signis sæpe fallit 326. 327. | |
| prognosis de illis in febribus | | | 407 |
| | 523. seqq. | quæ in paralyfes degenerant | |
| - - in aliis morbis 527. sqq. | | | 383 |
| lit. V v v. | | cur maligni nominentur | 394 |
| - - ab antiquis petenda fuit | | <i>Acutissimi morbi</i> , num etiam cri- | |
| | 529 | feos subiecta sint | 408 |
| interdum peregrinas res con- | | <i>Adamas</i> venenis adnumeratur | |
| tinent | 531 | | 288. 302 |
| in superioribus & inferiori- | | <i>Addephagiæ</i> subiecta | 216 |
| bus | 393 | <i>Adolescentes</i> hæmorrhoidarii | 90 |
| ad aures 526. lit. X x x. 528. | | eorum morbi | 38. 39 |
| lit. V v v. | | <i>Adpetitus</i> num caussis materiali- | |
| in pectore & pulmonibus 528 | | bus adscribendus | 218. 219 |
| lit. X x x. | | eius conditio | 313 |
| <i>Abundantia</i> humorum a veteri- | | excedens vel deficiens | 218. |
| bus inter causas febrium nu- | | | 219 |
| merata | 170 | abolitus, prostratus, depra- | |
| - sanguinis | 415 | uatus | 213. 214 |
| <i>Achores</i> | 121 | maior quam necessitas postu- | |
| | | lat | 59 |
| | | | iunio- |

I N D E X.

iuniorum cur sæpe in voracitate degeneret	57	<i>Aestimatio naturæ præpostera</i>	47
adulorum, eius vigor vnde	58	quid valeat in congestionibus rheumaticis	127
<i>Aspectus</i> liber in morbis	596	<i>Austus</i> nimius febrium causa fieri potest	173
morbosus	599	febrilis	174. 175. 182
luridus	ibid.	<i>Aetas</i> quid ad morborum frequentiam faciat	31. 36. 40
vid. Facies.		hæmorrhagarum causa	97
planetarum crises efficere debent	400	infantis, media & senilis quid ad motuum omissiones conferant	259. 260
<i>Adstrictio</i> febrium causa habita	171	eius mutatione morbos quosdam sanari	51
<i>Adstringentia</i> noxia in hæmorrhagiis cohibendis	302	iunior morbos facilius superat	604
cachexiam producant	201	<i>Aetates</i> tres priores cur plethoræ ansam præbeant	56
in pulmone & renibus exulcerationes relinquunt	116	<i>Aetatum morbi</i>	19
<i>Adfuetudo</i> ad insultus rheumaticos	127	distincte perspicui debent	27
<i>Adiuncta</i> urinæ malam qualitatem conciliare possunt	488	<i>Aetheris</i> celerrima per poros traiectione febres concitare creditur	172. 175
<i>Aegidius</i> Monachus	347	<i>Ætius</i> Amidenus	347
<i>Aegri</i> fiducia erga Medicum		<i>Agrypnia</i>	563. 564. 573
facies optima	584	ἄγρυπνα	161
si ægris omnia fœteant, adstantes idem non percipiant	566. 574	<i>Alacritas insolita</i> in malignis	309
<i>Aequilibrium circulationis sublatum</i> hæmorrhagarum causa statuitur	96. 98	<i>Alalia</i>	550
<i>Ær</i> quinam salubris	32	<i>Albertus</i> (Iac.)	324
eius constitutio morborum causa	3.	<i>Alcali & acidi</i> coniunctio morbos producere creditur	7
impurus febres concitare potest	173	<i>Alexius</i> (Alex.)	348
eius mutatio rheumatismum reuocat	127	<i>Alcola</i> in circulo urinæ	487
		<i>Alpinus</i> (Prosper)	324
		<i>Aluina</i>	

I N D E X.

<i>Aluina deiectio</i>	314. 497	obstructa, eius causa	225
prognosis generalis de illa	502	suppressa	513. 514
- specialis in febribus	505. seqq.	<i>Alzaharaius</i>	323
- - in aliis morbis	513. seqq.	<i>Amarities oris</i>	566. 574
- certior quam reliquorum	518	<i>Amentia continua</i>	546
signorum	518	<i>Amiffionis motus non tam noxii</i>	260
spontanea vel artificialis	499	quam <i>omiffionis</i>	260
aquæ similis in febribus	506	virium amiffio	238. 244
critica & symptomatica	499	<i>Amorem per causas naturales</i>	290
optima & vitiosa	503	conciliari posse negatur	290
grauæolens, ramentosa	510. 517	<i>Anaisthesia</i>	243. 550. 567
purulenta, nigra, spumescens,		<i>Anasarca</i>	193. 196
liuida, pinguis	510. 516	<i>Anatome num causas morbo-</i>	
prærubra, albicans, ex viridi		rum detegere possit	50
palescens	506. 514	<i>Anaudia</i>	550
diu retenta	502	<i>Angina</i>	122. 383
<i>Alui profluvium</i>	514	grauissima	593
vid. Diarrhoea.		<i>Anima a nonnullis Archæus di-</i>	
<i>Aluus adstricta</i>	514	citur	7
in febribus	507. 508	eius principes actiones	264
in aliis morbis	513	duæ a Willisio traditæ	8
aquosa cum bile mixta in fe-		a nonnullis vt morborum fa-	
bribus	506	ber agnoscitur	9
biliosa	515	cum corpore coægrotat	579
clausa	510. 514	vnde post lapsum motus er-	
fluxa in febribus	506	roneos instituat	150
liquida cumulata in febribus	ibid.	est febrium causa efficiens	173
intercepta, caprarum ster-		quomodo melancholiæ &	
coribus similia emittens	507	manicæ causa efficiens esse	
irritata in febre purpurea	507. 508	possit	271
		vid. natura & principium ra-	
		tionale	
		<i>Animalis rabidi venenum alio</i>	
		etiam modo quam per mor-	
		sum communicatur	283

I N D E X.

morsus deleterius	282	<i>Apnœa</i>	243
<i>Animi morbi</i>	19. 28. 264	<i>Apoplexia</i>	236
commotio rheumatismum re-		sanguinea & serosa, leuior &	
uocat	127	exquisita	239. 240
deliquium	243	vtrum morbus solstitialis an	
pathemata	45	æquinoctialis	261
- energiam vitalem infrin-		a defectu liquidi neruei	240
gunt	245	eius frequentia ratione sexus	261
- faciei perturbationes effi-		quomodo differat a catarrho	
ciunt	585	suffocante	240
- morbos producunt	32. 35.	- a paraplexia	ibid.
	146. 147	- a paralyfi	ibid.
- magnam vim habent in fe-		- a morbis soporosis	241
bribus concitandis & tur-		leuior interdum in paralyfin	
bandis	114. 185	abit	237
- hæmorrhagias promte mu-		eius causæ	250- 253
tant	107	ex spasinis thoracis	135
- ad ieterum occasionem		ex fulminis tactu	294. 295
præbent	203	<i>Apostema</i>	520
- vrinam alterant	450	vide Abscessus.	
eius imagines corporis adfe-		<i>Apostemata</i> interna periculosa	
ctionibus similes sunt	580		382
<i>Anæmia</i>	548	<i>Apostematologie</i> prognosis vnde	
<i>Anni climacterici</i> inter apople-		petenda	529
xiæ causas referuntur	253	<i>Aqua frigida</i> corpori calenti su-	
<i>Anæmia</i>	549	perfula nocens	288
<i>Anorexia</i>	213	fortis & regia	288
eius subiecta	216	submersi	296
<i>Anthrax</i>	168	eius copia in submersis num	
<i>Anxietas</i>	264	vera sit causa	296. 297
<i>Aphonia</i>	243. 364. 367. 550	<i>Arabum</i> laudationes vroscopiæ	
in febribus	372		493
in aliis morbis	375	<i>Archeus</i> Helmontii	6
cum singultu	372	<i>Archigenes</i>	4. 322. 328. 347
ex ictu fulminis	294		
<i>Aphthæ</i>	121		

I N D E X.

<i>Ardor ventriculi</i>	214	<i>Athletæ olim hæmoptysin patie-</i>	
eius signa	215	bantur	99
eius subiecta	217	<i>Atomi in vrina</i>	458
eius causæ	220	<i>Atra bilis melancholiæ causæ</i>	
a nonnullis <i>orexis</i> dicitur		creditur	270
	231	<i>Atrophia</i>	122
<i>Arenule in vrina</i>	458.459.466.486	eius confectarium est <i>rbachitis</i>	
<i>Areteus Cappadox</i>	322		131
<i>Argenterius (Io.)</i>	324	<i>Auditus ad signa morbi digno-</i>	
<i>Aria Turchesa</i> quid sit	282	scenda quid conferat	316
<i>Arquatus morbus</i>	210	eius grauitas ex tactu fulmi-	
<i>Arfenicum</i>	288	nis	294
veterum nihil commune cum		quas alterationes patiatur	
nostro habuit	301		548
nostrum nocet interne & ex-		abolitus	ibid.
terne	ibid.	deprauatus	ibid.
<i>Arteriarum obstructio in hæ-</i>		imminutus	ibid.
morrhagiis allegari non pot-		<i>Auerroës</i>	323
est	94. 95	<i>Auicenna</i>	ibid.
pulsus	337	<i>Aurelianus (Cælius)</i>	322
<i>Atribritis vera & vaga</i>	138	<i>Auripigmentum a Celso arseni-</i>	
humeris & scapulis infesta		cum vocatur	301
	ibid.	<i>Aurium manationes</i>	121
<i>Ascites</i>	194	tinnitus vnde	55
eius signa	196	- - in morbis	557. 574
<i>Asclepiades</i> quam pathologiam		dolor acutus	568. 589
constituerit	4	sonitus	557. 565. 566
<i>Asitia , Apositia</i>	213	sordes	589
<i>Asodes</i>	156	<i>Aurugo</i>	210
<i>Asphyxia</i>	243		
<i>Asthmata</i>	122	B.	
humidum & conuulsium		<i>Balbuties ex fulminis tactu</i>	294
	135. 206	<i>Bartoletus (Fabr.)</i>	324
<i>Astra num influant in corpora</i>		<i>Baryphonia</i>	530
sublunaria	400. 411	<i>Bellini (Laur.)</i>	348
<i>Atheneus</i>	4	<i>Benedictus (Alex.)</i>	324
		<i>Bertruccius (Nicol.)</i>	ibid.

I N D E X.

<i>Bilis</i> aluinas deiectiones promo-		<i>Calculus</i>	39.40.122
uet	503	calculus mentiens dolor in	
hæmorrhagias excitare statui-		lumbis	317
tur	93	calculi in vrina	459
veteribus febrium causa fuit		- - in ductibus bilariis vnde	
	170		203
flaua & nigra	5	- - morborum causæ	43
vitiata icteri causa	202	<i>Calidum</i> & amarum aut acutum	
<i>Binder</i> (Vdalsr.)	347	febrium causa a veteribus sta-	
Blut: schweres Blut, schwerer		tuitur	170
Muth	65	<i>Calor</i> ab extra morborum caus-	
<i>Bontekœ</i> pathologiæ falsæ de-		sis adnumeratur	5
fenfor	7	febrium causæ habitus	171
<i>Branchus</i>	122	febrilis eiusque causæ	174.
<i>Bulimus</i>	214		175.182
eius subiecta & causæ	216.219	<i>Campolongus</i> (Aemil.)	324
<i>Bullæ</i> in vrina	458	<i>Cancræ</i>	78
rubeæ	477	<i>Canes</i> num febribus corripian-	
cœruleæ	488	tur	165.166
<i>Butyrum</i> antimonii	288	num fulminis tactui obnoxii	
			304
		vnde deliriosi fiant	282
		verminosi	233
<i>Cachexia</i>	193.205	<i>Camicula</i> Helmontii philtro ca-	
eius signa, subiecta & causæ		pta	292
	195.198.200	<i>Cantharides</i>	289
a sanguinis profusione	207	<i>Capillorum</i> defluuium	542
<i>Cacochymia</i>	73	<i>Capivaccius</i> (Hieron.)	348
eius fortuna varia	77	<i>Caput</i> cur in infantia & pueritia	
ignorantiæ asylum	ibid.	congestionibus tentetur	37
non est productum falsædinis		eius spasmi	134.138
	75.76	- - dolores	558.567.574.
cacochymica humorum con-			575.578
stitutio raro motuum de-		<i>Carbunculi</i>	78
fertionem inducit	249.250	<i>Cardanus</i> (Hieron.)	324
<i>Cælius</i> (Ant.) Messanensis	348		
<i>Cæsalpinus</i> (Andr.)	324		

Cardial-

I N D E X.

<i>Cardialgia</i>	136. 214	- - quatuor genera metaphy-	
eius subiecta & causæ	217. 225	ficorum	48
<i>Carnes</i> quæ sanguinem melan-		num ex vrina innotescere	
cholicum generare creduntur	269	possint	489
<i>Carunculæ</i> in vrina	459	<i>Causus</i>	157
<i>Carus</i>	242. 545. 547	<i>Celsus</i>	322
<i>Caseus</i> , eius conspectus quid		<i>Cephalea</i>	121
apud quosdam efficiat	441	<i>Cephalalgia</i>	ibid.
<i>Cassia</i> vrinæ colorem mutat	483	<i>Cerebrum</i> , eius humiditas num	
<i>Casus reſeruari</i>	286	obliuionis cauſſa	275
<i>Catalepsis</i>	134. 241	eius concuſſio	574
<i>Cataphora</i>	241	eius hæmorrhagia	119
<i>Catarrhalis materia</i> in conge-		felis	289
ſtionibus vnde	128	<i>Cervicis dolor</i>	567. 568. 588
<i>Catarrhus</i>	122	<i>Chemicorum principia</i> Sal, Sul-	
multis ignorantiaſyſylum fuit	211	phur & Mercurius	5
<i>ſuffocans</i>	237. 241	<i>Chiragra</i>	138
eius cauſſæ	253. 254	<i>Chloroſis</i>	193
- - quo modo ab Apoplexia		<i>Cholera</i>	214
differat	240	<i>Cholerici</i> ad febres ſunt pronio-	
- - vtrum adultorum an in-		res	166
fantum morbus ſit	261	eorum morbi peculiareſ	41
<i>Cathartica</i> draſtica deleteria	288	plures eorum minus ſunt ira-	
ſpalmis inducendis apta	44.	cundi	ibid.
	146	eorum modus edendi	216
<i>Catochus</i>	241	- - vrinæ qualeſ	449
<i>Catypnia</i>	547	<i>Chordapſus</i>	234
<i>Cauſſæ morborum</i>	3 ſqq. 36. 507	<i>Chorea S. Viti</i> ſ. ſaltus S. Modeſti	265. 266
materialeſ	14	eius cauſſæ	274
immaterialeſ	44. 51	differt a Tarantiſmo	280
præternatureſ	51	tamquam remedium prophy-	
earum cognitio magni uſus eſt	49	lacticum adhibetur	281
		<i>Chriſtianus</i> (Andr.)	324
		<i>Chronici morbi</i> vtrum per criſin	
		iudicentur	395. 407. 408
			num

I N D E X.

num semper per abscessus sol- uantur	407	<i>Colica</i>	214
laboriosorum unde	35	eius subiecta & causæ	217.
<i>Cibi</i> , eorum abusus et varietas			227. 228
plethorum alit	57	num tanto impetu indigeat	233
in se laudabiles non-nullis		flatulenta	136
deleterii	287. 288	hæmorrhoidalis suppressa suf- focationis causa	255
crassi qualem efficiant urinam	450	<i>Collum rigidum</i>	315
nimia ingestio in morbis	578	<i>Coma</i> vigil, somnolentum, hy- pnodes, agrypnodes	241.
promptæ putredini obnoxii fe- bres prouocant	173		545. 547
auersio in morbis	604	<i>Concionatores</i> sæpe hæmoptysin patiuntur	99
<i>Cicuta</i> aquatica	289. 301	<i>Conclauia</i> epigæa humida conge- stionibus & cachexiæ occa- sionem præbent	126. 200
<i>Circulatio sanguinis</i> impedita fe- brium causa creditur	171	<i>Congestiones</i>	17. 120
eius inæqualitas hæmorrhagi- arum causa fingitur	96. 97. 98	earum doctrina ante Stahlum non satis obseruata	127
<i>Circulus</i> in urina, viridis, oleo- sus,	458. 477. 478. 487	- - plures quam hæmorrhagi- arum sunt species	130
<i>Clauus</i> hystericus	121	ferosæ	206
hæmorrhoidalis.	ibid.	completæ & incompletæ s. rheumaticæ	121
<i>Climata</i>	315	earum signa, subiecta,	122.
calidiora plus ad crisum fre- quentiam faciunt quam			123. 124
frigidiora	529. 530	earum causæ	125. 126
<i>Coagulatio</i> num congestionum causa sit	126	- - materia	128
<i>Cobaltum</i> venenum natium	288	- - euentus	122
<i>Cochio</i> exquisita	402. 403	- - loca s. terminus a quo, in quo, per quem & ad quem	127
eius signa	310	non omnibus accidunt	129
materiæ morbificæ	384	iuniorum ad caput	37. 121
bonam crisin præcedere de- bet	355	medicæ ætatis ad pectus	121
<i>Coffee</i> saturator tremorem ar- tuum producit	246		ætatis
<i>Colchicum</i>	289		

I N D E X.

ætatis consistentis & senilis		quam ætatem in primis exer-	
	122	ceant	38
eas non semper euacuatio fe-		febris superuenientes cu-	
quitur	130	ius euentus	152. 369. 370
incompletarum effectus & e-		chronicis & aliis morbis su-	
uentus minus utilis	128. 129	peruenientes cuius euen-	
- - cur natura eas suscipiat		tus	152. 374
	129	in variolis	370
rheumaticæ internæ & exter-		post scabiem repulsam	319
næ	124	sanum adgredientes quomo-	
<i>Consensus</i> inter vterum, hypo-		do considerandæ	ibid.
chondria & primas vias	118	dextræ sunt tractandæ	377
<i>Consternatio</i> summa in fulmine		<i>Cordis</i> contractio febris causâ	
tactis	294. 295.	efficiens esse debet	172
<i>Consuetudo</i> quid ad morbos con-		palpitatio	136
ferat	46. 47	<i>Corona</i> urinae	458
ægrotandi	32. 34	<i>Corpus</i> morbi subiectum	3. 34
ad febres	174	eius incrementum quo modo	
motuum tyrannus	28. 108	perficiatur	56
quid ad motus erroneos con-		eius exercitium s. motus ple-	
ferat	151	thoram imminuit	61. 62
<i>Contagium</i> inter febrium causas		partium externarum altera-	
numeratur	174	tiones	582. 584
mumiale specificum quid		<i>Coryza</i>	121. 122. 206. 571
fit	283	<i>Coxagra</i>	138
<i>Contemplantes dies</i>	398	<i>Crampus</i> , <i>Strampf</i>	137
<i>Convulsiones</i>	133. 364. 365. 366	<i>Crisis</i>	161. 190. 310. 379
earum differentia	140	eius nomen vnde	406
quo modo a spâsmis differant		exquisita & minus exquisita	
	139		380
earum signa, subiecta & caus-		vel bona vel mala	ibid.
æ	142. 143. 146	non iudicans	369
- - effectus & euentus	152	defecta s. eius carentia	381
symptomaticæ vnde oriuntur		primariæ secundariæ crises	
	151		381. 382
virium iacturam sequuntur			
	237		
			compo.

I N D E X.

compositæ s. complicatæ	405	- - per abscessum raræ sunt	
	408	apud nos	392. 529
per expulsionem & per trans-		<i>Criticum</i> nullum est paucum	387
lationem	529	<i>Cruditatis</i> signa	310
per longiorem somnum	383	<i>Crusérius</i> (Herm.)	348
eius signa generalia & specia-		<i>Crusta lactea</i>	121
lia	383-387. 388 sqq.	<i>Cursitationis</i> exemplum	274
futuræ criseos signa	383-386	<i>Cuticula</i> urinæ	458
instantis	386	<i>Cynanche</i> cum hydrophobia con-	
eius subiecta	393 394	iuncta	285
eius causa efficiens	400. 411	<i>Cynanthropia</i>	265
eius tempus	395	eius causæ	274
earum prognoses	401-405	delirium acutissimum	285
bonæ criseos præfagientia		simplici empiria curari potest	282
symptomata	385		
conditiones	387		
num etiam in chronicis ob-			
seruetur	395. 407. 408		
perfecta cur in principio			
morbi locum non habeat	395. 396		
accelerata	396. 397		
in incremento morbi minus			
fida	ibid.		
extraordinaria	395. 396. 397		
præcox, in tres classes diuidi-			
tur	397		
eas Medicus turbare potest			
	412		
earum turbatio damna adfert			
	318. 393		
a multis Medicis negliguntur			
	407		
crises calidiorum climatum			
frequentiores sunt quam fri-			
gidiorum	394. 407. 529. 530		

D.

<i>Dæmonomania</i>	547
<i>Datura</i>	289
<i>Debiles</i> morbis sæpe obnoxii	32
<i>Debilitas</i> vera vel amissione vel	
omissione virium nititur	350
<i>Decubitus</i> congestionis nego-	
tium non explicat	120
<i>Defectus virium</i>	236
differt a tremore artuum	238
eius causæ	244
<i>Defluuium</i> capillorum	542
<i>Deglutina</i> fortuito	44
<i>Deglutitio</i> intercepta	315
<i>Deiectiones aluinae</i>	314. 497
v. aluina deiectio.	
το θείον in morbis quid sit	3
<i>Deliquium animi</i>	243
<i>Delirabunda</i> audacia	596

Deliria

I N D E X.

<i>Deliria</i>	266	eorum actiones rationi tam	
non in omnibus acutis eue-		contrariæ non sunt	276-
niant	308		278
quæ in <i>anxn</i> febris occurrunt		eorum dicta & gesticulatio-	
funesta	340	nes ad causas morbi nos	
acutarum & peracutarum fe-		ducunt	318. 319
brium	265 266	<i>Demelmuia</i>	408
febrilia : eorum causæ		<i>Dentitio</i> convulsionum causa	
	268. 562		148
earum causæ non semper tol-		<i>Dentium stridor</i>	315. 561. 590.
li possunt	571		603
cum febre & sine febre esse		corruptio	603
solent	546. 547	<i>Desipientia</i> obscura quid sit	580
critica	561	in febribus	561
delirium hypochondriacum		ex ictu in capite	573
& hystericum	572	<i>Diabetes</i>	194
ex hæmorrhagiis non succe-		eius signa, subiecta & causæ	
dentibus	572		197. 199 205
post hæmorrhagias largas ib.		<i>Dieta</i> quid ad morbos conferat	
aliis læsionibus superueniunt			32. 34
	285	aromatica & vinosa spasmis	
mali gravitatem indicant	572	inducendis aptæ	146
in tertianis & quartanis	308	crassa icteri causa	203
asaphodes s. obscurum	580	roborans dicta nocet	443.
delirium leue	310		444
- - leuissimum	571	lauta aliam efficit vrinam	
- - lethargicum	242	quam tenuis	449
- - per potus spirituosos ex-		num melancholiæ causa esse	
citatum	300	possit	269
- - ex morfu canis & lupi ra-		<i>Diagnos</i> iusta ex signis	308.
bidi	265		317
delirantes num catenis coër-		num ex Hippocratis signis	
cere aut ad supplicium ra-		peti possit	325
pere conueniat	278. 279	quem vsum Medico suppe-	
deliriorum prognosis	552.	ditet	319
	553. 571	<i>Diagramma</i> Hippocraticum	399

I N D E X.

<i>Diaphoresis</i> & Diapnoë reliquis excretionibus præferuntur	443	hæreditaria ad rheumatismos	127
<i>Diaphragma</i> & iecur terminus corporis medius	521	<i>Diureseos</i> vitia num ad spasmos referenda	212
<i>Diapnoë</i> utilis quibus rebus tur- betur	443	<i>Dolores</i>	314
<i>Diarrhœa</i>	122	varii ex congestionibus orti	123
eius species & subiecta	214.	eorum vehementia vires con- sumit	245
eius causæ	279	eorum prognosis generalis	557
num passivæ contingat	235	- - specialis in febribus & aliis morbis	567. 574
critica. eius signa	392	- - variæ denominationes	549. 550
sine febre	516	qui in grauibus morbis non sentiuntur	578
hypochondriacorum & he- cticorum	514	<i>Dorsi</i> dolor	560. 575
periodica, vaga	499. 514	<i>Dormire</i> in delirio bonum	563
copiosa in malignis	506. 507	ore hiante	560. 590
vernalis, æstiva, autumnalis, hiemalis	499	<i>Draffica</i> morborum causis ad- numerantur	44. 146. 188
<i>Dies critici</i> ordinarii	409	<i>Dulcia</i> acrius fermentantia vn- de menses supprimant	118
proprii & improprii	398	<i>Dyscrasia</i> humorum rheumatis- mo occasionem præbet	126
indicatorii	385. 387	<i>Dysenteria</i>	215. 515
intercalares, prouocatorii	398	<i>Δυσηχοια</i>	548
nona in acutis	410	<i>Δυστοδωια</i>	549
tyrannus	ibid.	<i>Dysforexia</i>	213
intercidentes, si signa codio- nis habeant num bona sint	402. 403	<i>Dyspepta</i> unde menses suppri- mant	118
non decretorii, vacui	398	<i>Dysphonia</i>	550
<i>Digit</i> liuescentes in febribus	594	<i>Dyspnoea</i>	360. 361
<i>Diocles</i> Carystius	322	<i>Dysuria</i>	194
<i>Dispositio</i> corporis ad ægrotan- dum	50	eius signa & subiecta	197. 199
ad morbos	31. 34. 36	- - causæ	205
		<i>Dysypnia</i>	547
		<i>Ebrie-</i>	

I N D E X.

<i>E.</i>		<i>Equi</i>	num febres experiantur	
<i>Ebrietas</i>	300			165. 166
memoriam debilitat	268	<i>Erasistratus</i>	quam morborum	
convulsionum causa	148		causam agnouerit	4
menstrua detestanda	304	<i>Erotomania</i>		265. 547
<i>Eccrasis</i>	161	eius causæ		271
feroso biliosarum impurita-		sine philtro		265
tum	389	<i>Errores</i>	motuum	264. 265
sanguinis	388	<i>Esula</i>		289
critica post delirium	563	<i>Euacuantia</i>	num in plethora ad-	
<i>Echysis</i>	243	hibenda		60. 61
<i>Efferuescentia salium</i>	num hæ-	<i>Euacuationes</i>	artificiales in caco-	
moptyseos causa	98	chymia		76. 77
<i>Efflorescentiæ cutaneæ</i> , earum re-		<i>Euphorbium</i>		289
cessio saltationis causa	274	<i>Exanthemata</i>	per motus impe-	
<i>Elater</i> machinarum a tono di-		tuosos augentur		340. 341
stinguendus	444	<i>Excrementorum</i>	colores ab Hip-	
<i>Electiva missio</i> veterum quid sit		pocrate diligentius obser-		
	125	uati		517
<i>Emetica deleteria</i>	288	<i>Excretiones</i>	in febribus acutis &	
spasmis inducendis apta	146	malignis		190. 313
<i>Emollientia</i> in rigoribus non		tempestiuæ		ibid.
conueniunt	377	ante dies criticos suspectæ ib.		
<i>Emprethotonus</i>	134	prudenter moderandæ & ad-		
<i>Empyema</i>	122	iuuandæ sunt		188. 189
phthisin comitem habet	382	nimiæ energiam vitalem in-		
<i>Energia vitalis</i>	50	fringunt		245
motoria diu & nimium exer-		consuetæ retentæ plethoram		
cita tandem succumbit	259	augent		58
<i>Epiglottidis</i> adductio & contra-		excernenda retenta febres		
ctio in fulmine tactis &		conciliare possunt		174
aqua submersis	295-298	- - vrinam potenter alterant		
<i>Epilepsia</i>	140			450
cur morbus sacer dicta	152	<i>Exspiratio</i>	frigida	359
cur lunæ phasibus recurat	ibid.	<i>Extravasatio</i>	humoris non sem-	
		per apoplexiam inducit		252

I N D E X.

feri intra pulmones num sit		intense rubens	596
caussa catarrhi suffocantis		eius rubor in febribus	586
	254	- - rubor vagus	596
F.		rubens ad liuiditatem	597
<i>Facies</i> , quando in medicam		genis rubellis conspicua	596
contemplationem venit	582	colore subfusco	598
morbosa, eius differentia	583	cito tabida	599
est corporis viui imago	584	tristis in febribus	586
alterationum eius prognosis		eius turgescencia	600
generalis	ibid.	Hippocratica	309
- - specialis in febribus	585	eius adfectus	315, 583, 589
- - in aliis morbis	595, 596	<i>Faces aluinae</i> viciosae & optimae	503
- - aegri optima	584	foetor earum vnde dependeat	ibid.
anxia	586	prisci Medici earum obserua-	
austera in febribus	ibid.	tores fuerunt	517
bene colorata	597	vid. aluina deiectio.	
colore croceo	598	<i>Fatuitas</i> connata	268
exasperata in febribus	592	ex philtro	290
extenuata in febribus	586	<i>Fatuitas</i> & <i>fatuus</i>	545
flaccida in febribus	ibid.	& obliuio in homine non æ-	
flammea	ibid.	grotante	553
flauo colore	598	ex morbo regio	573
liuida ex flauo - viridescens	586, 598	<i>Faucium</i> dolor	559, 568, 575, 592,
lethalis s. mortis prænuncia	586		593, 603
libera	595	inflammatio	315
morosa in febribus	586	<i>Febricitantium hæmorrhagiae</i>	89
pallida in febribus	ibid.	a bile deriuantur	93
- - in aliis morbis	597, 598	<i>Febriles motus</i> num a vitalibus	
ex pallido liuescens	598	multum differant	160
penfitabunda in febribus	586	<i>Febrilis materia</i> cuius indolis	168
perturbata non semper mor-		<i>Febris</i>	53
bum indicat	585	eius denominatio	182
porrectior s. libera	595	conceptus veterum de illa	182
plumbea	598	non est morbus	184

INDEX.

paucissimi a febre mori-	
untur	186. 401
num tam frequens sit	183
num in omni morbo sit	186.
	187
<i>Februm</i> signa	163. 164
subiecta	165. 167
causæ	167. seqq.
causæ efficiens veterum	170
	171
effectus non in omnibus vnus	
	184. 185
euentus irregulares vnde de-	
riuandi	185
symptomata	174
in alios morbos transmutatio	
	382
<i>Febres continentes</i> s. sanguinæ	
	18. 154. 155. 157
earum materia peccans	169
continens κατ' ἔξοχην	154
synocha putrida	154
ephemera simplex & plurium	
dierum	154
resolutoria	167
continua	154. 155
- - intermittentes chronica	
	18
continua simplex	154
- - tertiana & quartana	154
acute, peracute	155
crisibus potissimum subiecta	
	394. 395
assidue	595
ardentes ex ventris dolore ib.	
cum delirio inuadentes ibid.	

Hungarica	156
maligna, permaligna	158. 595
catarrhales benigna, maligna	
	154. 156. 157. 158
exanthematica	154. 157
petechialis, miliaris, scarlati-	
na	157. 169
contagiosa, pestilentialis	
	168. 408
inflammatoria	154. 155.
	156. 157. 169
biliosa	154. 156. 157. 169
- - cito iudicantur	395
dysenterica	157. 169
rheumatica	124. 156. 157
hectica & lenta	154. 159. 169
lochiales & lactea	118. 157
vulneraria	ibid.
mucosa	157
intermittentes	154. 157. 169. 269
- - nonnumquam crisi absol-	
nuntur	395
earum symptomata actiua &	
passiua	25. 26
quotidiana simplex & duplex	
	154. 157
tertiana simplex & duplex	154
quartana simplex & duplex	
	154
quartana hyberna	195
eius suppressio icteri causa	
	203
quintana	154
septimana	155
octana	ibid.
ennateia s. nonana	ibid.

INDEX.

quantitatis & qualitatis	157	familiarior	262
simplices & compositaë	158	- - apoplexia periculofior	
legitimæ & anomalæ f. nothæ	157. 158	quam viris habetur	261
typicæ & erraticæ	158. 159	<i>Fermenta</i> morbifica Helmontii	6
essentiales, primariæ, idio-		<i>Fermentatio</i> num morbos pro-	
pathicæ, & secundariæ, ac-		ducat	7. 126
cessoriæ symptomaticæ		materiæ febrilis demonstrari	
	155 157	nequit	178-180. 183. 184
endemiæ, epidemicæ, spora-		<i>Fermentum</i> febrile	171. 178. seq.
dicæ	159	vteri num sit causa efficiens	
scheticæ	ibid.	menstrui fluxus	103. 104
chronicæ	155. 157	tempore vernali productum	
corruptæ	158	num melancholicum san-	
<i>Febris initium</i> cum sudore, vo-		guinem efficiat	275. 276
mitu & alui deiectionibus		<i>Giebel</i>	165
cuius prognoseos	187. 504	<i>Fienus</i> (Thom.)	324. 331
conuulsioni succedens	370	<i>Filamenta</i> in vrina	460
<i>Febres acutæ</i> illegitimæ conuul-		<i>Flatulentia</i>	214
sionibus stipatæ	148. 152	eius signa & subiecta	215. 217
viscerum læsionibus acceden-		- - causæ	222. 223
tes cur periculosaë	184	num ex saccharatis generetur	232
acutæ, malignæ & contagio-		sæpe pro tympanitide & gra-	
sæ placido excernendi mo-		uiditate declaratur	210
do administrantur	190. 191	hypochondriacis familiaris	308
vertiginosaë	595	<i>Flatus</i> morborum causæ	44
<i>Febrile fermentum</i>	171	num ex saccharatis generen-	
<i>Felis</i> præsentia quid apud quos-		tur	232
dam efficiat	441	in febribus	509
feles num fulminis tactui ob-		habentur pro microcosmi	
noxii	304	meteoris	223
<i>Femina</i> pluribus morbis quam		multos generandi promptitu-	
virii expositæ sunt	40	do vnde	233
vnde flatulentiaë nimium ob-		eorum incommodum quo	
noxiaë	222	modo euanescat	ibid.
illis leipothymia & syncope			

I N D E X.

<i>Fludd</i> (Rob.)	324	eius causſæ	271, 272
quam morborum ætiologiam		etiam maritatas corripit	279
formauerit	7	<i>Furunculi</i> critici	382
<i>Stiſſe</i> , geſaltene	128	ſpontanei num cacochymię	
<i>Fluor albus</i> benignus & mali-		producta	77
gnus	194, 205	vide abſceſſus	
eius ſigna & ſubieſta	197, 199	G.	
- - cauſſæ	204	<i>Gadaldinus</i> (Auguſt.)	348
<i>Fluxus</i> menſtruus	116	<i>Galea</i> (Petr.)	347
sanguinis	418, 422, 426	<i>Galenus</i> , papa ſemeiologicus	
hepaticus	94, 215		322, 323, 328, 347
<i>Eator</i> oris	213, ſeq.	humorofam pathologiam re-	
quem ægri ſentiunt	566, 574	ſtituit	4
<i>Fætus</i> erronea formatio	264	<i>Galenici</i> a Paracelſo refutati	5
<i>Fontanonus</i> (Dionyſ.)	324	<i>Garrulitas</i>	550
<i>Fonticuli</i> coaliti congeſtiones		<i>Gelatiſoſi</i> & mucoſi differentia	
inuitant	124		206
<i>Foreſſus</i> hiftorię morborum o-		<i>Germani</i> veteres vix morbos no-	
peram dedit	11	uerunt	62
<i>Frigus</i> , eius ſenſus vnde	123, 124	<i>Gesnerus</i> (Conr.)	347
morborum cauſſis adnumera-		<i>Glaciei</i> fruſtum vertici incum-	
tur	5	bens quid denotet	55
in febribus vnde deriuetur		<i>Glandularum</i> tumores dolentes	
	175, 176	in febribus	570
in tertianis quid denotet	318	<i>Glieder</i> , doppelte	132
in capite feminarum quid de-		<i>Gloſſagra</i>	138
notet	55	<i>Gonagra</i>	ibid.
in capite, manibus & pedibus		<i>Gonorrhœa</i> benigna & maligna	
	593		194
<i>Fulginas</i> (Gentilis)	347	eius ſigna & ſubieſta	197, 199
<i>Fulmine</i> tacti	293	- - cauſſæ	204
<i>Fulminis</i> læſio quomodo con-		<i>Gordonius</i> (Bernh.)	347
tingat	295	<i>Græci</i> placita Galeni propugna-	
differentiæ	303	runt	5
<i>Fungorum</i> certę ſpecies	289	<i>Grauedo</i>	121
<i>Furor</i> vterinus	265, 266	in febribus	594

Graui-

I N D E X.

<i>Grauidæ</i> nonnullæ hæmoptyses	
menstruas patiuntur	99
nonnullæ leuiter delirantes	572
epidemicis correptæ	595
earum maculæ faciei	599
<i>Grauiditas</i> præsumta & mox dis-	
cussa	210
<i>Grauitas artuum</i> a lassitudine dif-	
fert	366
<i>Grifignanus</i> (Paul.) de Salerno	347
<i>Gustus</i> num aliquid conferat ad	
signa morbi pernoscentia	316
quas læsiones s. alterationes	
patiatur	549. 557
eius læsio in febribus	566
- - in aliis morbis	574
<i>Gutierrez</i> (Io. Lazarus)	348

H.

<i>Habitus</i> plenus, <i>εὐσαρκος</i> , differt	
a plethora	54
<i>Hæmatomania</i>	431
<i>Hæmoptysis</i>	39
eius signa & subiecta	83. 84.
	89
- causæ	97. 98
rarius euenit	110. 111
periculosa	111. 112
menstrua in nonnullis graui-	
dis & hæmorrhoidariis	80.
	99
<i>Hæmorrhagiæ</i> variæ	17
naturales s. actiuæ	79
præternaturales s. passiuæ	80

salutares & minus salutares	80. 81
extraordinariæ spontaneæ	79
spontaneæ intentioni naturæ	
conformes	61
per os & aures ex philtro	292
earum subiecta	88
- causæ veræ & fictæ	12.
	91. 97
plerumque moderatæ sunt	107
quædam molestiis stipatæ	
sunt	432
insignis debilitas eas non se-	
quitur	107
salubritas earum hodie melius	
perspicitur	107. 127
salutarem finem respiciunt,	
sæpe vero minus salutares	
sunt	108
earum peruersa tractatio vn-	
de	51. 106
intermissæ grauiæ consecutaria	
post se trahunt	109
suppressæ morborum lym-	
phatico-serosorum causæ	
	201. 205
retentæ conuulsionibus an-	
sam dant	148
earum in cacochymia ratio	
habenda	76
priscorum Medicorum pro-	
gnosces de iis, multæ sunt	
	430
actiua sine congestione non	
contingit	129
	per

INDEX.

na loca recurrunt	114
in ætate iuuenili sæpe ad in- teriora transferuntur	115
earum suppressio icteri caussa	203
<i>Hæmorrhoidarii</i> pueri & adole- scentes	90
ex hæreditate	234
nonnulli hæmoptyses men- struas patiuntur	99
<i>Hæmorrhoidales motus</i> calculum mentientes	317. 318
<i>Hæmorrhoidalia molimina</i>	39 - 41
<i>Hereditaria dispositio</i> spasimis & convulsionibus inducendis apta	146. 147
<i>Hafenreffer</i> (Sam.)	348
<i>Hauptmannus</i> quam morborum causam finxerit	8
<i>Hebetatio</i> visus	548
<i>Heinischius</i> (Geo.)	324
<i>Helleborus albus</i>	289
<i>Helmontius</i> quam morborum causam constituerit	6
plethoram & cacochymiam negavit	59. 77. 91
<i>Hemicrania</i>	138
<i>Hemiphonia</i>	559
<i>Hemiplexia</i> vel Hemiplegia	236.
	239
eius caussa	246
ex fulminis tactu	294
<i>Hemiplectici</i> per autocratiam naturæ restituti	261
<i>Hepaticus fluxus</i>	94. 215

I N D E X.

<i>Hepatis</i> infarctus & inflammatio	criticus	368
122	in fecribus	367
obstructio & strictura icteri	in aliis morbis	372. seqq.
caussa	<i>Huggelius</i> (Io. Iac.)	324
dolor	<i>Hütte</i> , ausgewachsene	132
<i>Hepatitis</i>	<i>Humiditas</i> morborum causis ad-	
<i>Hernia</i> ventriculi	numeratur	5
<i>Herophilus</i> Chalcedonius	<i>Humoriste</i> a Paracelso reformati	5
322.	quam crifium causam sta-	
328	tuant	400
quam morborum causam ag-	<i>Humorum</i> qualitas in multis	
gnouerit	morbis adcuratur 4. 5. 92. 93.	
sphygmicae artis obseruator	126	
347	abundantia veteribus febrium	
<i>Herc</i> abdrücken, quid sit	caussa fuit	170
135	vitium quando in hydropo	
<i>Hippocrates</i> historiae morborum	praecedat	208
scriptor	dyscrasia rheumatismo occa-	
eius studium in semeiologia	sionem praebet	126
321	restagnationes ex congestio-	
num sphygmicae artis gnarus	nibus	129
fuerit	iacura per excretiones ni-	
346. 347	mias	245
eius adfertum de obseruatione	proportio ad motus laesa ca-	
crifium per diuersas re-	cochymiae causa	75
giones	<i>Hydatides</i> viscerum	194. 209
530. 531	<i>Hydrocele</i>	194
in tradendis morborum caus-	<i>Hydrocephalus</i>	ibid.
sis minus constans	<i>Hydrophobia</i>	265. 282
3	sine morfu, attactu aut com-	
hippocratica facies	mercio	283. 284
583	eius interuallum a tempore	
<i>Historia</i> morborum	vulneris infligti	284
315	cynanchen coniunctam habet	
eius indagatio utilis est 11. 12	285	
<i>Hofer</i>		
132		
<i>Hoffmannus</i> (Casp.)		
324		
<i>Homo</i> est subiectum morbi		
31.		
34		
pra aliis animalibus consue-		
tas intentiones & motus		
aegrius intermittit		
58		
<i>Horror</i>		
364. 365		

I N D E X.

hydrophoba mater ex morfu		<i>Icterus</i>	194. 205
filix epilepticæ	283	eius signa & subiecta	196.
hydrophobus iuuenis ex in-			198
dignatione	ibid.	- causæ	202
<i>Hydrops</i>	194. 205	- species	210
eius signa & subiecta	195. 198	post febrem hydropem co-	
- causæ	201. 207. 208	mitem habet	382
num a sanguinis profusioni-		criticus	ibid.
bus producat	207	<i>Idea morbi</i>	383
curatu difficilis	ibid.	feminalis Helmontii	6
vnde eius tumor	209	<i>Ignis fulminaris</i>	295
ad matulam	197	<i>Imaginatio morborum</i> causa	45
pectoris & pericardii	194	quas alterationes patitur	
medullæ spinalis	ibid.		545
omentalis, renalis, ouarii	ib.	<i>Inminutio vrinæ</i>	194
ficcus	210	<i>Impatients ægrorum</i>	552
aliquando per vomitum, su-		<i>Impetigo</i>	121
dorem & vrinam iudicatur		<i>Impotentia ad motus</i> in febribus	
	395	vnde	177
<i>Hydroscymus</i>	289	<i>Inanities a veteribus</i> pro causa	
<i>Hypochondriaci</i> etiam delirant		spasmodum habita	144. 146
sine febre	308	<i>Inadpetentia</i>	213
sunt sputatores	540	in febribus vnde	176
<i>Hypochondriaco-hystericum</i> ma-		<i>Incontinentia vrinæ</i>	194. 197
lum	39. 40. 41. 70	eius subiecta & causæ	199.
<i>Hypochondriorum</i> , vteri & pri-			204
marum viarum consensus		<i>Incubus</i>	135
	118	<i>Indices</i> s. indicatorii dies	398
<i>Hypostasis</i> vrinæ	470	<i>Inedia</i>	213
<i>Hysteromania</i>	265	<i>Infantes</i> cur ad morbos pronio-	
eius causæ	272	res sint	31
		crisis non sunt subiecti	
			394
I.		eorum morbi	37
<i>Lactationes</i> corporis pessimæ	561	- vrinæ quales	448
in febribus	570		
in aliis morbis	578		

INDEX.

cur convulsionibus subiecti		furor brevis	547
sint	151. 152	<i>Iris</i> splendore orbata	601
cur ad motuum omissiones		<i>Ischuria</i>	194. 205
delabantur	259	eius signa & subiecta	198. 199
plures quam adulti catarrho		- causæ	205
suffocante interimuntur		lunatica	212
	261	<i>Ischiadicum</i> malum	138
lunæ radiis expositi num fo-		<i>Iudæus</i> vates ex pulsu	337
mnambuli fiant	280	<i>Iuniores</i> cur podagra retroacta	
mensium fluxus iis ominosus		citius moriantur quam senes	
	118		115
<i>Infarctus</i> hepatis & lienis	122	in morbis epidemicis suc-	
<i>Inflammationes</i>	123	cumbunt	604
faucium	315	<i>Iuuenis</i> hydrophobus ex indi-	
<i>Influxus</i> lunæ num sit causa		gnatione	283
menstrui fluxus	103. 261	<i>Iuuenum</i> morbi	38. 39
<i>Ingenii</i> tarditas	264	vrinæ quales	448
<i>Initium</i> febris	187		
<i>Inquietudo</i> maior	310. 571. 578	K.	
<i>Infania</i>	545	<i>Kinder</i> & <i>Flecken</i>	599
vehemens in febris	562		
ex amore libidinoso	547	L.	
<i>Insecta</i> morborum causis adnu-		<i>Labor</i> plethoram imminuit	61
merata	8	<i>Laboriosi</i> congestionibus vexati	
<i>Insomnia</i>	548	vnde	125
nonnullam vim significandi		eorum morbi vnde	34. 35
in morbis habent	579. 580	- vrina qualis	449
eorum prognosis	554- 556	vitæ generis mutatio pletho-	
- in febris	564	ræ ansam dat	56. 62
- in aliis morbis	573	<i>Labra</i> s. <i>labia</i> pallida in febr-	
<i>Intellectus</i> morbi	264	bus	589
<i>Intercalares</i> dies	398	eorum distorsio & peruersio	
<i>Intestini coli</i> spastica distensio			588. 589
	136	contracta	589
<i>Intestinorum</i> dolor	560	si exulcerantur	ibid.
<i>Ira</i> vrinam alterat	450		

Lactu-

I N D E X.

<i>Lactuca fuccus perniciosus</i>	287	<i>Liborum varia genera vnde men-</i>	
<i>Lacrymarum fluxiones vnde</i>		<i>ses supprimant</i>	118
vulgo deriuentur	94	<i>Lichenes in mento</i>	139
in febribus	588	<i>Liddelius (Duncanus)</i>	324
<i>Lesio organi vitalis naturæ e-</i>		<i>Lienis infarctus & inflammatio</i>	
nergiam debilitat	245		122
<i>Lesiones viscerum melancholiæ</i>		<i>Lienteria</i>	515
& maniaë causâ	269	<i>Limacum deiectiones ex philtro</i>	
chronicæ vnde oriantur	71		292
febres non perferunt	184	<i>Lingua sicca, nigra</i>	315
<i>Lanistæ olim hæmoptysin patie-</i>		eius fissuræ in acutis	310
bantur	99	quæ ei accidunt in febribus	590
<i>Landus (Bassianus)</i>	324	alba	591
<i>Lapsus retrorsum memoriam de-</i>		aspera	590
bilitat	267	biliosa	591
<i>Laryngis oclusio in fulmine ta-</i>		bisulca	ibid.
ctis & aqua submersis	295. 296	densa	590
eius rationes	297. seqq.	horrida	591
<i>Lassitudo</i>	364. 365. 366. 375	mollis	592
<i>Lateris dolor</i>	568. 570	in febribus	590
<i>Lauellus (Iac.)</i>	348	nigrescens	591
<i>Laurentius (Andr.)</i>	324	pallida	590
<i>Leipopsychia</i>	243	eius pustulæ	592
<i>Leipothymia</i>	237. 243. 310	- fordes	ibid.
eius causæ	256	tremula	591
cur feminis familiarior	262	<i>Lippitudo</i>	206
<i>Leipyria</i>	156	<i>Liquidi neruei influxus num</i>	
<i>Lemsius (Lud.)</i>	324	convulsionum causâ	147
<i>Lepa</i>	194	<i>Lochia quando morbis accen-</i>	
rarissima nobis est	210. 211	senda	81
ex philtro	292	eorum signa & subiecta	87.
num cum lue venerea con-			88. 91
ueniat	211	- crassæ	105 106
<i>Lepus marinus</i>	288	- fluxus necessarius & utilis	118
<i>Lethargus</i>	242. 275. 545. 547		94
<i>Leucophlegmatia</i>	193. 195	nimia	
		LIII 3	febris

INDEX.

<i>febris lochialis</i>	118	<i>Maculae faciei flavescentes in</i>	
<i>Lommius (Iodoc.)</i>	324	<i>gravidis</i>	599
<i>Loquela vitia</i>	550	<i>nigræ in facie febrientium</i>	
<i>Lucubrationes morbis ansam dant</i>	32		587
<i>Lues venerea</i>	194	<i>Maiouii ætiologia rhachitidis</i>	130. 131
eius signa & subiecta	197. 199	<i>Malacia</i>	214
sæpe pro scorbuto vendita-		<i>Maligni morbi impetuosas ex-</i>	
tur	211	<i>cretiones non perferunt</i>	443
<i>Lumborum dolor</i>	560. 569. 576		444
<i>Lune potentia in humores a</i>		<i>Malum hypochondriaco-hyste-</i>	
<i>multis reiicitur</i>	261	<i>ricum</i>	122
<i>influxus num sit causa fluxus</i>		<i>ischiadicum</i>	138
<i>menstrui</i>	103	<i>Mammarum dolor</i>	570
<i>phases conuulsionibus ansam</i>		<i>Manationes aurium & oculorum</i>	
<i>præbent</i>	147		121
<i>in illis conuulsivi & epileptici</i>		<i>vlcerosæ</i>	123
<i>motus recurrunt</i>	152	<i>Mania</i>	265. 547
<i>Lycanthropia</i>	265. 282	eius causæ	268
eius causæ	274	<i>ex spissitudine humorum ori-</i>	
<i>Lycanthropomania</i>	547	<i>tur</i>	71
<i>Lympha corruptionem patiens</i>		<i>num sit morbus vernalis &</i>	
	205. 206	<i>autumnalis</i>	275
cum ferro acri diu sociata per-		<i>hypochondriaca</i>	266
ditur	193	<i>ex philtro</i>	265. 285. 290. 571
& serum quo modo semutuo		<i>Maniacus & Melancholicus dif-</i>	
lædant	206	<i>ferunt</i>	276
falsa	94	<i>Maniacorum actiones num ratio-</i>	
<i>Lymphatico-feresi morbi</i>	193	<i>ni contrariæ sint</i>	276. 277
<i>Lysis</i>	161. 190. 379	<i>Manuum motio in febris</i>	571
		<i>Marasmus senilis</i>	236
M.		<i>quomodo a virium defectu &</i>	
<i>Macrocosmi phenomena vtrum</i>		<i>artuum tremore differat</i>	238
<i>in criticum actum influant</i>		<i>num ad senium necessarius</i>	
	411		262
<i>Macrypnia</i>	547		

Marga-

I N D E X.

<i>Margaritas</i> concharum lepram esse volunt	211	ex philtro	290
<i>Martinengus</i> (Cels.)	324	eius causæ materiales & im- materiales	71. 268 - 272
<i>Martinez</i> (Em.)	ibid.	num sit vernalis & autumnal- lis morbus	275
<i>Martorellus</i> (Ant)	348	differt a mania	276
<i>Massarius</i> (Alex.)	347	<i>Melancholici</i> : eorum actiones tam incongrui non sunt	276, 277
<i>Mater</i> ex morfu filiæ epilepticæ hydrophoba	283	vnde tam auidi sint in eden- do	216
<i>Materia</i> num motus & spasmos producat	104. 192	ad iram præcípites	167
eius additamentum inter causas febrium relatum	171	plerumque a febribus sunt immunes	166
catarrhalis serosa in conge- stionibus vnde	128	eorum vrinæ quales	449
febrilis cuius indolis	168	- - morbi peculiares	41
<i>Mechanismus</i> motus supprimen- dos iudicat	14	<i>Melancholicus</i> humor crismus causa esse debet	400
<i>Medicamina</i> incongrua febres sæpe turbant	186. 188	<i>Mellita</i> cum saccharatis confun- duntur	232
sudorifera nocent	443. 444	<i>Membranae</i> in vrina	460
<i>Medicationes</i> furtivæ	326	<i>Memoria</i> morbis ansam dat	45
peruersæ grauiorum morbo- rum causæ	52	- - <i>vitalis</i> in rheumaticis con- gestionibus quid valeat	127
<i>Medici</i> per incongruas medica- tiones naturis graues fiunt	412	eius exercitium capitis dolo- res excitat	28
motuum rationem habere de- bent	10. 13	- - debilitas	265. 266
vanæ gloriæ ne inhient	320	- - huius causæ	267
eorum dissensus in causis morborum	3 seqq.	- - congenita cum læsione ratiocinationis coniuncta est	275
<i>Medicina</i> , eius certitudo & incer- titudo	311	quas alterationes patitur	547
<i>Melancholia</i>	546	<i>Mena</i> (Ferdinand.)	348
hypochondriaca & hysterica	265. 266	<i>Mens</i> sibi constans post vehe- mentiora deliria	309

Mentis

I N D E X.

<i>Mentis constantia</i> f. mente con-		<i>Metastasis</i>	382
stare quid sit	546. 551	<i>Meteora</i> microcosmi status esse	
- - bonum quidem in mor-		debent	223
bis signum, sed non sem-		<i>Methodicorum</i> secta, eorumque	
per	551	hypothesis pathologica	4
eius inconstantia f. motio	546.	<i>Metus</i> per fulgura & tonitrua	
	551		304
- - in febribus	562	vrinam alterat	450
<i>Menses</i> f. <i>menstruus fluxus</i>	80. 81	<i>Miasmata</i> contagiosa	44
eorum signa	87	<i>Mictio</i> nocturna puerorum	204
- - subiecta	90	imminuta	197. seq.
- - causæ	102. seqq.	purulenta	310
- - necessitas & effectus	117	spumans	487
- - cessatio	ibid.	<i>Mictus</i> cruentus	80. 81
- - suppressio cachexiæ &		eius signa & subiecta	86. 90
icteri causæ	201. 203	- - causæ	101. 102
nimii vnde vulgo deriuntur		conspirat cum hæmorrhoidi-	
	94	bus, sed non eiusdem vi-	
quando morbosæ indolis		litis est	116
sint	81	viris familiarior	115
critice erumpunt	105 117. 389	senibus lethalis	116
inordinati saltationis causæ		passius	ibid.
	274	<i>Microphonia</i>	550
<i>Mentagra</i>	139	<i>Micrypnia</i>	547
<i>Mentum</i> acuminatum in febribus		<i>Misio electiva</i> veterum quid sit	
	589		125
<i>Mentiris</i> ut <i>Medicus</i> vulgatum		<i>Molimina</i> hæmorrhagica incom-	
scomma	320	pleta cur natura suscipiat	129
<i>Mercatus</i> (Lud.)	347	hæmoptica quæ mala con-	
<i>Mercurius sublimatus</i>	288	sectaria producant	112
quidam illum quotidie edit	302	hæmorrhoidalia	118. 119
viuus in spiritu acido solutus		<i>Monstruosa</i> contenta in vrina &	
	288	abscissibus	461. 531
Sal & Sulphur	5	<i>Montanus</i> (I. Bapt.)	328
<i>Metalli fossiles</i> morbis obno-		<i>Morbilli</i>	157
xii	32		

I N D E X.

<i>Morbus</i> quid sit, variæ eius definitiones	1. 12. 13	- - mulierum & infantum	19, 28
a symptomatibus discernendus	10	- - æstivi, vernales, autumnales, hiemales	20, 29
quomodo differat a vitio	3	- - primarum viarum	19.
num sit contra naturam	13		213. 231
morborum differentia & frequentia	15. 26. 31	- - animi	264
eorum subiectum	3. 31. 33	- - quatuor classes	17. 19
- - specialissimum	33. 34. 35	- - cardinales	5
eorum ætiologia varia & causæ	3. 36	- - magni secundum Galenum	394
- - tempus s. periodi	160. 161	- - mixti	15. 16
crisibus sunt subiecti	394	- - aliorum morborum causæ	52
eorum species & causæ num ex vrina cognosci possint	489	- - singulares	19
imminentis morbi signa prænuncia	599	- - simplices, salutare, benigni	21. 22. 29
eius principium signa crudelitatis non vero coctionis exhibet	396	- - endemii, epidemici, sporadici	21. 29
- - incrementum perfectam coctionem non habet ibid.		- - hæreditarii	20. 28
- - historia	315	- - incurabiles	22. 29
diuisio secundum partes corporis	27	- - chronici	8. 35
- - classes	17. seq.	- - lymphatico-ferosi	18. 193
morbi quantitatis	17	- - eorum signa, generis	195.
- - qualitatis	18		206. 207
- - motuum	19. 52	- - causæ	205
- - motuum deficientium	236. seq.	soporosi	241
- - capitis memoriam debilitant	268	morbus soporosis idiopathicus & symptomaticus	242
- - ætatum	37. 40		261
		eorum causæ	255
		- - differentia ab apoplexia	241
		voluntatis	264
		morbus sacer, comitialis, caducus	140. 152
		M m m m	re-

I N D E X.

- - regius s. arquatus	210	eorum omiffio & amiffio	259. 260
- - leuis cum lethali euentu	327	eorum omiffio nihil boni pro-	
<i>Morefcottus</i> (Alph.)	324	mittit	378
<i>Morofis</i>	265. 266	- - abolitio quando eue-	
congenita cum memoriæ de-		niat	259
fectu	275	- - intermiffio & remiffio	181
<i>Mors</i> ante morbum & fine mor-		- - confuetudo	28
bo	327	extremi in infantibus obser-	
eius fundamentum vbi quæ-		uantur	148
rendum	262. 263	aucti in morbis	9. 10
ex philtro	290	- - circumfpecte moderandi	27
<i>Morfus</i> animalium furentium		nimum aucti noxias materias	
deleterius	282	progenerant	14. 15
conuulfionum cauffa	148	- - in malignis & exanthe-	
filix epilepticæ matrem hy-		maticis periculum augent	341. 342
drophobam fecit	283	in malignis & contagiofis cur	
<i>Motus</i> in corpore cui principio		placidi & tranquilli fint	190. 191
tribuendi	14	eorum proportio ad humo-	
non a materia deducendi	192	res læfa cacochymiam ad-	
fympptomatibus adnumeran-		fert	75
tur	14. 15	<i>progreffui</i> feignities vnde de-	
eorum ratio in morbis ha-		pendeat	70
benda	10. 13. 14	<i>febriles</i> quem in finem fufci-	
vitales, naturales & animales,		piantur	181
eorum figna	313. 314	nimius februm cauffa habi-	
quo modo fiant morborum		tus	171
cauffæ	15. 16. 19. 52	ab extra ad intus conuerfus	
erronei vnde deriuandi	150.	hæmorrhagiarum cauffa	
	264. 265	fingitur	97
vitalium motuum defectus	236	<i>corporis</i> fpiffitudinem & alias	
- - cur arti non facile aufcul-		noxas auertit	57. 61. 68
tent	259	- - im-	
exacerbati non tam periculofi			
quam deficientes	ibid.		

I N D E X.

- - impetuosus & vehemens		potum reddentes	602
noxius	99.146 173	prurientes	ibid.
- - urinam mutat	450	earum foetor	ibid.
<i>voluntarius</i> eiusque constitu-		rubores in febribus	588
tiones & alterationes	57.	<i>Nasus</i> acutus in febribus	589
	314. 544. 581	eius peruersio	588
alterationum eius prognosis		<i>Natura</i> medetur morbis	312.313
generalis	560	eam sequi Medico incum-	
- - specialis in febribus	570	bit	61
- - in aliis morbis	578	eius energia & synergia in	
<i>peristalticus</i> inuersus	234	morbis	14
<i>spastico</i> - <i>arthritici</i> & <i>convulsivi</i>		- - robur vnde dignoscatur	313
	140. 149	in plethora generanda erro-	
<i>tonicus</i> ab elatere machinarum		ris non adcusanda	59
distinguendus	444	cur abundantiam sanguinis	
- - eius alterationes	124.364	sustinet	58
<i>vitalium</i> motuum exacerba-		eius sensibilitas & æstimatio	
tiones sensus internos mul-		quid valeant	127
tum turbant	551.552	eius propensio ad male ope-	
<i>Moufettus</i> (Thom.)	324	randum	46
<i>Mucosi</i> & <i>gelatinosi</i> differentia		sibi interdum impedimenta	
	206	figit	259
<i>Mucus</i> in vrina	460	sine probabili fine & vsu ali-	
<i>Mulierum</i> morbi	40	quid agit	59
urinæ crassiores sunt	448	cur incompletos actus susci-	
<i>Muscas</i> videre ante oculos	574	piat	129
<i>Musitanus</i> plethoram negat	91	eius errores dignoscendi &	
		corrigendi sunt	325 seqq.
N.		num in malignis excitanda	349. 350
<i>Nævi materni</i> in facie	599	v. anima & principium rationale	
<i>Napellus</i> venenum	288.289	<i>Nausea</i>	213.217
<i>Narcotica</i> morborum causæ	44	in acutis	219
memoriam debilitant	268	<i>Nebule</i> spissæ in vrina	477
<i>Nares</i> acuminatæ	602	<i>Nephritis</i>	39.122
alterationes earum in febr-		M m m m 2	<i>Nervi</i>
bus	589		

I N D E X.

<i>Nervi</i> an habeant cauitatem aut tubulos	249. 253	<i>æquipollet</i>	121. 127
<i>Nicotianæ</i> fumus obstructionem alui prouocat	217	valorum sanguiferorum vera rarior est	71
<i>Nisus</i> corporis fortior nocet	99. 111	- pro hæmorrhagiarum caus- sa venditatur	94. 95
<i>Noctambulatio & Noctisurgium</i>	265. 266. 272	fibrarum causa spasmorum habetur	144
eius causa	272	visceris alicuius hæmopti- seos causa habetur	99
<i>Noctambuli</i> quo modo loca pe- riculosa transcendere possint	279	num paroxysmorum redi- tum explicet	180
<i>Nostalgia</i>	265	- - alui	214
eius causæ	273	eius signa & subiecta	215. 217
certo cantilenæ tono excita- ri potest	280	<i>Oculi</i> caligantes & fere clausi	601
<i>Nubecula</i> in vrina	457	femi clausi & arctius clausi	600
nigra	476	eorum cauitas & aliæ alte- rationes in febribus	588.
rubra	475	- - claritas in febribus	587
subrubra	ibid.	exserti in febribus	583
in biliosis	476	feroces & truculenti in febr- ibus	ibid.
in intermittentibus	477	fixi & immoti splendentes	573
<i>Nunesius</i> (Ille fons.)	348	hebescentes & obtusi	ibid.
<i>Nutritionis</i> tres actus	231	humidi, illacrymantes	587.
<i>Nymphomania</i> causæ	272		588. 600
O.		magni in morbis	600
<i>Oblinio</i>	547	minores	ibid.
ex philtro	292	obtusi, caligine obducti, quo- rum album rubescens, li- uescens aut nigris venis re- fertum	557
ex delirio	563		
gestorum	551		
in morbis acutis	563		
in diturnis malis	573		
αλογα	552		
<i>Obnubilatio</i> visus	55		
<i>Obstructio</i> congestioni non			

eorum

I N D E X.

eorum rectus obtusus in fe-		<i>Orchestromania</i>	547
bribus	587	<i>Orexis</i> canina	214
- - peruersio & distortio	601	a nonnullis ardor ventriculi	
rubentes & splendentes		dicitur	231
	587. 600	eius subiecta	216
turgescences	600	- causæ	218
eorum manationes	121	<i>Organorum</i> vitium in hydropse	
<i>Odontalgia</i>	ibid.	frequens	208
<i>Odorifera</i> quædam in nonnullis		<i>Orgomania</i>	547
leipothymiam prouocant	258	<i>Orificii</i> vteri spasmus	136
<i>Oedema</i>	194. 195. 205	<i>Oris</i> factor: eius causæ	219. 220
eius signa & subiecta	195. 198	ore hiantes dormire malum	
eius causæ	199		560. 590
nonnumquam cum hydropse		oris ventribuli dolor	569. 575.
complicatum	207		576
œdematosus tumor vnde	209	os distortum	602
<i>Oesophagi</i> spasmus	135	<i>Orthopnea</i>	361
<i>Oleum vitrioli</i>	288	<i>Oscitationes</i> frequentes	599
<i>Olfactus</i> quid ad signa morbi		<i>Ossa</i> num solo sanguine nutrian-	
pernoscenda conferat	316	tur	131
læsus	549. 557. 566. 574	<i>Otalgia</i>	121
<i>Omissio</i> motuum cur contingat		<i>Oti</i> morbis ansam præbet	33.
sine ratiocinatione con-			34
currente	260	<i>Ouerkamp</i> pathologiæ falsæ pro-	
cur peior sit motibus amissio-		pugnator	7
nis	260	<i>Oxyphonia</i>	550
virium	238. 244. 377. 378		
<i>Oneirocritici</i> & <i>Oneiromante</i>	548	P.	
<i>Onera</i> tollenda sæpe hæmopty-		<i>Palindrome</i> hæmorrhagiarum	
seos causa	99. 111		110
<i>Ophthalmia</i>	121	<i>Palpebræ</i> reflexæ	601. 602
<i>Opiethotomus</i>	134	resiccatae	602
<i>Opium</i>	289	earum tumores	ibid.
memoriam debilitat	268	<i>Palpitatio</i> cordis	122. 136
in motuum exacerbationibus		<i>Pans</i> calidus vnde menses sup-	
dissuadetur	350	primat	218
		M m m m 3	fur-

I N D E X.

furfuraceus num sanguinem melancholicum generet 269	eius reuersio in febribus vn- de 178. 181
<i>Papaueris rhœados</i> vsus noxius 268	<i>Particularum</i> figura 218
<i>Paracelsus</i> 347	<i>Pars</i> adfecta 315
Medicos reformauit 5	partium corporis externa- rum alterationes 582-584.
Paracelsistarum vromanti- ca superstitio 493	<i>Passerculus</i> p. hiltro detentus 292
<i>Paralysis</i> 236	<i>Passio</i> iliaca 214
eius species 239	eius subiecta 217
- - causæ 246	- - causæ 218
- - causâ efficiens materialis obsoleta 248	num a chordapso differat 234
vera & spuria s. idiopathica & symptomatica vel scor- butica 239	<i>Pathemata</i> animi vid. animi pa- themata
<i>linguæ</i> in nouilunio vehe- mentior 261	<i>Pathognomia</i> 2
<i>purpurea</i> 239	pathognomica signa 308.310
post febrem acutam 383	<i>Pathologia</i> , eius diuisio 1
sæpe conuulsionibus super- uenit 237	medica 1. 2
subinde in apoplexiam dege- nerat 237	physica in medicina parum vtilis 1. 11
<i>Paralytici</i> per autocratiam na- turæ restituti 261	humorosa 3. 4
<i>Paraplexia</i> s. paraplegia 239	tartarea 6
& paralysis quo modo ab apo- plexia differant 240	falsa 7. 76
<i>Paraphrenitis</i> 156	eius vsus 10
<i>Parempsis</i> morborum causâ 4	<i>Pauores</i> in somno vnde 55
<i>Paresis</i> ex colica 239	<i>Pauperum</i> victus salinus nihil ad cacochymiam adfert 75
<i>Παροδυσία</i> 549	<i>Peccatum</i> morborum causâ 36.
<i>Παρυσησία</i> 548	44. 52
<i>Parotides</i> 121	<i>Pectoris</i> dolor 568. 575
<i>Paroxysmus</i> 162	<i>Pedum</i> sudor non ad vitia sudo- ris referendus 212
	<i>Pereda</i> (Pet. Paul.) 324
	<i>Peregrina</i> carnosus partibus in- fixa conuulsiones prouocant 148
	<i>Perfrictio</i> 365

I N D E X.

<i>Periodi morborum</i>	160. 161	<i>Phthisis pulmonum</i>	122
<i>Peripneumonia</i>	122. 156	<i>Physiologia pathologiæ inferuit</i>	11
<i>Peristalsis periodus</i>	499		
<i>Pestis</i>	158	<i>Pica</i>	214
olim Athenis memoriæ debi-		eius subiecta	216
litate reliquit	268	<i>Pili in vrina</i>	459. 478
<i>Phagedenæ serpentes & eroden-</i>		<i>Pinguedo nimia nullius vsus</i>	59
tes	78	vrinæ supranatans	458
<i>Phalangium</i>	288	<i>Pituita a cerebro in medullam</i>	
<i>Phantasia morbos parit</i>	45	oblongatam delapsa num pa-	
quas alterationes patiatur	545	ralyseos causâ sit	248. 249
sub somno operans	548	morborum causis adnume-	
<i>Philtrum</i>	290	ratur	5
philtrea & venena spissitudi-		in vrina quo modo a pure	
nem funestam inducunt	71	dignoscenda	459
eorum indoles explicatu dif-		<i>Planerus (Andr.)</i>	324
ficilis	292. 293	<i>Planetarum adspectus, crises ef-</i>	
hodie prorsus negantur	303	ficere debent	400
eorum differentia	290. sqq.	<i>Plethora morborum causâ &</i>	
<i>Philtromania</i>	291	mater	4. 36. 53
eius causâ	269	qui eam negant, nihil agunt	
<i>Phlegmatici temperamenti mor-</i>			59. 432
bi peculiares	42	quem vsum habeat	56. 59
a febribus plerumque immu-		cur etiam in adultis a natura	
nes	166	augeatur	58
eorum vrinæ quales	449	prouentum eius impediens	
<i>Phlegmatorrhagia</i>	121	remedium non datur	61
phlegmonodæ congestiones		eius consecraria	75
rheumaticæ	124. 125	vniuersalis & particularis	54
<i>Phrenitis</i>	156. 265. 546	ad iustitiam & ad pondus	
vehemens in tremorem desi-		ibid.	
nens	371	abundans & exundans	ibid.
obscura	242	simplex & complicata	ibid.
ingrauescens	563	sibi relicta & commota	54. 55
<i>Phricodes</i>	156	cum spissitudine complicata	
			60

est

INDEX.

est hæmorrhagiarum causa	spirituosus febres efficere
91. 97	potest 173
hæmorrhagias difficiliore	<i>Precordiorum</i> dolores 559. 568.
reddit 82	575. 576. 595
in cacochymia adcusatur 75	<i>Præcœtius</i> (Io.) 324
num sit causa efficiens fluxus	<i>Præxagoras</i> Cous 322
menstrui 102	quam morborum causam sta-
commota ex animi pathema-	tuerit 4
tibus anomaliis ansam dat	<i>Priapismus</i> 136
61	<i>Primæ viæ</i> cur ita nominentur
eius imminutiones non tur-	231
bandæ sunt ibid.	earum morbi 213
num euacuationem admittat	- consensus cum vtero &
60. 61	hypochondriis 118
plethorici facile a febribus	<i>Principium morbi</i> 395
infestantur 167	<i>Principium rationale</i> s. vitale mo-
πλησμονη differt a plethora 54.	tus sæpe erroneos, intem-
63	pestiuos & insufficientes in-
<i>Pleuritis</i> 156	stituit 46. 149. 150
vera & spuria 39. 122. 138	congestionem efficit 126
in peripneumoniam transiens	est causa spasmorum & con-
383	uulsionum 145. 147
<i>Pneumaticorum</i> pathologia 4	intentiones suas consuetas
<i>Pocula</i> menstrua 304	difficilius dimittit 58
poculum amatorium 290	est adpetitus, & ardoris ven-
<i>Podagra</i> 40. 138	triculi causa 220. 221
vnde pro morbo chirurgico	per corpus male adfectum
habita sit 28	impeditur 579
<i>Polidanus</i> (Val.) 347	vid. Anima & Natura.
<i>Pollutio nocturna</i> 194. 205	<i>Procidencia ani</i> 214
<i>Polyhæmia</i> 53	eius causa 230
<i>Pondera</i> grauia tollenda hæmo-	num ad morbos paralyticos
ptyseos causa 99. 111	referenda 235
<i>Potus</i> frigidus corpore calente	<i>Prognosis</i> sphymomantica 336
icteri causa 203	vera ex signis 318
	sæpe fallitur 317
	quem

INDEX.

quem vsum Medico suppeditet 319. 320
 unde petenda 605
 num ex veterum signis peti possit 325. 506
 prognostica signa 309
Propensio naturæ ad male operandum 46
Pruritus 578
Pfora vesicæ 486
Pudendagra contracturalis 139
Puellarum vrina 462
Pueri crisis non sunt subiecti 394
 hæmorrhoidarii 90
 eorum morbi 37. 38
 - vrinæ num facile calculum generent 448
Pulsus 313. 328
 eius differentię 328. sqq.
 nomen quis primus imposuerit 346
 quo modo, quo loco, quam diu, quo tempore sit explorandus 348. 349
 non solum in febribus sed etiam in aliis morbis obseruandus 343
 eius vigor vires ægri indicat 338
 - mutatio semper aliquid portendit ibid.
 præsagium ex pulsu caute institutendum 337. 346. 488
 in maligis nonnumquam fallit 343

pulsusne an vrina certius porrigat prognosticon 461. 605
 optimus, malus, pessimus, quinam 339
 interdum in sanis præternaturalis 490
 sanus in ægrotis 342. 349
 languens post crisin 405
 aliquot dies ante mortem cessans 345
 parum alteratus quid arguat 339
 subita alteratio ex animi pathematibus 329. 338
 ordinatus, inordinatus 336
 naturalis & præternaturalis 329. 330
 irrationalis 330
 durus & mollis 332. 333. 357
 magnus, paruus, plenus, vacuus 332
 magnus plethoricorum est 342. 350
 durus in petechialibus quid indicet 341
 - in hæcticis cuius indolis 345
 durus, frequens & inæqualis in angina 343
 inæqualis unde dependeat & quid præsagiat 343. 345. 351
 fortis in ægri febris ominosus 340
 - & debilis 330
 Nnnn - in

INDEX.

- in debilem mutatus malus	341	- & serratus in phthisi	334.
- in malignis malus	340		335. 346
vehemens & celer post mo-		vermiculans in hydrope	334.
deratum & debilem	338		335. 346
- in palpitacione cordis	344	vndosus	334. 335. 342. 343
celer, tardus, longus, brevis		intercurrens	335. 336. 343. 351
	330	intermittens	335. 343. 344
celer febribus essentialis	339.	- in acutis	339
	340. 345	caprizans	334. 335. 346. 351
- non tam periculosus ac tar-		tremulus	334. 335. 346
dus	339	capitis	347
- cum intermittente quid in-		cordis interdum continuat,	
dicet	344	arteriæ autem non anim-	
frequens, rarus	331	aduertitur	345
- etiam in statu sano occur-		<i>Pulus</i> in circulo vrinæ	487
rit	340	<i>Pupilla</i> depressa in febribus	
celer, frequens & debilis cu-			588
ius ominis	341	eius paruitas	601
celer & frequens in febribus		<i>Purgantia</i> in corpus plethori-	
	163. 340. 350	cum minori efficacia agunt	
- - quo modo differant	331		60
fortis & celer non fert opiata		<i>Purpura</i> qualem vrinæ colorem	
	350	habeat	470
tardus & rarus in periculo		urticata	157
funestus	341	<i>Pus</i> seu purulenta materia in v-	
debilis, tardus & paruus post		rina	459
celerem quid indicet	338	<i>Pustule</i> in lingua	592
mollis, debilis & tardus in		<i>Putredo</i> antiquorum febrium	
paralyticis	345	caussa recte intelligenda	171.
debilis & paruus phthificis &			183
hecticis familiaris	344	verminosa morborum origo	
debilis in acutarum principio		habetur	8
noxius	341	<i>Pyologiam</i> antiqui Medici dili-	
formicans	334. 351	genter obseruarunt	528.
			lit. Xxx.

I N D E X.

<i>Pythagoræ</i> dogmata quid de cri- sium causis adlegent 400	<i>Ratiocinatio</i> ad motuum omisso- nem nihil confert 260 quas alterationes patiatur 545. 546
Q.	<i>Raucedo</i> 122. 603
<i>Qualitas</i> sanguinis vitiosa 415. 416	<i>Raucitas</i> ibid.
qualitates seu materiæ pec- cantes in mixtione tan- tum non nocent quam in dissolutione 69	<i>Refrigeratio</i> corporis subita le- thalis 71
humorum in hæmorrhagiis adculatur 92. 93	febres concitare potest 173
eius vitia 193	<i>Regimen</i> importune calidum 443. 444
- morbi 18	eius error 326
<i>Quantitas</i> sanguinis 415	<i>Regurgitatio</i> congestionis nego- tium non explicat 120
eius morbi 17	<i>Renum</i> tonus varius variam effi- cit vrinam 449
plures profert morbos quam qualitas 26	dolor 577
<i>Quies</i> vrinam mutat 450	<i>Repletio</i> a veteribus spasmorum causâ habita 144. 146
R.	<i>Res non-naturales</i> morborum causis adnumerandæ 42. 51
<i>Rabies</i> canina & lupina 266. 282	<i>Respiratio</i> 313. 352
e morfu aliorum animalium 282	eius definitio 353
alio modo etiam quam per morsum communicari pot- est 283	cum pulsu symbolizat 362
canina ex vomitione hydro- phobæ ibid.	ei plus tribuunt quam pulsui 352
<i>Ranarum</i> deiectiones ex philtro 292	eius prognosis generalis & specialis 357. 358. sqq.
<i>Rarefactio</i> salium num hæmo- ptyleos causâ 98	cohibita submersionis causâ 296
<i>Ratio</i> num in delirantibus læsa sit 278	exitialis 356
	naturalis & præternaturalis 353
	composita 355
	inæqualis ibid.
	intermittens 354. 357

INDEX.

impedita, brevis, parua, densa & frequens 353
 frequens, densa, rara & longa 354. 355
 frequens seu densa & feruida in febribus 358
 difficilis, anxia, dolorifica, anhelosa 353
 difficilis in angina 358. 359
 - hypochondriacorum & hystericarum, circa mediam noctem adfligens 360
 - in asthma 359
 - in catarrho suffocante 360
 magna, parua 354. 358
 - & tarda 361
 - & rara in febribus 359
 rara & magna num negari possit 362
 - & parua, frigida 362
 - parua & obscura in febribus 359
 velox, tarda 355
 vegeta, debilis 354
 offensans in febribus 359
 stertorosa in febribus ibid.
 - in apoplecticis 362
 supina, suspiriosa, stertorosa 354. 356
 gemebunda in acutis 359
 erecta, sublimis 354. 356
 phaenomena, sublimis s. spiritus exilis 356
 - & sublimis in febribus 359
 respirationi praeternaturali

antasthmatica opponere non licet 362
Retropulsio humorum vlcerosiferoso-lymphalium noxia 147
Rhachitis 130. 131. 132
Rhazes (Abubeter) 323
Rheumaticae congestiones 121. 123
 internæ & externæ 124
 externæ phlegmonodæ 124. 125
 earum subiecta 125
 - causæ 126
Rheumatismus ex violentia externa 127
 ex aëris mutatione & animi commotione ibid.
Rhythmus quid sit 333
 ab Hippocrate obseruatus 346
 respiratorii rhythmî mutatio in febribus 358
Rigor 364. 365
 in febribus 366. 368
 periodicus 368
 die critico superueniens 368. 369
 in aliis morbis 373
 emollientibus & calidis rigores non sunt adgrediendi 377
Risus Sardonicus 134
Roganus (Leo) 348
Roborantibus naturam ad officium excitare consultum non est 349

Robo-

I N D E X.

Roboratio ægrorum præpostera 337. 338
Rudius (Eustach.) 324
Ruptio vasorum lymphaticorum
difficilis est 208. 109
Rusticorum morbi vnde 34. 35

S.

Sabulum in vrina 459. 486
Saccharata & *saccharum* num in
bilem mutantur & flatus
progenerent 232
Sal, Sulphur & mercurius 5
peregrinum, falsum, mu-
riaticum in fluxionibus fe-
ri, feminis, salivæ & la-
crymarum adculatur 94
salium proventus in corpore
humano figmentum est 69.
75
eorum acrimonia, efferue-
scencia & rarefactio hæ-
moptyseos causa fingitur
98
salia volatilia in cacochymia
improbantur 76
salinus pauperum victus nihil
ad cacochymiam adferri 75
Saliva a sputo differt 314. 532. 533
eius defectus 215
- - fluxiones a sale peregrino
derivantur 94
eius inspectio a quibusdam
necessaria indicatur 534. 535
eius defectus gustum hebetio-
rem reddit 557

- - adfluxus copiosus in in-
termittentibus 533
Saltandi desiderium insatiabile
274. 547
Sanchez (Franc.) 348
Sanguineum temperamentum ad
plethoram habile est 57
eius morbi peculiares 41
sanguinei ad febres sunt pro-
niores 166
- - ad iram præcipites 167.
- - eorum vrinæ quales 449.
Sanguis 5. 314. 413.
præcipuum virium instru-
mentum 245
vitæ thesaurus & balsamus ab
Helmontianis dicitur 59
ad corruptionem pronus 36
per respirationem intensius
calefit 353
prognosis generalis de illo
415. seqq.
- - de eius fluxibus 418 seqq.
- - specialis in febribus 420
seqq.
- - - in aliis morbis 425
præfagium ex missione illius
431. 432
in vrina 460. 483. 484
eius acrimonia ficta est hæ-
morrhagarum causa 92. 93
eius consistitudo 64. 147
viscidus num sit causa le po-
thymix 257. 258
tardior eius progressus num

INDEX.

fit, causa fluxus menstrui	104	multis ignorantiae asyllum	211
menstruus num reliquo sit de-		<i>Scorbuticorum hæmorrhagie</i>	89.
terior	117		90
eius profusiones num cache-		vnde vulgo deriuntur	94
xiam & hydropem pro-		<i>Scorpius</i>	288
ducant	201. 207	<i>Scybalorum reiectio per œsopha-</i>	
depletiones abundantis san-		gum	308
guinis necessariæ sunt	108	<i>Se- & excretiones</i>	313
eius spuitio	541. 542. 543	in febribus prudenter mode-	
<i>Santacrux</i> (Ant. Ponce)	348	randæ & adiuuandæ sunt	188. 189
<i>Sapor</i> obtusus, deprauatus aut			
plane deficiens	549	<i>Secla</i> methodicorum	4
<i>Satyriasis</i>	136	<i>Sedimentum</i> urinae 456 seqq.	465.
<i>Sauona</i> (Phil.)	324		473
<i>Sauonarola</i> (Io. Mich.)	347	laudabile & optimum	474
<i>Saxonia</i> (Hercules)	ibid.	eius absentia	ibid.
<i>Scabies</i>	194	album & læue	475
frequens nobis est	210	- cretaceum	486
eius signa	196	biliosum	476
- - subiecta	198	crassum	474
- - causæ	203	crimnodeum & diuulsum	475
repulsa conuulsionum causa		cruentum	486
	148	farinaceum	477
<i>Scarificatio</i> plethoram imminuit		flocculentum	466. 474
	63	grumosum	486
<i>Schenck</i> a Graffenberg (Io. Geo.)	324	hordeo tosto simile	477
<i>Schmelz-Fieber</i>	167	lateritium	475
<i>Scorbutus</i>	194	limosum	476
eius signa	196	liuidum	475
- - subiecta	198	multum	477
- - causæ	203	nigrum	475. 476. 486
- - acrimonia vnde genere-		orobeum	486
tur	70	pingue	476
infrequens nobis est	210. 211	purulentum	474
		roseum	ibid.

neque

I N D E X.

neque album neque rubrum		quid valeat in congestionibus	
	486	rheumaticis	127
subrubrum	475	visus in morbis extraordina-	
vrina rubicundius	486	ria	548
spuito simile	476	in febribus vnde	177. 178
tenue in febribus	474	sub morbis	552
<i>Semeiologia</i>	2. 307	<i>Sensus</i> interni & externi	314
in dubium vocatur	311	iis recte valentibus an homo	
difficultatibus premitur	326	mori possit	580
eius limites ampliores	ibid.	internorum abusus	45
- - vsus	317	mutatio internorum quid in-	
imperfectiois causæ	321	dicet	552
<i>Semeiotica</i>	307	externi sunt media ad signa	
scripta veterum & recentio-		morbi dignoscenda	316
rum	321 - 324	internorum & externorum	
<i>Semen</i> in vasis spermaticis ac-		alterationes	544. 548
centum num furoris vteri-		prognosis de internorum al-	
ni causa	272	terationibus generalis	551
eius fluxiones vnde vulgo de-		- - specialis in febribus	561
riuentur	94	- - in aliis morbis	571
in vrina	460	- - de externorum alteratio-	
<i>Senectus</i> sine virium amisione		nibus generalis	557
	262	- - specialis in febribus	564
<i>Senes</i> cur sæpius ægrotent	31	- - in aliis morbis	573
eorum morbi	40	interni a motuum vitalium	
cur hæc ætas motuum aboli-		exacerbationibus multum	
tionem decernat	260	turbantur	551. 552
eorum vrinæ quales	448	internorum alterationes vbi	
mictus cruentus illis lethalis		accidant	545
	116	<i>Septenarii</i> & semiseptenarii	
<i>Senium</i> ex morbo	218		160. 161
<i>Sensibiles</i> ad morbos procliuio-		eorum ordiendi ratio	399. 400
res sunt	32. 34	huius numeri electio	410. 411
fiant leipothymici	218	<i>Sermonis</i> ratio in morbis habenden-	
<i>Sensibilitas</i> quid ad morbos con-		da	561
ferat	46. 47		

I N D E X.

<i>Serpentes</i> in luporum rabido-	in aliis morbis	375
rum renibus reperi 282. 288	cum conuulsione	367
<i>Serum</i> corrumpens 205. 206	<i>Sitis</i> in febribus vnde	176. 177
eius fluxiones vnde vulgo de-	inexhausta	594
riuentur 94	cessans in acutis	ibid.
- - secretio a lymphâ neces-	<i>Soda</i>	220. 231. 232
saria 207	v. ardor ventriculi,	
<i>Setacea</i> non iterata congestiones	<i>Solanum furiosum</i>	289
inuitant 124	<i>Somnambulatio</i>	272. 547
<i>Sexus</i> quid ad morborum fre-	non est pathema naturale	279
quentiam conferat 32. 40	<i>Somnambuli</i> , cur eorum muscoli	
vterque cur abundantia san-	non vero cutis sentiat	280
guinis indigeat 57	<i>Somnia</i> anxia quid indicent	55
<i>Siccitas</i> inter causas morborum	<i>Somnus</i> longior quando saluta-	
est 5	ris 383	
<i>Signa</i> semeiologica 308. 309	nimius plethorum auget	57
eorum causa nondum eruta	- - memoriam debilitat	268
sunt 325	inquietus vnde 55	
- - media, per quæ innotescunt	in febribus 563	
- - fontes 312	in morbi aucti incremento	
- - antiqui Medici studiosi		309
obseruatores fuerunt 606	eius prognosis	553. 554
non sunt infallibilia 327	urinam mutat	450
antecedentia & concomitan-	<i>Sopor</i>	554. 573
tia 315. 316	eius defectus	547
coctionis & cruditatis 310. 403	<i>Soporosa</i> pathemata	237
diagnostica & prognostica	<i>Soporosi</i> morbi	241
318. 319. 325. seq.	eorum causa	255
motus tonici excedentis, de-	<i>Spasmus</i>	133
ficientis, mixti 364	eius signa	141
<i>Silentium</i> in morbis 550. 561	- - subiecta	143
<i>Simenses</i> ex pulsu omnia elicere	- - causa	144
volunt 326	num per conuulsionem ex-	
<i>Singultus</i> 136. 364. 365	primendus	148. 149
in febribus 370	quomodo a conuulsione dif-	
	ferat	139. 140

quo

I N D E X.

quo modo a tensione musculari in statu naturali differat	139	<i>Spirituosus potus</i> tremorem artuum producit	246
proprio cognomine destitutus	ibid.	<i>Spiritus</i> morborum causis adnumerantur	4
<i>Spasmi</i> abdominis	136	mali morborum causa	7
arthritici	137. 138	<i>animales</i> num tympanitidis causa	210
in collo	135	crises efficere debent	400
cynicus	134	ardens copiose ingurgitatus perniciosus	287
fixus Paracelsi	139	- - cachexiam producere potest	200
flatulentus	137	- - s. vini humores lentos reddit & coagulat	67
num flatulentiae unica causa	223	C. C. in febribus adhibitus nocet	201
lentus muscularis & fibrillaris	137. 138	<i>Spissitudo</i> non subnascitur ex acrimonia	68
oesophagi & ventriculi	135	plerumque est mater acrimoniae	70
occipitis	134	humorum quos morbos producat	ibid.
orificio vteri	136	sanguinis	64. 416
repentinus	137	<i>Splenitis</i>	156
anonymi in thorace	135. 138	<i>Spuma</i> urinae	458
vesicae	136	nigra	448
<i>Spastica</i> tensiones in dorso	369	flaua vel viridis	ibid.
<i>Spastico - arthriticae</i> afflictiones	122. 140	fundum petens	ibid.
<i>Spastico-convulsivi</i> motus	140. 149	ex maioribus ampullis	487
<i>Spectrorum</i> visiones memoriam hebetant	268	circa os in strangulatis	602
maniae causa	270	<i>Sputum</i>	314. 532
<i>Sphygmica ars</i> num Hippocrati cognita fuerit	346. 347	differat a salua	532. 533
<i>Spirandi</i> difficultas	360. 361	cruentum unde vulgo deriuetur	94
<i>Spirationes suspiriosae</i> in febribus	359	eius inspectio numquam negligi debet	534
in aliis morbis	361		eius
<i>Spiritus foetidus</i> in acutis	359		
in aliis morbis	361		

I N D E X.

eius differentiae	533	rufum , rubrum	ibid.
- - prognofis generalis	534	sanguineum	537
- - fpecialis in febribus	535	sanguinis recentis concreti,	
- - in aliis morbis	539	fpumantis	539.540.542.543
igniimpoſitum grauem nido-		- - ſæpe ex aliis locis quam	
rem redolens	542	pulmonibus prodire pot-	
eius cruditas & coctio	536	eſt	543
album, æquale, ſine pituita		- - ante aut poſt puris reie-	
	540	ctionem quodnam perni-	
exalbidum	538	cioſius	544
amarum	538	ſalſum , ſalſuginofum	540.
bilioſum	537. 538. 541. 542		541. 542
flauæ bilis	537	fincerum	540
calidum	538. 539	ſpumofum	539
cratium	538. 540	ſubaridum	537. 538
cruentum	541. 542	ſubputridum	542
dulce	541	viſcidum	538. 541
flauum	539. 540. 543	<i>Sputatio</i> crebra	537
foetidum	538. 539. 541	- - hypochondriacorum	540
- - non ſemper de pulmonis		critica rariffima	542
corruptione teſtatur	543	<i>Stagnatio</i> congeſtionis nego-	
frigidum	539	tium non explicat	121
fuliginofum	541	<i>Stagnationes</i> humorum ex con-	
grauæ olens	537. 538. 539. 541	geſtionibus	129
glutinoſum	ibid.	& ſtaſes partium internarum	
inſipidum, ſanguinis expers			122
	540. 543	<i>Stablius</i> quam pathologiam for-	
liuidum	537	mauerit	9. 10
nigricans	542	hitoriae morborum operam	
nigrum	539. 541. 543	dedit	12
pallidum	539	<i>Starrſehen</i> , in febribus	565. 587
paucum	538. 540. 541	<i>Staſis</i> ad congeſtiones explican-	
pituitoſum inſipidum	540	das non quadrat	121
purulentum	538. 540. 541	<i>Status</i> morbi	402
retentio eius in tabidis	540	eſt criſeos perfectæ tempus	395
rotundum	539	<i>Sternutamentum</i>	594. 603
		eſt	

I N D E X.

<i>Strilicidium</i> vrinæ	485	foetidus	445
<i>Strangulati</i>	299	frigidus	369. 444. 445
<i>Stranguria</i>	194	- - in purpura chronica	436
eius signa & subiecta	197. 199	- - in acutis & ardentibus	439. 440
- - causæ	205	- - in syncope	442. 443
<i>Stridor</i> dentium	315	- - in fronte quem morbum	significet 441. 589. 599
<i>Struthius</i> (Ioseph.)	347	hypochondriacorum	largior
<i>Stupiditas</i>	264	quid indicet	442
<i>Stupor</i> s. tactus imminutio a tor-		interfectus ominosus	443. 446
pore differt	549	largus in fronte epileptico-	rum 441
<i>Subiectum</i> morbi	3. 31	- - in febribus	189
<i>Submersi</i> eodem modo extin-		nimius aut suppressus	194
guuntur ac apoplectici	298		197. 205
nonnumquam seruari possent	304	- - sanguinem spissum relin-	quit 67
<i>Submersionis</i> caussa vulgaris & re-		- - eius subiecta	199
centior	296	- - causæ	204
<i>Suctio</i> veterum	218	paralyticorum passius est	443
<i>Sudor</i>	313. 433	Parisinus	434
eius prognos generalis	435	pedum non ad vitia sudoris	referendus 212
seqq.		pinguis	444
- - specialis in febribus	437	sanguineus	80
nulla febris sine sudore defi-		typicus	434
nit	188	<i>Sudores</i> quo modo tractandi	446
eius excretio quando in febr-		<i>Sudorifera</i> plethoricis non con-	ueniunt 60. 61
bus succedat	188. 189	<i>Suffocatio</i> ex quibus causis occa-	sionalibus 255
optimus in febribus	439	eius modus in aqua meris	298
eius prognos specialis in aliis		<i>Sulphur</i> , sal & mercurius	5
morbis	441	<i>Surditas</i> in acutis	508. 557. 565
vniuersalis, eius signa critica	389		
particularis, minus fidus	441. 443		
Anglicanus	158. 408. 434		
colliquatiuus	433. 440		
criticus & symptomaticus	435		

INDEX.

in aliis morbis	515.574	<i>Tarantismus</i>	265. 266
<i>Sylvius</i> Tackenii hyperaspi-		Italiæ quibusdam incolis pro-	
stes	69	prius	281
quam pathologiam agnoue-		eius causæ	274
rit	8	<i>Tarantule</i> aliæ aliis cur mitiores	
<i>Symptoma</i> , eius definitio	24	obseruantur	281
an possit consistere absente		<i>Tartarus</i> causâ omnium morbo-	
morbo	30	rum	6
an sequatur morbum	ibid.	<i>Temperamentum</i> in morbofis	
<i>Symptomata</i> ab ipso morbo dif-		causis attendendum	51
ferunt	2	eius morbi peculiâres	41
in veros morbos abeunt	30	quid ad motus erroneos con-	
symptomatum	29	ferat	150.151
eorum differentia	24	quodnam præcipue febribus	
actiua & passiva	14.15.25.26	subiectum	166
non sunt oppugnanda	326.362	sanguineum ad plethoram ha-	
febrium	174	bile	57
<i>Syncope</i>	237. 243	<i>Temperies</i> humorum	5
eius causæ	256	<i>Tempestatum</i> mutationes	315
feminis familiarior	262	ad apoplexiam occasionem	
<i>Systematis nervosi</i> debilitas	num	dare possunt	261
in convulsionibus infantum		humido-frigida ad rheuma-	
adcusanda	151	tismos & spasmos apta	146
		<i>Tempora</i> adstricta	599
		eorum dolor	558
		<i>Tempus</i> criseos respectu dierum	
		criticorum	395. 398
		<i>Tenesmus</i>	137. 214
		eius causæ	230
		<i>Terrores</i> anxii obliuionem indu-	
		cunt	268
		<i>Tetanus</i>	134
		<i>Theoriæ</i> s. pathologiæ falsæ lu-	
		bricum fundamentum	69
		<i>Thesaurus</i> (Camill.)	347
<i>Tarantella</i> quid sit	549. 567. 574		
	282		

I N D E X.

<i>Thoracis</i> spasmi	135. 138	eorum prognosif 525. lit. Xxx.
<i>Thraſymythia</i>	550	- - antiqui diligentes fuerunt
<i>Tinnitus</i> aurium vnde	55	obſeruatores 528. lit. Xxx.
<i>Tonus</i>	313	palpebrarum 602
ab elatere differt	444	rheumatico - acres 122
alterationum eius prognosif		oedematofi & hydropici vn-
generalis	124. 366	de 209
- - ſpecialis	367. ſeqq.	glandularum dolentes 570
<i>Torinus</i> (Albanus)	324	<i>Tuffis</i> 122
<i>Tormina</i> in febribus	569	hæmoptica 84
<i>Torpor</i>	364. 365. 366	non eſt cauſſa hæmopticoſ
et tremor in febribus	371	111
<i>Tracheæ</i> contractio in fulmine		humida 122. 206
tactis & aqua ſubmerſis 295.		- - infantum quo modo con-
296. 297. 298		uulſiones inducat 148
<i>Trallianus</i> (Alex)	323	valida 535
<i>Tranquillitas</i> ægrorum	552	<i>Tympanites</i> 194
<i>Translatio</i>	382	num ad hydropis ſpecies per-
<i>Transudatio</i> in hæmorrhagiis		tineat 209
pro cauſſa habetur	95. 96	minus congrue ad ſpafmos re-
<i>Tremor</i>	364. 367	fertur 137
in febribus	371	eius ſigna 196
In aliis morbis	376	<i>Typhonia</i> ſ. <i>typhomania</i> 242. 547
artuum	236	<i>Typus</i> febris 161
- - quo modo a defectu vi-		
rium differat	238	
- - eius cauſſæ	246	
- - actiuus & paſſiuus	246	
- - ſubinde in paralyſin dege-		
nerat	237	
- ex fulminis tactu	294	
- pertinax malum	259	
<i>Trichiaſis</i>	450. 459	
<i>Trismus</i>	138	
<i>Triflitia</i> vrinam alterat	450	
<i>Tumores</i>	123	

V.

<i>Valetudinarij</i> morbos facilius ſu-	
perant quam alij	34
<i>Valla</i> (Geo.)	347
<i>Valleſius</i> (Franc.)	ibid.
<i>Valuule</i> in vena porta abſunt	113
<i>Vapor</i> calidus cutis in febribus	504
<i>Vapori vitriolato</i> neruorum rela-	
xatio adſcribitur	249
O o o o 3	Va-

I N D E X.

<i>Varices</i> manantes	82.88.118.119	<i>Veneficii</i> suspicio ex rebus per-	
eorum subiecta	91	egrinis in abscessibus repertis	
- - causæ	106		531
<i>Variole</i>	157	<i>Venenum</i>	286
earum materia	168	bonum & malum	287
- - num a natiuitate in cor-		eorum differentia	287
pore deliteſcat	284.285	absoluta & respectiua	302
impetuosos motus non per-		ex animali regno penetrantif-	
ferunt	341	ſima & contagioſa ſunt	301
<i>Vasorum</i> obſtructio pro hæmor-		eorum noxa ratione modi o-	
rhagiarum cauſa venditatur	94.95	perandi & adminiſtratio-	
lymphaticorum diſruptio di-		nis	288
ficilis eſt	208.209	edendi adſuetudo innoxia	302
<i>Vegetabilia</i> quæ ſanguinem me-		temporaria venena	289
lancholicum generare cre-		adſumta venena	44
duntur	269	<i>Veneris abuſus</i> memoriam hebe-	
<i>Vena portæ</i> valvulis caret	113	tat	268
venarum obſtructio in hæ-		maniæ cauſa	269
morrhagiis adlegari non		<i>Ventris</i> dolor	575
potest	95	<i>Ventriculi</i> ardor	214
<i>Venæ circa frontem</i> ſi mouentur	595. 599	inflammatio	215
<i>Venæ ſectio</i> plethoram imminuit	63	ſpasmus	135
eius conſuetudo apud anti-		moleſta repletio in morbis	578
quos	431	hernia	234
- apud nos	432	oris dolor	559
eius <i>ſynapia</i> obſeruanda,		<i>Venularum</i> apertio num hæ-	
præcipue in febribus	363	morrhagiarum cauſa	91. 92
neglecta congeſtiones inuitat	124	<i>Vermes</i>	214. 314
intermiſſa maniæ cauſa	268	eorum ſigna	215
in repentinis ad caput con-		- ſubiecta	217
geſtionibus commendatur	581	- cauſæ	224
		- prouentus dubiis ſubiacer	233
			mor-

INDEX.

morborum causſæ præterna- turales	43	ægri vires ex vigore pulſus iudicare licet	338
conuulſionum cauſſa	148	naturæ humanæ cognoscen- dæ ſunt	312
ſaltationis cauſſa	274	earum deiectio in febribus	237
in morbis periculofis	518.	- poſt morbos facile curari poteſt	259
per os aut nares prodeuntes	519	earum defectus in morbis a- cutis	244
in vrina	461. 488	- in malignis	238
in cerebro canis rabidi	282	- in morbis chronicis	245
<i>Vertigo</i>	121	<i>Virilis ætatis morbi</i>	40
<i>Vericis</i> dolor	558	<i>Viſcerum læſiones</i> febres non perferunt	184
<i>Veficæ</i> intercepta	485. 577	melancholiæ & maniæ cauſſa	269
<i>Veficæ</i> ſpasmus	136	chronicæ vnde oriantur	71
dolor	577	vitium ex faciei decoloratio- ne cognoscendum	596.
<i>Veficatoria</i> omiſſa congeſtiones inuitant	124		597
<i>Vetula</i> menſtruatæ	118	vitium quando in hydropo præcedat	208
<i>Viciuſ</i> parcior plethoram immi- nuit	61	dolor in febribus	570
ſalinuſ pauperum nihil ad cacohymiam adfert	75	<i>Viſcida materia</i> num ſit cauſſa apoplexiæ	253
<i>Vigiliæ</i> in febribus vnde	177	<i>Viſuſ</i> ſigna morbi Medico ſup- peditat	316
febrium cauſſis adnumeran- tur	173	obnubilatio vnde	55
vrinam mutant	450	quas læſiones patiatuſ	548
<i>Vincula</i> delirantes furioſiores reddunt	278. 279	abolitio	600
<i>Violentia</i> externa rheumatismo occaſionem præbet	127	hebetudo in febribus	565.
<i>Vipera</i>	281. 288		567
<i>Vires</i> , quid per illas intelliga- muſ	244	res geminas videns	574
amiſſæ & omiſſæ	238. 244	<i>Vita otioſa</i> plethoram auget	57.
omiſſio illarum nihil boni promittit	377. 378		58. 62
		eiuſ	

INDEX.

eius confectaria	75	- causæ	226
quomodo febrim concitare		eius prognosis generalis	500.
possit	173		seqq.
<i>Vite genus</i> ad peculiare mor-		- - specialis in febribus	504
bos disponit	32	- - in aliis morbis	511
eius mutatio periculosa	56.	quo tempore ciendus	500
	62	post cibi fastidium, sine fe-	
<i>Viti sancti chorea</i> unde nomen		bre, num necessarius	501
habeat	280. 281	post medicamenta lethalia	
<i>Viria crime</i> num ad spasmos re-			512
ferenda	212	in quo peculiaris materia sine	
<i>Vitium</i> sensu physico differt a		cibis rejicitur	235
morbo	3	post capitis fracturas	512
organorum in hydrope fre-		in angustia pectoris	512
quens	208	in quotidiana & tertiana	505
<i>Vitrum</i> adsumtum veneni instar		a nuda imaginatione	227
nocet	287	æruinosus	505
antimonii	288	<i>aqueosus</i>	234
<i>Ulcera</i> chilonia & thelephia	78	artificialis	498
<i>Ulcerosæ</i> manationes	123	<i>biliosus</i>	498
expulsiones spontaneæ num		<i>criticus</i>	390. 498
cacochymix producta	74.	<i>cruentus</i> rarior est	112
	77	eius signa	84. 85
<i>Umbilici</i> dolor	569. 576	- subiecta	89
<i>Ungues</i> liuescentes in febribus		- causæ	99. 100
	594	in viris periculosior quam	
<i>Volatilium</i> in febribus abusus		in feminis	112
quid noceat	201	<i>fastidiosus</i>	504
<i>Vollblütige Leute</i> werden am hef-		<i>lividus</i>	500
tigsten angegriffen	60	<i>niger</i> in febribus	500. 505
<i>Voluntatis</i> morbi	264	- in aliis morbis	511
<i>Vomica</i>	122	<i>nimius</i>	497. 498
<i>Vomitus</i>	214. 497	<i>ruber</i>	500
<i>Vomitio</i> & <i>Vomituratio</i> num &		<i>sanguineus</i>	498
quomodo differant	497	<i>sincerus</i>	500. 501
eius subiecta	217		

Spon-

I N D E X.

<i>spontaneus</i>	498	potus & sanguinis	451
<i>symptomaticus</i>	498	potui non semper respondet	462
<i>vacuus</i>	497. 498	quatuor temporum anni qua-	463
<i>viridis</i>	500	lis	456
<i>virulentus</i>	505	eius contenta	466
<i>Voracitas</i>	218	- arenulæ	458
pueris nocet	38	- bullæ	ibid.
juniorum in morbis	578	- cuticula	457. 475
<i>Vox</i> , eius mutatio vnde	38	- nubecula	464. 465
clangosa in febribus	504	- odor	458
eius læsiones	550	- pinguedo supra natans	456. seqq. 465.
acuta in febribus	571	- sedimentum	466. 473. seqq.
- in aliis morbis	578	- spuma	458. 477
- & stridula	561	gravidarum	466
- & ferox responsio	551	hecticorum	471
confracta	578	mulierum crassa	480
debilis & demissa	586	eius color in purpura	470
stridula	591	eius incontinentia	204
<i>Vrina</i>	447	- vitia quæ ad lunæ phases	212
eius signa	314	vel inualescunt, vel immi-	212
- prognos. generalis	461. seqq.	nuuntur	212
- - specialis in febribus	466. seqq.	eius excretio quando in fe-	188. 189
- - in aliis morbis	478	bribus succedat	122. 189
sola nihil certi præfagit	462. 488. 489	- largior eruptio	467
an pulsus certius porrigat	461	- mutatio in epidemicis	471
prognosticon	461	- mutatio iterata in malignis	453.
de læsione partium aliquid	ibid.	<i>alba</i> albicans & aquosa	469. 471. 481. 485
præfagire potest	455	subiugalis	476
audibilis & gustatilis	473	<i>aquea</i>	453. 478. 479
optima & pessima in febr-	448. 449	<i>aurantii coloris</i>	464. 482. 483
bis		<i>biliosa</i>	475
sanorum, eius mutatio vnde		<i>cerevisiaria</i>	454. 484
		<i>Pppp</i>	<i>citrina</i>

INDEX.

<i>citrina</i>	453. 481. 482	<i>multa, largior copiosa in fe-</i>	
<i>in febribus</i>	469. 470	<i>bribus</i>	464. 473. 485
<i>cineritia</i>	484	<i>multicolor</i>	488
<i>clara in febribus</i>	468	<i>nigra</i>	454. 484. 488
<i>copiosa in febribus</i>	473	<i>in acutis</i>	472
<i>crassa</i>	451. 468. 472. 479. 480.	<i>ochrei coloris in febribus</i>	479
	481. 486	<i>oleosa</i>	452
<i>critica</i>	391	<i>opaca & crassa frequentior</i>	451
<i>crocea</i>	471. 472. 483	<i>pallida</i>	471. 481
<i>cruda</i>	476	<i>cum & sine spuma</i>	480
<i>cruenta</i>	476. 483. 484	<i>pauca in febribus</i>	464. 472.
<i>in variolis & morbillis</i>	472		484
<i>denigrata</i>	472	<i>pellucida in febribus</i>	469
<i>intulente discolor</i>	484	<i>crassa & pellucida, rara est</i>	451
<i>flava</i>	453		465
<i>florida, subrosea in febribus</i>	470	<i>pinguis</i>	488
	472	<i>ponderosior</i>	ibid.
<i>flocculenta</i>	472	<i>putrida</i>	454. 471
<i>foetida in acutis & intermit-</i>		<i>rosea</i>	472
<i>tentibus</i>	ibid.	<i>rubicunda</i>	454. 471. 483
<i>fulva in acutis</i>	471	<i>rubra</i>	f. <i>cruenta in variolis &</i>
<i>fusca</i>	453. 484		<i>morbillis</i>
<i>grumosa in febribus</i>	472		<i>tenuis & rubra</i>
<i>intercepta</i>	485		<i>faturo rubra & ad nigredi-</i>
<i>iumentorum</i> f. <i>subiugalis</i>	452.		<i>nem vergens</i>
	468. 469. 476		<i>rufa in febribus</i>
<i>lactea</i>	453		<i>rutilans in febribus</i>
<i>largior, copiosa & multa in</i>			454. 470
<i>febribus</i>	473		483. 484
<i>lateritia</i>	471. 480	<i>fabulosa</i>	486
<i>livida</i>	484	<i>subcruenta & ichorosa materia</i>	
<i>liviuisa</i>	489	<i>permixta</i>	87
<i>lutulenta</i>	480. 484	<i>subdulcis</i>	485
<i>materia spiffiore referta</i>	486	<i>subiugalis seu iumentorum</i>	452. 476
<i>membranosa</i>	476		
<i>mucosa</i>	485		

I N D E X.

- in febribus	468. 469
<i>subrosea</i> in febribus	470
cui <i>sublime</i> quid innatat	487
<i>subrubra</i> in febribus	470. 574
<i>spumosa</i> in febribus	477. 487
<i>stillatim effluens</i>	485
<i>tenuis</i> , aquosa & cruda	478. 479
in febribus	466. 467. 468
in vitiis urinæ	479
& rubra	470.
& opaca pessima	451
<i>turbida</i>	452. 484
in febribus	469
& pallida	480
<i>viridis</i>	472
interdum in sanis morbidam	adparet 490
sana in malignis pessima	489
in periculosis morbis sæpe fallit	489
cholericæ fallaciam febris ardentis edere potest	488
masculi a feminarum lotio num discerni queat	488
ex adsumentis malam qualitatem accipere potest	488
eius color, odor & sapor ab vrologis observatur	494

<i>Vrologia</i>	494
<i>Vromantia</i>	494
num utilis & necessaria	490. 491
eius fallacia quid detrimenti rei medicæ adferat	489
superstitiosa Paracelsistarum	493
<i>Vromantia</i> plebei	490. 491
mira interdum dicunt	492. 493
<i>Vroscopia</i>	494
medica cum vromantia non est confundenda	492. 493
eius usus & necessitas	ibid.
- - abusus	490
- - ambiguitas	488. 489. 491. 492
<i>Vroscopi</i> quibus artificii utantur	494. 495
<i>Vulnera</i> crani & alia convulsionibus ansam dant	148
<i>Vultus</i> quomodo a facie differat	582
austerus, morosus, tetricus, decolor	599
eius variatio in morbis	596
<i>Vteri</i> consensus cum hypochondriis & primis viis	117
hæmorrhagia	88
W.	
<i>Willisi</i> systema medicinæ	8. 9
<i>Wirdigius</i> pathologiæ falsæ defensor	7
<i>Wolfius</i> (Io.)	324
Y.	
<i>Yucca</i>	289
Z.	
<i>Zecchi</i> (Io.)	348.



CORRIGENDA.

Pag. 7. lin. vlt. leg. falsæ.

- 16. - 20. - humorum.
- 35. - 3. - bubulcos.
- 37. - 23. - manationes.
- ibid. - 27. - testantur.
- 54. - penult. - infestatione.
- 55. - 26. - ingrauescens.
- 65. - 9. - angustationis.
- 77. - 5. - desidiam.
- 79. - 27. - obseruationum.
- 80. - penult. - ætate.
- 96. - 28. - conuellendis.
- 97. - 26. - moderatur.
- 102. - 4. - quidem.
- 109. - 8. - remittimus.
- ibid. - 24. - commotionibus.
- 134. - antepen. l. musculis.
- 136. - 24. - tenuior.
- 139. - 22. - pudendagra.
- 142. - 2. - oscitatio.
- 151. - 24. - ordinarias.
- 158. - 18. - benignæ.
- 199. - 4. - gonorrhœæ.
- ibid. - 24. - efficaciam.
- 200. - 32. - incongrua.
- 201. - 17. - reparatio.
- 204. - 2. - scorbuto.
- ibid. - 17. - gonorrhœæ.
- 207. - 14. - cachexiæ.
- 208. - 20. - grumoso.
- 209. - 5. - diuturnior.
- ibid. - 16. - fuccrescentis.
- 217. - 6. - optime.
- 223. - 2. - soluti adcusantur.
- 250. - 16. - interceptio.
- 255. - 18. - causæ.
- ibid. - 19. - causa.
- 256. - 14. - purulenta.
- 260. - 5. - Uy.

Pag. 260. lin. 15. - deleatur et,

- 274. - 17. - quas.
- ibid. - 22. - testis.
- 278. - 6-7. - imaginationis.
- 279. - 29. - auderent.
- 282. - 18. - simplicis.
- 286. - 24.25. - fontica & irrepara-
rabilis.
- 290. - 19. - melancholiam.
- 303. - vlt. - terebrans.
- 310. - 29. - fynedreuonta.
- 314. - 26. - alterutro.
- 319. - 24. - ominosis.
- 336. - 1. - decurtatus.
- ibid. - 27. - gerit.
- 360. - 28. - hydropis.
- 365. - 12. - spasmodicam.
- 377. - 23. - criticus.
- 884. - 6. - noxiorum.
- 386. - 10. - vigiliæ.
- 393. - 18. - glandulosus.
- 400. - antepen. - irriti.
- 412. - 19. - alexipharmaca.
- 413. - 15. - lymphæ.
- 432. - 1. - vertere.
- 433. - 13. - preseruans.
- 453. - 17. - cineritia.
- 467. - 11. - dynamid.
- ibid. - 16. - pleuritidem.
- 469. - 4. - imminet.
- 492. - 16. - Et.
- 496. - 3. - hypostasin.
- 501. - 20. - multam.
- 502. - 7. - excernere.
- 509. - 26. - iactatione.
- 525. lit. Xxx. l. 31. l. viceribus.
- ibid. custos corrigendus.
- 541. - 23. - sanguinem.
- 551. - 12. - nervosorum.



